



4. 4. 389

Law 3:

4. 4. 389

Nobilissimo atque eruditiss.
viro,

D. Antonio Magliabecchio,
Ser.^{mi} Magni Aethrusiae Ducis
Consiliario & Bibliothecario
meritissimo,
ac Polyhistori celeberrimo,

cum omnigenae felicitatis voto
librum hunc dat. donatque.
Editor.

VIA

AD PACEM ECCLESIASTICAM

Seu

GVLIELMI FORBESII

*Considerationes Controversiarum
pontificiarum principalium:*

Et

NICOLAI A ZIZWIZ

*Compendium Regulae fidei ca-
tholicae Veronianaë.*

Editio nova, prioribus multo
emendatio,



HELMSTADII

Typis Henrici Hessii,

A. C. MDCCIV.

Prostat Lipsiæ apud Joh. Frid. Gleditsch.

... 27 ... 1900 ...

... 1900 ... 1901 ...

... 1901 ... 1902 ...

... 1902 ... 1903 ...

... 1903 ... 1904 ...

... 1904 ... 1905 ...

... 1905 ... 1906 ...

... 1906 ... 1907 ...

... 1907 ... 1908 ...

... 1908 ... 1909 ...

... 1909 ... 1910 ...

... 1910 ... 1911 ...

CONSIDERATIONES

modestae & pacificae

Controversiarum

De

*Justificatione, Purgatorio, Invoca-
tione sanctorum, Christo mediatore,
& Eucharistia*

Per

GVLIELMVM FORBESIVM

S. Theol. D. & Episcopum Eden-
burgensem primum.*Opus posthumum, diu desideratum.*

Secundum exemplar Londinense
anni 1658.

Reuerendiss. & magnifici viri

BENIAMINIS VRSINI

S.Reg. in Borussia Majest. Concionatoris
aulici primarii, Consilarii ecclesiastici, & Eccle-
siarum reformatarum, quae sub sceptro prae-
dictae Majestatis florent, vivunt & vigent,

Episcopi primi

Summae eruditioni ac moderationi,

Primi apud Edenb. Episcopi librum hunc
eruditissimum ac moderatissimum

reuerenter consecrat,

atque sic florentissimae Ecclesiae Anglicanae,
cum qua Brandenburgicae suavem ha-
bent contefferationem,

grato animo quasi reddit

novae hujus editionis curator,

Forbesiani pariter atque Vrsiniani

nominis ac meritorum

cultor & aestimator perpetuus.



PRAEFATIO

ad Lectorem.

Vlam pacis ecclesiasticae non ego heic sterno, utpote alienus ab illis negotiis, quae ad me non pertinent, sed aliquo modo ab aliis calcatam commonstro duntaxat, in quantum hoc est theologiae doctoris officium: omnino enim persuasus sum, ratione muneris obligatum me esse ad indicandum, quatenam genuinae sint eorum, qui pro dissentientibus habentur, sententiae, ne *quid alieni* forte iis tribuatur, neve confundatur *doctrina ecclesiae* alicujus cum particularium placitis doctorum, & *credenda* seu articuli fidei cum quaestionibus problematicis: nam quod Bellarminus, Becanus & alii magistri romano-catholici docent, immo & Scholastici quidam (simile iudicium fiat quoque de Zvinglio, Calvino, Beza, & ecclesiis reformatis)

PRAEFATIO.

olim docuerunt, id non statim est dogma ecclesiae romanae, & ab omnibus in illa, qui salvari cupiunt, tenendum atque credendum. Neque etiam *ex censuris & approbationibus librorum* concludendum est, omne id, quod illi proponunt, esse de fide; etenim censurae & approbationes illae nihil aliud inferunt atque indicant, quam scripta non continere quidquam, quod sit contra fidem illius, in qua eduntur, ecclesiae, aut contra morum honestatem; quum interim exhibere possint varia, de quibus ultro citraque disputatur, ita ut tibi liceat abire sive in hanc, sive in illam sententiam. Jam vero ad discrimen hoc faciendum, & recte accurateque cognoscendum statum controversiae, utiles esse possunt praesentes bini tractatus: nam FORBESIVS, praeterquam quod prudentem & gravem agit disputatorem, fideliter atque ingenuè ostendere solet, quatenam sit mens adversariorum in capitibus controversis, nec religio ipsi est, virtutem vel in hoste laudare, & subinde etiam suorum naevos aperire & confiteri: quin & moderate iudicat de momento controversiarum, atque

PRAEFATIO.

atque in illis, si non tollendis, certe minuendis sollicitam ponit curam operamque. Vt non facile reperiās alium ei in his partibus comparandum, praeferendum forte neminem. Illustrius vero maximeque venerabilis Abbas A ZIZWIZ, alterius collector libelli, sicut est egregiae eruditionis, piae prudentiae & candidissimi pacisque amantissimi pectoris, ita ex Regula fidei Veroniana Compendium istud concinnavit in gratiam eorum, qui discrimen inter credenda & quaestiones scholasticas ignorant, aut non satis recte tenent, ut hac ratione ostenderet, in multis vanas & inanes disputationum pugnas fieri, cum circa illa alterutram tuto liceat sequi partem vel sententiam. Nullum igitur est dubium, quin ex utroque libro insignem fructum capturus sit, quicumque attente & absque praeiudicio, atque in caritate, eos legerit relegeritque. Neque habes profecto, quod obiicias, *non convenire, ut eorum scripta denuo in lucem proferantur, qui in religionis capitibus a nobis dissentiant.* Quid enim? an solide & accurate tractari possunt controversiae absque

PRAEFATIO.

adversariorum libris, nec recudendi sunt illi, quorum exemplaria distracta sunt, nova autem a multis iudicio non destitutis desiderantur? ecquis melius testari potest de articulis fidei seu credendis alterius ecclesiae, quam qui eius est socius, & probe quidem eruditus, atque a suis probatus? immo an nescis, multos esse viros praeclaros, & quosdam etiam ex beatis antecessoribus nostris, qui hac in re suo nobis, eoque laudabili, praeiverunt exemplo? Huc accedit, quod ambo venerandi Praesules, Musas olim in alma hac Julia coluerint, & constanti eam, tanquam piam studiorum suorum matrem, affectu & amore semper prosecuti fuerint, & alter, qui adhuc (atque utinam diu) in vivis est, in hunc usque diem prosequatur. An ergo indecens sit, bonorum & fidelium, atque ad amplissimas dignitates suis virtutibus meritisque evectorum civium lucubrationes, & quidem tam insignes, tam utiles, (quamvis non omnia in illis probari posse videantur) ab interitu vindicare, iisque quasi vitam & spiritum restituere, & salvo religionum discrimine, pietatem

PRAEFATIO.

tem pietate excipere? Sed ut orationem de nobili Scriptorum nostrorum pariam persequamur, sane fatendum est, sicut nova Compendii Veroniani editio parum, aut nihil negotii mihi faceffivit, ita multum operae & laboris me oportuisse ponere in tollendis plurimis & gravissimis *mendis*, quae in posthumum magni Forbesii librum, cum in citatis SS. literarum, patrumque ecclesiae & aliorum auctorum dictis, tum in locutionibus graecis & propriis scriptorum nominibus, itemque in numeris capitulum, versiculorum, & paginarum; atque alibi etiam irrepsent, adeo, ut hanc editionem cum priore conferens, facile deprehensus sit, longe meliorem & quasi novam ac plane aliam ejus esse faciem & conditionem. Caeterum ne novi *paginarum numeri*, ut fieri solet, negotium & fastidium lectori crearent, veteris editionis numeros tam in textu, quam in fronte sive titulis foliorum exprimere & retinere volui. Aliquibus etiam in locis, in gratiam studiosae iuventutis aliorumque, qui in secundis tertiisque consistunt, subiunxi *Anno-*

PRAEFATIO.

tatiunculas, (quales etiam in altero reperiuntur libro) & sub finem voluminis addidi *Indices* tres , capitum videlicet, auctorum , & dictorum scripturae sacrae. Hoc igitur utriusque scripti operis pro lubitu utere jam ac fruiere, benevole Lector, & studiis sacris non tantum favere perge, sed & laetam felicitatem uberrimamque Dei benedictionem iisdem comprecare.

IOH. FABRICIVS, S. theol. D.

eiusque in Acad. Julia Prof. primarius, Abbas Regiae Litterarum,
& Sereniss. Ducum Brunsvic.
ac Luneb. Consil. eccles.

Sequi-



Sequitur praefatio prioris editionis.

Erudito & candido
LECTORI.

Prodit tandem opus, quod a morte auctoris, totos viginti, & quod excurrit, annos latuit. Fuit auctor, quod omnes norunt, qui ipsum norant, doctrina & pietate insignis, ac Carolo I. Britanniarum Regi tam carus, ut illum, nullo commendante, sed proprio, ut loquuntur, motu seligeret, qui primus fungeretur episcopatu edenburgensi; quem ipse, ut perenne apud Scotos pietatis suae monumentum extaret, erexit, & honore omnibus aliis illius ecclesiae episcopatibus praeire voluit. Functus est presbyteratus munere in ecclesia scotica viginti quatuor, praeter propter, annos, idque variis in locis, aliquamdiu Edenburgi, Scotiae urbe primaria; sed diutius multo
Aberdo-

Praefatio prioris editionis.

Aberdoniae, urbe natali, (ibi enim ex honestissima familia oriundus erat) utrobique cum summa laude, amore & honore omnium: furiosos modo zelotas excipias, inter quos & ipsum mutua semper flagrabant odia, in illis iniquissima, sed in ipso sanctissima, idque propter eorum hypocrisin in religione, & incendia perpetua ab ipsis in ecclesia suscitata. Scripsit haec, quae nunc publici juris sunt, dum presbyter esset; nam episcopatum, probo dolor, immatura mors (vix enim quinquagesimum attigit annum) & ecclesiae multum lugenda, delibare tantum sivit. Et cum per defectum virium ex immodicis studiis contractum, mortem non longe abesse praesentiret, legavit illa amico fidissimo, qui ea, tanquam καμήλιον, summa cura custodiens, circumspiciebat semper, si quae se offerret edendi occasio; quam tamen nunquam, ob tristissima, quae inciderunt, tempora, huc usque nactus est. Fides summa in edendo praestita est, & qui edit, exemplaria secutus est partim ipsius manuscripta, partim amanuensi ab ipso dictata. Scopus auctoris & editoris unus plane

Praefatio prioris editionis.

plane est & idem, nempe ut primo veritas in bodiernis controversiis, de quibus hic agitur, (utinam & in aliis, vita suppetente, idem fecisset!) viris doctis & praejudicio liberis clarius patefiat; deinde ut via hinc ad reconciliandos Christianos facilius se aperiat. Hujus reconciliationis studium absque veritatis necessariae dispendio, & in auctore, dum viveret, summum semper fuit, & adhuc in editore constanter perstat, qui eam adeo necessariam existimat, ut schismata in ecclesiis, bella in regnis, una cum rebellionibus in Principes, quae passim jam cernere est, quaeque interim omnia à vera pietate longissime absunt, nunquam cessatura putet, donec unio illa effectum sortiatur; quoniam nunquam minor ejusdem conficiendae spes fuerat. Sed, quando spes minima est, vota, ut dictum est olim, solent esse maxima; ad quae concipienda, ut & studia eidem procurandae conferenda, non opus est, ut multum invitentur, quicumque Deum vere colunt, & Christum sincere profitentur. Liceat hic obiter justum dolorem testari, quod ita regnent odia reciproca, quae vel ex religione,

Praefatio prioris editionis.

gione, simulata saltem, vel ex zelo,
 ὅ καὶ ἐπιγινώσκον, sunt concepta, ut,
 nisi Deus se quasi monstret ex machina,
 omnia, quae faciunt pro christiana hac
 pace obtinenda, incassum suscipi videan-
 tur. Heu quam deploranda sunt multo-
 rum nimis, ex utraque parte, Protestan-
 tium scilicet & Romanensium, non tan-
 tum iudicia, sed & voces ac verba, non
 solum libris inserta, sed & auribus meis
 millies audita, quibus in hanc pacem, ut
 pietati perniciosissimam, palam invehun-
 tur, omnesque, qui ei favent, non leviter
 detestantur! Tam verum etiamnum est
 illud Thucydidis, τὰ ἐν μέσῳ ἀμφοτέρωθεν
 κρείσσειν &c. Hi sibi soli aeternam salutem
 vindicant, & alios quosvis, quibuscum
 sibi in minimis non convenit, eadem ex-
 cludunt; cum tamen, si aequiore res ve-
 lint trutina ponderare, comperturi sint,
 neutra parte salutem exulare, modo utro-
 bique iis, quae credere se profitentur, (ea
 autem sunt, ex saniorum iudicio, omnia
 ad salutem necessaria) pia vita adjunga-
 tur. Sed disputare malumus, ut scribe-
 bat non ita pridem Isaacus Casaubonus,
 vir optimus & eruditissimus, quam pie
 vivere;

Praefatio prioris editionis.

vivere; cum tamen ab auctore hujus operis non semel auditum sit, (quod illi, Christianorum concordiam ardentissime exoptanti, in ore erat frequentissime) pauca esse credenda, multa agenda: intelligebat, autem per pauca, ad salutem, ut paullo ante dictum, absolute necessaria. Optandum certe est, ut crescant agendorum studia, (ἀγαθὴ δ' ἔσται ἡδὲ βροτωτέρῃ) & minuantur in credendis jurgia. Quod si fieret, non omnis spes decollaret hujus tanti beneficii adipiscendi, cum sanctissimo Deo nihil magis sit cordi hac concordia. Quae autem pro pace hac christiana haecenus dicta sunt, non eo trahi velim, ut inde arripiatur occasio deserendi ecclesias, quas reformatas vocant, praesertim britannicas, (anglicanam intelligo, omnium reformatarum reformatissimam, earundemque gloriam, ad effigiem nempe primae suae reformationis effectam, & usque ad nuperas turbas omnia pessundantes, & παλαιδεύειας secum ferentes, florentem, una cum scotica, prout anglicanae conformari cæpit: utinam peccata nostra & diaboli νοήματα sic pergere non impediissent! quamvis

utra-

Praefatio prioris editionis.

utraque nunc gravi afflictionum pondere prematur ; sed non omnium dierum soles occiderunt) & transeundi ad romanam, quod a quibusdam fieri invitum & mœrens audio ; absit : nec ulla suadet ratio, ut a magis sana parte ecclesiae decedatur, communioque externa colatur cum alia, quae minus sana est, & crassis ac domo Dei eliminandis erroribus polluta. Nunquam sane hoc intenderunt aut intendunt, qui ad veram & christianam hanc reconciliationem anhelant. Quid ? quod transitus in romana castra non sine reatu peccatorum & subscriptione errorum, quibus viri docti reluctante conscientia non facile consentient, vulgo conceditur. Sed quamvis ullos sic resilire & deficere non amem, nunquam tamen legitimam reconciliationem non amabo : ad quam promovendam nihil plus conducere autumo, quam quae (si modo ea sequi velimus) scripsit apostolus ad Philip. 3. 15. Ὅσοι ἐν τέλει, τὸ το φρονῶμεν ἔν τῃ ἐτέρῳ φρονεῖν, ἔν τῷ το ὁ Θεὸς ὑμῖν ἀποκαλύψει. Nempe in quibus veritatem attigimus, in iis perseveremus ; in quibus autem ipsi erramus, aut alii pleniorē a Deo habent re-
vela-

Praefatio prioris editionis.

velationem, mutuam interea caritatem
 colentes, expectemus, donec omnes
 εἰς αὐτὴν τέλειον evadamus, & εἰς πλήρωμα
 τοῦ Χριστοῦ coalescamus, Ephes. 4. 13. Τένοιτο,
 Domine, γένοιτο! Caeterum quam pie, li-
 bere, & prudenter scribat auctor, quam
 ingenue veritati litet, eam, ubicunque cer-
 nit, neutri parti addictus, amplectendo
 & defendendo, & de erroribus eos, quos
 in alterutra parte errare putat, commo-
 nefaciendo & redarguendo, quamque
 firmis argumentis vera astruat, & falsa
 destruat, penes te, erudite lector, judici-
 um esto. Stylum forte invenies non adeo
 politum & floridum, latinum tamen satis,
 ni fallor, & controversiis aptum, quia
 facilem & planum; spero denique, si
 mentis aciem intenderis, te facturum o-
 perae precium non pœnitendum. Super-
 sunt duo, quae paucis attingam. Primum,
 quod inter alia perspicuum fiet vel ex hoc
 opere, quam insignem injuriam a multis
 passus sit reverendus auctor, qui eum ca-
 tholico-romanum (quae fuit putida Ca-
 tharorum calumnia) praedicârunt: nam
 praeterquam quod in communione eccle-
 siarum reformatarum & vixerit & mor-
 b
 tuus

Praefatio prioris editionis.

tus sit, & publicis sacrosanctis muneribus in illis functus sit, clare hic leges, errores non paucos romanae ecclesiae, aut plerorumque in illa, de purgatorio, invocatione sanctorum, transubstantiatione, & alios, quando occurrunt, notatos, & perstrictos, idque aliquando cum satis magna nec sine ratione vehementia; quibus & ipsi Concilio tridentino, quod jam omnibus illius partis instar palladii est, alicubi non pepercisse videbis. Secundum est, de quo monendus es, quod non licuerit editori, prout volebat, testimonia scripturae ab auctore laudata, & alia, num vero consonent, examinare; ausim tamen spondere, modo detur venia leviusculis erratis circa capita, versiculos, vel folia editionum, ubi horum fit mentio, quae in nullo non inveniuntur opere, & quorum exacta cura superat fere humanam diligentiam, te posse multum fidere tam eruditioni, quam sedulitati auctoris; quippe qui erat incredibilis lectionis, nec solebat alienis oculis niti. Nefas etiam fuit ejus pietati, quicquam proferre, de quo sibi non bene constaret. Ut tamen omnis tibi scrupulus eximatur, si vacat, & librorum tibi copiam sit, non male feceris, si ipsemet hanc operam navas.

T. G.

ELEN.

ELENCHVS VITAE

hujus auctoris.



Guilielmus Forbesius, S. theol. doctor, episcopus primus edenburgensis, parentibus honestis fuit editus, patre *Thoma Forbesio*, cive aberdoniensi, modestia & morum probitate nullis non probato, & genere natalitio ex illustri Forbesiorum familia, melioris notae civibus consociato & conjuncto, & matre *Faneta Cargilla*, sorore germana Jacobi Cargilli, aberdoniensis medicinae doctoris celeberrimi: unde viget adhuc, semperque vigebit grata parentum Forbesii memoria, & vitae ipsorum innocentia testata, at majore prolis virtute condecorata.

Natus est *Aberdoniae*, quae civitas est in septentrionali Scotiae plaga sita, almae academiae, & dignitatis episcopalis sedes eximia, quae olim *Athenae caledoniae*, & studiorum generalium gloria nuncupabatur. Hic natus, hic edoctus & educatus Forbesius, hic virtutis semina jecit, quae progressu temporis in gloriosam messem evaserunt.

Duodecimum vix egressus annum, cum primum in schola grammaticae, linguae latinae & graecae magnam sibi notitiam comparasset, felicissimi ingenii magis magisque excolendi gratia, ad collegium mareschallanum sese recepit,

b a

& in

Elenchus vitae auctoris.

& in matriculam almae academiae aberdoniensis se dedit. Vbi quum totum quadriennium non minus feliciter, quam obstinate, studiis philosophicis operam dedisset, tandem emenso philosophiae curriculo, ad *magistri in artibus* gradum est evectus, & viro clarissimo, Gilberto Grayo, gymnasiarchae, plurimum ob singularem modestiam & in studendo indefessam diligentiam carus, ad *professionem logicae* in eodem collegio est adscitus; & illic in docendo logicam Aristotelis, quam tum a Rami calumniis fortiter vindicabat, summa cum laude, & auditorum profectu, quatuor posuit annos.

Vbi autem absoluto hunc in modum primae adolescentiae stadio, aliquantum adolevit, viginti natus annos, ad ulteriorem scientiae perfectionem & rerum ἐμπειρίαν comparandam anhelans, *peregrinationem* in exteras regiones suscepit. Atque ubi Dantiscum primum cum popularibus suis appulisset, ipsis ei nequidquam svadentibus, ut, relictis literarum studiis, mercaturae rem faceret, *Prusiae & Poloniae* magna parte peragrata, propositi tenax, in *Germaniam* tandem, ad majus operae pretium in studiis faciendum contendit; compertum habens, ibi maxime florere theologiae studia, quibus prae aliis ipse impensius delectabatur. Jamque Germaniam ingressus, celeberrimas academias, praesertim *Juliam & Heidelbergensem*, invisit, instructissimas bibliothecas perlustravit, scripta Patrum diligenter evolvit, Scholasticorum operosa volumina scrutatus est, &

& , ne eruditionis theologiae apicem praeteriret, sanctae linguae hebraicae vehementissimam dedit operam ; adeo ut in illius peritia judaeum quævis æquare videretur. Et ex his feminibus fecundo solo satis & cœlo benigno nutritis prodeunte ocyus generosa messe, omnium doctorum, quibus innotuit, encomiis, præconiis , clarissimus philosophus, eximius theologus, & trium linguarum peritissimus celebratus est. Hic permotus fama academiae lugdunensis, multis & magnis orthodoxae religionis luminibus coruscantis, relicta Germania, in qua quatuor transegit annos, plenus eruditionis & laudis, in Belgium commigravit. Cumque *Lugdunum Batavorum*, celebris academiae sedem, attigisset, ecce fama jactatur, (nam diu illic inter academicos latere non potuit) doctissimum scotum inter illos clam versari, cujus modestia se suasque dotes palam ostentare non patiebatur. Illico accitus ab academiae proceribus, venit, & Scaligerum, Grotium, Vossium, Heinsium, Hommum, Jachaeum, magni nominis philosophum, cognatum & compatriotam, aliosque literatorum coryphaeos convenit, notitiam amicitiamque cum illis contraxit, & variis colloquiis & amicis disputationibus hinc inde exercitis, eandem promovit & adauxit. Paucos post menses ipsis valedixit, & discedenti frequens academiae senatus amplum incredibilis facundiae, prompti & expediti ingenii, & multivariae eruditionis testimonium perhibuit.

Elenchus vitae auctoris.

In *Galliam* deinde & *Italiam* peregrinationem instituere cogitabat, quam tamen prae valetudine adversa, qua tenue & infirmum corpus, magnae animae malum hospitium, distinguebatur, aggredi non ausus, in Angliam transferrandi consilium capit, & intra paucos dies, velis ventisque secundis usus, nobilis *Londini* oris allabitur. Et ut lux e longinquo hominibus se videndam praebet, sic delata ad illustrissimam *Oxoniae* academiam, Europae lucidissimum sidus, fama singularis doctrinae, & incomparabilis in sancta lingua peritiae Forbesii nostri, a laudatae academiae Praesulibus ad professionem linguae hebraeae liberali proposito praemio ille invitatur. Sed invalescente febre tri-duana non illic diu subsistere sustinuit. Nam consultis medicis Regis, praesertim Craggio compatriota, serenissimi regis Jacobi, augustae memoriae, archiatro, in patriam, ad nativum aërem hauriendum, redire suadetur & impellitur. Tandem post quinquennalem peregrinationis ambitum, in Scotiam revertitur, & natale solum *Aberdoniae*, ubi primos edidit vagitus, revisit. Redux autem bono cum Deo factus, quam clero gratus, quam amicis carus, quam omnibus expectatus fuit! Consul Senatusque aberdonensis, omnibus humanitatis officiis complectuntur, & iuxta Bonae Concordiae pristinam consuetudinem, ad testandum tam eximio viro, concivis filio, feliciter reduci benevolentiam, *municipem* creant, & jus municipale diplomate, urbis insignibus & sigillo muni-

to,

te, consignant. & confirmant. Hic paucos commoratus dies, juxta medicorum de natalis aëris beneficio praesagium, meliuscule se habere incipit. Et sic Deus illi prospexit, ut, paulatim viribus corporis resectis, & vi morbi deservescente, ad *ecclesiae alfordensis ministerium*, in illa diocesi haud ignobile, a patrono comite Forbesio principe gentili sollicitaretur. Cui vocatio, non moram gessit, & ministri munere, paucos illic annos, defunctus est.

Verum ingenium tam excelsum, eruditionem tam profundam, pietatem tam sublimem, in rusticana latere villa, voluntate Dei non permisum iri, tandem aliquando exitus comprobavit. Nam eloquentiae in concionando fama percrebescente, (erat enim orator non tantum velox, & vehemens, sed mellitus & patheticus) non solum aures demulcentis, sed corda ferientis & multum flectentis, postulatis Aberdoniensium invitatus, & calculis cleri incitatus, ad *verbi divini praesonium Aberdoniae* suscipiendum inducitur. Vbi magno cum populi gaudio, magno auditorum fructu, animarum compendio, ipsius indefessa diligentia evangelium praedicavit, sacramenta administravit, rudes in fide instituit, flagitiosos a scelere ad meliorem vitae rationem traduxit, errores & haereses convulsit, veritatem fallaciarum involucris constrictam expedit, & ut summatim dicam, omnia sacra ministerii & religionis purioris officia percoluit.

Serenissimus rex Jacobus, ejus nominis Scottorum sextus, magnae Britanniae & Hiberniae

Elenchus vitae auctoris.

primus, cujus beata memoria apud omnes adhuc fervet, Scotiam, antiquam patriam, magno invisendi desiderio captus, cum magna pompa & magnificentia regia, edenburgenſi, lithgov. ſterling. falcolan. magnificis palatiis, quae olim Regum Scotorum, & regiae prolis erant habitacula, perlustratis, tandem Andropolim, primatis Scotiae, & illuſtris univerſitatis ſedem, attigit; quo ſelectum clericorum conventum indixit, ut de arduis ſcoticanae eccleſiae negotiis cum illis conſultaret. Inter alia, conſultum & conventum eſt de dignitatibus ſcholasticis, quae obſoletae, & temporis praefcriptione fere emortuae, recuperandis, & ad priſtinam vitam & vigorem reducendis. Privilegia jaſtabant academiae, ſed non uſurpabant, aut ſaltem uſurpare non audebant. Proinde auctoritate regia, & unanimi cleri conſenſu, quod ſtatutum eſt, facto confirmant; & Regis mandato Jo. Junius S. Theol. doctör, regius ſacellanus, ſcotus, vir pius & doctus, promotionis muneri designatur. Poſtridie aut perendie oratione docta & ornata praeſentata, Hovaeum, Bruſſium, Lyndeſium, Forbeſium noſtrum, Strangium, &c. viros omni laude maiores, libro, pileo, annulo, *theologici doctoratus ornamentis*, donavit, amplexuque fraterno in ſocietatem theologicam recepit, & S. theologiae doctores creavit.

Exinde theologiae doctör, ſed afflicta nonnihil valetudine domum reverſus, conſuetö more, verbi miniſterio incumbit, nec ſegnescit, donec fragile corpus tot laboribus & ſudoribus impar, & in-

& indies gravi concionandi munere magis magisque attritum, fatiscere & oneri succumbere cogitur. Sed Senatus populusque aberdoniensis, municipis sui, & pastoris dignissimi, cum adversa valetudine conflictantis, & in deterius vergentis, vicem & conditionem graviter dolens & deflens, quae remedia ejus vitae proleandae, & ipsius angelico contubernio fruendi, conquiri possint, excogitant. Tandem *collegii mareschallani praefecturam* tunc vacantem, provinciam leviolem & magis honorariam, ejus praesenti infirmitati, quae a concionandi munere laxamentum postulabat, leniendae, maxime idoneum pharmacum iudicant, & in hanc sententiam omnes conspirant. Nulla mora. Impetrato a comite Mareschallo, collegii fundatore & patrono, diplomate, collegii mareschallani praefectus seu gymnasiarcha constituitur. Hanc provinciam seriis votis commendatam non detrectans, & mira dexteritate & sollicitudine procurans, gymnasiarcham meritissimum & scholae philosophicae moderatorem insignem se demonstravit. Et ne collegii legibus fundatis deesset, quibus cautum est, ut gymnasiarcha ad aperienda fidei mysteria, & reconditos divini verbi thesauros sese applicet, & hebraeae linguae cognitionem propaget, binas singulis septimanis *praelectiones theologicas habuit*, & terna vice iuventuti, quae in spem ecclesiarum educabatur, hebraeae linguae perdiscendae compendiarium viam proponit & docet; adeo ut studiosos, qui sacris initiati, aut sacrae scientiae

Elenchus vitae auctoris.

tiae consecrandi erant, diatribis suis, recondita literatura plenissimis, ad altiora munia ecclesiastica idoneos praestiterit, & ut incautam juventutem, adversus multiplices hostium veritatis strophas, instrueret, & praemuniret, nullum laborem subterfugerit.

Jam ad gymnasiarchatum, alius accedit scholasticus honos, & ab episcopo aberdoniensi, & senatu academico, ad ejus profundam eruditionem obstupescente, *decanus facultatis theologiae* designatur, ut candidatorum examini praesit, respondentium patrocinium suscipiat, & ad gradus promotor promotionis munus exequatur.

Mox hoc munere defunctus ad *rectoris magnifici* dignitatem, qua nulla post cancellariatum, qui episcopalis sedis peculiare privilegium est, sublimior, evehitur. Cui officio cum omni laude & omnium gratia defunctus est, ut nulli tunc temporis in academia vixerint, qui ope & praesidio Forbesii, non se aliquid doctrinae ad bene & recte sentiendum, vel exemplum ad pie & honeste vivendum, adeptos esse faterentur.

Vnum restat nobile industriae & praefecturae monumentum praedicandum, quod si tacerent homines, moenia, ligna, tecta loquerentur, *collegii aedificium*, quod olim Franciscanorum hospitium erat, palatii in morem quadrilaterum, praeter unum latus, quod honestus quidam civis aberdoniensis instauravit, fere lapsum & ad rudera revocatum, postliminio excitavit, splendori pristino majori restituit, & *bibliotheca* eleganti, quam & extruxit, & post alios
in-

Elencus vitae auctoris.

influxit, fabricam exornavit. Postea *sanum Francisci*, quo nihil magnificentius in illa urbe visitur, ex lapide polito & quadrato constructum, semidirutum, bubonibus, hirundinibus, aliisque coeli volucris ad nidificandum patens, elemosynis undique conquisitis & hilariter collatis reparandum, & vitreis fenestris collustrandum curavit. Hic gymnasiarcha duos praefuit annos omnilaude & memoria dignissimus, & natus ad collegii ornatum & commodum, idemque rebus sic ad mentem & sanitatem compositis, Aberdoniae, ubi primam hausit lucem, bono cum Deo expirare decrevit.

Sed summatim reliqua pars vitae est percurrenda, quae variis casibus & fortunae vicibus fuit exposita. Cives edenburgenses eloquentis & pii pastoris cupidi, omnes unanimi consensu Forbesium cogitant, compellant, & nullum non movent lapidem, ut ipso potiantur, & animarum curae Edenburgi admoveant. Sed Forbesius molestam interpellationem aegre ferens, tandem recollecta mente gratias quam potuit maximas Edenburgensibus agit, quod se tali dignarentur honore, & iussit, excusatum habeant, quippe qui fragilis aetatis reliquias nativae sedi destinavit & devoverit. Vbi rumor ad Aberdonienses permanavit, hi fremere, obstrepere, Edenburgensibus indignari, & , ut a coepto desistant, obnixè rogare. Sed frustra tam hi, quam ille, reluctantur. Nam Senatus supremi, & Synodi provincialis edicto cavetur, ut *provinciam pastoralem Edenburgi non amplius detre-*
ctet.

Æt, sed hilariter amplectatur. Jam nulla mora, cum morosum & difficilem se praeberet, & potestati tam ecclesiasticae quam politicae reniti nefas: itineri se accingit, & multis hinc inde lacrymis fufis populo aberdoniensi benedicit, valedicit, & intra paucos dies, magna comitante catterva, Edenburgum, Scotiae metropolin, ingreditur, & summo cum populi concursu & applausu recipitur, & pastoralis officio inauguratur. Sed, Deus bone, quam repente pastoris & gregis diversa mens, quam dispar opinio, circa disciplinam ecclesiasticam, & ecclesiastici regiminis formam! Edenburgenses, genevensis disciplinae zelotae, episcopomastiges, & presbyterorum ἱσοτιμίαι acerrimi propugnatores, Forbesii sanam doctrinam de episcoporum primatu, multis conviciis incessere, ipsumque pontificiae professionis reum insimulare non verebantur. Ille contra modeste & solide in concionibus ad clerum & populum, primatum episcopalem, verbi divini auctoritate, praxi apostolica, & primitivae ecclesiae consuetudine niti, & non ab humano instituto ortum habere demonstrabat. Quum autem tot exantlatos labores populo isti infrugiferos, & velut semen in agro sterili satum, nullos fructus proferre, insuper tenue & macilentum corpus urbis fumo involutum periclitari animadverteret, statuit, communicatis cum optimis & intimis amicis consiliis, sese hoc iugo pastoralis expedire, & Aberdoniae, ubi prius fuerat, animarum curae incumbere. Quam pri-

primum hoc ejus propositum Aberdoniensibus compertum, illico gaudio summo perfusi, procuratores liberali viatico instructos, Edenburgum delegant, ut municipem suum Forbesium *Aberdoniam* reducant: quo cum salvus & mediocri valetudine suffultus *rediisset*, clerus gratulatur, populus exultat, faustis acclamationibus omnes excipiunt. Sed emerfit non multos post annos nova occasio, Forbesium a carissimo grege avocandi, quae ipsius immaturam acceleravit mortem.

Carolus, ejus nominis primus rex Britanniae, anno 1633. Londino egressus cum magno apparatu & splendido comitatu omnis generis aulicorum, & cum selecta & gravi turba patrum spiritualium, episcoporum, sacellanorum, & aliorum sacerdotum, Scotiae Edenburgum proficiscitur, ut avita regni Scotiae corona insigniretur, & sacro oleo rex Scotiae inungeretur. Repente accitus Forbesius, cum suis symmystis, cultissimi ingenii & sanctissimi generis viris, ut Regem perpolitus suis concionibus, & seriis precibus clero expectatum & gratum pronuncient. Adsunt. Ipse vice prima, ut statutum est, ad concionem coram Rege habendam se sistit; ubi demandatum sibi pensum tanta doctrina, tantae efficacia exolvit, ut eximiam angelicae ipsius doctrinae & facundiae venerationem exhibuerint Rex & omnium ordinum auditores. Dum hoc accedit ad doctrinae & facundiae laudes, quod non solum *memoria polleret tenacissima*, unde vulgo dictum, quod *ignoraret, quid sit obli-*
vis.

Elenchus vitae auctoris.

livisci, sed etiam *judicio sublimato*, quo rerum
controversarum pondera & momenta acutissi-
me expendebat & trutinabat. Rex Carolus, ec-
clesiae nutricius pater, & religionis orthodoxae
industrius propagator, ad compescendam luem
presbyteralem, quae diu australem ecclesiae sco-
ticanae partem afflixit, & ad regimen episcopa-
le promovendum, *episcopatum edenburgenum*
perenne suae pietatis monumentum, fundavit,
amplis redditibus locupletavit, aedibus spatiosis &
speciosis, cum hortis, pomariis, pascuis, basilicae
regiae & fano sanctae Crucis finitimis, dotavit,
& nihil omisit, quod ubivis terrarum, a
quovis fundatore, ad dignitatem episcopalem
amplificandam fieri consuetum est. Cum Rex dis-
cedens, ab archiepiscopo andreapolitano, Sco-
tiae primate, consuleretur, quem huic episcopa-
tui virum idoneum praeficere instituerit, respon-
dit Rex: Quem, nisi Forbesium, celsiore, ut no-
sti, dignitatis gradu dignum? Proinde hunc ac-
cerse, & juxta canones ecclesiasticos, episcopum
edenburgenum consecra & renuncia. Archiepi-
scopus literis ad Forbesium scriptis, horum o-
mnium certiore facit, qui paulo post auctori-
tate regia, annitentibus praesulibus, communi-
bus cleri suffragiis, secundum priscos canones,
episcopus edenburg. consecratus & renunciatus est.
Sed hic quam subita mutatio! Dum episcopus
Forbesius multa praeclara parat, egregia moli-
tur, paci & reformationi dioeceseos suae appri-
me necessaria, ecce, graviori corripitur morbo,
& mens praescia futuri, augurata est, instare sibi
ulti-

Elenchus vitae auctoris.

ultimum aevi terminum. Proinde tanta cum tranquillitate mentis sese ad mortem componebat, ac si in alieno verfaretur foro. Mox se recipiens in lectum, primumque animae salutis prospiciens, sacram eucharistiam, extremum vitae viaticum, sibi administrari curavit, quam sincerâ peccatorum confessione, & sacerdotali absolutione percepit: deinde, ne corpori curando deesset, medicos consulendos accessivit, qui, quantum per artem & industriam fieri potuit, indies vi morbi invalescenti obnitebantur, sed frustra, quum indomita mali pertinacia ipsi quoque arti opprobrium faceret. Tandem cal. Aprilis anno 1634. cum episcopatum tres tantum menses tenuisset, & vitam annos 49. de praesidio & statione vitae ab imperatore summo evocatus, animam exhalavit, & quidem placidissimo fine mitissimoque, qualem antiquitas obvenire maximis saepe & sanctissimis viris observavit.

Corpus, animae hospitium, honorifice sepulcrum est, in templo cathedrali, Edenburgi, versus orientem, & compositum tumulo prope locum altaris illic olim siti.

Paucus scripsit: scire enim maluit, quam scribere, & hoc dictiterium scripturienti cuidam, & est magnos labores ostendenti, lepide, sed solide usus pavit: *Lege plura, & scribe pauciora. Opus hoc posthumum*, quod iam in lucem prodit, est pacati ingenii & moderati animi ingens specimen & indicium: in quo tanquam alter Cassander & catholicus moderator, rigidas & austeras utrius-

qvo

Elenchus vitae auctoris.

que tam reformatae quam pontificiae partis opiniones in quibusdam religionis controversiis componere, saltem mitigare satagit. *Quantum moderationem fecerit, ostendit dicto illo frequenter usurpato: Si plures fuissent Cassandri & Wicelii, non opus fuisset Luthero aut Calvino.*

Scriptit etiam elaboratas & nervosas *Animadversiones in IV. Bellarmini tomos* in tribus voluminibus editionis parisiensis emissos, & eruditis notis sua manu exaratis margines omnes, infra, supra, & a latere, in utraque pagina, tria volumina percurrrens, replevit: quas Robert. Baroni-
us, S. theol. D. & professor ei succedaneus, vir in omni scholast. theologia & omni literatura versatissimus, tanti fecit, ut omnibus contra Bellarminum scriptis praetulerit, & nisi, proh dolor! immatura morte praeventus fuisset, prelo subjicere, & publici juris facere proposuerit. Jacueruntque in ejus museo, post obitum disiectae *schedae plures eruditissimae*, quibus theologicae controversiae non parum potuerunt illustrari; licet illas nobis inexpectata auctoris mors, magno rei literariae dispendio, haecenus inviderit.

Sic vixit, sic mortuus est episcopus Forbesius, vir vere apostolicus, antiquitatis catholicae callentissimus, qui nulli priorum, ab aevo apostolico, doctrina, sanctitate, humilitate, temperantia, modestia, gravitate, orationis & ieiunii publici & privati frequentia, bonorum operum praxi, industria pauperum cura, clinicorum crebra visitatione & consolatione, & omnivaria virtute christiana, erat secundus. Cuius beatam memoriam nullum tempus delebit, nulla vetustas obliterabit.



Consideratio

aequa & placida
controversiae de Justificatione,
prout quinque libris

^a

Cardinale Bellarmino

in tomo IV. Controversiarum
explicata est.

Liber ejus primus de Justificatione, agit
de fide justificante.

CAPUT PRIMUM.

*De communi fidei distinctione in
quatuor species.*

Perique Protestantes quatuor nu-
merant fidei species; fidei, inquam,
qua creditur; non quæ creditur.
Eæ sunt, Historica, Miraculorum,
Temporaria, & Justificans.

Fidem, quam illi appellant *historicam*, quia
rem quamlibet, prout in historia sacra describi-
tur,

tur, veram esse credit, idque non nisi propter auctoritatem Dei revelantis, Romanenses, Patres secuti, * *dogmaticam sive catholicam*, appellare malunt. Vbi de rebus convenit, frustra de vocabulis litigatur. Seqvamus tamen potius Patres, quam quosdam recentiores in ipso etiam appellandi modo. (Pag 2. edit. prior.)

Quod Protestantes communiter affirmant, daemones eandem fidem historicam aut catholicam cum christianis habere, id faciunt propter illa S. Jacobi cap. 2. 19. *Etiam daemones credunt, &c.* Contendunt quidem Romanenses, multum differre fidem hominum, etiam informem, & fidem daemonum; quia scilicet daemones credunt non fide divinitus infusa, sed ex subtilitate naturæ, nec voluntarie, sed coacte; sed frustra hoc faciunt: agnoscunt enim Protestantes, inter fidem qualemcunque christianorum & fidem daemonum, multum interesse, ex parte subjecti & fidei utriusque naturae & rationis; ex parte objecti tantum convenire affirmant.

Fidem miraculorum a fide catholica differre, contra Bellarminum de Justif. l. 1. c. 5. & 15. aliosque cum illo sentientes, probant Protestantes ex 1. Cor. c. 12. 9. ubi inter *dona spiritus*, quae non omnibus fidelibus donantur, numerat apostolus *fidem*: fides enim, de qua ibi apostolus, tantum est gratia gratis data, h. e. ad aliorum utilitatem proprie concessa; quemadmodum & alia charismata

* Dogmaticam sive cathol.] Bellarm. l. 1. de Justif. c. 4. p. 299. Walcumburchii fratres T. 2. 46.

senata ibidem ab apostolo eumerata. Fides autem catholica pertinet ad gratiam gratum facientem, & propter propriam salutem unicuique donatur. Consentiunt veteres, graeci praesertim, Chrysostomus, ejusq; abbreviatores Theophylactus & Oecumenius, item Theodoretus, & Hieronymus, sive quis etiam alius in locum. Illud etiam cap. 13. 2. *Si habuero omnem fidem*, &c. de fide signorum intelligunt graeci Patres, non de catholica fide. Suffragantur quoque multi theologi romanenses, agnoscente Suarezio ipso disp. 8. de fide sect. 1. * Abulensis in 17. Matth. quæst. 165, Vega l. 9. in Concil. trident. c. 28. & * Rossensis art. 1. qui sentiunt, fidem miraculorum esse fiduciam, & consequenter differre a fide catholica, quæ est credulitas seu assensus. Vasquez in primam 2. tom. 2. disp. 210. cap. 4. Idem contra Bellarminum aliosque defendit, & ad argumenta contraria respondet Salmero in 1. Cor. disp. 20. & 21. Estius in 1. Cor. 12. 9. & 13. 2. Sed disputatio hæc non est adeo magni momenti; nam & sententia opposita, quod fides signorum nihil aliud sit nisi ipsa fides catholica, sed excellens & eximia, sua non destituitur probabilitate. Praeterea hoc tempore, quando, licet non omnia omnino, miracula fieri desierunt, gratia tamen miraculorum, ut Patres sæpe affirmant, desit, fere inutilis est: fides enim miraculorum nunquam donata fuit.

A 2

omnibus

* Abulensis] Id est, Alphonsus Tostatus, natione hispanus, episcopus abulensis:

* Rossensis] Id est, Joh. Fischerus, episcopus rossensis.

omnibus fidelibus, sed quibusdam tantum, initio quidem multis, postea vero paucioribus, nunc autem paucissimis, aut fere nullis. Pag. 3.)

Fides πρόσκαιρος ☉ vel temporaria, sive potius τῶν πρόσκαιρων & temporariorum, qui, ut S. Lucas c. 8. 13. ait, ad tempus credunt & tempore tentationis recedunt, vera fides est & non simulata, ejusdemque speciei cum fide justificante, quicquid quidam contra sentiant. Neque enim essentialem fidei distinctionem constituit inconstantia vel constantia credendi, cum ad essentialiam rei non faciat duratio. Distinctionem hanc non nisi ii probant Protestantes, qui fidem veram & justificantem amitti non posse contendunt: quod dogma plurimi alii Protestantes docti & moderati rejiciunt. Qua de re fusius infra. Restat, ut de fide justificante dicamus.

CAPUT II.

De natura fidei justificantis.

Fides justificans proprie non est notitia, sed haec illius est antecedens: * fides enim proprie assensus est, & quidem assensus certus atque firmissimus, ob auctoritatem primae veritatis. Assentiri autem Dei verbo mysteriorumque eodem contentis sine notitia & intelligentia, saltem aliquali & secundum τὸ ὅτι, non possumus, ut dicat sensus communis. Exactam & explo-

* Fides proprie assensus est] Bellarm. l. 1. de Justif. c. 4. p. 299.

exploratam intelligentiam myſteriorum, etiam qvoad τὸ διότι, a Proteſtantibus ad fidem juſtificantem exigī, mera eſt calumnia. De *fide implicita*, de qua hodie inter partes controvertitur, qvomodo intelligenda & qvatenus admittenda ſit, non eſt noſtri inſtituti, nunc diſſerere. Conferantur, qvi hodie controverſias fidei copioſius (utinam & ſolidius!) tractant. Fidem *explicitam* primorum & fundamentalium articulorum, qvi ſymbolo apoſtolico continentur, omnibus chriſtianis, quantum cujuſque capacitas fert, neceſſariam eſſe, docent Romanenſes, & qvidem recte. In reliqvis articulis ſufficere aiunt* *fidem implicitam* communi fidelium plebi, & ſi credant, qvīcqvīd S. mater Eccleſia rom. credit, & credendum tenet; ſed huiusmodi fides, ſi modo *fidei* nomen coecus aſſenſus & ſtupor mereatur, hoc trīſti & infelici ſeculo non eſt facile admittenda. Nam qvot, proh dolor, errores, ſi non contra fidem, ſaltem præter fidem, ſub nomine tamen *fidei*, communiter hodie in eccleſia rom. docentur, & tanqvā fidei articuli omnibus obtruduntur! (Pag. 4) Verba illa Bellarminide Juſtif. l. i. c. 7. *Fidem melius per ignorantiam, quam per notitiam deſignari*, licet valde cruda ſint, & incommode ab illo prolata, qvia tamen limitate & comparate tantum dicta videntur, non eſſe adeo odioſe exagitanda ducō, qvematmodum hodie ſit a compluribus Proteſtantibus.

A 3

Neque

* Fidem implicitam] Autor Compendii Reg. fid. cathol. Veroniana. 219.

Neque etiam fides justificans proprie est fiducia, sicut permulti contendunt, ipsam formam, & quasi animam fidei salvificæ in fiducia constituentes. Non est fiducia specialis misericordia sive remissionis peccatorum ante acceptæ. Hæc enim fiducia, vel etiam, si vis, assensus, quo speciali quadam applicatione singulatim quisque credit aut certo statuit, sibi esse remissa peccata, non est fidei justificantis forma, sed quoddam tantum, consequens & effectum, & non fidei solius, sed & aliarum virtutum fidem comitantium; neque etiam necessarium aut inseparabile effectum, ut suo loco dicemus. Quis enim certo statuere potest, sibi peccata remissa esse, nisi ante crediderit, Christum esse salvatorem mundi, eique omnino parendum esse? Praeterea diffiteri non possunt Protestantes, neque ulli christiani, remissionem peccatorum esse fidei consequens & effectum, quandoquidem per fidem impetratur, sicut dicitur: *Vt accipiant remissionem peccatorum per fidem, quæ est in me. Act. 26. 18.* Ac proinde fides justificationem, ordine saltem naturæ & causalitatis, etsi non tempore, antecedit. Perperam igitur fides justificans definitur, Fiducia peccatorum in praeterito remissorum. Videatur apost. ad Eph. 3. 12. ubi disertè fiduciam fide posteriorem statuit: *In quo habemus aditum cum fiducia per fidem ipsam.* Nec est fiducia, qua quisque nostrum credit, nobis remitti peccata in praesenti, * prout alii volunt, prioris sententiae absurditate perspecta: (vide Cen-

* Prout alii volunt] G. Calixt. Confid. doct. pontif., 16.

Censuram Confess. Remonstr. pag. 159. aliosque permultos) nam fides justificans est instrumentum vel medium, per quod remissionem peccatorum consequimur: quocirca causa ejusdem, & ordine naturæ saltem prior. Deinde siue dicamus, fide justificante credi, peccata esse remissa, siue in præsentem remitti, remissio semper fidei objectum statuitur, ac proinde natura fidem præcedit: neque enim objectum efficitur per actum illum ipsum, cujus est objectum; quia actus intellectus vel voluntatis, saltem creatæ, non facit objectum suum, sed illud semper præsupponit: sicut visio non facit objectum visibile, sed supponit illud.

Pag. 5.) Doleo igitur, Danielem Chamierum virum alioquin nec indoctum nec indisertum, Panstrat. suæ Cath. tom. 3. l. 13. de fide c. 6. adeo inconsiderate has ipsas obrationes affirmare n. 3. *fidem justificantem si non tempore, saltem ratione, sequi justificationem*, & n. 4. *fidem non esse causam justificationis*. Itaque dicit, *fidem justificare, non quia efficiat justificationem, sed quia efficitur in justificato & requiritur a justificato*. Et rursus lib. 22. cap. 12. Haec absurdissima sunt, neque protestans quisquam sanus & sobrius negaverit, fidem esse causam justificationis efficientem, non principalem quidem, neque meritoriam, sed instrumentalem, qualem particulae EX & PER (ut recte ex apostolo Rom. 5. 1. & 3. 30. urgent Romanenses) significant, ac proinde justificatione semper ordine naturæ priorem esse. Vid. G. Dounamum de Fœdere gratiæ, cap. 8. p. 95. 96. Por-

ro, qui contendunt, *fidem justificantem esse fiduciam remissionis peccatorum, ut factae, siue in praeterito, siue in praesenti*, non solantur afflictae mentes, quemadmodum existimant; sed plurimis consolationem omnem eripiunt plane, & in desperationis gurgitem tantum non demergunt. Quot enim piaae animae promissionibus evangelicis firmiter & ex animo credunt & assentiuntur, atque etiam in Christum unum & unice recumbunt, quibus tamen peccata sua remissa esse non sit certo, nedum fide divina persuasum, quanquam id unum omnium maxime vellent? Destituuntur ne hi fide saltari ac proinde salutis incapaces sunt? Absit, ut hoc dicamus. Vide * Mayerum anglum in cap. 2. Iac. v. 19. p. 30. 31. aliosque. Neque etiam fides justificans proprie est fiducia veniae peccatorum & aeternae salutis per & propter Christum *obtinendae*, prout alii paulo moderatiores volunt; nam & haec fiducia ex fide nascitur, Eph. 3. 12. atque in voluntate est, cum fides in intellectu sit sita. Verum quidem est, ista duo in justificatione peccatoris nexu individuo semper esse conjuncta: unde & saepe in scriptura *fidei* nomen pro fiducia usurpatur; quod etiam multi Romanenses consentient, teste Suarezio disp. 1. de Fide, sect. 1. n. 5. & de Gratia lib. 8. c. 15. n. 2. & res per se clara est; non tamen propterea ista duo confundenda sunt. Confusio rerum, distin-

* Mayerum anglum] Hic Mayerus, praenomine Johannes, commentatus est etiam in IV. Evangelistas, Acta & Epistolas Paulinas.

distinctionum multas, proh dolor, lites minime necessarias cum in hoc argumento, tum etiam in aliis, peperit, atque indies parit fovetque in ecclesia.

Pag. 6.)

Distinctionem fidei & fiduciae, praeter multa scripturae loca & Patrum testimonia, quae vulgo citantur ab iis, qui de rebus hisce fusius disputant, & ad quae a contra sentientibus nihil praeter mera *κρησόμενα*, & inanes rationes hactenus allatas, reponitur, distinctionem, inquam, hanc suis etiam suffragiis comprobant plurimi doctissimi Protestantes, licet non omnes eadem mente & ratione. Videatur Beza in annot. ad Eph. 3. 12. P. Martyr in c. 11. ad Rom. tract. de Justificatione pag. 520. Richardo Smith, anglo romanensi, distinctionem hanc urgenti ex loco ad Eph. saepius citato, ultro concedit, *fidem & fiduciam differre*, deinde benigne illorum theolog. protest. qui ista confuderunt, verba explicans, inquit: *Quid aliud ferme sibi vult Philippus aliique nostri fideles doctores, cum fidem, qua justificamur, appellant fiduciam, nisi eam non esse mortuam, non ignavam, non humanam persuasionem, sed tam vehementem assensum, ut ipsam fiduciam habeat quam intimam & conjunctissimam?* Zanchius in locum ad Eph. 3. 12. & in Miscellaneis, p. 488. ubi affirmat, eandem fuisse Bucer sententiam multis ab illo demonstratam in lib. de Reconciliatione ecclesiae art. de Justif. Piscator Resp. ad Duplic. Vorstii parte 2. p. 294. & in Exegesi aphorismorum pag. 206. J. Rivius de Mysterio redemptionis, lib. 3. pag. 237.

Jac. Ad Portum, theologus lausannensis, in Defensione fidei orthod. contra Ostorodum cap. 30. *Ex quibus verbis (Eph. 3. 12.) luculenter, inquit, apparet, verum esse id, quod praestantissimi theologi, Calvinus & Beza, observarunt, nempe fiduciam a fide, tanquam effectum a causa, differre, ac proinde a nonnullis perperam confundi, quamvis illa duo indissolubili nexu, quoties de fide justificante agitur, cohaereant. Ibidem & fuse docet, haec duo differre, non tantum ut causam & effectum, sed etiam subiecto, actu, & objecto, & tandem sic concludit: Qui aliter sentiunt, atque haec confundunt, summis difficultatibus se involvunt, ex quibus se expedire nequeunt.* Theologi remonstr. in Epist. ad exteros, pag. 85. 86. in Scriptis synodalibus historicis, pag. 108. in Confes. sua cap. 11. sect. 2. & Apolog. pro Confes. 5. pag. 109. &c. (a) Archiepiscopus Spalatensis de Repub. eccles. lib. 7. cap. 11. n. 205. Jacksonius anglus de Fide justif. pag. 108. Chibaldus itid. anglus, in Fidei Exam. cap. 3. prolixè refellit sententiam, ut appellat, Lutheranorum, (quamquam etiam multi alii in eodem luto cum illis hæreant) qui fidem justificantem per fiduciam remissionis peccatorum acceptæ definiunt; errat tamen & ipse cum multis aliis, (vide (b) Pemblium in Vindiciis gratiae, pag. 257.) quando fidem justificantem definit per fiduciam, qua in Christum

recum-

(a) Archiep. Spalat. Jf M. Ant. de Dominis.

(b) Pemblium] Quem Königius in Biblioth. V. & N. vocat Pembelium, nec tunc male; quoniam *Pemle* Anglis pronunciatur, ut Germanis *Pembel*. Opera ejus prodierunt anglicano idiomate Londini, A. 1635.

recumbimus pro gratia & salute per eum obtinenda. Vide Georg. Dounamum de Fœdere gratiae cap. 8. pag. 77. 78. & in Appendice 7. pag. 211. fuse hac de re contra Pembrum differentem. Plures non est necesse in re tam aperta nominare.

Pag. 7.) *Fides justificans*, distincte & theologice loquendo, nihil aliud est, quam assensus animi firmus ac certus a Sp. S. per verbum eductus, quo omnia a Deo in scripturis revelata, ac praesertim de mysterio redemptionis & salutis nostrae per Christum factae, verissima esse statuimus, propter auctoritatem Dei revelantis. Proinde in se & essentia sua spectata, nihil est aliud, quam fides catholica, quae & ipsa proculdubio hominem justificat, si caetera omnia ad justificationem necessaria, ei adsint. Ejusque *subjectum* est intellectus, non autem voluntas; quoniam credere a voluntate imperetur: est enim fides voluntarius animae assensus. Theodoretus Therap. lib. 1. *Caetera potest homo nolens*, (S. August. tract. 26. in Joh.) *sed credere non nisi volens.* Et cum cordi actus credendi tribuitur in scriptura, mens intelligitur; cum credere proprie loquendo nihil aliud sit, quam ei quod dicitur assentiri, illudque pro vero habere. Haecenus enim pluribus est demonstratum, fiduciam nullam fidei partem esse, ut *neque proprie spes est*: fiducia enim non est tantum futuri fiducia, sed etiam praesentis, veluti cum quis fidit suo robori, dum sarcinam portat, vel celeritati, dum currit; magis tamen ad spei naturam accedit, quam ad fidei. Unde dicitur esse

se *spe roborata*. Multis scripturae & Patrum testimoniiis haec sententia confirmari posset, sed quia brevitati studemus, lectorem ad eos, qui hisce de rebus copiosius scribunt, remittentes, audiamus, quid plurimi etiam Protestantes hac de re sentiant. Andr. Rivetus, scriptor nuperus, in sua Controversiarum Summa tr. 4. q. 10. pag. 419. fatetur, hanc, esse quorundam Protestantium sententiam, quam nec damnare audet. Idem tamen aliorum errorem secutus, ibidem pag. 421. & in Synopsi illa vulgo jactata & trita purioris theologiae, disp. 31. sect. 14. 15. 16. 17. contendit, fidem justificantem non esse habitum unum numero simplicem absolute, sed *unum aggregatione*, & quodam modo ex duobus compositum, nimirum & assensum in intellectu, & fiduciam in voluntate continere. Pag. 8.) Beza in Apol. pro Justif. contra anonymum saepe idem affirmat p. 9. 33. 114. 167. edit. 1592. Jacobus Ad Portum loco supra cit. Piscator in Resp. ad Vorstii Duplicationem parte 2. p. 294. ubi loca illa Rom. 4. 20. cap. 10. 10. & Act. 15. 9. quae ad sententiam contrariam confirmandam adduci solent, non de fiducia, sed de mentis certa persuasionem intelligenda esse, contendit, argumento etiam communi, sed solido usus: *Nullus habitus in subjectis, genere diversis, ut sunt intellectus & voluntas, simul esse potest.** Gerardus Vossius in Historia Pelag. pag. 407. & seq. R. Hookerus lib. 1. de Politia ecclesiast. sect. 11. J. Camero Operum tom. 1. pag. 78. & tom. 2.

p. 359.

• Gerardus Vossius] Nomen ei fuit Gerardi Joannis.

p. 359. Plures non cito: neque enim necesse est in rem clara. Quocirca Alsted. Theolog. polem. part. 7. pag. 641. inter quaestiones, quae inter protestantes theologos ventilantur, hanc ponit, n. 20. *An fides sit in intellectu tantum, vel etiam in voluntate?* Fidem quidem fiduciam, charitatem & alia dirigere & gubernare, verum est; non tamen est idcirco in earum virtutum potentiis, quemadmodum prudentia in omnibus virtutibus vim exercet suam & operatur, non tamen in omnium illarum potentiis inhaeret.

Generale & adaequatum objectum fidei justificantis est omnis veritas a Deo in scriptura revelata, fatentibus omnibus Protestantibus: ut frustra sint Bellarm. aliique, operose hoc contra illos probantes, quod ipsi non negant. Dico, *in scriptura*: quia regula adaequata & infallibilis, cui fides salvifica innititur, in solis scripturis actu aut virtute continetur. Aliud quidem sentiunt hodie multi Romanenses contra scripturam & Patres, aliosque etiam theologos in ipsa romana ecclesia celeberrimos; sed disputatio illa non est hujus loci. *Principale tamen objectum illius*, quodque prae aliis fideles respicit in ipso justificandi actu, est Christus ut mediator, & redemptio per illum facta, ut patet ex clarissimis scripturae locis, Act. 13. 38. 39. ad Rom. 3. 21, 22. aliisque innumeris. Neque hoc negant Romanenses: quia *justificatio impii*, ut inquit Thomas I. Summae q. 45. art. 6. *pertinet ad bonitatem & misericordiam Dei, se superabundanter diffundentem.* Hanc autem non est invenire extra Christi.

Christum & salutem in illo oblatam. Stapletonus de Justif. lib. 8. cap. 12. *Fides justificans seu disponens ad justitiā, principaliter quidem respicit Christum, ut mediatorem, & redemptionem per illum factam, non tamen unicum est illud fidei justificantis objectum.* Pag. 9.)

Svarez de Gratia, lib. 8. *Fides Dei, ut justificatoris per Christum, est quasi propria fides justificans.* Quod confirmat ex Paulo Rom. 4. 5. *Credenti in eum, qui justificat impium, fides ejus reputatur ad justitiam, & ex Concil. trid. decreto de Justificat. cap. 6. dum post generalem fidem eorum, quae revelata sunt, additur: Atque illud imprimis, a Deo justificari impium per gratiam ejus.* Cornelius a Lapide in Rom. 1. 17. n. 6. *Fides, quae inchoat justitiam, (quidni etiam, quae continuat provehitque?) proprie & proxime est fides in Christum redemptorem.* Jac. Reihingius, cum adhuc jesuita esset, & quidem non obscuri nominis in Germania, (postea enim se Lutheranis adjunxit) contra Meisnerum, ut lo gere est in Meisneriana Excubiarum papistica rum Depulsione, pag. 106. *Meisnerus fidem relate sumtam, ut est apprehensio meritorum Christi, a Pontificiis non agnosci scribit. Audax calumnia. Audiamus Trid. Synodum.* Deinde recitatis verbis decreti cap. 6. *Ita, inquit, si imprimis credimus, impium justificari per redemptionem in Christo, si fidimus, deum nobis propter Christum propitium fore, quomodo fidem in Christi merita relatam & fiduciam remissionis per Christum obtinendae abjicimus, & ut Meisnerus blaterat, exhibilamus? Nemo Romanensium, nisi male sanus hoc negayerit. Ut male Protestan-*

stantes quidam hujus contrarium illis impingant.

CAPUT. III.

An fides sola justificet?

QVaestio haec plerisque utriusq; litigantium partis tantae molis esse videtur, ut de ea immortali dissidio & bello irreconciliabili sibi contendendum esse putent: Quam vere, nunc in timore Domini, & seposito omni partium studio, dispiciamus.

Protestantes omnes, qui sola fide nos iustificari contendunt, semper tamen fidem vivam intelligi volunt & per charitatem operantem, scilicet operibus & charitati conjunctam, proposito saltem bene operandi, cum videlicet bona opera specialiter praestari non possunt. Proinde in hac propositione, *Fides sola justificat*, particulam *sola*, non subjectum, sed praedicatum determinare volunt. (Pag. 10.) Hanc esse communem Protestantium sententiam, non dissentitur ipsi Romanenses, quando sobrie agunt. Bellarminus de Justif. lib. 1. cap. 14. sect. *Respondebunt*, pluribusque aliis in locis. Stapletonus, quanquam adversarius vehemens, de Justif. lib. 9. cap. 7. *Denique omnes, ad unum Protestantes docent, fidem, quae justificat, esse vivam, & operantem per charitatem aliaque omnia bona opera.* Cui sententiae firmandae citat Calvinus verba Institut. lib. 3. cap. 16. sect. 1. *Non somniamus.* Qua igitur fide, aut charitate saltem, Bellarminus, cum aliis plurimis Romanen-

nensibus, impingit, per distortas consequentias, omnibus hujus temporis sectariis, ut Protestantes mos illi solennis est appellare, impiissimam haeresin Simonis & Eunomii, eorumque, qui tempore Apostolorum exorti, (August. lib. de Fide & operibus cap. 14.) solam fidem sine operibus ad salutem sufficere asseruerunt? lib. 4. de Eccles. cap. 9. sect. *Simoniani*. Negari non potest, multa incommodius duriusque a Lutheranis aliisque nonnullis rigidioribus Protestantibus in hoc argumento dicta, quibus tamen non tam impugnare illi individuum bonorum operum cum fide justificante nexum, quam coram divinae justitiae throno ad actum justificationis concursum negare censendi sunt, modo charitas adsit; ab istiusmodi tamen periculosissimis hyperbolis durissimisque catachresibus nimis patienter huc usque auditis, quacunque demum ratione excusari possint, abstinendum est, nec in ecclesia diutius ferendae sunt, nisi hominum quorundam novorum auctoritatem divinae veritati anteferre velimus.

Qui ad nauseam usque ex Augustino de Fide & operibus, cap. 14. repetunt, *Bona opera sequi justificatum, non autem praecedere justificandum*, nae illi mentem Augustini nunquam sunt assecuti: loquitur enim eo loco Augustinus *de operibus justitiae, quae* * *percepta ac professa fide*, ut ipse ait, fidelibus deinde diligenter toto vitae cursu *praestanda sunt*, seu de operibus illis, quae per justitiam habitualement i. e. in ipsa justificatione in-

* *Percepta*] Al. praecepta,

fusam,

fusam, inhaerentem, & permanentem efficiuntur, (semper enim Augustinus, ut hoc obiter dicam, justificationis gratiam non in sola peccatorum remissione, sed etiam in sanctificatione statuit, de quo infra) atque sic speciali quadam ratione dicuntur bona opera, non autem de iis, quae per Sp. sancti gratiam assistentem & praeparantem fiunt, ante & ad justificationem peccatoris. Legatur locus, ut & liber de Sp. & littera, ad quem Augustinus lectorem ibidem remittit c. 29. Pag. II.) *Per spiritum incorporatus, factusque membrum ejus, potest quisque, illo incrementum intrinsecus dante, operari justitiam.* Et in Pl. II. Opera illa justificationem praecedentia non facimus per spiritum inhabitantem & specialem justificationis gratiam, sed per spiritum extrinsecus praeparantem & assistentem, ut Augustinus clarissime distinguit (atque cum eo omnes theologi doctiores) epist. 105. ad Sixtum, & per gratiam vocationis & conversionis.

Graviter errant, qui nullam Dei gratiam praeter unicam in justificatione infusam agnoscunt, vel saltem hanc omnibus aliis praecire contendunt, quum fidem, saltem naturam, justificationem praecedere, negari non possit; quam certe non ex nobis, sed ex Christi gratia praeveniente habemus. Vide Colloq. Altenburgense pag. 147. & Robertum Rollocum de Vocatione cap. 33. pag. 279. cap. 38. pag. 325. & 328. & G. Dounamum de Fœdere gratiae, in Appendice pag. 198. Rectius ergo alii saniores & moderatiores Protestantes ul-

tro concedunt, varios actus dispositorios & prae-
paratorios, per Spiritum S. assistentem, & non
per solas arbitrii nostri vires in nobis productos,
ante justificationem requiri, qvanquam vim ali-
quam justificandi eosdem habere negent illorum
plerique, ut Pareus contra Bellarm. de Justif. lib.
1. cap. 3. pag. 35. Dicta quidem scriptave omnia,
quae pro singulis hisce actibus dispositoriis com-
muniter a Romanensibus aliisque citantur, (ut
illud Rom. 8. 24. *Spe salvi facti sumus.* Lucae 7.
47. *Remissa sunt ei peccata multa, quoniam dilexit
multum*) licet solide non probent intentum, gra-
viter tamen errant ii, qui rem ipsam propterea
negant, quae ex aliis innumeris scripturae locis
certissima est. *Dispositorios hosce actus ex fide &
gratia praeveniente factos, recte negant omnes
Protestantes, justificationem ulla ratione vel et-
iam de congruo mereri, sed id idem inficiantur plu-
rimi Romanenses contra Bellarm. lib. 1. de Justifi-
catione cap. 21. ut Dom. a Soto lib. 2. de Natura
& gratia cap. 4. Stapletonus de Justif. lib. 8. cap.
16. cujus verba, quia observatu digna sunt, huc
adscribam: Non excluduntur a justificatione opera
gratiae & specialis auxilii, concurrentia cum fide, &
disponentia ad remissionem peccatorum, quae, tamen si
dicantur concurrere cum fide, non merentur tamen, ul-
lo sensu, justificationem primam; ut inferunt ex nostra
sententia adversarii. Nam illud meritum de con-
gruo, respectu primae gratiae, jam ex scholis catho-
licis paene explosum est. Pag. 12.) Alvarez de Au-
xil. grat. lib. 7. disp. 59. n. 10. Quae etiam sen-*

tentia

tentia est, ut ait, *multorum gravissimorum The-
mistarum.* n. 8. Quod etiam confitetur Andreas
Vega (quanquam ipse secutus Scotum, con-
trarium defendat) lib. 8. de Justif. cap. 8. sect.
Quia. & in opusculo de Justif. 9. 7. sect. *Quarta
propositio.* Paulus Benius de efficaci Dei auxilio
cap. 18. Hosius in Confess. Petricov. tom. 2. cap.
13. pag. 51. aliique plurimi, quibus citandis super-
sedeo. Favet scriptura, quoties *gratis & per gra-
tiam nos justificari* dicit: favent & Patrum testi-
monia, Augustini praesertim. Quanquam &
quaedam ex illo contrasentientes proferre sole-
ant propter *meriti* sive *merendi* vocabulum late
& laxè ab illo, pro impetratione seu consecu-
tione de facto, hac in causa nonnunquam usur-
patum: favent denique & illa verba Concilii
trid. sess. 6. cap. 8. in quibus nulla omnino ad-
hibita meriti distinctione, *gratis justificari ideo di-
citur, quia nihil eorum, quae justificationem praecedunt, sive fides sive opera, ipsam justificationis gratiam
promeretur.* Neque tamen idcirco dispositorios
hosce actus vim ullam justificandi habere, ne-
gandum est cum plurimis Protestantibus: Nisi
enim plurimis, & quidem clarissimis scripturae
locis vim apertam inferre velimus, conceden-
dum est, eos esse *causas ipsius justificationis aliquo
modo efficientes*, non quidem per modum meriti
ullius vel levissimi ac tenuissimi, sed ex sola Dei
benignitate ac gratuita promissione.

De fidei ipsius causalitate quis sanus dubitet?
quis etiam dubitet de causalitate fiduciae veniae

propter Christum consequendae, in qua tot Protestantes ut supra dictum, ipsam veluti animam fidei justificantis collocant, licet revera ad spem pertineat? *Nemo*, inquit Ambrosius lib. 1. de Poenit. cap. 1. *poteſt bene agere poenitentiam*, (ac proinde nec a peccatis justificari) *nisi qui ſperaverit indulgentiam*. Quis autem a Deo indulgentiam certo firmiterque ſperaverit absque aliqua, saltem imperfecta & inchoata, Dei dilectione? *Poenitentiam*, quae sine spe & dilectione Dei non fit, non tantum ad justificationem disponere, sed & medium esse consequendi remissionem peccatorum, ideoque rationem aliquam causae obtinere, clarissime probant illa scripturae loca Ezech. 18. 21, 22. & 27. Lucae 13. 3. Act. 2. 38. cap. 3. 19. 1. Joh. 1. 7. & 9. ut alia infinita mittamus. Quibus certe locis non tantum docetur, qui qualesve sint, quibus peccata remittuntur, ut frigide ea diversum sentientes Protestantes explicant, sed & quam ob causam, causam, inquam, suo modo & in suo genere, vel sub qua conditione remittantur. Pag. 13.) Inter alios Protestantes videatur Vorstius in Scholiis Alexicac. contra * Sibrandum p. 248. Nihil frequentius apud Patres legas, quam *per poenitentiam peccata deleri, abluī, purgari, ut per medicinam abstergi*. Idem etiam affirmant doctiores quidam Protestantes, & quotquot hoc contentioso & pugnaci seculo pacis & concordiae inter partes studiosi fuere. A. Fricius lib. 4. de Ecclesia

* Sibrandum] Cognomine Lubbertum.

clesia cap. 11. * Archiep. Spalat. de Rep. eccles. lib. 7. cap. 11. n. 210. & seq. Zanchius de Religione cap. 18. de Pœnit. th. 1. Vorst. in Antibellarm. p. 444. circa finem, & contra Sibrandum passim, Remonstrantes in Apolog. c. 21. p. 237. Franciscus Whiteus contra Fisherum p. 186. Sed hac de re paulo post pluribus agemus. De *Orationis* etiam vi, qua supplices a Deo cum publicano aliisque omnibus piis postulamus veniam peccatorum, ut eandem consequamur, sic docti ab ipso Servatore nostro, *Dimitte nobis debita nostra*, uti de aliis quibusdam praevis actibus, quid attinet dicere? res enim ipsa sole meridiano clarior est. Neque tamen non ideo gratis justificamur, quemadmodum scriptura docet: nam in his nihil omnino meriti ponimus, non magis quam in fide ipsa, qua certum est, nos instrumentaliter justificari, neque tamen idcirco non omnino gratis. Amandus Polanus, scriptor alioqui rigidus, vi tamen veritatis coactus, in sua Symphonia catholica cap. 27. De Remissione peccatorum p. 951. hanc penit thesin, tanquam communi omnium Protest. sententiae, & Patrum doctrinae maxime consentaneam: *Remissionem peccatorum respicientia, confessione, precibus, lacrymis ex fide profectis impetramus, sed non mereamur proprie loquendo, ac proinde impetramus remissionem peccatorum non merito poenitentiae & predicationis nostrae, sed misericordia & benignitate Dei.* Quam thesin, post ejusdem declarationem satis

B 3

sanam,

* Archiep. Spalat.] M. Antonius de Dominis.

sanam, confirmat quibusdam clarissimis Patrum testimoniis : quibus infinita alia adjicere possemus, nisi res ipsa clarissima ac certissima esset. Utinam omnes Protestantes hanc sententiam sic a Polano expressam constanter profiterentur : nihil enim fere litis hac de re inter saniores utriusque partis amplius superesset. Conradus Pellicanus in Levit. 5. 19. *Multae etiam apud Christianos sunt viae consequendi remissionem peccatorum , de quibus Origen. hom. 2. in Levit. & Cyrillus post eundem lib. 2. supposititio.* Pag. 14.)

Quae & abbreviata invenies in Glossa ordinaria super 2. cap. Levit. sc. baptismus, martyrium, eleemosyna, remissio in delinquentes contra nos, conversio impiorum verbo & exemplo procurata, charitatis insignia opera, humilis confessio, facta vel Deo, vel cum lacrymis & cordis amaritudine homini. Haec quidem damnant rigidi & pertinaces zelotæ, imprimis Lutherani, tanquam cum doctrina Romanensium coincidentia, C. H. Eckhardus in Fascic. controvers. c. 14. de Justificatione. quæst. 1. & I. Himmelius in suo Calvino-papismo parte 1. c. 7. p. 63. alii-que. Sed quid aliud, lector cordate, ab istiusmodi hominibus expectes, qui non tam iudicio, quam insana contradicendilibidine in scribendo ducuntur ? Eadem legere est de vi & efficacia pii fletus & jejunii in delendis peccatis nostris per immensam Dei misericordiam, apud Rich. Hookerum l. 5. Eccles. Politiae sect. 72. p. 391. contra inanes Puritanorum cavillationes, & apud Gul. Corelum in sua pro Hookero Apologia

gia art. 6. p. 42. & apud Francisc. Whiteum in Orthodoxae fidei Explanatione, p. 17.

Communiter tamen fere Protestantes *fide sola nos justificari* docent, & quidem non per modum dispositionis, ut Romanenses loqvuntur, sed per modum instrumenti, hoc est, nulla alia re justificationem accipi, vel, ut ipsi loqvuntur, apprehendi, nisi fide. Hic primum inanes & inutiles quasdam logomachias, partibus nimium familiares, paucis tollamus, postea de re ipsa fufius dicturi. Justificamur nos fide per modum cum dispositionis, tum instrumenti, haec enim duo non repugnant; siquidem fides atqve etiam caeterae prae-requisitae dispositiones instrumenta quaedam sunt justificationis nostrae, sive, qvod eodem reddit, media, per quae, ex dei promisso, remissionem peccatorum consequimur. *Aliqui* (inqvit Toletus Rom. 3. Annot. 17. pag. 152.) *has dispositiones ad justitiam, solent appellare instrumenta interna justificationis; Concilium tamen tridentinum non usum est ea forma loquendi, quamvis vera sit, sed dispositiones nominavit.* Archiep. Spalat. lib. & capite saepe citatis n. 216. affirmat, *opera dispositoria remissionem peccatorum secum, si debite fiant, ex divina benignitate & promissione, aliquo modo sive dispositive, sive instrumentaliter, afferre.* Et paulo ante n. 213. *Sunt & alia multa, quibus Deus, tanquam dispositionibus, aut fortasse etiam tanquam instrumentis, promisit remissionem peccatorum.* Non fuit necesse, adeo timide & dubitanter loqvi, cum res

ipsa vera & certa sit. Pag. 15.) Quod per fidem, tanquam organum, gratiam justificationis accipi vel apprehendi dicunt Protestantes, nae illi Romanenses (ut Stephanus Gardinerus, episcopus quondam wintoniensis, Colloq. ratisb. A. 1546. pag. 524. Bellarm. lib. 1. de Justif. c. 16. sect. *Restat caput tertium.* & rursus sect. *Dicent excludi.* aliique nonnulli) nimium morosi censores sunt, quibus ista loquendi forma improbatur, praesertim propter verbum *apprehendendi*: eodem enim modo loquuntur etiam multi doctissimi Romanenses. Perer. in Rom. 5. 2. *Fides est quasi medium quoddam, per quod apprehenditur justitia, & tanquam organum, per quod virtus mortis Christi ad nos derivatur.* Maldonat. in Joh. 6. 29. *Per fidem Christum consequimur, apprehendimus & posidemus.* Videatur & Estius in Rom. 3. 28. Claudius Espencaeus in 1. Tim. 6. 12. ubi horum novorum criticorum temeritatem recte castigat. Vulgatus latinus interpret Rom. 9. 30. *Gentes, quae non sectabantur justitiam, apprehenderunt justitiam.* Non aliter certe, quam fide. Sed meminerint etiam Protestantes permulti, verbum (atque etiam verbo significatam actionem) accipiendi vel apprehendendi non nimis superstitiose soli fidei tribuendum esse; nam etiam bonis operibus salutem accipere sive apprehendere in scriptura dicimur. 1. Tim. 6. 12. *Certa bonum certamen fidei, apprehende i. e.* ut apprehendas vitam aeternam, & ibidem versu 19. *Mone, ut divites benefaciant, & apprehendant vitam aeternam.* Ad Philip.

lip. 3. 12. *Non quodjam accepimus, &c. sequor autem, si quo modo apprehendam.* 1. Cor. 9. 24. *Sic eurrere, ut apprehendatis, i. e.* ut brabium accipiat. Verbum accipiendi legitur Matth. 19. 29. Luc. 11. 10. 1. Cor. 3. 8. atque aliis innumeris in locis.

Mittamus etiam & illam leptologiam, *an scriptura diserte alicubi dicat, fidem solam justificare?* quod recte doctissimi quique Protestantes negant. Illud enim Marc. 5. 36. *Tantum crede, & illud* Luc. 8. 50. *Tantum crede, & servabitur*, illa inquam, nihil ad rem faciunt. Quod Lutherus in sua germanica versione ad Rom. 3. 28. particulam exclusivam addiderit, nos parum solliciti sumus; defendant, qui volunt: Pag. 16.) an saltem aequipollentia legantur, certe in illo ad Galat. 2. 16. *Scientes non, justificari hominem ex operibus legis, ἐὰν μὴ nisi per fidem Jesu Christi.* Doctissimi quique interpretes graeci & latini, plurimique Romanenses, vocabulum *nisi* adversative intelligunt, ut idem valeat, quod *sed tantum*: quemadmodum & alibi saepe in scriptura usurpatur. Videatur Estius in locum, qui etiam illud Rom. 3. 28. *Arbitramur, justificari hominem per fidem sine operibus legis*, eodem modo intelligi vult. Cornelius a Lapide in eundem locum Gal. 2. Hanc propositionem hic admittit D. Thomas & Adamus Sabaub: *Homo non justificatur ex operibus legis, sed tantum ex fide.* Quaestio tota est de sensu particulae *Sola* vel *Tantum*, quocunque demum modo in scriptura extet, sive actu sive virtute tantum.

Inanis etiam est logomachia, quae movetur de distinctione *fidei in formatam & informem*: illis enim distinctionis terminis nihil aliud intelligunt Romanenses, quam fidem vivam & mortuam, ut Jacobus appellat cap. 2. 20. fidei enim formam esse charitatem proprie loquendo, & quoad ipsam fidei essentiam, non sunt Romanenses adeo rudes, ut affirmant: hoc tantum volunt, fidem non quoad esse ejus meritorium, ut eorum quidam inepte loquuntur, sed tantum quoad vim & efficaciam, justitiam & salutem proxime afferendi, charitate (significatione vocis *formae* latius extensa) quasi formari; quandoquidem nulla alia fides valet ad justitiam & salutem consequendam, quam quae per charitatem operatur, Gal. 5. 6. & per opera eatenus, ut loquitur Iac. cap. 2. 22. 17. *perficitur & consummatur*, immo veluti animatur. Quamquam & tota haec charitatis vis a fide primo & originarie fluat, ut infra dicetur. Vide P. Baronem de Fide, pag. 139. & seq. Sed pertaesi logomachiarum, quibus plerique utriusque litigantium partis sese veluti oblectant, de re ipsa dicamus.

Sacrae literae nusquam, nec diserte nec per necessariam consequentiam, *fidei soli omnem omnino vim justificandi* tribuunt, sive, quod idem est, asserunt, fidem esse unicum instrumentum & medium accipiendae & apprehendendae gratiae justificationis. Hoc ex parte haecenus est demonstratum: exequamur tamen idem paulo plenius. De *pœnitentia*, quae in se timorem dei caete-

caeterosque fere omnes actus complectitur, plurima, ut supra dictum est, occurrunt in scriptura loca, quibus proponitur ut necessarium medium, per quod venia peccatorum obtineatur, vel, quod reidem est, ut conditio, sub qua Deus peccata demum ex gratuito suo promisso condonet. (Pag. 17.) Haec rationem aliquam causae obtinere, quis negaverit, nisi cui disputandi pugnacitas & cavillandi libido magis placet, quam amor veritatis? Quoties remissio peccatorum, ut effectus seu fructus poenitentiae, in scriptura describitur? Jes. 1. 16, 17. 18. & 56. 4, 5. Ier. 18. 8. Ioël. 2. 12, 13, 14. Ios. 29. 8. Innumera sunt scripturae loca, quibus *bonis operibus*, ex fide & speciali gratiae auxilio profectis, remissio peccatorum attribuitur. Locum illum Jac. 2. 24. ubi diserte dicitur, *hominem justificari ex operibus, & non ex fide tantum*, de cujus sensu, tanto animorum ardore inter partes certatur, locum, inquam, illum ut nunc omittam, vide Ezech. 18. & 33. Matth. 6. 14. c. 18. 35. Lucae 6. 37. Jac. 5. 19, 20. Immo si quis non oscitanter scripturam legat, plura forte numerabit loca, quae conditionem bonorum operum exigunt, ut cum veniam peccatorum, tum etiam aeternam vitam adipiscamur, quam quae conditionem fidei, simpliciter sic dictae, requirunt; quanquam haec semper in illis omnibus necessario intelligenda, imo praeintelligenda sit. Adeat, qui volet, syllabum locorum pro bonis operibus ex utroque testamento a G. Wicelio aliisque collectum; sed ipsas praesertim sacras literas di-

diligenter & absque praejudicio legat. *Sacramentorum* etiam *participatione* nos a peccatis purgari, scriptura saepissime docet, ut Eph. 5. 26. Act. 2. 28. & 22. 16. Tit. 3. 5, 6, 7. Matth. 28. 19. atque alibi frequenter. Non immerito tamen S. scriptura, & B. Paulus imprimis de justificatione agens, praecipue & valde frequenter fidei meminit, non tantum, ut loquitur Concil. trid. sess. 6. cap. 8. Bellarminus, aliique, quia fides est 1. humanae salutis ac iustitiae ipsius initium, 2. quia est fundamentum omnis nostrae justificationis, ut quae tota fidei innitatur, & ab ea continuo sustentetur, 3. quia ejusdem nostrae justificationis radix est: quae rationes verae quidem sunt, & scripturae Patrumque doctrinae consentaneae, sed rem ipsam & apostoli mentem non satis plene explicant. Sed praeter has aliasque, quae adduci possent, rationes, particularis quaedam causa est, cur fidei potius, quam dilectioni aut poenitentiae caeterisque operibus justificatio saepe tribuatur; quam referam verbis Cardinalis Toleti cap. 3. ad Rom. annot. 17. utpote lectu dignissimis, & ad Protestantium mentem quam proxime accedentibus: *Quia nempe, ait ille, in fide magis mani festatur, hominem non propria virtute, sed Christi merito, justificari.* (Pag. 18.) *Sic enim in aspectu in serpentem Deus posuit sanitatem in deserto, quia aspectus magis inditabat, sanari homines virtute serpentis, non operis alienius proprii aut medicinae alicujus, ita fides ostendit, justificari peccatores virtute & merito*
-Chri-

Christi, in quem credentes salvi fiunt, non propria aliqua ipsorum virtute & merito. *Ea causa est, cur fidei tribuatur justificatio, maxime a S. Paulo, quia a justificatione legis opera, & humanum meritum aut efficacium excludere, & in sola Christi virtute & merito collocare nitebatur; idcirco meminit fidei in Christum. Hoc nec pœnitentia, nec dilectio, nec spes habet: Fides enim immediatius & distinctius in eum fertur, cujus virtute justificamur. Non tamen propterea S. Paulus dispositiones caeteras exclusit. Eandem etiam rationem affert Estius in Rom. 3. 28. Vide A. Vegam opusculo de Justif. qu. 3. p. 849. Verba brevitatis studio omitto, etli notatu digna. Ut rem paucis expediam, fides est & animae oculus, quo solo & Christum & justitiam ac salutem gratis in illo oblatam intuemur, & simul manus, qua, licet non sola, tamen singulari quadam ratione, non solum cum aliis, sed & prae aliis actibus, arripimus, accipimus & apprehendimus, & a qua caetera omnia opera, quantumcunque habeant, omnem virtutem habent, non propter ipsius fidei pretium & dignitatem, sed propter objectum, Christum, scilicet in quem immediatius & distinctius fides fertur, quam caetera, ut jam dictum. Sicut enim fides sine operibus nihil est, mortua est; sic e diverso & opera sine fide nihil sunt, mortua sunt, inquit Gregor. Nazianzenus lib. de Baptismo. Qvocirca & A. Vega opusc. de Justif. p. 843. confitetur, hanc esse etiam quorundam Catholicorum sententiam, quod*

quod fides prima & potissima causa sit nostrae justificationis; (quanquam, inquit, illa certior sit, potissimum apud scholasticos doctores, quod poenitentia praecipuas partes teneat) & omnes, opinor, haeretici, (verba sunt Vegae, malo Romanensium more, viros pios & doctos dissentientes, magis incommode saepe loquentes, quam sentientes, titulo haereticae appellationis infamantium) qui dicunt, fidem solam justificare nos posse sine operibus, idem defenderent: Vbi enim illi admittunt, quod negare profecto non possunt. alia etiam cum fide concurrere ad nos justificandum, dicunt, saltem primas partes tribuendas esse fidei. Et ex his duabus sententiis utra versior sit, mihi quidem non satis constat, & crediderim, posse utramque citra haeresis periculum defendi, atque adeo totam istam quaestionem problematicam esse, & problematice posse ex utraque parte in scholis disputari. Pag. 19)

Haec ille, quem P. Canisius jesuita in Operis praefatione, ab eruditione singulari parique sanctimonia, cum viveret, commendatum fuisse testatur, sed & primariis Concilii tridentini theologis, doctorum, judicio, annumeratum. Immo & Th. Stapletonus de Justif. l. 8. cap. ult. haud procul a fine: *An vero in ipsa justificatione prima priores partes habeat fides, quam vel poenitentia, vel dilectio, quaestio scholastica est. Satis hoc loco est, intelligere, fide nos necessario vel ante omnia & maxime justificari, dum impius quidem justificatur, quia a fide ordiendum est; dum justus au-*

tem justificatur magis , quia omnia justitiae opera, in fide recta fieri & a fide procedere debent. Sic ille. Neque enim fides in justificationis vel salutis tantum principio, sed & in perpetuo progressu praecipuas agit partes : nam fides sic est aditus & janua ad justitiam & salutem, sicut Patres loquuntur, ut perpetuo etiam prosequatur progredientem, & in deducendo atque in actionibus omnibus pietatis praestandis primas semper teneat, seu, ut dictum, praecipuas agat partes. Proinde S. scriptura non immerito fidei, ut principi, duci, matri ac fonti omnium bonorum operum in fidelibus, (fides enim excitat & movet affectum ad dilectionem, poenitentiam &c. quaequam opera exteriora, quae a fide manant, fiant ab ea, mediante charitate, quam ipsa fides excitavit & continuo comitatur, ut recte Vasq. in prim. 2. tom. disp. 210. cap. 7. n. 53. 54.) remissionem peccatorum & salutem adeo saepe adscribit. Sed ne caput hoc nimium excrescat, quae supersunt dicenda hac de re, in capita sequentia rejicientes, pergamus.

CAPUT IV.

In quolitis de sola fide justificante justa consideratio continuatur.

Opera, quae in negotio justificationis & salutis excluduntur, Rom. 3. 20. 24. 28. c. 4. 5. c. 11. 6. Gal. 2. 16. Eph. 2. 9. Philip. 3. 9. 2. Tim. 1. 9. Tit. 3. 5. sunt opera legis naturae,

rae, & Mosaicae, non tantum ceremonialis, sed etiam moralis, a Gentilibus vel Judaeis ante & citra fidem & gratiam Christi, solis liberi arbitrii viribus facta, quae operantes sibi imputabant, & non gratiae Christi, & propter quae se justificationem ac salutem mereri, Judaei maxime, licet falso, existimabant; non autem opera ex fide & speciali gratiae Christi concursu facta. Libentissime concedimus, omnibus in universum operibus, etiam fidei, vim justificandi recte adimi, si opera ipsa nude & per se spectentur, id est, extra respectum fidei in Christum seu gratiae divinae in Christo datae, sique propriae ipsorum dignitatis seu valoris ac meriti ratio habeatur;

Pag. 20.) immo innumera scripturae loca, ut infra dicemus, excludunt omnem superbam fiduciam seu gloriationem coram Deo quorumque operum, quae fiunt vel a renatis ex renovatione spirituali, vel ex arbitrii nostri viribus ante regenerationem; ita ut Romanenses etiam plurimi, *sua nimia meritorum jactatione*, quancquam ex Christi gratia, ut ipsi docent, provenientium, multum Christi gratiam obscurant, licet non omnino evertant, quod faciebant ii, quibuscum B. apostolo res erat. Quando tamen de speciali apostoli scopo & mente in locis supra citatis agitur, certe in illis fatendum est, non agere cum de quibuslibet operibus, etiam fidei, sed *de operibus legis tantum*, & per quae operantes se justitiam ac salutem mereri, quancquam falso, opinabantur. Hoc enim ex professo & praecipue agit apostolus in epist.

epist. ad Rom. ut & in illa ad Galat. atque etiam in aliis, quae citantur, locis incidenter, ut ostendat, neque per legem, neque per vires nostras naturales, aut propter propria merita inde profecta, sed per unam Christi fidem & gratiam Dei impro-meritam, nos justificari. Hanc esse b. apostoli mentem, ex eo abunde patet, quod in omnibus fere locis, *legis & fidei, operum & gratiae, ac misericordiae divinae antithesis* aut expresse legatur, aut necessario esse intelligendam, ipsae locorum circumstantiae clarissime ostendant. *Effecta* enim *gratiae & fructus fidei* (ut sunt actus spei, dilectionis, poenitentiae, orationis, &c.) ex quibus Iac. 2. 22. fides ipsa quodammodo perfici & consummari dicitur, *ipsi gratiae ac fidei, tanquam contraria* opponi, aut ab eadem in iustitia ac salute consequenda simpliciter excludi, aut separari, non nisi absurdissime & contra innumera scripturae loca asseritur. Lege, obsecro, Rom 9. 30. 31. 32. & cap. 10. 3. (ubi apostolus *justitiam suam*, i.e. ex suis & naturae viribus ac virtute legis effectis operibus partam, qualem Iudaei superbe jactabant sibi, & arrogabant, manifeste opponit *justitiae Dei*, i. e. a Deo & Christi gratia provenienti, atque coram Deo propter Christum, & non coram hominibus tantum, justos facienti) & Philip. 3. 7, 8, 9. ubi apostolus suam justitiam quae ex lege est, i.e. legalem seu judaicam, quamque ante conversionem sui ad fidem Christi, pro detrimento & *σχυβαλῶς*, seu *stercoribus* habet. De omnibus autem suis tum ante tum post con-

versionem factis operibus loqui ibi apostolum, & omnia omnino pro damno & stercoribus habere, crassus est quorundam Protestantium error. (Pag. 21.) Nam quæ S. Paulus ibi *συνελαλα* vocat, ea opera intelligit (inquit Hospinian. in libro de Formula concordiae pag. 221.) quæ in pharisaismo fecerat. Vide etiam Bulling. Hyperium, Piscatorem, aliosque in illum locum, atque imprimis Vorstium in Schol. Alex. contra Sibrandum pag. 226. 227. 228. & 230. ubi hac de re prolixè differit, & Colloq. Altenburg, pag. 120. 121. 294. Nec aliter loca hæc omnia citata intellexere Patres cum graeci tum latini. Adis Chrysostomum, Theodoretum, Theophylactum, Oecumenium, aliosque veteres, Augustinum in primis, gratiae Christi acerrimum propugnatorem, toto paene libro de Spiritu & litera, praesertim cap. 13. & 29. & lib. 83. Quæst. qv. 76. &c. Quod affirmant permulti Protestantes, *negare apostolum simpliciter Rom. 4. 2. & seqq. Abrahamum ex operibus, etiam fidei, justificatum esse*, falsum est; sic enim S. Paulus aperte contradiceret S. Jacobo disertissime contrarium affirmanti cap. 2. 21. ineptas enim horum locorum in speciem pugnantium conciliationes a multis hodie excogitatas hic nihil moror, alibi, cum Deo, fuisse refutaturus. Intelligit tantum b. apostolus eo loco *opera legis vel naturæ, sine fide in Christum facta*; i. enim non loquitur hic b. apostolus de aliis operibus, quam de quibus ante cap. 3. 20. & seq. verba fecerat, ubi non semel *opera legis* directe vocavit; nam secus argumenta ipsius

ipsius nec inter se, nec cum thesi principali (quae est, *nec Iudaeos nec Gentiles*, maxime autem Iudaeos, qui de lege gloriabantur, *sine fide in Christum coram Deo iustificari unquam potuisse*) vere cohaerent. 2. Quia versu 2. negat apostolus in Abrahamo iustitiam & gloriam ex operibus non simpliciter, nec coram hominibus, sed *coram Deo*: sic enim (ut explicat verba Augustinus in Expositione epistolae ad Gal. cap. 3. Aliud est *non iustificari*, aliud *non iustificari apud Deum*) ostendit, de illis operibus se loqui, quae ab hominibus quidem laudem, sed non mercedem aeternam a Deo (quod non nisi per fidem fit) expectare possunt. 3. Quia statim versu 3. ex Gen. 15. subdit, *Credidit Abraham Deo*, &c. Hunc enim scripturae locum idcirco apostolum adduxisse, ut ostendatur, in Abrahami operibus fidem adfuisse, egregie docet Augustinus praef. Enarrat. ps. 31. al. 32. Quam praefationem lege, obsecro, diligenter, si tibi mentem b. Augustini hoc de apostoli loco intelligere volupe est. 4. Quia versu 4. & 5. facit oppositionem inter *operantem*, cui merces ex debito tribuitur, non ex gratia, & inter *non operantem*, sed *credentem*. Pag. 22.) Vbi per *operantem* non quemlibet quolibet modo, etiam ex gratia, bene operantem intelligit, sed eum tantum, qui iustitiam legis unice sectatur, suisque operibus iustitiae laudem & praemium a Deo promereri se existimat: & per *non operantem*, non eum, qui nihil simpliciter operatur, ne ex Christi gratia quidem, (hoc enim absurdissimum est; nam talis utique credit, spe-

rat, diligit, resipiscit, orat, &c.) sed qui operibus suis sine fide & gratia Christi factis non confidit, nec iustitiam aut meritum illis tribuit, sed totus pendet a Dei gratia, cum agitur de sui iustificatione, ideoque in hac antithesi non *opponit* solam fidem bonis operibus ex fide factis, sed *fidem operibus sine fide & gratia Christi factis*. Denique v. 13. & seq. *legem & fidem* eodem sensu inter se opponit, quo antea *opera & fidem* opposuit, & quo alibi *legem & gratiam* opponere solet. Vnde liquido apparet, per *opera*, quae a iustificationis actu apostolus excludit, intelligenda esse duntaxat opera legis, quae ex nostris viribus proficiuntur, & quibus perfecta & continua obedientia legi praestatur, ac proinde per quae quis sese iustitiam mereri, quamvis falso, existimat; non autem opera gratiae ex fide Christi promanantia. Praeter alios viros doctissimos, de quibus infra, hoc communiter statuunt, qui vulgo appellantur Remonstrantes. Vide Arminium, disp. theolog. de Iustificatione, thes. 4. 5. 7. 8. 9. Vorst. in Catal. error. Sibr. Lubberti, pag. 49. 54. & in Schol. Alex. pag. 220. 221. 222. 225. 235. 256. 268. 270. atque alibi passim. Videatur etiam Gerhardus, theol. lutheranus, Disputationum theolog. parte secunda de Harmonia Calvinianorum & Photinian. pag. 912. ubi hanc verissimam sententiam erroribus accenset Photinianorum.

Quod & ibidem v. 6. & seq. ex auctoritate Davidis, Ps. 31. al. 32. confirmat apostolus, *Beatum esse hominem, cui Deus acceptam fert iustitiam sine operibus*

bus. De iisdem operibus, de quibus hactenus demonstratum est, apostolum loqui, ex tota disputatione & verborum serie, verba illum facere manifestum est.

Nec possunt omnia omnino opera a causis justificationis excludi, nisi excludatur etiam fides ipsa; quam esse quoddam opus, etiam nostrum, i. e. auxilio gratiae a nobis praestitum, quis neget? Atque hic primum injuriam faciunt Romanensibus Remonstrantes in sua nupera Apologia pag. III. ubi affirmant, *Pontificios diserte negare, fidem, qua justificamur, esse actum*, nedum actum nostrum, sed *habitum* tantum esse velle, & quidem *infusum* a Deo. Haec quidem sententia a plerisque Scholasticis defenditur; sed multi sunt Romanenses; quibus eadem improbatur.

Pag. 23.) Vide A. Vegam opusc. de Justif. q. I. prop. I. pag. 795. ubi expresse affirmat, S. Paulum locis illis, quibus de justificatione agit, non de fide habituali, nec acquisita nec infusa, sed solum de actuali intelligendum esse, & compluribus rationibus idem confirmat: quas apud auctorem lege. Vide & Bellarm. de Justif. lib. I. cap. 16. sect. Dicent, *excludi etiam fidem*, aliosque. Errant & illi Protestantes, qui *fidem non proprie, sed correlative & metonymice accipi* volunt, cum illa justificari dicimur, scilicet pro justitia Christi & remissione peccatorum per fidem apprehensis. Certe scripturam non interpretantur, sed manifeste torquent, & vim ac efficaciam fidei frigidissime exponunt, qui ita sentiunt: Fides enim vere

& proprie, ut causa, concurrit ad justificationem nostri, non quidem ut causa principalis vel meritoria, attamen ut instrumentalis, ut saepe dictum; ideoque effectus, nimirum justificatio nostri, de illa proprie & sine tropo praedicatur. Fons hujus erroris, ut & aliorum multorum, est, quod opponant causas instrumentales principalibus in negotio justificationis nostrae, quae tamen omnes jungendae sunt, quandoquidem amice inter se conspirant: Vere enim atque etiam proprie dicimur & *per* fidem & *per* Christi merita & *per* remissionem peccatorum justificari, quamquam non eodem modo. Quid aliud dicunt omnes omnino Protestantes, qui, quid dicant, intelligunt, *fide nos organice sive instrumentaliter justificari* asserentes? Illorum testimonia in hanc sententiam, quae infinita fere sunt, allegare, inutilis est labor. Vide Meisner. in Philos. Sobr. part. 1. p. 280. & part. 2. p. 489. nec non Sibrand. in Epist. disceptat. de Fide justif. contra Bertium. Inepte subtiles sunt Protestantes illi, qui *fidem etiam ipsam a negotio justificationis excludi volunt, ut est opus, sed non ut instrumentum* apprehendens justitiam. Neque enim fides est instrumentum sive medium justificationis nostri, nisi ut opus; quia non habitu, sed actione & operatione fidei, justitiam apprehendimus, sive consequimur: proinde fides in negotio justificationis nostri concipienda est, ut actio & operatio, vel ut opus, non meritorium, ut saepe dictum, sed pure instrumentale, quo justitiam accipimus, sive obtinemus.

mus. Vt recte contra Pareumde Iustif. contra Bellarmin. lib. 1. cap. 16. p. 280. 281. Theologos Leyd. in Censura, &c. cap. 10. pag. 148. aliosque permultos, docent Remonstrantes in Apol. cap. 10. pag. 111. 112. Vorst. in Schol. Alex. contra Sibrandum pag. 224. 232. immo Sibrandus ipse, quo nemo rigidior, nemo pertinacior, licet hic parum sibi constans. Pag. 24.) Ita inquit in Discept. epist. de Fide Iustificante contra Bertium pag. 20.

Atque haec est communis nostrorum doctorum sententia (scilicet fidem non proprie, sed relative nos iustificare. Quam vere hoc dicat Sibrandus, hic non moror; falsissimum tamen est, quod asserit, quando theologos protestantes communiter ita tantum intelligere vult.) Si quis tamen dixerit, fidem in hac propositione, *Homo iustificatur fide*, instrumentaliter accipi, non negaverim ego, hominem isto opere, ut instrumento, iustificari. Fides enim revera est opus, per quod, tanquam per instrumentum sive medium, iustitiam apprehendimus. Idem ibidem confirmat auctoritate Vrsini in Catech. q. 63. *Illo opere iustificamur, tanquam instrumento sive medio, non tanquam causa impulsiva.* Et in Comm. ad errores Vorstii pag. 659. *Cum fides, quae est opus, instrumentaliter accipitur, non male dicitur credens ex opere sive per opus iustificari.* Citat ibidem Vrsin. in catech. f. 454. & f. 450.

Quando autem dicit apostolus Rom. 4. 5. *Ei vero, qui non operatur, credenti autem &c.* non opponit ibi credentem non operanti simpliciter; nil

hil enim absurdus dici posset: nam fides opus est nobis mandatum a Deo, sub promissione remissionis peccatorum, 1. Ioh. 3. 23. ideoque vocatur opus Dei, Ioh. 6. 29. quia scilicet Deus ipse id a nobis fieri postulat; sed *non operanti*, id est, ut supra dictum, qui non affert sua opera, suae naturae viribus aut legis adminiculo facta, nec ex iis quaerit aut expectat iustitiam, quasi mercedem iis debitam. Et quod ibidem Apostolus dicit, *Deum impium justificare*, absit, cum quibusdam rigidioribus Protestantibus intelligas de homine in ipso justificationis actu impio simpliciter existente, (hoc enim cum omni fere scriptura e diametro pugnat) sed eo, qui paulo ante talis erat, nunc tamen suam impietatem serio deplorans & ad thronum gratiae confugiens, per fidem in Christum gratis justificatur. Inter Protestantes vide Philippum Melanchthon. in Corpore doctr. edit. an. 1572. pag. 100. 106. 455. Pezel. parte 4. Object. pag. 428. & 4, 7. Vorst. Schol. Alex. pag. 242. & seq. ut alios innumeros mittam.

Patres plurimi nos sola fide justificari affirmant. Orig. in cap. 3. ad Rom. circa finem. Hilar. Canone 8. in Matth. Basil. m. homil. de Humilitate, Ambrosius, aut qui illorum Com. auctor est, in cap. 3. & 4. Rom. & in cap. 1. primae ad Corinth. & Serm. 45. (nisi hic Maximi potius sit, quam Ambrosii) Nazianzenus Orat. 26. de Moderatione in disputando: (Pag. 25.) Chrysost. in cap. 3. ad Gal. & 2. Eph. hom. 5. in Sermone de fide & lege &c. hom. 2. ad Rom. hom. 3. ad Titum: Hieron.

ron. in cap. 4. & 5. ad Rom. & in 1. 2. 3. ad Gal. Theodoretus Therapeut. 7. Augustinus contra duas epistolas Pelag. lib. 1. cap. 21. 1. 83. Quæst. 9. 76. De tempore sermon. 68. & in Exposit. 3. ad Gal. Cyrill. Alex. lib. 14. in Ioh. cap. 18. Leo epist. 70. & sermôn. 4. de Epiphania: Petrus chrysologus serm. 34. Prosper aqvitan. epigram. 9. Claudius Marius Victor in Genesin, lib. 3. Hesychius in Levit. cap. 14. Sedul. in 4. & 8. ad Rom. Primasius in 4. & 8. ad Rom. in 2. ad Cor. & Gal. Theophyl. in 3. ad Gal. Oecum. in 3. ad Rom. Bernh. serm. 22. in Cantic. & epist. 77. Lege loca apud auctores ipsos. Sed si pura mente & ab omni partium studio libera, omnia hæc & quotquot alia in hanc sententiam citari possunt loca legeris, clare videbis, per vocem *sola* Patres omnia simpliciter fidei & gratiae opera a causis justificationis & salutis æternæ nunquam excludere voluisse, sed legem naturæ & mosaicam. 2. opera omnia propriis viribus sine fide in Christum & gratia Dei præveniente facta. 3. falsam fidem vel hæresin, cui tunc fidem, non autem operibus opponunt. 4. necessitatem absolutam (etiam si potestas aut occasio desit) faciendi opera externa etiam ex gratia proficiscentia, ut charitatis, poenitentiae, sacramentorum perceptionis: tum enim efficit sola fides sine operibus externis, sed non sine omni bono affectu poenitentiae, & dilectionis in Deum, quæ opera sunt interna. 5. omnem inanem fiduciam & gloriationem operum nostrorum quorumlibet, non tan-

tum fidem praecedentium, sed & ex gratia fidei
sive interne sive externe factorum.

CAPUT V.

*Quo eadem consideratio fuse, compluribus
virorum doctissimorum protestantium,
aliorumque sententiis, confirmatur
& concluditur.*

DOctrina haecenus tradita adeo vera, adeo
certa & clara est, ut permulti etiam insi-
gnes Protestantes de particula, Pag. 26.)
de particula sola in propositione, *Fides so-
la iustificat*, praesertim cum in scriptura *πίστις*
non inveniatur, non esse pertinacius contenden-
dum censuerint, immo posse utiliter omitti pacis
causa.

Anno 1530. quo Confessio augustana Caesari
exhibita fuit, inter septenos conciliatores doctri-
nae Romanensium Protestantiumque, in comitiis
utrinque delectos. (e Protestantibus erant hi tres
theologi, Melanchthon, qui & ipse confessionem
illam scripsit, Brentius, Schnepfius) convenit,
tranquillitatis publicae causa non esse docendum,
quod sola fides iustificet, sed omnittendam vocu-
lam *sola*, quia Romanenses dicebant, eam parere
scandala in populo, & reddere homines negligentes
circa bona opera, & in scriptura expresse non
dici. Sed b. Iacobum contrarium asserere, hoc
testantur non solum scriptores Romanenses,
Cochlaeus

Cochlaeus (in Actis Lutheri, ann. 1530. & in libro ad Norinbergenses de Viis praeparatoriis ad concordiam) qui ex tribus theologis romanensibus delectis unus fuit, Surius, aliique, sed & multi Protestantes. Sleid. comment. lib. 7. pag. 190. refert, inter illos septenos pacificatores de nonnullis convenisse; quatenam autem illa fuerint, omnino reticet. Quod a fidei historico factum non oportuit, cum ea, quae controversa mansuerunt, satis diligenter ibidem annotarit. Sed ut dicamus, quod re est, noluit ille rigidiores Lutheri sectatores, quibus nimio plus addictus fuit, quibusque conciliatio illa vehementer displicuit, offendere. In aliis etiam nonnullis illius, ut ut alias laudatissimi historici, narrationibus, ut hoc obiter dicamus, candorem desiderant multi viri doctissimi, quidam etiam protestantes. Vid. Lucas Osiander, qui ex Sleidano refert in Epit. hist. eccl. cent. 16. lib. 2. cap. 15. & Chytraeus in Hist. confess. augustanae. Pareus contra Bellarm. de iustif. lib. 1. cap. 12. ingenuè id factum confitetur, licet conciliationem illam improbet.

Anno 1548. theologi Wittenbergici, ex quibus praecipuus Melanchthon, simul & Lipsenses in Actis Synodicis, (quae ipsi in lucem ediderunt) de justificatione fidei (tempore Interim, concordiae causa) sic scripserunt: *Homo praecipue iustus & acceptus est coram Deo fide propter mediatorem. Non pugnamus de voce seu particula sola, sed dicimus & confitemur, oportere in nobis & alias virtutes & bonum propositum inchoari & manere: tamen fiduciam*

eiam non his, sed filio Dei oportere reniti, sicut dictum est, & reliquas virtutes velut obumbrare. Haec illi: quos viros doctissimos & pacis studiosissimos, rigidiores Protestantes, *Adiaphoristas & Interinistas*, nominibus ad odium compositis, vulgo vocabant. (Pag. 27.) Videatur Luc. Osiander, Epit. hist. eccl. cent. 16. lib. 2. cap. 72. Chemnic. Loc. com. parte 2. de Justif. pag. 287. cuius verba sunt: *In colloquio Ratisbon.* (primo scilicet, an. 1541.) & *tempore Interim a multis* (Protestantibus puta) *disputatum fuit, non esse pugnandum de particula sola, cum sit ἀνεκχώρητος.* Io. Gerhardus L. de Justif. per fidem n. 165. (vide, obsecro, apud Iac. Aug. Thuanum, nobilem historicum, insigne elogium Melanchthonis, ejusque moderationis, lib. 26. pag. 809.) Colloqv. Altenb. pag. 69. 128. 155. 303. Martinus Bucerus in Colloqv. Ratisb. 2. A. 1546. licet pertinaciter contenderet, *nos sola fide iustificari*, concessit tamen, vi veritatis victus, collocutoribus alterius partis, *nos gratiam Dei & justitiam Christi, etiam spe & charitate, modo quodam, apprehendere, complecti, & tenere: fide tamen sola nos iustificari, quia fide primum Christi justitiam apprehendimus, & complectimur.* Vide Acta ab ipso Buce-ro scripta pag. 213. 218. Quod quid aliud est, quam fidem non solam, sed quia in hoc opere iustificandi prima est, primaque apprehendit Dei misericordiam & Christi meritum, ideo illam primam, vel primum, nos iustificare? Quod, ut verissimum, nemo negat. Neque enim, quia aliquid prius est in ordine aliquo, ideo, quod sequitur,

tur, ex eo ordine excluditur. Impioratio ordinis exposcit, ut in eo sit prius & posterius; & recte A. Fricius, vir eruditissimus (hoc illum eloquio ornat Cassander iu Consult. art. 4.) & concordiae ac moderationis amantissimus, quamvis Protestantium partis in plerisque studiosior, hac de controversia haec habet lib. 4. de Eccl. cap. 11. *Tu fidei justificationem ideo assignas, quod illa apprehendamus & teneamus misericordiam Dei. Cur non idem de spe & charitate loqui fas sit, quibus & ipsis Deum amplectimur nos sua bonitate iustificantem? Sunt enim illa omnia ab eodem auctore profecta. Non tantum igitur fidei, sed spei & charitati, & aliis bonis operibus remissio peccatorum, accessus ad Deum, & bona alia offeruntur. Multa a contra sentientibus argumenta adferuntur contra opera, sed videndum est, ne illa concludant de operibus a fide sejunctis, sine qua impossibile est placere Deo. Loquamur enim de operibus fidei conjunctis, in Dei quidem misericordiam incumbentibus, in eaque sola proram & puppim salutis suae collocantibus: quid quaeso absurdi fuerit, ut fidei, ita illis justificationem tribui? Pag. 28.) Scilicet ut fructus ab arbore, ita opus a fide sejungendum non est; utrumque vero in Dei misericordia acquiescere debet. Est igitur fides instrumentum, vel organum recipiens justificationem. Quid autem prohibet, quominus charitati idem tribuamus, dicamusque, ut non propter fidem, ita non propter charitatem, sed tamen fide & charitate nos justificari: cum quidem multis clarissimis autoritatibus id ostendatur? Illud tamen agendum, ut avocentur mentes a fiducia operum & gloria-*

riatione. Ostendatur imperfectio operum, soli Deo gloria tribuatur, spes salutis omnis ad meritum Christi & Dei bonitatem referatur: Hac enim ratione a verbis divinis nihil disceditur, quibus remissio peccatorum & vita aeterna ut fidei, ita & operibus, frequenter promittitur. Et fusius hac de re differens de Ecclesia lib. 2. tract. 2. cap. 1. Fidene sola, an & operibus iustificemur? inquit pag. 418. *Quid interest, seu dicas, sola fide nos iustificari, quae quidem Dei misericordiam intueatur: seu fide & operibus, quae & ipsa eadem misericordia nitantur?* Misericordia Dei est, cui omnino tribuitur iustificatio nostri. Illa est, quae nobis acceptam refert iustitiam, qua prorsus destituti sumus. Sen igitur misericordiam comprehendas sola fide, seu fide operante, nihil refert: quando utroque modo consequeris, quod opus est. Et pag. 419. *Haec scilicet Dei misericordia, in summo gradu collocanda est, eaque nos gratuito iustificari, cum nobis peccata non imputantur, statuendum est: ac ut creditudo remissionis peccatorum obtineatur, respectus nullus ad dignitatem vel operis vel fidei nostrae habendus est. Nec enim fides hic alias partes obtinet, quam organi, quo apprehenditur misericordia nos iustificans. Huius organo si addas opus, tanquam fructum arbori suae, utrumq; vice organi erit. Nam & qui solam fidem docent, opera esse justificationis causam sine qua non, non inficiantur. (utinā non inficiarentur nimis multi, scilicet rigidores omnes) At causa, qualis qualis est, hoc nomine, quia causa est, effectum praecedat necesse est. Illud igitur unice est cavendum, ne cum ea, quae gratuito nobis donatur iustitia, iustitia, quae sit ex facultatibus*

tatibus virium nostrarum, committatur. Hoc constituto, haud sane intelligo, cur lis fiat de illis formulis, Sola fides, Fides cum operibus; siquidem opera non ad conflictum cum justitia gratuita opponuntur, sed fidei adjunguntur, tanquam fructus arbori, ut utraque in Dei solam misericordiam recumbant.

Pag. 29.) Quod vero ad meam conscientiam attinet, libenter sane & tranquille acquiesco in misericordia Dei. Interea parum mea interesse puto, inquirere, solane fide misericordiam apprehendam, an fide & operibus. Vtrumque horum requiri a me non ignoro, utriusque magnam imperfectionem agnosco; verum tamen a Deo meo peto, ut & imbecillitati fidei meae succurrat, & legis justitiam in me impleat, remis sis peccatis meis. Neque vero dubito, permultos esse, qui & ipsi in vulneribus Christi placidissime recumbunt, qui tamen eo ingenio praediti non sint, ut judicent, soline fidei, an fidei cum operibus justificationem attribuant. Haec omnia atque alia permulta in eandem sententiam legere est apud auctorem observatu dignissima, ex sermo sensu pietatis cum veritate conjunctae, & studio tollendae dissensionis inter partes profecta.

Petrus Baro, gallus, S. theol. in acad. cantabr. quondam professor, vir doctissimus, & pacis amantissimus, in Praelect. in Jonam ostendens, quare ratione dirimi, ac ut saltem minui posse videatur controversia hodie cum Romanensibus agitata de operum justificatione, (minuendis enim litibus, sunt verba auctoris aur ea, dare operam semper debemus, si filii lucis simus, pag. 249.) Primo per

per opera, quae Paulus a justificatione excludit, intelligit opera legis non tantum ceremonialia, sed & moralia fide destituta, eique opposita. Pag. 244. Et in Tr. de Fide pag. 28. Secundo, quamvis perperam contendat, *Dei dilectionem*, qua scilicet voluntas Deum sibi ab intellectu demonstratum amare incipit, & cum eo conjungi cupit, *esse de fidei justificantis naturam*, quia fides, in intellectu tantum sita est, ut supra fuisse demonstratum, & non quendam illius effectum ipsa justificatione posteriorem, (quod absurde ejus in academia illa tunc temporis antagonistae volebant) quo scilicet vere & tuto, sicut existimabat, sustinere posset communem Protestantium sententiam, *fide sola nos justificari*; eo ipso tamen vir doctus & sagax clarissime vidit, fidem, si ab ea primam illam *Dei dilectionem*, vel cogitatione solum, removeamus, justificare non posse: quum sic spectata, mentis tantum actio sit, cui soli vim justificandi tribuere, absurdissimum sit, & cum innumeris S. scripturae locis ex diametro pugnans. *Verum* (inquit auctor tractatus de Fide pag. 116.) *si voluntas bonum sibi a mente oblatum expectet, & cum obtinendi fiducia quaerat ac consecetur, tum vera fides est una cum spe ac resipiscencia, qua homo consequitur justitiam.* Pag. 30.) Quibus omnibus ibi atque alibi demonstrat manifeste, non, fide sola, proprie sic dicta, & aliis actibus contra distincta, sed & spe, dilectione, resipiscencia, &c. nos justificari. Secundo tantum *Dei amore*, ut auctor loquitur, *ex Christo in nobis per spiritum sanctumque habitante exorto, quo illum,*
non

non ut Deum modo ac bonorum omnium fontem, a nobis adhuc sejunctum ac remotum, sed jam ut patrem nobisque conjunctissimum, beneficiorum acceptorum memores prosequimur, & externis charitatis cum erga Deum tum homines effectis negat nos justificari, quum haec fide justificante & justificatione nostri posteriora sint. Quod tamen cave intelligas nisi de justificationis principio, non etiam de ejusdem progressu & augmento, nisi manifeste errare velis, ut infra dicetur. Hac de re lege prolixas & eruditas disputationes apud scriptorem hunc, Prael. 34. in Jonam per totum, libello prope toto de Fidei justif. natura, & de praestantia divinae legis, in egregiae quaestionis dilucida explicatione, circa finem libri.

Innocentius Gentilerus, juris consultus magni nominis inter Protestantes, etiam rigidiores, in Examine concilii tridentini, dum examinat canones sess. 6. de Justificatione pag. 66, 67, 68. inquit: *Si Patres tridentini, cum dicunt, bona opera cum fide justificationem nostram cooperari, can. 9. (quonquam haec loquendi ratio sit impropria) ita sentiunt, (scilicet fidem, qua justificamur, esse illam solum fidem, quae per charitatem operatur) nequaquam ab illis dissentimus: neque enim negamus, charitatem erga Deum & proximum esse bona opera, quin immo singularium bonorum operum particularium fontem & scaturiginem esse affirmamus: fidem etiam ipsi fatemur esse bonum opus. Sed si intelligent, eleemosynas, jejunia, & id genus alia charitatis exercitia particularia, una cum fide christiana no-*

D

stram

stram justificationem cooperari, quae eorum videtur esse sententia, (sed certe non est : haec enim ipsi Romanenses non exigunt, nisi cum tempus & vires horum praestandorum occasionem suppeditant) hoc sane fateri non possumus : latro enim ille, qui a Christo in cruce justificatus est, aperte indicavit, cum ad eum precibus refugeret, se in eo spem suam collocare, Deumque diligere, & ex eo, quod culpa suae socium corripuit, ut eum ad eandem fidem amplectendam impelleret, perspicue apparuit, cum quoque proximum suum dilexisse, adeo, ut etsi nullas eleemosynas erogaret, neque ullis se jejuniis maceraret, aut alia ejusmodi privata charitatis opera bona praestiterit, justificatus sit tamen. Pag. 31.)

Vnde patet, auctorem hunc non nisi externa pietatis opera, a justificatione excludere, in casu scilicet jam dicto ; non autem interna spei, charitatis, &c. Quocirca haec expressiora subjungit : Caeterum cum dicimus, nos sola fide justificari, hoc non ita accipimus, quasi fides sit sola causa efficiens nostrae salutis, (nam ea est misericordia Dei, quam nobis per meritum filii sui exhibet) sed tantum causam instrumentalem, qua nos sibi conjungit & devincit, conjunctique, virtute Sp. sancti, justificationem nostram ab eo haurimus. Itaque haud multum refert, solam fidem (quae, ut ante dictum est, a charitate sejungi non potest) nostrae justificationis causam esse dicamus, an etiam charitatem cooperantem esse asseramus, dummodo hoc nobis persuasum sit, solum Christum, patris erga nos dilectionem impetrantem, causam efficientem esse. Nam cum una sine altera esse nequeat, ambas

conjunctim causas instrumentales dicere possumus. Quae subnectuntur, rectius tamen dixeris, fide nos iustificari, quam fide & charitate, in gratiam tantum rigidiorum ab illo addita sunt, ne scilicet per antedicta eos nimium offenderet, vel, quod probabilius est, ab aliena sunt manu profecta.

De C. Vorstii sententia super hac re nemo dubitare potest, qui illius Schol. Alexic. contra Si-
brand. diligenter legerit : quam plurimis enim in locis hoc asserit, probatque. Haec tantum verba huc libet adscribere ex pag. 270. circa finem : *Immo ne pium quidem piis operibus iustificari dico, si opera proprie ac per se sumantur, fideique ac gratiae opponantur, sed hoc solum cum scriptura & Patribus dico, nos fide viva & operante iustificari, eoque & operibus fidei hactenus iustificari, quatenus haec pro fide illa sumuntur, & ut fructus, immo quasi anima fidei, considerantur.*

Remonstrantes Confess. cap. 10. n. 2. fidem in negotio justificationis non alio modo considerandam esse affirmant, quam quatenus obedientiam fidei includit, & tanquam secunda bonorum operum mater est, totiusque christianae pietatis ac sanctimoniae fons ac scaturigo. Tantum abest, ut huic obedientiae ac pietati & ipsa opponi debeat, aut jure possit. Et in Apologia cap. 1. pag. 113. sic in-
quiunt : *An non mera logica pugna est, si disputetur, an fides, quae est viva, an quae viva est, requiratur ad justificationem.* (Pag. 32.) Certe utrinque in describenda fidei natura est consensio : utrinque bonorum operum praesentia necessaria esse statuitur de re-

*specū tamen, quem fides viva ad justificationem habet, quæstio manet. At de respectu statuere non est nostrum, sed Judicis. Deinde quid habet respectus ille merus, quod justam magnæ liti causam dare poterit? Immo quid non habet, quod occasionem omnem liti debeat præcidere apud eos, qui pietatis & bonorum operum sunt studiosi? Sane si dicatur, fidem requiri ad justificationem, quatenus vel quæ est fides viva, necessitas bonorum operum & pietatis christianæ fortius adstruitur, quam si dicatur, fidem requiri ad justificationem, quæ viva est, nam natura rei id evincit. Et pag. 114. circa finem Remonstrantes sic statuunt, litem pane totam, quam hic movent censores, de respectibus metaphysicis esse, quos fides vera & viva habeat ad justificationem; de quibus statuere, Judicis & Domini est, non subditorum. Enimvero (utinam omnes rigidiores utriusque altercantium partis alte animis suis hæc verba infingerent!) quis sine gemitu, sine suspiriis, sine lachrymis cogitet, quod nos homunciones, miselli, tardi & negligentes in iis, quæ officii nostri sunt, accurate examinandis, & fideliter præstandis, tantum otii & audaciæ nobis sumamus, ut involemus in partes Domini & Judicis nostri, & quo respectu hi aut illi actus nostri ab illo sint judicandi in extremo judicio, audeamus definire; & nisi alii conservi, istas definitiones nostras, præter officium & vocationem nostram factas a nobis, admittant, aut populum christianum, peculium Dei & Domini nostri Jesu Christi, in partes scindere, conservos cadere, flagellare, ejicere, anathematismis & omni genere immisericordiæ in
 eos*

eos saevire non vereamur? Verba haec ultima digna sunt, quae aureis scribantur characteribus. Iidem in Examine Cens. cap. 22. pag. 237. ad verba Censorum, quod fidei & obedientiae mandatorum ex aequo veniam peccatorum & vitam aeternam attribuant, haec respondent: *Phrasis ex aequo, aequivoca est. Si eam pro aequè principaliter accipiat censor, tum injuriam facit Remonstrantibus; fidei enim ut principi, duci, matri, ac fonti obedientiae, veniam peccatorum & salutem adscribunt. At si eam pro conjunctim accipiat, tum agnoscunt Remonstrantes, se fidei, quae & quatenus conjunctam sibi habet obedientiam ex fide profectam, aut propositum saltem obediendi, cum scilicet actus obedientiae specialiter exerceri non possunt, proinde obedientiae etiam, veniam peccatorum & salutem aeternam adscribere.* Pag. 33.)

At hoc nihil aliud est, inquit censor, quam justificationem & salutem fidei & operibus, indistinctim seu conjunctim tribuere. Ita est: Scripturam sibi praeceuntem habent, non tantum in famoso illo loco S. Jacobi, cap. 2. 24. ubi diserte dicitur: Concludimus ergo, hominem justificari ex operibus, & non ex fide tantum: sed & in aliis plus quam mille locis, ubi operibus bonis remissio peccatorum & vita aeterna tribuitur. Lege Apologiam ipsam, & in Examine Cens. cap. 25. pag. 307. circa finem. Nimirum huc redit universa, quae circa articulum istum (*de justificatione*) est dissensio: An fides sive creditio illa, ut sic loquamur, qua credimus, nobis remissa esse peccata nostra, sive qua apprehendimus misericordiam

diam Dei, & Christi pro nobis satisfactionem, nos coram Deo justificet, *qua simpliciter talis actus est*, an *quatenus actus vivus est*, i. e. conjunctam sibi habens vel actualem resipiscentiam, vel saltem firmum ac deliberatum animi propositum de vita tota juxta normam christianae religionis, auxilio divinae gratiae, cum timore ac tremore instituenda. *Hoc est quod Remonstrantium declaratio asserit & profitetur, nihil aliud.* Idem repetunt in Responsione sua ad Specimen calumniarum, pag. 111. Vide etiam Thameri argumenta, quae anno 1547. & 1548. Marpurgi proposita fuerunt contra sententiam de fide sola justificante, una cum Bened. Arctii responsionibus infirmissimis. Vide in hujus auctoris Problematibus theolog. loc. 24. de Justificatione, pag. 134. & aliquot sequentes. Theodorus Bibliander, theologus tigurinus, Antisophist, lib. 3. pag. 167. *Quaerquam, inquit, ea, quae religionem christianam absolvunt, ita cohaerent, ut invicem nequeant separari, tamen synecdochice saepenumero una res aut duae pro omnibus aliis ponuntur.* Quod, meo judicio, praebuit ansam altercandi non paucis, in disputatione de hominis justificatione, qui tropum non observarunt, quo una res pro aliis pluribus aliquoties ponitur. Omnes illi Protestantes, qui fidem justificantem definiunt, quod sit notitia & assensus, & expetitiō misericordiae promissae, & in eum, qui promisi, fiducia firma, quod faciunt multi; vel quod sit fiducia, aut assensus fiducialis atque etiam obsequiosus, quod volunt alii permulti, quic-

Pag. 34.) quidquid verbo contendant, *solam fidem justificare*, re ipsa tamen idem destruunt, si modò actuum fidei, spei, dilectionis, poenitentiae, orationis, &c. distinctionem salvam volunt. Res adeo diversas ad fidei essentiam reducere, nec theologia, neque etiam recta ratio permittit, nisi sub ejusmodi rerum & verborum confusione & ipsi falli, atque etiam alios fallere velimus.

Archiepiscopus Spalat. de Rep. eccles. lib. 7. cap. II. n. 206. fatetur, *fidem, si in sola sua puritate sumatur, quatenus est solus actus intellectus, nos justificare non posse, sed in vera & viva fide nos, inquit, praeter actum intellectus, ponimus etiam bonam dispositionem voluntatis, quae inchoata caritate erga Deum afficiatur, eique se ipsam subdat, & ad ei parendum disponat, magnamque in eum spem collocet, concipiatque fiduciam.* Et rursus num. 208. *Cum praesertim vera fides includat affectum pium voluntatis, in quo est inchoata erga Deum charitas, & magna ex Christi meritis fiducia.* Et ibidem: *Quicumque justificantur prope mortem, ut latro in cruce, & similes, profecto sola fide, cum illa saltem inchoata dilectione & fiducia, quae est in omni vera fide viva, justificantur.* Quid aliud haec omnia innuunt, quam fide sola (proprie & contradistincte aliis actibus conjunctis fidem intelligendo) nos non justificari? Archiepiscopus quidem, unitatis & charitatis christianae studiosissimus, ibidem n. 216. affirmat, S. scripturam aliis quoque actibus antecedentibus tribuere vim quandam obtinendae remissionis

nis peccatorum, ex Dei promissione, & teneri in conscientia pastores ad haec ipsa opera populum adhortari, tanquam remissionem peccatorum secum, si debite fiant, ex divina benignitate & promissione, aliquo modo, sive dispositive sive instrumentaliter offerentia. Cum quibus tamen (ut gratificetur rigidioribus Protestantibus) putat stare posse, *fidem solam esse, quae apprehendat formaliter justificationem.* Idem tamen paulo ante n. 211. dixerat, *fiduciae solius*, quae ad spem reducit, & ex fide nascitur, sive fidei effectum est, n. 205. *propriam esse, aut saltem videri actionem, formaliter & proxime Christi iustitiam apprehendere.* Quomodo autem haec cohaerere possunt, *fide sola apprehendi formaliter Christi iustitiam, & tamen non nisi fiducia*, quae fidei effectus est? Deinde quod ait n. 216. circa finem: *Sine omni bono opere, licet cum nullo malo opere, solam fidem plene justificare,* falsum est, nisi bona opera exteriora intelligat: quod proculdubio facit, licet nimis generaliter & incaute loquatur. (Pag. 35.) Nam inchoatam Dei dilectionem & fiduciam, quae sunt bona opera interna, a fide viva excludi posse, & in se absurdum est, & negavit saepe conciliator ipse. Ac proinde solam fidem sine aliis quibusdam bonis operibus seu actionibus internis nos justificare, intelligi non potest. Pium auctoris studium partes conciliandi, vehementer probo & laudo, sed conciliationes solidas & veritati consonas semper adhiberi velim. G. Cassander multum ab illo nobili historico Jac. Aug. Thuano Hist. lib. 36.

ob summum animi candorem ac moderationem laudatus, in Consult. art. 4. de Justif. *Multis eruditis & piis viris satius videtur, ut in concionibus popularibus vox illa SOLA praetermittatur, (quia scilicet perperam plerumque a populo intelligitur) sed scripturae tantum verba usurpentur, ut: Gratia salvi facti estis per fidem, absque operibus. Iustificati gratis, per gratiam ipsius. Arbitramur, hominem iustificari fide, non ex operibus legis.*

Georgius Wicelius, vir etiam doctissimus ac moderatissimus, in Via regia ad art. 20. Conf. aug. de Bon. oper. p. 35. edit. Conring. *Vellemus, inquit, de fide iustitiae quoties dicunt (Protestantes,) ut exclusivam istam (sola) pacifice & amice mittant, quando sacrae nullae literae eam addunt, & ex scripturis canonicis potius loqui ac docere ament, quam ex propriis.* Vide Erasimum tom. 9. adversus Censuras Theol. parisi. tit. de Fide & operibus, pag. 682. 683. & contra Natalem Bedam, pag. 389. 399.

Episcopi ecclesiae anglicanae in Catholica christiani hominis Institutione, Londini excusa, A. 1544. triennio ante Henrici VIII. obitum, licet multa, quae hodie communiter a Romanensibus defenduntur, dogmata rejiciant, de justificatione tamen sic loquuntur p. 13. *Atque ex his, quae diximus, liquido apparet, non solam fidem (quatenus fides quidem unum ac simplex donum est, a charitate & spe distinctum) sed caetera etiam gratiae dona justificationem nostram conficere, & in eadem semper adesse oportere, non modo misericordiae fiduciam, sed emendandae etiam vitae, & bene operandi*

voluntatem ac propositum. Vide etiam Enchirid. Colon. de Iustificatione, pag. 141. 142.

Quum igitur, ut hanc considerationem concludamus, nuspam in sacris literis (quibuscum tamen & sentiendum & loquendum esse de rebus fidei, nulli mortalium Protestantibus vehementius hodie contendunt) diserte legatur, Pag. 36.)

Sola fide nos iustificari, neque Patres, quos sic locutos saepe constat, unquam tamen sensua Protestantibus hodie communiter recepto intellexerint, quum explicationes & conciliationes nuper excogitatae prorsus inanes sint, quumque tandem viri quidam doctissimi & harum & illarum partium, litem hanc minime necessariam esse existimarent, atque etiamnum existiment: nos etiam, veritatis & unitatis Ecclesiae studio inducti, illis accedentes, censemus, de illa non amplius pertinaciter altercandum, & proinde omnium rigidiorum Protestantium sententiam a veritate & christiana charitate alienam esse, qui assertionem de *sola fide non iustificante* communiter a Romanensibus defensam, citra omnem vel fidei ipsius vel meriti opinionem, etiam improprie dicti, & aliorum operum seu actuum cum fide ad iustificationem concurrentium, non solum cum S. scriptura & piis Patribus e diametro pugnare contendunt, sed etiam, praeter alia innumera, iustam Protestantibus a romana Ecclesia secedendi causam praebuisse & praebere. Lege extrema verba Parei lib. 1. de Iustif. contra Bellarminum.

Atque

Atque sic ex praedictis liquido apparet, contentionem illam, *An fides vera & justificans possit reipsa a dilectione aliisque virtutibus separari*, nihil esse nisi meram logomachiam. Nam si per fidem veram & justificantem intelligatur *fides dogmatica*, (quemadmodum proprie & distincte de fide loquendo nihil aliud intelligi debet) Protestantes fere omnes id affirmant. Sententia enim illa Martini Bucerii (quae etiam fuit P. Mart. in Rom. 11. aliorumque quorundam) in Colloq. ratisb. pag. 242. & seq. minime absurda est, *Omnem hominem, qui peccatum mortale admittit, aut in peccato tali haeret, habere in animo suo assensum catholicae fidei contrarium, nec assentiri vere ulli fidei articulo, aut ulli verbo Dei, immo nec credere, Deum esse, eum nimirum, qui se nobis in scriptura revelavit.* Dogmaticam fidem (inquit R. Abbotus, episc. sarisburiensis contra R. Thomsoni Diatribam pag. 213. hanc sententiam taxans) omni graviore lapsu excuti, & cum mortali peccato consistere non posse, contra communem sensum est, & omni experientia fatum esse convincitur, cum videamus, homines non ulla modo pios dogmata fidei serio propugnare, & formam religionis omni animositate defendere; tantum ad se non applicare, quae usui ad vitam esse debeant. Pag. 37.) Sed si per fidem justificantem intelligamus *fidem vivam* & charitati conjunctam, quod certe Protestantes, atque etiam multi alii intelligunt, nihil absurdius dici aut fingi potest, quam eam a dilectione separari posse: aperta enim est αἰτιολογία, *Fides*, ut inquit August. lib. 15. de Trinitate

nitrate cap. 18. *sine charitate potest quidem esse, sed non prodesse*, ac proinde nec justificare. Vide eund. lib. 2. contra literas Petil. cap. 77. & Tract. 7. in Johan. cap. 1.



Ad Librum Bellarmini Secundum,
qui tractat controversiam
 de causa formali justificationis.

CAPUT. I.

Quo generaliter de ea lite agitur.

SUCCEDIT disputatio de causa formali justificationis, i. e. non propter quam, si proprie loqui velimus, sed *per quam*, vel *secundum quam*, homo dicitur justus coram Deo. *Magna sane quaestio*, inquit Bellarm. l. 2. de Justif. cap. 1. & hoc tempore praeter caeteras maxime necessaria. *Jure magnam dicit Bellarminus* (inquit Pareus contra Bellarm. loco citato) *hanc quaestionem: ea siquidem potissima fuit, & est causa divortii, quod Evangelici a Rom. papatu facere coacti fuerunt.* Haec ille. Sic hodie, proh dolor! plerique utriusque controuertentium partis judicant, sic scribunt: Vivimus enim addicti studiis. Quis tamen veritatis, quae est secundum

cundū pietatem, & unitatis ecclesiae magis, quam rixarum & schismatum amans, non aliter sentiat? Conveniunt enim omnes, ut infra videbimus, in his: *Homini, quam primo justificatur, peccata gratis remitti, & justitiam Christi imputari: eundem etiam simul per Spiritum S. renovari & sanctificari.* Haec omnia necessaria sunt creditu, atqve extra omnem dubitationis aleam posita. Sed an justificationis ratio formalis posita sit in sola remissione peccatorum, an vero etiam in imputatione justitiae Christi, aut an etiam in interna renovatione & sanctificatione, dissidia pag. 39) videri possunt ferme metaphysica, (ut inquit Spalatinus lib. 7. cap. 11. n. 217.) haud absimilia disputationi logicae vel metaphysicae potius, *In quonam ponenda sit essentialis sive formalis ratio quantitatis, an in mensura, an in divisibilitate, an vero in extensione partium,* aliisque plurimis id genus dissidiis. In Romana ecclesia quam multae discrepantes hac de re sententiae fuerunt, atq; etiam num sunt, quarum nulla haere seos jure damnari potuit, aut potest! Audiatur * magister sententiarum, lib. 3. dist. 19. A. *Mors Christi nos justificat, dum per eam charitas excitatur in cordibus nostris, quae scilicet diligimus Deum, qui pro nobis tanta fecit. Dicimur quoque & aliter, per mortem Christi justificari, quia per fidem mortis ejus a peccatis mundamur.* Unde apostolus Rom. 3. 22. *Justitia Dei est per fidem Iesu Christi.* Et v. 25. *Quem Deus proposuit propitiatorem per fidem in sanguine ipsius,*
i. e.

* Magister sentent.] Pet. Lombardus,

i. e. per fidem passionis: ut olim aspicientes in serpentem aeneum, in ligno erectum, a moribus serpentium sanabantur. Si ergo recte fidei intuitu in illum respicimus, qui pro nobis pependit in ligno, a vinculis diaboli solvimur, i. e. a peccatis, & ita a diabolo liberamur, ut nos post hanc vitam in nobis inveniat, quod puniat: morte quippe sua, uno verissimo sacrificio, quicquid culparum erat, unde nos diabolus ad luenda supplicia detinebat, Christus extinxit. Haec fere hodie est sententia Protestantium, quae aliorum fuit tunc temporis orthodoxorum in ipsa rom. Ecclesia. Videantur & alii plurimi, suis locis infra citandi. Certe verba Bellarmini de diversis, imo adversis Romanensium circa efficaciam sacramentorum sententiis, ubi de effectu sacramentorum lib. 2. c. 1. loquitur, observatu digna sunt. *Et hoc* (scilicet sacramenta esse efficacia signa gratiae, in quo omnes conveniunt) *sufficit ad fidem, & ad legitimum usum sacramentorum; quomodo in miraculis Christi non requirebatur, ut homines, qui curandi essent, scirent, in quo genere causae fimbria Christi sanaret. Satis erat, ut scirent & crederent, tactum illius fimbriae adferre sanitatem, neque opus erat, ut ipsi Apostoli, qui manus imponendo curabant, scirent, quomodo id fieret. Et rursus de dissidiis Romanensium de materia & forma sacramenti matrimonii, de Matrim. lib. 1. cap. 6. circa finem. Et quamvis etiam tum de materia, tum de forma, maxime inter se Catholici dissiderent, nihil id officeret certitudini, quam habemus de sacramento matrimonii. Nam ad fidem catholicam de sacramentis habendam, & ad eadem*

eadem sacramenta fideliter ministranda, vel suscipienda, satis est, scire, quid necessario requiratur ad sacramentum celebrandum, & quae sint illa, sine quibus non perficitur sacramentum. *Quid autem in his proprie forma sit, quid materia, sine fidei praesudicio disputari, & etiam ignorari potest.* (pag. 40.) Haec omnia inquam, Bellarmini verba, mutatis mutandis, huic controversiae aliquatenus aptari possunt. Quae in justificatione peccatoris poenitentis & credentis, a Deo unico nostri iustificatore, fiunt vel efficiuntur, ut certe fiunt omnia tria praedicta, firma fide omnes teneamus & complectamur; subtiles autem & scholasticas disputationes, in quibus forte haec est, *In quo praecise ponenda sit formalis justificationis ratio?* & definitiones audaces atque peremptorias sub poena anathematis, (cujusmodi sunt permultae tridentinae) fugiamus: ad salutem enim vel plebis vel etiam doctiorum non sunt necessaria, & per eas charitas christiana gravissime laeditur. *Satius esset, habere justitiam coram Deo, atque etiam coram hominibus, quam de ea contentiose disputare.* Tam diu ad toties rixamur de justificatione, (ut non immerito queritur* vir quidam moderationis studiosissimus) & nunquam anhelamus, ut justi simus revera, & justi reperiamur ad salutem: disputare enim malumus, quam bene vivere. Quum tamen fata Ecclesiae praesentia nos trahant ad specialem eorum, quae hac de te inter partes disceptantur, consideranda.

* Vir quidam] Witelius in Via reg. I, c. 38, edit. Cotting.

derationem aequam & placidam, age, sequamur, quo volunt illa, cum bono Deo.

CAPUT II.

Quo specialiter de causa formali justificationis differitur, & imprimis de imputatione justitiae Christi.

Non imus incipias, in multorum Protestantium scriptis varias, incommodas & crudas, atque interdum contrarias, de causa formali justificationis nostrae sententias ac loquendi formulas inveniri, quas licet aliqui excusare multum laborent, nos tamen, quibus veritas & ecclesiae pax, paucorum quorundam, praesertim recentium, auctoritate multo charior est, non excusamus, nedum defendimus, ne lites & iniquas & inutiles foveamus. Studiose quidem illas Romanenses ex variorum Protestantium scriptis excerpunt & curiose numerant: sed certe non semper candide & bona fide. Nonnullas tamen discrepantes super eadem re sententias in suorum etiam scriptis extare meminerint, ut infra dicemus, ac proinde cum Protestantibus tanto aequius agendum esse.

Pag. 41.) *Fidem esse formalem causam justificationis nostrae*, dixerunt quidem multi magni nominis Protestantes, ut Lutherus, Brentius, Schegkii, imo Calvinus ipse cum alibi, tum Instit. * lib. 3. cap.

* Lib. 3. c. 14. sect. 17.] Vcl cap. 10. n. 44.

2. cap. 14. sect. 17. aliique, & fidem pro justitia nostra vera & perfecta, per gratiosam Dei dignationem & acceptationem, propter Christi obedientiam, haberi dixerunt iidem supra nominati, (Calvinum excipio) & inter recentiores J. Armin. in epist. ad Hippolytum a Collibus, & in Articulis perpendendis tit. de Justif. Petrus Bertius; cum adhuc Leidae theologiam proficeretur, in Epist. discept. de Justif. cum Sibrando; fidem quidem vivam semper intelligentes. Sed Protestantes communiter utrumque hodie negant, & quidem recte: fides enim, etiam proprie, & non metonymice pro Christi justitia fide apprehensa accepta; (quicquid contra multi rigidiores Protestantes cavillentur) nobis imputatur ad justitiam illam obtinendam, qua proprie ac formaliter coram Deo justificamur; vel pro ipsa, nimirum consequenda; hoc enim saepe scriptura testatur, Gen. 15. 6. Rom. 4. 3. Sed fides nec est, neque uspiam dicitur esse illa ipsa justitia proprie dicta, sed justitia dicitur esse ex fide & per fidem. Quod si etiam cum Romanensibus libet sic explicare; quod in scriptura dicitur; fidem in justitiam imputari vel reputari, quia fides vera justitia est, (Dei enim reputatio vel existimatio semper cum veritate conjuncta est) saltem secundum inchoationem: nam ejusmodi fides a peccatore per Dei gratiam concepta, initium est justitiae & renovationis ejus, & quidem tale, quod ipsam justitiam apprehendat, & ex quo velut semine tota justitia progeminet, ut loquitur Estius in Rom. 4. v. 4. fides
E tamen;

tamen, quocunque explicetur modo illius imputatio ad justitiam, proprie loquendo nec est, nec habetur pro perfecta illa justitia, quae proprie & formaliter coram Dei iusti sumus. Et in hoc communiter Protestantes & Romanenses conveniunt, ita ut Bellarm. tota illa disputatione lib. 2. cap. 4. fidem non esse integram formalem causam justificationis nostrae, superfedere potuisset.

De sententia A. Oslandri, & peregrinis atque absurdis loquendi formulis ab illo usurpatis, quum Protestantes omnes non minus, quam Romanenses, eas rejiciant, nihil est necesse dicere.

Pag. 42.) Ad justificationis nostrae formalem rationem spectare remissionem peccatorum, quum fateantur omnes utrisque partis, differamus nunc de imputatione justitiae Christi, & an illa etiam formaliter justificemur.

Justitia Christi nobis imputata consistit non tam in habituali illa justitia, quae sanctissima Christi anima a primo suae conceptionis instanti donata fuit, & consors divinae naturae facta, quam in justitia ejus actuali, quam in tota hac vita mortali & agendo & patiendo operatus est, quaeque alterius effectus fuit. Habituali quidem sua justitia nobis justificationem etiam meruit Christus: talis enim nos docebat pontifex, sanctus, innocens, impollutus, a peccatoribus segregatus, Heb. 7. 26. sed actualis illius justitiae specialior quaedam fuit merendi ratio: ac proinde scripturae in justificationis nostrae doctrina de illa praesertim loquuntur. Meruit

Meruit nobis Christus per omnia, quae in terris egit aut passus est: infinite enim Deo patri placuerunt omnia, & immensi atque inexhausti meriti fuere, propter unionem hypostaticam personae divinae, nam *humana opera divinae operabatur*, ut docet Dionys., de Divinis Nominib. & Damasc. lib. 3. de Orthod. fide. Inter omnes actiones & passionibus pro nobis susceptas ejus mors & passio eam proxime antecedens, nobis maxime & potissimum justificationem meruit. In ea enim singulariter emicuit obedientia Christi erga patrem, & dilectio erga humanum genus, & tota illius obedientia consummata fuit, ut praeclare docet apost. ad Phil. 2. 8. Hoc infinita scripturae & Patrum loca testantur; in hoc etiam omnes Protestantes & Romanenses consentiunt: sed de merito obedientiae vitae nonnulla est inter ipsos Protestantes controversia. Quae de re, quid vere sentiendum sit, non est omnino ab instituto nostro alienum, paucis differere & explicare.

Affirmant nonnulli Protestantes, *Christum nullo modo obedientia activa, sive vitae*, ut ipsi loqui malunt, sed sola passiva, sive mortis, nobis justificationem meruisse. Sed errorem errant crassissimum: Nova enim est haec sententia, ac in Ecclesiam primum injecta a quodam M. Georgio * Kargio, pastore onoldino, ann. 1570. teste Mentzero Dispp. theol. giss. tom. 3, pag.

E 2

453.

* Kargio] Quem latino vocabulo etiam *Parsonium* vocant.

453. & Joanne Gerhardo loc. de Justif. n. 57. quam tamen ille, rectius a viris piis & eruditis edoctus, revocavit. Eadem vero postea a Zach. Ursino & J. Piscatore, theologo herbornensi, quasi non plus satis esset hactenus rixarum in Ecclesia, denuo excitata, & animose, immo pertinaciter defensa fuit. (Pag. 43.) Hos complures postea secuti sunt. Eandem etiam sententiam defendit Carolus Molinaeus Annot. in. 51. partem Harmoniae. Vide Fr. Fennard. dialogo 4. Cornelium Schultingium contra Instit. Calvini, tom. 3. pag. 482. Sed sententia haec adversatur 1. S. literis, quae non sola Christi morte, sed integra ejusdem vitae simul & mortis obedientia salutem & justitiam nobis, etiam per modum meriti, comparatam esse, compluribus locis clare testantur. Ies. 9. 6. Lucae 2. 11. Matth. 3. 15. 2. ad Cor. 8. 9. Gal. 4. 4. 5. in primis Rom. 5. 18. 19. & Phil. 2. 5. & seq. 2. Pugnat cum communi & perpetuo Patrum consensu. Videatur autor Exposit. fidei in Justini mart. Opp. Irenaeus lib. 5. adversus haeres. cap. 14. juxta Galasii distinctionem, & cap. 15. & 18. (1) Ambrosi, in 2. Cor. 4. & in 1. Cor. cap. 15. Chrysost. in epist. ad Rom. cap. 5. hom. 10. Cyrill. alex. lib. 11. in Joh. cap. 25. lib. 12. cap. 16. & l. de Recta fide ad Reginas p. 349. Primasius in cap. 11. Rom. lib. 1. epist. 70. ad Juvenalem episc. hierosolym. Damasc. lib. 3. de Orthod. fide cap. 24. Anselm. (sive potius (2) Hervaeus) in 4. ad Gal. & in li-

(1) Ambrosi] Aut potius Hilarius diaconus. Cave Hist. lit. 150.
 (2) Hervaeus] Monachus dolensis, Vid. Cave 439. 459.

in libello Meditationum; Bernh. serm. 1. de Circumcisione, serm. 3. de eadem, item serm. de verbis Ps. 23. vel 24. 3. *Quis ascendet in montem Domini?* p. 95, & serm. ad milites templi, c. 11. 3. Repugnat unanimi omnium Romanensium sententiae, hac in re minime contempndae, ut quae cum scriptura & Patribus maxime consentit. Gravissimam enim injuriam facit Romanensibus Barth. Battus lib. 1. de Justif. cap. 8. contra Bellarm. illis etiam hanc novam sententiam adscribens, ingenue id confitente I. Gerhardo L. de Justif. n. 57. licet Batti nomen supprimat: Concilium enim tridentinum sess. 6. cap. 7. Christum non simpliciter passione sua, sed *sanctissima sua passione* nobis justificationem meruisse dicit: sicut ipse Battus idem agnoscere cogitur. Bellarm. quidem lib. 1. de Justif. cap. 2. solius passionis Christi in assignanda meritoria justificationis causa meminit, & lib. 2. cap. 5. affirmat, nihil frequentius omnem scripturam testari, quam Christi passionem & mortem, plenam atque perfectam satisfactionem fuisse pro peccatis; (pag. 44.) non tamen excludit sanctitatem vitae Christi, sed justitiam illam, qua Christus, non ut homo, sed ut Deus, essentialiter justus est, quemadmodum A. Osiander, contra quem ibidem disputat Bellarminus, contendebat; & justitiae mortis Christi tantum meminit, quae scilicet in passione & morte Christi, meriti justificationis nostrae complementum & consummatio fuit. Alioquin idem lib. 5. de Chri-

stomed. cap. 9. diserte scribit, Christum operibus ac laboribus suis, non solum nobis omnibus gratiam & gloriam acquisivisse, sed etiam sibi aliquid. Vide praeter alios Romanenses Gregorium de Valentia lib. 1. de Christo redemptore cap. 3. ubi prolixè hac de re differit, Ruardum Tapperum art. 8. de Justif. pag. 26. Staplet. de Justif. lib. 7. cap. 5. & 6. Costerum in Enchirid. pag. 296. Male igitur etiam Amandus Polanus Symphoniae suae cath. thesin 10. cap. 12. de Justif. inscripsit *Contra Papanos*, quæ justitiam illam Christi, quæ nobis imputatur, affirmat esse satisfactionem ejus, quæ legem totam implevit, obedientiam nobis praeceptam perfectissime praestando, & mortem nobis comminatum sustinendo, quamque etiam satis diligenter confirmat consensu Patrum. Sed cum Romanenses id non negent, inscribenda fuisset *Contra Piscatorem ejusque sequacem*. Pugnat 4. cum constanti omnium Lutheranorum sententia; quorum permulti diversis tractatibus & disputationibus in publicum editis, hanc sententiam refutarunt. Repugnat 5. & ultimo, communiori sententiae etiam eorum Protestantium, qui vulgo Calvinistae dicuntur, ut ex variis illorum scriptis abunde constat, quæ adeat curiosus lector. Vnde Pastores gallicani in synodo * appinensi congregati an. 1603. Piscatorem per literas, quæ publice extant, admonuerunt, ut dogma hoc non probum atque evangelio contrarium publice retractaret,

nec

* Appinensi] Vel Cappinensi. Sic additum erat in priorè editione.

nec in posterum animos studiosorum misere eodem imbueret, aut infirmis scandalorum, collegis dissensionum, & Pontificiis insultandi occasionem praeberet. Hugo Grotius, vir antiquitatis peritissimus, (ut merito Remonstrantes in nupta sua Apologia illum laudant, pag. 230.) in eruditissima sua Defensione fidei catholicae de Satisfactione Christi, contra Socinum cap. 6. pag. 107. *Quaquam vero haecenus, inquit, ostendimus, Christi poena Deo satisfactum, negare tamen nolumus, vim satisfactionis esse etiam in ipsa Christi actione.* Pag. 45.) Et pag. 108. (nota contra errorem Roberti Rolloci lib. de Vocatione cap. 4. pag. 43. 44. aliorumque) *Sicuti opera temporaliter bona, valent ad temporalem impunitatem, ita Christi opus perfecte & spiritualiter bonum, ad liberationem a poena aeterna valuit. Quo illud spectat, Per obedientiam unius, justii constituuntur multi, i. e. justificantur, habentur quasi insontes.* Rom. 5. 19. *Quod vero de satisfactione jam diximus, eam primo quidem poenae, deinde vero ipsi etiam actioni obsequio tribui, idem de placatione Dei, de redemptione nostra, & de expiatione intelligi debet.* Et Gerh. J. Vossius, vir doctissimus & in antiquitate versatissimus, in docta sua praefatione libro Grotii nunc laudato praefixa, non procul ab initio haec habet: *Beneficia ejus (Christi) partim in iis consistunt, quae vita & morte acquisivis nobis.* Etrursus: *Nam actiones & personae Christi, minoris aestimet, necesse est, quisquis illum non quatenus est, agnoscit.* Extat epistola quaedam D. Parei

ad illustrem Comitem, &c. annexa Explic. catech. edit. 1621. qua suam sententiam exponit de iustitia Christi activa & passiva, & in quibus ab utraque litigantium parte peccetur, denique qua ratione controversia haec conciliari possit. Sed multa in ea inveniuntur, ubi ipsemet haud leviter peccat. In quibus, ut caetera mittam, praecipuum est illud, quod *habitualement & actualement humanitatis Christi conformitatem cum lege, pro iustitia personae Christi*, more suo, habet, & non pro iustitia meriti Christi. Neque unquam viris doctis satisfaciet ista ab eo proposita conciliationis ratio, cum manifesta veritatis injuria conjuncta.

Errant tamen, ut alios errores brevitatis studio non attingam, omnes illi Protestantes, qui hanc novam & singularem sententiam impugnantes, affirmant, *peccatum originis nobis remitti propter sanctam Christi conceptionem, peccata omissionis propter sanctam Christi vitam, peccata denique commissionis propter sanctissimam illius passionem; aut obedientiam Christi activam & passivam, ratione meriti*, ita distinguunt, ut haec nobis liberationem a morte aeterna, illa vero vitam aeternam promeruerit: Christi enim iustitia, in iustitia & salute nobis promerenda, non ita est in partes vel frustra distrahenda vel discerpenda, quum Christus integra sua obedientia habituali & actuali, vitae & mortis, (Pag.46.) non solum omnia nostra peccata, quaecunque illa sint, expiavit, & mala, in quae per peccatum incide-

cideramus, abstulerit, sed & bona, quae amiseramus, immo illis longe praestantiora acquisiverit, ut plurima scripturae loca testatur: Matth. 20. 28. Joh. 1. 29. Tit. 2. 14. Gal. 3. 13. & 14. Heb. 2. 9. & 10. 1. Petr. 3. 18. Nec activa illius justitia a passiva, vel haec ab illa, ratione meriti, sic distinguenda est: neutra enim sine altera meritoria fuit; utraque autem a personae Christi agentis & patientis infinita dignitate valorem ac pondus habuit. Sed paucis sic ostensa justitia illa Christi, quae justitiam & salutem nobis promeruit, quaeque nobis imputatur, in disquisitione coepta pergamus ad sequentia.

Quibusdam theologis in Concilio tridentino nimium superstitiosis, vel etiam contentiosis, vocabulum *imputationis* (justitiae Christi scilicet) ita invisum, aut saltem suspectum erat, sicut testatur historia illius Concilii lib. 2. & de Dom. a Soto ex illius scriptis constat, ut sublatum cuperent, quia scilicet Protestantibus adeo esset familiare, cum tamen nec in scriptura, nec in Patribus unquam usurpetur; & propter consecratoria, quae Protestantes inde eliciunt. Certe nusquam in scriptura diserte legimus, *Christi justitiam nobis ad justitiam imputari*. Legimus quidem in scriptura, *fidem nobis imputari ad justitiam*; propter *Christi justitiam Deum non imputare nobis peccata nostra*; & *imputari nobis justitiam*, Rom. 4. 6, 11, nusquam vero scriptura expresse dicit, *Deum nobis imputare ad justitiam, Christi justitiam*. Sententia tamen ipsa recte intellecta, passim in

S. literis traditur; justitiam enim, h. e. obedientiam Christi nobis imputari, i. e. quoad effectum vel fructum, scilicet remissionem peccatorum, justitiam inhaerentem, & acceptationem ad vitam aeternam, nobis communicari, attribui ac donari, toties re ipsa in scriptura dicitur, quoties expresse asseritur, Christi vel obedientia vel morte justitiam & salutem nobis comparatam, vel nos a peccatis redemptos ac Deo reconciliatos: vel quoties docetur, *Christum a Deo factum esse nobis justitiam*, 1. Cor. 1.30. *pro nobis factum esse peccatum, ut nos in ipso efficeremur Dei justitia*, 2. Cor. 5. 21. *eius justitia & obedientia nos coram Deo justos constitui*, Rom. 5. 19. Similiter in Patribus, communicationis, participationis, donationis, diffusionis vocabula saepe leguntur, ut constat, & confitentur illi ipsi, quibus *imputationis* vox maxime displicet; cum tamen hac voce nil aliud praecise, quam illis aliis significetur. Pag. 47.) Quocirca cum de re ipsa satis constet, frustra de verbis litigatur. Quin immo & *imputationis* vox in Bernardo legitur epist. 190. ad Innocent. papam: *Si unus pro omnibus mortuus est, ergo omnes mortui sunt, ut videlicet satisfactio unius omnibus imputetur; sicut omnium peccata unus ille portavit.* Lege, quaeſo, diligenter totam illam epistolam, & Serm. ad milites templi cap. 11. ubi dicit: *Mors in Christi morte fugatur, & Christi nobis justitia imputatur.* Hoc idem concedunt plurimi Romanenses, A. Vega de Justif. lib. 15. cap. 2. Bellarm. (qui etiam confitetur, recte dici, Christi justitiam & me-

& merita nobis imputari, cum nobis donentur ac applicentur, ac si nos ipsi Deo satisfecissemus; sed non ita, ut per Christi justitiam formaliter justii nominemur & simus) de Justif. l. 2. c. 7. 10. 11. Suarez de Gratia lib. 7. cap. 7. n. 29. Tapperus art. 8. de Justif. pag. 25. 26. 27. Vasquez in primam 2. tom. 2. disp. 202. cap. 6. n. 45. Staplet. de Justif. lib. 7. cap. 9. Costerus in Enchirid. pag. 292. aliiqve complures. Et multis ante Bernardum seculis, Athanasius adversus eos, qui damno afficiunt genus nostrum eo, quod negant, Servatorem ex natura nostra sumisise primitias, tom. 2. edit. Commelin. pag. 270. affirmat, nostrum esse, *credere sacris scripturis, & impletionem legis a primitiis (i. e. Christo) factam, toti massae ascribere seu imputare*: nam in Graeco est λογισμα, verbum, quod Apostolus ad Rom. 4. usurpat.

Christi justitiam seu obedientiam, quatenus per fidem nobis applicatur & imputatur, esse causam justificationis nostrae formalem, quia coram Deo justii simus & pronunciamur, dicunt multi Protestantes, formae voce non proprie accepta pro causa interna, quae subiectum constituit & denominat, vel informante, (omnis enim istiusmodi forma intrinseca & inhaerens est) sed late & improprie, pro qualibet causa, quae definitionem rei constituit, & dat esse rei, cujus est forma, quaque remota, res amplius non consistit; sive illa inhaereat, sive assistat, sive quomodocunque per relationem subiecto applicetur aut unia-
tur.

tur. Hanc sententiam Romanenses hodie erroris stulti-immo impii damnant, & justitiam imputatam vocant *putatitiam, fictitiam, imaginariam & fantasticam, spectrum cerebri lutherani, amentissimam insaniam*, & quid non? (Pag. 48.) Immo Patres tridentini eo usque processerunt, ut sic sentientes anathemate percutere haud sint veriti, sess. 6. can. 10. *Si quis dixerit, homines sine Christi justitia, per quam nobis meruit, justificari, aut per eam ipsam formaliter justos esse, anathema sit.* Vbi. 1. quam inique & odiose copulantur, & pariter anathemate damnantur, qui dicunt, nos *sine Christi justitia* justificari, & qui *per eam ipsam* formaliter nos justos esse affirmant! 2. Quam otiose (ne quid gravius dicam) & praeter omnium veterum Conciliorum morem, terminus *formaliter* non e sacris literis, nec ex Patrum scriptis, sed ex solis scholarum distinctionibus petitus, quique etiam diversimode accipi potest, conciliari canoni inseritur, & qui formalitatem hanc asserit, anathemati subjiciatur! Certe nec ii Protestantes, qui per ipsam Christi justitiam imputatam, & fide viva apprehensam, nos formaliter justificari dicunt, voce *formae*, ut dictum, latius accepta, inhaerentem justitiam negant, aut nos formaliter ea, voce *formae* proprie accepta, justos denominari ac esse asserunt, sed hoc est, quod contendunt, nos non per inhaerentem justitiam, propter suam imperfectionem, coram divino tribunali justificari, sed tantum per perfectissimam Christi obedientiam. Qua de re infra videbimus.

mus. Vnde quidam etiam rigidiores Protestante, attendentes propriam vocis *formae* accepti-
onem, negant, nos per imputationem justitiae
Christi formaliter justificari, sed imputative seu
relative tantum, licet vere & realiter. Pareus
de Justif. contra Bellarm. lib. 2. cap. 7. pag. 469.
*Nos, imputari nobis Christi justitiam, ut per eam
formaliter justii nominemur & simus, neque dixi-
mus unquam, neque sentimus, ut aliquoties jam osten-
dimus: Id enim non minus sane cum recta ratione
pugnaret, quam si reus in judicio absolutus diceret, se
clementia judicis, donantis sibi vitam, formaliter ju-
stum esse.* Joh. Prideaux, theologus oxoniensis,
in suis Lectionibus theologicis nuper emis-
sis, lect. 5. de Justif. pag. 163. ad verba Bellarm. lib. 2.
de Justif. cap. 7. sect. *Quarto Refellitur. Si justitiam
sui merita Christi solum vellent (Protestantes) nobis
imputari, &c.* respondens, ita inquit: *At quis
unquam e nostris, nos per justitiam Christi imputatam
formaliter justificari, asseruit? (Immo quam plurimi
Protestantes, ut neminem latet. Quin ille
ipse, licet hec sui oblitus, paulo ante, hac ead-
em lectione, pag. 156. diserte asseruit, pag. 49.)
formam justificationis nostrae, esse tam activae,
quam passivae obedientiae Christi imputatio-
nem. Sed hoc est, quod dixi; aequivocatione
vocis formae luditur.) Annon formam quamlibet
inhaerentem, qua formaliter justii denominemur, sem-
per explosimus?* Sic ille. Sibrandus contra Vorstii
errores, pag. 604. 605. &c. Chamierus de Justif.
lib. 21. cap. 20. n. 21.

Eandem prope sententiam cum hisce Protestantibus, quidam etiam Romanenses ante Concil. tridentinum secuti sunt, testibus Romanensibus ipsis, Bellarm. de Justif. lib. 2. cap. 1. Staplet. de Justif. l. 7. c. 9. & imprimis A. Vega de Justif. lib. 7. cap. 21. aliisque. Alb. Pighius, strenuus alioqui & peracris Protestantium adversarius, Controvers. 2. de Fide & justif. (cujus verba omnia in sententiam non libet hic adscribere, nam hac in re multus est) postquam ibi fuisse ostendit, neminem mortalium esse, qui non etiam injustitiae convincatur, quamvis justissimus sit inter homines, subdit, *divinam misericordiam nobis succurrisse per Christum: in quo justificamur coram Deo, non in nobis, non nostra, sed illius justitia; quae nobis cum illo jam communicantibus, & ei insertis, conglutinatis, & unitis, imputatur. Propriae justitiae inopes, extra nos, in illo docemur justitiam quaerere.* Et paulo post: *In Christi autem obedientia quod nostra collocatur justitia, inde est, quod nobis illi incorporatis, ac si nostra esset, accepta ea fertur, ita ut ea ipsa etiam nos justii habeamur.* Atque hanc sententiam Pighius multis scripturae testimoniis, quae a Protestantibus communiter adducuntur, confirmat, eandemque illustrat exemplo haud ineleganti benedictionis Jacobi patriarchae, quo Protestantes multum delectantur. Concludit denique in hunc modum: *Disimulare non possumus, hanc (scilicet de justificatione) vel primam doctrinam christianae partem obscuratam, magis quam illustratam scholasticis, spinosis plerumque, quaestioni-*

sionibus & definitionibus, secundum quas nonnulli magno supercilio primam in omnibus auctoritatem sibi arrogantes, & de omnibus facile pronunciantes, fortassis etiam nostram hanc damnarent sententiam, quae propriam, & quae ex suis operibus esset, pag. 50.) coram Deo justitiam derogamus omnibus Adae filiis, & docuimus, una Dei in Christi niti nos posse justitia, una illa justos esse coram Deo, destitutos propria, nisi hoc ipsum adstruxissemus aliquanto diligentius. Haec ille. Prolixitatis vitandae studio, caetera, quae dicenda sunt, in caput sequens rejicienda duxi.

CAPUT III.

In quo fusius adhuc de imputatione justitiae Christi tractatur.

Canonici colonienfes in suo Antididagm. ubi tractant de causis, per quas justificamur, haec habent de causa formali: Justificamur a Deo justitia duplici, tanquam per causas formales & essentielles. Quarum una & prior est consummata Christi justitia, non quidem quomodo extra nos in ipso est, sed sicut, & quando eadem nobis, dum tamen fide apprehenditur, ad justitiam imputatur. Haec ipsa ita nobis imputata justitia Christi, praecipua est & summa justificationis nostrae causa, cui principaliter inniti & fidere debemus. Aliter vero justificamur formaliter per justitiam inhaerentem, qua remissio peccatorum simul cum renovatione Spiritus sancti, & diffusionem charitatis in corda nostra, secundum

dum mensuram fidei uniuscujusque, nobis donatur, infunditur, & sit propria. Haec illi.

Inclinasse videntur in hanc sententiam, inquit Vega, auctores etiam libelli, a Carolo V. Imp. collocutoribus in Comitibus ratisb. ad promovendam conciliationem oblatis ann. 1541, ut legere est apud Goldast. Constit. Imper. tom. 2. pag. 186. cap. 5. de Justificatione hominis. Vbi inter caetera bona nobis communicata in justificatione nostra, ponunt imputationem justitiae Christi, & fide eatenus dicunt nos justificari, i. e. acceptari & reconciliari Deo, quatenus apprehendit misericordiam & justitiam, quae nobis imputatur, propter Christum & ejus meritum, non propter dignitatem seu perfectionem justitiae, nobis in Christo communicatae: & fidelem animam aiunt non inniti justitiae sibi inhaerenti, sed soli justitiae Christi nobis donatae; sine qua omnino nulla est, nec esse potest justitia. Pag. 51.) Licet enim non utantur hi, inquit Vega loco supra citato, verbo formaliter, neque dicant justitiam Christi causam formalem nostrae justificationis, sicut Coloniaenses; tamen eandem cum illis videntur secuti sententiam, quia praeter justitiam inhaerentem, alteram justitiam (nempe Christi) communicari nobis asseruerunt, quae praecipue sumus justis, cuique soli debemus inniti.

Contarenius cardinalis, vir doctrina & vitae integritate insignis, qui Comitibus illis ratisb. interfuit, in tract. de Justif. ita inquit: *Quoniam ad duplicem justitiam pervenimus per fidem, justitiam inhaeren-*

inhaerentem nobis & charitatem ac gratiam qua effici-
mur consortes divinae naturae, & justitiam Christi
nobis donatam & imputatam, quoniam inserti sumus
Christo & induimus Christum; restat inquirere,
utramque debeamus niti, & existimare nos justificari
coram Deo, i. e. sanctos & justos haberi. Ego prorsus
existimo, pie & christiane dici, quod debemus niti,
niti, inquam, tanquam re stabili, quae certo nos sustentat,
justitia Christi nobis donata, non autem sanctita-
te & gratia nobis inhaerente. Haec etenim nostra
justitia, est inchoata & imperfecta, quae tueri nos non
potest, quin in multis offendamus, & assidue pec-
cemus, ac propterea indigeamus oratione, qua quoti-
die petamus dimitti nobis debita nostra. Idcirco in
conspectu Dei non possumus, ob hanc justitiam nostram,
haberi justos & bonos, quemadmodum deceret filios Dei
esse bonos & sanctos. Sed justitia Christi nobis donata
est vera & perfecta justitia, quae omnino placet oculis
Dei, in qua nihil est, quod Deum offendat, quod non
summopere Deo placeat. Hac ergo sola certa & stabili
nobis nitendum est, & ob eam solam, credere, nos ju-
stificari coram Deo, i. e. justos haberi & dici. Hæc ille.

Multo aequius & moderatius etiam post Con-
cilium tridentinum de hac loquendi formula,
tantopere a Patribus illius concilii damnata, quod
scilicet Christi justitia nobis imputata justus simus
formaliter, pronuntiavit Ru. Tapperus, quan-
quam & ipse de re illa diversum a Protestantibus
sentiret, art. 8. de Justif. pag. 27. Et si, inquit, in
re ipsa esset consensus, (i. e. si non excluderetur justitia
inhaerens) non esset multum de verbis sermonis-

que forma pugnandum; quae ob varios tropos, quibus scripturae, & nos etiam plerumque utimur, permittit & dissimulari possit; Pag. 52.) quod videlicet Christi justitia nobis imputata justii simus formaliter, tametsi nostra justitia non sit justitiae Christi participatio, nisi in genere causae efficientis. Et paulo post: Simili itaque tropo & nos justii nominari possumus imputatione justitiae Christi, sicut figurata est locutio, quod Christus nobis factus est sapientia & justitia, 1. Cor. 1. 30. Pro nobis peccatum fecit, ut nos efficeremur justitia Dei in ipso, 2. Cor. 5. 21. Dominus justitia nostra, Jer. 23. 6. Super hae igitur sermonis forma & loquendi modo, non multum esset contendendum, si nobis concederent adversarii, quod propria justitia nobis inhaereat, sicut proprium ex Adamo contrahimus peccatum, nos intrinsece commaculans.

Rectius tamen nonnulli alii theologi Protestantes & Romanenses, communiter, justitiam vel obedientiam Christi nobis imputatam seu applicatam, non causam formalem, sed causam meritoriam tantum & impulsivam, quam *τὸ πρῶτον* nominant, justificationis nostrae esse statuunt. Justitia enim Christi nos justificari, & ut causa formali, & ut meritoria, (quod asserunt ii, qui priorem tuentur sententiam) dici non potest; nam fieri nequit, ut eadem res simul sit causa efficiens, ad quam meritum reducitur, & formalis ejusdem effecti, quia sic simul & de essentia effecti foret, & non foret; cum causa formalis interna sit, efficiens autem externa tantum, uti constat.

Dico

Dico igitur, rectius statui justitiam Christi causam meritoriam, non formalem justificationis nostrae, quia praeter id, quod dictum est, illud primo universa clamat scriptura; hoc autem nulla omnino scriptura clare & necessario evincit. Quod enim Jer. 23. 6. Christus nominatur *Dominus justitia nostra*, (quem locum cum sequentibus, ut caeteri omnes Protestantes, qui hanc sententiam tuentur, vehementer urgent, ita nemo magis quam episcopus wintoniensis (*Bilsonus*) in concione quadam anglicana, doctissima alioqui, de Justificatione in Christi nomine, super hunc locum) & in loco illi parallelo, 1. Cor. 1. 30. dicitur *factus nobis a Deo sapientia & justitia*, sensu causali & figurato, non proprie intelligendum est; quia scilicet Christi merito veram justitiam & divinam sapientiam, sanctificationem & redemptionem a Deo accipimus. Quomodo, Pag. 53.) Eph. 2. 14. *Christus pax nostra* vocatur; quia pacem nobis suo merito conciliavit. Sic locorum peristases diligenter excussae cogunt, sic interpretes omnes doctiores suadent, haec dicta esse explicanda. Quod 2. Cor. 5. 21. *fecisse pro nobis peccatum* dicitur *Deus Christus, qui non noverat peccatum*, hunc habet sensum: Deus Christum fecit hostiam, seu sacrificium pro peccatis nostris: (ut multi, cum veteres, tum recentiores vocabulum *peccati* hoc loco ex variis veteris scripturae locis intelligunt) vel hominem morti, miseriis ac aerumnis variis obnoxium, & per haec peccatoribus similem, ut per *peccatum* similitudo peccati vel poena pecca-

ti intelligatur; vel, ut Chrysost. aliiqve Graeci, nostri causa tractavit eum, tanquam ipsum peccatum, ipsum scelus, i. e. tanquam hominem insigniter sceleratum, ut in quo posuerit iniquitatem omnium nostrum, Jes. 53. 5. quando scilicet eum pro nobis morti crucis subjecit, quo maledicto & ignominioso supplicii genere solent affici famosi latrones; *ut nos per eum* (græce, ἵνα ὑμεῖς). Hebraïmus est, pro δι' αὐτοῦ. Sic etiam exponit Oecumenius) i. e. per Christi meritum, *efficeremur justitia Dei*, seu vere justī, ea nempe justitia, quæ a Deo nobis donata, & Deo probata, propter Christum, sit, remissis scilicet peccatis nostris omnibus, & nobis per spiritum Christi sanctificatis. Consulantur interpretes omnes doctiores, veteres atqve recentēs, in locum; nos enim nunc commentarios non scribimus. Ita ut nihil minus ex hoc loco intelligi possit, quam ab iis, qui hanc sententiam propugnant, hinc infertur, *omnem nostram justitiam, quæ coram Deo justificamur, externam esse*, ipsam scilicet Christi justitiam, quæ nostra fiat, dum nobis illam gratuito Deus imputat, eodem, ut loquuntur illi, modo, quo Christus peccatum sive peccator factus est, non propter peccatum sibi inhaerens, sed propter imputationem nostrorum peccatorum. Nihil nunc dicam, quam a vero alienum sit, quod hinc & alibi passim ab aliis affirmatur, *Christum vere & realiter per imputationem coram Deo peccatorem habuisse*. Suscepit quidem Christus in se

sponte,

sponte, atque etiam ex patris mandato, debitum solvendae poenae nostris peccatis debitae, (ex quo non peccator, sed justus, immo justissimus dici meruit) peccata tamen Pag. 54) nostra eorumque reatum in se proprie non recepit: longē enim aliud peccatum est, quam debitum solvendae poenae; nam hoc est effectus consequens, potestque quis debitum pro alio velle solvere, quamvis illius peccatum in se proprie non recipiat. *Peccatum non suscepit*, inquit Augustinus de Verbis apost. serm. 14. *sed poenam peccati suscepit; suscipiendo sine culpa poenam, sanavit & culpam.* Et contra Faustum. lib. 14. cap. 4. *Suscepit Christus sine reatu supplicium nostrum, ut inde solveret reatum nostrum, & finiret etiam supplicium nostrum.* Sic ille. Nam nec decuit, neque etiam fieri potuit, ut Christus veram injustitiam in se reciperet; sic enim minime fuisset idoneus ad satisfaciendum Deo pro injustitia nostra. Sed de tota hac nova atque etiam falsa hujus loci expositione, lege inter recentiores Protestantes doctissimum Billonum, episcopum quondam wintoniensem, in sua Recognitione passionum Christi, pag. 271. 272.

Neque etiam testimonia Patrum, quae ad hanc sententiam firmandam vulgo citantur, hoc probant. Verba illa Augustini in Enchirid. ad Laurent. cap. 41. quae clarissima illis videntur: *Ipse ergo peccatum, ut nos justitia; nec nostra, sed Dei sumus; nec in nobis sed in ipso. Sicut ipse peccatum non suum, sed nostrum; nec in se, sed in nobis constitutum, si-*

militudine carnis peccati, in qua crucifixus est, demonstravit, sic sunt intelligenda, ut cuius locum legenti clarissime patet: Christum, in quo peccatum non erat, pro nobis peccatum fecit Deus, cui reconciliandi sumus, hoc est, sacrificium pro peccatis, per quod reconciliari valeremus: Ipse ergo peccatum, i. e. in similitudine carnis peccati, in qua venerat, sacrificatus est, ad diluenda peccata nostra, non sua: ut nos justitia, i. e. ut nos justii essemus, non nostra, i. e. non justitia nostris viribus parta, sed Dei, i. e. a Deo donata; nec in nobis, i. e. non ex nobis ipsis profecta, sed in ipso, i. e. ex ipso & per ipsum. Nihil enim magis alienum a mente S. Augustini fingi potest, quam justitia divinitus infusa, sed semper cum remissione peccatorum conjuncta, propter Christi meritum nos non justificari. Eodem modo intelligenda sunt omnia, quae hanc in rem ex Augustini citantur serm. 61. de Verbis Domini, serm. 6. de Verbis apostoli, conc. 2. in psal. 30. & enarratione primae psal. 70. sicut & verba (pag. 55.) Bernardi, serm. 61. () super Cantica: Domine memorabor justitiae tuae solius; ipsa est enim & mea.*

&
 (*) Super Cantica] Id est, in canticum canticorum: cuius tria priora capita B. Bernardus 86. sermonibus illustrare studuit. Reliqua autem 48. non sunt Bernardi, quamvis in ejus operibus existent, sed Gilberti, abbatis de Hoilandia in Anglia, ordinis cisterciensis, ut habet inscriptio in edit. Paris. A. 1551. & observant Cave in Hist. lit. 450. ac Du Pin p. 90. tom. 9. de la Biblioth. des auteurs ecclesiastiques.

& epist. 190. ad Innocentium papam, & in serm. ad milites templi, cap. 11. & verba Justini martyris in (*) epist. ad Diognetum: *Quid enim aliud potuit peccata nostra tegere, quam ejus justitia? in quo alio nos iniqui & impii, pro justitia haberi possumus, quam in solo filio Dei.* p. 500. haec, inquam, omnia atque alia consimilia, non sunt aliter intelligenda, quam de imputatione seu communicatione justitiae Christi, per modum meriti, aut alia quacunque ratione considerata, non per modum causae formalis justitiae, seu justificationis nostrae; ut evidenter patet legentibus haec aliaque Patrum dicta & scripta.

Neque etiam ulla necessaria ratio ejusmodi imputationis justitiae Christi afferri potest. Quicquid enim imperfectionis cum peccato conjunctum inest, aut inesse creditur in justitia nostra inhaerente, vel habituali, vel actuali inde emanante, (an enim omnis omnino imperfectio sive defectus & exiguitas justitiae nostrae in hac vita vere & proprie peccatum sit, infra dicetur) *id totum gratis remittitur propter meritum justitiae Christi nobis imputatum*, ita ut praeter remissionem peccatorum & justitiam inhaerentem, quae utraque effectus est satisfactionis & meriti Christi nobis imputati, haud quaquam opus sit ad formalem justificationis rationem constituendam nova illa imputationis justitiae Christi ratione. Immo

F 4

si per

(*) Epist. ad Diognetum] Quae si non Justini, antiqui tamen etiam, quique tempore persecutionum, quibus christiani premebantur, vixit, est auctoris. Du Pin Biblioth. des aut. eccl. rom. 1. 58.

si per justitiam Christi imputatam justī habere-
mur & essemus, perinde ac si propria sit nostra
intrinseca & formalis justitia, haec incommoda in-
de sequi viderentur: I. ut urgent Romanenses, *non
minus justī censerī deberemus coram Deo, quam ipse
Christus.* Hoc quidem discriminis intercedit,
quod Christus a se & in se, seu inhaerenter justus
sit, nos tantum precario & imputative, i. e. ab
illo, & in illo. Nihilominus tamen per Christi ju-
stitiam nobis sic imputatam, verissima Dei aesti-
matione aequē justī censeremur & essemus,
quam ipse Christus: quod christianae aures vix
ferre possunt. Certe nec scriptura, nec Patres
unquam, aut usquam, ita loquuntur. II. *Omnes,
qui justificantur, aequē justificantur,* quia non di-
versa participatione justitiae a Christo transfu-
sae justī sunt, sed sola imputatione unius & ejus-
dem justitiae Christi, quae tota singulis aequē
imputatur. Distinctio hic adhiberi solita ab iis,
qui huic sententiae favent, ad hoc incommo-
dum vitandum inter *justitiam justificationis & san-
ctificationis*, non est satis solida, ut cap. seq. mon-
strabitur. (Pag. 56.) Denique III. hinc
sequitur, *justos in hoc seculo justiores esse, quam in
vita aeterna futuris sint*, quum hīc omnes per
ipsam Christi justitiam omnium longe perfectis-
simam sibi imputatam vere coram Deo justī ha-
beantur & sint, illic singuli suam tantum habituri
sint; quum nihil amplius loci ejusmodi Christi
justitiae imputationi futurum sit, propter perfe-
ctionem justitiae inhaerentis, quae tamen ipsa
Christi justitia multo erit inferior. Ad

Ad extremum illis Protestantibus, qui *formam justificationis*, immo totam essentiam, in *sola peccatorum remissione* constituunt, (quod faciunt ex iis non pauci) haec imputatio justitiae Christi non per modum causae meritoriae tantum, sed & per modum causae formalis, aut saltem *quasi formalis*, ut quibusdam loqui placet, non probatur. Calvinum in his cum Bellarm. de Justif. lib. 2. cap. 6. ipso capitis initio, & cum quibusdam etiam Protestantibus, vix numerare possum; licet enim aliquando Calvinus totam justitiam nostram in gratuita peccatorum remissione constituat, ut lib. 3. Institut. c. 2. num. 21, 22. & in Antid. Conc. trid. ad sess. 6. & comment. ad Rom. 4. 5. & in Psal. 32. alibi tamen (ut Bellarm. ipse de Justif. libro dicto cap. 1. sect. *Joh. Calvinus*. & cap. 2. sect. *Sed non minore fraude*, fateri cogitur) disertis verbis, justificationem in peccatorum remissione, & justitiae Christi imputatione positam esse, dicit. lib. Institut. jam dicto, cap. 11. n. 2. & rursus ibidem n. 3. *Justificare nihil aliud est*. Locos hos Calvini in speciem pugnantes, aut certe valde ambiguos, qui illius dictis mordicus inhaerent, ut Pareus, Chamierus, aliique, conciliare satagunt: an solide satis, judicet candidus lector. Piscator Exegesi aphorismorum doctrinae christianae ex Calvini Institut. maximam partem excerptorum, de Justif. aphor. 14. pag. 305. affirmat, formam justificationis esse ipsam remissionem peccatorum, sive non imputationem, vel, quod idem valet, justitiae imputationem.

Quod etiam pag. 306. ex pluribus scripturae locis probare nititur; & aphorismo 15. pag. 307. Christi justitiam seu obedientiam illam, quam Patri praestitit, pro causa tantum procaturatice seu meritoria habet. Vorstius Tesserad. antipist. parte 2. pag. 32. *Atque hoc demum sensu, inquit, alienam justitiam nobis imputari docemus Protestantes, Pag. 57.)* quatenus aliena, hoc est, Christi solius obedientia, tanquam causa meritoria, formalem nostram justitiam, *h. e. remissionem peccatorum, per quam omni modo iusti coram Deo constituimur, nobis comparatam esse affirmamus. Interim justitiam Christi proprie dictam, h. e. obedientiam ejus tum activam tum passivam, item sanctitatem ejus nativam, sic nobis imputari, ut ipsa nobis subjective inhaereat, atque ita nos formaliter per eam iusti constituamur, id neque nos asserimus, neque uspiam in S. literis indicatum esse dicimus.* Et rursum ibidem, pag. 49. *Justitiae Christi nomine, vel ipsam a Christo praestitam obedientiam intelligimus, & tum obedientiam illam Christi non quidem proprie in se & per se, sed effectivè tantum, sive ratione fructus & effectus sui, nobis imputari, h. e. impartiri & communicari dicimus; vel per justitiam Christi, ipsam in abstracto live in genere acceptam justitiam, ex gratia Dei nobis imputatam, sed tamen obedientia Christi revera partam, intelligimus: & tum verbum imputandi per verbum donandi, sive re ipsa attribuendi facile patimur explicari: nam certe utrumque verissimum est, & fructum obedientiae Christi re ipsa nobis donari, ita ut subjective nobis inhaereat,*

haereat, adeoque obedientiam ipsam hoc sensu nobiscum communicari, (prout jure spiritualis conjugii nostrum est, quicquid Christus habet) & propter eandem Christi obedientiam nos, quicumque in Christum credimus, justos a Deo reputari, sicut Rom. 3. 24, 25, 26. 4. 24, 25. & 5. 25. & seq. item 1. Cor. 1. 30. & 2. Cor. 5. 19. 21. & alibi videre licet. Interna fatemur, longe tutius esse, ipsas scripturae phrasas in hoc gravissimo argumento praecise & simpliciter usurpare, quae vel justitiam nobis in genere (non in specie hujus vel illius justitiae) imputari, vel, fidem ad justitiam nobis imputari, dicunt, & utramque phrasin per remissionem sive non imputationem peccatorum declarant. Confer etiam pag. 114. Idem quoque in suo Antibellarmino pag. 600. affirmat multorum Protestantium nomine, formam justificationis veram & propriam, esse ipsam justitiae imputationem, vel, quod idem est, peccatorum remissionem, & pluribus argumentis idem confirmare satagit. p. 601. 602. Lege & pag. 607. 608. 611. Vide ejusdem Scholia alexicaca contra Sibrandum, pag. 207. 208. 210. 285. Remonstrantes in Responsione ad specimen calumniarum, pag. III. (Pag. 58.)

An obedientia Christi formaliter est nostra justitia? Fatemur, hoc a nonnullis dici; sed quomodo hoc consequenter dici possit, non videmus. Nam si Christi obedientia formaliter est justitia nostra, quomodo fides nobis imputatur in justitiam, propter obedientiam, sive meritum Christi? obedientiam enim Christi formaliter, propter obedientiam Christi, ut causam προκαταρχικην, nobis imputari, absurdum

duo

dum est. Videatur etiam Th. Mortonus Appel. Proreft. lib. 5. cap. 11. feft. 2. n. 4.

Sed, ut Proreftantes alios silentio tranfeamus, Archiep. fpalat. de Rep. ecclef. lib. 7. cap. 11. n. 217. Proteftantium sententiam, five potius diverfas fuper hac re exponens sententias, ita inquit: *Posteriores* (Reformati fcilicet) *volunt, justificationem nostram formalem, esse obedientiam Christi, ejusque iustitiam nobis imputatam; five in justificatione requiri quidem hanc imputationem iustitiae Christi nobis, sed formaliter justificationem nostram esse ipsam peccatorum remissionem per non imputationem.* Et paulo post: *An vero iustitia illa, per quam post justificationem iusti dicimur, sit sola imputatio iustitiae Christi nobis, an vero sit aliquid inhaerens, quod Deus nos justificando in nobis ponat, an iustitia formaliter sit ipsa remissio peccati, h. e. carentia illa iniustitiae, res est disputabilis.* Haec ille, plus aequo partibus dissentientibus placere studens. Atque haec de imputatione iustitiae Christi.

CAPUT IV.

*Quo disquiritur, an iustitia Dei nobis infusa
& inhaerens, spectet ad formalem justificationis rationem.*

NOn quaeritur, quemadmodum rigidiore Protestantes arbitrantur, ac proinde de male nec satis candide ab illis formato quoad formalem justificationis rationem statu quaestionis graviter conqueruntur Romanen-

nenses, ut Bellarm. de Justif. lib. 2. cap. 2. sect. *Est autem hoc loco*. Stapletonus *Quæst. quodlib. de varia Protest. astutia*, pag. 408. aliqve, quid sit id, *propter quod* Deus peccatorem iustificet, & in gratiam recipiat? (Pag. 59.) sit ne meritum Christi, an inchoata in nobis novitas? Nam si de causa meritoria justificationis nostrae quaeratur, quæ proprie designatur voce *propter*, libenter concedunt Romanenses, hanc solam esse Christi meritum, neque quicquam nobis inhaerens: quod si de causa formali, quæ proprie non voce *propter*, sed *per* denotatur, i.e. quid illud sit, per quod homo iustificatur? affirmant iidem, iustificari hominem per iustitiam sibi a Deo propter Christi merita donatam & inhaerentem, & non per ipsum Christi meritum extrinsecus imputatum. Interim pluris se facere perfectissimum atque absolutissimum meritum Christi, quam renovationem nostram hic imperfectam & inchoatam, profitentur. Vide Bellarm. loco supra citato, sect. *Deinde*. Quæ hic autem pro Chemnicio, aliisque respondet Joh. Gerhardus, loc. de Justif. n. 220. & Pareus ad lib. 2. Bellarm. de Justif. cap. 2. pag. 384. aliqve, solida non sunt, nec statum quaestionis recte propositum attingunt.

Patres Concil. trid. sess. 6. cap. 7. *unicam formalem causam justificationis* esse dicunt, iustitiam videlicet Dei, nobis infusam & inhaerentem, dum primo dicunt, *iustitiam Dei esse, quæ nos justos facit, quæ videlicet ab eo donati renovamur*
spiritu

spiritu mentis nostrae. Et paulo infra: Id in hac impii justificatione sit, dum ejusdem sanctissimae passionis merito, per Spiritum S. charitas Dei diffunditur in cordibus eorum, qui justificantur, atque ipsis inhaeret. Iidem tamen capitis ejusdem initio: Hanc dispositionem, inquirunt, justificatio ipsa consequitur, quae non est sola remissio peccatorum, sed & sanctificatio & renovatio hominis interioris. Et paulo infra: Unde in ipsa justificatione cum remissione peccatorum, haec omnia simul infusa accipit homo per Christum. Ex hac praecisa & peremptoria determinatione unicae tantum formalis justificationis causae, ex scholarum altercationibus & contentionibus, quemadmodum ex ipsis terminis patet, nata & deprompta, non autem ex scripturis vel ecclesiae veteris doctrina, neque etiam ea sibi satis constante, mirum, quantum contentionis inter eos etiam, quibus Concil. trid. utramque facit paginam, ad illius auctoritatem tuendam, exortum sit. Vasquez 1. 2. parte 2. disp. 404. cap. 3. acriter contendit, remissionem peccati (Pag. 60.) nihil prorsus in re esse, nisi infusionem iustitiae: tribuitque hanc opinionem aliis quibusdam Romanensibus, verenean falso, non laboramus; sed praecipue disputat ex Concilii trid. verbis de unica causa formali justificationis. Hanc sententiam Vasqvis impugnant acerrime multi alii Romanenses, & Protestantes omnes. Vide Davenantium de Iustitia habituali, cap. 28. pag. 353. Bellarminus de Justif. lib. 2. c. 2. rectius agnoscit, remissionem peccatorum esse aliquid re ipsa distinctum

Atum ab infusione gratiae, ac proinde Concilium in eodem loco separatim utriusque meminisse: non quidem ut significaret, ut inquit ille, duplicem esse causam formalem justificationis, sed ut indicaret, *duos esse terminos ejus motus, qui dicitur justificatio, sive duos effectus ejusdem causae.* Quae glossa quam consentanea sit verbis Concilii tridentini, judicet aequus lector. Si enim renovatio nostri per Spirit. S. est unica formalis causa justificationis, quemadmodum Concilium disertissime loquitur, quomodo justificatio nostra, formaliter & essentialiter procul dubio, ab eodem Concilio dicitur esse *non solum peccatorum remissio, sed & renovatio?* Quomodo etiam a Bellarmino aliisque, *remissio peccatorum* dicitur esse *renovationis nostrae, quae causa formalis est justificationis, effectus?* In eandem sententiam cum Bellarm. disputat Suarez de Gratia divina, lib. 7. de sanctificatione hominis, cap. 11. n. 24. ubi *Concedo*, inquit, *intervenire in justificatione impii duos effectus gratiae, quasi parciales, unum positivum, & alium privativum, seu exclusivum peccati.* Et n. 25. *Neque hinc sequitur, dari plures causas formales justificationis, quia formalis causa non est nisi positiva forma; privatio enim formae contrariae, potius est effectus secundarius ejusdem causae formalis. &c.* Quod si quis de nomine contendat, vocando privationem frigoris, formam constituentem lignum in non esse frigidum, eodem modo loqui potest de carentia peccati, & tunc respondet facile, Concilium fuisse loquutum de forma positiva, & de illa dixisse, esse *unicam.* Hic fructus est,

est scholasticarum disputationum & determinationum maxime, ne quid gravius dicam, ambiguarum, in res fidei, ab illo nupero Concilio tridentino infelicitè invec̃tarum. Sed omnes hi theologi *remissionem peccati cum ipsius deletionē seu abolitione*, Pag. 61.) quæ quidem effectus est, aut saltem nunquam fit ordinariè absque infusione gratiæ justificantis, semper confundunt; cum tamen, ut rectè Fr. Sylvius a Brania in 3. Thomæ q. 86. art. 2. pag. 422. conclus. 2. docet, *reatus poenæ propriè tollatur per remissionem peccati. Propriè enim, peccatum remittere, est, peccatorem liberare ab obligatione poenæ luendæ, siquidem is peccatum remittit, qui illud condonat; condonat autem, qui poenam relaxat, & quam exigere poterat, non exigit. Scriptura vocat alio nomine, non imputare, scilicet ad poenam, Psal. 32. 2. Rom. 4. 8. 2. Cor. 5. 19. Ac proinde peccati remissio, non est propriè ipsius deletio vel abolitio, sed poenæ illi debitæ condonatio; peccati autem deletio, est maculæ abstersio, quæ nunquam fit (si loquamur de macula peccati mortalis) absque infusione gratiæ justificantis. Haec ille. Rectius ergo alii dicunt, justificationem peccatoris duas res continere, diversas quidem illas inter se, verum insolubili societate conjunctas, remissionem peccatorum & donationem gratiæ & justitiæ Dei. Perer. in Genes. cap. 15. 6. disp. 3. Gropperus in Enchirid. colon. de Justif. pag. 132. Ant. Delphinus de Salutari progressu lib. 5. (qui duas appellat justificationis partē) & Andrad, Orthod. explicat. lib. 6. aliique multi.*

Prote-

Protestantes unanimi consensu fatentur, inherentis iustitiae seu sanctitatis infusionem cum gratuita nostri justificatione necessario ac perpetuo conjunctam esse, quemadmodum nec ipsi Romanenses, quando sobrie loquuntur, negare possunt; eam tamen esse justificationis nostrae partem aliquam, aut ad formam hujus essentialem pertinere, communiter non admittunt: *sanctificationem* esse & appellari volunt, quae accurate & necessario, ut inquirunt ipsi, a *justificatione* nostra, cum hujus tantum sit consequens, distinguenda sit.

Dissensionem hanc, licet magni momenti esse videatur theologis dissidentibus, praesertim rigidioribus Protestantibus, omnibus tamen recte & sine praepudio expensis, *forte verbalem & notitionalem magis*, quam realem esse compariemus; immo sententia rigidiorum Protestantium, nec scripturis nec patribus, neque etiam reiterationi satis consentanea videtur.

Pag. 62.) Verba A. Vegae, quibus lib. 15. de Justif. cap. 5. circa finem, Calvinum super hac re sic affatur, observatu dignissima sunt: *Ac ne te amplius, inquit, super his urgeam, illud tandem pacifice velim tecum perpendere: Si semper, dum quis justificatur, etiam secundum tuam sententiam sanctificatur, quod peccatum est, statuere aliquod verbum, quo explicemus utrumque, & generatim omnia beneficia, quae illo momento peccatori a Deo fiunt? Si aliquem docere velimus, quid a Deo accipiat, cum ei remittuntur peccata, aut cum ad gratiam di-*
G *vinam*

vinam admittitur, non patieris nos dicere, velle illum docere beneficia, quae in sua justificatione assequantur? Quo verbo commodius utamur ad complectenda illa omnia una voce, quam hoc, quod frequentissimum est in scriptura, & ab illis verbis etymologiam suam ducit, quibus & absolutio a peccatis, & reconciliatio cum Deo, & amicitia ipsius atque adoptio, & executio operum iustitiae designatur? Quae verba a nupero scriptore protestante, Francisco White, in sua Orthodoxae fidei explicatione pag. 18. 19. ad ecclesiae pacem hac in re conciliandam, recte censentur expendenda.

Verbum *iustificare* (hebraice דִּיכָרַתִּי, graece δικαιῶ) forensē, seu iudicalem significationem saepe in scriptura, immo & in quibusdam D. Pauli locis, quae de justificatione nostra loquuntur, habere, i. e. idem significare, quod iustum pronunciare seu declarare, libenter concedunt multi Romanenses. Marinarus, carmelitanus, in Concil. trid. contra Dom. a Soto id urgit, ut legere est in Historia Concil. lib. 2. pag. 332. ex illo Rom. 8. 33, 34. ubi voces iudiciales, *accusare & condemnare*, oppositae verbo *iustificare*, evincunt, hanc vocem ex usu forensi pro declaratione iustitiae sumendam esse. Joh. Pineda jesuita in cap. 4. Jobi, allato etiam hoc ipso loco Rom. 8. Vega lib. 5. de Justif. cap. 3. praeter per multa alia, adducto loco ex Rom. 4. 7. Tolemus in Rom. 2. 13. annotat, 13. ait, significationem hanc in scriptura frequentissimam esse, ex frequentis testimoniis probari posse. Et in annotat.

ad

ad Rom. 8. 33. eadem in significatione *justificandi* verbum accipit propter oppositum *condemnandi*. Sic etiam Estius in Rom. 2. 13. & Pererius in eundem locum, ubi & illud D. Pauli saepius jam dictum ad Rom. 8. eodem modo intelligendum esse affirmat: Ru. Tapperus art. 8. de Justif. pag. 20. Bellarm. de Justif. lib. 1. cap. 1. & lib. 3. cap. 3. & 9. aliique plurimi: ut frustra hoc contra illos probare satagant permulti Protestantes.

Pag. 63.) Sed & verbum *justificare*, quandoque in scriptura significare, *justitia imbuere*, vel *donare*, non dissentitur permulti docti Protestantes, contra aliorum rigidiorum id pertinaciter negantium sententiam. Rom. 8. 38. dicitur: *Quos vocavit, eos & justificavit*. Vbi rigidiores cum Patre sanctificationem, cujus nulla in aurea illa catena mentio fit, non in justificatione, sed in glorificatione includi, absurde volunt. Et ad Tit. 3. 7. censet Calvinus ipse, fatente Patre de Justif. lib. 2. cap. 3. p. 408. posse concedi, sub justificatione regenerationem seu justificationem comprehendere; licet addat, nulla necessitate hoc fieri. Disertius Beza in cap. 3. ad Titum vers. 7. *Justificationis nomen*, inquit, *large accipio, ita ut complectatur, quicquid a Christo consequimur tum per imputationem, tum per Spiritus in nobis sanctificandis efficaciam*. Sic quoque accipitur *justificandi verbum* Rom. 8. 30. Idem in quaest. *Sic interdum nomine justificationis intelligitur etiam sanctificatio, quoniam haec duo prorsus cohaerent*. Idem etiam contra Heshusium. pag. 330. fatetur,

justificationis nomine utrumque interdum intelligi, licet (ut communi errore abreptus inquit) ac extra e distingui debeant ista duo, sicut passim apud apostolum distinguuntur. In Synopsi purioris theol. Ant. Thylius disp. de Justif. thesi 3. scribit: Neque tamen diffitemur, propter summam & artissimam connexionem, justificationem quoque sanctificationem ipsam, ut consequens, videri nonnunquam completi. Rom. 8. 30. Tit. 3. 7. 1. Cor. 6. 11. Et haec quidam fuisset; sed abluit, sed sanctificati: sed justificati estis. Hier. Zanchius in epist. 2. ad Eph. 2. 4. loco de Justif. affirmat, per justificationem ac sanctificationem unum idemque intelligi. Thesi enim 12. verbum justificandi duplicem habere significationem asserit: primum significare, aliquem a criminibus absolvere, justumque pronuntiare, & verbo condemnare opponi: atque hanc significationem plane forensam esse. Altera, inquit, verbi significatio est, hominem ex iniusto justum fieri; sicut etiam sanctificari, est, ex profano sanctum fieri. Qua significatione dixit apostolus loco jam citato: Et haec eratis quidam, &c. i. e. ex immundis mundi, ex profanis sancti, ex iniustis justi facti estis per Spiritum S. propter Christum, in quem creditis. Pag. 64.) Ad quam significationem illud etiam Apocal. 22. 11. spectat: Qui justus est, justificetur adhuc, i. e. fiat reipsa ex iusto magis justus, nempe, sicut etiam ex iniusto factus est justus. Et juxta hanc significationem Patres, atque imprimis Augustinus, verbum hoc interpretati sunt. Haec sunt duo certa hujus verbi justificandi significata. Sic ille, H. Bullingerus in eundem locum 1. Cor. 6. 11.

6. 11. ita loquitur: *Diversis verbis eandem rem significat apostolus, cum ait: Abluti, sanctificati, & iustificati estis. Abluti vero dixit, propter S. baptismum; sanctificati, propter Sp. sanctum; iustificati autem, propter fidem iustificantem.* Versu 25. capitis 4. ad Rom. *Qui traditus est propter delicta nostra, & suscitatus est propter justificationem nostram, justificationis nomine intelligi posse vitae nostrae novitatem, quam apostolus illo loco discrete a remissione peccatorum distingvit, concedit P. Martyr in illum locum scribens: Propositis enim duabus interpretationibus loci admodum verisimilibus, quarum prima haec est, fidem mortis & resurrectionis cap. 10. justificationem asserere; sed Paulum haec disjunctis, ut eleganter analogiam inter haec ostenderet. &c. Rursus quia justificatio in eo videtur declarari, quod incipimus novam vitam, ideo ea ad Christi resurrectionem refertur, quoniam ille tunc visus est coelestem & felicem vitam inchoasse. Vir autem istarum expositionum verior sit, neque pugno, neque facile dixerim.* Deinde cum Christus dicitur excitatus a mortuis propter nostram justificationem, facile, inquit, videmus, nos ab eo evocari ad novam vitam. Haec ille. Martinus Borrhous in Genes. cap. 15. 6. ad verba, *Credidit Abraham Deo*, pag. 161. eundem explicans locum apostoli Rom. 4. 25. haec habet verba: *Viramque hanc (justificationis scilicet) partem apostolus his verbis expressit: Qui traditus est propter peccata nostra, &c. In morte igitur ejus spectatur satisfactio pro peccato, in resurrectione donum Spiritus sancti,*

quo nostri justificatio ad vitam conficiatur. Idem haec verba immediate praemisera: Duo in Christo cernuntur, quae ad justificationem nostri necessaria sunt: alterum mors est, alterum excitatio ex mortuis. Morte eius expiari mundi peccata oportuit: Per excitationem vero ex mortuis, Spiritum S. tribuere eidem bonitati Dei placuit, per quem & evangelio crederetur, & primi Adami vitio amissa iustitia restitueretur. Pag. 65.)

Martinus Bucer in eundem locum Rom. 4. 25. scribens, obf. 4. sic inquit: *In peccatis nati cum simus, & nihilquam offendere Deum valeamus, ex nobis restitui non possumus, nisi sit, qui & pro peccatis nostris satisfaciat, & deinde spiritu nos afflet iustitiae. Vtrumque perficit Christus. In morte Christi, peccata nostra sanguine eius esse expiata, semper cogitemus: In resurrectione eius, qua vitam inivit coelestem, vivitque jam Deo, agnoscamus, nos ad novam & Deo placitam vitam vocatos, eamque cum ipsum collaturum. Loco apostoli Rom. 5. 17. & 19. Si enim per unius delictum, &c. justificari per Christum, non esse solum pronunciari justos, sed etiam vere fieri & constitui justos, per donationem iustitiae inhaerentis, affirmat M. Borrihaus loco supra citato in Genesim pag. 162. scribens: *Atqui hic quaerat aliquis, quodnam sit illud donum iustitiae, quod ex capite Christo in nos dimanat? De hoc dono sic loquitur apostolus: Etenim si per unius delictum, &c. Quibus verbis S. Paulus declarat, Adami secundi merito & beneficio multos iustitiae & vitae donum sumere, ut Adami primi culpa*
noxam*

noxam & mortem ejus posterì contraxerunt. Hoc autem donum quid aliud fuerit, quam Spiritus S. donum, qui pariter iustitiam & vitam iis, qui eo praediti sunt, offert? Et rursus in lib. 3. Reg. cap. 9. v. 4. pag. 681. haec habet verba: Viraque ergo iustitiae ratio in justificatione continetur, & neutra ab altera separatur: atque ita in definitione justificationis, meritum sanguinis Christi cum remissione delictorum, atque cum dono Spiritus sancti justificatoris & regeneratoris includitur. De quo dono iustitiae apostolus his verbis: Etenim si per unius sic commentatur &c. Mart. Bucerus in eundem locum, ad verba vers. 16. Nam sicut per unum, &c. sic commentatur: Cum ex uno Adae peccato orbis perditum sit, gratia Christi non hoc solum peccatum, & mortem, quam intulit, abolevit, sed simul infinita illa suffulit peccata, inque plenam justificationem, quotquot ex Christo sunt, adduxit: ut Deus jam illis non solum & Adae & sua ipsorum peccata remiserit, sed spiritum simul donaverit solidae ac perfectae iustitiae, qui conformes nos reddat imagini primogeniti. Pag. 66.) Δικαιομα hic habetur, quod ut opponitur κατὰ πνεῦμα, ita proprie justificationem significat, qua Deus eos, qui Christi sunt, a peccatis omnibus absolvit. Et quia plenam justificationem intelligit, absoluta quoque iustitiae collatio in hac justificatione continetur: Nam ea tum demum consummabitur, quando cum peccato, ultimus hostis, mors quoque fuerit abolita, & sancti omni fructu iustitiae impleti. Et ad verba, Per J. Christum: Hoc quoque semper cogitemus, inquit, totum Christi beneficium huc

pertinere, ut justitiae dono polleamus, recte & ordine
 viventes, in omni virtute ornatih. e. ad imaginem Dei
 restituti. Videantur & haec P. Martyris, sic ex-
 plicantis antithesin, quam facit ibi Apostolus in-
 ter Christum & Adamum, in L. C. exc. Londini
 anno 1576. pag. 149. sect. 4. ubi probans, pecca-
 tum Adae non propagari tantum per imitatio-
 nem, quoniam admodum Pelagiani volebant, sic
 ait: Deinde haec opinio confutatur ex eo,
 quod Paulus antithesin facit inter Christum & Ada-
 mum. At Christi justitia non tantum proponitur
 nobis imitanda, sed etiam, ut, qui credunt in eum,
 animo mutantur, spiritu corrigantur, & omnibus vi-
 ribus emendentur. Quamobrem vicissim requiritur
 ad rationem contrarios, ut praeter malum exem-
 plum, quod Adamus exhibuit posteris, naturam etiam
 illorum depravaverit, atque, ut Augustinus lib. de
 Peccatorum meritis & remissione cap. 9. & 15. loqui-
 tur, tunc quadam labificaverit. Rursus pag. 178.
 Non agitur hic. Rom. 5. 14.) de imitatione alieni pecca-
 ti, aut persuasione ad peccandum, Verum in eo jam est
 apostolus, ut doceat, ex qua, tanquam ex principio,
 peccatum per propagationem traductum fuerit in hu-
 manum genus. Atque hoc esse apostoli consilium,
 probari potest ex ea antithesi, quam facit inter Chri-
 stum & primum Adamum. Non enim instaura-
 vit nos Dominus, aut nos justos effecit, tantum se pro-
 ponendo exemplum ad imitandum, aut se exhibendo
 fidelissimum monitorem, sed nos prorsus immutando,
 & per Spiritum gratiamque instaurando. Haec ille.
 Ut perperam rigidiores, Chamierus de Justif. lib.

21. Pareus de Justif. lib. 2. cap. 3. pag. 392. aliiqve (ipsius Petri Martyris inconstantiam non excuso) negent, apostolo in loco Rom. 5. 19. idem significare *justos constitui*, Pag. 67.) qv od justificari, si justos constitui etiam de inhaerente justitia intelligamus; nam, qvum apostolus uratur verbo futuro *δικαιοι κατασχησονται*, *justi constituentur*, inde seqvi putant, *si illa duo idem valent, neminem in praesens* (verba Parei sunt) *justificari per Christum*. Deus bone, qvam debilis & infirma est haec ratiuncula ! Nam & in hoc seculo per Christi meritum, tum peccata remittuntur, (qv od illis est totum justificari nostrum) tum inchoate justii constituimur, (qv ae revera est altera justificationis nostrae pars) & in vita futura solennis nostrae absolutionis a peccatis sententia pronuntiabitur, ac perfecte justii constituemur, & efficiemur. Apostolus igitur, utcum principium, tum culmen & fastigium operis significaret, usus est verbo temporis non praesentis, sed futuri. Immo Chamierus loco citato n. 5. affirmat, *nihil ob stare, quo minus illud*, per obedientiam Christi constituentur justii, *sic intelligamus, ut sensus sit: Erunt apud Deum justii, non sua, sed Christi justitia imputata*. Frustra igitur verbum illud, *κατασχησονται*, tam misere urgetur & vexatur a contra sentientibus, ad sanctificationem nostram in hac vita inchoatam, a justificationis beneficio vel ratione penitus excludendam. Piscator in eund. loc. putat, apostolum de industria uti verbo futuri temporis, propter eos, qvi tum cre-

dituri erant, & etiam num credituri sunt. Apostolus in ejusdem capitis v. 9. & 10. utitur verbo futuri temporis *συννοήσμεθα, servabimur*, licet, quotquot in Christum fide viva credunt, cum in hoc seculo ex humana infirmitate delinquentes, ab ira Dei hostili & exterminante servantur, tum in futuro ab omni omnino illius ira liberandi sint. Danielis 12. 3. *Qui justificaverint multos, &c.* justificandi verbum non in significatione forensi usurpari, sed pro. justos facere, D. Chamierus agnoscit de Justif. lib. 21. cap. 5. n. 11. Ita enim inquit: *Ad illam inhaerentiae significationem, qui certo pertineat, ego locum nullum observavi, (fallitur tamen, ut jam vidimus) praeter unicum ex Daniel. 12. 3. Qui justificaverint multos, &c. & alterum ex 18. 23. Eccles. qui apocypbus est: Ne differito usque ad mortem justificari; & tertium ex Apocal. 22. 11. Qui justus est, justificetur adhuc.* His exceptis audacter dico, non posse dari alium. Haec ille. Sed nimis audax est haec asseveratio. Ben. Aretius in Problem. theol. loc. 24. de Justif. *Quarto loco, inquit, significat justificare, ad justitiam alios promovere docendo & instituendo.* pag. 68.) Daniel. 12. vers. 3. *Qui alios justificant, hoc est, instituunt, doctrina & institutione efficiunt justos. Et Apocal. 22. 11. Qui justus est, justificetur adhuc, h. e. proficiat bene agendo.* De hoc Apocal. loco proxime citato nihil est necesse plura dicere: omnes enim fere, etiam rigidissimi, verbum *justificare* eo loco sensum forensem non habere agnoscunt, sed profectum inhaerentis justitiae significare. Alios locos, ut illum Esaiiae

53. 11. *In scientia sua justificabit justus servus mens multos, & consimiles, brevitatis causa nunc non attingam. Audiatur confessio D. Chamieri, quam ei vis veritatis extorsit, tom. 3. de Sanctificatione lib. 10. cap. 1. n. 6. Non sumus tam inepti vocabulorum aestimatores, ut nesciamus, aut tam importuni sophistae, ut nolimus, justificationis, sanctificationisqve voces permutari: immo sanctos hac praecipue ratione scimus appellari, quod in Christo habeant remissionem peccatorum. Et legimus in Apocal. 22. 11. Qui justus est, justificetur adhuc. Quod nisi de profectu inhaerentis iustitiae nequeat intelligi. Et aliis forte locis non negamus promiscue venire in usum: apud Patres maxime.*

Immo quandocunque scriptura facit mentionem de justificatione impii coram Deo, ut loquitur B. Paulus, & ex illo passim, praeter alios, S. Augustinus, *justificandi* verbum necessario significare non tantum justum pronunciare more forensi, sed & revera ac inhaerenter justum facere, ex eo patet, quod Deus aliter justificet impium, quam terreni iudices. Ille enim cum justificat impium injustumqve, pronunciat quidem illum justum: quod & hi faciunt: sed pronunciando justum, quia ejus iudicium est secundum veritatem, simul facit illum ex injusto revera justum, quod hi facere non possunt. Proinde *homines, qui justificant impios, Deo sunt abominabiles.* Prov. 71. 15. Deus autem, quum impium justificat, omni laude dignissimus est. Respondent hic rigidiores Protestantes, Deum quidem nos & iustificare &

re & iustos facere, verum *non eo iustificare, quo iustos facit*; immo *iustificare prius, post iustos facere*, ut loquitur Chamierus de Justif. lib. 21. cap. 5. n. 25. Eadem est & caeterorum mens. Sed viderint, ne nimia ista, immo inani subtilitate scripturis & patribus plane incognita, pondus & dignitatem tanti divini beneficii & tantopere in scripturis celebrati, justificationis scilicet impii, minuant & elevent. Si enim ad justificationis impii formalem rationem omnino non spectat, ut ita loquar, justifactio, Pag. 69.) in peccatoris igitur justificatione, quamvis iustificetur ille, non tollitur peccati macula, sed eadem in illius anima adhuc inhaeret, sicut ante justificationem, atque sic, non obstante justificationis beneficio, manet, sicut antea, iniustus & peccator, nihilque aliud tollitur, quam reatus sive obligatio ad poenam, & offensa atque inimicitia Dei per non imputationem. Scripturae tamen, ut & Patres, in justificatione peccatoris non solum *peccata remitti, condonari, tegi, non imputari*, affirmant, sed & *tolli, deleri, mundari, abluí, purgari, longissime a nobis removeri*, ut ex plurimis S. scripturae locis constat; ita ut post justificationem nihil maculae peccati mortalis & gravioris maneat in anima peccatoris. Quod nunquam ordinarie fit absque infusione inhaerentis gratiae. Reatus poenae & offensa possunt quidem tolli sine infusione iustitiae, ut recte Bellarm. de Justif. lib. 2. cap. ult. sect. *Reatus poenae*, ait: *Nihil impedire videtur, quo minus possit Deus velle, non*
ordinare

ordinare ad pœnam, & condonare offensam, & non habere pro inimico illum, cui donum inhaerentis justitiae non concesserit, tamen sine ea ordinarie non tolluntur. Immo probabile est, ut recte Fr. Sylvius a Brania in 3. Thomae qv. 86. art. 2. concl. 3. quod per absolutam dei potentiam possit etiam macula tolli sine infusione gratiae justificantis, quia status gratiae & status peccati, simpliciter loquendo, sunt contraria mediata. Qui enim poneretur in puris naturalibus, esset in statu medio, & sicut potest Deus aliquem in illis creare, ita potest in iis non creatum, in ipsis constituere. Si vero peccatum sic ab aliquo tolleretur, is neque esset Deo amicus, vel gratus ad finem vitae aeternae, neque inimicus, sed medius; ipsaque macula non deleteretur per contrarii positivi introductionem, sed per nudam abolitionem. Ordinarie tamen haec semper simul junguntur, remissio peccatorum & gratiae collatio, quae peccati macula deletur.

Quod dixi, per gratiam justificantem omnis peccati mortalis seu gravioris maculam omnino deleri, paucis, & quantum praesentis instituti ratio patitur, paulo explicatius sic accipe. Licet habitualis concupiscentiae seu fomitis reatus, baptismi vi, plane solutus & sublati sit, atque ipsa etiam viribus tracta & debilitata, manent tamen adhuc, etiam in justificatis, ejus quaedam reliquiae, quae in illis interdum sese exerunt, & (pag. 70.) per se etiam moraliter malae, vitiosae, deoque odiosae sunt, quemadmodum confitentur ipsi Romanenses, (licet admodum inconsiderate post tantam adhibitam curam Patres trid.

trid. sess. 5. can. 5. dixerint, *In renatis nihil edisse Deum*, nisi id candide & dextre accipiat; multo aliter, quam multa, quae a Protestantibus incommode quidem, sed non mala mente dicta & scripta sunt, ab illis accipiuntur) non consentientibus tamen, sed viriliter per Christi gratiam, resistentibus nocere non valent, nec coram gratioso Dei tribunali in peccatum imputantur, (ut August. loquitur de Nupt. & concupisc. lib. 1. cap. 5. & 26.) vel pro peccato amplius habentur. C. Vorstii, ut hoc obiter dicam, hac in quaestione, de qua partes tam contentiose concertant, moderatio in suo Antibellarm. pag. 538. non est omnino improbanda: *Si adversarii*, inquit, *concesserint*, concupiscentiam hanc, *quamvis etiam condonata, & per Sp. S. subactam*, per se malam & vitiosam esse, (quod certe concedunt, ut * ex omnibus illorum scriptis constat) prout vicissim nostri concedunt, cum in renatis minime dominari; nec proinde damnationem iis inferre, atque hoc datum sensu peccati rationem non habere; jam certe praeter inanem logomachiam nihil fortasse hic reliquum manebit, de quo deinceps operae pretium sit litigare: nimia enim subtilitas in his talibus, fugienda est. Vide Cassandri Consult. art. 2. tit. de Concupiscentia, manente in renatis. Manent etiam justificati adhuc obnoxii peccatis levioribus & brevioribus; sine quibus haec vita non ducitur; quorum tamen venia iustis, humiliter

* Ex omnibus illorum scriptis] Vide duntaxat Andr. Fabri-
cii Catech. roman. p. 581.

militer ea agnoscentibus & remitti sibi postulanti-
bus, facile ex immensa Dei misericordia in
Christo parata est: nec per ea gratia justificans
perditur seu amittitur. Omnis autem peccati
mortalis sive gravioris & exitiosi, ut loquuntur
Patres, non tantum reatus, sed & macula per
justificationem tollitur.

Quod communiter affirmant Protestantes
rigidiores, tanquam certum, *Deum*, licet non
tempore, ordine tamen *naturae*, prius peccatorem
justificare, seu peccata illi remittere, quam ju-
stum facere, seu sanctificare, viderint hic, obse-
cro, ne forte nimis audacter & temere ordinem
actionum divinarum in scripturis manifeste non
revelatum definiant. In ipsis scholis multum
hac de re certatur, & adhuc sub iudice lis est.
An infusio gratiae, inquit Stapl. de Justif. l. 5. c. 8.
ordine naturae praecedat remissionem peccatorum,
ut tradit S. Thom. 1. 2. q. 113. art. 8. &c. Pag. 71.)
an contra, ut alii acerrime disputant, quaestio est
magis scholastica, quam hodie controversa, & de qua
nihil in alteram partem in ecclesia vel olim, vel nunc,
definitum est. Th. Bezae, alioquin satis rigidi,
modestia hac in re probanda est. Is contra
Flacii illyrici Demonstrationes, pag. 218. sic scri-
bit: Si justificationem generaliter accipias, ut inter-
dum usurpatur ab apostolo, sanctificatio non erit
ejus effectus, sed pars aut species: sin vero pro iustitiae
tantum imputatae dono, seu gratuita peccatorum re-
missione, tum sanctificatio alterum erit donum, quod
prius illud semper consequitur, quoniam, quicumque
gratis

gratis in Christo justificatur, idem quoque ejus spiritu sanctificatur. Neque hic multum nobis contendendum est, utra ordine praecedat, cum uno eodemque momento Christus nos justificet, & suo spiritu sanctificare incipiat. Et pag. 237. *Quum dixissim id, quod res est, nempe, dummodo constaret, oportere nos in primis fieri ipsius Christi participes, ut in eo justificemur & sanctificemur, non esse magnopere laborandum, utrum istorum duorum ordine praecedat, illyricus Calvinum opponit, qui in Antidoto Concilii tridentini dicat, simul atque justificatur quispiam, necessario innovationem quoque sequi. Atqui Calvinus istic trid. Concilii placita refellens, quibus justificatio cum sanctificatione dono confunditur, non de istorum duorum ordine sive serie, sed connexionem disputat, ideoque dicit, si quis est justificatus, innovationem quoque sequi, i. e. necessario concludi, si quis est justificatus, sequi, ut dicatur quoque sanctificatus. Observo vero, si dicam, si vivit quispiam, sequitur, ut, sic anima praeditus, an inde recte concluderetur, quod anima praeditum esse, sciam esse quiddam vita posterius? Et pag. 238. circa finem: *Simul nos & justificari & renovari dico in Christo per fidem nobis applicato; neque haec, an illa, ordine antegrediat, tantillum laborandum censeo, cum unam sine altera nunquam recipiamus. Utinam hanc modestiam non rigidiores modo Protestantes, sed & alii plurimi theologi utriusque partis, qui tot & tantas hodie in ecclesia turbas excitant circa modum & ordinem divina.**

vinarum operationum, religiose sequerentur!

Multis quoque aliis rationibus ex scriptura de promissis, sanctificationem etiam, & non solam remissionem peccatorum, ad justificationem pertinere, probari posset: ut, quod justificatione ^{pag. 72.} non solum a poena peccatis nostris debita liberamur, sed & gloriam aeternam consequimur, Rom. 8. 36. quod efficiamur amici Dei, filii per adoptionem, dilecti, haeredes regni coelestis, ut scripturae passim testantur. Quae omnia sola remissione peccatorum absque gratia sanctificante non praestantur, neque etiam, stante lege communi, praestari possunt. Has rationes aliasque etiam nonnullas vehementer urgent Romanenses, nec ad illas contra sentientes (ut Pareus ad c. 6. lib. 2. Bellarm. de Justif. Chamierus de Justif. l. 21. c. 15. aliique) quicquam solidi respondent. Qua de re judicet lector aequus, & harum rerum intelligens.

CAPUT V.

*Quo doctrina cap. praecedente tradita
uberius confirmatur.*

HAnc fuisse communem Patrum omnium, cum graecorum tum latinorum, sententiam, ex quam plurimis illorum dictis, Augustini imprimis, acerrimi gratiae Christi propugnatoris, nemini in veterum lectione versato obscurum esse potest. Certe si singu-

H

la

larcitare ac persequi, quæ huic sententiæ firmam-
 dae afferri possent, animus esset, non caput unum
 vel alterum, sed integrum fere volumen, nobis
 contexendum foret. Sed res adeo certa & ma-
 nifesta est, ut dissentientes ipsimet id ultro con-
 cedant. Calvinus Instit. lib. 3. cap. 2. sect. 15. *Aug-*
ustini quidem, inquit, (quem tamen aliis fere
 omnibus alibi præfert) *sementia*, vel saltem loquen-
 di ratio, per omnia recipienda est. Tametsi enim egre-
 gie hominem omni iustitiæ laude spoliat, ne quæ
 Dei gratiæ transcribit: gratiam tamen ad sanctifica-
 tionem refert, quæ invitæ novitate per Spiritum re-
 generatur. Chemnicus in Exam. Concil. trad.
 de Justif. pag. 129. Patribus, licet plerumque ver-
 bum iustificare accipiant pro renovatione, quæ effi-
 ciuntur in nobis per Spiritum operâ iustitiæ, non me-
 vemus item. Et pag. 130. Et Patres quidem
 pag. 73.) verbum iustificare in hac significatione
 (justum scilicet faciendi) sæpe usurpare non timent
 sed de proprietate linguarum quæstio est. Deus bonæ
 quid audio? adeo rudes & imperiti suere po-
 tuerunt, clarissima ecclesiæ Christi lumina, rerum &
 verborum in scripturis usurpatissimorum, & ad
 salutis negotium quam maxime spectantibus, ut
 ignorarent etiam propriam verbi iustificari iuxta
 mentem Spiritus sancti, in verbo loquentis, vim
 & significatum? Et rursus: Patres quidem locos
 plerumque sequantur analogiam latine compositionis
 in verbo iustificare. &c. Beza in Apolog. pro iusti-
 ficatione ex sola fide pag. 291. *Falsum Patres inter-*
dam duo ista beneficia (iustificationis scilicet &
 sancti-

sanctificationis) non tam accurate distinxisse, quam oportuit: nempe quod ante Pelagianos haec questio de iustitia de operibus in ecclesia non ageretur. Sed audacissima est haec, immo falsissima assertio. Haec enim questio, de qua nunc agitur, nunquam, nec ante nec post Pelagionos, in ecclesia nota fuit, sed hoc postremo demum seculo, quo tot lites interea incognitae infelicitate natae sunt. Zanichius in cap. 2. ad Ephes. v. 4. loco de iustificatione thesi 17. Et juxta hanc significationem, (iustum scilicet faciendi) Patres, utque inprimis Augustinus, verbum iustificandi interpretati sunt. Et iustificari illud aliud fuisse, quam de injusto iustum fieri, per gratiam Dei, propter Christum. Legatur praedictus Augustinus epist. 109. ad Sixtum lib. 1. de Gratia Christi contra Pelagi & Caelosti lib. 1. de Peccator. Meritis & remissione, & lib. de Spiritu & gratia cap. 18. M. Baecetus in Colloquio altero ratib. p. 285. Nos utro diximus, nos agnoscere, & hunc (scilicet Augustinum) & alios Patres, vocem & rem iustificationis ad hunc modum non uno in loco explicare. Videatur idem in Praefatis in enarrationem epist. Pauli ad Rom. cap. 7. p. 12. 13. Pareus ad cap. 8. l. 2. de iustif. p. 477. respondens Bellarmino, multa Patrum testimonia pro iustitia inherente adferenti inquit. De hoc enim adversario hic non litigabo. Fateor in Patrum libris, quae habemus, nonnulla legi, quae ejus sententiae favere videntur. Vbi tamen & falso jactat, multa etiam legi in Patribus, quae contra faciant. Chamierns de iustif. l. 1. cap. 7. n. ult. Constat iustificandi voca-

bulum alias usurpatum ad etymologiam grammaticam;
alias ad isum illud forensam. (Augustinus, lib. 7. 4.)
sed & veteres reliqui, aut saepe aut etiam saepius ad-
hibeantur grammaticae, eoque sensu usi sunt vocabulo.
Et eodem libro. c. 19. n. 7. Idem agnoscit de
Sanctif. lib. 10. cap. 1. n. 6. in fine, & proinde n. 7.
ait: Justificationem malimus cum Paulo ad Rom.
& ad Gal. priorem illam partem appellare: alteram au-
tem sanctificationem. Quamquam, si cui aliter sedet
animus, protestantur, nullo λόγῳ μαχίμ. Superva-
caneum est, in re adeo manifesta plures nomi-
nare.

Immo multi etiam doctissimi Protestantes
hanc ipsam sententiam sequuti sunt, aut saltem
eam non omnino improbarunt. Lutherus ipse,
qui primus sinceram de iustif. doctrinam e tene-
bris pond. eruisse a suis sectatoribus creditur,
duas discrete justificationis partes recenser, in
Plat. in tom. Jenens. IV. Latino p. 381. ut legere
est in Actis Colloq. altenburg. Lipsiae excus. an-
no 1770. pag. 241. & 374. Verba Lutheri sunt:
*Hae sunt duae partes iustificationis; prior est
gratia per Christum revelata, quod per ipsum
habitu placitum Deum, ut peccatum am-
plius non possit nos accusare, sed conscientia
fiducia misericordiae Dei sit redacta in securita-
tem: posterior est donatio Spiritus S. cum do-
nis suis, qui illuminat contra inquinamenta spiritus
& carnis.* Hoc dictum Lutheri cum theologi
D. Augusti, Electoris & Ducis Saxoniae, oppone-
rent collocutoribus adversae partis, illud hi
negare

negare non potuerunt, neque etiam quicquam
ad illud solide respondere. Videantur Acta loc.
cit. nichilominus quidem hac in sententia, ut &
multis aliis, non diu perstitit, sed nos, quod vis
veritatis illi extorsit, dicimus. In Apologia
confessio August. cuius auctor fuit Melancthon,
saepe legimus, *iustificari fide* in scriptura non
tantum significare iustos pronuciari, sed & ex
injustis iustos effici seu regenerari. p. 43. 55. 57. 90.
90. 92. (77. 90. 93. 125.) Jo. Brentius, magni inter suos
nominis theologus, cum Augustino *iustificari* in
vocabulo in ipso iustis, negotio renovationem
triari intelligi semper sensit, atque etiam ea de
re ad Ph. Melancthon, scripsit. Responsionem
Philippi admodum frigidam, una cum Appendi-
cico Lutheri hyperbolica lege in Philippi Con-
silio theol. parte. 1. p. 245. 246. Idem Brentius
1577. 5. in Apol. conf. Wittenbergensis, de
iustis pag. 287, sic scribit, citante Joh. Gerardo
Iudeo iustis per fidem. §. 245. Cum homo credis
in Christum, duplici ratione iustificatur: Una & iuxta
aliquum ac hebraicum significatum justificationis, quod
absolvitur a peccatis, & consequitur remissionem pec-
catorum, ac imputatur ei iustitia Christi. Altera ra-
tio est iuxta alterum & latinum significatum iustifi-
cationis, quod cum credimus in Christum, donatur
Spiritus S. qui renovat nos & efficit in nobis opera ius-
ticiae. Quae iustitia & obedientia nisi fit in homine
per Spiritum S. tamen in hac vita non est perfecta, ideo
que semper respiciendum est ad proximam illam iustifi-
cationem, quae condonatur nobis peccata gratis per
fidem

fidem propter Christum. Haec omnia Brentius, Quem abist, inquit Gerhardus, ut propterea pontificii erroris de iustif. rem suspicari velimus, quod termino justificationis in latiori significatione, latinam vocis compositionem sequitur, utatur. Et M. Chemnicius in Exam. C. T. loco de Justif. pag. 129. Saepè a nostris (Brentium aliosque etiam Lutheri sequaces intelligit) monstratum est discrimen illud justificationum verbi justificare, quomodo, juxta analogiam fidei & perpetuam scripturae sententiam, recte, p. le & dextre intelligi & admitti possit illa etiam significatio, si cum Patribus accipitur, juxta morem latinæ compositionis.

Joh. Spangenbergius in sua Margarita theol. in qua se Melanchthonis doctrinam & verba potissimum sequi profitetur, de Justif. pag. 19. disertè affirmat, justificationem tria membra complecti, remissionem peccatorum, acceptationem ad vitam æternam, & donationem Spiritus sancti. Joh. Epinus, ecclesiastes hamburgenſis, & magnæ apud suos auctoritatis, justificationem definit remissione peccatorum, & regeneratione seu sanctificatione, citante G. Cassandro in Consult. art. 4. de Justif. p. 919. M. Bucerus in Praefatis in enarrationem epist. Pauli ad Rom. cap. 8. pag. 12. Nunquam ita justificandi verbum videtur D. Paulus, quin eo non minus hanc veræ justitiæ communicationem, quam principium illud & caput totius salutis, peccatorum condonationem dicere videatur. Cap. 3. ad Rom. cum manifestatam dixisset tempore revelati evangelii Pag. 76.) justitiam, h. e. in vita credentium tam plane

plane exhibitam, ut mundus jam agnosceret, hos
 lo os iustitiae verae compotes esse; cumque se-
 cundo dixisset, Christum venisse, ut orbi
ἡδυσ, i. e. certam omnibus divinae iustitiae
 ostensionem inferret, subiecit: *Vestis ipse iustus &
 justificans ex fide Jesu Christi*. Hic indubie verbo
justificandi eam iustitiam Christi simul comple-
 xus est, quam Deus Spiritu suo in credentibus
 operatur, ac vult testimonium esse ejus, quod
 his peccata jam remiserit, interque eos habeat,
 quos decrevit justificare, i. e. habere inter justos,
 non tantum condonando illis, quod peccarint,
 sed etiam reddendo imagini filii sui conformes.
 Adhunc modum apostolus de nostri justificatione
 ubique loquitur, nunquam non complectens
 illam nostrae salutis summam, quam precatus
 est Philippensibus cap. i. vers. 9. 10. 11. Sic ergo
 cum Paulus loqui soleat, & *justificationis* voce re-
 missionem peccatorum primum quidem expri-
 mere, simul tamen semper significare etiam il-
 lam iustitiae communicationem, quam Deus eo-
 dem in nobis Spiritu, quo de venia peccatorum
 certos reddit, juxta operatur, & illius *σφραγίς*
 esse statuit, & plerique Patrum sanctorum spe-
 ctantes id, quod in justificatione sese magis pro-
 fert, *δικαιοῦναι* justificari i. e. justos fieri intel-
 lexerunt.

In Colloq. ratib. an. 1541. inter collocutores
 utriusque patris articulus justificationis sic con-
 ciliatus est, & ut conciliatus Carolo V. Imp. per

collocutores exhibitus; *Id quod tamen nulli obtingit, scilicet ut remissionem peccatorum accipiat, nisi etiam simul infundatur charitas sanans voluntatem, ut voluntas sanata, sicut ait Augustinus, incipiat implere legem. Fides ergo viva est, quae & apprehendit misericordiam in Christo, ac credit, iustitiam, quae est in Christo, sibi gratis imputari, & quae simul pollicitationem Spiritus S. & charitatem accipit. Etsi autem, qui justificatur, iustitiam accipit & habet per Christum etiam inhaerentem, sicut dicit apostolus: Abluti estis, sanctificati estis, iustificati estis, 1. Cor, 6, 11. Hanc conciliationem Bucerus in Actis colloq. alterius ratisb. ann. 46. vehementer urget pag. 45. & ad eam subinde provocat. In hac eadem explicatione proficitur Cassander in Consult. art. 9. nihil se videre, quod etiam gratiae Dei studiosissimus desiderare possit,*

(pag. 77.) Idem Bucerus in Colloq. hoc altero ratisb. p. 286. sic scribit: Hinc declaravimus, id non controversum inter nos, An S. Patres per justificationem in Paulo intellexerint, hominem donari inhaerente iustitia, & an haec necessaria insit iustificationi; sed an haec inchoata iustitia illud sit, quod hac voce iustificari in apostolo primum significatur, quoque ratio nostrae iustificationis coram Deo primum constet. Eodem plane modo hic agit, quo supra in hoc eod. Coll. disp. de Sola fide iustificante, ubi pag. 213. 218. concessit collocutoribus alterius partis, nos iustitiam Christi etiam spe & charitate modo quodam apprehendere & complecti, fide tamen sola

sola nos justificari, quia fide primum Christi iustitiam apprehendimus. Sed quod supra illa de quaestione differens dixi, nunc huic quaestioni applicando, repetitum volo: An, quia peccatorum remissio id est, quod apostolus primum cum in voce *justificationis* intellexit, tum in ratione ejusdem collocavit, idcirco donationem inhaerentis iustitiae ille nec in voce *justificationis* intellexit, nec in ratione ejusdem omnino collocavit? Certe, non quia aliquid prius aut principalius est in ordine aliquo, ideo, quod necessarii consequitur aut comitatur, ex eo ordine protinus, excluditur. Romanenses ipsi problematice inter se disputant, *An magis proprie & principaliter, quaeque ex natura rei, infusa gratiae, seu interna renovationis, & legis obedientia, ad veram iustitiam pertineat, quam remissio peccatorum, quia illa sine hac esse potest, & illa proprie includit largitionem vitae aeternae, & novam formam, altera vero evasionem supplicii, & veteris peccati abolitionem, an contra aequae ad iustitiam spectet remissio peccatorum, quia reputatur apud Deum pro iustitia, dum removendo prohibens, aequae ad vitam ducit aeternam, ac vera obedientia, estque in statu naturae jam reparaetae (in quo sine peccato non vivitur) prorsus necessaria iustitiae pars.* Haec omnia Stapletoni verba sunt, qui hanc quaestionem, ut scholasticam tantum, nec dum in ecclesia definitam, rejicit. De iustificatione lib. 5. cap. 8. circa finem. Augustinus lib. 19. de Civit. Dei cap. 27. *iustitiam nostram in hac vita patius peccatorum remissione constare,*
H 5 *quam*

*quam perfectione virtutum, diserte asserit. Qua de
re postea dicemus.*

Pag. 78.) M. Borrhaus, saepe nobis antea in hoc
argumento laudatus, in loc. Genes. citatum p. 162.
*In imputatione, inquit, qua Christus credentibus ad-
scribitur ac imputatur pro iustitia, pariter & meri-
tum sanguinis ejus, & Spiritus S. vi meritorum nobis
donatus includitur. Atque ita Christum tum a
merito, tum a satisfactione & impetrata remissio-
ne peccatorum, & a dono Spiritus iustitiae, no-
stram iustitiam fatebimur esse. Atque hoc si facimus,
in iustis, nostri totum Christum ad salutem nobis pro-
positum, non unam aliquam ejus partem considerabi-
mus. Idem pag. 169. In justificatione igitur nostri,
Christus consideratur, qui in nobis spiret, & vivat,
nimirum per spiritum suum a nobis indutus. De quo in-
dumento apostolus ait: Christum induistis. Pag. 171.
idem concilians diversas, si non adversas, Pro-
testantium sententias, hac de re sic inquit: *Qui
dicunt, nos justificari uno merito, satisfactione &
obedientia Christi, sine respectu iustitiae in nobis
inhaerentis, hi in justificatione nostri Christum, qua-
tenus a satisfactione pro culpa, nostra iustitia est, consi-
derant. Nam intelligunt, hac parte contra peccatum,
mortem, infernum, & contra auctorem peccati & mor-
tis satanam, in pugna ac lucta condemnantis nos legis,
solum se consistere posse. Porro cum lex Dei requirat
plenam obedientiam bis verbis praeciptam, Ama do-
minum Deum tuum toto corde tuo, & alterum,
ut eipsum, & illam obedientiam in nobis non repe-
riat, damnandi nos sane rebellionis jus haberet, nisi
satis-**

satisfactionis pretium, quo nos redimeremur, & perfecta absolutaque iustitia, quam ut nostram severo legis iudicio obijceremus, occurreret. Hoc pretium, haec iustitia absoluta, Christus est. Haecenus (inquit p. 172.) de ea parte, qua per fidem, Christum nostram iustitiam, a merito, satisfactione & remissione peccatorum agnoscimus, quam Dei iudicio contra legis accusationem & condemnationem obijciamus, meminimus. Hanc partem praecipue tractans hi, qui iustificationem definiunt, nostri in gratiam Dei receptionem, per fidem meriti, & obedientiae Christi. At vero cum Christus non possit nostra iustitia a merito agnosci sine Spiritu S. neque meritum eius aliis proferri, quam iis, qui fide illud apprehenderunt, & haec non solum meritum, satisfactionem, & obedientiam Christi, sed & hunc etiam ea parte, qua nostra iustitia est, a donis vitae & iustitiae communicatis, respiciat, nos in iustificatione nostri non partem Christi, sed hunc totum, quatenus ex omni parte nostra iustitia est, tractare elaboramus. (pag. 79) Et paulo infra: Ut igitur B. Paulus in iustificatione nostri, cum ait, Vos justificati eos glorificabit, comprehendit omnia, quae ad reconciliandos nos Deo patri, & ad renovationem nostri apta assequendae gloriae pertinent, ut sunt Fides, Iustitia, Christus, & Donum iustitiae a Christo exhibitum, qua regeremur ad implendum iustificationem, quam lex requirit; ita etiam nos omnia in hac causa, quae recuperatione iustitiae & innocentiae continentur, complecti volumus. Haec autem cum traduntur, non nova, sed confessa omnibus, & veteribus

huius & nostris sacrarum literarum professoribus, quod
quidem vere & recte docuerunt, traduntur: existis
satis quaedam distinctius dicuntur a nobis, quam vul-
go dicuntur, in hoc justificationis negotio: sed inter
ipsa abesse dissensionem, nequaquam dubitamus. Etenim
omnes in impiorum justificatione, haec
comprehendi movent, Christum iustitiam
fram, Remissionem peccatorum morte illius, nobis
partem, Spiritum S. vi imputatur, & ascribitur
iustitiae Christi nobis donatum, quo facti & peccato-
rum gratiam nobis fieri per fidem credamus, &
Renovationem nostri, Deum & proximum per
amore diligendo, meditemur. Et porro: Sed dicat
charitatem quidem in justificatione non excludi
sed neminem illam pro iustitia habere. Pro iustitia
quidem satisfaciente, & meriti non habente, Sed
pro iustitia obedientiae, merito sanguinis Christi
natis, qui conformentur animi credentium divinae
voluntati, charitatem habendam illi concedunt. Est
infra: Hoc modo in justificationis causa, iustitia
Dei explicata, graves controversiae componuntur,
dum alii merito Christi justificari nos sine respo-
ctu alterius rei, alii in nobis iustitiam verari, ven-
iunt, quodam divinam naturam, atque vim esse con-
tendant. Virique recte sentire intelligerentur, si pen-
datur, quae sit illa iustitia, quam fide ad iustifi-
candos nos amplectimur. Nam si in Christo, non
sola iustitia, eam partem spectemus, qua meritis
morte sua reconciliationem nostri cum Deo
patre, in ea parte & ea sola, nulla alia in re, iustitia
meriti & satisfactionis pro peccato repo-
nemus.

nemus : Sin vero Christum nostram iustitiam consideremus, quatenus nobis, in justificatione nostri, suum Spiritum impertit, quo ad novam iustitiam, & vitam innovemur, plane iustitiam, quae non humana, sed divina vis sit, qualis est Spiritus sanctus, nobis communicari confirmabimus. Alteri igitur, (Pag. 80.) qui meritum spectant, Christum, quatenus est piacularis iustitia, & reconcilians nobis Deum, considerant: alteri vero, qui donatum Spiritum merito & beneficio mortis & resurrectionis Christi perpendunt, Christum iustitiam esse intelligunt, quatenus nos reconciliatos patri regenerat, & novos homines fingit atque format. Et p. 180. justificationem sic definit: Est gratuita imputatio iustitiae, qua nos Deus in filios adoptatos, per fidem a Spiritu S. sub evangelii administratione excitatam, remissis sanguinis J. Christi beneficio peccatis iustos reddit, ad caelestis regni haereditatem persequendum. Pag. 181. Formam, inquit, justificationis nostrae est ipsa divina iustitia, qua iusti & probi formamur. Haec Christus J. est, qui partim a condonatione peccatorum, partim a renovatione & instantiatione ad integritatem, vitio primi Adam amissam, iustitia nostra habetur, eo, ut novo & caelesti Adam nobis indato; id quo Apostolus: Christum induistis, induistis, inquam, tanquam formam, h. e. iustitiam, sapientiam & vitam Dei. Eadem legere est apud illum in lib. 3. Regum c. 9. ad verba v. 4. Et feceris omnia &c. p. 681. Dicat, inquit, aliquis si res ita habet, erga & merito Christi, & condonationem peccatorum, & Spiritu sancto dicimur iustificari.

cari. Ita sane: De merito enim & obedientia Christis legimus, &c. Demum autem, de Spiritu iustificatore haec legimus: Sed iustificati estis per nomen Domini Jesu, & per Spiritum Dei nostri. Tot huius theologi, in academia basileensi quondam professoris celeberrimi, (vide (1) Vitas theologor. german. p. 299. & seqq.) dicta huc adscribere minime piguit: nemo enim Protestantum disertius aut copiosius hanc sententiam adstruit & confirmat, licet in multis aliis dogmatibus hodie controversis communi errore saepe abiciatur cum aliis gregalibus suis.

Claudius Alberius, triuncurianus philosophiae quondam professor in academia lausannensi, & (2) in Aristotele (ut de eo loquitur Zanchius epist. l. i. p. 346.) optime versatus, sed nec male in rebus etiam theologicis, ut ex illius scriptis apparet, & ideo Theod. Bezae & Abrah. Musculi, in colloquio montis belgardeni cum Lutheranis anno 1586. habito, adjunctus, aceriusque defendit, sanctificationem sive renovationem nostri (quam ille insolenter *qualitatem paribilem* nuncupare solebat) justificationis nostrae partem alteram esse. Vide Orat. illius apodicticas Lausannae excusi. A. 1587. & quidem orat. 2. pag. 86. 87. Errato tamen eos qui dicunt, *iustificationem esse causam, & qualitatem bonam, sanctificationem autem esse effectum & quendam*

(1) Vitas theol. germ. Melch. Adam. c. 28. n. 210. 211.

(2) In Aristotele.] Immo & in Hippocrate: utrumque enim industria sua illustrare aggressus est, sed interveniente morte perficere non potuit. Vide Causabon, epist. 59.

fructum, contendit pag. 96. 97. Hic (quod obiter te monitum velim, lector) ille anonymus scriptor fuit (vide Polanum in cap. 9. Danielis, pag. 181.) cujus tractatum hac ipsa de re scriptum Beza in Apologia pro Justif. ex sola fide, refutare conatus est; sed quam solide id prestiterit, iudicet lector eruditus & aequus. Damnata quidem sunt haec, Alberii atque aliorum quorundam. *opus* *hujus*, scilicet Jo. Bovii, & Jo. Merulae, verbi ministrorum apud Laufannenses, sententia, sicut & aliae quaedam aliorum de praedestinatione etiam verissimae sententiae, in synodo quadam per dominos Bernates, ex quibusdam helveticarum ecclesiarum, & tribus genevensis ecclesiae, inter quos Beza praecipuus fuit, pastoribus, Bernae collecta A. 1588. & theses de Justificatione & sanctificatione ab illis perscriptae. y. quibus dissentientes subscribere coacti fuerunt. Vide Bezae Apol. pag. 263. 264. & Jacobi Greveti Apolog. de Justif. pag. 141. Sed hoc mirandum non est: Nihil enim fere aliud in plerisque uniusque partis *synodis*, hoc *trifidisimo* *seculo* *comitis* quaesitum & actum, quis non videat, qui oculos habens ad videndum, quam ut veteres ac veniores *sententiae* opprimerentur & damnerentur, & novae ac retens in ecclesiam injectae, majori parte eorum, qui synodis istis interfuerunt, meliorem, ut plerumque evenit, vincens, omni vi stabilirentur, & in ecclesia ac scholis solae dominarentur? Ita ut veterem illam Gregorii Nazianzeni *querimoniam* de *supremacia* *rem.*

temporis synodis epist. 42. vel 55. ad Procop. de plerisque etiam omnibus nostri seculi synodis renovare & repetere jure merito possumus. Sed Deus, in cuius solius manibus situm est, ecclesiae suae nunc afflictissimae malis mederi, omnium hominum, cum ecclesiastici, tum politici ordinis, corda ad meliora, quam haecenus sequuti sunt, consilia flectat, & saniores nobis pro immensa sua clementia concedere dignetur synodos, quam quas miserrima haec aetas magno suo malo vidit & experta est. In illo speremus, etiam contra spem. Ipse aliquando, ecclesiae suae misertus, faciet. Extat quoque in fine Dialogorum Seb. Castellionis de Praedestinatione, Goudae excus. 1613. tractatus cujusdam anonymi, sed revera Castellionis ipsius, ut ex praefatione constat, de Iustis. In quo fusa haec eadem sententia probatur, & ad rationes, quae contra opponi solent, licet non semper satis solide, respondetur.

Pag. 42.)

Joh. Himmelius, in inepta sua farragine, quam Calvinus papismum inscripsit c. 7. p. 60. haec citat verba Zuinglii in epist. ad Principes Germaniae: *Sanctificatio Spiritus est vera justificatio, quae sola ad justificationem sufficit.* & haec Joachimi Curaei in Exeg. pag. 36. 37. *Summus iusti primum imputatione propter obedientiam filii Dei, derivantis in se penam pro peccatis generis humani: sed altera pars justificationis est sanctificatio.* Nominat etiam Phil. Melancthonem, qui in Narratione

tione colloqvii marpurg. an. 1529. habiti recitat de Zwinglio & ejus lociis, quod incommode loquunt fuerint, & scripserint de hominis justif. coram Deo, & doctrinam de fide non satis inculcarint, sed ita de justificatione docuerint, quasi sanctificatio & bona opera, quae fidem sequuntur, sint justificatio hominis. Sed si vera bona siue mala fide haec recitat, illius certe iudicii nihil omnino tribuendum est, qui hominum doctorum & piorum sententiam, scripturis & Patrum doctrinae maxime consentaneam, erroris, immo, ut ipse putat, papisticae haereseos, accusare & damnare haud veretur. Sed hic solennis est multorum contentiosorum hujus seculi scriptorum mos, multa, quae ipsimet nunquam rite expendunt, aut a praeceptoribus suis non acceperunt, confestim ut falsa, immo & impia damnare, in vitis etiam doctissimis & optimis, quos saepiuscule a rigidis & pertinacibus zelotis dissentire ipsa cogit veritas. Homine enim imperito nunquam quicquam injulius.

Fieldus, anglus, magni nominis inter suos theologus, in Append. ad l. 3. de Ecclesia, cap. II. de justif. pag. 290, 291. diserte affirmat, in prima justif. peccatoris, praeter remissionem peccatorum praeteritorum, & receptionem in Dei gratiam, etiam includi donationem Spiritus S. seu sanctificationis, & renovantis gratiae, quae apti seu habiles ad peccata in posterum vitanda, & opera justitiae praestanda redduntur, atque haec de re inter omnes utriusque partis theologos convenire, & ad Colloq. ratib. anno 1541. (de quo supra dictum) provocat.

Hoc etiam, & non alio sensu intelligendum, quod Protestantibus communiter urgent, verbum *justificandi*, (Pag. 83.) in negotio justificationis nostrae coram, Deo esse verbum forense. Vide notam ad oram pag. 291. Idem etiam in fine cap. illius asserit, *nos formaliter justificari per remissionem peccatorum, gratiosam Dei acceptationem, & donationem justitiae inhaerentis.* R. Montacutius in libro, quem contra quendam romanensem, controversiarum hodiernarum abbreviato-rem, edidit anno 1624. art. 18. de Justificatione per solam fidem, affirmavit, *justificationem primario in peccatorum remissione, & secundario in gratia infusione positum esse.* Vide pag. 141. & 143. Idem tamen in libro contra Puritanos edito an. 1625. & inscripto, *Appello Caesarem*, propter illorum clamores, de *justificatione tantum late*, non autem stricte accepta, hoc sese intellexisse asseverat, pag. 172. & seq. Sed quam constanter, viderit ipse. Vide etiam Franc. Whiteum in, *Explan. fidei orthod.* pag. 18. & 19. Archiepiscopus spalat. de Rep. eccles. lib. 7. cap. 11. n. 217. asserit, *tum scripturas, tum Patres docere, utroque modo justitiam dari, scilicet tum imputative, tum inhaesive, & duplici modo peccata nostra aboleri, nempe 1. per ipsorum resectionem, seu non imputationem, quod volunt Protestantibus communiter, (ubi tamen nota, dicta quaedam patrum, ut Augustini de Grat. Christi contra Pelag. cap. 47. de Spir. & lit. cap. 9. & * epist. 85. ad Consentium, per-*

peram
* Ep. 85. ad Consentium] Quae tantum est fragmentum ep. 222.

peram ab illo videri intelligi de imputatione justitiae Christi nobis facta per modum causae formalis; quasi nobis illa sit veluti commodata a Christo, ut illa tanquam veste induti placeamus Deo patri: neque enim unquam S. Augustinus imputationem justitiae Christi hunc in modum intellexit) 2. per veram deletionem, seu emundationem & dilutionem maculae peccati, ita ut nihil ipsius in anima maneat; proinde utrique parti, *missis illis, quae, ut ille loquitur, sunt pura quaedam metaphysica, ad salutem nihil necessaria, studium pacis vehementer suadet & commendat, Quaedam maxime probamus, quaedam minus.*

G. Cassander in Consult. art. 4. pag. 917. *De ipsa, inquit, justitia, qua justificamur, magna haecenus certamina extiterunt, aliis in sola Christi justitia nobis imputata, aliis in justitia novae vitae nobis communicata, justificationis formam ponentibus; Pag. 84.) etiamsi postea a doctissimis viris observatum sit, ex apostolica doctrina, & patrum traditione, utramque justitiam in justificationis ratione conjungi debere. Et paulo post multo explicatius: Verum hic rursus necesse est, ut ii, qui Protestantes vocantur, reliquis Catholicis in eo consentiant, qui dicunt, hanc justificationem, seu justitiam, qua justificamur, non in sola remissione peccatorum, sed etiam in renovatione interioris hominis esse positam. Quae lege apud auctorem ipsum, & veritatis & concordiae ecclesiasticae amantissimum: ubi etiam vide, quomodo vir hic eruditissimus (ut hoc obiter dicam) intelligat juxta scripturas & patres;*

tres, Christi iustitiam nobis imputari : Et quidam, inquit, de iustitia, i. e. merito & satisfactione Christi, nobis imputata, h. e. nobis, ac si propria esset, attributa, scripturae satis aperte loquuntur : per eam enim iustitiam, i. e. meritum & intercessionem sanguinis Christi, peccata nobis remittuntur, id est, non imputantur. Hoc observatum volo, propter nuperum quendam scriptorem, qui inter alios Romanenses, existimantes, iustitiam Christi per modum etiam causae formalis nostrae justificationis nobis imputari, Cassandrum etiam recenset, hoc loco citato. Sed manum de tabula,

CAPUT. VI.

*Quo objectionibus quibusdam occurritur,
& haec disquisitio concluditur.*

I. **O**bjicitur, juxta hanc sententiam duas formales justificationis nostrae causas statui, quod absurdum videtur. Respondemus solide, nullis vanis Belarmini aliorumque Romanensium effugiis, ad Concilii trid. can. 7. unicam tantum esse causam formalem justificationis nostrae, iustitiam sc. nobis infusam, falso, neque etiam constanter satis pronuntiantis, auctoritatem statuminandam, & sanctam rectam conservandam excogitatis, respondemus, inquam, justificationem esse ens unum aggregatione, & ex duobus compositum, quae necessaria conjunctione & coordinatione unum tantum

tantum sunt : Pag. 85.) proinde nihil esse
 absurdi, si in rebus etiam diversis illius essentiam
 constituamus. Suarez, jesuita non ignobilis,
 multum sudans & misere sese torquens in expli-
 canda & defendenda unica illa a Concilio tri-
 dent. definita causa formalis justificationis, de Gra-
 tial. 7. cap. 11. n. 24. *Ad primum inconueniens, in-
 qvit, concedo, intervenire in justificatione impii duos
 effectus gratiae quasi partiales; unum positivum, &
 alium privativum. Ex utroque autem coalescit in-
 tegrali iustitia & sanctitas, a qua homo habet, ut sit &
 nominetur simpliciter iustus & sanctus. Neque est
 inconueniens, in una iustificatione includi plures
 gratias quasi partiales, cum ipsa iustitia integra in
 quadam collectione consistat, & quot sunt virtutes, ex
 quibus consurgit, tot sint gratiae positivae partiales.*
 Verba haec multo melius responsioni nostrae fir-
 mandae accommodari possunt. Sed multi, etiam
 rigidiores Protestantes, duas statuunt iustifica-
 tionis nostrae partes, (ac proinde causam iustif.
 formalem duplicem) *remissionem peccatorum,*
& iustitiae Christi imputationem, & diversos
 his partibus effectus attribuunt, ut ex illorum
 scriptis constat. Vide Bezam, Zanchium, Po-
 lanum, Synopsis purioris theol. disp. de Justif.
 pag. 436. th. 8. aliosque plurimos. Protestan-
 tes alii, qui *remissionem peccatorum & imputatio-
 nem iustitiae,* immo *imputationem etiam iustitiae
 Christi,* id est, quam Christus sua obedientia no-
 bis acquisivit, (nam de imputatione iustitiae
 Christi, anteq. & quatenus admittenda sit, inter-

Protestantes ipsos contenditur, ut supra hæc de
 re diximus. Vide præter alios tunc citatos,
 Vorstium in *Antibellarm.* pag. 608. ubi, *Licet,*
inquit, alii imputationem iustitiæ Christi, h. e. mor-
tis & passionis Christi, comparatae, ab hac peccatorum
remissione, tanquam rem diversam, interdum distin-
guant, tamen plerique doctores (evangelici) id non fa-
ciunt, & qui faciunt, improprie loquuntur, quate-
nus una cum formali causa proximam efficientem,
seu meritoriam, coniungunt. Vide etiam p. 611.)
non re, sed tantum τῷ λόγῳ differre existimant,
 ratione sc. terminorum, a quo & ad quem, ut,
 Chamierus de *Iustif.* lib. 22. cap. 15. n. 21. Pare-
 us, Vorstius, Joh. Gerhardus L. de *Iustif.* n. 197.
 198. aliique plurimi, licet in illos hoc argumen-
 tum retorqueri non possit, ut in alios; falso ta-
 men (pag. 86.) justificationem sola pecca-
 torum remissione, seu imputatione iustitiæ de-
 finiunt, sicut abunde demonstratum est. *Fides*
justificans, juxta plerorumque Protestantium sen-
 tentiam, notitiam & assensum in intellectu, &
 simul fiduciam in voluntate includit, unde eam
 non esse habitum unum numero simplicem ab-
 solute, sed aggregatione tantum, confiteri co-
 guntur. Vide præter alios *Synopsin purioris*
theol. disp. 31. th. 16. Formam peccati originalis
 Protestantes permulti, ut de Romanensibus
 nihil dicam, constituunt in imputatione primi
 peccati Adami, & iniustitiæ originalis carentia,
 atque etiam in positiva quadam prava inclina-
 tione vel proclivitate ad omne malum; qua
 tri

tria multum inter se differunt. *Formalem rationem sacramenti* Protestantes omnes doctiores cum Romanensibus constituunt, non solum in significando, sed etiam in sanctificando, instrumentaliter scilicet. At significare & sanctificare res sunt diversorum praedicamentorum; illa relationis, haec actionis. Protestantes, qui communiter *Christum secundum utramque naturam mediatorem esse* contendunt, consequenter docent & docere coguntur, formalem rationem mediationis illius non tantum in merendo, sed etiam in donando Spiritum S. positam esse: quæ tamen actiones sunt toto genere differentes; sed necessario, juxta illorum sententiam, conjunctæ, ad munus mediatorum perficiendum.

II. Objicitur, *scripturam justificationem a sanctificatione aliquando distinguere*, Rom. 6. 22. 1. Cor. 1. 30. & rursus cap. 6. v. 11. Apocal. 22. 11. Resp. cum A. Vega de Justif. lib. 15. cap. 5. An propter unum aut alterum locum, in quibus justificatio a sanctificatione distinguitur, contra communem scripturae sensum omnibus fere in locis, & Patrum consensum, verbum & rationem totam justificationis ad solam peccatorum remissionem restringere, æquum est? Sed singulos, age, qui objiciuntur, locos paucis excutiamus. Rom. 6. 22. dicitur: *Nunc autem liberati a peccato, servi autem facti Deo.* Haec, inquit, est justificatio nostra. Porro: *Habetis fructum vestrum in sanctificationem.* Haec, ajunt, sanctificatio nostra, est justificationis fructus. Sic vir quidam, alioqui

doctissimus, locum hunc apostoli intelligit, tract. quodam de Justis. Sic & cum illo alii, Sed nae omnes hi male locum intelligunt; Nam *liberatio a peccato* hoc loco non significat liberationem a solo peccati reatu, in qua illi totam justificationis rationem constituunt, (Pag. 87.) sed liberationem etiam a dominio peccati, cui Romani antea serviebant; sicut clarissime patet ex versibus praecedentibus 19. & 20. & verbis immediate sequentibus: *servi autem facti Deo*, seu mancipati Deo, vel, ut prius dixit, *servi facti justitiae*. In hisce autem, *habetis fructum vestrum in sanctificationem*, hebraismus, & hic sensus est: ipsam sanctificationem sive sanctimoniam, vitaeque munditiam, ejusque continuationem & incrementum, velut fructum, ex illa servitute Dei & justitiae capitis seu habetis. Ad 1. Cor. 1. 30. ubi *Christus* dicitur *esse nobis factus a Deo sapientia & justitia & sanctificatio*, respondetur, apostolum vel rem eandem diversis ibi justitiae & sanctificationis verbis significare, (quod S. scriptores saepe sine tautologia facere consueverunt, ut neminem laetet) ad rem ipsam plenius & disertius exprimendam; vel, si distinctae significantur res, quemadmodum quidam veteres & recentiores interpretes exponunt, intelligere eum *justitiae* nomine remissionem peccatorum, & per *sanctificationem* id, quod communiter sic appellatur. Equidem Chrysostomus non satis plene & clare hanc in sententiam loquitur, neque etiam Theodoretus, sectatoris Chrysostomi, & Theophylacti, ejusdem

dem abbreviatoris, atque Oecumenii verba satis sunt expressa, at Bernardi expressissima serm. 22. in Cant. illud tamen inde tantum colligi potest, hoc loco *justitiae* verbo non totum justificationis nostrae beneficium intelligi, sed nomen totius, praeceptuae ejusdem parti, altera non exclusae, sed diserte expressae, κατ' ἐξοχήν tribui; quod non raro aliis etiam in rebus in scriptura fieri solet. Ad locum tertium 1. Cor. 6. 11. respondemus, vel rem eandem diversis *ablutionis, sanctificationis, & justificationis* verbis, ad majorem emphasin, & beneficium per Christum accepti amplificationem, significari & efferri; quemadmodum & supra pag. 63, 64. ex ipsis Protestantibus, Zanchio, & Bullingero, observavimus; vel, si distinguenda sunt ista, distinctionem tantum partium & totius admittendam esse, ut sensus sit: Ab his omnibus vitiis sordibus abluti atque mundati estis baptismo, per quem omnia vobis peccata remissa sunt. Atne (inquit Estius in h. l.) in sola ablutione, i. e. peccatorum remissione consistere putaretur justitia christiana, addit alterum gradum, vel partem; Sed sanctificati estis, i. e. puritatem consecuti, ita ut jam vere & coram Deo sancti sitis. Denique summam beneficii accepti, uno verbo, quod utramque includit partem, exprimendo, ait, sed justificati estis, & subjungit, in nomine D. N. J. C. i. e. per meritum ejus, & in spiritu Dei nostri i. e. virtute Spiritus S. a Deo nostro procedentis, & nobis per Christum communicati. Pag. 88.) Ad locum

Apoc. 22. 11. resp. verba, *Qui justus est*, non significare,

ficare, qui tantum per remissionem peccatorum justificatus est, sed, qui nemini nocet, & unicuique reddit, quod suum est, ut recte notat in hunc locum Fr. Ribera : *justificetur adhuc*, i. e. hic agendo pergat & proficiat : & *qui sanctus est*, i. e. purus & sine sordibus, *sanctificetur adhuc*, i. e. sic pergat, &c. Nam apostolus hoc loco *justum* opponit τῷ ἀδίκῳ, ei, qui *injuste agit*, vel alterum injuria afficit, & *sanctum* τῷ ῥυπαρῷ, *sordescenti*, vel qui in sordibus est, nulli sc. nisi sibi ipse nocens, ut clarissime patet ex textu, & ut, praeter Riberam aliosque multos, agnoscit Piscator. Ita, ut turpiter erret Pareus, quando l. 2. de justificatione contra Bellarm. cap. 3. pag. 398. 399. inquit : *Qui justus est, justificetur adhuc*, i. e. *in justitia fidei perseveret. De infusione nempe vel de incremento habitualis justitiae non potest intelligi sine manifesta tautologia membri sequentis* : *Qui sanctus est, sanctificetur adhuc*.

III. Ex cap. 4. 7. ad Rom. frequentissime objicitur, apostolum ex Davide justificationem, seu τὴν μακαρισμὸν, i. e. *beatitudinem, vel beatificationem peccatoris, in sola remissione peccatorum collocare*. Sed respondemus : Nae illud magni momenti non est. Nam & illi Protestantes, qui justificationem non sola peccatorum remissione, sed etiam imputatione justitiae Christi constare contendunt, negant, verbis his, quae apostolus ex Davide citat, totam justificationis rationem plene exprimi. Beza in Quaest. & Resp. qv.

Atqui

Atqui David collocat beatificationem in peccatorum remissione. Cur igitur adjicias etiam Christi impletionis legis imputationem? R. Quid si tibi, inquit, objiciam illa, Beati, qui sunt mundo corde; Beati, qui sunt inculpati in via, & cætera ejusmodi, an hinc colligerem, excludi peccatorum remissionem? Nequaquam, opinor. Sic interdum nomine justificationis intelligitur etiam sanctificatio; quam hæc duo prorsus cohererent. Pag. 89.) Quidni igitur illud quoque responderim, unius peccatorum remissionis interdum mentionem fieri, non ut excludantur aliae beatificationis partes, sed quod tacite cum illa comprehendantur? Videatur & Synopsis theol. purioris, disp. de Justif. th. 8. Sic & nos respondemus, non sequi ex verbis Davidis ab apostolo citatis, beatitudinem seu justitiam hominis in sola peccatorum remissione, seu justitiæ imputatione consistere, cum alibi idem psalmista beatos pronunciet immaculatos in via, qui ambulant in lege Dei, quique custodiunt, judicium, & faciunt justitiam. Ps. 1. 1. & 119. 1. & 106. 3. Et hoc ipso ps. 32. post verba ab apostolo citata, *Beatus homo, cui non imputat Deus iniquitatem*, v. 2. addit David, *Nec in spiritu ejus dolus est*, i. e. homo recti cordis est, ut dicitur ultimis illius psalmi verbis. Itaque nomine remissionis peccatorum, tota hominis sanctificatio seu renovatio comprehensa debet intelligi. Nam propter arg. dissimam utriusque partis conjunctionem, quia nunquam fit remissio peccatorum sine internæ sanctificatione, una alteram sæpe synec-

dochiæ

doctrice complectitur, & remissio quidem peccatorum, κατ' ἐξοχήν saepe, cum in scriptura, tum in Patribus nominatur. *Hic est omnis fructus, ut auferatur peccatum.* Jes. 27. 9. vel 11. *Ecce agnus Dei, qui tollit peccatum mundi.* Joh. 1. 29. *Hic servabit populum suum a peccatis eorum.* Matth. 1. 21. Sic & 2. Cor. 5. 21. & in compluribus aliis scripturae locis. Bernhard, serm. 22. in Cantic, *Factus est nobis sapientia, iustitia, &c.* Sapientia inquit, in praedicatione, iustitia in absolutione peccatorum. Et infra: *Delicta juventutis meae, & ignorantias meas ne memineris, & iustus sum.* Et serm. 23. in Cant. *Sufficit mihi ad omnem iustitiam, solum habere propitium, cui soli peccavi.* Et paulo post: *Non peccare, Dei iustitia est; hominis iustitia, indulgentia Dei.* Et rursus: *Iustitia Dei est, non peccare; iustitia hominis est, non imputari peccatum.* Et epist. 190. ad Innocentium papam, p. 229. *Vbi reconciliatio, ibi remissio peccatorum. Et quid ipsa, nisi justificatio?* Ecce, pius Bernhardus sentit, κατ' ἐξοχήν justificationis verbum, cum in scriptura tum in Patrum scriptis, remissioni peccatorum saepius tribui, secutus clarissima Augustini verba lib. 19. de Civit. Dei cap. 27: *Ipsa quoque nostra iustitia, quamvis vera sit, propter veri boni finem, ad quem refertur, tamen tanta est in hac vita, ut potius peccatorum remissione constet, quam perfectione virtutum.* Pag. 90.)

Quibus verbis haec duo sanctissimus & doctissimus ille pater docet: 1. Iustitiam nostram constare, i. e. justos nos esse, cum remissione peccatorum; tum perfectione virtu-

virtutum, qualis scilicet statui hujus vitae convenit :
 2. Sed longe remissione peccatorum perfectioni
 virtutum praeferendam. Prius illud sensisse Au-
 gustinum hoc loco, ut & plurimis in aliis, inge-
 nue agnoscit Chamierus de Justif. l. 21. c. 19. n. 7.

8. *Non excludi virtutes, nos agnoscimus; quoscimus,
 & alias testati sumus, Augustinum uno justificationis
 nomine utramque partem comprehendere, i. e. tum
 quam nos proprie justificationem dicimus, tum sancti-
 ficationem. Et hactenus non ψευδολογεῖ jesuita.*
 Sed male Pareus de Justif. l. 2. c. 14. p. 540. 541. *Glossa
 adversarii, inquit, de iustitia divisa in remissionem
 peccatorum & perfectionem virtutis, haud dubie est
 falsa. Manifestum enim est, Augustinum remissio-
 nem peccatorum & perfectionem virtutis, non ut par-
 tes unius iustitiae componere, sed ut res disparatas op-
 ponere.* Sed vix major Augustini verbis a quo-
 quam vis inferri potuit. Posterius Bellarminus
 ipse fateri cogitur de Justif. lib. 2. c. 13. scribens :
*Illud potius hoc loco non excludit perfectionem virtu-
 tum, sed praeposit remissionem peccati, ut sensus sit,
 iustitiam nostram, quae partim in remissione peccati,
 partim in perfectione virtutum sita est, magis illa,
 quam hac constare.* Et quidem duplici assigna-
 ta ratione, cui id dicat Augustinus : *Quia pecca-
 ta in baptismo perfecte delentur & purgantur, ut nihil
 omnino remaneat, quod habet rationem culpae; virtutes
 autem infusae, ita suo quodam modo perfectae sunt, ut
 quotidie magis ac magis perfici debeant.* 2. *Quoniam
 remissio peccati semel facta, non eget nova infusione vir-
 tutum. At virtus semel infusa, eget quotidie nova
 remissio-*

remissione peccati, non lethalis, quod cum iustitia simul esse non potest, sed venialis. Eadem legere est apud Leonard. Coqvaeum, in suo Comment. ad locum Augustini citatum, ex Bellarmino verbatim exscripta. Videtur tamen Bellarminus illo eodem l. 2. de Justif. c. 6. sibi contradicere, quando sic inquit: Hic (Rom. 4. 25.) apostolus Pag. 91.) nomen justificationis potius tribuit remissioni internae, quam remissioni peccatorum, ac per hoc docet, justificationem non modo non constare sola remissione peccatorum, sed neque praecipue ea constare. Mentem B. Augustini hoc in loco optime vir doctissimus & optimus Lud. Vives in Comment. sic expressit, inquires: Magna nempe ex parte sumus boni; non quod bene vivimus, sed quod commissorum scelerum nobis sit a Deo gratia. Joh. Hefel. super Matt. 6. 12. Huius vitae iustitia praecipue (ut ait Augustinus de C. D. l. 19. c. 27.) in remissione peccatorum consistit. Vide eundem in explicatione Symboli apostolici p. 37. Hac ergo (scilicet remissione peccatorum) tanquam praecipue expressa, subintelligerunt apostoli, &c.

IV. Ex multis scripturae & Patrum testimoniis objicitur, *inhaerentem nostram iustitiam in hac vita imperfectam esse, & multis permixtam peccatis, ac proinde divinum iudicium sustinere non posse, nec nos per illam formaliter justos in Dei iudicio censer. Resp. Loca, quae contra adducuntur, fere omnia ad iustitiam actualem, seu operum nostrorum potius spectare, quam ad iustitiam a Deo donatam seu habitualem, quae non est nostrum, sed*

sed Dei opus, (licet in nobis receptum) qui simul peccata remittit, & dona fidei, spei & charitatis infundit. Vnde & infantes nuper baptizati, vere coram Deo iusti sunt, licet nihil operis fecerint. Idcirco nos hanc disputationem de imperfectiōne iustitiæ nostræ, in sequentia rejicimus, ubi de iustitia operum, Deo juvante, pluribus differe-
mus. Quod si etiam imperfectio illa, quæ in ipsis donis Spiritus S. nobis in justificatione com-
municatis inest, quamdiu nos hic vivimus, & illa in nobis augeri possunt, atque etiam debent, pro-
prie peccatum est, (Augustinus enim certe *vitium*
& peccatum non veretur appellare, * epist. 29. ad Hieron. *Plentissima charitas, quæ jam non po-
test augeri, quam diu hic homo vivit, est in nemi-
ne; quamdiu autem augeri potest, profecto il-
lud, quod minus est, quam debet, ex vitio est: ex quo vitio non est, qui faciat bonum, & non peccet.* Et lib. de Perfect. iustitiæ cap. 15. *Pec-
catum, inquit, est, cum vel non est charitas, quæ esse debet, vel minor, quam debet.* Sed an largo tantum modo peccatum appellet, ut Romanenses com-
muniter, atque etiam Protestantes quidam do-
ctissimi volunt, aliis etiam ad suam sententiam confirmandam ex ipso Augustino locis prolatis;
an vero etiam proprie, ut alii sentiunt, pag. 172.
dicemus) (pag. 92.) sententia tamen, quam
nos astruximus, nihil inde laeditur, qui cum dona-
tione iustitiæ semper remissionem peccatorum
conjunximus, atque non per illam solam, sed
etiam

* Epist. 29.] pag. 135, sedit, Reinhart,

etiam per hanc, immo *per hanc potius*, ut jam dixit Augustinus, *formaliter nos justos coram Deo nominari & esse*, contendimus.

Multa sunt, de quibus etiam inter Romanenses ipsos de causa formali justificationis nostrae disputatur, (ut, *An per habitus virtutum infusos justificemur*, ut volunt permulti? vel, *an perpetua Dei motio & operatio in nobis sit illud*, quo justificamur? *an vero horum neutrum praecise*, sed ipsa *mentis & voluntatis rectitudo*, ex utrisque resultans, sit formalis nostra iustitia? & denique, *an iustitia, qua formaliter justificamur, sola habitualis sit, an actualis*, i. e. opera vere iusta?) & quaedam alia, de quibus videantur Stapler, de Justificatione l. 5. c. 8. Bellarm. de Justif. l. 2. c. 15. & 16. Suarez, Vasquez, aliique id genus scriptores plurimi, viri certe doctissimi, sed in dogmatibus fidei, quae simplicitatis plena sunt, eamque maxime amant, discutiendis saepe nimio plus subtiles, ne dicam audaces. Proinde illis aliisque omnibus, ab instituti ratione alienis, missis, huic libro hunc terminum ponentes, ad alia inter partes controversa trans-

eamus. Deus veritatis & pacis
ptis adspiret.

Ad Librum Bellarmini Tertium,

de Justificatione,

Quo lites de incertitudine, mutabilitate,
& inaequalitate justitiae consi-
derantur.

Pag. 93.)

CAPUT. I.

*De certitudine & incertitudine gratiae
seu justitiae praesentis.*

Vtinam plerique utriusque litiganti-
um partis magis satagerent per bo-
na opera suam vocationem & ele-
ctionem certam & firmam facere,
sicut monet B. Petrus 2. ep. 1. 10.
quam de certitudine utriusque, mensura & gra-
du, ad fovendum triste schisma hodiernum, ni-
mis anxie & contentiose disputarent. Sed hoc
infelici rixarum, & contentionum admodum
ferace, pietatis autem & justitiae sterili seculo,
plerique magis amant inaniter & inutiliter alter-
cari, quam utiliter & fructuose operari. Mart.
Eisengrenius, academiae ingolstadiensis quon-
dam procancellarius, in vestibulo libri sui
apologet. pro Concil. trid. de certitudine gra-
tiae (cujus tamen hac de re sententiam multo
mitiorem esse, quam multorum aliorum grega-
lium, judicant Protestantes) affirmat, ex hoc
unico articulo, quamvis minutus a plerisque re-

K

puta-

putari queat, universum papatum & lutheranissimum dependere. Pag. 94.) M. Lutherus in cap. 41. Gen. *Etiamsi*, inquit, *nihil praeterea peccatum fuisset in doctrina pontificia, quam quod docuerunt, nos debere vagari & fluctuare ambigentes & dubios de remissione peccatorum, gratia & salute nostras, iustas tamen habere causas, cur ab ecclesia infidelis nos se jungeremus.* Vide Chemnit. in Exam. concil. trid. de Fide iustif. p. 165. aliosque fere utriusque partis innumeros. Sed nos omnia, sepósito omni partium studio, tanquam in Dei ipsius conspectu, paucis discutiamus.

Nonquaeritur de certitudine finalis perseverantiae, ac proinde non de certitudine electionis nostrae, quae de re infra, *sed de certitudine gratiae seu iustitiae praesentis*; permulti enim Protestantes, ut p. 112. dicemus, illa negata, hanc tamen constanter tuerentur. Neque quaeritur, an possit homo fidelis certo, immo certitudine fidei statuere, sibi remissa esse peccata sua, si modo eidem certo atque eadem praedicta certitudine constet de vera & seria sua poenitentia: quis enim sanae mentis hoc neget? Vide Bellarm. de Iustif. lib. 3. c. 2. p. 344. *Non enim hypothetice, sed absolute, hodie inter plerosque utriusque partis de certitudine iustitiae controversia magna contentione disputatur*, ut inquit ille ibidem. Neque etiam quaeritur, an omnis omnino propria & peculiaris applicatio, quae quis fidelis ita apprehendat generales verbi divini promissiones, ut sibi etiam certo confidat vel speret remissa esse peccata, illicita sit?

ta sit? Neque enim Romanenses ipsi negant, (vide Bellarm. loc. cit.) certam fiduciam in Deo collocandam esse, & certo confidendum, post actam legitime poenitentiam, & sacramentum, baptismi vel absolutionis rite perceptum, remissa esse peccata, ut proinde male Chamierus de Fide lib. 13. affirmet, Bellarminum (cui adjungit Coste- rum) videri sibi impugnare cum omnem applica- tionem propriam, tum etiam certitudinem ejus applicationis, negare autem plerosque alios Romanenses tantum applicationis certitudi- nem, non vero omnem omnino applicationem peculiarem. Quod enim scribit, *Bellarminum* lib. 1. de Justif. c. 8. *negare prorsus, fidei justificantis obiectum esse specialem misericordiam*, id totum ad applicationis certitudinem spectat: Pag. 95.) disputatio enim tota est, non de applicatione, sed de applicationis certitudine, ejusdemque mensura & gradu.

Communior Romanensium hac de re sententia negat certitudinem fidei divinae, justo, de sua justificatione, citra speciale revelationis privilegium, libenter tamen admittit ex vivae fidei sensu, seu charitatis & bonorum operum experimento, certitudinem aliquam minoris & inferioris gradus oriri, quae *conjecturalis & probabilis* nominari possit, & quae, licet non omnem formidinem pellat, tamen omnem tollat anxietatem & haesitationem, & ipsam etiam dubitationem, si dubitatio sumatur pro mera animi fluctuatione sine ullo assensu, quae sola apud philosophos

nomen *dubitationis* proprie obtinet. Ideoque quando de aliqua aliqui Romanenses dubitatione loquuntur, non aliud intelligunt, quam quandam formidinem, quae in omni assensu, etiam certo, qui non sit infallibilis aut evidens, reperitur, & *late dubitatio* vocatur. Vide Bellarm. lib. 3. de Justif. c. 3. p. 349. Negant igitur, quia docent, *fideles non habere certitudinem fidei de sua iustificatione*, inde sequi, *iubere se fideles semper dubitare*, (vid. p. 99. 112.) & anxie haesitare de sua cum Deo reconciliatione, quemadmodum rigidiores Protestantes illis impingunt, quia datur aliquid medium inter haec extrema, scil. certitudo quaedam moralis, ex parte intellectus, & spes ac fiducia, ex parte voluntatis, ut loquitur Bellarm. loco citato. Recte Remonstrantes in sua nupera Apol. (licet ejusdem p. 215. profiteantur, se dubitationem pontificiam de salute propria, & conscientiarum carnificinam, ita caeterorum rigidiorum Protest. more loquentes, minime asserere) de re alia loquentes, p. 7. ajunt: *Inter dubitationem & divinam assertionem, humana certitudo media est; quae, etsi formidinem contrarii (cum dubitatione scil. conjunctam) excludat, infallibilitatem tamen divinam non includit.*

Progrediuntur quidam alii Romanenses ulterius, & certitudinem aliquam aliam, minorem quidem certitudine fidei divinae, conjecturalitamen majorem, quam *certitudinem moralem* appellandam censent, admittunt. Affirmant enim (vide p. 112.) posse, immo etiam solere, praesertim

tim homines spirituales & perfectos (scilicet secundum statum viae) ad eam certitudinem seu securitatem venire, ut nullam habeant de sua justificatione formidinem; *plane ad eum modum*, (verba sunt Bellarm. de Justif. l. 3. c. 11. p. 364.) *quo credimus sine ulla haesitatione & formidine deceptionis, Romam fuisse & esse, & Caesarem in Italia aliquando regnasse.* Pag. 96.) Dom. a Soto ab hac sententia non abhorruit in Apol. contra Cathar. cap. 2. neque etiam Greg. de Valentia disp. 8. q. 5. p. 4. tom. 2. neque * Carthus. in 1. sent. d. 17. q. 5. & 10. referente Suarezio de Gratia lib. 9. c. 11. n. 1. Sed Andreas Vega disertè tuetur de Justif. lib. 9. c. 46. inqviens : *Mature tamen omnibus hinc inde pensatis, probabilius profecto esse crediderim, posse aliquos viros spirituales, tantopere in exercitiis spiritualibus, & in familiaritate divina proficere, ut absque ulla temeritate possint certo & absque ulla haesitatione credere, se invenisse gratiam & remissionem peccatorum suorum apud Deum.* Hanc sententiam suam multis egregiis argumentis ibidem confirmat. Verba argumenti 9. quo utitur, dignissima putavi adscriptu : *Familiaritas item & eximius amor, quem Canticum canticorum indicat Deum habere in ecclesiam, atque ei nonnunquam ostendere, exigunt revera, ut aliqui sint semper viri spirituales in ecclesia, quibuscum Deus sic familiariter loquatur, quique certi sint & nihil dubitent de ipsius in eos amore. Illa insuper quies & securitas, qua plerique migrant de hac vita, illud ardens desiderium, quo charitas, cum perfecta fuerit, clamat: Cu-*

K 3

pio

* Carthusianus.] Nomine Dionysius.

pio dissoluti & esse cum Christo. Phil. 1. 21. illa laetitia, qua permulti exultant, dum intelligentes, sibi propinquum esse diem mortis; dicunt cum Davide psalm. 122. 1. Laetatus sum in his, quae dicta sunt mihi; In domum Domini ibimus, alacritas etiam & admiranda constantia martyrum, & despicientia omnium tormentorum, quam prae se ferebant, quid aliud sunt, quam testimonia apertissima certitudinis moralis, quam habebant de sua iustitia & gratia apud Deum? Et hoc probat ex testimonio S. Ambrosii in Expositione psalmi 119. 52. *Memor fui iudiciorum tuorum a saeculo, Domine: neque non Hilarii, Martini, & Paulini, aliorumque sanctorum exemplis.* Denique sic concludit: *Licet haec argumenta non extorqueant certitudinem fidei, certe non plene multis ex illis satisfiat, nisi concedamus, possibilem esse iustis aliquam certitudinem de sua gratia, alienam ab omni metu & formidine.* (Pag. 97.) Idem etiam ad suam sententiam roborandam multa adducit Patrum testimonia, & speciatim Augustini lib. de Bono perseverantiae, cap. 2. *Sicut ergo sanctus, & Bernhardi serm. 69, in Cant. Quod si quis, ibidem: Si senserim aperiri mihi, serm. 37. Ideo spes non confundit, & Epist. 107. At vero si superna.*

Hanc sententiam licet Bellarm. lib. 3. de Iustif. cap. 11. p. 364. non probet, ut nec Vasquez in 1. 2. tom. 2. disp. 200. cap. 8. neque etiam alii rigidiores Romanenses, alii tamen illius etiam partis viri doctissimi probabilem esse putant, & problematicè defendi posse, ut Ruardus Tapperus

Art. 9.

Art. 9. Lov. de Fide & spe, pag. 79. & 80. Pererius disp. 9. in cap. 8. ad Rom. Thomas a Jesu, recens scriptor romanae partis, de Oratione divina, lib. 4. cap. 12. cujus haec sunt verba: *Ex his constat, valde esse probabile, eos, qui ad hanc infallibilem unionem singulari Dei beneficio fuerint sublimati, reddi de sua gratia & acceptatione securos.*

Idem Vega concedit, hanc certitudinem moralem a fide divina, bona ex parte, profluere; nam lib. 9. cap. 47. scribit: *Quamvis fides infusa neque inclinet nos ad assentiendum, neque faciat nos certos, neque moveatur a Spiritu S. ut illum efficiat nobiscum immediate assensum, nisi eorum, quae ante ipsius concursus, prius saltem natura, constet nobis esse a Deo revelata vel ex iis deducta, tamen mediate ad certitudinem moralem de nostra iustitia concurrat, & ei debent perfecti bonam partem suae certitudinis moralis. Nisi enim per fidem assentirentur illi majoribus illis propositionibus de fide: Facienti quod in se est, Deus non denegat gratiam: Convertens se ad Deum ex toto corde, invenit & obtinet gratiam ipsius; nunquam certitudinem aliquam haberent de sua gratia.* Et per fidem hoc, quod scilicet in gratia simus, sciri posse, ait, Concilium Trid. non negare, sed tantum negare, sciri hoc posse certitudine fidei. lib. eod. cap. 8. Immo propter ecclesiae pacem, hanc certitudinem hac ratione certitudinem fidei appellari posse admittit, cap. 47. (Pag. 98.) *Quare recte dixit Job. Baconus certitudinem consequentem fidem.*

Quod si hoc putas esse satis, ut vocetur certitudo fidei, non admodum repugnabo, sed ut pax sit, & omnes in unum conveniamus, dabo, quod vis, & me volens victusque remittam. In eandem sententiam Tapperus Art. 9. Lov. de Fide & spe: *Quae, inquit, certitudo (scilicet moralis) quamvis multo sit inferior certitudine fidei, quia tamen a sententiis scripturae pendet, ideo fides, quae est virtus infusa, mediate ad illam inclinatur, & si accedat confidens voluntas illa, magis firmare potest assensum, sed non adeo, ut liceret pro ejus veritate, quod scilicet in gratia sit, mortem subire.* In quo est differentia ab assensu fidei. Hanc Tapperi sententiam diximus Ben. Pererium loc. cit. probare.

Mart. Eifengrenius (vid. p. 93.) in Tract. apologet. de Certitudine gratiae pro can. 3. sess. 6. Concil. trid. *Haec, inquit, est sacri Concilii doctrina & sententia, prout Ecclesia catholica & universi christiani doctores nunquam aliter docuerunt, tales homines si legitime ac strenue sese exercent in bonis ac piis operibus, & jam iustificati indies magis ac magis iustificari satagant, tunc temum pro certo statuere, & indubitatam fiduciam concipere posse, sibi remissa peccata, seque in gratia Dei constitutos.* Imò affirmat, eum, qui suam recte examinabit conscientiam, peccatorum remissionem & gratiam Dei non solum sperare, verum etiam credere posse ac debere eo sensu, quo verbum Credo communiter solet intelligi, & ea certitudine, qua credit, bis duo esse quatuor; item, totum esse majus qualibet sui parte; item, qua credit ea, quae oculis suis vidit & mani-

mani-

manibus suis contrectavit. Liber hic approbatus fuit a Collegii theologici ingolstad. decano, ut patet ex ejus fine : in Indice tamen librorum prohibitorum atro stigmate notatur, & libris prohibitis accensetur.

Progrediuntur adhuc etiā ulterius alii Romanenses, & hominem fidelem vel posse, vel etiā debere *certitudinem fidei divinae sine peculiari revelatione* habere de propria gratia & iustitia affirmant. Pro hac sententia citatur communiter inter veteres Scholasticos Alexander halensis part. 3. q. 61. membro 7. art. 3. sed multum renitente A. Vega, l. 9. c. 36. aliisque, & Joh. Baconus carmelita in l. 3. Sent. dist. 30. q. 1. qui diserte quidem non dicit, cuiquam esse certam suam gratiam certitudine fidei, sed tantum certitudine *consequente fidem.* Pag. 99.)

Quod quomodo exponi possit, Vega supra monstravit, p. 98. Sed quam recte, viderint Carmelitae, aliique, qui sententiae huic favent. Auctor Enchiridii colonienensis in tr. de Justif. p. 139. (vid. p. 95. 433.) *Non jubemus, ut perpetuo de justificatione & acceptione sua dubitent homines, &c. Fatemur enim, verum esse, ad justificationem hominis omnino requiri, ut homo certo credat non tantum generaliter, quod propter Christum vere poenitentibus remittantur peccata, sed & quod ipsimet homini credenti remissa sint propter Christum, per fidem.* Multa in hanc sententiam ibidem legere est p. 138. 140. & 141. Consulat diligens lector auctorem ipsum, Bellarmino proinde l. 3. de Justif. cap. 3. *liber is hac in re, ut in multis*

aliis, censura ecclesiastica dignus esse videtur: certe, inquit, in modo loquendi doctrinam Melancthonis & Bucer valde redolet. Sed multo modestior fuit Georg. Cassander in sua Consultatione art. 4. de Justif. *Quod vero additur in Confess.* (scil. augustana) Cum credunt, se in gratiam recipi & peccata remitti propter Christum, merito ut impium rejici non debet, cum eruditissimorum virorum ex iis, qui Catholici nomen retinent, sententiae & scriptis consentiat, ut patet ex *Enchir. chr. religionis in Concil. provinciali colonienfi an. 1536. edito*; qui liber ab omnibus eruditioribus theologis, etiam per Italiam & Galliam, summo opere fuit collaudatus, ut qui summam sententiae veterum de christiana religione, ex quorum scriptis quasi conformatus est, pulcherrime referat; deinde verba a nobis allegata recitat. Idem tamen Cassander hoc eodem loco, hujus auctoris (ut & aliorum quorundam Romanensium proxime citandorum, & non Protestantium tantum) sententiam improbat, quod scil. hanc certitudinem fidei, natura ipsam justificationem & remissionem peccatorum praecedere dicat: Nam, inquit, donum est Spiritus S. quod justificatis infunditur, quo de remissione peccatorum, & gratuita Dei Patris erga se benevolentia certi redduntur. Autores Antididagm. colon. tit. de Justif. idem insinuare videntur: dicunt enim, nos justificari per fidem, qua absque dubitatione firmiter confidimus, nobis, qui veram peccatorum poenitentiam habemus, peccata nostra propter Christum esse remissa, & de eo oportere intrinsecus per fidem, Spiritus sancti

sancti testimonio certificados nos esse, & iustitia inhaerente, tanquam quodam experimento, certificari, nobis remissionem peccatorum esse factam. Vide Vegam l. 9. c. 7. (Pag. 100.) Auctores libelli Ratisbonae Imperatori oblati A. 1541. art. 5. de Iustif. hominis; *Docendum est, ut, qui vere poenitent, semper fide certissima statuunt, se propter mediatorem Christum Deo placere.* Claudius Guillaudus, bellijocensis, in Collatione sua in Pauli Epistolas, secunda consideratione ultimi capitis 2. ad Timoth. dicit, *certos nos posse esse de vestra salute, non ex nobis, neque ex natura nostra, aut ex operibus vel prosperis vitae successibus, sed per fidem verbo & promissionibus Dei innixam, qui dicit: Omnis, qui audit vocem filii Dei, & credit in eum, habet vitam aeternam.* Haec verba citat Vega. Sed in editione parisi. 1548. ex recognitione auctoris haec omissa sunt, neque absque suspitione aliqua; quandoquidem in Indice libr. prohibitorum vetatur Collatio hujus auctoris, nisi expurgetur.

In hanc sententiam citari possent quaedam ex Jo. Fero, praesertim in commentario loci Joan. 14. 16. *Et alium paracletum dabit vobis.* Sed de mente Feri multum inter se Dominicus a Soto & Michael Medina contendunt, ut legere est apud Sixtum senens. Biblioth. S. l. 6. annot. 210. Vide etiam Ferum in verba Johan. 17. 6. *Tui erant, & mihi eas dedisti.* & eundem Sixtum sen. lib. cit. annot. 215. Jo. Baptista Folengius, professione benedictinus, (ut Ferus franciscanus), vir insigni pietate

pietate ac charitate praeditus, & de emendatione ecclesiae & scissura tollenda serio cogitans, (sic eum, nec immerito, laudante Jac. Aug. Thua-
no Histor. lib. 23.) ab hac sententia alienus non fuit, aut saltem non fuisse videtur in Comment.
ad 1. Johan. 5. 4. & 13. *Nolim, inquit, (sic me ser-
vet Deus) quae huc usque de certitudine habenda in
fidei causa diximus, cuiquam scandalo esse atque ad-
mirationi. Diximus, quae nos quotidie experimur;
ut alii hac in re afficiantur, nec quaero, nec scribo.
Ad haec, qui verbum illud scimus tam frequens apud
Johannem unquam intelligere potero?* Pag. 101.) Flo-
rentinus Volusenus, scotus, catholico-romanus,
de Animi tranquillitate pag. 384. scribit: *Omnes,
quicumque legitime christiani sunt, debent certo per-
suadere sibi, se gratos & esse, & perpetuo fore Deo pa-
tri, propter eum, quem amplectuntur, Christum.* Hu-
jusque sententiae affirmat ibidem fuisse roffen-
sem episcopum, & Hieronymum Hangestum,
theologum parisiensem. Immo hanc senten-
tiam multi Catholici, teste Vega, ante editum de-
cretum de justificatione, probabilem censuebant
Tridentini, & compluribus argumentis svadere il-
lam conabantur.

Verum non tantum ante editum decretum
illud, ut ait Vega, Ambr. Catharinus cum suis
fautoribus Ant. Marinaro carmelita (cujus ora-
tio ad Patres in Concil. trid. hac de re & qui-
busdam aliis dominica 4. in quadragesima 1546.
habita publice extat inter Acta concilii illius
excusa Venetiis 1552.) immo Carmelitanis omni-
bus,

bus, quorum doctor Joh. Baconus eam tuebatur, cum Episcopis etiam quibusdam, acerrime contra Sotum aliosque defendit *certitudinem fidei, etiam divinae*, quam sic neque aliter nuncupandam esse censuit, quia scilicet nritur iis, quæ in Dei verbo revelata sunt & testimonio Spiritus S. Rom. 8. 16. & hanc privatam cujusque iusti fidem aequè certam atque indubitatam esse, ac fidem catholicam, licet non sit omnino cum ea eadem. Atque hæc sententia, utut prima facie ardua visa fuerit ipsis Catharini fautoribus, diligenter tamen post expensis rationum momentis, admirabili spectatissimorum & praesulibus consensu fuit approbata, (ut refert fide dignissimus auctor Hist. concil. trident. lib. 2. pag. 345. edit. latinae lips. 1699.) inclamante Soto, *nimis favorabilem esse Lutheranis*, aliis vicissim asserentibus, Lutherum non fuisse damnandum, si dixisset, *post justificationem* fidem illam sequi, sed damnari, quod dicat, eam esse fidem iustificantem. Sed etiam post decretum editum, caeteris omnibus de propria opinione decedentibus, & simpliciter auscultantibus, ut jacet, decreto Synodi, (ut refert Sotus in Apolog. contra Catharinum cap. 2. si modo fides illi hac in re habenda sit) idem Catharinus (pag. 102.) eandem sententiam animose contra Sotum defendit, contenditque, contra suam sententiam nihil pronunciasse Synodum trid. in Confirmatione defens. cathol. sic scribens: *Quod ego in primo meo detexti libello, quem ad praesidentis ipsi consilio (quorum al-*
ser,

ter, Deo gratia, summus est pontifex, Julius tertius) & ad ipsam Synodum destinavi, eos alloquens his plane verbis: *Addo, quod saepius hoc protestati sint ambo praesidentes, & specialiter in hac controversia, tum in conventu patrum, tum vero in congregatione theologorum, & ambos audivimus contestantes, non videri sibi quaestionem hanc discussam satis ad decisionem. Immo ipsamet S. Synodus his declaravit, huius rei definitionem tunc omittendam esse, & in aliud tempus servandam, sicut in Actis possit apparere. Denique ipse titulus 9. capituli hoc manifestat abunde, qui sic habet: Contra inanem haereticorum fiduciam. Haec ille. Sed de concertationibus Catharini & Soti super hoc argumento, lege ipsorum Apologias & Antapologias, & de ambigua, immo *vastra & versuta illius decreti Concilii tridentini*, ad quod uterque provocabat, concinnatione a Patribus illis facta, ne partibus dissidentibus displicerent, vide Hist. concil. trid. lib. 2.º pag. 386. Quin immo nuper Jo. Barnesius, anglus, monachus benedictinus doctissimus ac pacis ecclesiae amantissimus, in suo Catholico-romano pacifico manuscr. tit. de Justificatione eandem sententiam defendit, inquam: *Cum fides sit scientia salutis, & credere sit quoddam scire, sequitur, quod, quemadmodum sciens scit se scire, ita quis quis ad salutem credit, credit, se credere salutari fide. Ex quo efficitur, pie in Christum credentes, certos esse de sua fide iustificante, quia iusti sunt.* Et in Paralipomenis certitudinem hanc infallibilem salutis operose Probare satagit ex Patribus; ex veteribus*

ribus scholasticis & recentioribus theologis romanensibus, inprimis Cajetano, Antonio Marinaro, Claudio Guillaudo, Hier. ab Angesta, & late ex Catharino. Atque haec de diversis, immo adversis Romanensium super hac re sententiis,

Pag. 103.) CAPUT II.

Quo ejusdem litis aequa consideratio ex scripturis, Patribus, Protestantibus, aliisque viris moderatissimis continuatur & concluditur.

Communior Protestantium sententia est, *posse* vere fideles certa fide & divina statuere, per gratiam Spiritus S. sibi remissa esse peccata, immo *debere* etiam omnes hoc de se statuere, quia ad eam certitudinem scripturam fideles ubique hortari arbitrantur. Sed male adjicit Bellarminus lib. 3. cap. 3. tanquam *ex communi Protestantium*, qui sic sentiant, *opinio ne, aliqui nec fideles nec justos futuros*. Detur enim, quosdam rigidiores aliquando adeo incommode & inconsiderate loqui, haud gravate tamen concedunt omnes alias, quando paulo explicatius loquuntur, *in multis etiam fidelibus & justis, certitudinem hanc ἀμετάνοτον de facto non inesse*, &, in quibus aliquando est, *non semper inesse*, sed non raro carnis infirmitatibus interturbari; fidem enim aliquando magnam & vividam

vividam esse, aliquando modicam & languidam. Ut alios silentio praeteream, Remonstrantes, qui in sententia sua Synodo dordracenae exhibitae, circa articulum. 5. de Perseverantia, th. 7. vere fidelem pro tempore praesentem de iustitia & salute sua certum esse posse ac debere affirmant, & hic Pontificiorum sententiam se improbare (vide Acta Remonstr. art. 5. pag. 186.) profitentur, in Declaratione suae sententiae pag. 195. sic loquuntur: *Neque tamen diffitemur, fieri posse, ut quis vel errore aliquo, vel contrariae opinionis diutina consuetudine, vel infirmitate, vel tentatione aliqua gravi correptus, haesitet & vacillet inter spem metumque, qui tamen aliquin probissimus & innocentissimus est. Neque id saluti ipsius ullatenus obfuturum credimus: Si quis enim sincere & ex animo Deo obediat, sive sciat, & persuadeat sibi se obedire, & in statu proinde iustitiae ac salutis versari, sive id persuadere sibi aut non possit aut non audeat, salvum tamen nihilominus poterit. Non enim scientia aut certitudo, quod obedientiam talem praestet, quam aeterna salus secutura est, sed obedientia ipsa ad salutem necessaria est.* (Pag. 104.) Vide & Fr.

Whiteum contra Fisherum jesuitam de Certitud. salutis pag. 166. Joh. Mayerum in Jacobi 2. 19. pag. 30. 31. & Dounamum de Foedere gratiae cap. 8. pag. 102. & in Appendice pag. 218.

Multi etiam Protestantium hac ipsa fide, ac sola hac fide (ut refert Bellarminus loco citato, sed non satis bona fide, eam sententiam omnibus Protestantibus attribuens) quam tamen semper
vivam

vivam esse existimant, homines iustificari volunt. Sed quid de hac uicima multorum Protestantium sententiae parte iudicandum sit, abunde dictum est lib. 1. qvo lectorem remitto.

Posse autem & debere vere fideles de praesente gratia & iustitia fide divina certos esse, non solum Protestantes plerique docent, sed etiam nonnulli Romanenses, ut cap. praeced. fuse ostensum est. *Alteri vero (inquit Hist. Concil. trid. lib. 2. pag. 344.) certitudinis patroni, ab adversariis (Soto aliisque) coacti, animi sui sensum diserte exprimere, utrum crederent, hominem posse certitudinem gratiae habere, aut vero etiam hominem putarent ad id credendum veneri, & utrum fides ea divina esset an humana, tandem professi sunt, quandoquidem fides ea exhibeatur testimonio Spir. sancti, non posse eam relinquere hominis libertati, cum unusquisque teneatur credere revelationibus divinis, ac proinde fidem illam non aliter appellandam, quam divinam.* Bellarminus etiam ipse lib. 3. de Justif. cap. 3. sect. *His erroribus*, concedit, sententiam, quam hodie communiter tuentur Romanenses, communem tantum esse fere omnibus theologis, non igitur esse omnium theologorum sententiam. Horum suorum sodalium sententiam, licet alii Romanenses erroneam esse iudicent, atque etiam decreto Concilii trid. adversari, haereseos tamen damnare nec volunt nec audent; (vide Bellarm. loco citato, sect. *Tertia sententia*, aliosque plurimos) in Protestantibus tamen haeresin esse volunt. Utinam illi se adeo aequos Protestantibus, ut

suis, praeberent! Certe sic candorem suum & charitatem magis probarent Deo & omnibus piis, & quod eos *προσῴμιλῃ* arguerent, minus hodie haberent Protestantes.

Sententia tamen haec plurimorum Protestantium, atque nonnullorum etiam Romanensium, de certitudine fidei divinae, quoad hanc rem, ut libere quod res est dicamus, *non satis tuta* esse videtur. (Pag. 105.) Pugnat enim i, cum multis Scripturae locis, ut fuscè ostendunt ii, qui hodiernas controversias pertractant: quos adi, lector studiose. Memineris tamen, ne erres, locos quosdam communiter ab illis adduci, qui nihil ad hanc rem faciunt. Verba enim illa Ecclesiastae 9. v. 1. vel 3. *Nescit homo utrum odio vel amore dignus sit, sed omnia in futurum servantur incerta*, quae argumentum palmarium plerisque Romanensibus praeberè videntur, nihil ad hanc causam spectant: nam locus a multis utriusque partis viris hebraice doctissimis multo aliter & melius ex habraeo vertitur, quam ab interprete vulgato; & Salomonis mens non alia est eo loco, quam *ex eventis externis* Dei amorem odiumve certo cognosci non posse. Quod ingenue agnoscunt etiam quidam Romanenses doctissimi, Arias Montanus aliique, quos nihil necesse est commemorare. Vnde Alph. de Castro, cum in prima edit. operis adversus Haereses lib. 7. ex hoc loco firmissimum argumentum duci posse putasset, ultima tamen *errorem revocavit*, & hunc Salomonis sensum candide agnovit esse: *Nemo aliquid*

aliquid horum (sitne electus, an non) scire potest ex consideratione rerum externarum, sive prosperae sive adversae sint, quia haec omnia possunt iusto perinde ac peccatori contingere. Et paulo post: Rejeto primo illo testimonio propterea, quod dubium est, & non convenit inter omnes de sensu illius, oportet aliunde capiamus testimonia. Florentius Volusenus de Animi tranquillitate pag. 388. ait: Locum Salem. p. referendum arbitror ad casus huius vitae: quod praesenti fortunae non sit confidendum, eo quod nesciamus, quid superventura pariat dies; certe absolute vix accipi potest, eo quod nemo nostrum non novit, aut saltem noscere debet, se esse odio dignum. Verba etiam illa (quae tam solícite, immo iactanter a Bellarmino aliisque urgentur) Ecclesiastici 5. 5. juxta veterum versionem, De propitiato peccato noli esse sine metu, nihil probant: aliter enim graece se habent verba, & auctoris sententia alia plane est. Vide Jansen. in locum hunc, & Hist. concil. trid. lib. 2. pag. 345. Forte etiam quidam alii qui citantur loci, parum habent roboris, firmiter tamen id probavit multi alii, quos, qui iudicio valet, lector facile discernere possit. (Pag. 106.) De locis scripturae, qui contra objiciuntur, legantur controversiarum tractatores & doctissimi scripturarum interpretes. Testimonium Spiritus, quod affirmat apostolus Rom. 8. 16. testimonium reddere spiritui nostro, quod simus filii Dei, (quo loco maxime nituntur omnes, qui contrariam sententiam tuerentur) est quidem per se certissimum, & sine

ulla dubitatione credendum, utpote a Spiritu S. qui est spiritus veritatis, proveniens; nobis tamen istud testimonium non est certitudine fidei compertum, esse a Spiritu sancto: neque enim Sp. id testatur per verbum aliquod expressum seu per revelationem, sed tantum id probabilibus conjecturis & signis, vel summum, certitudine quodam morali nobis est cognitum. Ejusmodi autem testimonium Spiritus sancti, quo persuadetur viris iustis, ipsos esse in gratia Dei, pro maiori minorive profectu in vita spirituali, & in studio cultuque virtutum, magis minusve clarum, datur a Spiritu S. qui novit optime omnia moderari, & suavissime atque accomodatissime, pro cuiusque, ut sic loquamur, merito atque utilitate, in tempore & oportune disponere ac dispensare. Aliquando enim Spiritus S. testimonium suum probabiliter tantum facit notum homini; aliquando certum facit certitudine humana & morali; aliquando etiam, licet rarissime, certitudine fidei divinae, per specialem aliquam, videlicet ipsius, revelationem, ut recte & solide respondet Pererius disp. 8. in c. 8. ad Rom. Videantur & alii in eundem locum. Plurima apud Patres legere est, quae huic sententiae repugnant. Neque ullus ex iis locus afferri potest, qui certitudinem fidei cuiquam, citra specialem revelationem, efficaciter suadere possit, etsi plurimos admodum consolatorios, praesertim in Cypriano, Ambrosio, Bernardo facile invenias.

2. *Pugnat cum ratione*, (vide pag. 108. 109. 110.)
Minor

Minor enim syllogismi istius, Omnes vere credentes & poenitentiam agentes certi sunt, & quidem certitudine fidei, de peccatorum suorum remissione & gratia Dei. Sed ego vere credo, &c. Ergo, minor, inquam, nemini fidelium, quantumcunque certitudinem habeat, citra revelationem, specialem (quae non nisi paucissimis, omnibus seculis, sapientissimo Dei consilio indulta est) aequae certa est, atque maior, ut quae expressum Dei verbum est. Unicuique enim fidelium in scripturis commendatur magna sollicitudo & cura quotidie seipsum probandi, & magis magisque serio examinandi, an vere & sicut oportet credat, resipiscat, &c. Conclusio autem partem debiliorem semper sequitur.

Pag. 107.) 3. Pugnat cum communi fidelium sensu & experientia. Ecquis enim fidelium ausit dicere, sibi tam certo constare, se esse in gratia, quam quod Deus sit unus & trinus, vel Christus deus & homo? De fidei articulis nefas est dubitare: dubitatio enim infidelem vel haereticum facit; mille potius mortes in eorum testimonium appetendae sunt. Illud autem, quod ego vel ille in gratia sit, in hoc certitudinis gradu certum non est, neque etiam esse potest. Immo audacter provocho ad ipsorum acerrimorum huius sententiae assertorum conscientias, an hoc fidei divinae certitudine de se ipsi in particulari credere se audeant dicere, secus nullam sibi in Dei gratia & regno partem in aeternum optare. Audacissime sane M. Bucerus, vir alioqui doctissimus, & quidem

dem omnium Protestantium nomine, illud in Colloq. ratish. 2. p. 46. effutit: *Nostra est confessio, christianum hominem non esse, qui non eadem fidei certitudine credat, & Christum esse filium Dei, & se per eum percepturum esse vitam aeternam.*

4. Sententia etiam haec pias mentes non tam solatur, quod arbitrantur illi, qui mordicus eam propugnant, quam misere saepe numero cruciat & torquet. Quando enim hanc fidei certitudinem, quae ex lege communi non est possibilis, in se ipsi non inveniunt, neque etiam invenire possunt, nihil tamen vehementius urgere audiunt multos indoctos & imperitos animarum medicos, incredibiles inde dolores & cruciatus in optimis mentibus saepe nascuntur, ut tristici quotidie testatur experientia. Merito igitur haec sententia non paucis nec obscuri nominis Protestantibus aliis, quae improbat, ut in sequentibus apparebit.

Jac. Arminius in declaratione sententiae suae, hac de re sic loquitur: *Quantum ad certitudinem salutis, statuo, eum, qui credit in Jesum Christum, tam ex actione Spiritus S. intus ipsum agentis, & fructibus fidei, quam ex propria sua conscientia & testimonio Spiritus, una cum ea testante, certum per se ipsumque posse esse, atque etiam re ipsa certum esse, & se cor suum se non condemnet, filium se esse Dei, & in gratia Jesu Christi stare; quin immo cum certa fiducia gratiae Dei & misericordiae in Christo, ex hac vita migrare posse, & coram tribunali gratiae comparere, citra anxium timorem, & terribilem metum; semper tamen orare debere, ut Dominus secum non ingrediatur in judi-*

judicium. Sed cum Dominus major sit corde nostro, & omnium conscius, homoq; se ipsum non judicet, quin immo etiam, quamvis nullius sibi ipsi conscius, in hoc tamen non justificetur, sed Deus sit, qui ipsum judicet, hanc certitudinem non audeo tanti facere, quanti est illa certitudo, qua scimus, Deum esse, & quod Christus sit salvator mundi. (Pag.108.)

Theologi M. Britanniae in suffragio suo de quinto articulo, th. 30. licet loquantur de perseverantiae fidelium certitudine quoad nos, haec habent verba, quae non minus contra certitudinem fidei de praesenti iustitia militant: *Prima debilitas oritur ex ipsa fundamentalis hujus personalis fiduciae dependentia, quae infra fidei dogmaticae certitudinem videtur subsidere, assensum quippe nostrum afficiunt fidei catholicae articuli, ut principia immediata ac prima; fidei autem specialis veritas non inde deducitur, ut quiddam necessario consequens, sed tamen subjungitur per modum assumptionis. Ergo illius, quae hanc persuasionem facit, conclusionis non potest esse firmitudo major, quam quæ praemissarum debiliiori inest.* (pag.106.) *Subsumtio autem illa experimentabilibus nititur judiciis per privatam hominis conscientiam pensatis, quae cum nonnunquam in dubium vocentur, an sint signa genuina, &c.* Haec illi vi veritatis coacti: nam thes. 4. de hujusmodi certitudine verae fidei, cui falsum subesse non potest, actum esse volunt. Franciscus Whiteus, episcopus nunc norwicensis, in suo de Controversiis opere contra Fisherum jesuitam de certitudine salutis p. 166. ita scribit: *Particularis cer-*

itudo remissionis peccatorum, quam iusti ex respicientia & fide obtinens, in assensus firmitudine minime aequalis est certitudini, quam circa commune fidei objectum, videlicet de articulis de Creatione, Trinitate, &c. habent, quia articuli hi, immediate & totaliter in S. scriptura revelati sunt, sed quod huic vel illi penitenti peccata sua remissa sint, illud ex argumento pendet, cuius pars una tantum immediate Dei verbum est, altera autem colligitur ex reflexione mentis supra suum actum, & diligente ac sollicita suarum virtutum & actionum observatione exurgens. Unde conclusio magis minime secundum assumptionis conditionem, certa est. Citat in margine Bannesium in 2, 2. q. 8. art. 2. coroll. un. p. 235. cuius verba probat, & B. Medinam in 1, 2. q. 112. art. 5. ego vero brevitatis studio verba ab illo notata omitto. (Pag. 109.)

Quod proxime subjungit, certitudinem hanc fidelium de sua praesenti justificatione vel iustitia, la Protestantes ad fidei certitudinem reduci, quia, partim innititur propositioni seu sententiae immediate divinae, partim propositioni, quae ex ea, quae divina est, inferitur & colligitur: regulam enim, per quam quispiam se credere & respicere dignoscit, esse Dei verbum, quo fidei & respicientiae conditio seu qualitas explicatur, nae id frivolum est: nam tota quaestio est de certitudine applicationis regulae, illiusque gradu, quam ille jam concessit certitudini fidei divinae non esse aequalem. Unde tandem agnoscit, dissensionem hac de re inter quosdam doctos Romanenses, qui etiam post

Conc,

Conc. trid. vixere, & Protestantes, *exigui tantum esse momenti*, (p. III.) si modo ulla sit omnino dissensio; nominatque in marginali A. Vegam, Tapperum, Pererium, Eifengren, & alios. R. Montacutius, episcopus nunc, nisi fallor, cicestrensis, in libro, quem vocat *Appello Caesarem* c. 14. acriter contendit contra Puritanos, suos adversarios, Ecclesiam anglicanam minime docere aut tenere talem absolutam salutis certitudinem in iustis, qualem de aliis fidei objectis expresse & directe per Deum revelatis habent, Probat etiam illorum eruditorum Romanensium (quorum Fr. Whiteus, per quem liber approbatus, proxime meminit) sententiam p. 212. 213. Denique sic Puritanos ironice compellens, inquit: *Sed vos forte ex meliori luto felicit homines*; non tantum omnia, quae ad praesentem iudicium spectant aequo certo cognita & perspecta habetis, atque, *J. Christum in caelis esse, sed &c.* Robertus Abbotus, episcopus nuper sarisburiensis, in sua Defensione perkinsiani Catholici reformati contra Bishopum, parte 1. p. 285. concedit, *vulgus fidelium, non ita certo & infallibiliter suam in particulari salutem credere, ut ab omni formidine contrarii & dubitatione liberi sint*, hac ratione addita: Quia conclusiones, quae ex principiis & immediatis Dei verbis ad nos ipsos de salute nostra derivantur, se ipsis ignotae sunt, & quicquid habent lucis, a principiis tantum id habent; proinde non adeo firma fide vel assensu apprehendi, ut principia ipsa, hominibus forte dubitantibus,

ne in principiorum applicatione & usu aliquid admiserint vel admittant erroris. Pag. 110.) Quid quid aliud re ipsa est, lector, quicquid verbo vel ille vel alii etiam contradicant, quam certitudinem minoris, ac proinde conclusionis etiam illius *superformati syllogismi, non esse aequalem certitudini majoris*, quae fide divina & firmissima creditur, quia immediatum Dei verbum est, & communem maximaeque fidelium partis sensum id ipsum clarissime testari? Vide etiam, lector, quia brevitati studeo, I. Whiteum, Francisci supra nominati fratrem, in sua Defensione viae ad veram ecclesiam cap. 16. n. 2. p. 136. & n. 4. p. 140. 141. ubi post multa admodum perplexe & intricate dicta, sententiam Vegae aliorumque supra laudatorum admittere videtur, & hanc privatam fidelium de sua salute persuasionem esse, quidem effectum fidei vult, & mordicus defendit, *non tamen aequo certo & firmiter hoc fide apprehendi, atque ea, quae immediato revelata & expressae in Dei verbo scripta sunt.*

Vorstius in suo Antibellarmino, multum a multis Protestantibus quondam laudato, p. 613. & 647. *In hac autem parte, inquit, scilicet de certitudine praesentis iustitiae, primum merito conqueruntur Evangelici, statum quaestionis non satis fideliter ab adversariis explicari solere. Non enim absolutam ejusmodi certitudinem, qualis est in historica fide, sed fiducialem persuasionem cum perpetua illa inquietudine & dubitatione animi pugnantem, homini fidei attribuimus: licet hanc persuasionem multo certiore*

torem esse statuamus, quam ut conjecturalis tantum aut moralis dici debeat; quum non ex obscuris signis, aut frivolis conjecturis, neque ex incerta aliorum hominum attestatione, sed ex interiori animi nostri sensu, seu potius arcano Spiritus S. testimonio, & apertissimis gratiae promissionibus oriatur, eoque conscientiam plane securam efficiat. Pro hac igitur sententia (quae tantam propriae iustitiae certitudinem homini fideli attribuit, quanta ad conscientiam coram Deo tranquillandam & perpetuam dubitationem excludendam sufficit) haec fere argumenta nostri afferunt. Haec ille, paulo mollius & melius, quam multi alii, sententiam Protestantium explicans.

Reg. III. Archiep. spalat. de Rep. Eccles. I. 7. c. II. n. 223. Fides nostra est circa thesin & hypotheticam, h. e. dari remissionem peccatorum a Deo, si quis vere poeniteat, eaque agat, quae ab illo Deus requirit, ut eum iustificet, & in hoc neminem fidelem haesitare debere, certo scio; sicut neque in debita fiducia debet haesitare, qui plurimum confidat sibi dimitti peccata, etiam in hypothese, a divina misericordia, ubi confidat etiam merito, se esse vere poenitentem, sed tamen in hypothese & absolute fide posse quenquam aut debere credere, sibi esse remissa peccata, non video quicquam, quod cogat. Video quidem multa, quae magnam ingerant probabilitatem de praesentia gratiae & justificationis, immo & moralem certitudinem per gravissimas & vehementissimas conjecturas; interim tamen non pauca quoque suppetunt ordinarie omnibus, si secundas privatae, speciales ac certas reve-

latio

lationes) ex quibus metus quoque & formido propriae salutis exsurgat, non circa thesin, quae certa est & fide notissima, sed circa hypothesin: unde enim certa fide divina mihi constat, me esse verum poenitentem, meam esse vivam fidem & non mortuam, me nullo occulto peccato coram Deo adhuc premi? Ps. 18. vel 19. 13. quis certa fide novit, se perseveraturum & non amplius irremediabiliter lapsurum? quem casus Saulis non terret & Salomonis, & similes? cur dicitur cuique fideli: Cum metu & tremore salutem operamini. Phil. 2. 12. Et post haec: Sinant ergo isti (Protestantes) nos (Romanenses) abjecta hac fidei certitudine, ex morali certitudine consolationem sumere, & ex debito ac sancto metu cautius coram Deo ambulare; ipsi vero modo caveant a nimia praesumptione, & inde se oliscantiae non tradant. Abundent in sensu suo, nec inde (vide p. 109.) alteri alteros damnent. Et inferius: Viderint ipsi interim: nos quoque videamus, ut salvemus Pauli dictum valde consolatorium: Spiritus Dei testimonium reddit spiritui nostro, quod sumus filii Dei. Rom. 8. 16. Sed ad hoc necessaria est discretio spirituum. Haec huius viri in controversiis hodiernis exercitissimi, & concordiae inter partes studiosissimi, sententia fuit.

Sed ut hanc fortasse multis nimis molestam diatribam tandem concludamus, 1. *Infirmis & pavidis conscientis*, quae cum gravi & anxia dubitatione saepe luctantur, quae etiam dubitatio, ex propriae infirmitatis & imperfectionis iustitiae intuitu nata, virorum sanctissimorum mentes non raro exercet, utrinque, praesertim morte immi-

imminente, ab omnibus fidelibus pastoribus occurratur, & tales sedulo admoneantur, ut hujusmodi dubitationibus dulcissimas evangelii promissiones fortiter opponant, & fidem atque fiduciam sibi augeri instanter orent. Hoc Romanenses ipsi solenniter se & facere & fieri ab omnibus pastoribus jubere protestantur, & gravissimam sibi injuriam a rigidioribus Protestantibus fieri conqueruntur, quando illi eis impingunt, quod doceant & jubeant (vid. p. 95.) homines de Dei gratia & salute semper dubitare, ideoque provocant ad sua ipsorum scripta, & ad quotidianam praxin. (Pag. 112.) Vide Cassandri Consult. art. 4. de Justif. p. 913, 915. Neque etiam illa summi gradus certitudo fidei divinae plerophoria nimis importune urgeatur, nec a fidelibus quasi praecise necessaria exigatur, (utinam moralem illam certitudinem, de qua pag. 95. dictum, assequi possent omnes!) 1. ne pavidae conscientiae inde magis paveant. 2. ne timor Dei, etiam filialis, piorum animis excutiat, aut saltem minuatur, & carnis securitas alatur, beneque operandi studium remittatur. Vide Cassandrum pag. 906. Solicite studeant omnes utriusque partis, suam de praesenti justitia & Dei gratia perquisitionem, quantacunque illa sit, per bona opera magis magisque certam & firmam facere, ut monet apostolus Petrus 2. ep. 1. 10. *Quantum enim crescis in gratia, tantum & in fiducia dilataris*, inquit Bernh. serm. 3. in Cantica. Denique a nimis curiosa & scrupulosa de hujus certitudinis gradu & mensura disputatione, maxime autem ab omni temera-

174 *De certitudine praedest. & final. persever. p. 113.*
meraria & audaci cum aliorum *dissentientium*
damnatione conjuncta *definitione*, utriusque partis
theologi ablineant. Atque haec de hac con-
troverfia satis sint.

CAPUT. III.

De certitudine praedestinationis & finalis
in fide & justitia perseverantiae : & si-
mul, an fides & justitia semel habita
amitti possint?

Nihil certius, quam certitudinem praede-
stinationis sive electionis ad gloriam, si-
ne certitudine finalis perseverantiae, ab
homine vere fidei haberi non posse, ut
omnibus constat. Cum autem de hac absoluta
certitudo hic nec habeatur, neque etiam sine spe-
ciali revelatione haberi possit, ut jam dicturi su-
mus, certe necessario inde efficitur, *neque etiam*
illius certitudinem absolutam, & fidei, haberi posse.

Sententia M. Bucer in Colloq. ratib. de qua
etiam p. 166. nonnihil dictum, (Pag. 113.) *chri-*
stianum hominem non esse, qui non eadem fidei certitu-
dine credat, &c. aliorumque multorum & magni
nominis Protestantium, sed in hac causa plus
aequo rigidorum, nec cum clarissimis scripturae
testimoniis, nec cum Patrum sententiis congruit.
Consultantur, qui controversias hodiernas fufius
tractant. Ut tamen aliquid dicamus, quid cla-
rius illis B. Augustini lib. de Correctione &
gratia

gratia cap. 13. *Quis ex multitudine fidelium, quamdiu in hac mortalitate vivitur, in numero praedestinatorum se esse praesumat, quia id occultari opus est in hoc loco, ubi cavenda est elatio?* Et de Bono perseverantiae l. 2. cap. 13. *Ad quam vocationem, &c. ut & 22. & lib. 11. de Civ. Dei c. 12. Licet sancti de suae perseverantiae praemio certi sint, de ipsa tamen perseverantia sua reperiuntur incerti. Quis enim hominum se in actione, profectusque justitiae perseveraturum neque in finem sciat, nisi aliqua revelatione ab illo fiat certus, qui de hac re iusto latentique iudicio non omnes instruit, sed neminem fallit?* Et in plurimis aliis Augustini locis eadem legere est. Vide & Prosperum in Resp. ad obj. vincentian. resp. ad duodecimam, & auctorem de vocatione gentium lib. 2. c. ultimo. Et, ut alios antiquiores omittam, Bernard. term. 1. de Septuages. ait: p. 22. *Quis potest dicere, ego de electis sum? Certitudinem utique non habemus, sed spei fiducia consolatur nos, ne ambitationis huius anxietate penitus cruciemur. Propter hoc data sunt signa quaedam & indicia manifesta salutis, ut indubitabile sit, eum esse de numero electorum, in quo ea signa permanserint. Propter hoc, inquam, quos praescivit Deus, & praedestinavit conformes fieri imagini filii sui, ut, quibus certitudinem negat causa sollicitudinis, vel fiduciam praestet gratia consolationis. Hoc enim est, unde semper solliciti, & in timore & tremore humiliemur necesse est sub potenti manu Dei, quoniam quales sumus, nosse possumus vel ex parte; quales autem futuri simus, id nosse penitus nobis impossibile est. Itaque*
qui

qui stat, videat ne cadat: & in forma, quae salutis indicium est, & argumentum praedestinationis, perseveret atque proficiat. Vide eundem epist. 107. Hunc autorem in controversia de Justif. Protestantes, etiam rigidiores, in primis laudare solent. Quae autem ad haec a contra sentientibus responderi solent, nimis frivola sunt, & a Patrum mente omnino aliena, immo plane contraria. Audeo provocare ad iudicium cujuslibet lectoris, in quo vel uncia est iudicii liberi & non affectui mancipati.

Pag. 114.) De finali fidelium perseverantia plurimi, etiam doctissimi Protestantes contra alios gregales suos sic statuunt, quod vere fideles, si in timore & cum pia solitudine pergant salutem operari, de continuo divinae gratiae auxilio in ista operatione, & ex eodem de sua finali in fide & gratia perseverantia certi esse possint ac debeant, nisi ipsi sibi desint: penes Deum certe, quo minus perseverent, non staturum; sed *absolutam certitudinem* fidelibus, se officio suo in posterum nunquam defuturos, sed in fide viva & per charitatem efficaci, ut fideles decet, in hac militiae christianae schola semper perseveraturos, usquam in scripturis promissam esse negant. Immo nec necessarium nec utile fuisse, ut promitteretur, e contrario ut non promitteretur, utilissimum affirmant. Hanc sententiam tuentur, ut constat, Lutherani omnes, & qui in Foederato Belgio Remonstrantes vocantur, alique & alibi doctissimi Protestantes, ut jam dicemus. Maxima

ma enim animorum & calamoium contentione de hac quaestione inter Protestantes etiam ipsos semper certatum fuit, atque etiamnum certatur. Existimant enim Protestantes ante nominati, fidem justificantem & gratiam regenerantem non esse electorum propriam, sed aliis quoque multis vocatis, immo omnibus infantibus baptizatis, non κατὰ δόξιν tantum, nec solum sacramento tenus, quomodo diversum sentientes respondent, sed vere etiam contingere; qui tamen a fide & gratia justificante excidere possunt, immo non raro excidere solent, cum totaliter, tum finaliter. Mitissime & mollissime G. J. Vossius, Patrum, qui de aliquorum fidelium & justorum defectione loquuntur, sententiam exponens, ita inquit in praefatione Hist. de controversiis pelagianis: *Vnde consequitur, non aliud eos (Patres scilicet) voluisse, quam primordia quidem verae fidei & christianae spei ac charitatis communia esse electis ac reprobis, & quamdiu electus in initiis istis, & ut ita dicam, inter atria adhuc haeret, de electione sui certum non esse, cum non desint, qui ab eo fidei gradu resiliant, nec redeant, decidant, nec resurgant.* Aliquanto plenius Augustinus de Corrupt. & grat. cap. 13. *Credendum est, quosdam de filiis perditionis, non accepto dono perseverandi usque in finem in fide, quae per dilectionem operatur, incipere vivere, & aliquandiu fideliter & juste vivere, & postea cadere: neque de hac vita, priusquam hoc eis contingat, auferri.* Atque hanc suam sententiam plurimis S. scripturae locis, Patrum testimoniis,

M

Augu-

Augustini etiam ipsius, &, qui eum secutus est, Prosperi, qui praedestinationem absolutam defenderunt, variis etiam rationibus confirmant. Pag. 115.) Existimant etiam, ipsos electos justificatos, lapsos in gravia & atrocia peccata & crimina conscientiam vastantia, ut adulterium, homicidium, idololatriam, abnegationem Christi, a fide viva & justificante posse ad tempus deficere, & re ipsa interdum deficere quodammodo, & fere totaliter, licet non finaliter. *Dixi quodammodo & fere totaliter*; quia sic se intelligi volunt, etiam qui hanc sententiam acerrime propugnant. Rich. Thomsonus, anglus; in diatriba de Amissione gratiae & iustificat. cap. 9. pag. 48. & 49. ait: *Cum dicimus, electam justificationem excidere a fide & justificatione, non ita intelligendi sumus, quasi statuamus, ipsum fidei habitum, aut omnes fidei effectus simul auferri.* Et paulo post: *Nemo sane nostrorum sic insinavit unquam. Exempla enim ecclesiarum initio Apocal. plane contrarium evincunt, Apoc. 3. 2. Esto vigilans, & confirma caetera, quae moritura erant. Et 1. Joh. 3. 9. diserte dicitur, semen Dei in illis manere, ideoque non posse peccare, scil. ad mortem, i. e. finaliter, ut post veteres aliquot, etiam nostrorum quidam recte exposuerunt: Spiritus S. enim certo excitaturus est semen Dei ad salutarem poenitentiam, cui illud sevit: Est, inquit Cyprianus epist. 52. in illis, quod poenitentia sequente revalescat. Non itaque hoc est, quod docemus, sed dicimus, fidem quoad actum illum vivum, quo iustificat, delinquere, & justificationem interrumpi*
donec

donec homo lapsus, per poenitentiam ad gratiae thronum confugiens veniam & pacem impetret. In eandem sententiam eruditissimus Vossius Hist. pelag. lib. 6. thes. 13. pag. 596. Cum vero justificantem fidem deficere posse, & reipsa interdum deficere *Patres docent, intelligunt hoc ratione actuum, qui e potentia sive habitu fidei emanant: nam potentiam hanc, quam dicere possumus semen fidei actualis, haud plane tolli, saltem in electis, minime diffidentur, sed otiosam fidei aut charitatis potentiā, fidei aut charitatis nomine haud dignantur eo, quod talis non sufficiat ad salutem. Unde optime Mart. Cellarius, sive Borrhäus lib. de Operibus Dei: Fidei virtus non jacet iners, non langvet, non friget, sed negotiosa est, fervet ac calet, & omnes venas cordis, calore lucis suae penetrat. Et Gregor. homil. 30. habita die festo pentecostes: Nunquam est Dei amor otiosus: operatur enim magna, si est; si vero operari renuit, amor non est.* Pag. 116.) Digna proinde sunt illo eqvidem Thomsoni loco citato verba, circa finem capitis: *Est autem hoc loco notanda & diligenter attendenda summa Dei in electos suos benignitas & misericordia, quod ex eorum animis habitum hunc fidei effluere nunquam sin- nit. Cum enim in fidei actum non, nisi mediante & co- operante cum Spiritus sancti gratia, (male R. Abbotus in sua Animadversione in hanc Thomsoni diatribam cap. 9. pag. 239. legit, typographi errore non observato, cooperante cum Spiritu sancto gratia, & ex eo in auctorem inaniter insurgit) voluntate nostra, prorumpamus, quo suavius, prom-*

ptius, citius mens interne sese exerat, & in Deum feratur, ejusdem Spiritus beneficio & initio datus est habitus ille, & postea diligenter in cordibus electorum conservatur, ut, si quando labantur, & a Deo recedant, facilius revocentur ad poenitentiam; quod in Davide & Petro manifestissime videre est, quorum ille inaudita tantum concione Nathanis, hic galli cantu aut potius suavissimo Christiaspectu ad poenitentiam conversus est. Idem legere est apud Vossium, l. supra citato pag. 597. scribentem: *Quod vero dicebamus, potentiam sive habitum fidei non plane extingui, etiam cum fides renuit operari, eoque saluifica non est, id mire ob oculos ponit immensam Dei bonitatem. &c.* Iſſo contendit idem Vossius, multos Patrum agnovisse quendam fidei ac pietatis gradum, ad quem ubi quis adscenderit, excidat nunquam, atque etiam de aeterna sui electione sit certus; (illius verba sunt in epist. ad lectorem, Hist. pelagianae praemissa) de quo tamen multi alii vehementer dubitant, an citra specialem revelationem id fieri possit: fuisse interim ille id multis Patrum sententiis adductis confirmare nititur l. 6. thes. 13. pag. 606. *Talium fides, inquam, confirmata dicitur seu roborata, sive, ut vulgo appellant, radicata; qualis non solum Apostolorum erat, postquam miraculose Spiritum sanctum acceperant, sed & olim multorum sanctorum fuit, & nunc est, in quibus fidei donum paulatim precibus ac crebris actibus piis ita est auctum, ut tandem fidelem reddiderit stabilem ac insuperabilem.*

Negant

Pag. 117.) Negant autem omnes omnino cum
 Protestantibus, tum Romanenses, quaecumque de
 praedestinatione sententiam tueantur, *electorum*
fidem & justitiam, utcumque ad tempus deficiat
 seu amittatur, *finaliter amitti posse*, ut constat.
 Siquidem impossibile est, praedestinatum seu ele-
 ctum posse a gratia finaliter excidere, & ex ele-
 cto reprobum fieri: manifestam enim contradi-
 ctionem implicat. Hanc sententiam de fidei &
 gratiae justificantis amissibilitate, ratione prae-
 dicta, defendunt, ut dixi, omnes Lutherani,
 quorum innumeri paene tractatus & disputatio-
 nes hac de re extant. Inter & post alios nuper
 An. 1620. opposuit Barth. Battus, S. theol. pro-
 fessor in acad. gryphisvaldensi, librum super
 hoc argumento libello Sebast. Benefeldi, S.
 theol. professoris in acad. oxoniensi: (lege, le-
 ctor, si ita tibi visum fuerit) Ph. Melanchthon,
communis Germaniae praeceptor olim a Prote-
 stantibus habitus & appellatus, cum suis sequaci-
 bus, viris doctissimis, & in multis moderatissi-
 mis, & Remonstrantes omnes in Belgio Fœde-
 rato sic nuncupati, qui plurima hac de re scripta
 ediderunt. Hugo Grotius, vir omni & varia eru-
 ditione praeditus, in Pietate Ordinum Hollan-
 diae, pag. 24. 25. & in Disquisitione, An pelagia-
 na sint ea dogmata, quae nunc sub eo nomine
 traducuntur? Paris. excusa A. 1622. pag. 123. &
 seqq. aliquot. Ger. Jo. Vossius, vir in Patrum
 lectione versatissimus, ex iisdem idem fuisse de-
 monstrat Hist. pelag. lib. 6. thesi 11, 12, & 13. im-

mo in confirmatione theſeos 12. pag. 587. haec habet verba : *Communem fuiſſe antiquitatis ſententiam , quam diximus , ſoli hodie negare poſſunt , qui caetera fortaiſſe viri ſunt non ineruditi , ſed in antiquitate tamen plane ſunt hoſpites , vel animum habent unius & alterius ſententiis ita mancipatum , ut eorum oculis videre malint , quam ſuis , cumque iis errare praecoptent , quam cum aliis bene ſentire.* Ex Patribus idem prolixè oſtendit J. Corvinus Antibo-germanni parte 2. cap. 18. & 19. & ex multorum Proteſtantium ſcriptis cap. 21. Videatur etiam Petrus Baro , gallus , S.theol. qvondam prof. in acad. cantabrigienſi doctiſſimus , aliique cum illo ſentientes contra Whitakerum , & huic ὁμοφρονῶνς , ut ex aſſertionibus lambethanis conſtat, de quibus hiftoricam narrationem apud Corvinum lib. ſupra citato cap. 24. pag. 566. & ſeqq. Pag. 118.) vide , multo certiore illa , quam Antonius Thyſius nonnullis ſcriptis anglicanis a ſè nuper editis praefixit. In Colloquio hamptonienſi an. 1603. coram Jacobo VI. M. Brit. Rege, Joh. Overallus , theologus eximius , tunc temporis decanus aedis paulinae , & epifcopus nuper norwicensis , aperte defendit , qvòd & ſaepe antea in academia cantabrigienſi contra rigidiores adſtruxerat : *Juſtificatum , ſi in peccata graviora incidat , antequam pœnitentiam agat , qvoad praefentem conditionem in ſtatu eſſe damnationis , hoc tamen adjiciens , qvòd vocati & juſtificati ſecundum propoſitum divinae electionis , licet in gravia peccata incidere poſſint , & reipſa interdum incidunt , atque*

que sic in praesentem statum irae & damnationis, nunquam tamen excidant, aut totaliter ab omnibus Dei donis, ita ut omnis gratiae etiam semen in illis plane tollatur, aut finaliter a justificatione, sed quod semper per Dei spiritum mature ad fidem vivam & poenitentiam renoveantur, atque sic ab illis peccatis, eorumque, in quae lapsi fuerant, reatu justificentur. Addit Gul. Barlous, qui ejus conventus historiam scripsit, contrariam sententiam, quae statuit, semel justificatum, etiamsi in graviora peccata labatur, justificatum tamen manere, antequam de iisdem poenitentiam agat, Regis ipsius ore gravissime reprehensam & damnatam fuisse, vide Hist. conventus p. 41. &c.

Rich. Thomsonus, vir multis literarum nominibus non immerito commendatus, testante etiam adversario, de quo jam dicemus, diatribam de Amissione & intermissione gratiae & justificationis scripsit, excus. Lugduni Bat. A. 1618. in quam mox emisit Rob. Abbotus, episcopus nuper sarisburiensis, vir etiam doctissimus, Animadversionem brevem: sed de illius soliditate judicet aequus lector. Qvalia enim sunt ista, obsecro, quae scribit in fine cap. 22? *Verissimum est, mansisse Davidem in morte, i. e. in reatu mortis, quouque mansit in homicidio, nec habuisse vitam aeternam in se manentem, quia fidei, per quam manet in nobis vita aeterna, virtutem & actum infregerat, & excidisse quidem a justificatione quoad effectum, non quoad rem, privandum quoque re ipsa, nisi quod ceteris generatione conservatus & fidei poenitentia resti-*

intus est. Et quod cap. 24. Davidem integro fere anno, quo nondum resipuerat, affirmat, *non secundum hoc peccatum justificatum, & tamen simpliciter quoad personam justificatum*, futurum tamen ab hac justificatione recidivum, nisi ab hoc quoque peccato justificatus fuisset: Pag. 119.) Davidem enim periturum fuisse, (quod etiam ante illum dixit Beza in Colloquio mompelg. parte 2. p. 74.) si ante poenitentiam mortuus fuisset pag. 215. Quam asystata haec sint, vel saltem aenigmatica, quis non videt? Multa alia huiusmodi perplexissima & intricatissima dicta, ex R. Abbati libro desumpta, legere est in Suffragio theologorum britannorum de articulo 5. thesi 3. 4. 5. 6. Quod enim aiunt, *effectum justificationis interveniente particulari tali peccato ad tempus suspendi, statum tamen justificationis non interdicere* id omnino frivolum est; siquidem, licet omnium peccatorum praecedentium veniam Deus peccatori poenitenti indulserit, si tamen is in reatum peccati alicujus gravioris & conscientiam vastantis postea lapsus fuerit, nec actu resipuerit, omnis illa primum concessa remissio ad salutem aeternam consequendam nihil prorsus confert: *sufficit enim vel unum peccatum atrox admissum & cognitum, ad hominem, quem nondum ejus serio poenitet, a regno caelorum excludendum.* R. Montacutius in lib. quem de quibusdam controversiis articulis contra romanensem anonymum scripsit, cap. 20. & in suo Appello Caesarem parte I. cap. 4. multa affert huic sententiae firmandae, & acri-

& acriter contra Puritanos contendit, hanc fuisse communem Patrum sententiam, doctissimosque in Ecclesia anglicana theologos eidem semper assensos, atque etiamnum assentiri. Hunc librum, ut constat, approbavit Fr. Whiteus, episcopus nunc norwicensis. Videatur etiam Th. Jacksonus de Fide justificante sect. 2. cap. 8. edit. 1. p. 257.

Doctissimus Casaubonus eandem probavit sententiam, ut patet ex illius epist. ad Petrum Bertium scripta an. 1611. quam lege in principio bertiani libri super hoc argumento scripti, cui tit. Hymen Desertor. *Tua, inquit, quaestio, (haec scilicet, de qua nunc agitur) pendet ex alta, vel alius potius, de quibus video, nostros contraria docere antiquis Patribus.* Ridicule faciunt, qui hoc negant. Ibidem etiam librum R. Thomsoni, viri, ut inquit, doctissimi & sibi amicissimi, ejusdem argumenti cum bertiano, nominat & laudat. Quae ex P. Martyris commentario in epist. ad Rom. cap. 7. 15. & cap. 8. 9. citari possent, breviter causa omitto, (pag. 120.) Illa etiam, quae Wolfgangus Musculus hac de re habet in Locis comm. tit. de Peccato pag. 40. & tit. de Remiss. peccatorum, pag. 63. praetereo. Ipse per se lector visat loca signata. Mitto etiam illa, quae legere est tom. 1. Operum Z. Ursini loco de Peccato, edit. heidelberg. pag. 613, 614, 615. ubi *peccatum regnans* i. e. ut explicat, errorem contra articulos fidei fundamentales, aut peccatum contra conscientiam, excludens ex corde fiduciam remissionis peccatorum, &

obnoxium faciens peccantem morti aeternae, nisi in hac vita fiat conversio, *in ipsos etiam electos aliquando cadere affirmat, & fuisse probat, atque ad contraria objectamenta respondet* cap. 8. Pareus super hac controversia acriter cum Bellarm. dimicans lib. 3. de Justif. cap. 14. saepe respondet, Protestantes non negare, *fidem in lapsibus sanctorum, ut Davidis, &c. amitti quoad actum, manere tamen semper quoad habitum, seu, ut vocant, quoad semen fidei.* Sed an otiosus fidei habitus vel semen in electis lapsis manens, iustificet & ad salutem sufficiat, nec ne, dicat idem Pareus eopse loco, pag. 872. Nam contra Bellarminum differens hac de re, de Amiss. gratiae lib. 1. cap. 7. pag. 74. haec habet verba: *Vt rectius intelligat lector, quatenus fides iustificet, maneat vel amittatur lapsibus sanctorum, dico, fidem esse habitum, cuius actus proprius est, ex misericordia Dei accipere remissionem peccatorum, propter Christum. Iustificat igitur fides, non quia habitus, habitualiter, sed quia actus, actualiter remissionem peccatorum accipiens. In sanctis lapsis manet, nec omnino evanescit fides, quia habitus. Nullus enim habitus uno vel altero actu contraria perivit amittitur, quod nullus sophista negaverit. Non manet vero, sed evanescit, quia actus accipiens iustitiam evangelii: sancti enim lapsi donec per resipiscentiam sese ad Dei misericordiam erigant, non spiritus, sed carnis actus exercent. Tunc igitur fides in lapsis habitualiter tantum manens, proprie iustificans dici, aut eos iustificare non potest. Haec ille ex doctrina sui praeceptoris Vrsini hauserat.*

Sed

pag. 121.) Sed ut hanc controversiam tandem concludamus, Archiep. spat. de Rep. Eccl. lib. 7. cap. 11. postquam ostendit n. 225. & aliquot sequentibus ex multis scripturae locis, Patrum testimoniis, variis etiam rationibus a Bellarmino adductis (quibus tamen ipse quaedam alia adjicit) & optime, ut inquit, excogitatis, fidei & gratiae justificantis amissibilitatem, n. 231. 232. 233. ne diversum sentientes nimium offenderet, subjicit, sed admodum frigide, neque etiam sibi aut veritati satis consentaneae, oppositam opinionem modernorum multorum habere sua fundamenta non contemnenda; proinde se non oppugnare. Denique sic concludit: *Non possum tamen hoc loco non monere, quod saepius adverti & observavi, nimios interdum divinae gratiae exaltatores, ut pelagianismum effugiant, in ipsissimum pelagianismum incidere, aut saltem ei non parum appropinquare. Liberi arbitrii usum aut tollunt, aut vinculis gratiae undequaque arctant, ita ut electi jam, ne ad peccandum quidem mortaliter, suo possint prolabi arbitrio. Atque hoc ipsum Pelagiani contendebant, posse hominem cum divinae gratiae auxilio, omnino nunquam peccare. In quo tanquam gravis erroris ab Hieron. lib. 1. adv. Pelag. pluribus arguuntur. Peccant ergo etiam filii, sed respiscunt, veniam certam obtinenturi: sed quia nemo scit, se esse filium praedestinatum, cum timore & tremore quisque debet suam salutem operari.*

Atque haec de hac quaestione sufficiant, ad
quam

quam tamen tollendam vel saltem minuendam hoc paucis adjectum volo. Admittant, qui in hac causa rigidiores sunt, *etiam multos reprobos*, seu, ut scholae loquuntur, praescitos, *ad tempus vere credere & justificari, postea tamen a sua fide & justitia*, vel, si ita vis, *fidei & justitiae initium, penitus & in perpetuum excidere*. Quod certe verissimum est, plurima clarissima S. scripturae & Patrum testimonia, atq; etiam multae rationes efficacissimae (de quibus omnibus alii consulantur) evincunt. Et quae ad haec responderi solent, inanes tantum sunt argumentorum solidissimorum elusiones, & futiles evasiones. (Pag 122.) Et quod ad electos justificados, in gravia peccata lapsos, attinet, si *negant*, illos vel ad tempus ali- quod a fide & gratia justificante *totaliter* deficere, diserte profiteantur, quod doctiores non negant, se hoc dictum velle, *propter potentiam sive habitum fidei*; quae potentia in electis haud unquam plane tollitur, sed ex immensa & impromerita Dei bonitate semper in illis relinquitur fidei quasi semen, unde per externum Dei verbum & internam Spiritus sancti cooperationem, salutaris fidei actus facile postea eliciatur; tateri se alio- qui, non otiosum fidei habitum, sed actum fidei vivae illos justificare. Qui autem *affirmant*, plane & *totaliter* fidem & gratiam justificantem in illis ad tempus tolli, profiteantur itidem, quod doctiores faciunt, hoc se intelligere tantum *ratione actuum salutarium*, qui e potentia sive habitu fidei emanant; potentiam enim hanc in electis haud un-

unquam omnino extingui agnoscere se, sed otiosam & inefficacem, pro praesenti statu fidei aut charitatis, potentiam, *fidei* aut *charitatis* nomine minime dignari eo, quod talis ad iustitiam & salutem consequendam non sufficiat. *Finaliter* autem *electos deficere non posse*, consentiunt omnes, qui electionem describunt vel a priori i. e. ab absoluto quodam Dei decreto, vel a posteriori, i. e. a finali in fide gratia & perseverantia. Quare semper in ecclesia dissidentes fuere sententiae, sed non hostiles, & ab omni christiana charitate alienae, ut hodie. Hac moderatione adhibita, his haec, quae nunc adeo fervet, & tanta animorum contentione agitur, si non plane tolli, saltem minui facile poterit. Qua de re iudicet lector eruditus, & rerum harum intelligens. Videatur etiam H. Zanchius, in hac causa alioqui rigidissimus, Epist. l. 2. epist. ad Dav. Chailletum pag. 85. impress. hanovianae.

CAPUT. IV.

De Inaequalitate iustitiae fidelium.

DOcent quidem multi Protestantes, una & eadem Christi iustitia fide apprehensa atque a Deo imputata, omnes vere fideles formaliter, vel quasi formaliter, ut loquuntur, coram Deo justificari: (Pag. 123.) docent multo plures per fidem, spem, dilectionem, aliasque virtutes neminem justificari, sed sanctificari tantum credentes & iustificatos. Sed de viro-

utroque errore satis superque antea nobis dictum est. Nulli tamen omnino Protestantes, fatente ipsomet Bellarmino lib. 3. de Justif. cap. 16. dicunt, *omnes justos inter se pares esse*, neque esse unum alio majorem, quod attinet ad ejusmodi virtutes. Quam enim absurdum esset dogma istud! Potuisset igitur Bellarm. a tam operosa rei minime negatae probatione abstinere, *posse scilicet justos in justitia inhaerente crescere*, & unum eatenus alio justiore esse, licet, ut saepicula dictum antea, perperam permulti Protestantes justitiam inhaerentem non a justificato quidem, sed tamen ab ipsa justificationis ratione formali procul removeant, & justitiam non justificantem, sed *sanctificantem* appellent.

Quod quidam Protestantes justitiae inhaerentis inaequalitatem haud inficientes, sed novitatis nimio plus amantes, excipiunt contra rationem Bellarmini l. c. sect. Denique idem probant, & sect. Quinto pugnant. aliorumque huic sententiae firmandae, ductam ab imparitate praemiorum in caelo, non satis firmam esse, ut P. Martyr in Comment. in 15. cap. 1. ad Cor. qui etsi protestetur, se nihil certi circa hanc quaestionem, *an dentur varii in vita aeterna gloriae gradus?* definire, ita tamen eam tractat, ut facile appareat, eum in sententiam negativam propendere. Sic & Schönfeldius, theologus marburg. & J. Camero, S. theol. in acad. salmuriensi nuper professor, praelect. tom. 2. pag. 325. & multis seq. Immo & Pareus lib. 3. de Justif. cap. 16. pag. 917. licet

De inaequalitate iustitiae fidelium. p. 124. 125. 191
licet affirmantem partem se quidem facilius, ut
probabiliorem, admittere profiteatur, sententiam
tamen P. Martyris, id in dubium vocantis, non
improbat, sicut oportuit, sed liberum cuique hic
esse debere iudicium, nimis audacter affirmat.
Hanc sententiam communiter rejiciunt caeteri
omnes Protestantes, nec immerito: adversatur
enim sacris literis, quae, ut alia plurima mittam
loca, saepe testantur, Christum in die iudicii
omnibus pro qualitate ac quantitate operum
suorum praemia iusta poenasque condignas assi-
gnaturum; pugnat etiam cum Patrum commu-
ni consensu, quod nec ipsi problematici disputa-
tores negare audent: fatetur enim ingenue P.
Martyr loco supra citato, quod Patres omnes
praemiorum ^{Pag. 124.} discrimina statuerint, &
hic error ante multa secula in Joviniano dam-
natus fuerit; (vide Hieron. lib. 2. contra Jovin.)
pugnat etiam cum recta ratione. Sed de tota
hac re alii multo fusius agentes consulantur.


(Pag. 125.)

Ad librum IV. Bellarmini,

Qvo de Iustitia Operum agitur.

CAPUT I.

*De Operum bonorum necessitate ad salu-
tem, & quaestionibus coinciden-
tibus.*

Nega-



Negari nec potest nec debet, multa de operum necessitate ad salutem, a Lutherò, illiusque sequacibus rigidioribus, admodum incommode atque etiam inconsiderate dicta, quae quocumque demum sensu sive respectu dicta vel scripta fuerint, nos pravo aliorum more non excusamus, nedum defendimus; immo reprehensione digna inprimis esse judicamus illa atque istiusmodi alia. Quae Bellarminus hoc libro IV. de Justif. cap. 1. ex Petro Canisio refert, ex illorum libris excerpta, commemorare non libet; aeterna enim silentii nube illa sepeliri, quam in apertum proferri, multo satius est, & Deo piisque omnibus gratius. Sed in hoc manifestam sibi injuriam a Romanensibus fieri, conqveruntur omnes faniore Protestantes, quod *pancorum errata*, male & calumniose omnibus theologis Reformatis ab illis impingantur.

In Colloq. altenburg. A. 1568. in hoc conveniunt theologi flaciani & electorales, *Bona opera justificatis & salvandis esse necessaria*, sed utrum ista propositio, Pag. 126.) *Opera sunt necessaria ad salutem*, simpliciter esset rejicienda, nec ulla ratione in ecclesia toleranda, disceptatum fuit. Electorales, adversariis suis multo doctiores & faniore, dicebant, necessaria esse ad salutem, non quidem necessitate efficientiae, (non aliam tamen *efficientiam*, quam proprie *meritoriam* intellexisse sive exclusisse illos, ex variis Actorum locis mihi admodum probabile videtur)

detur) sed necessitate praesentiae, ac proinde propositionem praedictam illo sensu, (vide Acta p. 430.) qvo a Pontificiis traditur, bona videlicet opera nostra causam esse seu meritum iustitiae & salutis, detestari se. Et moto de hac forma loquendi certamine periculoso & scandali pleno, (scil. tempore germanici Interim) nunquam se illa forma usos esse, ac ne nunc quidem tueri illam velle, nec deinceps ea uri decrevisse, (in qvo ex nimio pacis studio doctissimi hi viri plus aeqvo adversariis suis cesserunt) simpliciter tamen ac sine determinatione ulla, se damnare hanc formam, ut per se ac simpliciter falsam & impiam, non posse. Flaciani autem licet non negarent, Bona opera esse justificatis necessaria necessitate praesentiae, multas ob causas, qvod Bellarminus etiam agnoscit, tamen propter scandalum & erroris periculum, contendebant, propositionem praedictam, *Bona opera simpliciter necessaria ad salutem esse*, non esse in ecclesia tolerandam. Hanc Flacianorum sententiam Lutherani hodie communiter tumentur. Vide lib. Concordiae p. 698. Chemnicium Loc. theol. parte 3. de Operibus renatorum, q. 7. I. Gerhard. L. de Bonis operibus, num. 45. caeterosque fere omnes. Pareus etiam (cum Jo. Davenantio, episc. sarisb. Disput. de Iustitia actuali c. 31. p. 400 aliisque permultis) lib. de Justif. contra Bellarm. c. 1. *Qua in parte* (inquit) *facile nos eis* (Flacianis scil.) *subscribimus.* Et paulo post, eadem p. 831. *Non quod dicere non liceat, opera necessaria esse ad salutem, nempe non*

194 *De bonorum operum necessitate.* p. 127. 2.

impediendam, non vero ad salutem efficiendam, sed quia nolumus ambigue loquendo scandalum ponere. Quin immo idem Pareus de Amiff. gratiae & statu peccati l. 5. c. 1. affirmare non veretur, Flacianorum dogmata de Providentia, Praedestinatione, Gratia, Libero arbitrio, Bonis operibus, Adiaphoris, Statutis, & nonnulla alia, saniora fuisse, quam adversae partis, sed modum ea tradendi atque tuendi plane turbulentum & furiosum. Deus bone, quam morosa, & ab omni moderatione Pag. 127. 2.) aliena sunt plerorumque, qui hodie controversias tractant, theologorum ingenia & judicia! Nulli enim ferè unquam theologi Protestantes Flacio & Flacianis aut pertinaciores aut turbulentiores fuerunt. Sed de Phil. Melanchthonis singulari eruditione & moderatione in plerisque, quae hodie controversantur, fidei capitibus, (quam etiam discipulorum multi sequuti sunt) cui non constat? Ne gravere, lector, apud historicum nobilissimum & candidissimum, I. A. Thuanum, singulare hujus viri elogium legere, Hist. lib. 26. p. 809.

Sed plerique fere alii Protestantes hodie concedunt & solícite urgent bonorum operum necessitatem, etiam ad salutem; plurimi quoque, non *necessitatem* tantum praesentiae, sed & *efficientiae* admittunt, si nomine efficientiae non aliquod propriè dictum meritum, aut propria vis ac dignitas ipsorum operum in salute comparanda intelligatur, sed tantum causalitas sive efficientia quaedam *secundaria* minoris ac inferioris ordinis &

& gradus, & divinae gratiae ac fidei semper *subordinata*. Existimant enim, bona opera in iustificatis & salvandis necessario exigere, non tantum ut signa & effecta verae & vivae fidei, sed etiam ut viam quandam salutis seu causam, sine qua non, aut conditionem, qua non praestita, a nemine adulto, & cui tempus bene operandi concessum, salutis aeterna obtineri possit: immo, ut nihil non largiantur, quod ipsa veritas fateri cogit, esse causam salutis suo modo & loco adjuvantem & efficientem, non tantum *ad salutem non impediendam*, seu retinendam & conservandam, atque etiam *consummandam*, quod dicunt quidam, licet non satis plene, sed & ad eam *consequendam*, sed citra omne omnino meritum proprie sic dictum. Ita, ut Bellarminum tam operosa, immo etiam odiosa rei minime controversiae probatione omnino superfedere potuisse & debuisse, judicent omnes doctiores & saniores Protestantes. Quaecunque enim quibusdam imperitis rerum controversarum tractatoribus temere & inconsiderate aliquando exciderint, cogitare tamen debuit Bellarminus, (atque cum eo etiam alii Romanenses) rem sibi fuisse non cum Simonianis, Gnosticis, Eunomianis, & ejusmodi hominum monstribus, Christi gratiam in lasciviam vertentibus, sed cum hominibus cum timore & tremore, pro modulo lucis & gratiae concessae, salutem suam operari satagentibus. Sed pro dolor plerique, qui hodie *ad scribendum de controversiis fidei accedunt*, nihil fere aliud afferunt, praeter *judicium*
N a affectui

affectui mancipatum, & affectum perturbatissimum.

Pag. 128.a.) Licet hæc quaestio de necessitate operum secundum efficientiam, ex parte pertineat ad lib. 5. in quo de bonorum operum meritis, Deo juvante, differetur, quia tamen a Bellarm. cap. 7. 8. & 9. hujus libri, & iis, qui ad Bellarmini argumenta respondent, de ea disputatur, non erit abs re, nec ab instituto nostro alienum, in praesenti paucis eam discutere.

Plurima S. Scripturae loca, quorum quaedam a Bellarmino adducuntur, sed quibus innumera prope alia adjici possunt, ut Heb. 10. 36. 1. Timoth. 2. 15. Phil. 2. 12. 2. Cor. 7. 10. & cap. 4. 17. *Momentanea levitas tribulationis nostrae, excellenter magnum pondus gloriae κατεργάζεταιται operatur in nobis*, Rom. 8. 13. & 17. c. 10. 9. Matth. 25. 34. 35. *Possidere regnum caelorum, esurivi enim*: & ibidem, juxta vulgatum interpretem, vers. 21. *Quia in paucis fuisti fidelis, supra multa te constituam*. Jac. 1. 25. & 2. 14. Gal. 6. 8. *Qui seminat in spiritu, de spiritu metet vitam aeternam*. Apoc. 7. 14. 15. *Hi sunt, qui venerunt ex magna tribulatione, &c.* ideo (ὅτι τῆτο) *sunt ante thronum Dei*, clarissime demonstrant, in adultis opera bona ad salutem relationem habere, non ordinis tantum, (ut frigide cum aliis respondet Pareus ad cap. 7. hujus libri p. 1029.) qualem habet medium ad finem, antecedens ad consequens, conditio, sine qua non, ad effectum, cujus conditionis praesentia quidem non efficit, absentia vero potest impedire salutem;

tem; sed etiam relationem *causalem*, qualis est relatio causae suo modo & loco efficientis, vel adjuvantis, ad effectum. Similiter Pareo respondet Davenantius in Praelect. de Iustitia actuali, cap. 32.

Eadem semper fuit sententia Patrum, quorum plerosque etiam vocabulo *meriti* ad hanc efficientiam significandam usos constat, licet non eo sensu, quo hodie a multis Romanensibus intelligitur & usurpatur, ut postea dicemus. Quod autem ex Bernhardo de Gratia & lib. arbitr. communiter objicitur, *Bona opera esse viam regni, non causam regnandi*, nae illud valde debile est: negat enim tantum Bernardus, opera esse causam proprie sive ex condigno meritoriam regni coelestis, ceu patet ex ipsis ejus verbis: *Alioqui si proprie appellantur ea, quae dicimus nostra merita, spei quaedam sunt seminaria, charitatis incentiva, occultae praedestinationis indicia, futurae felicitatis praesagia, via sunt regni, non tamen causa regnandi.* Pag. 127. b.) Vbi affirmat, *esse viam*, ac proinde aliquo modo causam regni; nam via, quando in ea ambulatur, sive potius ambulatio in via, (*sicut in bonis operibus incedere seu ambulare* dicimur Ephes. 2. 10.) revera est causa perveniendi ad metam. Non igitur satis considerate loquuntur ii Protestantes, qui opera relationem habere ad salutem *medii seu viae* concedunt, negant tamen, relationem ullam *causae* habere, nisi illius, sine qua non: quae proprie causa non est. Omne enim medium respectu

N 3

pro-

propositi finis, omnisque via respectu metae, ad quam tendit, in ipsa praxi sive actuali rerum usu, rationem causae obtinet, ut nemini non constare potest.

Suffragantur etiam plurimi doctissimi & maximi nominis Protestantes. M. Bucerus in Colloq. ratisbon. 2. p. 94. *Cujus igitur rei dicit Dominus, hoc loco, (Matth. 25. 34.) causam esse sanctorum bona opera? Cum causali enim conjunctione subjunguntur, Esurivi enim. &c. plenae perceptionis & fruitionis hujus regni, non juris in hoc regnum. Nota tamen obiter, lector, hanc Buceri distinctionem, minus solidam esse, nisi de principali juris causa intelligatur. Et paulo post: Deus itaque bona suorum opera causas facit & augendae, indiesque perficiendae salutis, tandemque plene etiam perfruendae. Et p. 569. Causas autem esse aliquo modo mercedis aeternae etiam bona sanctorum opera, quis nostrum unquam inficiatus est? Non enim hac de re, sed de eo pugnamus, unde vim habeant. Et in cap. 2. ad Rom. in conciliatione horum, Deus reddet unicuique secundum facta, saepe repetit, bona opera causas esse beneficiorum Dei & salutis aeternae, nec id negari posse, cum Deus id passim in script. restetur, sed non primas, neque per se, verum secundarias causas, & id etiam non nisi ex ultronea benevolentia Dei. p. 99. 100. 101. & seq. aliquot. J. Calvinus * lib. 3. Institut. cap. 14. sect. 21. *Istis nihil obstat, quo minus opera Dominus tanquam causas inferiores amplectatur. Sed unde id? Nempe quos sua**

miseri-

* Lib. 3. Institut. c. 14. sect. 21.] Vel c. 10. 11. 48.

miserericordia, aeternae vitae haereditati destinavit, eos ordinaria sua dispensatione per bona opera inducit in ejus possessionem. Quod in ordine dispensationis praecedat, posterioris causam nominat. Hac ratione ab operibus interdum vitam aeternam deducit, non quod illis referenda sit accepta, sed quia, quos elegit, justificat, ut demum glorificet. Priorem gratiam, quae gradus est adsequentem, causam quodammodo facit. Subjungit quidem ibidem, istis scripturarum locutionibus seriem magis notari, quam causam; (Pag.128.b.) quibus tamen verbis causae rationem simpliciter non negat: loquitur enim comparate tantum, neque etiam satis ad mentem Spiritus S. in Scriptura loquentis. Hieron. Zanchius l. 5. de Natura Dei cap. 2. Non simpliciter negamus, bona opera esse causam salutis, nempe instrumentalem potius, quam efficientem, (intellige principalem efficientem: secus enim sibi ipse aperte contradiceret) ut causam, quam vocant sine qua non. Et postea: Bona opera causa sunt instrumentalis possessionis vitae aeternae, per haec enim, tanquam per media & legitimam viam ducet nos Deus in possessionem vitae aeternae. Piscator frequentissime & disertissime in 25. Matth. ad verba, Esurivi enim, &c. Deinde esto, notari hic causam; inde tamen non sequitur, notari meritum seu causam meritoriam: etenim causae nomen latius patet, quam ad meritum. Et sane bona opera respectu vitae aeternae habent rationem causae efficientis, non ut merita, sed ut via seu ambulatio, qua ad vitam aeternam pervenitur, ex ordinatione Dei.

Simili res haec declarari potest, ut, si cui donetur thesaurus in cacumine montis reconditus, sed hac lege, ut, si potiri eo velit, montem conscendat, illumque effodiat. Hic certe consensus montis, & effossio thesauri, rationem habent causae efficientis respectu possessionis ac fructuionis thesauri; at non habent rationem meriti, quippe quum thesaurus ille fuerit donatus. Eadem ferè verba legere est apud anglum illum, qui supplementum adiecit Commentario perkinsiano in cap. 6. 7. ep. ad Gal. Sic etiam Piscator in cap. 1. ad Eph. vers. 4. Haec autem ipsa nostri sanctificationis, (qua sancte vivimus) actio Dei est, qua nos, inter alias, ad salutem adducit, ac proinde rationem aliquam causae efficientis habet. Vide eundem in cap. 6. ad Rom. v. 23. & in Exegesi aphorismorum p. 336. 337.

Propter haec ante citata Calvinii, Zanchii, Piscatoris, & caeterorum dicta, magnas hodie excitant *tragædias theologi Lutherani*, & vociferantur, Calvinianos in hac doctrina cum Pontificiis consentire, & contra veritatem conspirare. Vide J. Gerhard. L. de Bon. operib. num. 45. & Joh. Himmelium in suo Calvinio-Papismo parte 1. cap. 7. aliosque. Sed saepius dictum, hosce scriptores in plerisque hodie controversiis magna iudicii infirmitate laborare, utut in paucis quibusdam aliis rectius sapiant. (Pag. 129.) Matthias Martinus in Notis in Methodum suam S. theol. cap. 5. pag. 436. *Ad vitam aeternam bona opera aliquid conferre, est planissimum, neque propterea illico causa meritoria aliqua hic statuitur. Nam vocabulum cau-*

causae latius patet, quam meriti. G. J. Vossius in Thesibus theologicis excus. 1628. de Bonis operibus, quæst. 1. thesi 1. pag. 57. & de Bonorum operum meritis, thesi 10. pag. 79. & 80. J. Arminius in Articulis perpendendis de Bonis operibus n. 3. Vorstius in Antibellarm. pag. 628. in Antipistor. parte 2. pag. 126. *Vt igitur deinceps calumniari desinat* (Pistorius,) *aperite faciemur, bona opera non tantum ut viam quandam antecedere ipsam salutem, tanquam metam nobis propositam, sed etiam causam esse salutis, suo modo adjuvantem vel efficientem.* Vide etiam eundem in Examine libelli J. Piscatoris de Prædest. Goudae excus. an. 1618, p. 150. 151. *Quæ efficacem nostri vocationem seu fidem & conversionem nostram consequuntur, aliquam in nobis salutis causam habent, non quidem meritariam, (absit) sed tamen infimi ordinis aliquam. Id quod serio hic notandum est, maxime propter eos, qui ut merita salutis contra Pontificios fortius scilicet elidant, ne causas quidem ejus ullas in nobis reperiri posse contendunt.* Alstedius Theol. polemicae parte 4. An bona opera sint necessaria? Si Bellarminus nomine efficientiae, non intelligit aliquod meritum, aut propriam vim & dignitatem ipsorum operum in comparanda salute, phrasis ista potest admitti; bona siquidem opera faciunt ad consequendam vitam æternam, sed non merendo p. 496. Remonstrantes in sua Apologia c. 22. p. 237. Fr. Whiteus in Opere contra Fisherum supra nominato p. 514. affirmat, bona opera esse instrumentalem, sed non meritariam salutis causam, atque sic etiam intelli-

git illud Bernhardi dictum, cujus p. 128. a. mentio facta. Vide etiam pag. 517. 520. & 546. ubi bona opera in relatione ad regnum cœlorum, *causæ* admittit esse *dispositivas*, *adjuvantes* & *impe- trantes*, non autem meritorias. R. Rollocus de Vocatione efficaci, cap. 3. pag. 28. *Sunt quidem, fateor, ad vitam æternam opera regenerationis necessaria: sed non tanquam merita aut causæ meritoriae, verum tanquam media, per quæ progrediendum est.* Pag. 130.) Causæ quidem etiam dici possunt suo quodam modo & loco: *placent enim Deo in Christo, cumque suo quodam modo movent.*

Plures alios in re certissima & apertissima plane supervacaneum est nominare. Vide tamen, lector, qui rigidissimorum scriptorum dictis maxime delectaris, viri ipso rigore fere rigidioris G. Amessii Medullam S. theologiæ lib. 2. cap. 1. thes. 30. *Obedientia, inquit, nostra, licet non sit principalis aut meritoria causa vitæ æternæ, est tamen causa aliquo modo administrans, adjuvans & promovens versus possessionem hujus vitæ.* Lege & thes. 31. aliosque id genus plurimos, quorum sententiis chartas hæc meas commaculæ ægre patior. Vide quoque Davenantium, episc. sarisb. de Justitia actuali, cap. 32. pag. 406. circa finem, licet sibi non semper hac in re satis constet. Conclusionem itaque illam, quam ponit Bellarm. l. 4. de Justif. in fine cap. 9. *Necessaria esse ad salutem opera bona, non solum ratione præsentiae, sed etiam alicujus efficientiæ, & non minus opera, quam fidem ad salutem suo modo referri, ut verissimam* admit-

admittunt plurimi, etiam doctissimi, Protestantes ut jam vidimus; & disputationem hanc inter partes plane inanem & inutilem, immo, magnam partem, meram esse *logomachiam*, nos existimamus. Quod ad alia quaedam nunc consideranda attinet, ne haec praesens diatriba in immensum excrescat, in caput sequens rejicimus.

Pag. 131.) CAPUT II.

An Christus dominus noster, vere legislator fuerit, & evangelium proprie ejus lex sit, & vocari debeat? & alia nonnulla.

IN disputatione Bellarmini de falsa & vera libertate christiana, magnam partem otiosa, immo & calumniosa, ut Protestantes conquerruntur, perperam, immo periculose etiam, negant rigidiores quidam Protestantes, rectius tamen forte sentientes, quam loquentes, (vide cap. 5. atque etiam 2.) Christum mediatorem & redemptorem nostrum, verum etiam fuisse legislatorem, & evangelium esse quandam legem, vere & proprie sic dictam, & non lata tantum vocis significatione, Hebraeisque familiari, quibus vox תורה *lex* late doctrinam significat, quo significatore tantum Christum esse legislatorem, i. e. *doctorem*, & evangelium esse legem, i. e. *doctrinam*, in scripturae locis vulgo citatis appellari affirmant, Vide Lutheranos, & Pareum ad cap. 5. Bellarm.

p. 1007. Christus enim mediator, & qva mediator noster, fuit non tantum *doctor & propheta* noster, & quidem summus, qvem audire i. e. cujus doctrinae & praeceptis per omnia obedire tenemur, Deut. 18. 19. Act. 3. 22. & 7. 37. Heb. 2. 1. 2. 3. & c. 3. v. 5. 6. 7. sed etiam *dominus* seu *rex*, qvi nomine Patris sui, a qvo missus fuit, ut non suam, sed ipsius voluntatem nobis annuntiaret, varias nobis leges tulit, & praecepta dedit, praeter illa vetera & mosaica, evangelii etiam propria, qvibus obsequium velut subdiri praestare tenemur, etiam additis promissis & minis. Psal. 2. 6. Es. 33. 22. Mat. 5. 2. & seqq. Lucae 1. 33. Apocal. 1. 5. & 19. 16. Proverb. 8. 15. Gal. 6. 2. 1. Cor. 9. 21. Rom. 3. 26. Matth. 28. 20. Joh. 14. 21. & 15. 10. & seq. Idem etiam ultimo die *judex* futurus eorum omnium, qvi vel evangelio paruerunt, vel parere recusarunt, ut S. scriptura passim testatur. Certe *magna & prophetici & regii muneris parte atque honore Christum privant & spoliant*, qvi ipsum, qva mediator est, verum legislatorem fuisse, & veras nobis leges tulisse, vel incaute, vel nimis forte audacter negant.

Pag. 132.) Praecepta de *fide in Christum*, & *resipiscencia*, novae seu evangelicae legis propria esse, non audent diffiteri plurimi, etiam rigidissimi Protestantes; (vide Pareum ad cap. 3. hujus libri pag. 985. aliosqve) ut nec praecepta de suscipiendo *baptismo* & *eucharistia*, ut omnibus constat. Circa *polygamiam* etiam, & *divortium extra casum adulterii*, alias tulit nobis leges
Chri-

Christus, quam Moses, sicut ex Matth. 2. 1. c. 5. 13. c. 19. 3. & 1. Cor. 7. 10. evidentissime apparet. Imperfectus enim veteris testamenti status ita ferebat, ut piis sub illo viventibus, tanquam pueris, quaedam indulgerentur, quae postea sub novo de gentibus, tanquam adultioribus, prohibenda essent.

Eadem etiam communis fuit Patrum sententia, ut constat: plerique enim omnes fere, maximo consensu, Christum a versu 21. cap. 5. Matthaei usque ad finem capituli, existimarunt, non tantum falsas scribarum ac pharisaeorum traditiones, & veterum legum interpretationes correxisse, (sicut Protestantes communiter arbitrantur, & quidam etiam Romanensium. Vide Maldon. in loc. cit. Matthaei. In quibus Bellarminus ipse cap. 3. libri 4. de Justificat. sect. *Quod attinet*, qui tamen ibidem sect. *Deinde*, Christum affirmat, non tantum pharisaeorum corruptelam & depravationem legis de repudio emendasse, sed & legem ipsam de libello repudii, quam scilicet Moses tulerat, penitus hic abrogasse. Et paulo ante, sect. *Morales leges*: *In hoc*, inquit, praestat evangelium legi, scil. morali, quod quaedam graviora, quae a Judaeis propter infirmitatem ipsorum, in lege non exigebantur, a Christianis in evangelio exiguntur, ut patet de libello repudii & polygamia. An Bellarminus satis hic sibi constet, judicet aequus lector.) sed etiam legem ipsam veterem, sive adjunctis iis, quae ad perfectionem evangelicam desiderabantur, partim praeceptis, partim

partim consiliis, perfecisse, non quod lex in suo genere perfecta non fuerit, sed quod minus perfecta, quam evangelium; paedagogum enim fuisse Judaeis, tanquam pueris ruditer erudiendis adhibitum, donec melior magister Christus firmitioribus jam ingeniis perfectiora proponeret, ut loquitur Maldonatus in cap. 5. Matth. qui acerrime hanc sententiam propugnat; cui etiam favet Nicolaus Serarius, jesuita, in suo Trihaeresio lib. 2. cap. 8. ipsis Maldonati verbis & rationibus bene multis verbatim repetitis. Pag. 133.)

Vide etiam Adamum Conzen, jesuitam, in cap. 5. Matth. pag. 82. *Mihi, inquit, certissimum videtur quaedam ex veteri lege Christum tollere, & nova eorum loco reponere, quaedam vero a pharisaeorum corruptelis vindicare ac recte interpretari, & sua declaratione mentem legislatoris ostendere.* Itaque, qui unam tantum responsionem adferunt, a vero sensu aberrant. *Quod eo magis miror, quod jam olim inter Augustinum & Faustum manichaeum tribus libris disputata sit illa quaestio.* Media igitur via hic incedit jesuita iste, nec fortasse omnino male. Vide etiam Erasimum in idem cap. Matth. & inter Protestantes Hug. Grotium, virum juris & divini & humani peritissimum, de Jure belli & pacis, lib. 1. cap. 2. §. 6. n. 3. *Sed ne illos quidem sequar, inquit, qui aliud sibi sumunt non exiguum, Christum scilicet in tradendis praeceptis, quae extant Matth. 5. & deinceps, interpretem tantum agere legis per Mosem datae: aliud enim sonant verba toties repetita, Audistis, dictum fuisse*

veteri

veteribus: ego vero dico vobis. *Quae oppositio, sed & syriaca, & aliae versiones ostendunt, illud veteribus significare ad veteres, non, a veteribus: (nota contra Bezam in locum, aliosque) ut vobis, est, ad vos, non, a vobis. Veteres autem illi non alii fuerunt, quam qui Moysi tempore vivebant; nam quae ut veteribus dicta recitantur, non legis peritum sunt, sed Moysi, aut verbo tenus aut sensu. Et ibid. n. 5. Sciendum est, virtutes, quae a Christianis exiguntur, etiam Hebraeis aut commendari aut praecipi, sed non praecipi in eo gradu ac latitudine, quo Christianis. Viroque autem hoc sensu (lege, obsecro, locum ipsum integrum apud auctorem) Christus sua praecepta opponit veteribus. Vnde liquet, verba ejus non continere nudam interpretationem. Vide & Vorst. in Catalogo errorum Sibrandi, errore 87. & in Schol. alex. pag. 240. 241. Remonstrantes in Apol. sua cap. 12. pag. 138. licet quaestionem de expositione mandatorum a Christo facta Matth. 5. An sit per novorum praeceptorum additionem, an vero tantum per interpretationem legis mosaicae? necessariam esse non judicent, agnoscunt tamen, constantem & communem veterum patrum omnium sententiam fuisse, Christum nova quaedam & perfectiora praecepta, legis mosaicae praeceptis addidisse. Citant ex Maldonato plurima Patrum loca (quae lege apud Patres ipsos) &, Signum hujus rei manifestum est, inquit, quod interpretes non pauci, evangelici qui vocantur, autores veteres non leviter taxent & suspent eo nomine, quod sententiae isti de praecepto-*

rum

*rum novorum additione per Christum facta patrocina-
cinati fuerint.* (pag. 134.) Et rursus cap. 15.

p. 151. *Ista omnia, inquit, quae nunc in novo testamento a Christo clare proposita sunt, in vetere testamento etiam, sive sub lege, licet obscure, proposita fuisse, aut potius sententia legis contineri, falsissimum est. Nam primo certum est, praeceptum legis quartum de praecisa diei septimi sanctificatione, nunc sub novo testamento, per Christum sive Apostolos ejus clare abrogatum esse. Secundo certum est, praeceptum 7. Non mœchaberis, sub lege non adeo late se extendisse, ut primo polygamiam etiam vetitam esse ea lege censi deberet; secundo ut divortium ob nullam aliam causam, quam ob adulterium, comprehenderet. At hoc pacto nunc praeceptum istud accipiendum esse, non obscure fatentur paene omnes Christiani. Denique certum est, multa olim permixta fuisse sub vetere testamento, quae tum sine peccato aut violatione legis divinae fieri poterant, quae nunc vetita sunt, & sine certo salutis aeternae periculo fieri non possunt. Haec illi, qui tamen, ut dictum est, quaestionem hanc, An mandata Christi sive novi testamenti perfectiora sint mandatis legis seu veteris testamenti? non tantum necessariam non esse & inutilem, sed etiam, quia quaestio haec magnis animis inter Christianos agitur, periculosam & noxiam videri debere affirmant. Conradus Rittershusius, IC. doctissimus, ad illud Salviani lib. 1. contra avaritiam, Aliud vetere, aliud nova lege praeceptum, hunc in modum commentatur: Novam legem vocat doctrinam evangelii, quae multo*

*multo majoris est perfectionis, quam doctrina legis. Id manifesto apparet ex concionibus Christi in monte habitis, Matth. 5. 21. 22. 27. 28. 31. 32. 33. 34. 38. 39. 43. 44. ubi saepissime haec habetur antithesis, Audistis, quia dictum est antiquis: Ego autem dico vobis. Fluxit autem haec appellatio novae legis ex Jerem. c. 31. vers. 31. & seqq. Haec Rittershusius p. 454. Quod rigidiores Protestantes affirmant, polygamiam & divortium extra casum adulterii, lege morali non fuisse concessa, sed legibus tantum forensibus, & Mosem, ut politicum magistratum, majoris mali vitandi causa, utrumque hoc contra moralem Dei legem permisisse, falsum est. Christus enim, qui res forenses nunquam attingere voluit, Matth. 22. 18. & seqq. Luc. 12. 13. 14. sed rectoribus politicis eas ordinandas reliquit, hisce de rebus tamen veras nobis legis tulit * Matth. 5. & 19. & 1. Cor. 7. Pag. 135.) Adde, quod (ut alia, quae secum trahit haec sententia, incommoda transeam) hinc manifeste sequeretur, sanctos veteris testamenti, toties, scientes, (nisi forte communi, eaque fortassis crassa ignorantia, laborasse illos omnes affirmare malis) contra legem moralem peccasse, h. e. nicechatos fuisse, quoties polygamiae aut divortii libertate, a Mose, lege forensi, ut ipsi asserunt, concessa, usi sunt. Vide, praeter plurimos alios, H. Grotium de Jure belli & pacis l. 2. c. 5. §. 9. & Vorst. in Schol. alex. loc. supra citato. Sed hisce de rebus alias fortasse, Deo juvante, fusius differemus.*

O

Chri-

* Matth. 5. & 19. & 1. Cor. 7. J Vide p. 132.

Christum redemptorem, vere etiam legislatorem fuisse, & evangelium legem esse proprie sic dictam, cum Patribus affirmant multi, etiam doctissimi, Protestantes. Ph. Melanchthon, & illius sequaces, in doctrina de Propria evangelii essentia vel definitione, & de Discrimine legis & evangelii, evangelio tantum, & non lege, recipiendam & fidem in Christum praecipere, semper docuerunt. Vide praeter alios innumeros Hemmingium in Syntagma, A. tit. *Evangelium*, Victor. Strigelium in Loc. theol. de Discrimine legis & evangelii p. 224. immo etiam Chemnitium ipsum, licet alioqui satis rigidum, in Loc. de Justif. tractat. de Visitata definitione evangelii n. 5. p. 570. edit. Francofurt. 1608. Quod si tibi hic atque alibi vacillare videatur, de illius inconstantia non laboro, qui rigidioribus Lutheranis semper se & sua accommodare studuit, ut omnibus doctis constat. Lanc. Andreas, episcopus nuper wintoniensis, vir doctissimus & gravissimus, gravissime concione 17. de Christi natiuitate, super verbis ps. *Narrabo legem* p. 162. sententiam eorum, qui evangelium pro lege vere & proprie sic dicta non habent, taxat & refellit. Rich. Fieldus, cujus supra aliquoties nobis mentio facta, de Eccl. J. 5. c. 21. circa finem, Jac. Arminius in Disp. theol. publicis, th. seu disput. 14. n. 19. & privatis, th. 37. n. 5. & 7. & Remonstrantes in nupera sua illa Apol. c. 13. pag. 143. ubi sententiam hanc, *Nullum praeceptum evangelio proprie tradi, Legis esse praecipere, Sola promissa ad*
evan-

evangelium, qua tale, pertinere, valde periculosam, & noxiam esse affirmant, & multis rationibus clarissime ostendunt.

Pag. 136.) J. Scharpius, scriptor alioqui rigidissimus, in Cursu suo theologico: *Errant*, inquit, primo Flaciani, qui in evangelio nullum praeceptum esse volunt, cum manifeste praecipitur, ut credamus, & poenitentiam agamus; fides autem est tantum ex evangelio, ut & poenitentia. Videtur de Evangel. col. 654. & in Thesibus theol. nuper Edinburgi editis n. 27. *Libertas christiana nec nos omnino a lege morali, nec sub novo testamento ab omni lege evangelica liberat, ac si Christus mediator tantum, & non legislator esset.* Vorstius in Antibell. p. 623. & in Schol. alex. contra Sibrandum, pag. 239. Audi, obsecro, Dau. Chamierum de operum necessitate lib. 15. cap. 4. n. 7. *Admittimus*, inquit, *Christum esse legislatorem, sed negamus sequi: Christus est legislator, ergo evangelium est lex vere & proprie.* Et quare, obsecro? *Quia*, inquit, *evangelium tantum obedientiam exigit & peccata remittit, cujus causa potest aliquo modo lex dici, sed evangelium nulla punit peccata, nullas comminatur poenas.* Ibid. n. 4. 5. 6. 10. Nihil a vero alienius dici potuit. An non Christus legislator in sua lege nova & evangelica, sicut & scripturae & Patres passim loquuntur, obedientiam suis mandatis debitam exigit, addita sanctione per praemia amplissima & poenas gravissimas, quaeque statui legis evangelicae maxime proprie conveniunt? Evangelium enim obedientibus summa

& praestantissima quaeque bona promittit; unde etiam, ut a parte nobiliori & potiori, *nomen evangelii impositum est, ad significandum potissimum apostolicae praedicationis officium*, inquit Bellarminus l. 4. de Justif. cap. 2. sect. *At si res ita se habet*. Idem tamen, quia lex evangelica est, ex propria & sua natura, & non ex lege Moysis tantum, ad quam propria novae legis mandata omnino non spectant, poenas comminatur maxime tremendas. Vide Luc. 13. 3. Joh. 3. 5. & 36. 1. Cor. 11. 2. & 29. atque alia innumera scripturae loca. Quid? quod ipsa ratio dicat, eandem esse legem contrariorum, & eandem regulam recti & curvi mensuram.

Pag. 137.) Agnoscit etiam Pareus, in hoc argumento cum rigidus, tum lubricus, *evangelium habere quaedam mandata propria de fide in Christum, de & resipiscentia, quae lex proprie dicta non habeat*, ad cap. 3. lib. 4. pag. 985. & de Baptismo & Euchar. ad cap. 5. lib. ejusdem pag. 109. ubi, quam misere tergiversetur, tuis vide oculis, lector. *Evangelium etiam proprio ac stricto sensu, habere promissiones salutis, sub sola conditione fidei, & comminationes mortis* (quod tamen jam negavit Chamierus) *sub sola conditione incredulitatis*, Marci. 16. 16. Joh. 8. 24. (licet utrumque hoc de sola conditione, manifeste falsum sit) sed cum hoc discrimine, quod licet utraque sint evangelii propriae, promissiones tamen per se, comminationes tantum per accidens evangelio proprie dicto conveniant. Atqui quoniam admodum improprie &
cata-

catachrestice loquatur Pareus, hoc non solius evangelicae legis proprium est, sed illi cum omnibus aliis legibus commune, obedientibus per se, ut ait, praemia polliceri, & transgressoribus per accidens poenas comminari. Pudet autem referre, quae scribit idem Pareus ad cap. 5. p. 1009. *Si vero mox, qui aliquid praecipit, legislator dicens est, omnes parentes, paedagogi, praeceptores, doctores, magistri, opifices, rustici, legumlatores erunt. Nemo enim horum est, qui non multa suis praecipiat. Deus bone, quam rapit transversos homines, alioqui nec ineruditos, nec Dei non timentes, insana contradicendi libido! Denique adde archiep. spalat. de Republ. eccles. lib. 7. cap. 11. n. 234. scribentem: Hic operum nomine intelligere debemus mandatorum divinorum observantiam, eorum videlicet, quae naturalia dicuntur, & continentur indecalogo legis, quae sunt praesertim a Christo approbata & confirmata; eorum pariter, quae ipse Christus toti ecclesiae Matth. 5. praescripsit, ut est baptismi susceptio, monogamia, & si quae talia sunt, quae dicuntur de jure divino positivo.*

In explicando autem discrimine legis & evangelii, seu veteris & novi testamenti, ut in quibusdam aliis, nonnulli rigidiores Protestantes errant, quando *foedus cum Patriarchis olim factum*, quodque sancivit Deus promissionibus de Christo, idemque substantia est cum novo testamento seu foedere evangelico, Pag. 138.) *confundere solent cum foedere legali & vetere testamento, quod diu postea in monte Sinai pepigit Deus cum populo car-*

lo carnali, plane contra S. scripturas, Rom. 4. 13. & seq. Gal. 3. 14, 15, 16, 17. & 4. 1, 2, 3. & c. Heb. 8. 6. Jerem. 31. 31. & contra Patrum mentem. Vide August. lib. 2. contra adversarium legis & Prophetarum cap. 8. & l. 3. ad Bonifacium contra duas epistolas Pelag. cap. 4. & Calvinum Instit. lib. 2. cap. 11. sect. 4. sibi ipsum forte contradicentem. *Quod fimalis*, inquit, (malo utique ego, & quotquot cum scriptura loqui amant) *ita accipe*: Vetus fuisse videlicet testamentum, quod umbratili & inefficaci ceremoniarum observatione involutum trahebatur, ideoque temporarium fuisse, quia veluti in suspenso erat, donec firma & substantiali confirmatione subniteretur. Tum vero demum Novum aeternumque factum fuisse, postquam Christi sanguine consecratum stabilitumque fuit. Et sect. 10. *Quod autem ipsas promissiones*, scil. ante legem editas, *sub veteris testamenti nomine censendas* Augustinus negavit, (lib. 3. ad Bonif. cap. 4.) optime in eo sensit, siquidem ad illas Jeremiae & Pauli sententias respiciebat, ubi vetus testamentum a verbo gratiae & misericordiae discernitur. Affirmat quidem Calvinus ibidem, Augustini sententiam a sua non dissidere, sed fallitur: loquitur enim Augustinus hac de re multo distinctius, quam Calvinus, & S. literis congruentius, in quibus vetus testamentum nunquam pro foedere gratiae usurpatur. Vide etiam Synopsin purioris theologiae loco mox infra citando.

Sed quia minutiora prolixè persequi non fert animus, vide praeter adversae partis theologos pluri-

plurimos, theologos etiam lutheranos hae in paulo saniores, P. Melanchthonem cum suis in doctrina de Discrimine veteris & novi testamenti, J. Armin. in Disp. theol. public. thesi 13. de Legis & evangelii comparatione, & in privatis thesi 51. de Ecclesia veteris testamenti seu sub promissione, P. Cunaeu. l. 3. de Republ. eccles. Hebraeor. cap. 9. C. Vorstium in Notis ad disp. 8. de Deo thesin 25. p. 409. Joh. Cameronis de Triplici Dei cum homine fœdere theses, operum tom. 3. thes. 68. In ipsa etiam Synopsi pur. theol. disp. 23. de Veteri & Novo Test. thesi 5. 6. 7. 12. non nihil candoris animadvertere licet; quamquam postea disputator communi errore abreptus, a vero deflectat. (Pag. 139.) Certe, ut huic considerationi finem imponam, *confusio, promissionis seu fœderis gratuiti cum Patriarchis facti & veteris testamenti seu fœderis legalis*, quod Deus diu postea in monte Sinai pepigit cum populo carnali, plurimis scripturae locis apertissime repugnat, & non unius hodie erroris causa est. Vide, quae so, tota hac de re Corn. Schultingium Variarum lectionum & animadvers. in Calvini Instit. tom. 2. p. 453. & aliquot seq.

Verissimum etiam, & scripturis ac Patribus maxime consentaneum est, (quicquid contra sentiant & dicant rigidiores quidam Protestantes) proprie & directe *vetus testamentum bona carnalia ac temporalia*, sed in figura & symbolice, sub carnalium rerum typis, promittere spiritualia ac aeterna. Vide Bellarm. cap. 3. lib. 4. de Justif.

Sed quia res haec clarissima est, & innumeris tum scripturae, tum Patrum testimoniis, si necesse esset, confirmari posset, nos prolixiori super ea disputatione abstinemus. Vide, inter recentiores Protestantes, Gerh. J. Vossii Resp. ad Ravensperg. cap. 23. & Hist. pelag. lib. 3. parte 2, pag. 343.

CAPUT III.

De possibilitate praestationis legis Dei in hac vita.

Legem Dei consideratam rigide & κατ' ἀκριβειαν, ut omnis etiam haud plene voluntarius concupiscentiae motus, & titillatio, omnisque omnino vel minima cum levi assensu deflexio a charitate erga Deum & proximum mandata, & uno verbo, quicquid minus est, quam omnimoda spiritualis vitae perfectio, (pag. 140.) pro statu viae, exigit, in censum veniat illorum, quae adversus legem Dei committuntur, ab ullo sanctorum, non dico per solas naturae vires, (quae impia & ante multa secula damnata fuit Pelagii haeresis) sed nec per illam gratiae mensuram, quam Deus sanctissimis etiam in hac vita admetitur, vel per omnem vitam, vel etiam longo ejus tempore, actu impleri, vel etiam impleri posse, recte negant Protestantes omnes saniores. Hoc enim clarissime docent scripturae. Vide Psal. 143. 2, Eccles. 7. 20, Proq.

Proverb. 20. 9. 1. Reg. 8. 46. Jacobi 3. 2. 1. Joh. 1. 8. Oratio etiam dominica justissimis quibusque non veraciter minus, quam humiliter, quotidie dicenda, apertissime demonstrat, egere nos quotidianam peccatorum remissione, dum dicimus; *Dimitte nobis debita nostra.* Communis fidelium omnium experientia in quotidianis delictis, & tristissimi quorundam aliquando lapsus idem comprobant. Idem etiam innumeris fere Patrum dictis probari posset, nisi quod Rom. ipsi ultro concedant, ut infra dicemus, neminem sanctorum in tota vita mortali, immo, ut quidam moderatiores volunt, nec per longum vitae tempus, posse omnia peccata, etiam leviora, vulgo *venialia* appellata, vitare. Vide prolixum Patrum catalogum apud Suarezium de Gratia lib. 9. cap. 8. n. 20. & 21. & Vossium in sua Historia pelag. lib. 5. p. 460.

De B. Augustini & quorundam aliorum, sed paucorum, Patrum sententia super hac re, multum inter doctiores theologos contenditur. Ille enim acerrimus alioqui Pelagii oppugnator, patris tamen ecclesiae studiosissimus, & homo in sustinendo iudicio mirae prudentiae, (ut de eo loquitur Maldonatus) in cap. 16. Lucae 7. 22. discerens, *ubi fuerit sinus Abrahae*, cum Pelagio de potentia per gratiam Christi absque peccato vivendi contendere volebat, utut neminem, qui id fecisset, ostendi posse putaret. Vide lib. 2. de Peccatorum meritis & remissione, cap. 6. lib. de

Natura & gratia contra Pelag. cap. 50. & 60. de Spiritu & litera cap. 1. & lib. de Sancta Virginitate cap. 50. Immo libro de Natura & gratia cap. 42. a potentia ad actum progressus, diserte affirmat, *se non velle acriter contendere, an sit aliquis, qui ad eam iustitiae perfectionem hic perveniat, ut sit sine peccato,* Pag. 141.) *quanquam non esse, sibi verum videatur.* Vide, praeter citata loca, de Gestis Concilii palaeftini cap. 7. & 11. de Peccato orig. lib. 2. cap. 11. & epistolam 95. ab Episcopis quinque africanis, quorum unus Augustinus, ad Innocentium papam missam, in qua haud procul a fine fatentur, *esse viros catholicos, quibus non videretur a veritate alienum, esse, qui per gratiam legem Dei sine peccato praestare valeant in hac vita, at quo hos, si errent, tolerabilius sane errare dicunt, quam Pelagium, qui id viribus liberi arbitrii fieri ajebat.* *Nec diabolicam impietatem, sed errorem humanum esse, elaboranda & optanda affirmare, etiam si is, quod affirmat, non possit ostendere. Id enim, inquit, credit fieri posse, quod certe laudabile est velle. Nobis autem sufficit, quod nullus in Ecclesia Dei fidelium reperitur in quolibet profectu, excellentia, atque iustitia: qui sibi, audeat dicere, non necessariam precationem orationis dominicae, Dimitte nobis debita nostra, & dicat, se non habere peccatum, quamvis jam sine querela vivat.* Vide etiam Gelasium in disput. contra Pelag. quae habetur tom. 1. Epist. pontif. post epist. 5. ejusdem Gelasii. *Sin vero quispiam, inquit, non possibilitate facultatis humanae, sed per divinam gratiam hoc asserat in hac vita*

vita quibuscumque sanctis posse conferri, bene quidem facit, (nam Dei dono cuncta possibilia sunt) talia confidenter opinari & sperare fideliter. Et deinde haec subjicit: Sed utrum aliqui tales extiterint, qui usquam ad hanc perfectionem vitae praesentis accederent, sicut nusquam evidenter adstruitur, sic nos facile firmare vel infirmare non convenit.

Augustini hac de re sententiam rigidiores Protestantes (inter quos P. Molin. in Anat. Armin. cap. 49. & Davenantius de Justitia actuali cap. 51.) non satis recte explicant, cum affirmant, Augustinum, quando concedit, hominem posse esse sine peccato, ac legem Dei perfecte implere per Dei gratiam, hoc tantum velle, *Deum posse, si etiam vellet*, alicui istam gratiam in hoc seculo praestare, *neminem tamen inveniri*, cui eam praestet. Augustinus enim locis multis citatis non tantum simpliciter affirmat, *hominem posse esse sine peccato per gratiam, siue, si voluntas ejus non desit, ope divina adjuvante*, ut loquitur de Spir. & lit. cap. 1. sed etiam, licet ei probabilius videatur, *neminem esse sine peccato*; tamen se nolle id cum contentione negare profitetur. Pag. 142.) Augustini sententiam explicat meliori fide Pareus in c. 12. hujus libri p. 1084. & 1087. scribens: *Fallitur Bellarminus cum ad quaestionem: An possit homo vivere absque peccato? scribit libri 4. de Justif. cap. 12. Augustinum semper respondisse negando: contrarium enim ex plurimis Augustini locis signatis clarissime apparet.* Affirmat A. Vega fidenter, paucam veritatem visam fuisse Augustino, quod

h.

homo iustus tota vita absque omni peccato, etiam veniali, per gratiam perseverare possit, (quam sententiam ipse etiam mordicus tuetur, ut infra dicemus) & quinque illos Episcopos africanos, qui in sua ad Innocentium papam ante memorata epistola sententiam hanc, si error sit, *errorem tolerabilem* esse dicunt, non veretur taxare, iisque opponere Augustini, ut illis multo doctioris, auctoritatem, l. 14. c. 22. p. 716. *Et quamvis*, inquit, *quinque illi episcopi, qui videntur fuisse praecipui in Concilio milevitano, in epistola, quam ad Innocentium papam scripserunt de Pelagii erroribus, tolerabilem & humanum errorem dicant esse, neque impium existimandum, quod jam tum quidam asseriebant, posse hominem post suam justificationem perseverare tota vita absque peccato, per adjutorium gratiae & Spiritus Dei, tamen Augustinus, qui multo fuit illis doctior, non humanum errorem, sed paene certam veritatem hoc putavit.* Sed vir doctissimus non advertit, Augustinum ipsum unum fuisse illorum quinque episcoporum, qui hanc epistolam scripserunt: Episcoporum enim nomina in epistolae inscriptione leguntur Aurelius, Alipius, Augustinus, Evodius & Possidius, Suarez de Gratia l. 9. c. 8. n. 22. existimat, Augustinum locis citatis, ut & Hieronymum dialogo 1. contra Pelag. quando dicunt, *posse iustos hic vitare omnia peccata, etiam venialia, licet non hoc faciant*, loqui vel de potestate physica, seu ad singula, vel de potestate cum gratia non communis tantum, sed singulari. Vossius in Hist. pelag. l. 5.

p. 495. censet, Augustinum aliosque cum illo africanos Patres, quando dicunt, posse aliquem per dei gratiam hic sine peccato vivere, & legem Dei implere, *considerare legem non rigide, sed κατ' ἐπιείκειαν, & pro viribus gratiae*, quas habemus in hac vita, & illud solum peccati nomine intelligere, quod vulgi iudicio peccatum confetur; quomodo sine peccato vivunt, qui sine querela vivere dicuntur in scripturis. Pag. 143.) Jac. Arminius affirmat, Augustinum hoc sensisse, quod homo in hoc seculo, gratia Christi, sine peccato esse possit. *Sed ego*, inquit in Declaratione suae sententiae de hoc capite pag. 208. 209. *nunquam dixi, quod fidelis praecepta Dei in hac vita perfecte servare possit, sed neque id negavi unquam; verum totum in medio semper reliqui, contentus illis, quae Augustinus hac de re dicit.* Et ibid. pag. 307. 308. *Huic Augustini sententiae non repugno, de tota autem re non contendo: puto enim, tempus felicius & utilius impendi precibus ad impetrandum, quod nobis deest, & monitis seriis, ut quisque proficere & ad metam perfectionis contendere conetur, quam huiusmodi disputationibus.* Sed quicquid hac de re Augustinus aliis in locis scriptorum suorum senserit, vel eruditus sensisse videatur, nobis sententia quinque Episcoporum africanorum, qui in Concilio milivit, praecipui proculdubio fuerunt, & e quibus unus, ut jam dictum fuit, Augustinus ipse, in epist. illa ad Innocentium papam, maxime probatur, errare & falli, qui dicant, *etiam in hac vita esse homines sine peccato*; sed errare humanitus, & falli tolera-

tolerabiliter, quia *et si non invenitur homo in hac vita sine peccato*, id tamen, ut dicunt, *fieri potest per adiutorium gratiae & Spiritus Dei*. Haec enim communior fuit Patrum sententia, & pro qua nonnulla etiam ex variis Augustini scriptis citari possent. Nihil enim certi habebat sanctissimus ille pater, quod hac de re in contrarium pronunciaré posset, vel auderet. Unde nec mirum est, aliqua, etiam in speciem saltem pugnantia, in illius scriptis dicta inveniri. Sed quia hoc abunde ab aliis viris doctissimis, ut supra dixi, praestitum est, nos hoc labore supersedentes pergimus.

Fatentur etiam, ut supra dixi, ipsi trident. Patres Concilii, sess. 6. can. 23. *Neminem justificatum posse in tota vita peccata omnia etiam venalia vitare, nisi ex speciali Dei privilegio, quemadmodum*, inquit, *de b. virgine tenet Ecclesia*. Sed, quod hodie Romanenses communi consensu tenent, *b. virginem ex speciali Dei privilegio ab omni actuali peccato semper immunem fuisse*, (nam de immunitate, ab originali peccato jamdiu acriter belligerantur, hodieque etiam belligerant multi magni nominis viri romanae partis, ut omnibus constat. Legatur inter alia, legatio Philippi III. & IV. Regum Hispaniarum ad Paulum V. & Greg. XV. de definienda controversia immaculae conceptionis b. virginis, nuper excusa Antverpiae in fol. pag. 144.) cujus summam legere est in A Kesleri, theol. luther. Resp. de Bello ubiqvistico ad Laur. Forerum, jesuitam. Nec tamen sententia aliqua definitiva super hac controversia, ad hoc bellum

bellum finiendum, a Pontifice romano, etiam instantissime sollicitato, unquam obtineri potuit) ut ut veterum quosdam id sensisse negari non potest, plurimi tamen eorum aliter senserunt. Hieronimus contra Pelag. ad Ctesiphontem, & P. Orosius Apolog. de L. A. nulli mortalium hanc sanctitatis perfectionem absque peccato semper vivendi convenisse, praeterquam Christi, discretae affirmant. Vide Chrys. in ps. 14. ad verba vers. 13. *Non est qui faciat bonum*, & in cap. 2. Joh. homil. 21. Orig. homil. 17. in Lucam ad verba c. 2. 35. *Et tuam ipsius animam pertransibit gladius*; scriptorem Quaest. veteris & novi testamenti inter opera Augustini q. 73. Theophil. Euthymium, aliosque, Et Maldonatum in cap. 2. Lucae ad verba supra citata, *Et tuam ipsius animam*, item in cap. 2. Joh. ad verba vers. 4. *Quid mihi & tibi est, mulier? nondum venit hora mea*: Vbi, inquit, inter veteres auctores paucos admodum invento, qui non aut aperte dicant aut obscure significent, aliquam culpam aut errorem certe fuisse, quod filium ad faciendum miraculum incitaverit, si non ob aliud, certe quia intempestive & ante tempus id fecit. Vide Chamierum de Peccato orig. lib. 5. tom. 3. cap. 13. n. 2. ubi singularem illius moderationem hac in re non possum non laudare. *Probabitur*, inquit, virginem peccasse aliquando, e scripturis, iisque non nostro arbitrio interpretatis, sed veterum Patrum observationibus illustratis, ut plane constet, libertores fuisse Christianorum sententias in censenda virgine, neque persuasum, impium esse, qui non nihil naevorum in ea, ut in formosis-

formosissimo corpore, observaret, quod jam Papistarum pars maxima induxit in animum. Id autem eo fiet illustrius, quo certius erit, in quibusdam nos virgini esse aequiores, quam veterum nonnullos, qui ejus peccatis imputarunt nonnulla, in quibus nos non habent assentientes. Legetotum caput diligenter. Dicit quidem Augustinus tom. 7. lib. de Natura & gratia cap. 36. *Excepta sancta virgine Maria, de qua propter honorem Domini nullam prorsus, cum de peccatis agitur, habere volo quaestionem; sed nihil certius, quam eum de solis peccatis actualibus ibi loqui, ut omnes loci circumstantiae ostendunt: & de immunitate ab his loquitur tantum dubitanter, & more suo, sanctissimus pater, nihil in alterutram partem definiens.* Pag. 145.) Vide Dom. a Soto de Natura & gr. l. 3. cap. 4. pag. 209. *Neque tamen, inquit, affirmans, b. virginem a peccatis omnibus actualibus immunem fuisse, sed nolens facere de illa mentionem, propter honorem Domini.* Sed Romanenses hodie ab Augustini modestia longe recesserunt, qui tanquam certissimam veritatem hoc asserunt, & conciliaribus canonibus inserunt, ut jam vidimus. Pie certe credimus, b. virginem ab omni peccato actuali graviore immunem fuisse, in pauciora etiam venialia, quam quisquam alius sanctorum, incidisse; sed absque ullo certo & perspicuo script. fundamento, & constanti veteris ecclesiae consensu, eam ab omni omnino peccato actuali liberare non audemus. Immo plus latius audacem esse romanam Ecclesiam affirmamus,

mus, quæ hodie id, ut certum & de fide, statuit, credique imperat.

Contendit quidem, ut supra innui, multis argumentis A. Vega lib. 19. cap. 21. *posse justos, per Dei gratiam, per totam vitam omnia peccata venialia vitare*, non tantum singula seu divisive, sed etiam collective; intelligit autem per gratiam, *communem, sine speciali privilegio*, ut recte Suarez observat, illo sententem explicans, *alias*, ut Suar. inquit, *fratres laboraret*. de Gr. lib. 9. cap. 8. n. 13. Sed hæc illius sententia, ut de scriptura & Patribus nihil nunc dicam, plerisque Romanensium improbat, cum definitione etiam Concilii trident. supra dicta iisdem non satis congruere videtur, quicquid illi contra sudet cap. ult. illius libri. Vide Suarez l. c. Audi & Vegam ipsum cap. 21. dicentem: *Quoniam autem hoc novum & durum plerisque videbitur, sicut & mihi sæpe visum est, adnitar &c.* Immo communiter sentiunt Romanenses, nullum sanctum vitare posse omnia venialia peccata per longum &c. tempus. Suarez l. c. n. 26. Ex quibus, inquit, colligitur, *neminem vitasse seu vitare posse omnia venialia peccata per longum tempus, etiamsi non sit totius vitæ.* Hoc, ait porro, *non est tam certum, sicut de toto tempore vitæ; nihilominus tamen hæc illatio est communiter recepta, & mihi videtur consequenti ratione omnino tenenda.* Sed alias incertas & temerarias, immo periculosas & perniciosas de temporis mora longiori vel breviori (quoad actualementis omnino peccati vitationem, vel etiam vitandi potentiam) scho-

larum quaestiones & decisiones missas facio; & quisquis cum timore & tremore salutem suam operari satagit, idem facito.

Pag.146.) Sed cum nemo sanctorum nec tota vita, neque etiam longo vitae tempore, peccata omnia & singula, etiam venialia, vitare possit, ut jam dictum est, perperam Bellarminus, & cum eo alii Romanentium multi, *legem Dei κατ' ἀπ' ὅλης*, quasi simpliciter atque absolute, hic servari posse contendunt, eo quod peccata venialia, sine quibus non vivimus, non sunt peccata simpliciter, ut inquit Bellarminus lib. 4. de Justificatione cap. 14. *sed imperfecte & secundum quid*, neque sunt contra legem, sed praeter legem, ut S. Thomas recte docet. Verum sententia haec omnino a vero dissimulata est: peccata enim venialia vel omnino non sunt peccata, vel recte legi Dei contraria sunt, cum omne peccatum sit ἀνομία, vel legis transgressio i. Joh. 3. 4. Neque enim intelligi quidem peccatum potest, quod non sit alicujus legis violatio: *peccatum est dictum vel factum vel concupiscitum contra legem Dei*, Augustin. contra Faustum lib. 22. cap. 27. *Omne peccatum contra mandatum Dei praesumitur*, Bernard. de Praecepto & dispensatione cap. 14. Inter ipsos etiam Romanenses idem censet Vega (confitente ipso Bellatm. l. c. sect. Respondeo) lib. 14. cap. 13. scribens: *Distinguunt & alii* (intelligit autem Thomam 1. 2. q. 88. art. 1. & 2. & sectatores ipsius, ut in margine notat) *peccata venialia a mortalibus, quod haec contra mandata sunt, illa vero levius quaedam culpa duntaxat,*

kat, praeter ipsa commissae. Verum hanc sententiam permulti Scholastici impugnant, & contra mandata illa esse affirmant, eorumque sententia communior nunc videtur in scholis. Vide & propositionem primam, quam paulo infra ponit: *Et decet, ubique ut nostros sermones & scripturis & sanctorum Patrum verbis attemperemus.* Quae apud auctorem ipsum lege. Quibus tamen paulo post subjungit quaedam animadversione digna. Adde Vasquez, in 1.2. disp. 212. cap. 2. n. 5. Estius in 2. Sent. dist. 35. sect. 2. fuse probat, tum ratione, tum auctoritate, venialia peccata esse contra legem Dei. Immo Joh. Bapt. Desbois, Bellarmini brevior, cap. 14. hujus libri, hanc Bellarmini distinctionem non probavit. Vide marginem, ubi ad illa verba, *Et si dicantur peccata, venialia scilicet, contra legem*, haec habet: *Si enim vere peccata sunt, quomodo non contra legem aliquam? cum peccatum sit praevaricatio legis.* Et in contextu: Pag. 147.) *Nam siue veniale peccatum sit supra legem (scribendum fuit, praeter legem) siue contra, nunquam justus, dum venialiter peccat, legem dicitur implere.* Aliis nunc citandis supersedeo; exactior enim huius rei consideratio alterius est loci. Loquendo igitur de absoluta legis, etiam secundum illius rigorem, impletionem, non sunt duae diversae quaestiones, ut affirmat Bellarm. cap. 12. sect. At Kemnitiu, utrum praecepta servari possint, & utrum possit homo vivere absque peccato, sed una eademque. Neque unquam aliter sensit Augustinus, in omnibus suis contra Pelagium scriptis, ut neminem in iisdem versatum latere potest.

Legem tamen consideratam non rigide, sed κατ' ἐπιείκειαν, seu pro modulo nostro, & viribus, quas in hac vita habemus, κατὰ μέτρον ὁρῶντες τοῦ Χριστοῦ, ut inquit apost. ad Eph. 4. 7. & quoad eum legis praestationis gradum, quem Deus foedere evangelico a nobis praecise requirit, ut promissae remissionis peccatorum & salutis aeternae participes fiamus, impleri posse, negari non potest, neque etiam debet. Quicquid enim Deus alias juxta rigorem a nobis postulare potest, tamen. ὁ πατὴρ τῶν οὐρανῶν, in Christo, foedere gratiae nihil postulat, nisi secundum ἐπιείκειαν, & vires, quas dedit, postulato semper proportionatas. Neque enim adeo praecise nobiscum agere vult, ut damnare velit, si vel in minimum delictum aliquod incidamus, vel non in summo perfectionis gradu Deum amemus, sed pro paterna sua bonitate & indulgentia, omnia infirmitatis delicta, condonare paratus est, & crimina etiam gravia, si modo seria poenitentia, & propositum studiumque ea vitandi non leve, non desultorium, non inaccuratum, sed quale ipsi Deo probatur, interveniat, ut recte Remonstr. Apol. cap. 17. pag. 178. dicunt: Hoc totum, quantum est, gratiae Christi acceptum referimus.

Hoc clarissime docent scripturae Matth. 11. vers. 30. Jugum meum suave est, & onus meum leve. 1. Joh. 5. 3. (pag. 148.) Haec est charitas Dei, ut mandata ejus servemus, & praecepta ejus gravia non sunt. Luc. 1. 6. & alia innumera script. loca, quae

quæ non tantum de potentia, sed etiam de actu legem modo prædicto præstandi, loquuntur.

De Patrum sententia dubitari non potest, qui Deum justum & bonum, *simpliciter impossibilia nobis præcepisse* sub pœna damnationis æternæ, constanter negant. Singulorum testimonia hic congerere, ut brevitati consulamus, & quia res ipsa omnibus, qui in Patrum scriptis non sunt plane hospites, certissima & clarissima est, non libet. Nos etiam hoc labore levarunt plurimi alii viri doctissimi, non tantum romanæ partis, sed etiam Protestantium. Inter alios Gerh. Joh. Vossius Hist. pelag. lib. 5. parte 1. antith. 6. pag. 497. qui etiam, quod Bernardus serm. 2. in vigilia natalis Domini, & supra Cantica serm. 50. atque ante Bernardum Augustinus etiam ipse dixit lib. de Sp. & lit. cap. 36. *Hoc in illa vita complebimus.* & de Actis cum Fœlice manich. lib. 2. c. 11. *Data est enim lex superbis hominibus, &c. Deum impossibilia plena præstitit in hac vita præcepisse,* cum eo, quod reliqui Patres, atque ipse in primis Augustinus contra affirmant, *posse per gratiam legem hic impleri,* haud difficulter conciliari posse, ostendit duplici legis, duplici item vitium nostrarum consideratione adhibita. Nota tamen obiter, lector studiose, in hac antithesi pag. 487. (vel 500.) circa finem, sermonem illum 191. de Tempore, qui ut Augustini citatur, & quo Hieronymi sententia lib. 1. adversus Pelag. mandata Dei non a singulis, sed ab omnibus tantum in communi servari posse, ut blasphemæ & exe-

crabilis damnatur, Augustini non esse, ut putavit Vossius cum aliis, sed libellum quendam Pelagii, ut observat R. Vsserius; in Gottschalci Historia nuper edita cap. 1. pag. 13. Pro communi Patrum sententia accipe verba Concilii 2. arausiaci, can. ult. *Hoc etiam secundum fidem catholicam credimus, quod accepta per baptismum gratia, omnes baptizati, Christo auxiliante & cooperante, quae ad salutem pertinent, possint & debeant, fideliter laborare voluerint, implere.* Vbi adimpletionem intellige non rigidam & exactam, ut saepius monui, sed promodo justitiae, quae huic competit vitae, ut loquitur August. lib. de Sp. & lit. cap. 36. Appellant * alii, nec incommode, perfectionem partium, quae statui viae congruit, & imperfecta quaedam perfectio est, (ut loquitur Pag. 149.) Hier. lib. 1. adversus Pelag. *Haec est hominis vera sapientia, imperfectum se nosse; atque, ut ita loquar, cunctorum in carne justorum imperfecta perfectio est*) alteram autem, quae post hanc vitam erit, perfectionem graduum.

Ratione etiam idem efficacissime probatur. Hoc ipso enim potissimum lex seu vetus testamentum ab evangelio seu novo testamento discriminetur, quod *lex venerit sola*, rigide imperans & exigens; *evangelium autem non solum*, sed cum gratia, ac proinde juvans, & vires subministrans idoneas ac sufficientes pro statu viae, ad officia quaecunque illo praescripta exequenda. Vide Ezech. 36. 26. 27. Jer. 31. 33. Heb. 8. 10. Joh. 1.

17. atque

* Alii] Vt Gerh. C. C. p. 1528. Fabricius System. theol. 363.

17. atque alia plurima. Vide & Augustinum compluribus in locis, sed praecipue toto lib. de Sp. & lit. Immo in hoc consentiunt theologi omnes cum veteres tum recentiores, qui recte, quae dicunt, expendunt, evangelium sive legem gratiae, nihil supra vires, quae a Christo conceduntur, tanquam ad salutem aeternam assequendam simpliciter necessarium exigere. Et negare, *perfecte hominem, legem Dei sic consideratam implere posse, secundum vires, quas accepit*, contradictionem plane implicat: hoc enim quid aliud est, quam negare, hominem posse, quod tamen posse affirmatur, sive non posse, & posse?

CAPUT IV.

In quo doctrina capite praecedenti tradita, fusius ex variorum Protestantium aliorumque scriptis confirmatur.

Idem docent multi Protestantes doctissimi, aliique viri moderatissimi. Ger. Joh. Vossius, saepe jam nobis ante laudatus, Hist. pelag. lib. 5. parte 1. antitich. 5. pag. 482. vel 495. Patres, inquit, (Augustinus scilicet & alii africani) *qui ajunt, posse aliquem eo usque pervenire, ut servet totam legem, Deumque ex tota anima & omnibus viribus diligat, hi considerant legem non rigide, sed κατ' ἐπιείκειαν, pro viribus, quas habemus in hac vita.* Pag. 150.) Hoc pacto ex omni-

his viribus nostris possumus obedire Deo, quia manifesta esset ἀντιλογία, non posse nos aliquid pro viribus praestare; vel etiam cum sine peccato eos vivere dicunt, illud solum peccati nomine intelligunt, quod vulgi iudicio peccatum censetur, quomodo sine peccata vivunt, qui sine querela vivere dicuntur in scripturis. At Patres, qui contra docent, nec sanctissimos, longo tempore obedire posse legi divinae, hi legem considerant κατ' ἀρεσκείαν, ut etiam in peccatorum veniat censum omnis concupiscentiae titillatio cum levi assensu, & quicquid minus est, quam omni-modi spiritualis vitae perfectio requirit. J. Arminius in Declaratione pag. 320. ad quaest. propositam; An fideles sub gratia novi testamenti possunt in hac vita legem Dei perfecte servare? sic respondet; Si Deus rigide velit in summo perfectionis gradu legem suam observari, non posse hominem legem Dei perfecte praestare; si vero postulet secundum ἐπιείκειαν tantum, vires collatae sunt postulata proportionatae, quod dicendum est, cum evangelica foedere postulet, posse perfectae servari; atque in margine huic quaestioni hoc ex adverso opponit antithema: An Deus a consortibus novi testamenti postulet, ne caro adversus spiritum concupiscat, tanquam officium gratiae foederis istius respondens, nec ne?

Remonstr. in Resp. ad Epist. Ministr. Walachrian. pag. 88. 89. Credunt Remonstrantes, ab homine perfecte legem Dei & ad amissim praestari in hac vita non posse, nec quenquam mortalium praestitisse unquam, disquiri tamen pa-

siunt.

tiuntur, an, quam in evangelico fœdere obedientiam exigit Deus, non secundum justitiæ suæ rigorem, sed secundum ἐπιείκεια, eam non possit homo præstare, instructus sufficientibus Sp. sancti viribus. *In cuius problematis affirmativam partem, nonnulli nostrum propendent.* Idem Apolog. c. II. p. 130. 131. perfectionem istius praecepti, *Diliges Deum toto corde, tota anima*, quatenus nobis fœdere gratiae mandatur, (pag. 151.) negant esse perfectionem arithmeticam aut legalem, si-
ve numeris & gradibus omnibus absolutam, quæ naevos, imperfectiones, imbecillitates omnes præcise excludat, sed ethicam, si-
ve moralem tantum esse, aut potius evangelicam, quæ ex aequo & bono aestimatur, & quæ coram exacto Dei judicio stare non possit, si per exactum Dei judicium rigidissimum judicium intelligatur; nam si judicium intelligatur, quod ad gratiosi fœderis regulam accurate exactum est, quodque juxta eam Deus exigere ac ferre vult, tum, inquirunt, alia ratio est: hoc enim judicium proprie exactum judicium non est. Et cap. 15. pag. 152. circa finem: *Hac in re observatio praeceptorum evangelica differt a legali, quod haec plena, rigida, & præcisa esse debeat, & si unum modo interveniat peccatum, nec remissioni nec poenitentiae locus sit; illa vero, ut plena, præcisa & rigida sit observatio, non requirat, dummodo adsit voluntas, nihil unquam faciendi contra ullum legis seu praeceptum seu interdictum, & in melius semper proficiendi.* Si enim fiat, ut is, in quo voluntas ista est, incidat in grave ali-

quod peccatum, interveniente pœnitentia, peccatum istud non imputatur a Deo, & præcedens mandatorum divinum observatio, propter Christum habetur pro observatione, quæ Deo accepta & grata est. Vi de etiam c. 17. pag. 157. 158.

J. Corvinus in Antimolinæo. cap. 34. sect. 8. *Diserte, inquit, dico, (in Antitileno sc. pag. 492.) me fateri, neminem esse etiam ex iis, qui maxime sunt regeneriti, qui ea perfectione legem Dei impleat, aut etiam implere possit, ut ex ea secundum foedus primum legale, vitam possit accipere: tantummodo dico, regeneritos per Spiritum Christi, vitam ita posse secundum legem instituire, ut ad eum obedientiæ gradum perveniant, quem Deus ab illis requirit, ut promissæ remissionis peccatorum fiant participes. Vide etiam c. 35. sect. 2. P. Baro de Præstantia divinæ legis lib. 1. cap. 13. pag. 37. 38. idem docet. R. Thomsonus in Diatriba sua cap. 7. haud procul a fine: Sed, inquires, etiam peccatum omnino vitare jubemur, ergone possumus? Sane lex hujusmodi perfectionem a nobis exigit: sed evangelii doctrina conatu & bono proposito contenta est. Et tamen quis dubitat, hominem in gratia (pag. 152.) posse se τὴν ἀνωγεινὴν καὶ ἀποκρίσιν ποιεῖν, ut loquitur Pelusiana, ab omni graviore peccato & crimine abstinere? quamdiu scilicet intentus est animus, quamdiu chorda nullo vitio laxatur in cithara. Hieron. lib. 2. contra Pelag. & August. ferm. 56. de tempore: Si- cut sine minutis peccatis nemo unquam fuit, aut esse poterit, ita sine capitalibus, criminibus, dante & auxi-*

auxiliante Deo, omnimodis esse possumus & debemus.

R. Fieldus in Append. ad lib. 3. de Ecclesia cap. 11. de Justificatione p. 298. doctrinam Stapletoni super hac re de Justif. l. 6. sequentibus propositionibus comprehensam approbat. Propositiones dignae sunt observatu, ideoque huc adscribere minime piget. Prima: *Renovati & justificati in Christo, gratiam Spiritus sancti accipiunt, qua legem impleant.* Quam propositionem Stapletonus fuisse confirmat c. 2. Secunda: *Hae tamen impletio legis non intelligitur necessario & praecise in omnibus mandatis legis, toto tempore & cursu vitae humanae; sed ille censetur implere legem, satisfacere legi, & in conspectu Dei justus habetur, qui voluntatem & affectum habens implendi, universale legis praecepta eatenus implet, quatenus humana fragilitas, in reliquiis naturae corruptae, per gratiam adjuncta, implere in hac vita vel potest, vel solet.* Hanc propositionem egregie confirmat cap. 3. ex scriptura & Patribus. Tertia: *Omnimoda mandatorum impletio, etsi talis in hac vita ad veram justitiam non requiritur, ut omni prorsus peccato careat, tamen talis ac tanta est, ut gravibus illis, & letiferis peccatis omnino carere possit, ac debeat, utcumque levioribus illis & venialibus non careat.* Hanc propositionem copiose probat ibidem. c. 5. Quarta: *Justitia hujus vitae evangelica, etsi non careat omni prorsus peccato, ideoque ex hac parte perfecta non sit, tamen suo modo perfecta est, quia id semper agit, ut careat peccato, proficien-*

ficiendo de die in diem. Lege, obsecro, diligenter c. 6. quo idem uberrime confirmatur. Quinta: Justitia bonorum operum in fide, est vera coram Deo justitia, utcunque mixta peccatis & imperfecta, tum quoad universa mandata implenda, tum quoad modum implendi, (Pag. 153.) vereque & plene legi Dei satisfacit, non solum quia quam proxime accedit ad plenam & perfectam justitiam, aut quia gravioribus saltem criminibus caret, aut etiam quia id agit proficiendo de die in diem, ut omni prorsus peccato careat, & plene satisfaciatur, sed adhuc praterca, quia quicquid deest ad plenam & perfectam adimplerionem, mandata pratermittendo, & venialiter frequenter peccando, sive propter imperfectionem, in modo & ratione implendi, id totum Christi misericordia & gratia indulget atque ignoscit, facitque indulgendo, ut perinde simus coram Deo justii, ac si universa ad amussim mandata, eademque perfectissime fecissemus. Haec propositio, inquit Stapletonus cap. 8. ut est cognitu dignissima, & consolatione plenissima, ita ab adversariis hodie non negatur quidem, sed perperam tamen intelligitur. Hanc, inquam, doctrinam Stapletoni praedictis propositionibus expressam, affirmat Fieldus, neminem Protestantium improbare posse. Conqueritur quidem ibidem de fraudibus quibusdam a Stapletono, eodem capite, Protestantibus impactis, circa hanc propositionem; sed quia ad praesentem controversiam non pertinent, de quibusdam etiam eorum supra abunde dictum, nunc silentio praeterimus.

Tho.

Thomas Mortonus in Appellatione Protest. lib. 5. cap. 12. hac de re agens sect. 3. propositionem illam secundam Stapletoni supra memoratam laudat, & sect. 4. in quaest. expedienda, hac ipsa distinctione de *observatione legis rigida, & secundum ἐπιεικειαν evangelicam*, uti cogitur, ne scripturis & Patribus apertissime contradiceret. Similiter distinguit Fr. Whiteus contra Fisherum, jesuitam, pag. 524. & 513.

R. Hookerus de Ecclesiastica politia lib. 5. sect. 48. pag. 285. *Certe quamvis hic immunes esse non possumus ab omni peccato collective, ita ut nulla illius pars in nobis inveniatur, distributive tamen, omnia, magna saltem & gravia actualia peccata, sicut se offerunt, unum post aliud, evitari & possunt & debent, ita ut hoc sensu ab omni peccato liberari impossibile non sit.* Et cum huic assertioni, ut & aliis nonnullis, Puritani in putida quadam ad illum data epistola contradixissent, respondit pro illo Gul. Covellus; (vide Apolog. art. 9.) sed non satis solide. Pag. 154.) Vid. L. Andreas, episc. wintoniensis, in concione super Deut. cap. 23. 9. pag. 190. super Heb. 13. 20. pag. 586. & super Joh. 14. 15. pag. 621. 622. Vorstius in Apologia pro Eccles. orthodoxis disput. 1. pag. 61. scribit: *Impossibilis est nobis (legis praestatio) aliquatenus, etiam sub gratia constitutis, nempe quatenus hic & praestatio perfectissima, & gratia communis sive ordinaria intellegitur; sed possibilis tamen eadem lex est per Dei gratiam, idque duplici modo, nempe quatenus neque respectu communis gratiae, exquisita perfe-*
ctio

*Elia requiritur, neque respectu hujus perfectionis, gratia singularis sive extraordinaria excluditur. Et in Antibell. p. 632. Evangelici fatentur, praecepta Dei renatis non modo possibilia, sed & suo modo facilia observari esse, si modo duae istae conditiones ad-
dantur, videlicet primo, non ex propriis suis viribus, sed ex Dei gratia, illos haec praestare posse. Et se-
cundo, quicquid defectus in ipsorum obedientia repertur, id gratiose a Deo condonari. (Vtrumque admittunt Romanenses) Alioqui si de nostris ipso-
rum viribus, deque summe perfecta illa & perpetua morum integritate, quam lex Dei severe requirit, ex-
professo agatur, non immerito & facilitas ac possibili-
tas ista negatur. Vbi nota, non quamlibet perfectio-
nem, sed eam tantum, quae supremi ordinis & nu-
meris omnibus absoluta, (quae vulgo perfectio
graduum appellatur) renatis in hac vita non simplici-
ter, sed plerumque & ordinarie denegari; (Sed, ut
hoc obiter dicam, cui, obsecro, mortalium hanc
supremi ordinis perfectionem concessam esse
certo constat?) quum alioqui perfectio partium,
item ea perfectionis species, quae sinceritas vel inte-
gritas alio nomine vocatur, iisdem ultro conceda-
tur ab omnibus Evangelicis. Et pag. 633. Dici-
mus, omnia Bellarmini argumenta catenus a nobis
admitti, quatenus supra dicta duplex cautio in iis
habetur.*

Idem acriter defendit Seb. Castellio tract. in-
ter Opuscula, An possit homo per Spiritum san-
ctum perfecte obedire legi Dei? atque etiam au-
ctor tractatus de Justificatione in Opusculorum
fine

fine (qui fuit Castellio ipse, ut ex praefatione constat) nisi forte in sententia hac defendenda modum uterque excedat, quod faciunt nonnulli hodie fanatici, integris libris contententes, *hominem exacte legem Dei praestare in terris, saltem posse.* Pag. 155.) Videatur & R. Montacutius in lib. saepe antememorato contra nuperum controversi. abbreviatorem, articulo 17. p. 122. &c.

Archiep. spalatenfis de Republ. eccles. lib. 7. cap. 11. n. 235. scribit: *Ante omnia impossibile videtur, ut sanus intellectus quiete percipiat, quo pacto Deus det hominibus leges de se impossibiles, aut in toto, aut etiam in parte, ita tamen ut ex ea parte, qua impossibile sit eas impleri, culpa & peccatum conjiciatur in hominem, eas plene & perfecte non adimplentem.* Deinde in contrarium lego, &c. Vbi ex plurimis script. locis probat, legis Dei necessariam observationem non esse impossibilem. Et n. 236. *Non videtur igitur dubitandum, praecepta omnia sigillatim ex ea parte impleri posse, ex qua a Deo proponuntur ut obligativa, sub periculo & poena damnationis aeternae, circa crimina nimirum, non circa peccata minora. Quod si humanae imbecillitati sit impossibilis aliqua particula, seu conditio, & circumstantia perfectae adimpletionis, eam dicam, aut non esse sub praecepto, ac propterea, si non adimpleatur, vix ullum esse homini grave peccatum, aut saltem non imputari. Et de hac non imputatione intellige Augustinum, ubi ait Retract. l. 1. c. 10. Omnia man-*

mandata facta deputantur, quando quicquid non fit, ignoscitur. Postea sic pergit archiepiscopus: *Præceptum itaque diligendi Deum super omnia, quatenus homines obligat, satis adimplebitur, si homo præferat Deum omnibus, quæ habet in hoc mundo, etiam vitæ propriæ, &c. quod justî omnes per gratiam præstare possunt. Et paulo inferius: Sensus præcepti, Non concupisces, hic esse potest: Non concupisces actu externo, ne fureris, ne occidas, ne mæcheris; sed nec solo assensu voluntatis interno, ne feraris in furtum, homicidium. Atque hoc non assentiri, per gratiam possibile est. Et n. 240. 241. 242. ad scripturæ loca, quæ vulgo pro impossibilitate præstationis legis citantur, fuse respondet, numero autem 239. sententiam Romanensium cum sententia Protestantium facile conciliari posse affirmat; si nempe res, quas utrinque asserimus, non verba, quibus eas asserimus, ponderemus. Adscribam auctoris verba, quia observatu digna sunt: Nos (Romanenses) volumus, teneri homines servare præcepta divina, quantum cum divina gratia fieri potest, & hoc tantum sub præceptum cadere; (Pag. 156.) qua vero ex parte non possumus ea singula servare perfecte, dicimus, id non esse sub præcepto, & ita neque nos peccare in illa imperfectione necessaria. Protestantes dicunt, præcepta ex ea parte, quæ possibilia sunt, omnino esse servanda; ex ea vero parte, quæ sunt impossibilia, volunt adhuc, ea transgredi, esse peccatum, quia etiam ex hac parte obligativa esse censent; sed tamen hoc peccatum, Christi legis obedientia regi, & nobis non*

impu-

imputari. In re ergo ipsa convenimus: idem enim mihi beneficium est, si in me actio aliqua non sit ul- lum peccatum, atque si sit peccatum, sed non impute- tur. Lege & n. 249. 250.

Atque haec de hac controversia sufficiant, in qua, quicquid theologi partium studiosi ultro citroque disputent, hoc certum est, *Deum lege seu fœdere gratiae nihil a nobis praecise postulare, quod non per vires collatas eatenus saltem praestare possimus*; ut Deus ipse clementer & gratiose propter Christum in hac praestatione & obedientia tandem acquiescat. *Deus omnia dat,* (inquit Davenantius; scriptor certe non indoctus, sed in quibusdam plus satis rigidus, in disp. de Justitia actuali cap. 51.) *quae secundum fœdus evangelicum necessario pertinent ad salutem obtinendam; & tamen non dat in hac vita possibilitatem implendae legis.* Quod ut de stricta & secundum legis rigorem observatione verum esse concedimus, ita de praestatione & perfectione ea, quae est cum *ἐπιτηδεύει* evangelica conjuncta, falsum esse, jam saepius diximus & probavimus. Sed quid ego in re plana diutius moror?

CAPUT V.

An omnia justorum opera, quantumvis bona, sint peccati labe aliqua maculata.

EXistimant Protestantes rigidiores; manifestam sibi a Romanensium plerisque injus-
Q
am

am fieri, quando ipsis impingunt, quod *omnia omnino justorum opera peccata esse* affirmant, & quidem damnabilia, sive, ut loquuntur, mortalia. Vide Bellarm. l. 4. de Justif. cap. 15. atque alibi passim, aliosque romanae partis scriptores plurimos.

Pag. 157.) Hoc tamen se docere profitentur Protestantes ante nominati, quod opera bona justorum, etsi vere bona sint, Deoque placencia, *non sint tamen absolute & pure bona & justa*, atque sine omni peccati sorde, cum justis, quamdiu hic vivitur, contagio & infirmitas carnis seu veteris hominis semper adhaerescat, & optimis etiam fidelium actionibus talis peccati macula adhaereat, quae in mortem etiam aeternam, eos pertraheret, si ex rigore legis, seposita misericordia, eos judicare vellet Deus. Sed multis criminationibus & recriminationibus, partibus nimium familiaribus, de re ipsa candide dicamus.

Ingenue & vere Vega de Justificatione lib. II. cap. 40. respondens ad verba Gregorii magni in Job. 9. Moral. cap. 1. *Quia sanctus vir omne meritum virtutis nostrae vitium esse conspicit, si ab interno arbitrio, si districte judicetur, &c.* Et infra cap. 14. *Ut enim saepius diximus, omnis humana justitia injustitia esse convincitur, si districte judicetur, affirmat, Si Deus districte opera nostra judicaret, posse dici esse vitia, & justitias nostras esse injustitias: quia multa, quae nunc sunt bona opera & justa & meritoria, ad eam sanctitatem & puritatem ex-*
ita,

Etas, qua Deo deberemus servire, quamque Deus a nobis posset ex rigore exigere, tum propter suam bonitatem, tum propter eximia sua in nos beneficia, vere vitia essent, & mala opera & injustitiae. Non solum enim verum est, inquit, vitam quorumvis justorum, multis peccatis venialibus jugiter sordidari & deturpari; sed ipsa etiam perfectorum opera, a bonitate illa longe deficere, qua deceret nos Deum colere, laudare & honorare. Sunt quippe multis imperfectionibus, quoad hic vivitur, conjuncta, neque tam pura, neque tam sancta & ferventia, quam magnitudo divinae bonitatis & beneficentiae in nos exigeret. Et cum Deus modo, propter eximiam suam in nos dulcedinem & suavitatem, ne ad culpam quidem venialem, eos nobis defectus & imperfectionis imputet, posset tamen culpa eos nobis tribuere, si districte, & prae suavitatem suam & benignitatem, nobiscum vellet agere. Et in fine cap. Multa nunc sunt a nobis bona opera, & absque ulla macula peccati, qua tamen, si Deus districte vellet nobiscum agere, vitia & injustitiae essent, ac mala, & non bona probarentur. Hæc ille. Petrus Cotonus Instit. pag. 504. Cum Calvinus scribit, omnia opera nostra, quantumvis bona, peccata esse coram Deo, dicere noluit, id, quod a Deo in nobis est, bonum non esse: (Pag. 158.) sed voluit aut debuit docere, id, quod in nobis vel actionibus nostris, a nobis est, & non a Deo, nihil esse, præter sordes. Quoniam autem ordinarie aliquid nostrum semper admixtum est cum opere Dei, quemadmodum videmus scoriam metallo admixtam, propterea

244 *An bona justorum opera sint peccata.*

justitias nostras comparari panno maculato. Atque adeo dici potest ; si considerentur a Deo separatim a meritis Filii ; vel sine misericordia examinentur ; vindictam potius postulare ; quam remunerationem. Vide Riveti Catholicum orthodoxum ; tom. 2. pag. 331. Sed cum Deus semper suaviter & benigne nobiscum agere velit , nec quicquam fore : dere evangelico , ut saepe supra dictum , exigat ; quod vires gratiae collatas omnino excedat , certe nimio plus rigidi & hyperbolici sunt Protestantes ii , qui praestantissima etiam justorum opera peccato inquinata , & ex se aeterna morte digna , quanquam per Christi gratiam facta , esse contendunt.

*Saepe justorum operibus aliquid peccati immisceri , negari non potest ; neque etiam negant Romanenses ipsi. Audiatur Suarez in : tom. 3. disp. 74. art. 9. 83. Haereticorum , inquit , judicio omnia opera nostra , quantumvis bona , sunt aliquo modo coinquinata , & immunda : quod licet ita universe dictum verum non sit , saepe tamen ita accidere , non est dubium. Archiep. spatat. vir moderationis studiosissimus , de Rep. eccles. lib. 7. cap. 11. n. 215. Non negarim tamen , saepissime , non tamen semper , infici opus , vel aliqua vanitate , vel sine humano , vel aliis circumstantiis ; & tunc non dubito , opus jam fieri peccatum. Bonum enim ex una integraque causa existit , malum autem ex quocunque defectu , ut est apud * arcopagitam , de Div. Nominib. c. 4. p. 216.*

De

* Arcopagitam] Dionysium ; ut vulgaris fert opinio.

De bonis justorum operibus longe aliter loquuntur sacrae literae, quam hujus durissimae sententiae assertores. Illae enim ea saepe absolute & simpliciter *bona opera* nominant, item *opera lucis*, *hostiae Deo placentes & acceptae*, *vestes mundas*, *puram & immaculatam religionem*, *byssum*, & qui sancte hic vivunt, *justitiae opera fecisse*, & *vestimenta sua non inquinasse* dicuntur Apoc. 3. 4. bene etiam operantibus *magna*, ut constat, passim promittitur, cum in praesenti, tum inprimis in seculo futuro, *merces*. In multis, inquit Jacob. 3. 2. *offendimus omnes*. Non igitur in omnibus. Mitto innumerabilia, quae in hac sententiam ex scripturis citari possent; de quibus legantur alii, & ad quae contra sentientes nihil reponunt, praeter inania effugia. (Pag. 159.)

Patres autem ab hac sententia adeo abhorruisse constat, ut ii etiam, qui Pelagii dogma de perfectione hominis in hac vita acerrime oppugnaverunt, licet negaverint, posse hominem justum per omnem vitam, aut etiam longo vitae tempore, omne omnino peccatum evitare, semper tamen concesserint, aliquanto *saeculo tempore*, modo diligenter sibi caveat justus, id praestare posse. De Augustini super hac re sententia, & quousque ille progressus fuerit, satis superque paulo ante (pag. 140.) dictum. Hieronymus lib. 3. adversus Pelagium: *Hoc, inquit, & nos dicimus*, posse hominem non peccare, si velit, *pro tempore, pro loco, pro imbecillitate corporis, quamdiu intensus est animus, quamdiu chorda nullo vitio laxatur in citha-*

7a. *Quod si paululum se remiserit, &c.* Et rursus eodem libro: *Hoc est, quod dixeram*, in nostra esse positum potestate, (per gratiam scilicet adjuta) *vel peccare, vel non peccare. Sed hoc pro modo & tempore, & conditione fragilitatis humanae; perpetuitatem autem impeccantiae soli reservari Deo. Nec quia ad breve possum, cogis me, ut possim jugiter: possum jejunare, vigilare, ambulare, legere, psallere; numquid in perpetuum?*

Pugnat etiam haec sententia cum recta ratione. Ecquid fere magis injuriose & contumeliose dici potest in Christi gratiam, quae non tantum a reatu, sed etiam a dominio nativae corruptionis nos liberavit, teste omni scriptura, & omnibus omnino theologis consentientibus, quam asserere, nos nihilo minus nihil prorsus vel cogitare vel dicere, vel agere posse, quod purum sit a peccati sorde? Certe, qui sententiam hanc tuentur, licet sibi videantur omnium maxime Dei misericordiam & Christi gratiam praedicare & laudare, revera tamen, sed imprudentes, veteris *Adami & peccati inhabitantis magis, quam Christi illiusque gratiae viree evēbunt.* Quod enim vim gratiae Christi ad aliquid vel minutissimum & *ἐν αὐτῷ* prope praestandum, (ut si gemens dicam, *abba pater*, vel *κύριε ἐλέησον*) absque omni peccati inquinamento, in futurum tantum seculum, ubi pleraque, quae nunc pro statu vitae praecipiantur, officia cessabunt, rejicere audent, judicet is, in quo recti judicii vel mica ineest, quam absurdum sit id dictu. Quam male, etiam cum
recta

recta ratione convenit, *unum idemque opus ex duobus principiis tam adversis*, carne scilicet sive naturae corruptione, & spiritu ejusque gratia, *procedere, ac proinde vere bonum esse* (quod non inficias eunt, qui hanc sententiam mordicus defendunt) & *simul carnis vitio pollutum*, Pag. 160.) *dignum praemio*, divina saltem dignatione, & *simul poena damnationis*! Frustra respondent rigidiores omnes, nihil esse hac in re contradictionis, nisi eadem opera dicantur bona & non bona ad idem, & secundum idem. Davenantius de Justif. cap. 38. pag. 456. caeterique manifestam ἀντιλογίαν diversi imaginarii, immo plane contrarii respectus non tollunt, sed potius confirmant. Si enim opus aliquod est carnis vitio aliquantulum impuratum, certe non modo non perfecte, sed nec vere & simpliciter bonum esse censeripotest. Nam, ut supra recte ex Dionysii cap. 4. de Divinis nominibus dictum, *bonum opus non existit, nisi ex integra causa, malum vero ex quolibet defectu vel vitio*. Videantur alii, qui fusius haec pertractant.

Locus ille Iesaiæ cap. 64. 6. vel 10. de *panno menstruo*, vulgo notus, ex quo potissimum Protestantes rigidiores sententiam suam apertissime & invictissime probari putant, multorum, etiam doctissimorum, Protestantium judicio, ad rem hanc nihil spectat. Lutherus in annot. in Esa. hunc locum affirmat, *sententiam hanc nihil ad hoc pertinere, quod justitia nostra impura sit*: & recantat, quod aliquando (in Assertionem scil. art. 3.) itum

sensum usurpaverit, aliumque assignat sensum, Neque ad hoc Lutheri testimonium rigidissimi ipsius sectatores quicquam respondent, cum a Bellarm. aliisque oppositum esset, sed tacite praetereunt. Vide Gerhardum L. de Bonis operibus n. 64. & Barth. Battum lib. 3. de Justif. cap. 16. pag. 483. J. Calvinus in eundem locum: *Hic se non pulli, inquit, torquent. quod propheta de scelerum inquinamenti loquens, sine exceptione Judaeos omnes exprimat, in quibus tamen nonnulli restabant puri Dei cultores: sed frustra; quia non loquitur de singulis, sed de universo corpore. Quod cum infra omnes homines abjectum atque extrema clade affectum esset, panno sordido comparat. Et postea: Hic locus a quibusdam citari solet, ut probent, adeo nihil esse meriti in operibus nostris, ut coram Deo putida & foetida sint: sed hoc mihi videtur alienum a prophetae sententia, cum de toto genere humano non loquatur, atque eorum querimoniam describat, qui in exilium missi, iram Domini in se sentiebant, ideoque se cum justitiis suis panno inquinato similes esse ferebantur.* Aug. Marloratus in sua Expositione ecclesiastica in hunc locum, verba Calvini recitat, & illius judicium probat. (Pag. 161.) Musculus in eund. locum: *Solenne erat huic populo, ut de justitiis legalibus plurimum praesumeret, quasi per illas in conspectu Domini mundarentur. Verum nihil plus habebant illae mundities, quam vestimentum immundi hominis. Exponunt alii de omni justitia carnis nostrae. Vera quidem est haec sententia, puto tamen, prophetae*
tam

tam ista magis ad populi huius impuritatem legalibus vocibus accommodasse. Etenim ob id quoque abominabilis in conspectu Dei fuit, quod, cum corde procul abesset ab ipso, omnem iustitiam ceremoniis externis citra fidem metiretur. Vorstius in Antipist. parte 2. pag. 117: De loco autem Esa 64. tametsi multi aliter sentiunt, non desunt tamen etiam inter nostros, qui in illo explicando facile adversario assentiantur: praesertim cum idem propheta cap. 59. similiter hypocrisin aliosque mores impiorum ita describat, ut se quoque illis accensere videatur. Et in Antibell. p. 735. Locum Esa. 64. de panno menstruato, quem Bernhardus scrm. 5. de verbis Esaiæ huc accommodat, nos tamen utpote controversum hic omisimus. Autor (vulgo existimatus Bertius) Epistolæ præfixæ differt. Arminii de vero sensu cap. 7. ep. ad Rom. Apud Esaiam ecclesia iudaica multiplici idololatria, defectione a Deo, aliisque infinitis sceleribus inquinatissima, cum a Deo propter istas sceleritates graviter puniretur, lamentabunda querens de gravitate poenarum, simulque etiam exomologesin faciens peccatorum, fatetur inter cactera, iustitias suas ut pannum menstruatum esse, designans nimirum optima opera, quæ durante publica defectione sua præstiterat. Hic locus vulgo pernitiosa torsione corrumpitur; allegatur enim perpetuo, ac si sensus illius inferret, excellentissima quæque præstantissimorum Christianorum opera esse, ut pannum menstruatæ. De aliis Protestantibus paullo post dicemus. Archiep. spalat. de Rep eccl. lib. 7. c. 11. n. 255. ait: *Quod vero Esaias clamat, omnes iustitias*

Q 5

esse,

esse, ut pannum menstruatae, loquitur de scelestis & contaminatis illius temporis, & de iustitiis legalibus festorum, neomeniarum & sacrificiorum, tunc Deo odibilium, ut optime explicat Bellarminus, de Justif. l. 4 c. 20.

Verum est, Bernhardum in serm. 5. de Verbis Jesaiae & serm. 1. in festo omnium Sanctorum, & serm. de Verbis Origenis, Gersonem parte 3. de Consolatione theolog. & quosdam nuperos romanae partis scriptores, hoc prophetae dictum ad iustitiā etiam sanctissimorum hominum accommodare. Sed 1. illud praeter prophetae mentem faciunt. Pag. 162.) 2. Licet de toto cursu operum Sanctorum loquentes dicant, & quidem vere, iustitiam nostram in hoc seculo plurimis, quae illam quotidie comitantur, peccatis maculari; nemo tamen eorum eo usque progressus est, ut affirmaret, *omnia omnino opera sanctissimorum, peccato fœdata esse.*

Quod 2. objiciunt, *opera nostra bona nunquam hic fieri illa mensura charitatis, quam ipsa lex exigit;* proinde absentiam hujus saltem perfectionis debitaē inesse, labem peccati, optimis etiam renatorum actionibus, aspergere. Resp. Renatorum opera, licet ex ea fidei & charitatis mensura hic non fiant, quae ab ipsis jure exigi posset, si Deus cum illis rigide agere vellet, ut supra dictum; non tamen idcirco esse omnia peccato inquinata, quia in quaestione de praestatione legis semper ad mentem Dei praecipientis respiciendum est. Cum igitur non rigidam & in summo perfectionis gradu legis

legis observationē sic a nobis postulet, sed secundum ἐπιεικειαν tantum; & pro viribus gratiae concessis, ut superiori diatriba fuisse demonstravimus; opera, quae a renatis hic fiunt, illa fidei & charitatis mensura, quae fœdere gratiae praescribitur, & nobis possibilis est, atque in qua Deus gratiose acquiescit, a peccati macula & reatu omnino immunia sunt. Vnde facile apparet, quid respondendum sit ad illud Augustini lib. de Perfectione justitiae cap. 15. *Peccatum est, cum vel non est charitas, quae esse debet, vel minor est, quam debet;* & ad alia quaedam, quae in eandem sententiam tum ex Augustino, tum ex aliis nonnullis Patribus vulgo objicit solent. Peccatum certe esset minor dilectio, quam esse debet, etiam proprie, si Deus nobiscum summo jure agere vellet. Cum autem Deus, miserator generis humani, nunc suaviter & benigne propter Christum agat, peccatum omnino non est stricte loquendo, sed tantum in lata vocis peccati acceptione, pro defectu vel imperfectione. Vide supra, pag. 91. Et audiat Augustinus lib. de Spiritu & litera c. 36. *Sed dici potest quaedam justitia minor huic vitae competens, qua justus ex fide vivit, quamvis peregrinus a Domina: & ideo per fidem ambulans, nondum per speciem. Non absurde dicitur, etiam ad istam, pertinere, ne peccet: neque enim, si esse nondum potest tanta dilectio Dei, quanta illi cognitioni plene perfecteque debetur, jam culpae deputandum est. Aliud est enim, totam nondum assequi charitatem, aliud, nullam sequi cupiditatem.* (Pag. 163.)

Quamobrem debet homo, quamvis longe minus amet

Deum,

Deum, quam eum potest amare conspectum, nihil tamen appetere illicitum; sicut etiam in his, quae adjacent sensibus corporis, potest oculus nullis tenebris delectari, quamvis non possit in fulgentissima luce defigi. Quae apud S. antistitem legantur: dignissima enim sunt observatu,

Quod 3. obijcitur, optimas etiam justorum actiones non vacare motui aliquo malae concupiscentiae, ac proinde peccati non esse expertes, nae, id falsum est: ut nihil nunc dicam, quatenam sit illa concupiscentia, quae praecepto illo, Non concupisces, juxta tenorem foederis evangelici intellecto, ut peccatum vetatur, quia de re supra dictum; & videatur vellocus Augustini jam proxime citatus; nimisque audax & hyperbolica est illa Davenantii, viri alioqui perdocti, assertio de Justitia act. cap. 34. pag. 427. Qui in bonis suis actionibus (omnibus,) hanc peccati (concupiscentiae scilicet, quam malum quinquies appellat) adhaesionem non sentit, illum ego nunquam vel unam actionem bonam edidisse sentio. Quam sententiam ipse Ambrosius, quem eoque loco citat ad illam probandam, manifestissime refellit, lib. de Fuga seculi cap. 1. inqviens; Frequenter irrepit terrenarum illecebrarum cupiditarum, & vanitarum effusio mentem occupat, ut, quod studeas vitare, hoc cogites animoque volvas. Quod cavere, difficile est homini, (scil. semper vel diu) exuere autem (scil. omnino,) impossibile. Fideles hoc quidem semper agere debent, ut carni in insidiis semper positae, & ad rebellionem natura sua pronae, aditus omnes obstruant, (ut recte

recte Remonstr. in nupera Apol. cap. II. pag. 128. 129.) ne ad reluctandum incitetur, quod sine perpetua & sollicita cura fieri non potest; *sed in omni opere, etiam hominis sanctissimi, carnem actu reluctari, vel concupiscere adversus spiritum, falsum est.* Natura enim habitus, (gratiae scilicet) id redarguit. Et habitus proprium est, efficere, ut voluntas actiones, quae antea ei molestae & graves erant, facile & libenter velit faciatque. Nec apost. ad Galat. 5. 17. affirmat, (ut vulgo rigidiores putant) carnem actu semper in regentis adversus spiritum concupiscere, sed tantum carnis eam esse naturam, ut, quando concupiscit, adversus spiritum concupiscat; contra vero, spiritus eam esse naturam, ut non concupiscat, nisi quod carni contrarium est, ut Remonstrantes loco citato vere ex parte affirmant. Immo ipsa apostoli verba hoc manifeste probant: Pag. 164.) *Caro, inquit, concupiscit adversus spiritum, spiritus autem adversus carnem: haec autem inter se sunt opposita, ut non, quaecunque vultis, ea faciatis: Non enim* (ut recte Staplet. de Justif. lib. 6. cap. 20. circa finem) *dicit apostolus, nos nulla prorsus facere, quae volumus, sed non omnia facere, quae volumus. Hoc enim non est facere, quaecunque volumus facere. Quia videlicet interdum etiam, quod nolumus, id facimus, scil. concupiscimus.* Damus ergo libenter, carnem seu carnis concupiscentiam saepe in regentis adversus spiritum moveri, in quibusdam saepius, in aliis vero minus saepe, pro majori vel minori in gratia profectu; sed sem-

254 . . . *An bona iustorum opera sint peccata.*

semper & necessario in omnibus etiam obluetari spiritui negamus. Quaedam enim ab iis saltem, quos scripturae *adultos*, & (comparate, ratione imperfectiorum) *perfectos* vocant, absque omni lucta & animi aegritudine, immo cum magna laetitia fieri, negari non potest. Reclamat enim scriptura compluribus in locis; reclamat etiam ipsa multorum fidelium experientia assertioni contrariae.

Sententia haec rigida multis etiam doctissimis Protestantibus aliisque viris moderatissimis semper improbata fuit. Zwinglius in Expositione fidei tom. 2. fol. 558. ait: *Ex nostris quidam* (Lutherum aliosque nonnullos cum illo sentientes intelligit) *παράδοξος* *asseruerunt, omne opus nostrum esse abominationem.* Jacobus Covetus, verbi minister in ecclesia gallica Basil. in Apol. de Justif. contra A. Lescaum, ejusdem ecclesiae seniore, (lege, lector, narrationem brevem litis hujus ortae Basileae anno 1590. impressam Paris. anno 1597. in qua certe miser hic homo miserrime, ut quod res est dicam, ab adversariis suis habitus fuit) pag. 78. *Intereatamen, ex quorundam bonorum virorum consilio, jam mihi est admonendus lector, nobis nunquam in mentem venisse, ea sententia, quae extat Es. 64. v. 6, abuti adversus bona opera, in qua dicuntur omnes justitiae nostrae similes esse sordidissimo panno, quasi id, quod bonum est in bonis nostris operibus, & a Spiritu sancto proficiscitur, vellemus pro re sordida & immunda haberi. Quod si quis superbia inflatus, sua opera Deo offerre velit, quasi* *legi*

legi & justitiae ejus satisfaciencia, ut scil. illorum merito coram ipsius tribunali justificetur, futurum, ut Deus illa in exquisitissimo justitiae suae speculo considerata, non puriora esse judicet, quam est pannus menstruatae. Nec dicimus simpliciter, bona nostra opera coram Deo consistere non posse, immo speramus fore, ut propter ejus misericordiam subsistant. (Pag. 165.)

Multa hic aliena & impotentia admisceri vides, lector, negari non tamen posse, quin bona opera nostra, juxta legem Dei, τῇ ἐπιχειρᾷ temperatam, Deo grata sint, atque in extremo judicii coram throno gratiae consistere possint.

Arminius in Articulis perpendendis tit. de Operibus bonis fidelium: i. *An de bonis operibus fidelium vere dicatur, immunda esse instar panni menstruatae, eisque competat dictum illud Esa. 64. 6. vel io. Omnes justitiae nostrae sunt, sicut pannus menstruatae? 2. Quo sensu recte dicatur, fideles in quovis opere bono peccare mortaliter: In cap. 7. ad Rom. p. 11. Reginitus, non quae carni & concupiscentiae adlubescunt, sed quae Deo grata sunt, facit. Non semper tamen citra interruptionem; impingit enim aliquando, labitur, aberrat, peccat, sed subinde & plerumque. Et pag. 90. Inspiciantur interpretes nostri, Calvinus, Musculus, Gualterus, &c. & constabit, totum istum locum Esa. 64. v. 6. etiam quod ad antecedentia, male a multis citari ad probandum, quod volunt. Remonstrantes in Considerationibus circa Confess. belgic. in art. 24. Vbi locum scriptura doceat, non posse a nobis praestari bona*

296 *An bona iustorum opera sint peccata.* p.166.

bona opera, quae non sint carne inquinata & poena digna? *An non distingvendum sit inter imperfectionem & iniquationem? An tituli, quibus sancti eorumque opera insigniuntur, in scripturis cum hisce iniquationibus rite conveniant? An ergo fideles in quolibet opere mortaliter peccent? Vide scripta historica Remonstr. pag. 95. Et in Consider. in cateches. heidelberg. ad Esa. 64. Resp. 62. An opera regnitorum, quamvis ex ea fidei & charitatis mensura non fiunt. quae ab ipsis jure exigii posset, peccatis inquinata esse merito dici queant? Cum in scripturis passim opera bona insignibus elogiis ornentur. Annon responsionis verba respicere videantur ad locum Esa. 64. & an is ad rem hanc faciat? pag. 113. Et rursus pag. 126. Quo scripturae loco probabitur, praestantissima nostra opera esse peccatis inquinata? Et num locus ex Esa. 64. citatus ad marginem catechismi, id citra contradictionem doctorum ecclesiasticorum evincat? Quaeri etiam posset, quandoquidem Abrahamus ad mandatum Dei, immolando filium, praestitit obedientiae opus, peccato illud opus fuerit inquinatum? (Pag. 166.) Et rursus pag. 131. eadem legere est: Annon locus Esa. 64. de panno menstruato, inepte ad supra dicti probationem adferatur, quippe cum vel ad justitias legales, vel irregnitorum, vel peccata populi, a doctoribus reformatis communiter accommodetur; immo ipse Calvinus & Marloratus suis ad eum commentariis quasi ex professo hunc sensum impugnent?*

Jo. Corvinus in Antimolinaco cap. 32. pag. 520. sic Molinaeum alloquitur: *Ipse statuit, non tantum ethnica-*

ethnorum, sed etiam regentium opera peccatis mortalibus inquinata esse, quæ defectus suos habere nos etiam non negamus. Gerard. Jo. Vossius Hist. pelag. lib. 5. parte 1. fufe ex Patribus contra Pelagium differens de imperfectione sanctorum in hac vita, sese intra terminos a Patribus positos semper continet, neminem scil. per gratiae vires tota vita, aut etiam longo ejus tempore peccatum omne evitare neque illos unquam egreditur. Vorstius in Scholiis alexicacis contra Sibrandum pag. 180. *Addit, omnia, etiam sanctissimorum, opera multis peccatis contaminata esse; idque probare niteris locis illis Esa. 64. 6. Dan. 9. 18. Sed, praeterquam quod nimis hyperbolice loqueris, etiam probatio neutra quidquam valet. Nam prior locus &c. Et rursus pag. 182. Multa hic aliena & impertinentia accumulas; ut fidem semper inquinatam esse in hoc seculo ostendas. Non enim sequitur, quia cognitio quaedam hic imperfecta est, ideo fiduciam quoque obsequiosam, (quæ certe notitiam rerum necessariarum prae-exigit) peccatis semper contaminatam esse; cum neque omnis imperfectio peccatum sit, neque omnis cognitio ad essentiam fidei salvificae requiratur. Multo minus sequitur, quia sancti quoque interdum labuntur, & quia ipsi Apostoli aliquando (ante Spiritum sanctum acceptum) modicae fidei fuerunt, ideo & illorum fidem perpetuo inquinatam esse, & istos in fide semper debiles fuisse, & quidem necessario.*

Autor epistolae, praefixae dissertationi Arminii in 7. ad Rom. *Hic locus, ait, Es. 64. allegatur perpetuo, ac si*

R

sensus

sensus illius inferret, excellentissima quaeque praestantissimorum Christianorum opera; ac proinde etiam ardentissimas preces in nomine Christi, fusas, elemosynas ex animo vere & intime misericordia commoto praestitas, denique & martyrum propter Christum, ad sanguinis fusionem usque obitum, esse ut pannum mensoratum, h. e. foeda. Pag. 167.) Autor tractatus de Justif. qui extat in fine opusculi Castellionis pag. 42. Sic isti (rigidiores scil. contra quos disputat) omnem hominis justitiam in hac vita imperfectam & porro vitiosam esse tradunt, quia vel ipsa fieri major possit, vel alia major inveniantur. Hanc ob causam nullam cuiusquam in hac vita justitiam dignam esse, quae in Dei iudicio justitiae nomen obtineat. Hanc sententiam ego dico esse plus quam stoicam. Consule autorem ipsum, qui in perfectione nostrae justitiae in hac vita asserenda modum videtur excedere, ut supra monui. Anonymus ille scriptor, (de quo p. 161.) adversus quem Beza Apologiam pro Justif. scripsit, multis argumentis contendit, optima reparatorum opera non esse impura & malo admixta. Bezae certe responsiones minus solidae sunt, nec satisfaciunt argumentis oppositis.

R. Montacutius contra quendam rom. partis controversi. breviorum, art. 17. pag. 122. Nemo, inquit, reatorum per ordinariam gratiae mensuram unquam vel observavit, vel etiam observare potest omnia Dei mandata, in omnibus & singulis, & omni tempore. Aliquando potest, in quibusdam particularibus, vel forte in omnibus partibus aliquo tempore

tempore, vel in aliquibus omni tempore. Archiep. spalat. de Rep. eccles. lib. 7. cap. II. n. 255. Bonum opus ab homine ex charitate & divina gratia factum, etiamsi vix possit adeo perfectum esse, quin illi aliquid desit integritatis & summae puritatis, in suo genere tamen potest esse ita bonum, ut Deo gratum sit & acceptum. Talis fuit strages, quam Phinees exercuit, Deo acceptissima. Tale templum a Salomone extructum, Deo gratissimum. Talis Apostolorum praedicatio, & innumerae humanae bonae actiones propter Deum factae, in scriptura laudatissimae. In multis quidem offendimus omnes, Jac. 3. 2. Ergo non in omnibus. Ergo multa adhuc sunt vere bona opera & Deo placentia. Afferere ergo, omnia nostra opera esse peccata mortalia, meas plurimum laedit aures. (Pag. 168.) Non negarim tamen, saepissime, non tamen semper, &c. Verba supra habes p. 158. Legatur totus hic numerus apud autorem ipsum, in quo, ut in plerisque aliis hodie controversis dogmatis, magnum concordiae inter partes procurandae studium ostendit. Erasmus tom. 9. de Lib. arbitr. contra Lutherum pag. 1020. Quum audio, adeo nullum esse hominis meritum, ut omnia, quamvis piorum hominum, opera peccata sint, hyperbole est, Lutheri scil. Quomodo toties legis, sanctos plenos operibus bonis fecisse iustitiam, ambulasse rectos coram Deo, non declinasse ad dextram, nec ad sinistram, si quicquid agunt etiam ex imie pii, peccatum est, & tale peccatum, ut ni subveniret Dei misericordia, demersurus esset in tartarum cum, pro quo mortuus est Christus? -

Verum, ut concludamus, nulli quidem *justorum* de ullo opere bono nimium gloriandum est, quasi rigidissimum Dei iudicium sustinere possit: sufficit, iudicium Dei gratia & misericordia propter Christum temperatum sustinere posse; neque tamen, quod alterum extremum est pariter nobis vitandum, gratiae Christi adeo sumus ingrati, & injurii, ut inficias eamus, per illius vires quicquam omnino hic a nobis praestari posse, quod non sit peccato aliquo modo inquinatum. Medium tenuere beati.

CAPUT VI.

Quo paucis, an bona opera, justificent, & de loco famoso ac celebri Jacob. 2. 24. h. primis differitur.

Perperam a Protestantibus rigidioribus rejicitur distinctio usitatissima *justificationis in primam & secundam*. Nam, ut de justificatione prima, quae in omnium praecedentium peccatorum remissione, & gratiae sanctificantis donatione posita est, nihil nunc dicamus, cum de ea sacrae literae passim loquantur, & nos satis superque lib. 2. dixerimus, necessatio etiam agnoscenda & admittenda est justificatio secunda, quae consistit in progressu, augmento, & complemento (pro statu viae) justitiae primum donatae, & in remissione eorum delictorum, in quae quotidie justii incidunt. Pag. 169) De hac loquuntur scripturae Apoc. 22. 11. *Qui justus*

Justus est, justificetur adhuc. Jacob. 2. 21. ubi dicitur *Abrahamus justificatus ex oblatione filii*, cum tamen diu antea justificatus fuisset; & plurimis aliis in locis, de quibus videantur controversiarum tractatores. De Patrum sententia hac in re quis dubitet? Rigidioribus enim Protestantibus ultimus hic progressus videtur, quam par sit: sed falso, ut paulo post dicemus. Ratio etiam idem non modo svadet, sed & fateri cogit. Cum enim justificatio homini, coram deo, secundum communem omnium, & Protestantium, sententiam, sit remissio peccatorum, & hominis in Dei gratiam acceptatio propter Christum; certe quanto magis homines in fide viva illiusque operibus crescunt & proficiunt, tanto magis coram Deo iusti, illique grati & accepti, ejusque, ut scriptura loquitur, amici sunt, & quotidianorum delictorum veniam facilius hic consequuntur, atque etiam majorem in seculo futuro, ex immensa Dei benignitate, mercedem accipient. Nimis igitur absurda est illorum rigidorum Protestantium sententia, qui non tantum cum caeteris rigidis justificationis ratione formali inhaerentem in nobis justitiae habitum, & emanantem ex eo operum justitiam omnino excludunt, sed etiam Deum omnia peccata praeterita & futura simul & semel remittere in justificatione nostri, asserunt.

Justificatio certe actus est continuus, qui est & durat, quamdiu vivae fidei actus durant; interrumpitur vero semper & toties, quoties illi cessant, christianae pietatis officio contrarium postulante.

te. Et quod, sicut quotidiana est offensio, ita quoque remissio quotidiana sit, ut loquitur apud August. tom. 4. auctor libri de Vera & falsa poenitentia cap. 5. disertè docet Calvinus ipse Instit. lib. 1. cap. 14. sect. 10. 11. 12. lib. 9. cap. 1. sect. 21. 22. 23. Bucerus in Defensione reformationis cap. 13. pag. 85. 86. Vrsin. in Catech. palatin. ad petitionem orat. dom. *Remitte nobis debita nostra*, qv. 3. *Cur petenda sit nobis peccatorum remissio?* Pareus de Amissione gratiae lib. 1. cap. 7. pag. 73. 74. Zanch. in epist. ad Dav. Chaillettum p. 85. impress. hanov A. 1609. G. Dounamus de Foedere gratiae c. 8. pag. 109. 110. Pag. 170.) R. Abbotus contra Thomsoni diatribam cap. 24. pag. 211. Gerar. Jo. Vossius disp. 2. de Sacramentorum vi & efficacia, n. 44. *Justificatio & sanctificatio sunt actus quidem perpetui, in quo & Deus semper donat, & homo semper accipit.* Synopsis pur. theol. disp. 33. de Justificatione hominis th. 4. Jacksonus de Fide justificante. sect. 2. cap. 8. pag. 256. edit. 2. Perkinsius in Exposit. orat. dom. *Dimitte nobis debita nostra.*

De secunda justificatione paulo rectius, quam alii sentiunt & loquuntur, sequentes autores, R. Fieldus lib. 3. de Ecclesia in append. cap. 11. de Justif. pag. 298. *Affirmat Stapletonus, (lib. 6. de Justif. c. 8.) ex sententia Protestantium, nec operationem virtutum, aut obedientiam mandatorum ad secundam justificationem sive ad augmentum, cursum, & processum, & perfectionem justitiae aliquid valere, Sed calumnia est: illi enim justificationem secundam*

cundam statuunt duabus constare partibus, quotidiano scil. in bene agendo progressu, quo iustitia inhaerens magis magisque perficitur, & quotidiana remissione vitiosorum defectuum, qui in actionibus nostris inveniuntur. Idem repetit eod. cap. pag.

312. Montacutius contra nuperum controversiarum breviatorem, art. 18. pag. 142. qui tamen saepe sibi non constat. Vorst. in Schol. alexic. pag. 214. justificationis augmentum & complementum contra Sibrandum pluribus urget.

Quid, inquit, justificatio hominis coram Deo aliunde est, quam receptio illius in hujus gratiam & amicitiam?

Quanto igitur magis haec, tanto magis & illa proficere acque augeri indies potest, ac solet. Augescit autem haec pro augmento fidei; ergo & illa. Fides denique augescit cum operibus, & ex operibus perficitur, ut ante ex apostolo audivimus. Ergo quo magis opera bona crescant, & proficiunt, eo magis ipsa justificatio in hominis animo, immo & coram Deo, perficitur.

Quod ad locum Jac. 2. 24. unde clarissime probatur justificatio ex operibus fidelium prima tum secunda, ut paulo post dicemus, respondent multi Protestantes, justificationem apud Jacobum necessario intelligendam esse de ostensione iustitiae apud homines, non de vera justificatione coram Deo, ne scilicet Jacobus Paulo directe contradicere videatur. (Pag. 171.)

Id autem falsum est, ut ex tota serie contextus apostolici manifeste patet: 1. enim quaerit apostolus in disputationis principio v. 14. *Quae utilitas, si fidem dicat aliquis habere se, opera vero non habeat? num potest fides illa*

R 4

cum

eum servare? De ipsa salvatione, qua coram Deo homo vere servatur, & non de ejusdem tantum ostensione, quis ambigit, *servandi* verbum hic accipiendum esse? Neque igitur aliter verbum justificandi postea in eadem disputatione aliquoties usurpatum intelligi debet aut potest, quam de ipsa coram Deo justificatione: secus enim apostoli disputatio secum ipsa convenire non posset.

2. Quae versu 15, 16, 17, 20, & 26. loquitur apostolus *de inutilitate charitatis tantum verbalis, & de fide absque operibus mortua, & de corpore mortuo sine spiritu*: clarissime demonstrant, apostolum hoc unum agere, ut fidem sine operibus, sive fidem mortuam, ad justificandum & servandum coram Deo, prorsus inutilem & inefficacem esse doceat.

3. Quod versu 21. 22. loquitur apostolus *de justificatione Abrahami ex operibus*, non esse accipiendum de sola justitiae apud homines declaratione, sed de ipsa coram Deo justificatione, evidenter probatur ex versu 23. ubi apostolus expresse affirmat, impletam esse scripturam, quae affirmat, *fidem* (vivam & operosam scilicet) *ipsi ad justitiam imputatam fuisse, & ipsum amicum Dei vocatum*, vel pro amico a Deo habitum fuisse per illam justificationem. Neque aliter intelligi potest alterum etiam, quod ad propositum confirmandum affertur, exemplum vers. 25. de *justificatione Rahab ex operibus*.

4. Quod versu 24. dicitur, *videtis igitur, ex operibus justificari hominem, & non ex fide tantum*, de declaratione justitiae apud homines intelligi non potest, nisi dicamus, declarationem illam

illam fieri non tantum per opera, sed etiam per ipsam fidem; quod fieri non posset, cum nemo alterius fidem, utpote in corde absconditam, videre possit, in se scilicet & per se: per opera tantum eam licet videre aliquo modo, (ut recte Piscator in locum) non infallibiliter quidem, ut scilicet viva & efficax est, sed probabiliter tantum. Vnde versu 18. dicitur: *Ostende mihi fidem tuam ex operibus tuis.*

(Pag. 172.) Veteres semper intellexerunt locum hunc de vera justificatione coram Deo, ut saepe ante diximus, & paulo infra plenius dicemus. Protestantes etiam permulti idem censuerunt. Vide Bullinger. in locum. Piscator, alioqui rigidissimus, in Analyfi capitis vers. 21. *Non est necesse, inquit, ut dicamus, justificari hic idem esse, quod justificatum esse declarari apud homines. Etenim Jacobum loqui de justificatione Abrahae coram Deo, planum est tum ex quaestione proposita, quam exemplo Abrahae confirmat, tum ex loco illo Genes. 15. quem de justif. Abrahae citat; is enim locus citra controversiam intelligendus est de justificatione coram Deo, ut liquet ex epist. ad Rom. Vide eund. etiam ad vers. 24. Pareus post sententiam de homonymia in verbo justificandi apud Jacobum, pro justificationis scilicet ostensionis coram hominibus, diu & acriter defensionem in Comment. ad Rom. 3. dub. 9. & contra Bellarm. hoc l. cap. 18. in Commentario tamen, quem paulo ante mortem anno 1621. in epist. b. Jacobi evulgavit, hujus sententiae infirmitatem clare vidit. In praefatione*

enim ad Piscatorem ita inquit: *Ad conciliandam apparentem Pauli & Jacobi ἀντιλογίαν, tam ipsi (Romanensibus) quam nobis sufficiet ostensio aequivocationis in voce fidei, & neque nobis, neque ipsis necesse erit, ὁμωθυμίας in verbo justificandi ulterius argere.* Et in Comment. ad vers. 21. cap. 2. *Paulus negat hominem operibus justificari, h. e. a peccatis coram Deo. Jacobus affirmat, hominem operibus justificari, hoc est, justum declarari coram mundo. Haec conciliatio etiam sustineri potest (vide, lector aequae, quam frigide nunc loquatur) prout in Comm. nostro ad Rom. cap. 3. dub. 9: & ab interpretibus aliis saepe offensum est. Est vero etiam, inquit, alia conciliationis ratio, ex textu evidens & solida. Priorem igitur sententiam nec evidentem, nec solidam esse, satis perspexit. Ita secundae curae sapientiores esse solent. Remonstrantes in Apologia cap. 10. pag. 113. *Nec evadunt hunc ictum censores, quando locum hunc Jacobi cap. 2. 24. pro more suo, de declaratione justificationis intelligendum esse dicunt. Nam praeter multa alia, ipsa verba, quibus negatur, hominem ex fide tantum justificari, id perperam dici evincunt.* Pag. 173.) *Quis enim adeo vecors fuit isto seculo, qui cum apostolo contendere voluerit, an homo justificetur i. e. declaratur justus ex fide tantum? Fides enim, quatenus fiducia est, & distincta ab operibus pietatis, non est nisi in corde hominis.* Vorstius in Schol. alexicac. pag. 253. & aliquot seq. & pag. 271. 272. fuse hac de re contra Sibrandum disserit. Jacksonus de Fide justificante sect. 2. cap. 6. n. 1. pag. 209, 210. edit. primae,*

primae, hanc prolixè sententiam improbat & refellit. Downamus Theol. pag. 508. Guil. Pemblius in tract. de Justificatione, sect. 6. cap. 1. pag. 191. 192. & sect. 6. cap. 2. pag. 211. Bucerus in Defensione reform. c. 15. p. 89. 90.

Quod 1. permulti Protestantes, ad tollendum hanc apparentem Apostolorum ἀντιλογία, affirmant, secundum Paulum, hominem justificari sola fide, nempe operante per charitatem; secundum Jacobum, hominem non justificari sola fide, sed tantum fide, nempe otiosa & mortua, & inani potius fidei simulacro, quam fide; sic nullam esse ἀντιφασιν, quia de diversa fide loquantur apostoli, nae illud nihil solidi habet. Nulla enim omnino inter Apostolos ἀντιλογία lectori oculato vel videri potest esse. Verissime enim passim b. Paulus docet, hominem fide justificari absque operibus legis, sed nunquam & nusquam excludit a justificatione nostri, opera in fide Christi fundata, & ex ea profecta: ut satis superque lib. 1. probatum dedimus. Intellexit igitur semper, ex fide viva & quatenus viva est, nos justificari. Atque hoc ipsum est, quod b. Jacobus hic, sed Paulo clarius & distinctius affirmat, hominem ex operibus justificari, & non ex fide tantum. Eadem est fides, considerata ratione formali fidei, de qua uterque loquitur apostolus: Sed Paulus habita ratione fidei, ut actu justificat, & servat, fidei nomine & ambitu etiam opera, interna saltem, ex fide orta, & ad justificandum hominem omni-

omnino necessaria, completitur; Jacobus vero distincte & explicite de fide & operibus ex ea natis loquitur, atque sic ait, hominem ex operibus justificari, & non ex fide tantum. Vbi frustra ad evadendum argumenti istum, *particulam* *μόνον* *jungi volunt cum nomine πίστεως* proxime praecedente, quasi dixisset apostolus, *καὶ ἔκ ἐκ πίστεως μόνον*, i. e. inqviunt, *μόνος*, (Pag. 174.) *non ex fide solum, i. e. sola vel solitaria & operibus vacua*; non autem cum verbo *δικαιῶται*, ne scilicet fide simul & operibus nos justificari dicamur. Nam sententia b. apostoli, tota disputationis serie diligenter perpenſa, luce meridiana clarior est: *Videris igitur, quod ex operibus justificatur homo, καὶ ἔκ ἐκ πίστεως μόνον i. e. καὶ ἔκ μόνον ἐκ πίστεως*. Fidem autem, de qua loquitur Jacobus, non esse inanem tantum fidei professionem, aut vanum fidei simulacrum, ut illi volunt, sed veram fidem esse, seu verae fidei essentiam habere, ex eo abunde patet, quod, licet absque operibus *inutilem & mortuam esse* eam dicat Jacobus, i. e. inefficacem ad justificandum & servandum, tamen, si bona adsint opera interna & externa, quando fieri possunt, dilerte dicat, hominem ex ea fide justificari, *eam operibus cooperari, & ex operibus consummari seu perfici, i. e.* non tantum, ut interpretantur, ejus integritatem & sinceritatem apud homines declarari, sed, quando adjuncta habet opera plene, tum demum coram Deo ad justitiam & salutem, ex immensa illius propter Christum mise-

mise-

miseriordia, valere, denique tunc vivam seu vivificam esse, quæ ante non nisi mortua fuit. Haec de inani fidei professione aut fidei umbra, ubi deest vera fides, in genere scilicet fidei, vere enūciari non posse, quis non videt? Sed de vera fidei ratione seu definitione abunde lib. 1. disputatum est. *Opera ipsam fidei essentiam ingredi*, maxime ἀφ' ὧν ἐστιν est, & dictu per absurdum.

Quod 2. quando apostolus vers. 21. 24. 25. justificationem diserte operibus tribuit, multi Protestantes ante nominati affirmant, per opera synecdochice seu per metonymiam effecti intelligi ipsam fidem, opera bona parientem, & illis conspicuam: quam rationem conciliationis Apostolorum Dav. Pareus in Comment. in locum ait ex textu evidentem & solidam esse; inane tantum effugium est. Sic enim apostoli sensus erit, uti illum effert Piscator in locum: *Homo justificatur ex operibus, i. e. ex tali fide, quæ conjuncta sit cum operibus, & non ex fide tantum, i. e. non autem ex fide, quæ operibus caret.* Hunc sensum verborum apostoli, Deus bone, quam insolentem & absurdum, ut tueatur, non veretur taxare hanc apostoli locutionem, ut impropriad: *Quare*, inquit, *hic est impropria locutio: Neque enim sensit Jacobus, fidem & opera, tanquam duas diversas causas concurrere ad effectum justificationis producendum.*

Pag. 175.) Certe, qui hunc scripturæ locum sic interpretantur, scripturam tantum *ἔρεβλεψι*, ut inquit Petrus 2. ep. cap. 3. & detorquent

quent ad dogmata præconcepta mordicus tuenda. *Est dura catachresis*, inquit durissimus & rigidissimus scriptor Sibrandus (Lubbertus) in Comment. ad errores Vorstii pag. 715. hanc Piscatoris aliorumque glossam refellens, *opera per metonymiam effecti ponere pro fide, neque, quod sciam, in scriptura locum habet.* Quum toties hic emphatice & contradistincte *fides* & *opera* ab apostolo nominentur, præsertim vers. 24. ubi dicitur, *hominem ex operibus justificari, non ex fide tantum*; per *opera*, non quæ semper hic intelliguntur & appellantur opera, ut quod *Abrahamus filium obtulit, &c.* sed fidem tantum intelligere, quæ conjuncta sit cum operibus, nullo tamen modo ad justificationem concurrentibus, sed justificationem tantum consequentibus; & per *fidem*, fidei tantum umbram, non autem veram secundum fidei rationem fidem, peregrinum & admirabile est interpretamentum. Et, si hujusmodi in scripturarum interpretatione pro libitu fingantur & admittantur tropi, quid certi in religione nobis relinquetur?

Quod 3. Bellarm. cum permultis aliis Romanensibus, (de quibus vide Suarez. de Gratia lib. 8. cap. 22. n. 13.) ad hos Apostolos conciliandum, affirmat, *Paulum de prima tantum justificatione loqui*, quia homo scil. ex impio fit justus; *Jacobum de secunda*, quia justus efficitur justior: & ideo recte Paulum dicere, *justificari hominem sine operibus*; Jacobum, *justificari ex operibus*, id rejiciunt,

ciunt, & prolixè refellunt multi alii doctissimi Romanenses, ut Gabr. Vasquez in 1. 2. tom. 2. disput. cap. 8. Cornelius a Lapide in cap. 4. ad Rom. vers. 3. *Melius*, inquit, censent alii, tam Paulum, quam Jacobum de utraque justificatione, prima scil. & secunda, loqui. *Primo, quia uterque producit justificationis Abrahae exemplum, hac autem justificatione Abrahae tam de prima quam secunda accipi debet. Secundo, quia Jacobus profert exemplum Rahab, quae impia erat & meretrix. Ergo cum ipse ait, eam adeptam esse justitiam, primam intelligit. Estius in cap. 2. Jacobi vers. 21. Quod aliqui pro conciliatione dicunt, Paulum agere de prima justif. & Jacobum de secunda, parum solide videtur dici: nam & ad primam justificationem opera fidei requiruntur, de quibus loquitur Jacobus: (Pag. 176.) & ad secundam justificationem inutilia sunt opera legis, de quibus Paulus.* Suarez de Gratia, l. c. n. 19. *Multis graves auctores putant, utrumque apostolum loqui de utraque justificatione. Bellarminus ipse, qui contendit, Jacobum loqui de secunda justificatione, affirmat tamen, probabile esse valde, Rahab (cujus exempli meminit Jacobus) usque ad illud tempus, quo suscepit nuncios Josuae, fuisse non solum meretricem, sed etiam infidelem: Sed ab eo tempore credidisse in Deum, & tum primum justificatam.* lib. 4. de Justif. c. 18. sect. ult. Multo rectius Suarez n. 15. *Verissimum est, quando Rahab nuncios suscepit, & alia via ejecit, jam fuisse justificatam a peccatis, & vocari meretricem, quia talis antea fuerat,*

fuerat, & fortasse in populo talis esse credebatur; non quia coram Deo in illo statu, vel peccato, adhuc permaneret. Id ipsum etiam censent multi Protestantess contra alios rigidiores, quorum nomina & testimonia brevitatis causa nunc omitto.

Nulla igitur alia solida Jacobi verba explicandi & cum Paulo conciliandi ratio relinquitur, quam haec, quam supra saepe exposuimus, *Paulum a negotio justificationis excludere tanquam bona opera, quae fidem Christi praecedunt, & ex sola legis cognitione profluunt.* Quandoquidem contra Judaeos illi instituta erat disputatio, qui legem sibi ad justitiam & salutem, sufficere existimabant. *Jacobum vero de operibus loqui fidem consequentibus, & ex illa natis, atque ab ea directis; sine quibus utrique (ut recte Estius in locum) fides inutilis est.* Ex hujusmodi igitur operibus, inquit ille, homo justificatur, tum quia per ea, tanquam per actualem justitiam, est & declaratur homo vere justus, eoque nomine Deo gratus, tum quia per ea necesse est justitiam conservari; denique quia per opera augetur, roboratur & perficitur justitia. Sic cum Paulo Jacobum conciliat multis locis S. Augustinus, ut in libro de Fide & operibus cap. 14. de Praedestinatione Sanctorum cap. 7. in Praefatione enarrationis in Ps. 31. Atque hunc etiam concordiae modum (inquit Suárez loco cit. n. 21.) indicat Anselmus ad Rom. 4. & Thom. eundem breviter insinuavit 1. 2. q. 5. art. 7. ad 3. aliiqve

aliique, etiam multi Romanenses. De quo videntur ipsi in locis a Suarez aliisque signatis. Pag. 177.) Hoc tamen certissimum est, quod sicut fides in toto justificationis nostrae negotio sine operibus ad justificandum inutilis est, ita etiam opera sine fide: *fidei tamen partes potiores semper sunt, utpote dirigentis & operantis*, ut loquitur Estius ad vers. 22. Certissimum etiam est, quod opera nostra, ex fide etiam profecta, nullo modo proprie, seu ex condigno, ut loquuntur Romanenses, *justitiae sive gratiae justificantis incrementum, nedum aeternam gloriam mereantur*, ut lib. seq. cum Deo fusius demonstrabimus. Atque hic hujus libri finis esto.

Episcopi Ecclesiae anglicanae in Catholica Institutione, edita tempore Henrici VIII. de Justificatione.

Bona opera, quae a justificatis fide viva efficiuntur, valent ea quidem, tum ad fidei & charitatis incrementum in nobis, tum ad justificationis nostrae augmentum & conservationem, ac denique aeternae salutis adeptionem.

Enchirid. colon. de Justificatione.

De hisce spiritus & fidei operibus, tum quae in poenitentia per operationem gratiae praevenientis justificationem praecedunt, tum quae in ipsa justificatione

S sione

274 *Demerito bonorum operum*, p. 178. 179.
 zione peraguntur, cum quae justificationem
 quuntur, proprie dixit apostolus Jacobus: Videtis,
 quoniam ex operibus justificatur homo, & non
 ex fide tantum. Jam si forsan in dubium vocas
 quomodo haec opera, quae fides per charitatem post
 justificationem operatur, justificationem sequi dica-
 mus, & tamen eisdem hominem justificari cum Ja-
 cobo pronunciemus? respondemus, hominem non
 justificari ad eum modum, (Pag. 178.) ut semel
 veluti in momento justificatus, alia justificatione
 a modo non indigeat: quin immo qui justificatus
 est per gratuitam remissionem peccatorum, & im-
 partitionem Spiritus, dehinc continua & perpetua
 justificationis autione indiget, donec hoc corpore
 exutus, in aeterna vita glorificetur.



(Pag. 179.)

Ad librum quintum Bellarmini *de Justificatione,*

In quo de Meritis operum agitur,

CAPUT I.

*Sintne opera bona iustorum vere ac pro-
 prie meritoria salutis aeternae.*

Ruſtra inter partes contenditur, an
 meriti vox ulpiam in ſcripturis in-
 veniatur, atq; etiam in eccleſia, hoc
 praefertim ſeculo, ferenda ſit, &
 non potius in totum damnanda.

Lati-

Latīnum *meriti* vocabulum in fontibus ; ut conitā; legi non potest , licet extet apud veterem interpretem Ecclesiastici, qvī liber extra canonem scripturae positus est , cap. 16. 13. ubi pro κατὰ τὰ ἔργα αὐτοῦ, reddidit ille, non quidem ad verbum, sed tamen juxta communiter receptum tunc temporis in ecclesia loqvendi morem, secundam meritum operum suorum. Et ad Hebr. 12. 16. ubi apostolus ait, talibus hostiis εὐαγεῖς ἐν τῷ Θεῷ, placatur vel conciliatur Deus, ut aliqui vertunt, vel, ut alii potius, delectatur Deus, placetur Deo, reddidit ille, Deus promeretur; passive, etiam parum latine, ut inquit Estius in locum, usurpato merendi verbo. Primasius tamen, B. Augustini qvondam discipulus, in hunc locum similiter legit, promeretur Deus. (Pag. 180.)

Frequenter tamen legitur in scripturis nomen dignitatis sive ἀξίον & ἀξιοῦμαι & κατὰξιοῦμαι, ut Luc. 20. 35. 2. Thess. 1. 5. Apoc. 3. 4. Et apud graecos Patres, ἀξία τῶν ἔργων, qvibus verbis nihil fere aliud Graeci designare solent, qvam veteres Patres latini vocabulis *meriti* & *merendi*. Dico, nihil fere aliud : qvia meriti vocabulo proprie nullum vocabulum respondet apud Graecos, ut nec apud Hebraeos.

Passim autem in Patrum latinorum, etiam antiquissimorum, & purissimorum seculorum, scriptis haec vocabula *meriti* & *merendi* legi, quis ignorat? Sed qvo sensu, explicet vir doctissimus & moderatissimus, G. Cassander, in Hy-

mnis ecclesiasticis, ubi ad hymni, *Nocte surgentes*, haec verba, ut *Cum suis sanctis mereamur aulam Ingressi cæli simul & beatam Ducere vitam*; sic conmentatur: *Vocabulum merendi, apud veteres ecclesiasticos scriptores, fere idem valet, quod consequi, seu aptum idoneumque fieri ad consequendum. Id quod inter caetera vel ex uno Cypriani loco apparet. Nam quod Paulus inquit 1. Tim. 1. 13. ἀλλά & ἡλέησεν, quod vulgo legitur, misericordiam consecutus sum, vel, ut Erasmus vertit, adeptus sum; id Cyprianus ad Iubajanum ep. 73. legit, misericordiam merui. Et multa loca sunt in ecclesiasticis officiis & precibus, ubi hoc vocabulum hoc intellectu accipi debet. Quæ vocis notio si retineatur, multa, quæ durius dici videntur, mitiora & commodiora apparebunt. p. 179. Adde p. 263. Quæ verba more suo, h. e. plane tyrannico, expungi iusserunt hispanici censores. Sed hac de re plenius paulo infra dicemus.*

Hoc antiquo sensu plurimi doctissimi Profectantes meriti & merendi vocabula nunquam damnarunt, quin immo ipsi etiam usurparunt, licet quibusdam rigidioribus, ut nimis fastidiosa & scandalosa, omnino improbentur, & fugienda, hodie præsertim, censeantur. Apologia confessionis augustanae artic. 20. confitente ipso Bellarm. habet: Concedimus, opera vere esse meritoria, non remissionis peccatorum aut justificationis, sed sunt meritoria aliorum præmiorum, corporali-um & spiritualium, quæ redduntur tum in hac vita, tum post hanc vitam. Et paulo infra: Cum igitur

igitur opera sint quaedam impletio legis, recte dicuntur meritoria, recte dicitur eis deberi merces. Intel-
ligunt autem semper, ex Dei immensa benigni-
tate mereri. (Pag. 181.) Vid. Confess. Württen-
berg. cap. de Bonis operibus. Chemnitius
Examinis parte prima de Bonis operibus, quæst.
4. ait: *Et in hanc sententiam nostri etiam a vocabulo
meriti non abhorrent; sicut etiam Patribus usitatum
fuit.* In Actis colloqvii altenburg theologi ele-
ctorales pag. 110. & pag. 265. *Hoc sensu Eccle-
siae, quoque nostrae a meriti vocabulo, Patribus usi-
tato, non abhorrent; nec tamen ea propterea quic-
quam patrocinantur pontificio dogmati de merito.*
Bucerus in Actis colloqvii ratisb. A. 1546. pag.
597. *Si sancti Patres aut alii per mereri intelligunt
facere, ex fide gratia Dei bona opera, quibus Deus
mercedem promissit & rependet, & si per merita in-
telligunt facta ex fide Christi bona opera, quibus
Deus mercedem pollicitus est, & fatentur simul, ea
opera per se, ut bona sunt, h. e. ut facta ex gratia,
nullam tamen omnino mercedem a Deo mereri posse
ex condigno, (quo scilicet significatur & S. Patres bo-
na sanctorum opera merita vocarunt) cum his nos,
de nomine, dum de re conveniat, nihil contendemus.*
*Nec etiam, si quis talia opera velit vocare merito-
ria.* Nota obiter, lector, manifestam a Bellar-
mino lib. hoc. 5. cap. 1. sect. Porro, injuriam fieri
Bucero, quando asserit, hunc negare scriptu-
ram vel Patres nomine meriti usos esse; addere
tamen, si forte Patres hoc nomine usi sint, du-
ram esse in ea voce catachresin. Bucerus enim

pag. 590. & 591. &c. ingenuè agnoscit, in Patrum scriptis passim usurpari voces *mereri* & *merita*; sed bona sanctorum opera *meritoria* negat apud Patres appellari, *quod æquidem legisse*, inquit, *me memini*. Et si apud aliquem attributa bonis operibus hæc appellatio, scilicet *meritorii*, reperiatur, eo durior est illa catachresis. G. J. Vossius in Thesi. theol. de Bonorum operum meritis, haud procul a principio: Nos *merendi* vocabulum non in totum quidem damnare ausi sumus, ut quo tum veterum plurimi utantur, tum Ecclesiae reformatæ usæ sint in Confessionibus suis, augustana dico & wirttembergensi. Subdit autem continuo, in gratiam rigidorum, hæc: *Nihilominus potius cum scripturis loquendum putamus, præsertim cum meriti vox ambigua sit, ac nostro imprimis sæculo superbiae nomine periculosa.* Pag. 182.) Similiter & Davenantius in disput. de Justitia operum cap. 53. pag. 569. *Non igitur cum Patribus, neque cum sanctis Pontificiis licet ulla nobis erit de nudo meriti vocabulo, (quanquam multo melius & tutius est ab hoc verbo abstinere) sed contra, &c.* Item R. Hookerus Eccles. politiae lib. 5. sect. 72. pag. 391. & Gul. Covellus in Defens. Hookeri art. 6. de Fide & operibus p. 43. 44. Recte & prudenter Cassander consult. art. 6. de Bonis operibus fidelium: *Quo sensu, ait, hoc vocabulo meriti & merendi usi sint Patres, obscurum non est; nempe ut per illud gratiæ Dei, ex qua merita omnia oriuntur, nil detrahatur. Quare nihil est, cur aut Ecclesiastici ab hac*

haeloquendi formula & sententia in ecclesia jam olim usitata discedant, aut Protestantes eam tam odiose repudient & condemnent. Vide Erasmi de Amabilie ecclesiae concordia pag. 104.

Sed missa disputatione de nomine *meriti*, ut de re ipsa dicamus, sciendum est, quod* errent plurimi Romanenses, qui bona iustorum opera vere proprieque, i. e. non ex promissione solum, sed etiam iustitiae debito propter aliquam, ut affirmant, operum & mercedis proportionem & aequalitatem, sive, ut verbo dicam, *ex condigno* vitae aeternae meritoria esse contendunt. Distinguit quidem Bellarm. inter quaestionem hanc, *sintne bona opera iustorum vere ac proprie vitae aeternae meritoria?* in quo Catholicos omnes contra sectarios omnes convenire ait, cap. 1. & quam quaestionem tractat primis sex libri capitulis, ut dictum; & inter quaestionem, *an sint meritoria vitae aeternae ex condigno?* quam tractat cap. 16. & seq. sed male, quia meritum proprie dictum in formali sua ratione includit aequalitatem vel condignitatem ad illam mercedem, cujus dicitur esse meritorium, ut recte scribit Daventius de iustitia operum cap. 60. *Veraratio meriti*, inquit Vasquez. in 1. 2. disp. 213. cap. 6. *in eo posita est, ut opus sit dignum gloria, secundum aequalitatem condignitatis.* Sed hac de re pluribus postea dicemus.

* Errant, J. Walenb. t. 2. § 60.

Hunc Romanensium errorem multi doctissimi Protestantes copiose cum ex scripturis tum ex Patribus confutarunt; quos, quia passim obvii

sunt, lector sedulus adeat. Nos proinde eo labore super sedentes, pauca tantum annotabimus, in quibus Protestantes quidam *non satis clare, neque etiam satis solide*, ad argumenta non nulla à Romanensibus ex scriptoris & Patribus opposita respondent, quo solidioribus responsionibus Romanensium oppositionibus plenius satisfiat, & veritas ipsa tanto fortius adstruatur & propugnatur. Pag. 83.

Ad argumentum, quod ducitur ab illis scripturae locis, ubi vita aeterna *merces* nominatur, (vide Bellarm. cap. 2.) Protestantes quidam non sufficienter respondent, *mercedem dñi præsumunt*, quod Deus reddit, *non quia debeatur operibus*, sed quia debetur promissioni. Certe quicquid Deus, vel in hoc seculo vel in futuro, atque hoc maxime, nobis promisit donare, non aliunde primo, quam ab ipsius immensa & impromerita gratia & benignitate, profuxit. Sed cum nec promiserit dare, neque juxta promissum reddat, nisi bene operantibus, (de adultis loquor) vitam aeternam, necesse est in considerationem aliquam veniant, saltem in reipromissae redditione, opera bona, juxta conditionem requisitam praeslita, & rationem aliquam habeant causae suo quodam modo efficientis, & ut Patres loqui solent sensu innoxio, *merentis*, nempe impetrantis; praesertim cum id, quod redditur, toties *mercedis* nomine in scripturis insigniatur. Recte Bucerus in Actis colloquii ratisbon. pag. 517. *Illud ergo solum in hac quaestione*

de

de mercede bonorum operum controversum est inter nos, an sit in iis aliquod meritum ea condignum mercede, quam eis Deus retribuit, & maxime vita aeterna. Et pag. 568. Sanctis bona operantibus reddi vitam aeternam etiam coronae & mercedis nomine & loco, ultro nos semper dedimus. Vere Archiep. (spalat. de Rep. ecclesiast. lib. 7. c. 11. n. 256. Gratia mera est, quod Deus promittat operi nostro mercedem: non enim ulla ratione tenetur. Sed non satis scripturis consentaneae, ac proinde dubitanter ac timide haec subiungit: Et sic non operi nostro, sed suae gratuitae promissioni debetur, & fortasse redditur merces. Concil. arauf. 2. quod adversus gratiae adversarios celebratum fuit, can. 18. Debetur merces bonis operibus, si fiant; sed gratia, quae non debetur, praecedit, ut fiant. Debetur igitur merces etiam operibus, sed propter promissionem primum gratiose factam & conditionem requisitam pro modo nostro, juxta vim gratiae concessae, a nobis praestitam; eatenus saltem, ut obedientia nostra Deo propter Christum probetur. Vide August. serm. 16. de Verbis apostoli.

(Pag. 184.) Respondent alii Protestantes, vitam aeternam mercedem appellari non proprie, quoniam vita aeterna in scriptura vocatur & est proprie haereditas. Vide Bellarm. l. cit. Multo clarius & tutius respondet Vossius in Thes. theolog. de Meritis bonorum operum, thesi 8. Non loquuntur S. literae de mercede, qualis ob dignitatem merito ἀνάλογον, jure mercenario debetur, sed ea, quae non se-

gibus, verum laborantibus, ex vio *Yeria*; ac gratuita promissionis jure confertur. Unde & haereditas alibi nominatur. Nec haereditatis appellatio obflare censenda est; quo minus mercedis nomen mereatur: Si quidem & filio adoptivo, quos morem adoptanti sedulo gesserit, & multa illius causa sit perpeffus, sic haereditas jure venit filiali; utramque ea, ratione operum, quae is praestitit, & ratione afflictionum; quas subiit, merces possit appellari. Unde & Bellarm. ipse loco citato: Datur; Atque, vita aeterna ex promissione laborantibus, quod est mercedis proprium; & non datur nisi filijs, quod est proprium haereditatis; ac proinde utriusque, mercedis scilicet & haereditatis, conditionem habet. Utinam hic substitisset Bellarminus, quando affirmat, dari vitam aeternam ex promissione laborantibus, absque illo odioso additamento, quod alibi cum suorum sodalium plurimis defendit, de intrinseca operum condignitate ad praemium. De mercedis apta & vera appellatione, pax facile inter partes conciliari posset.

Quod Protestantium quidam non ipsam vitam aeternam, sed gradum aliquem gloriae celsiorem se ea, tanquam mercedem, operibus nostris reddi affirmant, utrefert Bellarm. loco cit. sect. 11. haec, quod etiam censet archiep. spat. de Rep. eccles. lib. 7. cap. 11. n. 257. dicens: Vita aeterna ipsa essentialis & gloria donum est mere gratuitum, quod ab aeterno Deus iis, quos in filios adoptavit; non tanquam mercedem, sed tanquam haereditatem praedestinavit; nonnulli quoque Romanenses; (videt

Bel.

Bellarmin. cap. 10. sect. 4. *Primum igitur*) id cum facis literis non satis congruit, quae diserte docent, non tantum gloriae incrementum, sed ipsam etiam gloriam, ut mercedem operibus, bonis reddi, Matth. 19. 29. & cap. 25. 34. 35. Rom. 2. 6. 7. Galat. 6. 7. 8. & Coloss. 3. 24. ubi ipsa haereditas Dei dicitur reddi operibus bonis, & αἰταποδοσις τῆς κληρονομίας, ist est, merces haereditatis appellatur. Adde Jac. 1. 12. Immo Deus ipse Gen. 15. v. 1. *merces nostra* dicitur pag. 185.) Certe opera etiam optima propriae & ex condigno non merentur, i. e. suo valore, non exaequant vel infimum gradum gloriae coelestis, nedum ipsam per se gloriam coelestem ac vitam aeternam; propter gratuitam tamen, Dei promissionem, etiam ipsam vitam aeternam, & non gradus tantum in ea praestantiores, bonis operibus reddi, negari non potest. Vnde & Pareus ad cap. 3. hujus libri pag. 1241. 1242. deserta responsione Apologiae aug. conf. bona opera scilicet esse meritoria praemiorum temporalium & spiritualium, sed non ipsius vitae aeternae, inquit: *Concedamus vero, in praemiis bonorum operum, etiam esse vitam aeternam.* Et Vorstius Antipist. part. 2. p. 125. *Quod ad Confessionistas* (ut vocat Pistorius) attinet, qui non quidem vitam aeternam, sed gradum aliquem eminentiorem in ea nostris operibus nos promereri tradunt, tamen pro iis, duo quaedam facere videntur, unum, quod passim dicitur, mercedem nostram in caelo copiosam futuram, Matth. 5. 12, alterum, quod minus quiddam esse videtur,

detur, gradum aliquem gloriae caelestis promereri, quam ipsam gloriam caelestem; tamen quia neu-
trum satis solidum est ad opinionem istam probandam,
idecirco nos eorum hac in parte hallucinationem non
admodum defendemus.

Quod respondent Protestantes quidam, vi-
tam aeternam non reddi operibus, nisi ut signa sunt
fidei, scripturis ex diametro adversatur, quae
passim diserte docent, praemium caeleste uni-
cuique reddi secundum opera & proportionem
laborum & operum ipsius, & non tantum se-
cundum fidem. Vnde Pareus ad cap. 3. huius
libri p. 12. 42. Nos dicimus, vitam aeternam pro-
mitti operibus, non solum ut sunt signa fidei, sed
etiam ut sunt obedientia filialis, Patri caelesti debita,
sive ut sunt positio conditionis, sub qua Deus filiis hae-
reditatem vitae aeternae donare promittit. Vossius
in Thesibus praedicatis, th. 10. Eos & nimium di-
cere putamus, qui mercedem operibus promissi
sentent, ut causae meritoriae: nec satis dicere iu-
dicamus, qui tantummodo, ut signis fidei, promissio-
nem factam arbitrantur, siquidem multa sunt scriptu-
rae loca, quibus aliud dicitur.

Ad argumentum, quod sumitur ex illis scri-
pturae locis, quibus ratio seu causa, quae vita
aeterna iussis reddatur, ab ipsorum operibus
petitur, ut particulae causales, Quia, Enim, Ideo,
clare demonstrant, respondent quidam Protes-
tantes, (vide etiam Cassandrum, qui in eandem
sententiam propendere videtur epist. 19. ad Job.
Molinaeum, citatis quibusdam Scholasticis, pag.

1109. quorum ex Cassandro testimonia verbatim
 repetit archiep. spal. l. cit. c. ii. n. 259. Vide & n.
 278.) his locis indicari Pag. 186.) non meritum,
 neque causam, sed ordinem tantum, & seriem seu
 viam salutis adipiscendae. Sed id infirmum est,
 ut abunde supra lib. 4. cap. 1. p. 28. ostendimus.
 Abest tantum ratio causae proprie meritoriae,
 plurimi doctissimi Potestantes non negant, ope-
 ra bona causas etiam aliquas esse regni coelestis
 adipiscendi. Davenantius de Justitia actuali cap.
 60. p. 608. *Si omnia, inquit, concedamus, quae in
 praemissis ponuntur, nihil aliud inde deduci potest,
 quam opera bona esse causas, non juris nostri ad vitam
 aeternam, sed introductionis in vitam aeternam; ne-
 que esse causas meritorias, sed motivas solummodo,
 juxta ordinationem voluntariam, & promissionem
 voluntariam ipsius Dei.* Obiter tamen nota, lector,
 male statuere hunc cum aliis quibusdam Prote-
 stantibus, opera bona esse causas non juris nostri ad vi-
 tam aeternam, sed tantum introductionis in eam.
 Quae enim rationem causae habent in introdu-
 ctione nostri in vitam aeternam, necesse est eti-
 am habeant rationem aliquam causae juris no-
 stri ad vitam aeternam, non quidem principalis
 aut meritoriae, secundariae tamen & subordinatae:
 neque enim dedit Christus hoc jus, *in Joh. 1.*
12. nobis, ut filii Dei essemus, nisi in no-
men ejus credamus, eumque accipiamus. Fides
 autem semper intelligenda est viva, & per bona
 opera efficax, atque etiam quatenus viva & effi-
 cax est. Vorstius in Antibellarm. p. 640. *Matth.*

25. 35. aetiologia a signis ad signatum; vel a causis quidem ad effecta, sed non tamen a causis principalibus aut meritoriis deductur. Idem in Antipist. part. 2. p. 126. A causa generatim accepta ad causam efficientem meritoriam non valet argumentario.

Quod attinet ad argumentum sumtum ab illis scripturae locis, ubi praemium bonis operibus ex iustitia dicitur esse reddendum, missis brevitatis causa quorundam Protestantium responsionibus nullis solidis; (de quibus lege Bellarm.) respondendum est cum aliis, mercedem operibus promissam gratuitam quidem esse; seu ex gratia donari, merito autem modo proprie & ex iustitia acqualiteris promeritam; (donum Dei, inquit Apostolus Rom. 6. 23. vita aeterna est) attamen etiam iuste, seu ex iustitia distributiva; sed gratiosa, sive gratia remunerata, fidelibus bene operantibus, respectu patris seu promissionis divinae, dari. Haec enim non pugnant. (Pag. 187.) Recte Bernardus t. de Gratia & lib. arbitrio, haud procul a fine. Promissum quidem ex misericordia, sed tamen ex iustitia persolvendum est. Iustum quippe est, ut reddat Deus, quod debet; debet autem, quod pollicitus est. Idem tamen doctissime simul & sanctissime librum illum sic claudit: Alioquin si proprie appellerentur, quae dicimus nostra merita, via sunt regni, non causa (scilicet proprie meritoria) regnandi. Recte Daventius ad hoc ipsum argumentum respondens, inquit p. 610: Deum dicit iustum in retributione hominum praemii, & iniustum per impossibile supponi, si non retribueret vitam aeternam fidelibus bene operantibus.

non secundum rationem justitiae proprie dictae, quae meritum candidum infert ex eo, quod aequalitatem supponit inter opus & mercedem, sed secundum rationem justitiae communiter dictae, ex qua meritum non potest deduci.

Remonstrantes in Apologia ad c. 2. n. 47. recte & fute idem contra oppositam censuram demonstrant: Aliud, inquit, est vitae aeternae praemium promittere, aliud praemium promissum distribuere. Promissio pure pure gratuita est, Distribuire, post promissionem factam, suum cuique prout prout ratione praestitae conditionis, ad praemium consequendum requisitae, justitiae actus est, tum respectu ejus, qui promissit, tum respectu eorum, quibus promissio facta est. Nec refert, an ea promissa sit proportionata labori ejus, cui promissio sub conditione facta est, an non; id enim non ad distributionem, sed ad promissionem considerandum venit. Quod vero dicit censor: Ergo vita aeterna est stipendium potius ac pretium debitum, quam donum gratuitum: nimis est futile. Debitum enim ex promisso, impromerito, & gratiosum donum non repugnant; immo eo ipso, quia aliud est debitum ex promisso libero & liberali, adeoque pure gratuito, gratiosum donum est & manet. Quod vero ex promisso debetur alicui, id iustum sane est, ut ei detur; quia justitiae est, suum cuique dare. Quod autem mihi debetur, meum est, quocunque tandem modo debeatur, & quaecunque tandem sit. Vide Cyprianum. in serm. de Eleemofyna, Augustin. in psal. 109. Fulgentium lib. 1. ad Moni-

Monimum. Ex praedictis liquido apparet, quomodo solide ad caetera, quae ex scriptura a Romanensibus plurimis urgentur argumenta, respondendum sit. Videantur multi doctissimi Protestantes, qui haec fusius pertractant.

pag. 188.) Ad testimonia *Patrum*, qui *meriti* & *merendi* vocabula, praesertim de iustorum operibus frequentissime, & quidem sensu innoxio, ut supra dictum, usurpant, recte doctiores Protestantes respondent, eos nihil aliud intelligere, quam *opera bona iustorum, non absoluta & exacta, quam in se habent, dignitate sive aequalitate ad praemium, sed ea, quam obrinent ex acceptatione & dignatione divina, & ex gratuito pacto, quod nobiscum facere dignatus est Deus, clementissimus & indulgentissimus pater simul & iudex, mercedem gratiosissime promissam consequi vel impetrare.* Atque haec hac de questione dixisse sufficiat.

CAPUT II.

Quo an fiducia in meritis seu bonis operibus collocari possit, & de intuitu mercedis aeternae in bene operando, paucis disceptatur. Bellarm. cap. 7. 8. 9.

Fiduciam sanctorum apud Deum non ex fide sola, sed etiam ex bonis operibus, quae a fide profluunt, & *merita* a Patribus latinis com-

communiter, ut dictum appellatur, licet non sint merita proprie sic dicta, nasci atque alii au-
geri, & magis magisque in dies confirmari, non negant Protestantes, ut perperam affirmat Bellarminus, & irritò conatu ex scripturis & Patribus contrarium probare satagit, l. 5. de Iustif. c. 7. sect. Haec propositio, Calvinus ipse Inscr. lib. 3. cap. 14. §. 18. haec habet: *Sancti dum se coram Deo recognoscunt, non nullam illis est consolationem & fiduciam affert propriae conscientiae puritas. Et rursum, Quamvis igitur isthaec operum fiducia, lo-
cum non habet, nisi totam prius animi fiduciam in misericordiam Dei rejeceris, non debet illi videri contraria, unde pendet.* Chamierus de Operum merito, tom. 3. l. 14. cap. 5. n. 7. Si (pag. 162) pro meritis opera nominasset (Bellarminus) posse concedere, ex operibus nasci confidentiam fidelibus, quae tota consistat in misericordia divina: nimirum quia sanctitas vitae sit effectus inhabitantis gratiae, ac proinde ejusdem testimonium non leve, ideoque non nullus ad spem salvis gradus. Pareus, idem tradit ad hunc Bellarmini locum p. 121. 122. caeteri ique omnes Protestantes.

An vero, licet summa ac praecipua fiducia salutis in sola Dei misericordia & Christi meritis collocanda sit, de quo dubitare nefas est, spem tamen nonnullam etiam in bonis operibus, tanquam in mediis ad salutem necessariis, & illius aliquo modo causis, licet non proprie meritoriiis, cum Dei gratia fideles sub Deo sine peccato reponere possint, inutiliter inter partes con-

tenditur. Certe licet totis viribus studendum, sit operibus bonis, *quam minimum tamen fiducia in illis collocandum esse*, semper censuerunt viri omnium seculorum doctissimi juxta ac sanctissimi. Atque hoc sufficit.

Vnde & Bellarminus, qui sententiam hac de re affirmantem defendit propositione secunda, propositione tamen tertia p. 404. ingenue sic loquitur: *Propter incertitudinem* (intellige semper incertitudinem fidei) *proprie justitiae, & periculum inanis gloriae, tutissimum est, fiduciam totam in sola Dei misericordia & benignitate reponere.* Quam propositionem fusc deinde confirmat plurimis argumentis ex scriptura gravissimis, publicis Ecclesiae precibus, & Patribus. Castigat quidem hanc Bellarmini propositionem, Vasquez in 1. 2. tom. 2. disp. 212. c. 7. n. 41. *Quod dicunt theologi allegari*, propter incertitudinem propriae justificationis, fiduciam nostram in sola Dei benignitate collocandam esse, *sano modo intelligendum est: non quidem ita, ut existimantes, non esse necessaria merita, nec in illis sperandum esse, nullam in illis spem collocemus, sed in sola Dei benignitate & munificentia, quae nullo nostro merito beare nos debeat, aut velit; hoc enim esset incidere in sententiam Calvini, & haeticorum: Sed ita, ut non habeamus fiduciam ex meritis jam factis, quasi securi de praemio, quin potius non curantes de illis, a sola Dei bonitate nova merita speremus, in quibus fiduciam constituamus perseverentiae, & adipiscendae beatitudinis, Securus igitur ne-*
qua-

quaquam est, spem collocare in meritis; rectum tamen consilium est, non sperare ex meritis factis. Haec ille, sed male: Tutissimum enim est, ut inquit Bellarminus, in nullis omnino meritis vel bonis operibus, sive hactenus factis sive porro faciendis, sed in una Dei misericordia & Christi meritis fiduciam omnem salutis collocare. Pag. 190.)

Thom. Stapletonus de Justificat. lib. 10. cap. ult. Nemo, inquit, catholicus recte institutus, in suis meritis confidit, vel quia supervenientibus peccatis impediri possunt quaecunque merita, vel quia nemini satis constat de suis meritis, vel denique quia videri hoc modo posset in se, non in domino gloriari. Harum trium causarum prima a Bellarmino in sua propositione omissa est. Sed ab utroque omissa & alia causa, cujus in primis meminisse debuerunt, haec scilicet, etiam propter peccata, quae justitiam nostram quotidie comitantur ex humana infirmitate, quorum venia humillime ac supplicissime a Deo propter Christum postulanda, & recte vita aeterna humiliter & non confidenter quaerenda est, ut recte dicit ibidem Stapletonus ex Bernhardo, inter cujus flores haec saluberrima legitur sententia: *Vitam etiam aeternam fortassis aliqui non similiter quaerunt, sed tanquam in suorum confidentia meritorum. Oratio, quae pro vita aeterna fit, circa beneplacitum Dei intenta fit, & in omni humilitate praesumens de sola miseratione divina.* Vnde & ipse Stapletonus paulo ante: *Quia primum, & potissimum meritum fundamentum est gratia Christi, adjutorium, in-*

T 2

quam,

quam, gratiae, qua in singulis actibus ad bene operandum divinitus adjuvamus, propterea & scripturae & Patres diligentissime docuerunt, in solo Deo ac Christo ejus, non nobis ipsis, non in justitia propria, non in meritis nostris esse confidendum

A. Vega in opusculo de Meritis, in generali q. 4. p. 857. Et quanquam multa faciunt homines justis meritoria opera beatitudinis, verissime tamen dicitur, non oportere quatenus in suis meritis fiduciam adipiscendae beatitudinis collocare. Et hoc quidem, ne cuiquam dubium sit, possumus tripliciter persuadere, &c. Lege autorem. Paulo tamen post, p. 858. ita inquit: *Quamquam autem ista verissima sunt, si quis tamen, fiduciam piorum modestam & humilem minime damuandam censens, non excludat merita Christi aut gratiam divinam, a quibus illa opera sua habent totum suum valorem & acceptationem, sed intelligat, se in suis meritis fidere,* Pag. 191.) quatenus meritis Christi & gratiae Dei innituntur, verbo quatenus non tam nostra merita seu opera sunt; quam Dei ipsius dona.

Hosius Confess. petricov. tom. 2. cap. 13. pag. 65. *Quamvis exempla sanctorum commemorare liceat, qui, cum jam essent morti proximi, non omnino suis operibus diffidere visi sunt, ut Ezechias Esa 38. 3. & Paulus 2. Tim. 4. 7. 8. Sed quotum quemque reperire licet, his praesertim temporibus, quibus abundavit iniquitas, refrigit charitas multorum, qui sic vitam suam transegeris, ut peraeque confiderent, ut isti, loqui possit, ex diversorio corporis*

ris hujus aeternam illam in domum migraturus?
Quamobrem tutius fuerit, ut cum sancto Job. c. 9.
 28. * vereamur omnia opera nostra, cum non
 sine causa videamus, in ecclesia catholica semper ob-
 servatum, ut, qui morti jam sint proximi, dili-
 genter admoneantur, etiam simulacro Christi
 crucifixi ante oculos posito, quo propriae justitiae
 diffusi, in una Christi justitia spem suam & fiduciam
 omnem habeant collocatam, illam Patri caelesti re-
 praesentent, illi uni innitantur. Idem Hosius in
 Confutatione Proleg. Brentii l. 5. p. 394. Non
 gloriamur de meritis nostris, non habemus in illis
 fiduciam nostram collocatam; de hoc solo gloria-
 mur, in hoc solo confidimus, quod membra sumus
 illius corporis, quod pro nobis mortuum abunde pro
 peccatis totius mundi satisfecit. *Quamobrem* si me-
 rita a nobis requiris, Domine, ecce proferimus
 tibi merita corporis tui, quod cum de nostro
 sit, nostra sunt & illius merita: proferimus tibi
 meritum passionis tuae. Haec sunt merita no-
 stra, quae tu, clementissime Domine, nobiscum
 pro immensa benignitate tua communicare di-
 gnatus es; secundum haec merita abs te judi-
 cari postulamus; iis meritis freti coram tribu-
 nali tuo nos intrepide sistimus. Haec merita
 interponimus inter nos & inter judicium tuum:
 aliter iudicio tecum contendere nolumus, de quo so-
 lenniter protestamur.

M. Eisengrenius de Ecclesia cap. 5. p. 93. Sum-
 mam doctrinae catholicae de merito Christi

T 3

ex.

* Vereamur omnia opera nostra] Vt reddit vulgatus,

exponens, sic loquitur: *Iterum atque iterum diserte & palam pronuncio, doctrinam Ecclesiae catholicae non aliam fuisse, quam nunc a nobis dictum est; nimirum quaerere* Pag. 192. *nos remissionem peccatorum, reconciliationem cum Deo, & regni coelestis haereditatem in solo passionis & mortis Christi merito: praesertim vero quando eo deventum est, ut hinc migrandum sit, multis in locis memoratae scholae doctores expresse scripserunt, ejusmodi hominem in extremo spiritu constitutum, ad solum Christi meritum confugere debere, atque in illud spem & fiduciam omnem collocare; quod vel ex solo Gersono perspicuum esse potest, (de Mendicitate Spirituali, parte 2.) qui cum a daemonibus ad desperationem sollicitaretur, respondit: Non opus est, ut mihi mea peccata commemoretis, inferentes hinc, me caelestibus praemiis esse penitus indignum; id enim scio. Sed scio, quod pius ille meus pater, Jesus Christus, meum debitum solvit, & mea omnia, quoties cunque mihi displicerunt, deleuit peccata, mihiqve suo pretiosissimo sanguine caeleste regnum lucrificet, & emit; & hoc titulo, & nullo alio possessionem hujus regni praestolor, caelestiumqve bonorum retributionem peto sub titulo & in spe gloriosi mei redemptoris Jesu Christi. Haec quidem, inquit, Gerson de sua duntaxat persona pronuntiavit. Verum Anselmus, archiepiscopus cantuariensis, qui ante Gersonem vixit, interrogationes quasdam conscripsit, infirmis in extremis constitutis proponendas, ubi sane satis evidenter de-*
cla-

clarat, quem in scopum ducenda sit ipsorum fiducia; nempe non in aliud quicquam, quam in mortem, in passionem & meritum Christi. Inter has interrogationes agonizantibus proponendas, haec est postrema: Credis, te non posse salvari, nisi per mortem Christi? Respondet infirmus: Etiam. Tum illi dicitur: Age ergo, dum superest in te anima, in hac sola morte fiduciam tuam constitue, in nulla alia re fiduciam habe, huic morti te totum committe. Legantur reliqua, quae brevitatis studio omitto, in hoc autore. Apud Caspandum in appendice ad opuscul. Joh. Rossensis de Fiducia & misericordia Dei edit. colon. A. 1556. haec reperiuntur verba: *Formula illa infirmos jam animam agentes interrogandi, in bibliothecis passim obvia, quae & separatim Anselmo cantuariensi inscribitur, & parti Epistolarum inserta reperitur, &c.* Vide & Casparum Vlenbergium in Causis, causa 14. edit. colon. A. 1589. aliosque romanae partis. Pag. 193.) Lege & Chemnitii Exam. parte 1. de Justificatione, p. 141. edit. genev. 1614. & Jac. Vsserium, nunc archiepiscopum armachanum, in Responsione ad Jesuit. hibern. de Meritis 513. aliosque plurimos Protestantes.

In ordine baptizandi cum modo visitandi, edit. vener. A. 1575. haec habentur verba: *Credis, non propriis meritis, sed passionis Domini nostri J. Christi virtute & morte ad gloriam pervenire? Credis, quod Dominus noster J. Christus pro nostra salute mortuus sit, & quod ex propriis*

priis meritis vel alio modo, nullus possit salvari, nisi in merito passionis ejus? *Non erit desperandum vel dubitandum de salute illius, qui supra positas positiones corde crediderit, & ore confessus fuerit.* Hæc quidem verba pontificii censores in suis indicibus expurgatoriis expungi jusserunt, sed fide pessima. Verba enim sunt verissima & consolationis plenissima, præsertim hominibus de vita migraturis. Florentius Volusenus, scotus, catholico-romanus. de Animi tranquillitate, Lugd. 1543. p. 366. *Fieri potest, inquit, ut divina bonitas, quia divina, h. e. immensa est, etiam imperfecta illa nostra officia, cujusmodi esse omnia dixi, boni consulat, meriti loco habeat, & laude ac praemio digna judicet.* Verum mihi aegre licere arbitror, statuere aliquod meum ulla in re meritum; quandoquidem ab eo, cujus imperium detrectare nefas est, jubemur, cum fecerimus omnia, quae officii nostri sunt, fateri, nos servos esse inutiles: neque profecto ille voluit, ut aliud in lingua, aliud in animo haberemus, & fucata quadam uteremur modestia. Deponenda est ergo, quae ex operibus, aut rebus nostris gestis, quamlibet praeclaris, nascitur fiducia: nos totos in Deum conjiciamus, ille nobis sit sacra anchora; una illius bonitate atque misericordia nitamur, nos totos in illius fidem ac clientelam conferamus; neque sic salutis nostrae laudem dividamus, ut partem alteram Deo permittamus, alteram nobis vindicemus. Quod cum nefarie fiat, quid sentiendum est de iis, qui merita sua jactare, atque venditare, tanquam ipsis superessent, non verecundantur?

Innu-

Innumera alia virorum doctissimorum veterum & recentiorum testimonia huic sententiae firmandae adduci possent. Sed in re tam aperta atque omnium fidelium experientia comprobata, nihil est necesse diutius morari. (Pag. 194.)

Hoc faciunt, inquit A. Rivetus Summae contraversi tract. 4. q. 12. p. 435. *opera bona, non tanquam causae & fundamenta fiduciae nostrae*, (intellige, non tanquam causae principales aut proprie meritoriae) *sed tanquam argumenta, indicia, & testimonia virtutis Spiritus sancti in nobis, tanquam fidei effectus*, (adde, & tanquam salutis consequendae etiam causae aliquae, licet secundariae) *ut de misericordia Dei erga nos confidamus, sed non ob dignitatem operum*. Sic quaestio de fiducia aliqua in bonis operibus facile tollitur, aut saltem minuitur. Vide Erasmi. tom. 9. contra theol. parisi. tit. 17. de Fiducia bonorum operum & meritorum, p. 718. & lege eundem p. 744. 750.

Licere bene operari intuitu mercedis aeternae, nunquam negarunt Protestantes, etiam rigidiores, ac proinde Patres Concilii trident. sess. 6. cap. 11. & can. 31. ac Bellarminus caeterique Romanenses, qui contrarium illis impingunt dogma, manifestam faciunt injuriam. Hoc tantum negant Protestantes, licere bene operari intuitu vitae aeternae, *tanquam mercedis, pro meritis, proprie sic dictis, sive ex condigno nobis debitae*: affirmant etiam, non tantum, nec praecipue intuitu mercedis aeternae bene operandum.

esse, quando hoc non tam filios deceat, quam mercenarios, a quibus citra mercedis spem nihil impetres; sed primum quidem propter gloriam Dei, deinde etiam propter mercedem vitae aeternae bene operantibus ex immensa Dei propter Christi merita benignitate promissam. Quod ipsum docent etiam Romanenses omnes. Tam operosa ergo rei minime controversae probatione ex scripturis, Patribus, &c. facile superfedere potuisset Bellarm. c. 8. Sed, pro dolor, plerique theologi, qui hodie controversa fidei dogmata tractant, studio partium adeo misere ducuntur, & tantum non (quod gemens dico) dementantur, ut nihil fere ab illis, quos in plurimis non tam adversarios habent, quam faciunt & fingunt, recte dictum esse velint. Quam timide enim loqui cogitur Bellarminus, quando c. 8. ait, Calvinum l. 3. Instit. c. 16. §. 3. *negare videri, operandum esse intuitu mercedis, &* quoniam negare non potuit, scripturas interdum hortari homines ad bonum spe mercedis, *addere, saltem non esse a tali exhortatione ducendum exordium!* (Pag. 195.) Sed videantur ipsa ex Calvino citata loca, atque alia etiam, quae ex aliis allegari solent a Romanensibus, & ut dixi, manifestam illis injuriam fieri, luce clarius apparebit.

Certe Protestantes omnes, si recte & candidè illorum dicta, in speciem forte durius aliquando sonantia, accipiantur, agnoscunt, quod, etsi in bene operando praecipue Deum ejusque glo-

gloriam, tanquam ultimum finem, spectare debeamus, quia tamen subordinata non pugnant, & nostra salus cum Dei gloria artissime conjuncta est, idcirco, ad excitandum socordiam nostram, omnino licitum sit, etiam mercedem promissam, (1) *ut finem secundarium*, qui propter Deum ejusque gloriam expetatur, semper ob oculos habere; sic tamen, *ne servilis & mercenaria fiat nostra erga Deum obedientia*, sed ut Deum inprimis propter se ipsum, non propter nostrum aliquod commodum, sincere semper diligamus, amore scilicet amicitiae, (2) non amore concupiscentiae, uti vulgo vocant, quemadmodum recte Vorstius in *Antibellarm.* p. 642. illud Bernardi lib. de Diligendo Deo recte intellectum sibi probari profitetur: *Non sine praemio diligitur Deus, etsi absque praemii intuitu* (i. e. quamvis nullum promitteretur praemium) *diligendus sit. Vacua namque vera charitas esse non potest, nec tamen mercenaria est.*

Quin non tantum servile aut mercenarium non esse, aeterni praemii aut mercedis coelestis intuitu bene operari, existimant Protestantes; sed nec servile esse, *comminationibus*, aeternae mortis respectu, ad bene agendum moveri. Immo, quod majus est, ne quidem *promissis hujus vitae* incitari ad bona opera, servile aut sordidum esse, si tantum moveamur eam ipsam ob causam, quia gratiose a Deo promissiones istiusmodi bene

(1) *Ut finem secundarium*] Bellarm. l. 5. de Justif. c. 7. §. 8.

(2) Non amore concupiscentiae] Bellarm. l. 5. c. 9.

ne operantibus factae sunt. Quo enim argumento utitur Deus in scripturis passim ad movendum & persuadendum, eodem moveri nos, non est servile aut mercenarium. *Pietas ad omnia utilis est, promissionem habens vitae, quae nunc est, & futurae.* 1. Tim. 4. 8. Vide, ut alios innumeros Protestantes silentio praetereamus, Pag. 196.) Bucerum in 2. ad Rom. pag. 102. 103. Joh. Davenantium in cap. 1. ad Coloss. v. 3. pag. 42. 43. & Remonstrantes in Apologia cap. 11. pag. 126. fuisse hac de re differentes. Alstedius Theol. polemicae parte 4. controversi. 15. sic loquitur: *Cum nulla sint nostra merita proprie dicta, in iis nulla potest poni fiducia. Alias fiduciam possumus ponere in operibus, quatenus testimonia sunt electionis & fidei infallibilia. Ita enim bona conscientia ex iis oritur.* Et controversi. 16. *In bene operando precipue debemus spectare Deum, ejusque gloriam, tanquam finem ultimum.* Col. 3. 17. & secundario nostram salutem. Vide autorem, quaedam magis, quaedam minus commode pronunciantem.

CAP. III.

De meriti vitae aeternae vere ac proprie dicti conditionibus.

DE proluxa hac Bellarmini disputatione, Quae sint & quot conditiones, ut aliquod opus dici possit vere ac proprie meritum felicitatis aeternae, paucis haec mopus.

monuisse sufficiat. I. Protestantes nullum tale in operibus nostris agnoscunt meritum, ac proinde de hac disputationis bellarminianae parte minus solliciti sunt. II. Neque etiam conditiones illae septem a Bellarmino commemoratae, ut 1. *meritum sit opus bonum*, 2. *fiat in obsequium Dei*, 3. *fiat a viatore*, 4. *opus sit liberum*, 5. *fiat ab amico & grato Deo*, 6. *intercedat promissio*, 7. *ex charitatis virtute procedat*, ad verum & proprie dictum meritum vitae aeternae constituendum *sufficiunt*; * aliae enim praeter has requiruntur conditiones, ut opera iustorum proprie vitam aeternam mereri possint; (Pag. 197.) uti recte docent Protestantes, scilicet (1.) Vt opera nostra sint undequaque perfecta, non tantum ratione partium, nempe ut nihil unquam faciendum omittamus, nec omitendum committamus, sed etiam graduum ratione. Atqui etiam cum facimus facienda, semper tamen abest illa charitatis perfectio, quam legis *ἀκριβεια* requirit, ut recte Vossius docet disp. de Bonis operibus eorumque meritis; frequentissime etiam illa, quae juxta mensuram donationis Christi hic conceditur, ac pro statu viae renatis possibilis est. (2.) Vt, quod praestamus, *indebitum* sit. (3.) Vt *opus plane vel inprimis nostrum* sit, non ejus, a quo mercedem expectamus. (4.) Opus est etiam *proportione & aequalitate* inter opera ac mercedem. Hae conditiones si desint, vel earum una, certe opera hominum mortalium & peccatorum,

* Aliae enim] Walenb. t. 2, § 60.

quan-

quantumvis regeneratorum, nihil meriti proprie dicti, quoad vitae aeternae adeptionem, habere possunt apud Deum. III. De tribus solum e septem illis conditionibus inter Romanenses convenire, de caeteris vero dissentire, Bellarminus ipse ingenue confitetur initio cap. 10. *Libertatem* enim *arbitrii* ad merendum non esse nostram, contra communem theologorum sententiam, ex Joh. Pici Apologia q. 8. sensisse Rob. Holcotum, refert Bellarm. ibidem, sc&t. *Omissis igitur*. Sententia haec, si modo Holcoti sententia fuit, quae de re non disputo, nec scripturis, nec Patribus, nec rectae rationi satis consentanea est, ut recte demonstrat Bellarm. & libenter concedunt multi doctissimi Protestantes, qui tamen ab omni merito proprie dicto vitae aeternae asserendo abhorrent. Sed disquisitio haec alterius est loci, cum spectet ad controversiam de libero arbitrio, tantopere hoc seculo cum inter Romanenses, tum etiam inter Protestantes ipsos agitatam; ac proinde in praesentia missam facimus.

Ad meritum vitae aeternae non requiri, ut in statu gratiae & adoptionis filiorum fiat, censuit Michael Baius, theologus Iovanienfis. Vide Bellarm. c. 12. & 13. qui tamen eum non nominat. Sed ejus hac de re, ut & de aliis quibusdam, sententia damnata fuit, per bullam Pii V. pontificis, a Gregorio XIII. renovatam. Deinde ad meritum vitae aeternae promissionem Dei sive pactum liberale atque gratuitum, requiri, negavit idem

idem Baius, (vide Bellarm. c. 14.) atqve cum eo multi alii theologi romanenses, ut mox dicemus. Pag. 198.) De Michaelē Baio jam bis nominato, & de censura Pii V. & Greg. XIII. aliquarum illius assertionum, audi Suarez. de Gratia, Proleg. 6. c. 2. *Fuit nostris temporibus, inquit ille, in Iovaniensi academia doctōr quidam catholicus & eruditus, cujus nomen cum Pontifices silentio praeterierint, libenter tacerem, nisi jam ex aliorum libris & scriptis esset notissimum, scil. Mich. Baius. Ille igitur in aliquibus libris, quos de charitate & rebus aliis scripsit, varios articulos seu assertiones posuit, in quibus nunc ad pelagianismum, nunc ad lutheranismum, & calvinismum inclinat. Cumque esset spectatae probitatis & doctrinae, ut in bulla dicitur, potuit auctoritate sua plures in suam sententiam ducere, & academiam illam catholicam & insignem corrumpere aut perturbare. Cui malo ut occurrerent dicti Pontifices, hanc bullam ediderunt, &c. Vide bullam ipsam apud hunc auctorem immediate post subjectam, & n. 11. & 12. censuram ac judicium theologicum cujusdam jesuitae de quibusdam (perperam, ut affirmat jesuita ille, sed negat Suarez) interpretantibus bullam istam. Censuram vero hujus jesuitae a Suarezio non nominati, lege, lector benevole, in opusculis Vasqvesii, qvi Michaelis Bii sententias nonnullas ab ipso non intentas iniquissime torqueri, contra alios Romanenses acriter contendit; licet ipse cum Baio nonnunquam graviter errer.*

Bo.

1. Bonum opus meritorium esse posse vitae aeternae, nisi ex charitate procedat, quis sanae mentis dixerit? Gulielmus altissiodorensis nihil aliud censuit, teste Bellarm. ipso cap. 15. quam meritum prius & principalius a fide, quam a charitate pendere. *Quae sententia*, inquit Bellarminus, *non parum favere videtur erroribus huius temporis haeticorum.* Fallitur igitur hic doctissimus Vossius, quando disputatione de Meritis bonorum operum thesi. 4. circa finem affirmat, opinionem Gul. altissiodorensis fuisse, non opus esse, ut opus vitae aeternae meritorium ex charitate proficiatur. An vero *opus bonum seu meritorium salutis*, ut loquuntur Patres, *primum & principalius a fide, quam a charitate pendeat*, saepius supra dictum. Caeteris omissis, ad sequentia pergamus.

Pag. 199.) CAPUT IV.

An opera bona iustorum, meritoria sint vitae aeternae, ex condigno?

A capite 16. usque ad finem libri.

Protestantibus maxime probatur sententia illorum romanae partis, qui in hac quaestione censent non esse utendum his vocibus *de condigno & de congruo*, inquit Bellarminus cap. 16. Sed absolute dicendum, opera bona iustorum, esse meritoria vitae aeternae ex gratia Dei. Locum in-

integrum Thomae Waldensis in hanc sententiam tom. 3. de Sacramentalibus c. 7. quia insignis est, & paucula quaedam tantum ex illo communiter a Protestantibus ipsis citari solent, huc adscribere minime piget: *Quantum mea sapit modicitas, haec ipsa determinatio scripturarum, quam sic ex apostolo & psalmista annotant S. patres, congruentius jungeretur locutionibus de meritis hominum, quam absolute diceretur, quod homo ex meritis est dignus regno coelorum, aut hac gratia vel illa gloria: quamvis quidam Scholastici invenerunt ad hoc dicendum terminos de condigno & congruo. At Chyestomus dicit? Quid dignum facimus in hoc seculo, ut participes Domini nostri in regnis caelestibus fieri mereamur? Ideo iuste dicit apostolus: Existimo, quod non sint condignae passioneshujus temporis, ad futuram gloriam. Reputo igitur sanio rem theologum, fideiorem catholicum, & scripturis sanctis magis concordem, qui tale meritum simpliciter abnegat, & cum modificatione apostoli & scripturarum concedit, quia simpliciter quis non meretur regnum coelorum, sed ex gratia Dei, aut voluntate largitoris. Sic enim dicit apostolus: Non quod sufficientes simus. Et paulo post: Meritorum nostrorum in articulo minime Deus attendit seu rationem congrui, vel condigni, sed gratiam suam, aut voluntatem suam, aut misericordiam suam. Haec ille, quem A. Vega opusc. de Meritis in generali q. 4. uberrimum appellat fontem, ex quo hauserunt bonam partem pene omnes, qui luthera nam sectam propugnant.*

pag. 200.) Qvibusdam tamen Protestantibus, aliisque viris moderatis & pacis ecclesiae amantibus, non omnino improbatur sententia, etiam eorum Romanensium, qvi meritum de condigno proprie sumptum simpliciter rejicientes, admittunt tamen in bonis justorum operibus *meritum aliquod, sed improprie dictum*, meritum scil. congrui, sed non, ut vulgo Scholastici illud meritum intelligunt. Inter Romanenses videantur Gregorius arimin. in 1. Sent. dist. 17. q. 1. art. 2. Durandus in 1. dist. 17. q. 2. & in 2. dist. 17. q. 2. & in 3. dist. 18. q. 2. * Marsilius in 2. q. 18. art. 1. Burgenſis in additionibus super Psal. 35. & Jo. Eckius in Centuriis de praedestinatione. Vide Bellarm. c. 16. Vegam opusc. de Meritis ex condigno q. 1. aliosque plurimos. Hanc sententiam phrasi tantum discrepare a priore, recte affirmat Pareus ad cap. 16. hujus libri Bellarmini: Nam licet concedant meritum congrui, quod non nisi late loquendo meritum appellatur, meritum tamen condigni, de quo solo revera controvertitur, negant; sicut fatetur Bellarm. §. *Alii volunt*. Bucerus in Actis colloq. ratisb. 2. pag. 568. ait: *Congrui quidem meritum in justificatorum operibus inest: Congruit enim cuique creaturae & operi Dei id, quod Deus omnium conditor ipse cuique rei & operi suo deputat. Cum jam amantissimus nostri & benignissimus Pater decreverit, nostra bona opera, quae in nobis tamen ipse efficit,*

* Marsilius] Ab Ingen. academiae heidelbergensis doctor & primus rector, qvi vixit saeculo 14.

efficit, propter filium suum tam liberaliter remunerare, hinc certe decet jam illa opera, & eos, qui ea fecerunt, atque congruum eis est, ut id ipsis Deus præstet, quod eis non minus iuste, quam benigne est pollicitus. And. Fricius lib. 4. de Ecclesia cap. 12. hac ipsa de re disputans contra eos, qui meritum de condigno mordicus defendunt, inquit: *Multa in theologia disceptatrice, de ejusmodi condignitate disputantur. Verum qui de hoc apposite ad usum conscientiarum differunt, meriti congrui mentionem fecerunt, condigni non fecerunt.* Pighius vocat meritum ex congruo, quod non ex se, sed ex Dei gratia, aliqua dignitate aestimatur. Erasmus etiam dicit, *meritum congruum cum gratia non pugnare, quemadmodum nec merces, nec debitum cum eadem pugnet: praesertim si referas ad Dei promissionem.* p. 276. Et rursus tract. 3. de Meritis nostrorum operum pag. 649. *Omne meritum fidelium est; quod tamen non ex se, sed ex Dei misericordia meriti in loco habetur.* (Pag 201.) Cumque hoc Dei dignatione fidelibus contingat, non immerito condignitas detrahatur de operibus illorum: congruentia quaedam tribuitur illis: Congruum enim esse videtur, liberalem aliquid dare, quod, qui accipit, ex condigno non meruit.

Communem autem sententiam theologorum admittere simpliciter meritum de condigno, eandemque verissimam esse, affirmat quidem Bellarm. cap. 16. sect. *Communis sententia*, sed hic multa, studiose lector, observatu digna occurrunt.

In Concil. trident. sess. 6. can. 32. absque omni mentione meriti vel de congruo, vel de condigno, hoc tantum dicitur: *Si quis dixerit, justificati hominis opera bona non vere mereri, vitæ aeternæ, anathema sit.* Ubi tamen si per *vere mereri* intelligunt Patres illi proprie & exacte loquendo mereri, meritum condigni necesse est admittant. Neque enim ullum est, si proprie & exacte loqui velimus, meritum, nisi meritum condigni; meritum enim, quod appellatur *congruum*, est meritum diminutum & improprium, & titulo tenus, non re ipsa, Sed Patres ii non ignari acerrimarum, quæ in scholis agitantur, contentionum & digladiationum de merito condigni, illiusque ratione & fundamento, more suo, hac de re, ut & de plurimis aliis, generaliter tantum & ambigue loqui, maximè etiam & commodum esse censuerunt.

Cornel. Schultingius, theol. coloniensis, Variarum lectionum & animadversionum in Calvini Institut. lib. 3. sic scribit: *Quod ad meritum condigni attinet, aboleri sinimus, aut certe scholis remittimus, ut sine quo subsistere potest orthodoxæ fidei veritas; cum nec ipse persuaderi poterit. Origenes, nullum esse opus nostrum, quod ex debito Dei remunerationem deprecatur, neque etiam hoc ipsum, quod sumus, quod agere, quod cogitare, quod proloqui possimus, nisi ex Dei donis ac largitione sit. Nec etiam existimavit apostolus, condignas passiones esse eorum, qui Christo incorporati sunt, ad futuram gloriam, quæ revelabitur in nobis.* Jesu.

Jesuïta angulus S. R. in responsione ad librum Th. Belli, cui titulus, *Ruina Papatus*, p.220. 224. & 231. affirmat, Bellum manifeste Romanensibus injuriũ esse, quando illis impingit, quod *de fide certum esse* existiment, atque in *Concil. trid. definitum*, bona justorum opera vitæ æternæ ex condigno meritoria esse. (Pag.202) *Nihil enim tale*, inquit, *Concilium definivit*, & *qui meritum illud tenent*, non pro fidei dogmate, sed pro opinione solum habent. Vide etiam, si libet, ejusdem Belli Catholicum, ut nuncupat, *Triumphum* hoc ipso de argumento c.9. p.274. 275. Quocirca Bellarminus ipse *communem* tantum appellat *theologorum sententiam*, fidei autem dogma esse, aut a Concilio trident. (quod alioqui haud pauca nimis temere definivit, quæ melius indecisa & indefinita mansissent) definitum, non audet dicere.

Sed *communem esse theologorum sententiam*, quod bona opera ex condigno & proprie loquendo mereantur, quemadmodum affirmat, Bellarminus, ex prædictis falsum esse, abunde patet. Quo tamen dilucidius adhuc pateat, audi porro alios romanæ partis theologos. Stephanus Brulifer (quem & Hosius in Confessione citat) c.53. in 2. dist. 27. q. 6. *Nullus purus viator, quantumcumque purus & perfectus sit, potest mereri cælestem gloriam de condigno, sed, si meretur, tantum meretur illam de congruo.* Et opinio ista est valde devota, & fulcitur multis auctoritatibus. Pighius de Lib.arbitr. l.5. f. 81. *Leve*

hoc & momentaneum, (ut inquit apostolus 2. Cor. 4. 17.) operatur aeternum gloriae pondus. Nulla ergo hujus ad illud condignitas, nulla comparatio. Operatur nihilominus hoc illud, operatur, inquam, merendo; neque enim alium, quo ipsum operetur, modum imaginari est: merendo, inquam, non quidem de condigno, sed de congruo. Qui meriti modus, uni nihilominus retribuentis benignitati liberalitatiq; innititur, ac gratiae. Videatur Clichtovaeus in Can. missae. ad verba, Intra quorum nos consortium non aestimator meriti, sed veniat, quaesumus, largitor admitte. Elucidatorii ecclesiast. pag. 140. Et ad verba, hymni ecclesiastici de S. Michaële, Paradisoredde tuo nos sola clementia, pag. 69. Quamvis idem alibi longe aliud doceat, ut affirmat Vasquez in. 1. 2. tom. 2. disp. 214. cap. 4. Quid? quod Scholastici omnes pene (inquit Cassander ep. 19. ad Jo. Molinaeum) dignitatem, aequalitatem, & commensurationem meriti & praemii, non in re ipsa & intrinseca bonitate actus, sed in divina acceptance, pactione, & ordinatione constituunt. Pag. 203.) Quamvis autem nonnulli sint, qui huc aequalitatem quandam & justitiam ex divina pactione & conventionem statuunt, affirmantes, Deum homini, jure promissionis, ad reddendum praemium obligari, haec tamen ipsa obligatio principium habet gratuitum, neque ullam operibus intrinsecam virtutem addit, sed omne jus consequendi praemii in gratuita promissione consistit. Quocirca Vasquez ipse in 1. 2. parte 2. disp. 214. n. 1. 2. inquit, opera bona

ex se spectata, non habere condignitatem & rationem meriti, sed totam rationem meriti constare in promissione & pacto Dei. Sic affirmant, ait, Scotus, Gregor. arimin. Gabr. Biel, Occam, Alphonsus de Castro, Vega. Hi doctores revera negant meritum condignum operum, & totam vim meriti adscribunt solis operibus Christi. ibid. c. 5. n. 23. Rursum ibid. c. 1. n. 2. Contingere potest, ut, si veram causam & rationem meriti condigni non assignemus, verbis solum a Protestantibus dissidentes, re ipsa cum eis conveniamus, atque in eorum sententiam, velimus, nolimus, consentire cogamur: quod sane aliquibus Catholicis in hac controversia accidisse, non obscure inferius patebit. Nam defendentes veram rationem meriti condigni in operibus iustorum, eorum dignitatem usque adeo extenuarunt, ut eam simpliciter negare videantur. Assertoribus hujus sententiae a Vasque enumeratis, licet non paucis, plurimi alii adjungi possunt, non tantum veteres Scholastici, quod agnoscit Bellarm. c. 17. §. Alii contra, sed etiam recentiores scriptores non obscuri nominis, Vasque & Bellarmino non lecti; Clingius in L. C. Ferus in multis operum suorum locis, quorum quaedam proinde expungi jubent rigidi illi romanae partis censores, Isidorus Clarius, Genebrardus in expos. Symboli athan. p. 99. aliique complures, quorum nomina in re tam certa & clara commemorare nihil necesse est.

Horum Romanensium sententia, omisso vel potius expuncto, & jure quidem meritoque,

odioso illo additamento *de condigno*, quod ad rei summam attinet, nihil a Protestantium saniorum sententia differt, quicquid contra affirmet Bellarm. loco cit. §. *Disfat.* Pag. 204.) Ut enim omittamus sententiam rigidiorum Protestantium, qui opera iustorum non esse vitam aeternam dignam contendunt, propter aliquam peccati maculam omnibus etiam rectissime factis adhaerentem, qua de re superiori libro dictum; tamen in hoc cum Protestantibus omnibus theologi memorati conveniunt, quod citra promissionem & acceptationem divinam opera nostra nullam habere re condigne meritoriam vitae aeternae dignitatem arbitrentur, ut recte observat Vasquez loco cit. cap. 5. n. 22. & 23. Porro, inquit, doctores primae opinionis, (jam scilicet recitatae,) bonis operibus secundum se dignitatem vitae aeternae negantes, totam dignitatem nostrorum operum referunt in Dei favorem, & acceptationem propter Christi merita. Quod quidem nihil aliud est, quam veram & perfectam rationem meriti, scilicet condigni, nostris operibus denegare, & totam vim meriti solis Christi meritis adscribere. Bellarm. etiam ipse confiteri cogitur, ex theologorum praedictorum sententia, iustorum opera, licet vere bona sint, non esse tam excellentia, ut proportionibus habeant cum vita aeterna, & ideo acceptari quidem a Deo, ad iustitiam & dignam mercedem vitae aeternae, sed ex pacto & promissione, non ex operum dignitate.

Sententiam illam Protestantibus maxime in-
visam,

vitam, quam cum quibusdam aliis Romanensibus mordicus tuetur Vasquez cap. 4. & seq. aliquot, bona opera iustorum ex seipsis, absque nullo pacto aut acceptationis favore, condigne mereri vitam aeternam, rejiciunt & prolixè refellunt non tantum Protestantes omnes, sed multi etiam doctissimi Romanenses, ut Bellarminus, Suarez, alique. Sententiam Bellarmini aliorumque quorundam, opera bona iustorum meritoria esse vitæ æternæ ex condigno, ratione pacti & operis simul, solide refellunt & multi Romanenses, qui, ut dicunt, opera bona habere dignitatem & rationem meriti ad vitam aeternam, sed ex ordinatione sive acceptatione Dei, non ex intrinseco operum valore, contendunt, ut Scotus cum suis sectatoribus, & Protestantes omnes. Sententiam Tapperi, Lindani, Hosii, aliorumque, quos recenset Vasq. loco cit. cap. 2. opera nostra esse meritoria, ex dignitate intrinseca, quam habent à gratia ex promissione Dei, & ex meritis Christi, quibus quasi ornantur & tinguntur, (quam sententiam videtur amplecti etiam Gregorius de Valentia. Et huc spectat illud tritum inter Romanenses dictum, opera, quatenus tincta sunt sanguine Christi, mereri vitam aeternam) refellunt alii dissidentes theologi romanenses, ut de protestantibus nihil dicamus.

Pag. 205.)

¶ Ex quibus Romanensium dissensionibus in hac materia, clarissime apparet, cum in nomine solo meriti condigni consensus sit, in re autem ipsa multivaria dissensio; (quicquid enim extru-

it unus, destruit fere alter) non leve *signum*
atque argumentum id esse vanitatis hujus dogmatis,
 & consensionem illam aliunde, quam ex vi ma-
 nifestae veritatis, proficisci : plana enim & aper-
 ta veritas hujusmodi operosis distinctionibus &
 limitationibus opus non habet, ut intelligatur.
 Adde, quod inanes hae hominum curiosorum &
 infelicer curiosorum disputationes non modo
 in scripturis & Patribus nihil fundamenti habeant,
 sed utrisque plane repugnent, & ad veram pie-
 tatem promovendam non solum nihil faciant,
 sed mirum, quantum eidem officiant. Innume-
 ra hujusmodi incommoda & prava cum rectae fi-
 dei tum verae pietati noxia & pernicioſa dō-
 gmata peperit ecclesiae Christi hic in occidente
 theologia scholastica sive disputatrix, scēdissimē
 a plerisque fere omnibus semper vitata & cor-
 rupta.

Quod disputat Bellarminus c. 19. contra suorum
 gregalium quosdam, *Deum bona justorum opera*
ex mera liberalitate remunerare ultra vel supra
condignum, nāc libentissime illi concedunt Pro-
 testantes; quin immo urgent omnes: etenim eo
 ipso meritum vitae aeternae de condigno vali-
 diffime everti exillimant. Responsio autem
 Bellarmini in fine cap. 18. §. *Respon.* miserum
 tantum subterfugium est. Quid vero de iis,
 quae Bellarm. disputat a cap. 20. usque ad fi-
 nem libri, *Quaenam scilicet sint illa, quae cadunt*
sub merito de condigno? judicandum sit, ex prae-
 dictis facile cuivis intelligenti constat. De to-
 ta au.

ta autem hac meriti disputatione, ut alios innumeros Protestantes silentio transeam, lege sis J. Vfferium, archiepiscopum nunc armachanum, contra jesuitam hibernum, Fr. Whiteum contra Fisherum jesuitam, J. Davenantium, episcop. sarisbur. disp. de Justitia actuali cap. 53. & seq. Adi etiam Theses theolog. Ger. Jo. Vossii de Meritis.

Sed quia tota haec lis de meritis multis theologis moderatis logomachia tantum videtur, (vide archiep. spalat. de Rep. Ecclesiastica l. 7. c. 7. n. 8. *D'ssidium*, inquit ille, *in verbis est, ubi de meritis certant partes*) Pag. 206.) certe non imus inficias, ut nec Protestantes doctiores & saniores, (1) si opinio meriti de condigno tollatur, quatenus scilicet bona justorum opera seu *merita*, ut Patres latini appellant, quia a Spiritu sancto proficiscuntur, intrinsecum quendam valorem ac dignitatem mercedi aequivalentem habere asseruntur, & *quaratione duntaxat cum gratia Dei in vita aeterna donanda* (2) *conciliari non possunt*: & si dignitas sive condignitas operum, (nihil enim refert, sive hoc, sive illo modo loquaris) omnis in Dei promissionem ppetere gratuitam, & illius gratiosam eorundem acceptionem transferatur, hanc controversiam inter viros moderatos facile non componi tantum, sed etiam omnino cessare posse. Sed senten-

(1) Si opinio meriti de condigno tollatur] Vide p. 207.

(2) Conciliari non possunt] Aliter videtur Walenbuchiis tom. 2. p. 608.

sententiam aliorum multorum Romanorum, Jesuitarum imprimis, qui operum ipsorum bonorum *intrinsecam dignitatem*, etiam quatenus a gratia Spiritus sancti profluunt, adeo efferunt & extollunt, ut eis etiam ob illam (& non propter solam Dei promissionem & gratiosam aestimationem,) ex condigno, proprie loquendo, vitam aeternam deberi contendant, ex ecclesia explodendam censemus, ut quae scripturis & Patribus manifeste repugnat, immo quam etiam plurimi alii Romanenses, adeoque quotquot uspiam gentium Christi nomen invocantes, tenuitatis suae sibi conscius sunt, toto pectore detestantur & averfantur. Hoc igitur novo dogmate profligato, priscam tantum Ecclesiae catholicae doctrinam hac in materia, ut & in aliis omnibus hodie obtinere & vigere cupimus, & ardentissimis votis optamus ac postulamus a Deo ter optimo maximo. *Deus proprie*, inquit Erasmus de Amabili ecclesiae concordia, *nullus debitor est, nisi forsitan ex gratuito promisso; quanquam & hoc ipsum, ut praestemus promissi conditionem, illius est munificentiae; non tamen rejiciendum est mercedis aut meriti vocabulum, quod Deus, quae in nobis aut per nos operatur, pro sua bonitate accipiat ac pensat.* Episcop. elienfis contra Bellarm. Apolog. c. 7. 165. *Reddi cuique secundum opera in iudicio fatemur, sed non ex pondere humani meriti, sed ex vi promissi divini: cujus promissi ex gratia fons quoque; qua gratia sua benignus servator mercedem plenam operi non pleno, mercedem*

cedem diariam operi horario repromisit, quod
 qve ex gratia promisit, ex iustitia reddit. *iustitiam*
nequaquam futurus, nisi dictis maneret. Redde,
 quae promissisti, cum ea, qua par est, *humilitate*
dicere possumus. (Pag. 207.) Redde, quod merui,
 quod mihi ex merito debes, puto, non debemus
 Denique aliter (1) in Missa cardinalis loquitur, ali-
 ter hic in Apologia. In Missa, ut non aestimator
 meriti, sed veniae largitor; hic jam per contrarium po-
 nitur, ut non veniae largitor sit, sed aestimator
 meriti, audacter postulat. Vide etiam Andr. Fris-
 ejum l. c. Quid? quod Bellarm. ipse c. 18. §. 1. *glori-*
am negari non potest, concedere cogitur, aeternam
vitam & gloriam longo excellere actione meritoria;
 & (quod ibidem) ad meritum condigni non
 requiri absolutam aequalitatem inter meritum
 & praemium, secundum iustitiam distributivam,
 sed sufficere aliqualem proportionem, affirmat. Vi-
 de etiam cap. 17. §. Jam vero, ubi, quod dicitur
in opere ex gratia procedente esse tantum, quandam
proportionem & aequalitatem ad praemium; (vitam
aeternam) vanum & frivolum est; eo ipso enim
meritum vitae aeternae condignum, proprie,
sic loquendo, diserte destruit; qui quicquid ille
contra contendat: utpote ad quod constituen-
dum non sufficit quaedam proportio, sive pro-
portionalis qualitas, sed absoluta & perfecta a-
qualitas, sive exacta proportio requiritur, ut
constat. Sufficiat ergo dicere, (2) esse meri-
tum

(1) In Missa] Vide supra, pag. 207.

(2) Esse meritum aliquod] Vide p. 206.

tum aliquod, sive dignitatem aliquam operum bonorum, (quomodo tantum pia vetustas loqui amavit) quae tota ex gratia & dignatione divina pendeat, sed a merito de condigno proprie & exacte sic dicto, i. e. a nupero & novitio quorundam Scholasticorum commento asserendo ac defendendo, *abstineatur*. Multos enim nodos, ut jam alia, eoque multo graviora argumenta non allegemus, qui novas & falsas sententias mordicus defendendas suscipiunt, ipsi sibi inducunt, quos sine aperta contradictione dissolvere non possunt. Sed hic hujus libri, immo universae de justificatione controversiae, quinque libris à Bellarm. pertractatae, & totidem a nobis optima fide, pro modulo lucis & gratiae concessae, examinatae finis esto.

Benedictus Deus, qui dat lassò virtutem, & quibus non est robur, vires multiplicat. Esa. 40. 29.



(Pag. 209.)

Consideratio

Controversiae

De

Purgatorio.

CAPUT I.

*An purgatorium Romanensium firmum
habeat in sacris literis fundamen-
tum, nec ne?* Omis.



Missis in praesentia iis, quae de circumstantiis purgatorii, videlicet de loco, tempore, poenarum genere, suffragiis, & hujus generis aliis, minus certa apud ipsos Romanenses habentur, & de quibus multum inter se variant, (videatur Bellarm. lib. 2. de Purgatorio per totum) de iis tamen, quae apud eos certa & de fide habentur, dicamus. Quod locus sit aliquis, in quo tanquam in carcere post hanc vitam, eorum fidelium animae, quae alicujus temporalis poenae peccatis mortalibus debitae reatu adhuc obstrictae, (Pag. 210.) vel cum aliquibus peccatis venialibus migraverunt, secundum iustitiae divinae rationem gravissime cruciantur, quoad penitus ab hujusmodi peccatis purgatae in coelum ingredi valeant, quo nihil intrabit coinquinatum, (vide Bellarm. de Purgat. lib. 1. c. 1.) * *dogma esse fidei*, communiter asserunt hodie Romanenses, & creditu tam necessarium, (ut audacissime affirmat Bellarm. lib. 1 de Purgat. cap. 15.) ut, qui non credit purgatorium esse, ad illud nunquam sit perventurus, sed in gehenna sempiterno incendio cruciandus. Idem etiam odiosissime repetit in Apolog. Torti contra seren. M. Brit. R. J. Vide episcopi eliensis Respons. ad illam apolog. cap. 8. pag. 209. Immo Panigorola insaniens non dubitavit negare Deum esse, si purgatorium non sit, Lect. de purg. Taurini habita. Vide Synopsin purior,

* Dogma esse fidei] Vide p. 239. 265.

rior. theol. disp 39. de Purgat. thesi 4. Hanc tamen sententiam de Purgat. utut locum forte habere possit *inter opiniones scholae*, quae non sine formidine contrarii sunt, ut loquitur doctissimus episc. elienfis l. c. pag. 208. inter fidei tamen articulos non posse, immo nec dogma quidem ecclesiasticum haberi posse, recte judicant Protestantes.

Primo enim dogma hoc *nullum habet in sacris literis fundamentum*, neque ex vero, certo, & perspicuo scripturae loco demonstrari potest; cum tamen *in his, quae aperte in scriptura posita sunt, inveniantur illa omnia, quae continent fidem moresque vivendi*, ut ait August. lib. 2. de Doctr. christ. cap. 9.

Jaçtat quidem Bellarm. lib. 1. de Purg. cap. 15. *ex viginti scripturae locis purgatorium patere, atque etiam hoc se probatum dedisse*; sed quam misere illa scripturae loca detorserit, luculentissime demonstrarunt plurimi doctissimi Protestantes aliiq; viri moderatissimi ex ipsis locorum illorum circumstantiis, ex Patribus, quos & interpret citat, & ex aliorum Romanensium in eadem loca commentariis. Lector diligens eos adeat, qui hanc controversiam copiosius contra Romanenses tractarunt. Idem etiam nemini non clarissime apparere potest ex plurimis *frigidissimis & timidissimis ipsius Bellarmini dictis* in omnibus fere praedictis locis explicandis & urgentibus: mirum enim est, quantum saepe frigeat, in hac disputationis parte ad rem calidissimam pro,

probendam suscepta. Pag. 211.) Sed cogitationes mortalium non possunt non esse timidae, & sententiae incertae, (ut verba sapientis, Sap. 9. 14. cum quadam variatione hic usurpem) quando divinitus non diriguntur, per sapientiam ex caelo acceptam. Quam incerta enim & lubrica sunt ista lib. 1. cap. 3. sect. *Ad quintum dico*, dum respondere conatur ad id, quod obijciunt Protestantes, eos, pro quibus ex *Judae machabaei* praescripto oratum oblatumque fuit, 2. Machab. 12. 46. in mortali peccato decessisse; ut qui de anathemate, h. e. de rebus, quae idolis Jamniae sacratae erant, suffurati essent. v. 40. contra legem Deuter. 13. 17. & comminationem, quae est Jos. 7. 12. cum Romanenses pro veniali tantummodo peccato orari & offerri debere doceant: *Dico*, inquit Bellarminus, peccatum illorum aut fuisse veniale, quia forte ignorabant legis prohibitionem; aut certe, si mortale fuit, in mortis articulo milites illos doluisse de peccato, aut saltem *Judam machabaeum* ita existimasse. Sed quam dubie & haesitante haec a Bellarmino dicuntur! Certe sacrificium pro tanti criminis reis; de quorum poenitentia haud certo constaret, fieri non debuit. Ibidem §. *Ad Septimum: Praeter hunc locum* (Machab. scilicet) *sunt*, inquit, *alia quaedam*, (testimonia nimirum) quae solum probabiliter suadent. Haec autem sunt omnino novem, quae post subjungit & urget, ut ibidem videre est: quae non cogunt, seu solum probabiliter suadent, & quae fere omnia varie exponi, variosque sensus ha-

bere possunt, diserte confitente ipso Bellarmi. no. Ex loco Matth. 12. 32. ubi dicit Dominus, esse quoddam peccatum, quod non remittitur neque in hoc seculo, neque in futuro, cap. 4. infert, quaedam peccata remitti in futuro seculo, scilicet in purgatorio. Et sect. Respondeo, inquit: non sequi secundum regulas dialecticorum id, quod infert ex verbis Domini, sed tamen sequi secundum regulam prudentiae.

De argumento palmario, quod fere omnes Romanenses urgent & premunt ex 1. Cor. 3. 11. & seq. confitetur idem Bellarm. cap. 5. locum istum esse unum ex difficillimis totius scripturae; quod etiam ex Augustino confirmat. Quomodo igitur ex eo purgatorii dogma perspicue demonstrari potest? Ut videas, quam misere se ipse fatiget, immo torqueat, ut purgatorium inde non eliciat, sed extorqueat, lege, obsecro, aequalector, totum illud cap. 5. atque intueri illud, (ne inobservatum abeat) quod haud procul a fine Bellarm. respondens ad objectionem gravissimam suae hujus loci explicationi oppositam, pag. 212) absurdum scil. esse, apostolum in eadem sententia varie accipere nomen ignis, semel pro judicio, & semel pro vero igne purgatorio, §. Respondeo primo, inquit: Respondeo, nos cogi ab ipso textu ad equivocationem non unam, sed duas admittendas. Male Bellarminus affirmat, se ab ipso textu cogi; ipse enim tantum cogit textum aequivoce loqui, ad sensum suum incongruum (ut loquitur Hieron. ad Paulino) aptand-

tando scripturae testimonium, & ad voluntatem suam scripturam trahendo repugnantem, ut paulo post dicemus. Deloco 1. Cor. 15. 29. quem urget cap. 6. *Quid faciunt, qui baptizantur pro mortuis?* Sic loquitur Bellarm. *Hic locus aperte convincit, quod volumus, si bene intelligatur.* Cautē admodum dictum, *si bene*, id est, ad mentem Bellarmini intelligatur. Longe enim aliter Patres locum hunc intellexerunt, ut ibidem videre est. Vnde continenter subdit Bellarminus: *Sex invenio hujus loci expositiones.* Quod ad locum Matth. 5. 26. & Luc. 12. 59. *Amen dice tibi, non exhibis inde, donec reddas novissimum quadrante,* attinet, audiatur Bellarm. c. 7. §. *De sexto*, ubi ait: *De sexto conveniunt etiam fere omnes, &c.* Et paulo post: *Augustinus putat, hic agi de pœnis aeternis gehennae.* In urgendo loco Matth. 5. 22. *Qui irascitur fratri suo, reus erit iudicio, &c.* cap. 8. §. *Respondeo primo*, inquit: *Secundo dico, saltem ex hoc loco posse deduci pœnas aliquas post hanc vitam purgatorias esse.* Ibidem de loco Phil. 2. 10. *Ut in nomine Jesu omne genua flectat cœlestium, ac terrestrium, & subterraneorum, sect.* *Utuntur*, dicit: *Utuntur nostri hoc loco, sed tamen non videtur multum urgere.* Vides igitur, lector, quam inaniter gloriatur Bellarm. locis supra citatis, purgatorium etiam ex viginti scripturae locis probari posse, atque etiam demonstrasse se, illud ad fidei dogmata ita perspicue pertinere, ut quodlibet aliud certissimum dogma fidei.

Sed priusquam hinc abeamus, libet pauca ex Guil. Estio de loco illo celebratissimo, & in quo quasi fortunae purgatorii positae plerisque Romanenlibus videntur, huc adscribere, nempe ex Comm. in 1. Cor. 3. 13. *Rursum alii*, inquit, Bel-larminum praecipue intelligens, cujus sententiam hic tacito illius nomine refellit, *existimant, apostolum non una significatione ignem accipere.* (Pag. 213.) *Nam primo quidem loco conflagrationis ignem intelligunt; secundo ignem interpretantur severum & justum Dei iudicium, quo probantur & examinantur omnia hominum opera: tertio denique loco, cum dicitur, ipsum hominem salvum fore, sic tamen, quasi per ignem, intelligi volunt ignem purgatorium animarum post hanc vitam. Verum aliis absurdum haud immerito videtur, apostolum in uno contextu paucorum verborum tam varie loqui de igne: nec facile quisquam sibi persuaserit, tertio loco purgatorium ignem animarum significari, si primo & secundo loco diversus ignis significatus fuerit. Quare ut in hac obscuritate, Pauli mentem attingamus, imprimis apparet, ignem uno modo in hoc contextu accipi debere. Affirmat igitur, locum hunc totum de igne conflagrationis in die extremi iudicii intelligendum esse; atque hic multa veterum citat testimonia de igne novissimi diei, ut Basilii, Hilarii, Ambrosii, Lactantii, Eucherii lugdunensis, Alcuini, Haymonis, & Lombardi. Vide auctorem ipsum late hac de re differentem. Movet tamen in fine explicationis hujus loci inter*

inter alias quaestiones & hanc numero tertiam, p. 223. An, & quomodo probetur ex hoc loco purgatorium animarum post hanc vitam ? Si enim, inquit, opus unius cuiusque probabit ignis, atque ea probatio demum futura est in die Domini, & ad eundem diem referendum est illud, Salvus erit quasi per ignem, non modo non videtur ex hoc loco construi purgatorium animarum statim a morte corporum, verum etiam destrui, cum tota purgatio reservetur extremo iudicio. Atqui purgatorium ex hac scriptura latini Patres in Concilio florentino, licet Graecis dissentientibus, statuendum putaverunt Auctor, ne gregales suos irritaret, & nimio plus offenderet, paucis respondet, purgatorium animarum ex hoc etiam Pauli loco bene & solide colligi : sed quantum frigide id praestet, lector iudiciose, ipse tuis oculis vide. Ludit enim potius, quam serio agit in ista sententia hinc deducenda. Mover etiam immediate post, & quidem pag. 224. quaestionem : Cur apostolus, omitta mentione purgationis animarum, quae sit medio tempore, loquatur tamen de igne extremi iudicii ? Ejusdem responsionem ad quaestionem hanc expende, lector, & clarissime videbis, locum hunc totum nulla ratione ad purgatorium animarum, sed ad ignem extremi diei, omnium opera probaturum, referendum esse. Licet longe aliter vir hic doctissimus hunc locum intelligendum censuerit in 4. Sent. dist. 21. §. 1. & 4. p. 298. 304. scilicet de purgatione animarum post mortem.

pag. 214.) Audiatur etiam idem Esius de

X 3

sensu

sensu loci 1. Cor. 15. 29. *Quid facient, qui baptizantur pro mortuis?* in comment. in istum locum, ubi sic refellit expositionem illam, quam Bellarminus cap. 6. veram & germanam, immo verissimam esse affirmat: *Sunt, inquit, alii quidam recentiores, qui baptizari interpretantur affligi, quomodo sumitur Luc. 12. 50. proinde sensum hunc faciunt:* Frustra quidam pro mortuis juvandis orando, jejunando, & alia quaedam dura subeundo sese fatigant & affligunt, si mortui non resurgunt. *Verum, certe non multum probabilitatis habere videtur istiusmodi commentarius; primum, quod illa baptismi significatio valde figurata sit ac rara, nec ab alio quam a Christo usurpata. Quod enim ad verba praecursoris attinet, loquentis de baptismo ignis, Matth. 3. 11. melius ea referuntur ad rem gestam in die pentecostae. Deinde refellitur ille commentarius, quia baptismus iis duobus locis, qui allegantur ex Luc. 12. 50. & Marc. 16. 38. 39. non significat afflictionem seu passionem quamlibet, sed vehementem, eamque forinsecus illatam aut irruentem, ut sunt in scripturis, persecutionum ac tribulationum, quibus qui merguntur & obruuntur, baptizari videantur. Hoc autem ad voluntarias afflictiones, ut sunt orationes, eleemosynae & jejunia, quae pro mortuis adjuvandis suscipiuntur, accommodari non potest. Quasi Paulus omnino significare voluisset, non dixisset, qui baptizantur, tanquam ab aliis, sed qui baptizant seipsos pro mortuis. Quomodo secundum scripturam, qui voluntaria subeunt jejunia, seipsos aut animas suas affligere dicuntur,*

De purgatorii probat. ex script. p. 215. 327

ut Levit. 16. 29. & 23. 27. & alibi Haecille. Vide etiam Cornelium a Lapide in hunc locum, qui Chrysostomi expositionem omnium simplicissimam esse judicat. Adi etiam theses Vossii de Resurrect. carnis thes. 18. & de utroque loco vide notas J. Scaligeri in fine Novi Test. graeci excusi Londini, anno 1628.

Quam incerte & haesitanter episcopus rosenensis hac de re contra Lutherum art. 47. qui est, *Purgatorium non potest probari ex S. scriptura, quae sit in canone, differit! Primum, inquit, dicimus, quod tametsi ex scripturis non possit probari purgatorium, veritas ejus nihilominus Christianis cunctis credenda est.* pag. 115.) Deinde pergit, sibi contradicens: *Quoniam scriptura S. conclavè quoddam est omnium veritatum, quae Christianis sciri necessariae sunt, (nota hoc obiter, lector, pro scripturarum perfectione) nemini potest ambiguum esse, quin purgatorii veritas in ipsa contineatur, & quin ex ipsa quoque probari possit.* Et paulo infra: *Quaquam fortassis unam aliquam scripturam, quae protervientem adigat, uti rem, velit, nolit, confiteatur, in promptu non sit adducere, potest esse nihilominus illic aliqua, tametsi diligentissimos hactenus inquisitores ipsa latuerit.*

Joachimus Perionius in Topicis theologicis: *Solus, inquit, locus Machabaeorum, depromi potest ex scripturis divinis, qui aperte doceat, preces & sacrificia prodesse mortuis.* Hosce autem Machabaeorum libros (vide p. 216.) canonicos non esse concedit, ut alios prope innumerostestes si-

lento praetereamus, ipse etiam Gregor. magnus Moral. lib. 19. cap. 17. *Non inordinate agimus, si ex libris, licet non canonicis, sed tamen ad aedificationem Ecclesiae editis, testimonium proferamus.* Et postea adducit locum ex 2. Machab. Vnde Julius Caesar Bulengerus, referente Chamiero de Purgat. tom. 3. lib. 26. cap. 2. n. 3. cum Mornaeus hoc Perionii objiceret apophthegma, *nullum se scire scripturae locum ad purgatorium probandum;* adjecit, *difficile esse dari aliquem textum expressum & clarum, sequi eam ob causam habuisse locis iis, quos Patres purgatorio applicarint, ut ostenderet, non esse hanc rem novam, sed fuisse in primitiva ecclesia: Nam si rationibus, inquit, agatur de horum locorum interpretatione, annus abiret totus, & tandem res maneret indefinita.*

Petrus a Soto, qui Tridenti tempore Concilii obiit, in Assertionem catholicam pag. 83. *Non est, inquit, cur mirari debeamus, quod nec prophetica nec apostolica scripta aliquid certi & perspicui de purgatorio tradiderint, cum certum sit, multa sine scripturis esse tradita.* Et pag. 84. *Illis scripturae locis (quae scilicet pro purgatorio citari solent) fatemur, non apte purgatorium probari; sed quod ex certa fidei regula credimus, id autoritatibus illis advertimus judicari.* Item pag. 85. *Nec eorum, qui purgatorium negant, argumenta efficacia sunt, sumpta ex eo maxime, quod in scriptura nihil perspicue de eo traditur; cum jam constet, multa non scripta fuisse eorum, quae credenda sunt, sed auctoritas Ecclesiae satis est.* Pag. 216.) Idem in Sacerdotum
tum

tum instructione lect. 1. de Purgat. ingenue confitetur, minus apertas, minus efficaces esse, & minus probare. auctoritates scripturae, quae ad probandum purgatorium a suis doctoribus adferuntur: illis itaque non esse utendum. Item, non esse necessarium, nec opportunum, inniti loco Matth. 12. 32. Non remittetur, neque in hoc seculo, neque in futuro: quia responderi potest, dictum esse secundum quandam exaggerationem & hyperbolam. Neque etiam ex illo 1. Cor. 3. 13. Sic tamen, quasi per ignem, probari, esse aliquod tale purgatorium post mortem; quia talis ignis debet intelligi, ut ambo per eum transeant, tam qui aurum, quam qui fennum aedificant. Quae ratio, inquit idem, efficacissime arguit, ibi non probari purgatorium post mortem, aut si cui videtur, nihilominus probari posse, certe propter ambiguitatem, sensus minus est evidens. Quare nec illi innitendum. Locus autem ex 2. Machab. 12. 46. de igne aliquo purgatorio aut loco, in quo animae ustulantur, nihil habet, & ita potest explicari, ut ex eo suffragia pro mortuis, saltem ex facto, inde probari non possint. Sed praeterca de libri illius auctoritate, an scilicet canonicus sit, dubium fuisse apud antiquos, quod tempore Augustini nondum satis explicatum videbatur, ait idem Soto, asseritque, dogma de purgatorio certius & evidentius esse, quam sit libri illius auctoritas; nec esse evidentiora minus evidentibus confirmanda. Vide Synopsin purior. theol. loco supra citato. De auctoritate 2. Machab. adi sis, inter alios innumeros, viri longe doctissimi Petri Picherelli

judicium in Appendice de Missa pag. 34. *Quo ex loco, (2. Machab. cap. 2. 29.) inquit, autor ipse epitomes satis indicat, quantum ipsi veritatis & sinceræ exactæque diligentiae sit tribuendum, qui eam non a se, sed ab autore fassone velit requiri. Et in dissertat. de Missa, pag. 142. de loco cap. 12. vers. 43. in omnibus bibliis latinis corrupto, ita loquitur: 2. Machab. 12. πει ἀμαρτίας ἱστίας, pro peccato sacrificium, dicit auctor; sed corruptus locus. Latine corrupte adhuc legitur in templis, in omnibus bibliis, pro peccatis mortuorum.*

Pag. 217.)

Immo purgatorium, quod hodie astruunt Romanenses, non modo nihil fundamenti habet in scripturis, sed etiam cum plurimis illarum testimoniis aperte pugnat: sicut Protestantes, aliiqve etiam viri moderati, abunde demonstrarunt; quos, quia nos brevitate affectamus, tibi consulendos relinquimus, lector studiose. Sufficiat in praesenti locus maxime insignis & illustris, quo (ut recte Picherellus ait dissert. de Missa pag. 156.) paucis verbis B. Johannes purgatorium ignem extinxit, Apoc. 14. 13. *Beati mortui, qui in Domino moriuntur; a modo, (etiam dicit spiritus) ut requiescant a laboribus suis, &c.* quem paulo accuratius excutere, & a corruptelis contradicentium vindicare, fortasse nec ingratum nec inutile erit lectoribus. Ad hunc locum respondent multi Romanenses, non esse intelligendum, nisi de martyribus, ita ut mori in Domino sit mori pro Domino, aut propter Domi-

num,

num, quia scilicet saepe praepositio *in* apud Hebraeos idem valet, quod *propter* aut *pro*. In hanc etiam sententiam explicant quidam Protestantium, ut Beza & Piscator, hunc locum. Bellarminus lib. 1. cap. 12. affirmat, loqui beati Joannem *de viris perfectis*, ac praesertim de sanctis martyribus, (eos enim eo loco, inquit, consolari volebat) qui simpliciter moriuntur in Domino, neque aliquid purgandum secum ferunt. Similiter & Estius in h. l. de viris perfectis intelligit. Sed expositio haec repugnat communi fere omnium expositorum sententiae, quae est, (ut confitetur Ribera ipse in locum) haec de omnibus justis dici. Primasius ait: *Illi in Domino dicuntur mori, qui fide vitaeque probabiles, hinc meruerunt evocari.* Aretas caesariensis: *Non omnes praedicat beatos mortuos, sed in Domino morientes: Ἰὺς νεκρωθέντας τῷ κόσμῳ, ἔ τὴν νεκρωσιν τῷ κυρίῳ Ἰησοῦ ἐν τῷ σώματι περιφέροντας, mortificatos mundo, & mortificationem domini Jesu in corpore circumferentes.* Videatur Gagneus, sententiam veterum Graecorum referens. Beda, citante Ribera: *Gratias tibi ago, Jesu, qui beatificas eos in caelo, qui in te moriuntur in terra. Quanto magis illos, qui & in tua & pro tua fide felices ponunt animas!* Anselmus: *Qui in confessione Domini vera dissolvuntur.* Pag. 218.) Haymo, quem Bellarm. & Ribera citant, sententiam hanc non improbat, dicens: *Qua sententia Beati, qui in domino moriuntur, simpliciter potest*

potest intelligi: Beati mortui seculo, qui in Domino moriuntur, viventes virtutibus, qui scilicet pleni fide & caeteris bonis operibus, de hoc mundo migrant. *Haec vox tam ad ipsum Johannem pertinet, quam ad omnes fideles, qui remissionem sempiternam expectant. Quod superius dicit, Beati, qui in Domino moriuntur, omnibus electis congruit.* Vnde Ribera in locum: *Quaeritur, inquit, an probanda sit communis illa expositio, de omnibus fidelibus scilicet? Respondeo, veram esse & probandam, eique favere consuetudinem Ecclesiae, quae in officio defunctorum haec verba proponit, quasi de omnibus velit quodammodo intelligi. Causa est, quod esse in Domino, sive esse in Christo, significat intra ejus corpus contineri, non quomocunque, sed ut viva membra.* Salutate eos, qui sunt ex Narcissi domo, qui sunt in Domino, Rom. 16. 11. Salutate Andronicum & Juniam, qui & ante me fuerunt in Christo. v. 7. Rom. 8. 1. Gal. 1. 22. *Denique idem est, esse in Domino, & manere in Domino: Joh. 4. v. 5. 15. Manete in me, & ego in vobis. Qui manet in me, & ego in eo, hic fert fructum multum. Ita etiam in Domino moriuntur, qui usque ad mortem in eo manent, & cum moriuntur, viva Christi membra sunt.* Vide 1. Cor. 15. 18. 1. Thes. 4. 14. *Est autem & hic sensus ad id, quod apostolus agit, aptissimus, quoniam & priorem illum complectitur, & latius manat, ad omnesque justos pertinet: & quamvis plurimi eo tempore martyrio vitam finient, tamen multi etiam fugati & spoliati a ministris antichristi, & multi in-*

com-

commodis affecti, tandem sine martyrio moriuntur in summa sanctitate; de quibus etiam apostolo loquendum fuit, & quos non putandum ab hac beatitudine excludi. Beati mortui, qui in Domino moriuntur, cum eis causa, quae subditur, conveniat: a modo etiam dicit Spiritus, ut requiescant. Haec omnia Ribera, qui alioqui sententiam de solis martyribus hic intellectis maxime probat.

pag. 219.) J. Lorinus in Act. Apostol. cap. 7. 60, ad verbum, *obdormivit*, sic commentatur: *Nilominus prior expositio loci* (scilicet, Beati mortui, qui in Domino moriuntur, de cujus loci sensu illic agit) *recipienda est de omnibus, scilicet justis, quam Ecclesia agnoscit, proponens in officio defunctorum illa verba de omnibus justis; eamque sequuntur Andreas caesariensis, Beda, Richardus de S. Victore, (quem tamen Bellarm. affirmat, locum intelligere solum de viris perfectis) Primasius, Anservertus, Joachimus abbas, Hugo cardinalis, * Carthusianus, Viegas noster (jesuita scilicet) & alii; nec Haymoni displicet.* Nota hoc obiter contra Bellarminum. Ita locum illum Bernhardus etiam intellexit in *serm. ad milites templi*, cap. 1. & *epist. 98. Favet quoque epistola Pauli ad Roman. cap. 16. 7. 11. & epistola ad Gal. cap. 1. 22. aliaque ex utroque testamento exempla colligit noster Sa in indice scripturae. Ex quibus intelligi potest, quod esse in Domino, vel in Christo, significat, intra corpus ejus contineri, & in ipso manere. Quare in Domino etiam moriuntur & obdormiunt, qui manent in eo usque ad mortem, & in ipsa*

* Carthusianus] Nomine Dionysius, mor-

morte sunt viva ejus membra. *Qui sensus congruit proposito Johannis, quia, etsi sub antichristo plurimi vitam martyrio finituri sint, alii tamen, & jam non pauci, ab ejusdem ministris affecti variis aliis incommodis, moriuntur sancte, sed sine martyrio: quibus tamen omnibus, & his convenit, quod ibidem subditur, a modo etiam dicit Spiritus. Haec ille, ex Ribera fere omnia verbatim conscribens.*

Ex praedictis liquet, quam absurdum, immo monstrum sermonis novum sit, quod dicit Belarm. lib. 1. cap. 12. circa finem, *fideles aliquos non simpliciter mori in Domino, sed partim in Domino ratione charitatis, quam secum ferunt, partim non in Domino, ratione peccatorum, quae nihilo minus secum ferunt.* Concesso enim, quod multi Patres, & viri quidam hujus seculi doctissimi & moderatissimi, ut probabile, admittunt, (qua de re infra plenius dicemus) *fideles aliquos posse & solere ex hac vita decedere cum peccato aliquo, vel etiam aliquibus levioribus hic non remissis, sed in vita futura post mortem, intercessione Ecclesiae, non autem poenarum purgatoriarum, a Romanensibus fictarum, toleratione remittendis; (Pag. 220.) moriuntur nihilominus & hi simpliciter in domino, nempe in Christi gratia, & in morte viva illius membra sunt, alioqui perpetuis suppliciis mancipandi essent: & beati sunt pro statu tali intermedio, neque poenis illis gravissimis & acerbissimis, quae fiunt in purgatorio, cruciantur, sed statim a morte*

morte & vitae hujus aerumnis ad quietem vel requiem coelestem abeunt, majorem interim beatitudinis coelestis gradum in die visionis Dei clarae & plenae ardentibus votis expetentes, & cum plena fiducia ut plurimum expectantes. Bellarminum nihil juvat, quod Augustinus lib. 3; contra 2. Epistolas Pelagianorum cap. 3. dicat, *justos in hac vita partim esse filios Dei, partim filios hujus seculi*, ac proinde neque mirum videri debere, quod aliquos dicat ipse mori partim in Domino, partim non in Domino. Etenim dicit quidem Augustinus eo loco, *justos hic esse filios Dei, & filios seculi*, diversa scilicet ratione, quia peccant, vel non peccant; sed nusquam dixit, eosdem esse partim filios Dei, partim non filios Dei: siquidem *filii Dei, & non filii Dei*, repugnantia sunt, ut non possit, qui filius est Dei, esse non filius Dei. Diversa autem hic sunt, *filii Dei, filii seculi*, sed non repugnantia: at *mori in Domino, non mori in Domino*, ut loquitur Bellarm. non diversa, sed potius contradicentia sunt. respondet Bellarm. ad locum, cum Anselm. illud *a modo* non significare a morte uniuscujusque, sed *ab extremo judicio*, de quo, inquit, eo cap. S. Johannes loquitur. Sed quam de locus hic sic exponitur: Beati, qui in Domino moriuntur, quia a modo, nempe a die nostri judicii, in aeternum requiescent a laboribus! Ecquis enim & qualis interim erit in Domino morientium, sive animarum a corpore separatarum ante finale judicium?

um? Beatusne, an vero miser? Quis non videt, ad idem tempus, praesens scilicet, utrumque referri, sive sic intelligas: *Beati, qui in Domino moriuntur, & a modo beati sunt*: sive per trajectionem τὸ ἀπὸ cum nomine *Beati* connectere libet, (vide Bezam in locum) vel etiam, ut facit interpret latinus, cum sequentibus *a modo etiam, &c.* (ubi hoc obiter annotetur, in latinis codicibus, pro *vai*, *etiam*, legi *jam*. Vide Riberam in h. l. & Petr. Picherellum de Missa p. 128. & in appendice de Missa pag. 341. 342.) Pag. 221.) Sensus enim loci, particula *iva*, ut, per trajectionem transposita, sic erit: *ut a modo requiescant a laboribus suis*. Quam particulae hujus transpositionem non raro invenire est in scripturis, videlicet Act. 19. 4. Rom. 11. 31. 2. Cor. 2. 7. & 12. 7. Vide Picherellum l. c. pag. 128. & 341. 342. Quod vero cum verbo *moriuntur* potius construendum sit, indicat quidem etiam e Protestantibus Piscator, qui ad supplicia christianorum tempore antichristi locum restringit, & Chamierus tom. 3. lib. 23. cap. 5. n. 5. arbitratur, non posse cum sequentibus construi, quia particula *vai* non soleat subjici primae commatis voci, sed inchoare potius ipsam sententiam. At utrumque infirmum est: *Est enim haec particula*, inquit Beza in hunc locum, *cum μακάριοι necessario conectenda, quoniam alioqui prioribus seculis mortui in hac sententia non comprehenderentur*. Ribera scribit: *Si autem dicamus,*
Beati

Beati mortui, qvi in Domino moriuntur a modo, *cur additum est, a modo, cum semper beati fuerint, qui in Domino moriuntur?* Illud etiam Chamerianum infirmum esse, ex sequentibus Riberae patet. Dicamus ergo, *a modo etiam dicit Spiritus*, sive, ut legit Primasius, *ab hinc etiam Spiritus*, nempe quoniam Spiritus sanctus dicit & jubet, ut ex hoc tempore requiescant a laboribus suis, id est, a tempore mortis. Crebrae enim multarum istiusmodi particularum trajectiones in sacris literis occurrunt.

Sed ut de re ipsa dicamus, audiantur veteres, qvi τὸ ἀπ' αὐτοῦ a tempore mortis exponunt, confitente Ribera, videlicet Ambrosius, vel illi tribuitur commentarius in Apocal. *a modo, nempe a tempore mortis suae, requiescent sancti a laboribus suis*, Haymo, Beda, qvi etiam affert illud Psal. 126. vel 127. 2. *Cum dederit dilectis suis somnum, ecce haereditas Domini: Arcas, Illis enim revera exitus a corpore, requies est liberans a laboribus*, Ansbertus, &c. Vide Riberam, *In quibus verbis*, inquit ille, *ostenditur, sanctos in hoc mundo nequaquam a laboribus cessaturos, nec requiem illis esse quaerendam. Quousque enim labor consummetur, necesse est, ut ab opere manus intentionis non dissolvantur.*

Quod affirmat Bellarminus, *toto illo cap. 14. agi de extremo iudicio, falsum esse, probat vel ipsa textus inspectio vers. 8. &c.* (Pag. 222.) concedunt etiam Romanenses plurimi: ac proinde huic solutioni non admodum confidens Bellarminus,

minus, loco citato inquit: *Vel si id minus alicui probetur, respondere possumus cum Richardo de S. Victore, &c.* Atque haec de hoc scripturae loco inprimis claro sufficiant. Pergamus ad sequentia.

CAPUT II.

An ex Patribus certo, & perspicue purgatorium Romanensium probari possit.

Sed neque etiam ex Patribus, ante Gregorii papae aetatem, purgatorium, quale adstruunt Romanenses, certo & clare probari potest, quamvis jactitet Bellarm. lib. 1. cap. 15. §. *De tertio*, &c. *omnes veteres Graecos & Latinos, ab ipso tempore Apostolorum, constanter docuisse, purgatorium esse; & cap. 10. §. Deinde, apertissima esse loca in Patribus (graecis & latinis, vide titulum capitis) ubi asserunt purgatorium.* Multo parcior & modestior fuit roffensis, qui contra artic. 18. Lutheri, haec scripsit: *Apud priscos nulla, vel quam rarissima fiebat mentio.* Sed & Graecis ad hunc usque diem non est creditum, purgatorium esse. Legat, qui velit, Graecorum veterum commentarios, & nullam, quantum opinor, aut quam rarissimum de purgatorio sermonem inveniet. Sed neque Latini simul omnes, sed sensim hujus rei veritatem conceperunt, Suffragatur Alphonsus de Castro adversus

sus haeres. lib. 8. tit. Indulgentiae: *In veteribus de purgatorio fere nulla, potissimum apud graecos scriptores, mentio est. Qua de causa usque in hodiernum diem purgatorium non est a Graecis creditum.* Eadem legere est apud Polydorum Vergilium de Invent. rerum lib. 8. cap. 1. ex roffen- si episcopo verbatim repetita.

Citat Bellarm. lib. 1. cap. 5 §. *Ex Graecis*, inprimis Origenem, apertissime, ut ait, *purgatorium docentem* homil. 6. in Exod. & homil. 14. in Levit. & homil. 12. in Hierem. Vide & cap. 10. &c. (Pag.223.) Sed, Deus bone, qua fide! cum certum sit, Origenem, praeter pœnalem hujus seculi purgationem, non aliam agnovisse, quam per talem ignem, quem extremo judicii die subituri sint Apostoli etiam ipsi, omnesque omnino mortales, uno Christo excepto. Vide varia Origenis loca hujus rei firmandae apud Sixtum senensem Bibliothecae S. lib. 5. annot. 170. Tutatur etiam idem Bellarm. ipse de Purgat. lib. 2. cap. 1. §. *Adde, quod.* Immo omnes malos, tam daemones, quam homines, tandem inferno penitus evacuato salvandos, & proinde omnes pœnas post hanc vitam esse purgatorias, censuisse Origenem, referunt, & errorem refellunt Epiphan. epist. ad Johannem hierosolymitanum, & August. lib. 21. de Civit. Dei cap. 17. & 23. & libri de haeres. c. 43. &c. Vide Bellarm. ibidem §. *Secundus error.* & lib. 1. c. 2. §. *Porro non defuerunt.* & Sixt. sen. Biblioth. lib. 5. annot. 131.

Citatur a Bellarmino cap. 10. & quidem pri-

mo loco, Gregor. nyssenus in oratione de Mortuis, operum tom. 2. edit. graeco-latinae pag. 1066. quod dicat: *Vel in praesenti vita precibus sapientiaeque studio purgatus, vel post obitum per expurgantis ignis fornacem expiatus, ad pristinam vellet redire felicitatem.* Et pag. 1067. *Non poterit a corpore egressus divinitatis particeps fieri, nisi maculas animae immixtas purgatorii ignis abstulerit.* Et denique pag. 1068. *Aliis post hanc vitam, purgatorio igne materiae labes abstergentibus.* Sed * parum advertit vir doctus, Greg. nyssenum apocatastasin sive redintegrationem illam, quam etiam peccatores omnes in fine consecuturos existimavit Origenes, intellexisse & probasse. Audiatur auctor tractatus illius graeci de Purgat. qui extat cum Nili opusculis excusus Hanoviae anno 1608. (apologia fuit Graecorum de purg. igne in Concil. basil. exhibita) pag. 146. *Superest unus, videlicet Gregorius, nyssenae ecclesiae praeful, qui magis, quam alii, quae pro vobis faciunt, dicere videtur. Atqui satius erat, illius auctoritatem praeterire, nullaque ratione nos cogere, eorum, quae dixit, defensionem aperte in medium proferre. Dicendum tamen nobis est, salva, quoad ejus fieri potest, patris illius existimatione. Homo erat, &c. Cum itaque quaestio de poena aeterna nondum agitata, discussaque esset, bene etiam Greg. nyssenus opinione ἀποκαταστάσεως sive restitutionis aut redintegrationis, quam peccato-*

* Parum advertit] M. Ant. de Dominis l. 5, de R. E. c. 8, u. 143. putat, cum id dissimulasse,

res consequentur, & quae finem supplicii inferi, accessisse poterat: nihil aliud supplicium illud esse statuens, quam purgationem quandam, & fornicem, attractionemque ad Deum per dolorem & labores; tanquam futura tandem perfecta instauratione omnium, etiam daemones ipsorum, ut sit Deus omnia in omnibus, juxta dictum apostoli.

Pag. 224.) Et pag. 150. Quae dicta sunt igitur, tametsi etiam a B. Gregorio de igne illo dicta sint, purgationem non particularem, sed perfectam inferunt, & τέλειαν πάντων ἀποκατάστασιν, absolutam omnium redintegrationem. Nequaquam vero nobis fidem faciunt, qui ad communem totius ecclesiae sententiam respicimus, & sacris scripturis tanquam regula ac norma utimur, neque quid unusquisque peculiariter scripserit, consideramus. Neque si quis alius de purgatorio igne aliquaedam scriptis mandavit, ea amplecti necesse habemus. Neque enim scriptura duplicem poenam (temporalem scilicet in purgatorio, & aeternam) & duplicem ignem (purgatorium, & aeternum gehennae) neque quinta Synodus oecumenica (quae scilicet sententiam Origenis & sequevacium damnavit) nobis tradidit. Hanc autem fuisse sententiam Gregorii nyseni, clarissimeliquet ex oratione in illud: Quando sibi subjecerit omnia, tunc ipse quoque filius subicietur, ubi Oper. tom. 1. pag. 844. ait: Quisnam est ergo scopu verbi, cujus in ea parte dogma tradit divinus apostolus? quod aliquando ad nihilum transibit, mali natura plene & perfecte deleta ex rerum essentia:

divinaque & ab omni interitū aliena bonitas in se continebit omnem naturam ratione praeditam, nullo ex iis, qui a Deo facti sunt, excidente a regno Dei; quando omni vitio, quod rebus fuerat immixtum, tanquam aliqua natura adultera, per ignis purgatorii fusionem consumto, omne, quod a Deo ortum habuit, tale factum fuerit, quale erat ab initio, quando nondum susceperat unum. Ecquid clarius dici potest? Nec alia est Gregorii mens in locis a Bellarmino citatis, ut diligens & considerata illorum lectio clarissime demonstrat. Similia etiam legere est in oratione de Anima & resurrectione tom. 2. pag. 654. 661. Vide scholia, idcirco in margine utriusque loci in editione sacpe nominata, ad autorem ab errore origenico, si fieri possit, vindicandum, adjecta. Vide & locum de Hominis opificio, cap. 21. &c. tom. 1. pag. 99. & 100. Vnde in praefatione nysseni operibus praefixa haec legere est: *Huic item catholico libro, sicut & illi de Anima & resurrectione disputationi cum sorore Macrina, quidam haeretici, ut in plerisque veterum lucubrationibus, dogmata non nulla, praecepit vero Origenis, injecerant, Nicephoro teste lib. 11. cap. 19.* Adhuc etiam, si libet, archiepisc. spalat. ad praedicta nysseni loca respondentem, lib. 5. de Rep. eccles. cap. 8. n. 143. 144. (Pag. 225.)

Quae ex Ambrosio in psal. 63. & in psal. 118. ferm. 20. Hilario in psalm. 118. vel 119. 174. Lactantio lib. 7. cap. 21. Divinarum Institutionum, Hieronymo in cap. 7. Amosi, Rupert

perto lib. 3. in Genesin cap. 12. a Romanensibus allegantur, nihil ad purgatorium scholasticum, sed ad origenicum dogma, de omnium post hanc vitam, tam bonorum, quam malorum, uno Christo excepto, in igne ultimae conflagrationis subeunda purgatione spectant. Vide Sixtum senensem, Bibl. S. lib. 5. annot. 171. scribentem: *Ex horum autorum sententiis apparet, satis esse diversa, quae tradunt omnes theologi scholastici de igne ultimae conflagrationis.* Immo Bellarm. ipse, qui horum Patrum testimonia, tanquam apertissima, purgatorio probando lib. 1. cap. 10. adduxerat, libro tamen 2. c. 1. §. *Primus, Haec sententia,* inquit, purgari scilicet debere post hanc vitam tam bonos quam malos, solet tribui Alcuino. *Sed videtur esse non ejus solum, sed multorum Patrum, Origenis, Ambrosii, Hilarii, &c.* Et paulo post: *Haec sententia accepta, ut sonat, manifestum errorem continet.* Et infra: *Adde, quod Patres adducti, Origene excepto, (cujus verba homil. 14. in Lucam, non patiuntur commodam expositionem) videntur sano modo intelligi posse.* Nam aliqui eorum per ignem non intelligunt ignem purgatorium, sed ignem divini judicii. Ita videntur de igne loqui Hilarius, & Hieronymus, & in loco posteriore Ambrosius. Aliqui vero videntur intelligere per ignem, verum ignem purgatorii, per quem tamen dicunt transire sanctos sine ulla laesione, ita, ut transeant per purgatorium materialiter, non formaliter. Ita videntur, inquit, loqui Lactantius, Ambrosius & Rupertus &c. Vide etiam hic, lector, quia fide Bellarm. lib. 1. cap. 10. horum pa-

trum loca, tanquam disertissima, purgatorio firmando produxerit, nunc tamen pleraque longe aliter intelligenda videri affirmat. Quam etiam inepta est subtilitas ista! *Transseunt sancti, ex Lactantii aliorumque quorundam veterum sententia, per purgatorium materialiter, non formaliter* Lactantium de igne in die resurrectionis tantum loqui, ingenue fatetur etiam Suarez ipse, tom. 2. Comment. & Dispp. in 3. Thomae, qv. 59. art. 6. disp. 57. sect. 1. p. 672. Vide etiam Estium in 1. Cor. 3.

Pag. 226.) Illud Tertulliani lib. de Anima c. 35. *Ille te in carcerem mandet infirmum, unde non dimittaris, nisi modico quoque delicto mora resurrectionis expenso*, (vide etiam caput 58. seu ultimum illius libri, quod a Bellarm. bis citatur, lib. 1. c. 7. atque rursus cap. 10.) ad purgatorium Romanensium nihil facit. Longe enim aliud est, modicum quodque delictum mora resurrectionis, (quam absque Dei visione esse, multi veterum existimabant) quae non sensus, sed damni tantum poena est, quam poenis purgatoriis, quae sensus finguntur esse, & quidem gravissimae & acerbissimae, expendi sive rescilvi. Praetera *expendi mora resurrectionis*, nihil aliud esse potest, quam pro peccatorum discrimine alios aliis maturius vel tardius resurgere. Chiliastarum enim errorem approbavit Tertullianus, ut patet ex lib. 3. adversus Marcionem, haud procul a fine, ubi, *Haec, inquit, ratio regni caelestis, post cuius mille annos, intra quam aetatem concluditur sanctorum resurrectio pro meritis maturius vel tardius resur-*

resurgentium. Vide Sixtum senensem, Bibl. lib. 5. annotat. 233. & lib. 6. annotat. 347. & Riberam in Apocalypf. 20. 9.

Triumphant fere omnes Romanenses in illo Cypriani lib. 4. epist. 2. (seu epist. 52. n. 13.) ad Antonianum: *Aliud est, ad veniam stare, aliud, ad gloriam pervenire: aliud, missum in carcerem non exire inde, donec solvat novissimum quadrantem, aliud, statim fidei & virtutis accipere mercedem: aliud, pro peccatis longo dolore cruciatum emendari & purgari diu igne, aliud, peccata omnia passione purgasse: aliud denique, pendere in die iudicii ad sententiam Domini, aliud, statim a Domino coronari.* Vide Bellarm. lib. 1. cap. 7. & 10. aliosque innumeros. Sed hic locus 1. obscurus est, unde nihil certi aut perspicui colligi potest. 2. Respondet Matthaeus Sutlivius lib. de Purgatorio contra Bellarm. cap. 15. pag. 175. & cap. 17. pag. 237. haec verba sibi *adhibita videri a falsario.* Plane enim, inquit, *interrumpunt Cypriani sententiam, & nihil attinent ad ipsius propositum.* Sed hoc nodum est secare, non solvere. Huic incertae, si non plane inani & falsae conjecturae, repugnant omnes codices. 3. Respondent communiter Protestantes fere omnes, hisce verbis comparari statum lapsorum poenitentium in hac vita, cum statu martyrum post mortem; quia hac in epistola tractat Cyprianus de satisfactionibus ecclesiasticis, sive canonicis, &c. ac proinde, ut illud, *ad gloriam pervenire,* & caetera, quae, ut *ισοδυναμῶντα*, a

Cypriano ponuntur, ad statum martyrum post mortem spectant; ita & illa, ad *veniam stare*, & *missum in carcerem non exire, nisi soluto novissimo quadrante*, & *longo dolore cruciatum emundari & purgari igne diu, &c.* ad statum pœnitentium in hac vita pertinere. (Pag.227.) *His enim omnibus allegorice designari putant* (verba sunt Chamieri tom. 3. lib. 26. de Purgat. cap.7. n. 26.) *statum eorum, qui pœnitentiam solennem agerent. Nam huiusmodi ad veniam stabant, &c.* Lege Chamierum aliosque Protestantes, in eandem sententiam respondentes. 4. Si locus Cypriani recte expendatur, videtur potius hic eorum Patrum sententiam sequi auctor, qui purgationis animarum eundem finem statuunt cum mundi purgatione per ignem extremæ conflagrationis; oppositio enim (ut utar Chamieri verbis loco cit. n. 29.) manifestior est, quam ut dissimulari possit: *martyres quidem statim a morte sua coronari, sed hos pœnitentes differri in ultimum diem iudicii, tum demum judicandos; &c.* Subjungit quidem Chamierus ibidem, non esse necesse, verba Cypriani sic intelligere. Sed si verba ipsa recte perpendantur, & addantur illa, quæ paulo ante habet Cyprianus ibidem: *Vtrumne diabolo favemus, ut perimat, & semianimem fratrem jacentem, sicut in evangelio sacerdos & levites, praeterimus? an vero; ut sacerdotes Dei & Christi, quod Christus & docuit & fecit, imitantes, vulneratum de adversarii faucibus rapimus, ut curatum Deo iudici reservemus?* clare

clare apparebit, locum vix aliter intelligi posse. Clara enim sunt ista: *Aliud est, ad veniam stare, & pendere in die judicii ad sententiam Domini; & quae intereruntur, missum in carcerem non exire inde, pro peccatis longo dolore cruciatum emundari & purgari diu igne*, figurative tantum dicta sunt de igne doloris: quo, propter divinae visionis privationem, cum aliqua etiam incertitudine ejus, quod futurum est, animas multorum usque ad judicii diem gravissime affici, multi Patrum existimabant. Chamierus ipse non nisi timide communem Protestantium responsionem approbat n. 26. 27. licet cap. 13. n. 49 paulo audacior sit. Responsio archiepiscopi spalatensis de Rep. eccles. lib. 5. cap. 8. n. 141. in quibusdam ejus loci verbis explicandis a communi Protestantium responsione & sententia non nihil discrepat; sed nec ea per omnia nobis probantur. Videatur auctor. Sed ad purgatorium Romanensium, quicquid demum heic senserit, Cyprianus, nihil prorsus facit hic locus: neque enim, qui in purgatorio torquentur, dici possunt *ad veniam stare*, cum ab iis exigantur poenae gravissimae, ad ultimum quadrantem usque; nec *ad sententiam Domini in die judicii pendere*, id est, incerti sententiam Domini in die judicii expectare, quatenus illa scilicet futura sit; nam animas in purgatorio, Romanenses ipsi docent, de salute sua certas & securas esse. (pag. 228.)

Hieronymus in ultima verba Esaiæ: Sicut diaboli & omnium negatorum, &c. loquitur de poenis peccato-

catorum atque impiorum Christianorum, quorum opera in igne probanda atque purganda sunt, igne scilicet ultimae conflagrationis, ut supra saepe dictum, & *quorum moderatam arbitratur, mixtamque clementiae sententiam iudicis*, nempe damnationem aeternam quidem futuram, contra, quam censuit Origenes, aliquanto tamen levio-rem ac mitiorem ea, quae futura est omnium negatorum* atque impiorum, qui dixerunt in corde suo, *Non est Deus*. Similiter & locus alter lib. 1. contra Pelagianos intelligendus est: *Si autem Origenes omnes rationabiles creaturas dicit non esse perdendas, & diabolo tribuit poenitentiam: quid ad nos, qui diabolum & satellites ejus, omnesque impios & praevaricatores dicimus perire perpetuo, & Christianos, si in peccato praeventi fuerint, salvandos esse post poenas, scilicet in illo extremi iudicii igne? Quod si autem haec benigna locorum Hieronymi explicatio non satisfacit, observa, lector, esse aliquos, (teste Bellarmino ipso de Purgatorio lib. 2. cap. 1. sect. Est autem) qui arbitrentur, B. Hieronymum in hoc errore fuisse, omnes Christianos, modo recte de fide sentiant, quantumvis impios, in fine post poenas inferni salvandos, atque ex duobus locis praedictis idem collegisse. Idem non nisi timide ibidem*

Bel-

* Atque] Atque impiorum, qui dixerunt in corde suo, Non est Deus, credimus aeterna tormenta: sic peccatorum, atque impiorum, & tamen Christianorum, quorum opera in igne probanda sunt, atque purganda, moderatam arbitramur, & mixtam clementiae sententiam iudicis.

Bellarminus negat, quando ait : *Videtur tamen Hieronymus in hoc errore non fuisse.* Sed si verba diligenter considerentur, Hieronymus in locis citatis ab hac sententia non omnino abhoruisse videbitur. Frustra enim Bellarminus in priore loco affirmat, Hieronymum dicere quidem, Christianos impios-salvandos esse, sed addere conditionem restingentem, cum ait, *quorum opera in igne probanda & purganda sunt*, id est, interprete Bellarmino aliisque etiam Romanensibus, illos solos Christianos impios salvandos, quorum opera mala jam purgata quoad culpam, purganda erunt quoad reatum poenae. Certe Hieronymus loco dicto non distinguit inter peccatores Christianos, quorum nonnulli igne purgatorio probandi, & a peccatis purgandi sint, atque sic demum salvandi, alii vero ad ignem purgatorium nunquam admittendi, sed ad poenas aeternas amandandi; sed inter diabolum & omnes negatores atque impios, quorum aeterna credit tormenta, & peccatores atque impios, & tamen christianos, quorum (simpliciter & solum) opera in igne probanda sint atque purganda. (Pag.229.) Praeterea, quam male convenit hoc, quod dicit Hieronymus, *impiorum & tamen Christianorum opera igne purgatum iri*, cum purgatorio Romanensium, quod solis mediocriter bonis Christianis paratum esse contendunt! Locus autem posterior Hieronymi ex 1. adv. Pelag. si ab illis verbis, *Illud vero, quod in sequenti ponis capitulo, in die judicii &c.* usque ad ist-

isthaec, Si autem Origenes omnes rationabiles creaturas dicit non esse perdendas, & diabolo tribuit poenitentiam: quid ad nos, qui & diabolum & satellites ejus, omnesque impios & praevitatores dicimus perire perpetuo, & christianos, si in peccato praeventi fuerunt, salvandos esse post poenas? diligenter consideretur, liquido patebit, Hieronymum ab hac sententia non omnino fuisse alienum: distinguit enim ibidem studiose inter impios & inter iniquos & peccatores. *Omnis*, inquit, *impius iniquus est, & peccator; licet e converso non omnis peccator, iniquus etiam, & impius sit: impietas enim proprie ad eos pertinet.* Vide sis, lector benevole, autorem ipsum. Non ignoro, quaedam huic sententiae contraria ex illis Hieronymi scriptis a Romanensibus, aliisque proferri; sed nec miror: nihil enim certi ille sibi habere videbatur, quod super hac re non parum tunc controversa pronuntiaret, licet cum pietate, ut existimabat, in sententiam molliorem propenderet. Vide archiepisc. spatat. de Rep. eccles. lib. 5. cap. 3. n. 149. & inter Protestantes Chemnitium Exam. Concil. trident. R. Fieldum de ecclesia, editionis novissimae p. 781. 782. aliosque plurimos. Sed nulum Hieronymi dictum purgatorio Romanensium favet.

*Gregorius nazianz. oratione * in S. lumina, circa finem, pag. 636. dicens, In altero aeuo igne fortasse baptizabuntur: qui postremus est baptismus,*
nes

* In sacra lumina] Id est, in festum baptismi Christi. Extat haec oratio tom. I. Opp. p. 624.

nec solum acerbior, sed & diuturnior, qui crassam materiam instar foeni depascitur, vitiique omnis levitatem absument, per ignis baptismum, teste Niceta in commentario in orat. Illum. 39. intelligit examen censuramque extremi iudicii, juxta id, quod ait apostolus 1. Cor. 3. 13. *Unusquisque opus, quale est, ignis probabit.* Et rursus: *Dies enim declarabit, quia in igne revelabitur.* Vide Gregorium hunc ipsum orat. 26. haud procul a principio: *Revelationis, inquit, dies perspicue declarabit, ignisque ille postremus, ὃ πάντα κρίνεται ἡ καὶ κρίσιν αὐτοῦ τὰ κτήνη, quo omnia nostra judicabuntur aut purgabuntur.* Pag.230.) Loquitur etiam de igne illo, quo dicit, *τοὺς ἐν ἐκείνῃ, forte illic baptizandos, i. e. in extremo die, Novatianos, qui lapsis poenitentibus reditum in ecclesiam negabant.* Qui gravis & perniciosus fuit error, Romanensibus etiam ipsis iudicibus. Unde Nicetas paraphrasi in locum: *Quod si vos, inquit, non flectimus, pro vobis, utpote incurabili morbo correptis, lacrymas effundemus; igne enim baptizabimini sempiterno.* Immo hanc ipsam ob causam, ut observat Chamierus ex Turriani praefatione graeca in διαταγὰς Clementis, visa fuit olim oratio haec Gregorii loco hoc quibusdam ab Origenistis corrupta. Adde, quod Gregorium theologum, dogma Origenistarum tunc temporis tantopere controversum, nec satis clare in ecclesia, ut videbatur, definitum, in universum damnare non ausum esse, testentur Graeci in Apologia sua de igne

igne purgatorio p. 323. memorata, hisce verbis : *Quod vero jam olim controversum fuerit hoc dogma, neque ita repurgatum, ut ejus veritas esset certa, testis est Gregorius theologus in oratione de Baptismo (orat. 40. p. 665. novissimae editionis Paris.) ubi de inextinguibili illo igne differens, subjungit : Nisi quispiam malit etiam hic benignius id ipsum intelligere, & punientis dignitati convenientius. Vides, inquit, quo pacto liberum faciat volentibus ignem illum benignius interpretari. Locum tamen hunc aliter intelligit Nicetas in comment. quem vide.*

Objicitur & * Basilius in cap. 9. Esaiae : *Si igitur per confessionem detexerimus peccatum, jam succrescens gramen arefecimus, dignum plane, quod depascatur ac devoret purgatorius ignis. Et infra: Non omnimodam internecionem, & exterminium comminatur, sed innuit expurgationem, juxta apostoli sententiam, Ipse autem salvus erit, quasi per ignem. Atque etiam paulo ante : Declarat, in gratiam & beneficium animae, terrena ipsa tradi depascenda igni punitivo. Qui locus a Belarmino omissus, quia illi parum ad rem suam, facere videbatur, de igne tamen ultimae conflagrationis loquitur. Vide Sixtum senens. Bibl. S. lib. 5. annot. 171. Johannes Duracus, scotus, jesuita, in Defensione Campiani contra*
Whita-

* Basilius in cap. 9. Esaiae } Nonnulli, interque eos etiam Hülsemannus Patrolog. cap. 4. §. 34. commentarium istum pro dubio habent : sed immerito, ut judicant Cave in Hist. lit. p. 136. & Du Pin tom. 2. p. 181.

Whitakerum. p. 338. haec habet verba : *Quaeres in causa fuit, ut Basilii, Gregorius nazianz. alii-que veteres ecclesiae scriptores, in ipso iudicis adventu quosdam illo igne purgandos senserint, quo sine ulla peccati ac contagionis labe divino sisti iudicio queant.* Idem affirmat Estius in 1. Cor. 3. 15. Oecumenius in 1. Cor. 3. Basilii dicta de igne aeterno interpretatur, in quo in aeternum purgatur peccator, i. e. poenas peccatorum luit aeternas. (Pag. 231.) Audiatur. Ipse vero) *In commentariis Esaiæ S. Basilii bis verbi huius mentione facta, pro ipsa purgatione accepit. Quasi per ignem) Omnia dixit metaphoricè. Expende autem : Non tamquam fascis combustus, in nihilum redigetur & ipse. Sed quid? Ipse autem salvus erit, σωτηρίαν καλῶν τιλῶν αὐτῷ ἐν τῷ πυρὶ ζῶντι, & τὸ ἐν αὐτῷ διασῶζεσθαι, salutem vel conservationem appellans vitam in igne perpetuam, & in eo conservari.* Vnde videre est, quam male, ne quid asperius dicam, Bellarminus Oecumenium intellexerit, & citarit l. 1. cap. 5. §. *Ex Graecis*, quando inquit, *Oecumenium testari, Basilium hunc locum intellexisse de igne purgatorio, Romanensium scilicet.*

Locus, qui ex (*) *Eusebio emisseno* homil. 3. de Epiphania citatur (ut de dubia auctoris fide nihil dicam; quia de re videantur

Z

cri-

(*) *Eusebio emisseno*] Seu potius *emeseño*, ut Sixtus senensis, Baronius in Indice tom. 3. & Du Pin cum vocant.

(*)critici romanenses, tum protestantes) de igne ultimi iudicii loquitur. Estius in 1. Cor. 3. p. 221. *Id,* inquit, *apertius testatur Eucherius lugdunensis,* (quidam enim has homilias, quae Eusebio emisseno adscribuntur, Eucherii potius, lugdunensis episcopi, esse existimant) *homil. 3. de Epiphania Domini.*

Verba, quae citat B. Thomas in Opusculo contra Graecos, ex Theodoro in 1. Cor. 3. *Hunc credimus ignem purgatorium,* & Gagneus in hunc locum, graece, non, ut ait Bellarm. l. 1. cap. 5. p. 237. *ex Graecorum scholiis,* sed ex ipso Theodoro, si credere fas est, τὸ τοῦ πῦρ πτερόμενον, *musquam nec in latinis, nec in graecis Theodori commentariis extant,* confitente Sixto senensi Bibl. l. 6. annot. 258. quamvis addat: *Credi potest, ea vel a Graeculis quibusdam purgatorio inferis subtrahita, vel ex alio quopiam opere, ubi Theodorus hunc locum sic exposuit, a D. Thoma desumpta.* Vide obiter, lector, quam mala fide saepe veteres Patres a Romanensibus ad sua dogmata stabilienda hodie allegentur. Graeci in sua Apologia de purgatorii igne p. 145. haec habent: *Quae dicitis B. Theodoretum sensisse, virum & sapientem & divinum, & magnam eloquentiae laudem consecutum: si quidem etiam apud nos ita se habere de-*
pre-

- (*) Critici] Ut Sixtus sen. Biblioth. S. lib. 4. p. 285. Bellarm. in libro Recognit. p. 514. Du Pin tom. 2. p. 74. Cocus in Cens. script. vet. p. 227. 231. Rivetus Crit. S. lib. 3. cap. 1. Cave Hist. lit. p. 111. Gerhard. Patrol. p. 428. Hülsemann. Patrol. c. 4. §. 10. Olear. Abac. patrolog. p. 157. Placcius in Catal. pseudon. p. 191.

prehenderentur, haberent utique aliquam rationem, & nonnulla fortassis defensione egerent. Nunc vero cum in multis illius, quae apud nos extant, scriptis, nihil tale unquam dixisse comperiat, ne verbis quidem ad illa opus esse censemus. Pag. 132.)

De Augustini super purgatorio sententia nihil fere certi statui potest. Purgatorias enim aliquas pœnas, post hanc vitam & ante resurrectionem futuras, non nullis locis asserere videtur; videtur, inquam, potius, quam ut diserte asserat. In hanc sententiam citantur hi loci, praesertim a Bellarmino aliisque Romanensibus. In lib. 21. de Civit. Dei cap. 16. ubi de infante baptizato moriente loquens Augustinus: *Non solum*, inquit, *pœnis non praepararetur aeternis, sed ne n'la quidem post mortem purgatoria tormenta patiantur*; intelligi possunt verba de tormentis purgatorii in fine mundi. Similiter & illa in fine ejusdem capituli: *Purgatorias autem pœnas nullas futuras opinetur, nisi ante illud ultimum tremendumq; judicium, i. e. nisi ante illam ultimam sententiam prolatam*. Manifeste enim alioqui sibi contradiceret Augustinus, quippe qui l. 20. de Civ. Dei cap. 25. haec habet: *Ex his, quae dicta sunt, videtur evidentiùs apparere, in illo judicio quasdam quorundam purgatorias pœnas futuras*. Et lib. 16. cap. 24. *Significatur isto igne dies judicii, dirimens carnales salvandos per ignem, & in igne damnandos*. Ex ejusdem operis l. 21. cap. 24. citantur a plurimis Romanensium haec verba: *Tales (adultos scil. fideles, cum venialibus peccatis*

decedentes) constat, ante iudicii diem per pœnas temporales, quas eorum spiritus patiuntur, purgatos, receptis corporibus æterni ignis supplicii non tradendos. Citat etiam Bellarm. hunc locum bis, l. 1. c. 10. & rursus cap. ultimo §. *Ad quartum*, & vocem illam, *Constat*, cum aliis Romanensibus valde urget: ac proinde fallitur Vossius, doctissimus & diligentissimus alioqvi scriptor, quando in disputatione altera de Statu animæ separatæ, thesi §. p. 109. ait: *Mirari fortasse aliquem posse, loci tam illustris non meminisse Bellarminum.* Sed, ut recte monet Vossius ibidem, in plurimis Augustini editionibus, ut basileensi A. 1556. lugdunensi 1560. & parisiensi 1613. locus hic longe aliter exstat. Sic enim habent editiones hae: *Nam pro defunctis quibusdam vel ipsius ecclesiae, vel quorundam piorum exauditur oratio: Sed pro his, quorum in Christo regeneratorum, nec usque adeo vita in corpore male gesta est, ut tali misericordia judicentur digni non esse, nec usque adeo bene, ut talem misericordiam reperiantur necessariam non habere.* Pag. 233.)

Sicut etiam facta resurrectione mortuorum non decurrunt, quibus post pœnas, quas patiuntur spiritus mortuorum, impertiat misericordia, ut in ignem non mittantur æternum, &c. In antiquis etiam libris, teste Ludov. Vive in comment. in locum, brugenf. & colon. non leguntur isti decem aut duodecim, qui sequuntur, versus. Sic enim, inquit, scribitur: *Nam pro defunctis quibusdam, vel ipsius ecclesiae, vel quorundam piorum exauditur*

tur

*tur oratio; sed pro iis, quorum in Christo regenera-
torum, nec usque adeo vita in corpore male gesta est.
&c. reliqua non habentur, ac neque in exem-
plaribus Friburgi excusis: & tamen stylus non
abhorret ab augustiniano. Forſan aut deſunt
in aliis codicibus, aut ex alio aliquo Auguſtini
opere huc ſunt adſcripta, ceu ſcholium primum,
deinde contextui orationis admiſta. Haec Vi-
ves. Hoc affirmat Auguſtinus, ut probabile
tantum, non ut quid certum & definitum, (ni-
ſi forte hac in parte a ſeipſum aperte alibi diſſen-
tire Auguſtinum malimus) admiſſa etiam lectio-
ne illa dubiae fidei, Tales conſtat; neque enim
diſerte & clare dicit, Conſtare, animas mortuorum
purgari poſt hanc vitam, ante reſurrectionem ſci-
licet, (ut affirmat Bellarminus l. i. cap. ult. ſect.
Ad quartum) ſed tales, inquit, conſtat, ante iudicii
diem per poenas temporales, quas eorum ſpiritus pati-
untur, purgatos, (quod illi probabile videbatur)
receptis corporibus, aeterni ignis ſuppliciiſ non traden-
dos. (de quo illi certo conſtabat ex Dei verbo.)*

Locus ex homil. 16. L. Homiliarum: *Qui
temporalibus poenis digna geſſerunt, per ignem quen-
dam purgatorium tranſibunt; de igne extremi ju-
dicii intelligendus eſt. Praeterea de auctoritate
illius homiliae, ut & aliarum quarundam ex illis
ſo. dubitant multi cum Romanenſes, tum Pro-
teſtantes. Vide R. Coci Cenſuram. * p. 196.
Certe bona pars homiliae 3. de Epiphania, quae*

Z 3

Euſe-

* Coci Cenſuram p. 196.] Pag. 364. edit. helmiſtad.
A, 16ſſ.

Eusebio emisseno adscribitur, & de qua p. 231. dictum, eadem est cum postrema hujus homiliae parte, in qua leguntur haec verba, quae pro purgatorio citari solent.

Locus quem citat Bellarminus l. i. c. 5. ex Augustino in psal. 37. alias 38. 1. *In hac vita purges me, & talem me reddas,* Pag. 234.) *cui jam emendatorio igne non opus sit.* (Nota obiter, lector, in quibusdam codicibus legi, *cui jam emendato, igne non opus sit*, atque hanc lectionem quibusdam Protestantibus maxime probari, alteram autem depravatam videri. Vide Chamier, de Purgat. c. 5. n. 25. Sed nihil est, quod vetet legere cum diversis Augustini editionibus, *Cui jam emendatorio igne non opus sit.* Lectio enim haec optime cum verbis & sensu etiam Augustini congruit) Et infra: *Quia dicitur, salvus erit, ille ignis contemnitur. Ita plane, quamvis salvi per ignem: gravior tamen erit ille ignis, quam quicquid potest homo pati in hac vita: etiam de igne extremi iudicii intelligendus est.* Videatur August. in ps. 4. 2. ubi haec habet: *Arguuntur enim in die iudicii omnes, qui non habent fundamentum, quod est Christus: emendantur autem, i. e. purgantur, qui huic fundamento superaedificant lignum, fenum, stipulam.*

Locus lib. 2. de Genesi contra Manich. cap. 20. *Qui forte agrum non coluerit, & spinis eum opprimi permiserit, habet in hac vita maledictionem terrae suae in omnibus operibus suis, & post hanc vitam habebit vel ignem purgatorium, vel vitam aeternam; simi-*

similiter intelligi potest, ut ille de C. D. lib. 21. c. 13. *Sed temporarias pœnas alii in hac vita tantum, alii post mortem, alii etiam nunc & tunc, verumtamen ante iudicium illud severissimum novissimumque patiuntur.* item ut alter serm. 41. de Sanctis: *Ita peccata in hoc seculo purgantur, &c* Sed sermones isti de Sanctis non sunt omnes Augustini, ut ingenue fatentur multi etiam Romanenses. Videatur (1) Coci censura. Atque sermo hic 41. idem est cum homilia 1. de Eleemosyna, quæ Eusebio emisseno, sive, ut alii malunt, Cæsario arelatensi adscribitur. Videatur idem Cocus (2) p. 201.

Quod si autem in quibusdam locis prædictis, vel etiam alibi, Augustinus ἀπορίων seu assertive de purgatoriis pœnis animarum ante resurrectionem corporum loqui videtur, (quæ de re nihil audacter pronuncio) certe non nisi problematice & dubitative hac de re loquitur lib. 21. de Civit. Dei c. 26. *Non redarguo, quia forsitan verum est.* in Enchirid. c. 69. *Tale aliquid etiam post hanc vitam fieri, incredibile non est, & utrum ita sit, quaeri potest, & aut inveniri aut latere.* Et de Octo quaestion. Dulcitii eadem leguntur: *Sive in hac tantum vita ista homines patiuntur, sive etiam post hanc vitam talia quædam judicia subsequuntur, non abhorret, quantum arbitror, a ratione veritatis iste intellectus huius sententiae.* Quæ ipsa verba repetuntur lib. de Fide & operib. cap. 10.

Z 4

Frustra,

(1) Coci Censura] Pag. 368. (2) P. 201.] P. 373.

pag. 135.) Frustra, & omnino praeter Augustini mentem respondet Bellarminus cum multis aliis Romanensibus, lib. 1. cap. 10. sect. *Quare*, ut & cap. ult. *non dubitare his in locis Augustinum de poëna animarum purgatoria, sed de modo & qualitate: nam in illo de Civit. Dei*, inquit, *dubitat solum, an ignis purgatorius idem sit in substantia cum igne gehennae, qui aeternus est; in Enchiridio autem, an post hanc vitam urendae sint animae igne illo doloris de amissione temporalium, quo hic nri solent, cum rebus valde dilectis carere coguntur.* Sed hoc certe non est verba Augustini interpretari, sed in sensum plane a mente illius alienum detorquere: multum enim ista differunt, Augustinum dicere, *Fortè verum esse*, spiritus defunctorum, qui ligna, foenum, stipulam secum portaverunt, ignem aliquem transitoriae tribulationis perpeti, quem non sentient illi, quibus non sint ligna, foenum, stipula; quae verba sunt Augustini loc. cit. operis de Civit. Dei, & dubitare eundem, *an ignis ille purgatorius idem sit cum igne gehennae; de quo dubio nullum inibi verbum legere est.* Et rursus, longe aliud est, nonnullos fideles forte per ignem quendam purgatorium, quanto magis minusve bona pereuntia dilexerunt, tanto tardius citiusve salvari, quod dicit Augustinus in Enchirid. & ad Dulcitium, quam dubitare illum ipsum, an urendae sint animae igne doloris de amissione temporalium. Dubitavit Augustinus non solum de qualitate poenarum, & circumstantiis

stantiis aliquibus purgatorii, sed etiam de ipso purgatorio: sicut ex locis citatis, si recte expendantur, cuius perspicuum esse potest. Atque sic etiam Augustinum intellexit Erasmus contra Parisienses tit. 8. p. 685. edit. basileens. tom. 9. *Multa, inquit, sunt, de quibus non solum dubitarunt olim homines contentiosi, verum etiam docti juxta ac pii; veluti de purgatorio diu dubitavit Augustinus, nec ille tamen solus.* Alphonsus de Castro adversus haereses l. 12. tit. *Purgatorium*, similiter hunc locum Augustini in Enchirid. intellexit, nulla habita ratione glossae bellarminianae: *B. Augustinus inquit, in Enchir. postquam locum illum Pauli (1. Cor. 3.) exposuerat de igne tribulationis in hac vita, cap. 69. sic ait: Tale aliquid etiam post hanc vitam fieri, incredibile non est.* (Pag. 236.) Et J. Hofmeisterus in Expositione precationis missae, edition. parisiens. 1573. p. 126. *In Enchiridio, inquit, tametsi cap. 69. videatur Augustinus de purgatorio dubitanter scribere, tamen in 110. disertis verbis in hunc modum scribit: Non negandum est, defunctorum animas pietate suorum viventium relevari, &c. Sed hoc nihil ad purgatorium Romanens. probandum facit, ut infra dicemus. Sic & autor Examinis pacifici de purgatorio, cap. 1. vers. anglicae, pag. 17. Suarez etiam in Defensione fidei catholicae, l. 2. c. 15. n. 14. Item, inquit, in libro de octo quaestionibus ad Dulcitium, licet in quaest. 1. solum dicat Augustinus, Salvari aliquos, sic tamen, quasi per ignem; & non esse incredibile, ita contingere a-*

liqubus post hanc vitam, utrum vero ita sit, quaeriposse; *tamen in quæst. 2 repetit, quæ dixerat l. de Cura pro mortuis agenda cap. 1.* Quid allegat & definite, & tanquam certum docet, suffragia vivorum prodesse aliquibus ex mortuis, licet idem infra numero 21. Augustini dicta, in quibus dubitat, eodem modo, quo Bellarminus, explicet. *Fateor*, inquit J. Barnesius, vir doctissimus & moderatissimus, in suo Catholico-romano pacifico, Augustinum aliquando vacillasse de punitione in purgatorio, de Civit. Dei l. 21. c. 26. & de Fide & operib. cap. 16. &c. Graeci in Apologia sua de purgatorio igne: *Augustinus*, inquit, *Ambrosius, & Gregorius* ὁ θεολόγος, (legendum διαλόγος, ut * mox dicetur) tradunt nihil in universum aperte de purgatorio igne, sed docent tantum, mortuos liturgiis & precibus, quæ pro ipsis fiunt, juvari. Et infra: *Quid? quod & hisce Patrum dictis moderatio quaedam & medela adferri possit, & quidem valde recte.* Ex ipso enim B. Augustino & Gregorio manifeste apparet, neque ipsos, neque quotquot hoc dixerunt, pro autoritate potestatisque sua id statuisse, neque sententiae suae, tanquam verae, mordicus inhaesisse; sed veluti impulsos quodammodo, & angustiis rationum constrictos, ad majus malum tollendum coactos fuisse. (Pag. 237.) *Erat autem hoc, omne peccatum esse expiabile; ut nonnullis visum est. Multorum enim opinioni ex adverso reluctari, violentum esse existimantes, ut verisimile est, & metuentes, ne parum probabi-*

* Mox.] Pag. 239.

abilia dicerent, si, cum illi omne peccatum expiabile esse statuerent, ipsi tenerent contrarium, mediam viam ingressi sunt, & minus malum admisērunt, ut opinionem suam probabiliorē facientes, majus malum tollerent. Iis vero, quae nonnulli certo quodam respectu dispensative dixerunt, non esse omni ex parte firmiter acquiescendum, omnes facile judicaverimus. Quin immo etiam si, tanquam ita sentientes planeque statuentes, haec dixerint, ne sic quidem necessarium est, ut eos sequamur, eorumque sententiae acquiescamus. Si enim ex dicto B. Pauli ad hoc feruntur, atque inde argumentantur, existimantes, illum ibi (1. Cor. 3. 13.) de tali aliquo temporario igne loqui, (quid autem ille senserit, abunde dictum est) quoniam pacto nos facile fidem adhibuerimus illi sententiae, quae ex tali aliquo initium sumit, quod nobis non probatur, atque inde procedit, unde contrarium inferitur? Haec illi.

Citantur inprimis multa ex Gregorii magni Dialogis pro purgat. Romanensium. Sed 1. Dialogi hi videntur plurimis Protestantibus, atque aliis etiam quibusdam viris perdoctis, ipso etiam Possævino fatente, supposititii, & non legitimus Gregorii primi scetus. Ut multos alios Protestantes silentio praetereamus, vide criticos, (1) Cocum in Censura scriptor. vet. pag. 222. & seq. qui pluribus contendit, alium quēvis potius recentiorē, quā Gregorium, cognomento magnum, illorum auctorem extitisse; & (2) Rive-

(1) Cocum p. 222.] Pag. 413. edit. helmstad.

(2) Rivetum Crit. S. l. 4. c. 29.] Pag. 499. edit. hsp. & franc. A. 1690.

Rivetum Critici sacri lib. 4. cap. 29. Sed eos, ut legitimum Gregorii foetum, recipiunt alii, inter Protestantes Vossius inprimis, in Patrum lectione versatissimus, disputatione altera de Statu animae separatae, thesi ult. pag. 3. & de Historicis latinis lib. 2. cap. 23. ubi prolixè hac de re differit. Sed hoc Gregorii opus esse, non tantum praeter alios multos veterum affirmat Beda lib. 1. Hist. anglic. cap. 14. sed ipse etiam Gregorius lib. 2. epist. 89. cap. 50. cum ait: *Fratres mei, qui mecum familiariter vivunt, omni modo me compellunt, aliqua de miraculis Patrum, quae in Italia facta audivimus, sub brevitate scribere.* Porro de Dialogorum illorum fide, in nonnullis dubitat etiam M. Canus lib. 11. cap. penultimo. Unde adversus Canum vehementissime insurgit, & differit Baronius in Martyrologio rom. ad 23. decembris. Autores ipsos, lector erudite, consule. (Pag. 238.) Sed quicquid contra Canum hic suo more declamet Baronius, nos quidem Gregorii magni, ut & Bedae magnam pietatem, & zelum promovendae religionis suspicimus & veneramur; utriusque tamen nimiam illam miraculorum & apparitionum credulitatem, quae nec cum S. literis, nec cum Patrum priorum & meliorum seculorum sententia satis congruit, probare non audemus, immo nos admodum suspectam habere profitemur.

Graeci in sua Apologia, praeter praedicta, haec habent de Gregorio notatu digna: *Atqui dicitis etiam, B. Gregorium in quarto dialogorum libro*

*bro multis exemplis & revelationibus demonstrare purgatorium. Statuit quidem revera purgatorium ignem post mortem, ante futurum illud judicium, five allegorice hoc intelligens, five etiam vere ita sentiens. Quae vero testimonia ex S. scriptura ad hoc stabiliendum confirmandumque adfert, nihil omnino necessarii secum adferunt: quemadmodum & antea a nobis dictum est, & narrationes revelationesque, quas adfert, nihil in univsum definiti habent, quo in loco purgatorium ignem statu-
ant. Nonnullos enim eorum, qui purgantur, ad thermas relegatos, iis, qui lavantur, ministrare dicit: alios per revelationem apparuisse ustos diversis in locis. Quae quidem omnia videntur nihil aliud esse, quam miracula & revelationes ad conversionem & resipiscentiam viventium a Deo privatim ostensae, universalem autem esse ignem purgatorium, nulla ex iis necessaria ratione probatur. At vero per ea, quae postea subjungit, tale de purgatorio igne dogma plane evertitur. Nonnulla enim eorum, quae dicuntur levia sive minutissima peccata in justis, per recompensationem aliorum bonorum operum in hac vita ab ipsis praestitorum purgari dicit; nonnulla vero, in exitu animarum e corpore, per ipsum & quidem solum metum, purgari tradit; nonnulla etiam post mortem per beneficia & oblationes, quae pro ipsis fiunt. Nota autem obiter, lector, Dialogos hos Gregorii papae, sesquiseculo post autoris obitum, graece redditos fuisse a Zacharia papa, ut testatur Petrus diaconus lib. 4. de Vita Gregorii*

gorii magni, & Sigebertus de Illustribus scriptoribus, cap. 87. (vide Vossium de Historicis latinis) & Gregorium, Pag. 239.) horum dialogorum conditorem, a lucubratione isthac, *dialogi* seu *dialogistae*, non *theologi*, ut mendose in Apologia Graecorum legitur, cognomen accepisse.

Ad ea, quae citantur ex aliis multis scriptoribus latinis, Augustino atque etiam Gregorio magno posterioribus, multis respondere non libet. Sensum enim pravum, valde saltem incertum, licet probabilis illis videretur, loci obscurissimi apostoli, 1. Cor. 3. 13. imprudentes secuti sunt. Deinde Augustini etiam dubitationes, & postea audaciores Gregorii magni assertiones, ut alia, sicut vocantur, motiva praetermittam, huic opinioni de purgatorio magnas in multorum animis addiderunt vires, & tandem tantam conciliarunt fidem & auctoritatem in Ecclesiis occidentis, ut jam * *dogma fidei* statuunt esse Romanenses, de quo dubitare nefas sit.

Hoc tamen observandum, utut nonnulli Augustino posteriores, animas justorum post mortem, ante corporum resurrectionem, propter peccata venialia igne purgatorio puniri censuerint, *nullos tamen ignem illum purgatorium statuisse, pro solis etiam peccatorum mortelium poenis temporalibus, hic non plene exsolutis, quemadmodum hodie communiter docent Romanenses.* Vnde Gregorius ipse Dialog. lib. 4. cap. 39. haec tantum

* Dogma fidei] Vide p. 210.

Purgatorium, Patrum doctr. repugn. p. 240. 367
tum habet: *Sed tamen de quibudam levibus cul-*
pis esse ante iudicium purgatorius ignis credendus
est.

CAPUT II.

In quo purgatorium Romanensium, Pa-
trum doctrinae repugnare ostendi-
tur, & simul de oratione pro
mortuis agitur.

Multa in Patrum scriptis legere est, quae
ad purgatorium Romanensium refel-
lendum clarissime faciunt. Nos pau-
ca tantum e multis, brevitatis gratia,
citabimus. Hoc tamen hic in limine te prae-
monitum volumus, lector, licet nemini unquam
concessuri simus, piae vetustati plus debitae au-
thoritatis ac venerationis ut tribuat, plusve ti-
moris ac honoris deferat, quam ipsi facimus;
(Pag. 240.) in Patribus tamen jam citandis aliis-
que etiam haud pauca occurrere loca, in quibus
de statu & loco animarum post mortem, et si
purgatorium Romanensium maxime impro-
bent, non modo tamen alii ab aliis, sed etiam
ipsi a se nonnihil dissentire videntur. Neque
mirum; de rebus enim futuri seculi, citra reve-
lationem divinam, quam extra sacras literas de
iis omnibus, quae ad salutem cognitu necessaria
sunt, reperire non est, ecquid certi & explora-
ti habere possunt mortaliū etiam doctissimi &
sanctis-

sanctissimi? Sacrae autem literae admodum parce & quidem consulto de rebus istiusmodi loquuntur, utpote ad salutem minus necessariis, ut homines etiam falli, & aliquando pugnancia dicere potuerint.

Dionysius, dictus areopagita, lib. de Eccles. hierrach. cap. 7. pag. 141. loquens de sanctis quibuslibet, & non de solis perfectioribus, ut Bellarminus aliique Romanenses volunt, in morte constitutis: *Norunt*, inquit, *profecto, se totos jucundam gratamque* (τὸν χαρτοειδῆ λῆξιν, *ad Christi speciem*) *requiem esse adepturos, cum ad extremum vitae hujus venerunt, viamque ad immortalitatem suam, & viciniorem jam factam, clarius intuentur.* Subdit autem immediate, *sceleribus nefariisque sordibus coopertorum finem metuendum.* Locum hunc Dionysii inter primos producit Bellarminus cum aliis Romanensibus contra Graecos, de Sanctorum beatitudine lib. 1. cap. 4. sect. *Secundus sit Dionysius.* Vide Bellarm. qui alia quaedam ex eodem cap. parte 3. ibid. profert verba. Sed quandoquidem in hujus Dionysii mentionem nunc incidimus, hoc post alios notatum volumus, scriptorem hunc vetustum quidem esse & insigniter doctum, *quem tertio vel quarto potius seculo vixisse verisimile est*; minime tamen illum Apostolorum contemporanea; cujus mentio facta est, Act. 17.34. quem admodum communiter hodie cum permultis Graecorum existimant Romanenses. Hoc multis argumentis, praeter alios Protestantes, demon-

monstrant R. Cocus in Censura (*) pag. 50. Andreas Rivetus Critici Sacri lib. 1. cap. 9. 10. 11. p. 150. Chamierus de Canone lib. 9. c. 3. n. 28. & aliquot sequentibus. Et de autore hujus operis non dubitant, ut audacter affirmat Bellarminus de Scriptor. ecclesiasticis, *soli haeretici lutherani, & quidam scioli*, (ut viros doctos, Vallam, Erasmus, & alios appellat ille) sed alii etiam viri graves, ut Theodorus Gaza in praefat. ad Problemata aphrodisaei, (pag. 241.) Cajetanus in Aët. 17. Guilielmus Grocinus, anglus, theologus summus, & romanensis, teste Erasmo. Vide Erasmo. non tantum loco citato, sed & epistola praefixa Paraphrasi in 1. Cor. tom. 7. operum, & in schol. in Hieronym. de Scriptoribus ecclesiasticis, & contra Censuras theologorum parisi. titulo 31. Bellarminus etiam ipse non nisi timide lib. 2. de Sacramento confirmationis cap. 7. sect. *Jam vero Chemnitius* : ait, *opus hoc esse auctoris antiquissimi & optimi, licet non sit certum, an sit illius, cujus nomen praefert.* P. Faber, vir doctissimus, & in tolosano senatu praeses, in Dodecameno sive de Dei nomine, &c. cap. 4. pag. 55. *Adde, inquit, alterum Dionysii, sive arcopagitae, seu vetustissimi alterius auctoris testimonium.* Et rursus, pag. 220. *Magnus ille (sive arcopagita, sive alius quispiam) Dionysius, auctor sane vetustissimus ac locuples.* Cassander de Baptismo parvul. pag. 683. ad marginem haec habet : *Si Dionysius arcopagita ille sit, vixit aetate Pauli apostoli: sin post*

A a

Clemen-

* Cocus in Cens. p. 50.] pag. 92. edit. helmstad.

Clementem alexandrinum, ut minimum centesimo ab excessu Johannis anno. Et rursus in Epistolis, epist. 47. pag. 1142. De Dionysii, inquit, aetate non satis convenit. Videatur etiam Coelius Rhodigin. Antiq. lect. lib. 2. c. 3. Addi possent ex aliis plura; sed, quia res non tanti momenti est, ea missa facimus.

Justinus martyr, sive potius (1) recentior aliquis, lib. Qvaest. & respons. ad orthod. q. 75. a Bellarmino etiam productus, contra Graecos: *Post exitum animarum e corpore, εὐθὺς illico justī ab injustis segregantur: abducuntur enim ab angelis ad condigna sibi loca. Ac justorum quidem animae in paradisum, ubi consuetudine & aspectu fruuntur angelorum & archangelorum, per visionem (2) Dei & ipsius servatoris Christi, pro eo, atque dictum est: Peregre absumus a corpore, & praesentes adsumus apud Dominum.*

In aureis libellis Cypriani de Mortalitate, & Ambrosii de Bono mortis, tot extant clarissima & praeclarissima in hanc sententiam dicta, ut pauca quaedam, aliorum more, inde huc adscribere neutiquam placeat. Legantur potius, atque etiam saepius relegantur libelli ipsi toti, dulcissima consolatione contra acerbissimas, quae in purgatorio post mortem finguntur, poenas plenissimi.

Pag. 242.) Locus extat illustris apud Cyrillum
l. 12.

(1) Recentior aliquis] Vide Cocum p. 118. Riveti Crit. S. 197. Cave 28. Du Pin tom. 1. p. 58.

(2) Dei] Alii legunt δὲ, autem.

l. 12. in Johannem cap. 36. quem etiam citat Bellarm. contra Graecos: *Credere debemus, cum a corporibus sanctorum animae abierint, tanquam in manus charissimi Patris, bonitati divinae commendari.* Et paulo post: *Firmiter credentes, in manibus Dei nos post mortem futuros, vitamq, multo meliorem ac perpetuo cum Christo victuros. Ideo enim Paulus desideravit resolvì, & esse cum Christo.*

Gregor. nazianz. in oratione funebri in laudem Caesarii fratris: *Sapientum verbis adducor, ut credam, pulchram omnem animam & Deo charam, posteaquam hinc excesserit, eṽt̃us protinus bonum, quod eam manet, persentientem, & contemplantem, mirabili quadam voluptate affici, & summa cum hilaritate, ad Dominum suum tendere.*

Macarius, Eremita aegyptius, homil. 22. de Duplici statu eorum, qui ex hac vita decedunt, ubi evolaverit e corpore anima hominis: *Sanctus, ait, servus Dei ὑπὲρ τῆς γῆς, ab hoc tempore astant angeli, ac spiritus illi sancti circumdant & custodiunt eos: ὅταν ἐξέλθωσιν ὑπὲρ τῆς σωματικῆς, cumque exierint e corpore, chori angelorum assumtas eorum animas in suam partem pertrahunt in seculum perpetuum, & sic adducunt eos ad Dominum.* Videatur autor ipse. Pro, in seculum perpetuum, graece, legitur, εἰς τὸν κατὰ τὸν αἰῶνα seculum purum.

Insignis habetur locus apud Chrysostom. homil. 3. in epist. ad Philip. quem & allegat Bellarm.

larm. contra Graecos: *Peccatores, inquit, ubi fuerint, procul a rege sunt, atque ideo digni, qui fleantur.* Iusti vero, live hic live in futuro seculo fuerint, cum rege sunt; *illic tamen magis & propius & δὴ εἰσόδῃ, non per ingressum.* Mendose sic legit Bellarminus cum aliis: legendum cum sit, & δὴ εἰσὸς πύλης, *non per speculum.* Vide editionem favilianam in margine. Alludit enim Chrysostomus ad verba 1. Cor. 13. 12. Eadem legere est homil. 69. ad popul. antioch. & homil. in illud Sap. 3. 1. *Iustorum animae in manu Dei sunt.*

Pag. 243.) Augustinus, quide purgatorio quodam punitivo post mortem dubitasse videtur, ut diximus, lib. 13. de Civit. Dei p. 232. in fine capitis 8. haec habet. In requie sunt animae piorum a corpore separatae; *impiorum autem, penas luunt, donec istarum ad aeternam vitam, illarum vero ad aeternam mortem, quae secunda dicitur, corpora reviviscant.* Et tractatu 49. in Johannem: *Habent omnes animae, cum de seculo exierunt, diversas receptiones suas; habent (*) gaudium bonae, & malae tormenta: sed cum facta fuerit resurrectio, & bonarum gaudium amplius erit, (quando scilicet cum corpore gaudebunt) & malarum tormenta graviora, quando cum corpore torquebuntur.* Et paulo post: *Requiem, quae continuo post mortem datur, sic a dignus est, tunc accipit quisque, cum moritur.* Inepte respondet Bellarminus ad hunc locum, lib. 1. cap. 13. *ingens gaudium & re-*
qui-

* Gaudium bonae] Alii legunt: Habent gaudium boni, & mali tormenta, & bonorum gaudium amplius erit, & malorum tormenta graviora,

quiem habere etiam animas, quae in purgatorio torquentur; quia scilicet certae sint aeternae suae salutis. Atqui haec ex diametro inter se pugnant, torqueri animas poenis etiam gravissimis, & simul etiam gaudere & requiescere, & nulla pati tormenta.

Locus, qui non ex Augustino, sed ex Gennadio, massiliensi presbytero, apud Augustinum tom. 3. ex libro de Ecclesiasticis dogmatibus cap. 79. citatur: *Post ascensionem Domini ad caelos, omnium sanctorum animae cum Christo sunt, & exeuntes de corpore ad Christum vadunt, expectantes resurrectionem corporis sui, ut ad integram & perpetuam beatitudinem cum ipso pariter immutentur*, notatu dignus est; ut & ille, qui licet Augustini non sit, extat apud Augustin. tom. 9. de Vanitate seculi cap. 1. *Scito te, quod cum anima a corpore evellitur, statim aut in paradiso pro meritis bonis collocatur, aut certe pro peccatis in inferni tartara praecipitatur*. Et ibidem de Consolatione mortuorum sermone 2. cap. 1. *Recedens anima ab angelis suscipitur, & collocatur aut in sinu Abrahae, si fidelis est, aut in carceris inferni custodia, si peccatrix est, donec veniat statutus dies, quo suum recipiat corpus*.

Citant contra purgatorium plerique omnes Protestantes, atque etiam nonnulli moderatiores Romanenses, Erasmus in margine ad illa verba, mox citanda, *tertium penitus ignoramus*, P. Picherellus de Missa p. 152. J. Barnesius in Catholico rom. pacif. locum ex auctoris Hypognost. (apud August. tom. 7.) lib. 5. cap. 5. *Primum locum*

pag. 244) *fides Catholicorum divina auctoritate regnum credidit esse cœlorum, secundum gehennam; tertium penitus ignoramus, immo nec esse, in script. S. invenimus.* Sed locus iste ad rem parum videtur facere; loquitur enim auctor ille de locis aeternis, (quemadmodum vere respondent Romanenses) quæ, omnibus verè catholicis confitentibus, duo tantum sunt, cœlum, scilicet & gehenna. Fingebant autem Pelagiani, contra quos hic disputatur, parvulos non baptizatos aeternum beatos fore loco aliquo tertio extra cœlos & gehennam, ubi nec visione Dei gaudeant, nec dolore aut molestia ulla afficiantur. Vnde verbis hunc locum immediate præcedentibus dicitur: *Da mihi (Pelagiane) præter hunc (de regno scilicet cœlorum) alterum locum, ubi vitæ possit requies esset perennis.* Et verbis proximè sequentibus: *Finge, (Pelagiane,) locum ex officina perversa dogmatis tui, ubi alieni a Christi gratia, requiem etiam gloriæ possidere parvuli possint.*

Nec aliter intelligendus est locus ille lib. i. de Peccat. mer. & remiss. cap. 28. *Nec est ullus ulli medius locus, ut possit esse nisi cum diabolo; qui non est cum Christo; ut patet ex verbis, quæ continenter subdit Augustinus: Hinc & ipse Dominus volens auferre de cordibus male credentium istam, nescio quam, medietatem, quam conantur quidam parvulis non baptizatis tribuere, ut quasi merito innocentiae sint in vita aeterna, sed quia non sunt baptizati, non sint cum Christo in regno ejus.* Similiter intelligendus est locus ille Augustini tom. 10. *serm.*

ferm. 14. de Verbis apost. c. 3. *Nullus relictus est medius locus, ubi ponere queas infantes.* Et rursus: *Nullum medium locum in evangelio novimus.* Non negasse enim simpliciter Augustinum, vel auctorem Hypognost. quisquis fuit, Augustini sequacissimum, * *tertium locum temporarium post hanc vitam*, non tantum ex eo constare potest, quod ante Christi passionem animas fidelium vet. test. *in sinu Abrahæ*, id est, loco a gehenna distinctissimo & remotissimo, atque etiam extra sanctuarium cœli fuisse existimaverit; sed etiam, quod nonnunquam cum aliis plurimis Patrum in secretis receptaculis quietem animarum justorum post excessum suum collocaverit, ut jam dicemus. *Limbus* commentitium infantum non baptizatorum, hæc Augustini dicta manifeste refellunt; sed contra purgatorium non, aequè directe militant. Loca etiam alia nonnulla Augustini, ad rem minus facientia, consulto mittimus.

(Pag. 245.)

Nempe Augustinus, plurimorum aliorum Patrum sententiam secutus, animas justorum, usque ad diem resurrectionis corporum, *in sinu Abrahæ*, vel in quibusdam abditis & secretis receptaculis extra cœlum beatorum requiescere, affirmat; aut saltem de loco ambigit, in psal. 36. lib. 9. Confess. cap. 3. in Enchirid. cap. 108. lib. 12. de Civit. Dei cap. 9. Sed quicquid de loco, in quo sanctorum animæ usque ad diem ultimum requiescunt, asserat, vel dubi-

A a 4.

tet;

Tertium locum temporarium] Vide hic p. 245. 249.

tet, affirmat tamen, *easdem quiescere, sine fine felices esse, & gaudere*; quæ nulla ratione cum gravissimarum purgatorii poenarum expressione conciliari possunt. *Non dubitat* (inquit Ludovicus Vives in locum illum modo citatum, ad verba, *Secretis animarum receptaculis*) *de animarum gloria etiam ante iudicium, sed de loco gloriae. Nam ubique possunt beatae esse, cum ubique sit Deus, cujus fruitione fiunt beatae.*

Gregorius I. papa, cui tamen plus, quam ulli alii Patrum, purgatorium Romanensium debet, * ut diximus, lib. 13. in Jobum cap. 20. hæc habet: *Quia auctoris nostri gratia redempti sumus, hoc jam cælestis muneris habemus, ut, cum a carnis nostræ inhabitatione subtrahimur, mox ad cælestia præmia ducamur.* Multa alia testimonia Patrum, quibus clarissime purgatorium Romanens. refellitur, citari possent; sed brevitati studemus. Audiatur post alios Olympiodorus in Ecclesiast. 11. 3. Vide Bibliothec. Patrum edit. 4. tom. 2. graeco-latin. *In quocunque loco, seu illustri, seu tenebroso, hoc est, sive in turpi scelerum statione, sive in honesta virtutum deprehendatur homo, cum moritur, in eo gradu atque ordine permanet in æternum.* Nam vel requiescet *ἐν φωτὶ μετὰ τῷ δικάτῳ*, in lumine felicitatis æternæ, (ut interpretes reddit) *cum justis & Christo, rege universorum, vel in tenebris cruciatur cum iniquis, & principe hujus mundi diabolo.*

Dicamus nunc de orationibus & oblationibus

bus pro mortuis, unde Romanenses purgatorium suum validissime probari existimant. pag. 246) Sed hic primum improbanda est quorundam rigidiorum Protestantium sententia, qui *preces pro mortuis omnino improbant, & damnant: quia scilicet nec in V. neque etiam in N. test. libris canonicis ullum talium orationum praeceptum vel exemplum legere sit.* Certe consuetudine hanc esse vetustissimam, & in universa Christi ecclesia receptissimam, ut in publicis etiam ecclesiae precibus commemoratio fiat defunctorum, & quies illis petatur a Deo, qui pie & in pace ecclesiae mortui sunt, inficiari non audent, etiam quibus mos hic maxime improbatur. Ut Tertullianum, Cyprianum, Arnobium, Dionysium areopagit. sive quicumque ille fuit, brevitatis causa omittamus; audiatur Augustinus, testis fide dignissimus, tom. 4. lib. de Cura pro mortuis cap. 1. *Adjungis, inquit, vacare non posse, quod universa pro defunctis Ecclesia supplicare consueverit.* Et infra, confirmans hanc sententiam Paulini, ad quem scribit Augustinus: *In Machabaeorum, inquit, libris legimus oblatum pro mortuis sacrificium. Sed etsi nusquam in scripturis veteribus omnino legeretur, non parva tamen est universae Ecclesiae, quae in hac consuetudine claret, auctoritas; ubi in precibus sacerdotis, quae Deo ad ejus altare funduntur, locum suum habet etiam commendatio defunctorum.* Et tom. 10. de Verbis apost. serm. 32. *Hoc a Patribus traditum, universa observat Ecclesia, ut pro eis, qui in corporis & sanguinis*

Christi communione defuncti sunt, cum ad ipsum sacrificium loco suo commemorantur, oretur, ac pro illis quoque id offerri commemorantur. Esse etiam apostolicam traditionem, affirmat Chrysostomus homil. 3. ad Philip. ut alios mittam, quod tamen vix pro certo affirmare aulam. Dogma adversarium Aërii, orationes & oblationes pro mortuis damnantis, damnatum fuisse, ex Epiphanio & Augustino cui non constat? Fuit etiam mos ille antiquissimus pietatis plenus; & verissime, Cassand. in Consult. art. 24. Omnibus, inquit, christianis animis hoc perpetuo insitum fuit, ut spiritus eorum, qui Christi sacramento initiati, in confessione nominis ejus cum aliqua pœnitenti significatione ex hac vita excefferunt, Dei clementiae commendarent, & eis remissionem peccati, quietem aeternam, & consortium electorum precarentur. Et quamvis de statu illo animarum, quibus haec prodesse, non satis constaret, nec inter omnes conveniret; omnium tamen hoc officium, ut testimonium charitatis erga defunctum, & ut professionem fidei de immortalitate animarum, & futura resurrectione, Deo gratum & Ecclesiae utile esse judicarunt. Pag. 247.)

Hanc antiquissimam, & universalem ecclesiae consuetudinem permulti etiam doctissimi Protestantes haud improbant. Apol. confess. augustanae: *Scimus, veteres loqui de oratione pro mortuis, quam nos non prohibemus.* Videantur Chemnitius in Exam. concil. trid. de Purgator. Mentzerus contra Pistorium disp. 12. thes. 26. & 39. Lutherus, teste Chemnitio, in Confessione

ne sua dicit: *Pro mortuis, quia scriptura nihil meminit, existimo non esse peccatum, ex libera devotione, ita vel similiter orare, ut Deus animae, si in tali statu sit, misereatur, utque satis sit, quando semel vel bis id factum fuerit.* I. Gerard. Loc. theol. de Morte n. 87. *Quaeritur, inquit, an, quando in oratione funebri pro beata defunctorum ad dominum emigratione gratiae aguntur, liceat clausulam illam εὐχιστήν subjungere? Deus det ei pacatam quietem, & beatam ad vitam resurrectionem.* Negat Calvinus epist. 366. Sed August. Confessionis Apologia illud concedit. Urbanus Regius in Formul. caute loquendi, cap. 16. de Sanctorum cultu §. 11. & 12. *Hasc, inquit, erat olim & nunc est in Ecclesia memoria defunctorum, quae evidens testimonium est charitatis & fidei de gloriosa carnis resurrectione; & cum sit fidei fructus, quae per charitatem operatur, nemo eam rejiciat, nisi epicureus & sadduceus.* Hujusmodi defunctorum memoriam celebravit vetus Ecclesia, ut est apud orthodoxos, a quorum sententia recedere non est tutum, nisi repugnet verbo Dei. Vorstius in Antipist. parte 2. *Vota & preces ad Deum pro beata ipsorum resurrectione, seu consummata ipsorum gloria, neminem bonum improbare posse, asserit.* p. 435. Videatur ejusdem Enchiridion controversiarum, de Purgatorio, & Antibellarm. p. 260. circa finem. (Pag. 248) item Gerh. Joh. Vossius in Disput. theol. super hoc eodem argum. R. Fieldus de Ecclesia l. 3. c. 29. in append. ad hunc librum p. 221. atque in altera appendice, parte 1. sect. 5. Episcopus winton. in Respons.

spons. ad cap. 18. libri Replicationis card. Perro-
nii ait : *Quod ad orationes & oblationes pro defun-*
ctis attinet, parum est, quod eis contradici queat.
Negari non potest, consuetudinem eam esse vetustam.
Sed, ut innumeros alios in re tam perspicua si-
lentio transmittamus, audiat Ecclesia anglica-
na in Rituali, sive libro communium precum, ,
tempore Edovardi impresso A. 1549. & latine ver-
so ab Alexandro alesio, scoto, S. theol. docto-
re. Verba reperiuntur in administratione cœ-
nae Dom. sic concepta : *Commendamus etiam*
tibi, o Domine, reliquos omnes servos tuos, qui ex vi-
ta hac decesserint cum signo fidei, & nunc requi-
escunt in somno pacis. Concede illis, quaesumus, mi-
sericordiam tuam, & aeternam pacem, & ut in die
universalis resurrectionis, nos, & omnes, qui sunt
membra mystici corporis filii tui, sistamur a dextra
ipsius, ut audiamus illam suavissimam vocem, Ve-
nite ad me benedicti, &c. Et de sepultura mor-
tuorum, *Deus, cui omnes spiritus mortuorum, &*
cum quo omnium electorum animae, post liberationem
oneris carnis, feliciter & in gaudio vivunt, praeSta
huic famulo tuo, ut peccata, quae in hoc mundo
commisit, non imputentur ei; sed ut superatis portis
mortis, & aeternae caliginis, semper in regione lu-
cis habitet cum Abrahamo, Isaaco & Jacobo, ubi
nullus luctus, dolor aut moeror; & cum tremenda
dies iudicii advenerit, fac eum resurgere cum omni-
bus justis & electis. Hasce preces antiquissimas &
piissimas, Bucer aliorumque monitu & consilio,
postea praefules ecclesiae anglicanae expunxere;
aut

aut in aliam nescio quam formam, hodiernam novitatem redolentem, *convertere*. Isaacus Casaubonus in Respons. ad epist. card. Perronii, nomine serenissimi sui Britanniae Regis scripta, affirmat, *hunc ritum orandi pro mortuis Ecclesiam anglicanam, etsi non damnet in primis seculis, hodie tamen sibi non putare retinendum*, p. 54. Sed utinam (ut nihil detraham laudibus serenissimi, & nunquam satis laudati principis, Jacobi sexti, qui cum nihil haberet prius & antiquius pacis & concordiae piae inter christianas ecclesias procurandae studio, nunquam tamen per morosa & rixosa multorum theologastrorum ingenia, id consequi aut effectum dare potuit, quod maxime voluit) Pag. 249.) Ecclesia anglicana, quae singularem certe alioqui meretur laudem, ob magnam multis aliis in rebus, etsi forte non paris momenti, moderationem adhibitam, universalis Ecclesiae antiquissimae consuetudini, hoc in negotio, ut & in aliis nonnullis, sese potius conformasset, quam ob errores & abusus, qui paulatim irreplerant, postea, ingenti cum aliorum fere omnium Christianorum scandalo, simpliciter rejecisset, & penitus sustulisset.

Ex orationibus autem & oblationibus pro mortuis apud Patres purgatorium Romanorum minime probari posse, luculentissime demonstrarunt infiniti viri doctissimi, Graeci, Romanenses, Protestantes. Censuerunt enim primo complures ex veteribus, cum graecis tum latinis, justorum animas ante diem judicii Dei visione

one

one non frui, sed * in abditis quibusdam receptaculis, vel coelestibus, vel extra coelos, detineri, ubi quiescant, beatam corporum resurrectionem, & gloriae promissae consummationem, cum gaudio in visione humanitatis Christi, & frequenti angelorum visitatione expectantes. Prolixum Patrum, quibus istud persuasum fuit, catalogum vide apud Staplet. in Defensione ecclesiast. autorit. cap. 2. Sixt. senens. Bibl. l. 6. annotat. 345. & Bellarm. de Sanctorum beatitudine l. 1. c. 1. qui cum aliis quibusdam Romanensibus pleraque illorum dicta ad alium quidem sensum, sed frustra, trahere conatur. Videatur etiam Maldonatus in Luc. 23. 34. ad verba, *Hodie mecum eris in paradiso*: Sanderus de Visibili ecclesiae monarchia l. 7. aliique plurimi. Et ante Synodum florentinam circa annum christi 1450. ita sentire licuisse sine periculo haeresis, fatentur etiam ipsi Romanenses citati. Adde Pamelium in Tertulliani paradoxo IX. & Bellarmin. l. 4. de Pontif. cap. 14. ubi differit de Johanne 22. papa, qui eandem etiam sententiam defendit. Vide & Bellarm. de Sanctorum beatitudine l. 1. c. 2. Eadem quoque fuit, atque etiamnum manet sententia Graecorum, aliorumque plurimorum christianorum orientalium, ab externa romanae Ecclesiae communione disjunctorum, ut satis omnibus constat.

De Joh. Calvini inter Protestantes sententia multum inter partes contenditur: an scilicet existima-

* In abditis quibusdam receptaculis.] Vide pag. 244.

stimaverit etiam ille, justorum animas ante diem
judici, visione Dei frui, & in cœlos recipi, nec ne?
Pag. 250.) Inter Romanenses videantur Bellarm.
de Sanctorum beatitudine, Becanus de Purga-
torio Calvinistarum, aliique; inter Protestan-
tes Chamierus tom. 3. lib. 25. de Beatitudine ani-
marum, I. Rainoldus de Rom. ecclesiae idolola-
tria lib. 1. item archiepiscopus spatat. de Rep.
eccles. lib. 5. cap. 8. n. 110. & aliquot seq. ubi ex
plurimis operum Calvini locis ostendit contra
Bellarminum, Calvinum omnem animae beati-
tudinem & gloriam, nisi in sola spe, anteresur-
rectionem non negare, & agnoscere eum pas-
sim quandam inchoatam gloriam & beatitudi-
nem, negare tantum animas ante extremum
diem frui tota & completa illa summa Dei glo-
ria, in scripturis promissa, & quæ *visio Dei*, scil.
clara & cominus, nuncupatur. Hisce autem in
locis jam citandis quam parce & sobrie hac tota
de re multis verba facere videatur, audi & aequa-
mente expende, lector. Institut. l. 3. cap. 25. §. 6.
*Quum scriptura ubique jubeat pendere ab expecta-
tione adventus Christi, & gloriæ coronam eo usque
differat, contenti sumus his finibus, divinitus nobis
præscriptis: animas piorum militiae labore perfun-
ctas in beatam quietem concedere, ubi cum felici
laetitia fruitionem promissæ gloriæ expectant, atque
ita omnia teneri suspensa, donec Christus appareat
redemptor. Ibidem tamen paulo antea affirma-
rat, Christum illis præsentem esse, & eas recipere in
paradisum, ut consolationem percipiant.* Et lib. 4.
cap.

cap. 5. §. 12. *Quae ob hoc unum Ecclesiae dissideant, si altera citra contentionis libidinem, citra perviciam asserendi, animas a corporibus demigrantes in caelum convolare putet; altera nihil ausit definire de loco, caeterum vivere tamen Domino certo statuat, &c.* Et in libro, quem inscripsit Psychopau-nych. p. 78. & seq. *Sunt sanctorum animae post mortem in pace, quae extra manum hostis evolarunt. Sunt in opulentia, de quibus dictum est: Ibunt de abundantia in abundantiam. Ubi vero surrexerit in gloriam suam caelestis Jerusalem, & verus Solomon Christus, rex pacis, sublimis sederit in tribunali, regnabunt cum suo rege veri Israëlitaë.* Pag. 251.) Haec ex scripturis facile discere pos-
sunt, quicumque Deo auscultare didicerunt. Haec etiam nobis per manus tradiderunt, qui parce & reverenter tractarunt Dei mysteria. Plurima deinde subjicit Patrum testimonia, quae legere ne graveris. Alia ejusdem dicta omitto.

Nicolaus Gallasius, theologus genevensis, in fine notarum suarum in Irenaeum, dicit, *non esse nostrum inquirere, ubinam interea, videlicet post mortem, futurae sint justorum animae, cum, qui in coelo esse dicunt, nihil aliud intelligant, quam caelesti immortalis vitae potiri.* Vide & Balthas. Lydii notas in Disputationes taborit. ad cap. 19. Tho. Bilsonus, episcopus nuper winton. in Recognitione passionum Christi, parte 2. p. 540. & seq. pluribus contendit ex scripturis, Patri-
bus, & Calvini locis nunc citatis, *justorum animas ante diem judicii in supremum caelum, ubi Christus*
ad

ad dextram Patris sedet, non admitti, neque plena gloria & beatitudine, non solum extensive, ut volunt Romanenses, sed neque & intensive frui. Atque hic ille est, de quo loquitur R. Fieldus honorifice, suppresso tamen illius nomine, append. ad lib. 3. de Ecclesia p. 223. Gerardus Joh. Vossius in disputatione de Statu animae separatae p. 106. hanc eandem sententiam non improbat; affirmat enim cum caeteris supra citatis, justorum animas Domino vivere, gaudioque eas frui, sed imperfecto, & post resurrectionem complendo, & de loco non esse pertinaciter contendendum. Immo Bellarm. ipse de Sanctorum beatitudine lib. 1. c. 6. sect. Ad tertium dico, haec habet: Dico, Christi animam ante resurrectionem corporis sui non ascendisse quidem ad caelum corporeum; tamen fuisse in paradiso caelesti formaliter; nempe fuisse beatam & gloriosam. Quod si hoc tribuere vellent adversarii (Graeci scil. cum aliis) animabus sanctorum, non essemus multum solliciti de caelo isto corporeo.

Hanc ob rem quid miri est, si veteres defunctis optarunt refrigerium, pacem, lucem? Quis etiam dubitet, hac mente primitus (Pag. 252.) in canone missae precationem fieri solere, ut Deus meminerit eorum, qui nos praecesserunt cum signofidei, & dormiunt in somno pacis, ipsisque & omnibus in Christo quiescentibus locum refrigerii, lucis, & pacis indulgeat? nempe respicientes (ut inquit Vossius in cit. disput.) statum animae separatae, refrigerium iis optabant, propter aestum desiderii, quo resurrectionem,

& gloriae plenitudinem animae anhelarent: *lumen*, hoc est, lumen beatae visionis: & *pacem*, h. e. ab omni, etiam damni, malo immunitatem. Hanc orationem apud veteres usurpatis-
simam, corporum resurrectionem & iudicium, extremum tantum spectasse, quemadmodum affirmat P. Picherellus de Missa p. 149. 150. cum multis Protestantibus, quorum sententiae Vossius etiam loco citato se multum adversari nolle dicit, probabile non est. Certe oratio haec nulla ratione de animabus in poenis purgatorii constitutis, quemadmodum hodie communiter Romanenses sentiunt, intelligi potest; cum ipsa orationis verba glossam istam clarissime refellant. Vnde etiam, qui Johannis 22. papae sententiam, de qua ante dictum, tutati sunt, eidem firmandae hanc orationem Ecclesiae allegare solebant, teste Occamo Dial. parte 2. to. 2. cap. 3. *Rursus*, inquit ille, *ad hoc, quod animae sanctae in caelo Deum, ante diem iudicii scilicet, minime sunt visurae, allegatur oratio Ecclesiae, quae dicit pro defunctis: Qui nos praecesserunt, & dormiunt in somno pacis, &c. pro quibus orat Ecclesia, ut lucem videndi Deus eis concedat in futurum, scilicet post diem iudicii. Et si dicatur eis, quod haec oratio est pro defunctis, quorum animae sunt in purgatorio, hoc improbare conantur, dicentes: Quod hoc non est verum, quia in oratione Ecclesiae praemittitur, quod dormiunt in somno pacis, & non poenae & afflictionis. Ex quibus clare patet, quod oratio illa non fit pro animabus in purgato-*

gatorio existentibus, sed pro illis animabus, quæ sunt in pace & quiete, & expectant post ultimum iudicium, & non ante, Dei visionem. Haec Occamus, Joannitarum, ut appellat, argumentum proponens; ad quod ille communi Romanensium more respondet, i. e. omnino præter & contra veterum mentem. Subjungit deinde responsionem multo meliorem, scilicet, quod Ecclesia in oratione prædicta oret etiam pro animabus sanctis in cælo, (Pag. 253.) ut animæ sanctæ, quæ dormiunt in somno pacis, resumptis corporibus, ad locum refrigerii, lucis & pacis, quæ ultimum gradum essentialem & accidentalem pacis æternæ, quam quandoque habituræ sunt, includit, perveniant; quam pacem animæ in cælo ante diem iudicii non habebant. Quamvis enim nunc videant Deum, & sint beatæ, beatitudo tamen earum, & per consequens pax earum æterna, erit post iudicium augmentata, quia tunc clarius videbunt Deum, & de resurrectione corporum, & completionem civitatis æternæ, & aliis pluribus tunc post gaudebunt.

(*) Alias quoque veteribus fuisse causas, citra purgatorium, propter quas preces oblationesque pro mortuis facerent; & quod etiam orarint & obtulerint veteres pro universis in fide defunctis, etiam pro patriarchis, prophetis, apostolis, evangelistis, martyribus, confessoribus, quos in cælis esse non dubitabant, ipsis ex patrum scriptis, & antiquis liturgiis, quarum ple-

B b 2

rae.

- Alias veteribus fuisse causas] Vide p. 256.

raeque quidem supposititiae, quaedam tamen genuinae eorum, quorum nomina prae se ferunt, sed diversimode a posteris interpolatae, fuisse demonstrarunt multi doctissimi Protestantes, aliique, quos adi.

Peccata etiam quaedam leviora, in hac vita quoad culpam & poenam forte non remissa, post mortem remitti, per intercessionem Ecclesiae in precibus publicis, ac praesertim illis, quae fiebant in tremendorum mysteriorum celebratione, & per orationes, atque oblationes seu elemosynas a privatis pro illis factas seu datas, censuerunt plurimi Patrum, nixi loco 2. Machab. 12. 46. *Sancta & salubris est cogitatio, pro defunctis orare, ut a peccatis solvantur: & illo Matth. 12. 32. ubi dicit Dominus, esse quoddam peccatum, quod non remittitur, neque in hoc seculo, neque in futuro.* Ex priore loco, non negant Protestantes, hoc probari: Sed quia liber ille a multis (*) *extra canonem* positus est, probationem eam tanti non faciunt. Ex altero loco concedunt ipsi etiam Romanenses, secundum regulas dialecticorum non sequi id, quod inferitur ex verbis Domini, sed tantum *secundum regulas prudentiae*; complures tamen ex Patribus, hisce non obstantibus, sic censuerunt. Quibus suffragantur etiam multa concilia, & vetustissima Ecclesiae consuetudo, nemini temere spernenda aut rejicienda, nisi scripturis aperte adversetur; quod hac in re difficillimum certe est demon-

* Extra canonem] Vide Walenburch, tom. 2, p. 305.

monstratu. Loca multa ex veteribus huc congerere, cum res tam clara sit, plane superracaneum est, Pag. 254.)

Respondere quidem solent Protestantes ad loca, quae ex Patribus obijciuntur: Ecclesiam Deum rogasse, ut pie defunctis, extremi judicii die, juxta promissionem in Christo factam, peccata sua non imputaret, non quasi peccata aliqua, quae hic remissa non sunt, istic sint remittenda, sed *quia, quod semel remittit, remittat semper, completamque extremo judicio habiturum sit remissionem*: quae verba sunt Voslii, l. c. Attamen communis haec Protestantium responsio, minime satis facit plerisque Patrum locis, ut cuius ea vel leviter inspicienti perspicuum est.

Multo magis ingenue Graeci, quibus tamen purgatorium nunquam creditum, in sua Apologia: *De testimonio a vobis* (alloquuntur Latinos) *ex Machabaeis & divino Matthaeo allato non multa faciemus verba. Manifestum enim cuius est, remissionem peccatorum nonnullis vitae functis concedi. Quonam vero modo, & an per punitionem, & quidem illam per ignem, neminerunt quidem in universum. Porro quod haec purgatorium ignem non inferunt, sole clarius est. Quid enim commune est remissioni cum purgatione per ignem & punitione? Aut enim punitione, aut remissione, sive condonatione est opus, & non simul utroque. Ei enim, qui blasphemaverit in Spiritum S. non remittetur, neque in praesenti seculo, ne-*

que in futuro: nihil amplius addit. *Praeterea nihil etiam illud ex Machabaeis (dicens, Bonum esse ac salutare, pro mortuis orare, ut a peccatis suis absolvantur) nihil, inquam, de poena, atque hac quidem nominata agit, sed tantum hortatur, ut Deum pro mortuis oremus: spem fore, ut ipsis peccata remittat. Et paulo ante, dum statum quaestionis controversae formant: Quod Deus post migrationem e corpore, peccata remittat iis, qui venialia commiserunt: quod & primum erat eorum, quae in quaestionem venerunt. Hoc etiam a doctoribus dicentibus audivimus ita, ut illa docent. Haec illi.*

Archiepisc. spalat. de Rep. ecclesiast. lib. 5. cap. 8. n. 132. *Deinde etiam stantibus iis, quae de statu animarum supra consideravi, non esset absurdum fateri, peccata leviora, si quae in hac vita quoad culpam remissa non sunt, post mortem remitti, idque paulo post obitum, dum piae & religiosae exequiae ecclesiasticae peraguntur, virtute ecclesiasticae intercessionis in precibus publicis, (Pag. 255.) ac praesertim illis, quae fiebant in sacra liturgiae celebratione; ut supra Chrysostomus (homil. 3. in epist. ad Phil.) observabat, & Concil. carthaginense 3. & 4. satis clare commemorat. Et numero 133. Cum vetera concilia, quae pro purgatorio profert Bellarminus, nihil aliud contineant, nisi hanc, peccatorum scilicet leviorum, post mortem, etiam quoad culpam, a nobis haecenus explicatam remissionem, & ecclesiae pro illis intercessionem, ad confirmandum purgatorium nihil valent. Et n. 134.*

Haec,

Haec, quae dixi de remissione alicujus culpae venialis post mortem, per ecclesiae intercessionem, licet utcunque modo explicato admitti possint, & sua, meo judicio, non careant probabilitate, ut sic ecclesiae preces pro defunctis utiles esse, & non ociosas asseramus, quatenus ex apostolica institutione mos ille ecclesiae orandi pro defunctis putatur, ut fatetur Chrysostomus, & videtur valde probabile, premanasse: ponere tamen remissionem venialium per ecclesiae preces, etiam diu post mortem hominis, pro quo oratur, seu pro omnibus defunctis in genere, etiam pro illis, qui jam diu e vivis exceſſerunt, non videtur esse adeo constans, adeo tutum, adeo probatum, ut ad apostolicam traditionem id quoque duci trahive debeat. Vide & n. 150. Si, inquit, ut admodum probabile concederem, aliquem posse & solere ex hac vita decedere cum aliquo ex his peccatis venialibus, quod in hac vita remissum non fuerit, idque in alia vita paulo post mortem remitti, hinc tamen purgatorium nostrum non necessario colligeretur; remitterentur enim talia peccata intercessionem ecclesiae. Vide & n. 162. 163. Quod autem toties dicit auctor hic, paulo post mortem, de hoc nonnihil cap. seq. dicetur.

Vt hoc caput tandem concludamus: Quid nonnulli, etiam Catholici, & non ii tantum, qui pro haereticis habiti sunt, aliquando dubitarint, utrum orationes & oblationes, quae fiunt pro defunctis, aliquid eorum conferant animabus, ut studiose collegit Jac. Vſſerius, archi-

episcopus nunc armachanus, in sua Responsione ad jesuitam hibernum, loco de oratione pro mortuis p. 251. 252. ex Augustino ad Dulcit. q. 2. Cyrillo Catech. mystagog. 5. ex Anastasio sinaita p. 540. edit. graeco-latin. ex Petri, abbatis cluniacensis, epistola contra Petrobrusianos, Maximi schol. * in Hierarch. eccles. cap. 7. immo an etiam preces & oblationes pro mortuis licitae sint, ut idem ibidem probare nititur ex Gregorii 2. vel 3. epist. ad Bonifac. in tomis conciliorum, & ex Hug. Etheriano de Animar. regress. ab inferis cap. 13 Ecclesia tamen universa (Pag. 256.) hunc ritum non solum *licitum*, sed etiam defunctis aliqua ratione *utilem* esse existimavit, & religiosissime, ut, si non ab ipsis Apostolis, saltem a Patribus antiquissimis traditum, semper observavit; quod ex innumeris Patrum locis, praesertim ex Augustino de Cura pro mortuis c. 2. & 4. atque aliis permultis decantatissimis, ipso solo clarius patet. Vnde Isaac. Casaubonus in Resp. ad epist. card. Perronii de precibus pro mortuis inquit: *Quicquid est, quod in hac parte veteres fideles fecerunt, id omne Rex ad illud caput utilium vel licitorum refert, de quo supra dictum.* Quod autem subjungit, *hunc ritum non esse absolute necessarium*, exigui est momenti; concedatur enim, licitum, atque utilem piae vetustati semper visum, & universalissime in ecclesia receptum fuisse, atque etiam ut jam hodieque usurpetur; de absoluta illius usurpandi neces-

* In Hierarch. eccles.] Dionysii, ut creditur, arcopagitaec,

necessitate haud magnam theologi moderatio-
res litem movebunt contradicentibus. Videat-
tur doctissimus Desiderius Heraldus ad Arnobii
librum 4. ad verba : *Pax cunctis & venia postu-
latur*, &c. ubi multa praeclare hoc de ritu an-
notat, & Contr. Rittershusius, J. C. prudentis-
simus, in comment. ad Salviani massiliensis l. 2.
de Avaritia, ad verba : *Vt eorum memoria dignus
fiam*. Sententia autem de liberatione anima-
rum ex poenis purgatorii per orationes & ob-
lationes pro illis factas, locum in Ecclesia non
habuit, neque etiam habere potuit, nisi circa
annum Christi quadringentesimum, ut supra
dictum.

CAP. IV.

*Quo ex plurimis virorum doctissimorum
& moderatissimorum dictis, quid de pur-
gatorio Romanensium, & orationibus
pro mortuis ad illud relatis, sen-
tiendum sit, ostenditur.*

OTto frisingensis, qui scripsit anno Dom.
1146. l. 8. Chron. c. 26. *Esse, inquit, apud
infernus locum purgatorium, in quo salvandi
vel tenebris tantum afficiantur, (Pag. 257.)
vel expiationis igne decoquantur, quidam asserunt.*
Vnde patet, purgatorii assertionem, privatam
tantum quorundam fuisse tunc temporis opi-
nionem, non autem communem Ecclesiae fi-
dem,

Graeci in sua Apologia de Purgatorio igne a nobis jam antea saepius memorata: *Ignem purgatorium & punitionem per ignem temporarium finemque omnino habiturum*, nos a nostris doctoribus traditum non accepimus, neque orientalem Ecclesiam ita sentire, scimus. Porro Ecclesiae pro defunctis preces cum iis, quae ipsorum obitum antecesserunt, precibus conjunctas, aliquid praestare posse, hoc etiam prorsus statuimus, credentes iis, quae hac de re a Patribus sunt decreta. Et rursus: *Animas per ignem purgatorium transmissas, ad vitam aeternam pervenire, nequaquam statuimus; quod neque a quoquam doctorum hoc traditum accepimus*, ac praeterea non exiguus metus nos incensit, ne temporarium atque purgatorium ignem statuentes, univsum Ecclesiae consensum labefactemus. His igitur de causis nunquam in hunc usque diem tale quicquam statuimus, neque omnino statuimus. Et in fine Apologiae: *Has ob causas nunc etiam propositum dogma de purgatorio igne exterminandum est ab Ecclesia*, ut negligentiam sedulorum animis inducens, ac persuadens ipsis, ne omnibus viribus adnitantur, ut in hac vita se ipsi expurgent, cum alia post hanc vitam purgatio expectetur. Fuit haec Apologia a Marco, metropolita Ephesi, conscripta, teste Sixto senensi lib. 6. Biblioth. S. annot. 259. & lecta ac data reverendissimis Patribus & dominis Deputatis Synodi basil. die sabbathi, 14. mensis Junii, anno 1438. in sacristia Fratrum Minorum, Basileae praesentata Nicolao Cusano, teste Martino

tino Crusio in Turco-graecia, lib. 2. pag. 186. ex lib. MS. Johannis Capnionis.

Graeci quidem anno proxime sequenti 1439. qvo facilius a Latinis auxilia contra Turcas impetrarent, & quam celerrime in patriam redirent, in Synodo florentina Latinis concessere, si vere paenitentes in Dei charitate decesserint, antequam dignis paenitentiae fructibus de commissis satisfecerint & omisiss, eorum animas paenis purgatorii post mortem purgari, & ut a paenis hujusmodi releventur, prodesse eis fidelium vivorum suffragia. (Pag. 258.) Sed hoc, atque alia etiam, sine totius orientalis Ecclesiae auctoritate fecere. Legantur ipsa Concilii florentini acta. Multum semper reclamavit Marcus ephesius & concilio durante, & post concilium in epistola encycli- ca contra Concilii illius definitionem: quam, legere est apud Binium in Historia concilii florentini. Unionem autem hanc, Graecorum Ecclesiae nunquam sunt amplexae, teste Laonico chalcocondyla de Rebus turcicis lib. 1. haud procul ab initio: *Graeci reversi Byzantium*, (a Synodo florentina) *acta edocent eos, qui domi manserant: qui quidem noluerunt stare his, quae acta erant in Italiae synodis, putantes, sibi ne- uti- quam fas esse, consensum praestare Romanis nefaria asserentibus. Hinc perpetuo discordiam fovisse Graecos in negotio religionis adversus Romanos, constat.* Eandem Graecorum sententiam contra purgatorium Romanensium hodieque, ut & antea semper, innumerae aliae Christianorum in ori-
ente,

ente, atque etiam alibi Ecclesiae, mordicus retinent & tuentur, ut omnibus eruditis constat.

Wesselus groningensis, a multis *lux mundi* appellatus, qui etiam Concilio basileensi interfuit, in Epistolis de purgatorio, * p. 906. *Hanc seriem ducatus animarum, a lumine lucernae praesentis exilii, quo pusilla sapientia fidei nostrae, sicut granum sinapis est, & velut parvum centrum, quod crescere oportet in illam caelestis globi immensitatem. Vniversum processum, & felix animarum incrementum usque ad orientem solem, purificationem puto. Et in hac purificatione non poenam, sed ad omnia valentem pietatem, & illam pietatem per se purgatricem. Habet nihilominus illa pietas, immo flagrans amor dilatus, languorem & poenam suam, habet etiam felicem consolationem. Consolatur praesentia pastoris & salvatoris. Verum quia doctor & evangelista est, missus a patre, docens amorem, quo ipse Patrem amavit & amat, & illum suum amorem imitari, inardescunt igitur illic amore. Sed quia nondum digne amant, adhuc differuntur, & adfligitur anima eorum. Haec afflictio non dolor est, sed mœror est secundum Deum, p. 907. Neque putat Augustinus, mox deposita carne omnes malos amores una depositos, omnemque simul charitatis imperfectionem transisse ad perfectum, (Pag. 259.) Estque in eandem sententiam Guilielmus parisiensis. cap. 100. primae partis: & id multis argumentis ad longum. Unde istos malos amores arbitror peccata illa, quae in futuro seculo remittentur, ut etiam illic, do-*

nec

* Pag. 906.] Farraginis Wesseli p. 92.

nec perfectae justitiae sol eis oriatur, dicere non possint, sese peccatum non habere. Contrarium vero, per quem locum regulae fidei stabiliri possit, nondum video. Vnde valde miror communem doctorum scholae nostrae inadvertentiam, qui non veterina primaevae Ecclesiae auctoritate moventur, purgatorium ignem punitorio distinguunt. Gregori nazianzenus purgatorium ignem dicit, quem dominus Jesus misit in terram, volens, ut arderet. Luc. 12. 49. Et istum, quia sordes rationales imperfectae sapientiae, imperfecti de Deo judicii, & imperfectae justitiae purgare debet, rationabilem esse oportebit. Quod etiam Paulus innuit, quando dicit 1. Cor. 3. v. 13. ignem illum probaturum. Qui si probat, utique cognoscit, quale uniuscujusque opus fuerit. Punitorium vero ignem dicit illum, quem praeparat diabolo & angelis ejus. Multum enim insolens & nova verborum licentia, ut purgare dicamus illum, qui nihil impurum aufert. p. 908. Vide reliqua apud autorem loco jam citato, & de Purgatorio p. 829. & aliquot seq. edit. Johannis Lydii, Amsterodami anno 1617.

Georgius Wicelius Methodi concordiae ecclesiasticae cap. 8. tit. Funus: *Neque errat neque peccat Ecclesia, pro filiis suis orans, sive in corpore, sive extra corpus illi sint. Praeterea non pontificium inventum est, orare pro mortuis; sicuti non novum est, oblationes & eleemosynas pro iisdem largiri. Revolvant partes apostolicorum virorum scripta, qui & ipsi spiritum Dei habuisse putandi sunt. Caeterum vetus contentio*

tio est de purgatorio igne. *At mea sententia melius ageretur cum rebus Ecclesiae, si vitam hanc ocysissimam ita viveremus, ut non sit, cur metueremus a poëna. Qui potissimum de hoc disputant, fere ita vivunt, ut citius in gehennam, quam purgatorium sint involaturi; ab utraque futuri tuti, si cum scriptura & priscis Patribus pure sentientes, Christum viae vitaeque ducem recta sequerentur. Erat igitur cautius disputandum de eo, quod Deus in universum scire nos noluit. Nam ut maxime sint loci purgabiles, (sic enim loquitur Bernardus) qui excipiant corpore nudatas animas, non tamen decebat sapientes ac graves viros, tam certo omnia definire & metiri, quod scripturae Dei non satis expresse-
runt, nec antiquorum traditio exposuit. Neque enim nitendum est allegoriis Ambrosii & Gregorii, praesertim cum regula theologiae habeat: Allegoriam non probare. Pie creditur, locum esse, in quem deferantur, pro quorum peccatis orat ecclesia; sed ubi, qualis, quibus tormentis instructus, quo fine circumscriptus, nunquam fuit cognitum. Proinde ut in unum coalescant christianorum animi, temperent sibi Theologi ab immodica asseveratione & qualitatum descriptione. Lutherani contra temperent sibi ab audaci & pertinaci negatione ac convitiis diritate. Recolas Lutherus verba sua: Ego credo, purgatorium esse, & consulo, suadeoque credendum, sed neminem volo cogi. Haec ille. Vbi videantur plura. Idem in Via regia, artic. de Missa: Illud extra*

controversiam liquet, hoc sacrum eucharisticum olim in ecclesia Graecorum & Latinorum, ad sublevamen eorum, qui in fide decesserant, peractum fuisse; etiam id, quod arbitror, per preces vivorum, ac obsecrationes accidisse. Libellum hunc pro pacificatione ecclesiae universalis, jussu Ferdinandi I. & Maximiliani II. Romanorum Imperatorum immortalī laude dignorum, scripsit auctor hic anno 1564. G. Cassander in centuria prima Epistolarum selectiorum illustrium & clarorum virorum, &c. epist. 16. ad rever. & illustrem dominum Guilielmum, electum monasteriensem: *Vitium praecipuum in his (romanae scilicet Ecclesiae precibus pro mortuis) est, quod multis ad purgatorium stabiliendum haec detorqueantur; quod hic totum in opinione est positum.* Item in Consultatione art. 12. de Pœnitentia: *Quod has temporarias pœnas, quibus peccati sordes in animo nondum perpurgato haerentes eluuntur, etiam ad futurum seculum Scholastici referunt, in eo gravissimos & antiquissimos auctores (sed modum hic excedit Cassander; longe enim antiquiores auctores & assertores habet contraria sententia) & longissimum Ecclesiae usum sequuntur, nihilque, quod merito passionis Christi, quo sola pœna aeterna & culpa condonatur, adversum sit, & impium merito daminari debeat, asserunt;* Pag.261.) *quamvis ab imperitis & superstitiosis hominibus, multa inepta & superstitiosa afficta & simplici populo persuasa sint, quae graviore concilio prudentiorum pastorum dissimulari, & paulatim in desuetu-*

svetudinem & oblivionem adduci debeant. Idem artic. de Missa: *Et quamvis de statu illo animarum, quibus haec (orationes scil. pro mortuis) praedessent, non satis constaret, nec inter omnes conveniret; omnes tamen hoc officium, ut testimonium charitatis erga defunctum, & ut professionem fidei de immortalitate animarum, & futura resurrectione Deo gratum, & ecclesiae utile esse judicarunt.*

Episcopi Ecclesiae anglicanae in pia & catholica christiani hominis institutione, edita sub Henrico II. anno 1544. in fine, de oratione pro mortuis: *Quandoquidem & charitas dicat, & Machabeorum liber, ac veterum ecclesiae doctorum scripta confirmant, sanctum & salubre esse, orare pro mortuis, & quoniam hic mos in ecclesia ab antiquis, atque adeo ipsis Apostolorum temporibus duravit, proinde orationes pro defunctis Deo gratas, nequaquam irritas esse, existimandum est. Et certe palam est, christianae charitati consentaneum esse, ut proximos, seu vivos seu vita defunctos, precibus Deo commendemus, aliosque, ut ita nobiscum orent, invitemus, & juxta Ecclesiae consuetudinem, atque antiquorum Patrum sententiam, fratrum mortuorum memoriam in missarum celebratione & exequiis haberi, aut eleemosynas pro illis dari curemus. Haec enim ut illis, pro quibus fiunt, utilitatem & fructum adferre, sperandum est; ita nostram etiam in vita functos charitatem declarant. Quantum autem, aut quibus, aut quatenus hujusmodi preces nostrae valeant, aut quanto, quove temporis spatio a nobis sublevantur, solus Deus novit;*
qui

qui etiam solus ejusmodi orationem, merita & fructus recte pro sua sapientia dispensat, & inaeestimabili justitiae & misericordiae suae libra trutinat: nostrum vero est, arcana in abyſſo judiciorum Dei recondita omittere, & pietatis tantum officium & sinceræ orationis pro universis tum vivis tum mortuis præstare. Porro quoniam de loco, ubi animæ degant, de illius nomine, de illarum statu & conditione incerti sumus, propterea hæc & cætera hujusmodi omnia Deo relinqvenda sunt, cujus misericordiae æquum & congruum est eos a nobis commendari, cum hac spe & fiducia, quod Deus preces nostras gratas acceptasque habiturus sit. (Pag. 262.) Quod superest, Deo totum committamus, cui animarum status & conditio explorata est: nos vero nihil in alterutram partem temere definiamus in his rebus, adeo ab hominum cognitione remotis. Postremo necessarium admodum est, omnes ejusmodi abusus, qui antehac per romani papatus assertores, & illius farinae homines, in Ecclesiam introducti sunt, penitus abrogari; & proinde, ut abſtineatur a vocabulo purgatorii, nec amplius de eo disputetur, sub cujus fūco multa inania & indigna in Ecclesiam irreperunt, atque in pretio habita sunt, ut indulgentiæ illæ romanæ, quibus vulgus a pœnis & culpis statim liberari credebatur; & quod missæ scalares aut certis locis decantatæ animas expiarent, quodque certæ & præscriptæ precatiunculae, aut illarum constitutus numerus, idque adeo ad certas statuas præ aliis, animas liberarent. Nam ejusmodi somniis imperiti fidebant, Qui omnes

abusus omnino abolendi & rejiciendi sunt. Haec illi. Qvos hoc singulari elogio ornat Lancelotus Andreas, episcopus nuper wintoniensis, in Respons. ad cardinal. Bellarmini Apologiam, cap. i. p. 23. inqviens: *Viri fuere summi, eruditionis laude, quam late patet orbis christianus, notissimi.*

Graeci Venetiis degentes, in Responsione ad quaestionem 9. Claudii cardinal. Guisani, scilicet, *Creduntne Graeci purgatorium quendam ignem esse, quo prius animae purgentur, quam in caelum perveniant?* haec habent: *Nequaquam post mortem restare purgatorium quendam ignem, credimus.* Tentationes quidem illas, quas in hac vita experimur, quasi purgatorium quendam ignem esse statuimus. Nam ejusmodi tentationum diuturnitate, quae nos castigandi causa contingunt, homines interdum a peccatis expurgantur, quemadmodum in illo dicto significari vides: *Per ignem & aquam transivimus, & eduxisti nos ad recreationem.* Quod si esset ante judicium ejusmodi purgatorius animarum ignis a morte, nimirum universae animae infinita temporis diuturnitate sic perpurgarentur, ut judicii tempore nulla poenis obnoxia reperiretur.

pag. 263.) Ex quo porro consequeretur, a Christo frustra dictum: Hi quidem ad supplicium aeternum, justi vero ad vitam aeternam abibunt. Haec est orientalis Ecclesiae sententia, inqviunt, quam in hodiernum usque diem retinet. Et ad quaest. 10. Existimantne, (Graeci) post hanc vitam animas suppliciis quibusdam propterea purgari, quod in hac vita meritis poenas non dederint? sic respon-

respondent : *Eorum hominum animae , quorum quasi media quaedam conditio est, qui scilicet mortiferis in peccatis diem extremum non clauserunt, nec tamen omnino expertes culpaе fuerunt , pœnitentiæve fructus declararunt, creduntur a nostris ejusmodi delictorū ratione purgari, non per purgatorium aliquem ignem , vel determinata certo quodam loco supplicia, (nam id nusquam traditum extat) sed nonnullae in ipso diremtu a corpore per solum metum ; uti Gregorius ille , cognomento Theologus, (lege, Dialogus, ut supra p. 239. dictum) pronunciat, nonnullae post diremtum a corpore, fortassis etiam apud orcum detentae ; non quod in igne supplicioso sint, sed velut in custodia & vinculis coërceantur. His omnibus opitulari preces eorum nomine factas dicimus, concurrente cum his divina bonitate & clementia, quae ad hujusmodi peccata pleraque connivet, eaque mox condonat, nimirum si quae ex imbecillitate humana, commissa sunt. Fuerunt hae quaestiones 12. & responsiones ad easdem latine versae a J. Leunclavio, & Basileae impressae anno 1571.*

In Concilio tridentino, ut legere est in Histor. lib. 8. * pag. 893. ex Praelatis, quibus tradita est provincia formandi decretum de purgatorio, aliqui de loco & foco purgatorii, sicuti in Concilio florentino, mentionem fieri cupiebant : alii, quod ea res non careret difficultate , nec facili negotio verba inveniri possent ad id exprimendum,

Cc 2

quae

* Pag. 893.] Vel 1371, edit. nuperae lipsiensis,

quae omnibus satisfacerent, putabant, nihil aliud dicendum, quam bona opera fidelium, mortuis ad poenarum remissionem conducere.

Eraſmus operum tom. i. pag. 685. ſcribit: *Multa ſunt, de quibus non ſolum dubitarunt olim homines contentioſi, verum etiam docti juxta acpii, veluti de purgatorio diu dubitavit Auguſtinus: nec ille tamen ſolus.*

Pag. 264.) P. Picherellus (cujus ſingulare eſt elogium apud Jac. Aug. Thuanum in libro 4. Hiſtor.) in diſſertatione de Miſſa pag. 150. & aliquot ſeq. multis rom. Eccleſiae dogma de purgatorio graviffime impugnatur, & purgatorio fovendo, immo ne excitando quidem, nulla in omnibus bibliorum ſylvis ligna inveniri affirmat. Vixit tamen hic auctor, atque etiam mortuus eſt in externa romanae Eccleſiae communione.

Auctor Examiniſis pacifici doctrinae Hugo nottorum, quem falſo J. Breerleus in Apologia Proteſtantium pro romana Eccleſia, tractatu 2. cap. 1. ſect. 14. pag. 427. verſionis latinae, auctorem procul dubio proteſtanteſſimum fuiſſe aſſeverat, (contrarium enim ex ipſius libelli attenta lectione aperte conſtat: adde, quod angliſ, qui e lingua gallica in anglicam tranſtulit, in epiſtola ad lectorem, virum generoſum hujus libelli auctorem H. C. affirmat, usque ad extremum vitae habitum fuiſſe & permanſiſſe catholico-romanum; atque hoc in Anglia plurimis optime notum fuiſſe) is, inquam, in fine cap. i. ita de purgatorio loquitur: *Auguſtinus exiſtimavit, illud rem tantum pro-*

probabilem esse, & non necessariam; nihil aliud dicens, quam Forsitan verum est. Neque etiam ipsi inter se Catholici de illo convenire possunt.

Joh. Barnesius, anglus, monachus benedictinus, vir doctissimus & pacis Ecclesiae amantissimus, quicum propterea a Romanensibus zelotis iniquissime nuper actum est anno 1627. in suo Catholico romano-pacifico, de purgatorio inquit: *Quia pii in Domino morientes, sunt beati, & requiescunt a laboribus suis, & aerumnis hujus vitae, Apoc. 14. 13. non videtur asserendum purgatorium ullum punitorium, in quo pii post obitum ignis gehennalis poenas patiantur; ad quas transeuntes, non abeunt a laboribus hujus vitae ad quietem, sed a quiete ad summos labores. Cum tamen libri Machabaeorum approbati in canone 84. Apostolorum, recepto in 6. Synodo can. 2. orationem pro defunctis commendent, & praxis universalis Ecclesiae in omnibus liturgiis eam retineat, & praestantissimi Patrum sentiant, orari posse pro existentibus in caelis, (non clare videntibus secundum suum videri Deum) sufficit, cum viris doctis asserere * purgatorium expiatorium, in quo sine tormentis gehennalibus magis magisque, usque ad diem visionis Dei clarae, fruenter consortio humanitatis Christi & Sanctorum, perficiunt se in Dei charitate per fervida & morosa suspiria. Haec ille, late eadem in sequentibus confirmans. Pag. 265.) Et sic tandem concludit: Fateor, Augustinum aliquando vacillasse de punitione in purgatorio. Lib. 21. de Civ.*

* Purgatorium expiatorium] Vide pag. 266.

Dei cap. 26. ait: Non redarguo, quia forsitan verum est. Et de Fide & Operibus cap. 16. Non abhorret, quantum arbitror, a ratione veritatis. Punitio ergo in purgatorio, est res in opinione humana posita, quae nec ex scripturis, nec Patribus, nec conciliis deduci potest firmiter. Immo, salvo meliori judicio, opposita sententia eis conformior videtur.

Archiepiscopus spalatenfis de Republ. ecclesiast. lib. 7. cap. 11. n. 9. *Purgatorium nullum esse in eo sensu, in quo a nostris ponitur, arbitror, me ibi (lib. 5. cap. 8.) demonstrasse. Et moneo, articulos fidei de purgatorio & indulgentiis nullos esse, nisi novitios, perperam a nostris superinductos. Igitur per regulas a me assignatas, nulla potestas est in terris, quae illis fidei certitudinem possit addere, & consequenter nostri * non possunt juste pro haereticis illos habere, qui purgatorium & indulgentias negant: ideoque hoc nomine eos a communione ecclesiastica non possunt abjicere. Sed neque Protestantes possunt hinc tanquam haereticos damnare, & a communione sua (quantum in ipsis est) repellere Pontificios, licet & purgatorium & indulgentias mordicus retineant. In his enim proculdubio errant, sed non contra fidem. Excessus est hic, sed non defectus: neque per hos falsos articulos ulli vero articulo fidei fit injuria. Moneo tamen, non esse damnandas orationes & oblationes sacrorum mysteriorum pro defunctis: illae enim si non ex scriptura, saltem ex usu & praxi antiquis-*

* Non possunt pro haereticis,] Vide pag. 266.

tiqvisſima Eccleſiae, quae ad apoſtolicam traditionem facile poſſit & ſoleat a ſanctis Patribus revocari, ſuam habent deſenſionem; ac licet inde verum purgatorium non colligatur, colligitur tamen locus aliquis animarum, in quo peccatorum poſſint illae indulgentiam Eccleſiae precibus obtinere. Plura de purgatorio aſſerere, eſt magnae vanitatis & temeritatis.

Inter Proteſtantes Franc. Junius adverſus Bellarm. de Purgatorio lib. 1. cap. 10. *Cum juveniles animas mortuorum ceperunt credere Patres, intellexere de adjumento in bonum: poſtea vero, invaleſcente errore purgatorii, intellexere de adjumento ad liberationem illius. Priorem ſententiam toleramus, poſteriore pernegamus.* Pag. 266.) Et ibidem, ſect. 24. affirmat, *male confundi iſta duo doctrinae capita de Sanctorum requie in expectatione gloriae, malo (ſcilicet poſitivo ſive poena ſenſus) carentium, & ad gloriam perfectam anhelantium, pro quibus orabatur prius; & de poenis purgatorialibus in eadem expectatione ſubeundis, pro quibus orant Pontificii.* Nos, inquit, prius toleramus, poſterius negamus. Haec Junii ſententia Voſſio probatur diſput. de Orationibus & oblationibus pro defunctis, theſ. ult.

P. Martyr in cap. 3. 1. ad Cor. pag. 43. facie averſa: *Vidimus jam, purgatorium non eſſe dogma creditu neceſſarium; deinde, quod ſi opinione aut ſuſpicionem accipiat, infirmas & debiles habet, quibus innitatur, rationes, atque pietati potius officiat, quam*

eam promoveat. *Quamobrem* qui ipsum esse opinantur, non recte faciunt, si id credendum Ecclesiae proponant, *in qua ut fidei objectum tradi non oportet, nisi ex scripturis certo ac indubitato constet.*

Episcopus wintoniensis in Respons. ad card. Bellarmini Apolog. c. 8. p. 208. de purgatorio verba faciens, haec habet : *Cujus quidem in S. literis basis firmior non est, locum id habere potest inter opiniones scholae, quae non sine formidine contrarii sunt; inter fidei articulos non potest. Loco ergo suo consistat: opinio sit, ad fidem ne pertingat: ne dogma quidem ecclesiasticum habeatur.*

Sed ut considerationi huic (in qua quae forte desideras, lector erudite, ea ex aliis, qui controversiam hanc fusius pertractarunt, petenda esse memineris) finem tandem imponamus: Ad controversiam hanc tollendam, vel saltem minuendam, * Romanenses opinionem suam de purgatorio punitivo, quum nullis certis fundamentis, nec in scripturis, nec in primorum seculorum Patribus, nec in priscis conciliis, nitatur, ut supra demonstratum est, *pro fidei articulo nec habeant ipsimet, neque aliis obtrudant; Protestantes etiam, quibus opinio ista improbat, & quidem jure meritoque, haereseos tamen aut impietatis aperte eandem ne damnent; sententiae vero communi Graecorum, atque etiam quorundam virorum doctorum in latina Ecclesia de purgatorio expiatorio, (quod solum purgatorii nomen proprie*

* Romanenses opinionem suam.] Vide pag. 265.

prie loquendo meretur) in quo sine pœnis gehennalibus, animae sanctorum, quorum quafi media quaedam conditio est, in cœlis quidem, sed in cœlorum loco, soli Deo noto, magis magisque, usque ad diem visionis Dei clarae, fruētes conspectu & consortio humanitatis Christi & sanctorum angelorum, perficiunt se in Dei charitate per fervida & morosa suspiria, ut supra pag. 264. dictum est, neutri pertinaciter oblucentur; Pag. 267.) sua enim, atque ea quidem haud exigua probalitate minime destituitur. *Mos autem orandi & offerendi pro defunctis* antiquissimus, & in universa Christi ecclesia ab ipsis ferme Apostolorum temporibus receptissimus, ne amplius a Protestantibus, ut illicitus, vel saltem ut inutilis, rejiciatur. Reverentur veteris Ecclesiae iudicium, & perpetua tot seculorum serie confirmatam praxin agnoscant, & religiose dehinc ritum hunc, licet non ut absolute necessarium, seu lege divina imperatum, ut *licitum* tamen, atque etiam *utilem*, semperque *universae Ecclesiae probatum*, cum publice privatim usurpent, ut orbi christiano pax tantopere omnibus vere doctis & piis exoptata tandem redeat. Faxit Deus ter. opt. maximus !

Τῷ μόνῳ Θεῷ δόξα.

Tertull. lib. i. contra Marcion.

Omnino res christiana sancta antiquitate stat, nec ruinosam rectius reparabitur, quam si ad originem censeatur.



Pag. 168.

Consideratio

Controversiae

De

Angelorum & Sanctorum

Intercessione & Invocatione,

quae tractatur a Bellarmino lib. 1.
de Sanctorum beatitudine.

PARS I.

*In qua de utrorumque intercessione
agitur.*



Angelos omnes generatim, & qui in cau-
sis ac necessitatibus particularibus nostri
curam gerunt, speciatim pro nobis orare,
non negant Protestantes doctiores,
ut nec orationes nostras ab angelis
istis offerri Deo; intelligentes scilicet solam mi-
nisterialem precum nostrarum oblationem, non au-
tem propitiatoriam: haec enim soli Christo me-
diatori nostro unico convenit. Pag. 170.) Offerre
dicuntur custodes angeli orationes suorum, inquit Vas-
quez

que in primam S. Thomae tom. 2. disputat. 254. cap. 1. *eum simul ipsi deprecantes, eorum orationes proponunt, non ut Deo illas manifestent, cum nihil ipsum lateat, sed ut ipsi pro nobis simul deprecentur.* *Largimur, inquit Apologia august. confess. quod angeli orent pro nobis. Extat enim testimonium Zach. 1. 12. ubi angelus orat, &c.* M. Chemnitius Loc. theol. parte prima, de Creatione pag. 333. edit. francof. A. 1608. *Angeli offerunt orationes nostras Deo. Tob. 12. 15. orant pro nobis. Zach. 1. 12. (1) Job. 33. 23. Act. 10 vers. 3. & 4. adjungunt suas preces nostris. Apcc. 8. 3. & 4. &c. Joh. Gerhardus in L. C. loco de Scriptura (2) pag. 188. Novimus sane, magnum illum theologum, D. Chemnitium tom. 1. Loc. inter officia angelorum etiam hoc recensere, quod preces nostras Deo offerant, &c. Sed si tale quid angelis tribuere velimus, necessario distinguendum erit inter oblationem precum ἱερεικῇ simplicem, ac ἱλαρικῇ propitiatoriam, per quam preces nostrae Deo gratiae & acceptae redduntur: qui honor soli Christo relinquendus. Zanchius de Operibus Dei, lib. 3. cap. 14. *Quicquid agimus vel boni vel mali, illud ab angelis custodibus nostris spectatur & observatur. Hoc idem confirmat & hic (Act. 10.) & alii loci, ubi legimus, preces nostras deferri in conspectum Dei per angelos, ut Tob. 12. 12. Videatur idem Zanchius paulo post, cap. 22. circa initium. Petrus Martyr L. C. classe prima, cap. 12. sect. 17. Quod si legeris in scripturis, (in margine citatur Tob. 12. 12.) angelos deo of-**

(1) Job. 33. 23.] Vide pag. 271.

(2) Pag. 188.] Pag. 72, Exegel, edit. in sol,

ferre nostras preces, id ab eis non fit ad Deum instituendum sive docendum, ut Augustinus scribit libro 15. de Trinit. cap. 13. Videatur idem Augustinus in Apoc. 8. 3. 4. Primasius, Beda, Haymo, immo plerique interpretes, inquit Basilus de Viega, jesuita, comment. hunc in loc. Apocal. per angelum illum Christum intelligi volunt. Neque enim alteri apte accommodari possunt, quae hoc loco ponuntur: cujus enim alterius est, universae ecclesiae incensa, h. e. orationes, in thuribulo aureo tanta majestatis specie Patri offerre? Cujus est, praeterquam Christi, de igne, quo thuribulum aureum erat impletum, partem in terras misisse; easque divini amoris igne, & ignitis Spiritus S. donis inflammasse? (Pag. 271.) Inter Romanenses tamen (ut alios multos praetermittam) contendit Ribera in locum, non Christum, sed angelum aliquem intelligi creatum. Rationes, quibus sententiam suam confirmat, videantur apud auctorem ipsum. Vide & Cornelium a Lapide in locum eundem.

Estius in loc. cit. utramque sententiam lectori liberam relinquit. Haec autem illius verba observentur: Caeterum ex eo, quod angeli orationes nostras offerant Deo, bene sequitur, quod pro nobis orent. Non enim aliter intelligi possunt orationes nostras Deo offerre, quam eas commendando, ut Deus illas suscipere, acceptare, & exaudire dignetur. Hoc autem est suas orationes nostris adjungere, suisque orationibus nostras adjuvare. Inter
Pro.

Protestantes Beza locum illum Apocal. *de angelo* intelligit, & affirmat, *sanctorum orationes in hoc mundo*, videlicet pura illa precum & beneficentiae sacrificia Deo quotidie offerentium, per angelorum ministerium Deo offerri. Chemnit. in Examine Concilii trident. de Invocatione Sanctorum, ad hunc locum respondens, inquit: *Vel si intelligatur de angelo simpliciter, idem erit, quod scriptura alibi dicit, angelos offerre orationes nostras Deo, & referre exauditionem earum. Tob. 12. 12. 15. Dan. 9. 23. & 10. 12. Luc. 1. 13. Act. 10. 3. 4. & illis addi incensum odoris fragrantis coram Deo, non ex angelorum dignitate aut meritis, sed ex ara, quae est ante thronum Dei.* Vossius in thesibus suis de Invocatione Sanctorum, disp. 3. thes. 6. *Atque non aliud hinc (Apoc. 8. 3. 4.) colligi potest, quam orationes nostras ab angelis offerri Deo, atque ab iisdem exauditionis nuncium interdum afferri. Quod etiam docemur Dan. 9. 22. & 10. 12. Tob. 12. 15. Quanquam & in hoc Apocal. loco cum Primasio & aliis per angelum possumus intelligere Christum.* Idem Vossius disp. 2. thesi. 3. locum Jobi cap. 33. 23. *Si fuerit pro eo angelus, &c.* quem alii Protestantes de propheta, nuncio & interprete divinae voluntatis intelligunt, cum doctissimo Mercero *de angelo* intelligendum esse putat: ita, ut ex hoc loco colligi possit, *Deum ad hoc angelorum ministerio uti, ut hominum preces ac negotia ad se perferant: Quod (quemadmodum ex plurimis scripturarum locis manifestum est) passiva ac vulgaris in populo Dei*

Dei opinio fuit. Sic ille. (pag. 272.) De tota hac re legatur locus insignis apud Augustin. lib. 15. de Trinit. cap. 12. Videatur & epistola 121. cap. 9. ac Bernh. ferm. 7. in Cantica, aliqve. Ad sis etiam Nicol. Serarium, jesuitam, prolixè hac de re differentem in Tob. cap. 3. partem alteram, q. 4. 5. 6. 7. Certe debili admodum argumento pugnant rigidiores Protestantes contra non solum canonicam istius libri autoritatem, (quam certe illi tribuendam esse non existimamus) sed etiam contra veritatem multorum, quæ in illo continentur, inter alia, *quia cap. 12. & 15. angelus dicitur offerre preces sanctorum Deo.* Videantur contrariæ super hoc qualicunque argumento disputationes Anglorum, puritanorum, & molliorum, adeoque meliorum & doctiorum Protestantium impressæ anno 1608. p. 171. & seq. Vide & Vorstium in Antibellarin. p. 285.

Cuique saltem fideli ordinariæ certum aliquem *angelum*, tanquam *custodem* & curatorem, assignatum esse, quamvis extra ordinem plures etiam nonnunquam ad eum, pro Dei beneplacito, majoris consolationis causa, mittantur, qui ejus salutem, sive orationibus, sive officiis, prout occasio tulerit vel postulaverit, procurent, multi doctissimi Protestantes probabile, licet non de fide esse existimant, contra aliorum rigidiorum sententiam, quibus hoc vel falsum commentum, vel saltem omnino incertum esse videtur. Hoc enim multi

multi scripturae loci probare omnino videntur. Matth. 18. 10. *Angeli eorum in caelis per omne tempus intuentur faciem patris mei, qui in caelis est.* Act. 12. 15. *Ipsius angelus est.* Loquebantur enim fideles illi juxta receptam in populo Dei sententiam. Gen. 48. 16. *Angelus, qui eruit me.* Quo de loco paulo post pluribus dicemus. Citantur & alii scripturae loci, qui huic sententiae firmandae servire videntur. In hac autem sententia, inquit Zanchius de Operibus Deilib. 3. cap. 15. thesi 1. *quam magis probabilem esse diximus, omnes Patres fuisse videntur. Patrum vero communis & constans consensus, multum apud me habet ponderis & auctoritatis, nisi S. literae contrarium aperte doceant.* Gul. Bucanus in L. C. de Angelis q. 28. consentit. Similiter & Johannes Rivius, vir doctissimus, in libro de Praesidio angelico. Martinus Borrhaus in Ecclesiast. ad verba cap. 5. 5. vel 6. *Neque dicas coram angelo, &c.* pag. 58. 59. Pag. 273.) Richardus Montacutius contra quendam controversiarum abbreviatorem cap. 23. Rich. Crakanthorp in Defensione Ecclesiae anglicanae, cap. 58. pag. 370. num. 4. *Putamus e- quidem & nos, adesse nobis custodem angelum; putamus, inquam: de fide hoc esse, indubitatum esse, ex te aut quovis tuorum scire volumus.* Joan. Salkeldus, angulus, in tractatu de Angelis cap. 44. & 45. diffuse hoc ex Patribus cum graecis tum latinis probat. Ad id sis tractatum ipsum, ab autore, postquam desertis Romanensibus sese Protestantibus adjunxisset, conscriptum & excusum Londini A. 1613.

A. 1613. A. Rivetus Summae controver. tract. 2. quæst. 47. p. 649. post alia nonnulla: *Illud tamen non est alienum a scriptura, nec probabilitate caret, quod Deus cuilibet electorum certum ac peculiarem angelum, qui ipsum a natiuitatis ortu usque ad obitum custodiat, assignarit; præter eos, quos ipsi in difficultatibus extraordinarie ad maiorem securitatem ac consolationem largitur.* Plures in re adeo clara citare non est necesse. Romanenses ipsi hoc de fide esse non affirmant, sed assertionem hanc, quamvis non sit expressa in scriptura, vel ab ecclesia definita, tanto tamen consensu ecclesiae universalis receptam esse, & in scriptura, prout a Patribus intellecta est, tam magnum habere fundamentum, ut sine ingenti temeritate ac fere errore negari non possit. Ita Suarez de Angelis, lib. 6. cap. 16. n. 8. Valquez in 1. D. Thomae, tom. 2. disp. 245. cap. 1. n. 2. alique.

Singulis etiam provinciis certos ordinarie præfectos esse angelos; extra ordinem vero plures quoque, & diversos ad eas mitti, ante dictis aliisque moderatioribus Protestantibus verisimile, & scripturis sacris Dan. 10. 13. c. 11. 1. c. 12. 1. & Apoc. 12. 7. consentaneum esse videtur. Consentiant & Patres, de quibus alii fuisse.

Angelum custodem non deserere penitus alumnum suum, quamdiu hæc vita durat, etiam si peccet, & peccata multiplicet, docent multi Romanenses probabile esse; nec refragantur Protestantium multi moderatiores, Zanch.

de

de Oper. Dei cap. 17. *Angeli, inquit, quorum curam ex Dei mandato gerunt, eos nunquam penitus omnive officii genere deserunt. Consentunt & alii, quibus idem verisimile, & scripturis plurimorumque Patrum testimoniis maxime consentaneum videtur.* pag.274.) Nonnulli tamen ex Patribus asserunt, homines peccando angelos a se profligare, vel ab illis angelos disjungi. Basilus in psalm. 33. *Omni credenti in Dominum, angelus asidet, si non ipsum nos per prava opera fugaverimus.* Et Orig. hom. 2. in Jerem. in fine, ac Bernhardus in suis sermonibus non semel idem docent. Res, utcunque probabilis sit, de fide tamen, & indubitata non est. Salmero tom. 4. p. 449. *Non opus est, ut semper homini assistat angelus custos, quemadmodum nec artifex horologio ex rotis ferreis constanti semper adest, sed ubi aut perturbatum est, aut ubi rota destitit: ita angeli custodes, ubi nostros affectus ab ordine rectae rationis recedentes emendaverint, & ad motum bonorum operum tepentes nos excitaverint, in caelum se recipiunt, ubi semper vident faciem patris.*

Quaecunque fiunt & dicuntur ab hominibus, ea ab angelis custodibus praesentibus videri & observari, licet de fide non sit, extra contraversiam est: sicut & probabile est, angelos illos custodes hominibus, quorum tutelae sunt destinati, semper adesse. Quae autem in nobis sunt cogitationes, desideria & affectus, nisi per externa effecta, vel signa sese utrimque prodant, vel a Deo

revelentur, cognosci ab angelis minime posse, recte & congruenter sacris literis 1. Cor. 2. 11. 1. Reg. 8. 39. & Patrum doctrinae asserunt Protestantes. Subscribunt huic sententiae Romanenses omnes saniores. Suarez de Angelis lib. 2. cap. 21. n. 3. *Omissis particularibus opinionibus theologorum, assertio catholica est: Angelum non posse naturaliter actum seu consensum liberum voluntatis creatae in se certo ac evidenter cognoscere, vel intueri, nisi ab habente talem liberum affectum alteri manifestetur. Quam assertionem ita indistincte sumtam, censeo esse de fide, licet in modo explicandi possit fortasse aliqua opinionum dissensio intervenire vel permitti.* Et hanc assertionem prolixè probat cum ex scripturis tum ex Patribus, quoad cogitationes internas, & aliorum angelorum & hominum; cogitationes autem nostras semper angelis custodibus, nedum aliis omnibus, a Deo revelari, quis sine divina revelatione ausit dicere? *Angeli quidem laetantur super resipiscentia peccatoris,* (ut dicitur Luc. 15. 10. qui locus Romanensibus, indoctioribus praesertim, semper in ore est) qui scilicet custodes sunt istius peccatoris; Pag. 275.) sive perpetui & velut a latere sint, sive hoc officio ad tempus fungentes, de cujus peccatoris conversione vera & sincera, vel ex revelatione divina, vel ex effectis & signis externis optime observatis illis constat; quamque vel iidem aliis angelis revelant, vel etiam Deus ipse. Vnde magnum existit gaudium in cœlo coram angelis

lis Dei super peccatore pœnitentiam agente. Sed omnes & singulas nostras cogitationes & desideria idcirco a Deo revelari, vel per externa effecta & indicia angelis etiam custodibus, nedum aliis, semper innotescere, minime inde efficitur, neque sine temeritate aliqua asseritur. Atque hæc de Angelorum intercessione.

Quicquid rigidiores Protestantes vel aliquando docuerint, vel etiam hodie doceant, certum non esse, quod sancti mortui orent pro vivis, ne quidem in genere, omnium tamen æquiorum & saniorum ea mens est, quæ fuit Jacobi VI. M. Brit. Regis laudatissimi, in Resp. per If. Casaubonum ad epist. card. Perronii scripta p. 59. edit. londin. 1612. Beatos martyres, & alios sanctos cum Christo capite utriusque ecclesiæ, triumphantis & militantis, nunc regnantes, veneratur ipsius Majestas, eosque pro necessitatibus ecclesiæ assidue orare non dubitat, precesque ipsorum non esse inutiles, firmiter credit.

Immo in particulari etiam pro quibusdam viventibus sanctos defunctos orare, non negant quidam Protestantes, probabile esse, ut episcopus winton. in Resp. ad cap. 20. lib. 5. Replicæ cardin. Perronii p. 44. Et R. Grakanthorp in Defensione Ecclesiæ anglic. contra archiepisc. spat. cap. 59. n. 4. scribit: *Non negamus, tum Hieronymum, tum Cyprianum, tum Nazianzenum, tum alios, in ea opinione fuisse, (quam nos quoque ut piam amplectimur, & probabilem)*

Dd 2

babilem) ut putarent, sanctos defunctos pro aliquibus, qui ipsis noti prius erant & chari, etiam in particulari apud Deum preces fundere. Hinc virgines, mox ad Dominum cum martyrii corona migraturas, hortatur, qui illis & cognitus probe fuit & chernus, Cyprianus de Discipl. & habitu virg. in fine: Mementote tunc nostri, cum incipiet in vobis Virginitas honorari. Et Cornelium sibi familiarem valdeque dilectum alloquitur idem * l. i. ep. i. Si quis nostrum prior divinae dignationis celeritate praecesserit, perseveret apud Dominum nostra dilectio, pro fratribus, & sororibus nostris apud misericordiam Patris non cesset oratio. (Pag. 276.) Quod idem de Basilio opinatur Nazianzenus orat. funeb. in laudem Basilii: Ille, inquit, nunc in caelis degit, ibique pro nobis (pro nobis, in particulari, quos charos hic habuit) ὡς οἰκεῖ ut arbitror, sacrificia offert, ac pro populo (hoc nempe particulari, quem charum habuit) orat. Hoc sensu capienda etiam Hieronymi verba, tam illa ad Paulam de Blefilla, pia ipsius filia tunc defuncta: Pro te Dominum rogat, mihi-que veniam impetrat peccatorum; quam haec ad Heliodorum: Veniet postea dies, quo Hierosolymam caelestem vir fortis coronatus incedas. Tunc parentibus tuis, ejusdem civitatis jus petes: tunc & pro me rogabis, qui te, ut vinceret, incitavi. Erat Paula, erat & Hieronymus Blefillae, erant Heliodorum parentes ipsius, tum Hieronymus, non noti solum, sed summe chari. Cur tales a defunctis in particulari Deo commendari diffidamus? Quis vel paren-

* Cyprian, l. i, ep. i.] Scu 57, in edit. reinhart,

parentum in filiis, vel filiorum in parentum animabus separatis memoriam recentem adhuc, & charitatis ardore flagentem, oblitteratam sentiat credatve? Quis sanctos Deum intuentes vel memoria vel charitate debiliore opinetur in cognatos, charosque amicos, quam erat in fratres suos miser ille & immisericors epulo? Roget igitur pro parentibus & amicis notissimis sibi & charissimis Blesilla, roget Heliodorus, rogent pro similibus alii, aliqui etiam, si vis, pro illis particularibus ecclesiis, regnis aut provinciis, quorum, dum vivi erant, ardentiorum curam gerebant: quid hoc ad nos, aliosque; quos de facie, de nomine, de conditione & statu penitus ignorant? Et paulo post: Orare Sanctos defunctos, & in particulari etiam orare pro eis, quorum notitiam & memoriam adhuc calentem habent, & secum in cælum ferunt, libenter arbitramur.

R. Montacutius contra J. Caesarem Bulengerum pag. 21. 22. prolixè in eandem sententiam differit: Sancti, inquit, ad Christum in cælo relictos, possunt de via ordinaria per Christum apud Deum patrem amicos, familiares, dixerunt, notos precibus commendare, & adjuvare in genere; de rebus ad salutem necessariis procurandis, de malis avertendis averruncandisque tractare. (Pag. 277.)

Hoc late deinceps ex Cypriani variis locis probans: Ista, inquit, Cypriani & similia Patrum antiquorum testimonia, ubi noti cum amicis, familiares stipulantur cum familiaribus, nihil prorsus adjuvant enormem illam praxin & opinionem, quae nunc obtinent in ecclesia pontificia. Idem in tra-

Statu de Invocat. Sanctorum idiomate anglico scripto, fuse probat pag. 101. & seq. admittit etiam ibidem, ut probabile, quendam vel quosdam Sanctorum defunctorum posse alicujus vel aliquorum hominum, vel populorum, ex speciali quadam dispensatione, vel deputatione, vel ardenti aut pio affectu, non quidem ordinarie, sed extraordinario modo, curam magis specialem gerere. Affirmat idem & alius anglus, Petrus Heylinus, in Historia S. Georgii cappadocis nuper asserta, & excusa anno 1631. pag. 203. &c.

Sed orare Sanctos pro illis in particulari, quorum notitiam nullam ante obitum habuerunt, & scire eos aut parentum, aut liberorum, aut amicorum, aut quorumcunque post ipsorum egressum vel omnes actiones, vel conditionem vel preces, non solum vocales, sed etiam mentales, ut pro eis, quae tum petunt, in particulari intercedere possint, si non falsum, saltem dubium admodum & incertum esse, recte Protestantes arbitrantur, contra Bellarm. de Sanct. beatit. lib. 1. cap. 20. sect. *Deinde, non est verum*, p. 299. aliosque plurimos Romanenses. Certe nullae scripturae haec docent: ad ea enim loca, quae vulgo adduci solent a Romanensibus, Jerem. 15. 1. 2. Pet. 1. 14. 15. Apoc. 2. 26, 27. c. 3. 12. 21. c. 5. 8. c. 6. 10. c. 8. 3. 4. Matth. 24. 36. abunde a Protestantibus responsum est. Immo scripturae contrarium docere videntur Esa. 63. 16. vel c. 64, 2. 1. Reg. 8. 39. 2. Reg. 22. 20. solius scilicet Dei & Christi mediatoris, seu hominis, ratione

ratione unionis hypostaticae, proprium esse, omnium hominum dicta, facta & cogitata nosse, res humanas ubique curare & administrare, ac preces gemitusque omnium ubicunque orantium piorum exaudire, nulli autem vel angelorum vel sanctorum defunctorum idem datum aut communicatum. (Pag. 278.) Vnde etiam liquet, quam infirmæ sint ratiunculae, quæ petuntur ab angelis, & a quibusdam sanctis in terris, Elizeo, Daniele aliisque, ad probandum, sanctos in cœlis singula, quæ hic a piis dicuntur, fiunt & cogitantur, in locis etiam longissime diffitis, eaque sive simul, sive etiam successive nosse. Nihil nunc dicam de male intellecto loco Luc. 20. 36. ubi dicuntur beati fore ἱσάγγελοι, *pares angelis*, unde colligunt, non minus animas beatas, quam angelos, scire nunc, quæ in terris gerantur. Videantur Protestantes, inprimis Vossii theses theolog. de Invocatione Sanctorum.

Neque unquam hoc in Ecclesia certum fuit, & de fide. Plurimi enim Patrum, ut constat, & confitentur Stapletonus Defens. ecclesiast. auctorit. lib. 1. cap. 2. alique multi Romanenses, ut nos * alibi ostendimus, animas sanctorum usque ad diem iudicii non clare videre Deum existimarunt. Apud illos igitur certum esse non potuit, quod res humanas clare aut certo sciant. Orig. lib. 2. in epist. ad Rom. cap. 2. *Jam vero, ait, si etiam extra corpus positi sancti, qui cum*

D d 4

Chri-

* Alibi] Pag. 251.

Christo sunt, agunt aliquid, & laborant pro nobis ad similitudinem angelorum, qui salutis nostrae ministeria procurant, habeatur hoc quoque inter occulta Dei, nec chartis committenda mysteria. Loquitur autem Orig. de particulari animarum beatarum pro nobis intercessione, illi angelorum simili, qui salutis nostrae ministeria, ut recte ait, procurant, officii demandati ratione. Videatur idem in Cant. hom. 3. *Non erit inconveniens, si quis arbitretur, &c.*

Nazianz, (1) orat. 1. in Julianum : *Audi haec etiam, ait, Constantii magni* (sic enim legendum est, non autem, ut multi vulgo ex basil. edit. citant *Constantini magni*. Vide R. Montacutii, & Front. Ducaei notas in orat. hanc) *anima* (coelo, ut ipse charitatis iudicium secutus existimabat, illata) *ἐν τῇ αἰσθησει, si quis mortuis sensus est, omnesque eorum, qui imperium ante ipsum tenuerunt, piae Christi que amantes animae.* Sic Billius. Et rursus in fine orationis in Gorgoniam sororem suam : *ἐν δὲ τῇ (οὐ καὶ τῶν ἡμετέρων ὅτι λόγος, &c. Si qua tibi nostrorum sit cura, atque hoc praemii sit sanctis animis a Deo concessum, ἢ τοῖς τῶν ἐπαποδάνειας, ut ista sentiant ; suscipe quoque orationem nostram.* Pag. 279.)

Perperam (2) Bellarminus aliique Romanenses respondent, in his locis, praesertim in hoc posteriori illud

(1) Orat. 1. in Julianum] Tom. 1. Opp. pag. 50. edit. colon. A. 1690.

(2) Bellarminus] Lib. 1. de Sanct. beatitud. c. 20. scilicet. *Ad locum Nazianzeni dico. p. 300.*

illud *Si* non esse dubitantis, sed *affirmantis*, ut cum dicit Apostolus ad Philem. v. 17. *Si habes me socium, suscipe illum.* Et Dominus, Malach. i. 6. *Si pater ego sum, ubi est honor meus?* Et : *Si Deus est animus, nobis ut carmina dicunt.* Ut sensus sit: Audi Constantii anima, quia tibi sensus est: Quia tibi τῇ ἡμετέρων cura est, atque hoc praemii, &c. Quis enim a partium studio alienus, haec dicta Nazianzeni, dubitantis potius esse, quam aliquid tanquam indubitatum praesupponentis, non videat? Graecus scholiastes in locum priorem aperte inquit, pag. 2. edit. etonienf. ἰσοκρετικὸν τὸτο, & verba, ἢ πῶς αἰδιότης, per haec explicat, εἰάν τις αἰδιότης ἐστὶ τῇ τῆδε ἀκρίβει. Haec autem εἰάν τις ἐστὶ verba sunt non adjurantis, sed *dubitantis*. Idem Nazianz. orat. in laudem Basilii : *Et nunc ille quidem in caelis est, illic sacrificia pro nobis offerens, & pro populo preces fundens, ὡς ὁμιμαί, ut opinor, ni fallor, prout vertit Billius.* Vide edit. parif. Quod in funebri patris oratione ait, πείθομαι, ego mihi persuadeo, Billius vertit: *Nec dubito*, ut ibidem sequitur, *quin hoc nunc quoque tanto magis deprecatione sua, quam prius doctrina praestet.* Sed hoc male versum est. Verbum enim πείθομαι significat certam animi persuasionem de re quapiam, sive certa sit morali duntaxat certitudine, cui falsum subesse contingat, sive certitudine fidei & infallibili. Vide Philip. i. 6. 2. Tim. i. 5, Hebr. 6. 9. Rom. 15. 14. Praeterea

D d 5

nihil

nihil hoc spectat ad particularem sanctorum pro quibusvis intercessionem, de qua jam controversatur; sed ad illam, de qua p. 275. sect. *Immo in particulari*, dictum, quae valde probabilis est. pag. 280.) Observa obiter, lector, minus attente hunc locum legisse G. J. Vossium, quando in disp. historica altera de Invocatione sanctorum, thes. 8. verba, quae hac eadem in sententia leguntur, εἰ μὴ τολμηρὸν τῷτο εἰπεῖν, *dubitationi Nazianzeni de particulari sanctorum intercessione probandae adduxit.* Verba enim illa alio referenda esse, vel levis loci inspectio clare ostendit. Sic enim inquit: *Ego mihi persuadeo, quod hoc nunc quoque tanto magis deprecatione sua, quam prius doctrina praestet, quanto nunc magis Deo appropinquat, ut qui corporeas compedes excusserit: τῶς αἰῶνος καὶ πατρῷας ἀγγελικῆς, εἰ μὴ τολμηρὸν τῷτο εἰπεῖν, ἀξιόμενον, angelici ordinis dignitatem & fiduciam (nisi hoc dictu audax est) consecutus.* Eundem errorem errarunt ante illum quidam alii Protestantes. Quod etiam Orat. 24. haud procul ab initio de Athanasio verba faciens Nazianzenus, ait: *Ille vita defunctus, nunc res nostras, εὖ οἶδα, bene scio, (ut persuasum habeo, vertit Billius) caelitus inspicit, ac virtutis causa laborantibus manum porrigit.* Illud εὖ οἶδα aliud non significat, quam τὸ πείθομαι superius, opinionem scilicet, & persuasionem valde probabilem de particulari etiam illius intercessione pro Ecclesia omnibusque illius sanis membris, propter veritatem

tem fidei (pro qua tuenda innumeras ipsemet, dum in vivis esset, aerumnas pertulerat) tunc afflictiis, aut porro affligendis ; sed absque singulari rerum omnium, quae hic in Ecclesia geruntur, & piorum omnium ac singulorum, qui omnibus seculis, ab illius in coelum migratione, mala propter fidei ὁρθοδοξίαν perpeffi sunt, aut ad huc usque ad finem seculi perpeffuri sunt, cognitione. Saepe in communi & populari sermone, de quibus tantum valde probabiliter opinamur, usurpare solemus illud, εὖ οἶδα, *bene novi*, ut constat. Nimis ergo audax est illa Bellarmini assertio de Sanctorum beatitud. lib. i. cap. 20. *Gregorium nazianz. passim asserere, sanctos videre*, singulatim scilicet, *quid hic agatur*, citato hoc Nazianzeni, cujus nunc meminimus, loco. Contrarium ex ante dictis apparuit. Sed pergamus.

Pag. 281.) Ambrosius de obitu Satyri fratris : *Qua eras sanctae mentis misericordia in tuos, si nunc urgeri Italiam tam propinquo hoste cognosceres, quantum ingemisceres ! quam doleres, in Alpium vallo summam nostrae salutis consistere !* Hieronymus in Epitaphio Nepotiani (de quo ibidem Hieronymus fidenter : *Scimus, Nepotianum nostrum esse cum Christo & sanctorum mixtum choris*) circa initium : *Quicquid dixero, quia ille non audit, mutum videtur.* Et haud procul a fine : *Felix Nepotianus, qui haec non vidit, felix, qui haec non audit ;* nempe barbarorum incursiones. Inapte respondet cardin. Perronius Replicationis ad epi.

epistolam seren. M. Brit. Regis lib. 5. cap. 20. ut videre est in Opusculis posthumis episc. winton. *Nepotianum haec non vidisse nec audivisse, oculis & auribus scilicet corporis.* Quid enim aliud per videre & audire hic intelligit Hieronymus, quam cognoscere? Sicut Ambrosius supra locutus est: *Si nunc urgeri Italiam tam propinquo hoste cognosceres.* Et in fine ejusdem Epitaphii: *Cum quo loqui non possumus, de eo loqui nunquam desinamus. Cum quo loqui, & ad quem loqui, ut scilicet certum sit, illum audire, quae loquimur, Hieronymo hici-dem sunt; ut rursus inutilis sit card. Perronii distinctio hic adhibita inter parler avec, & parler a quelq' un, hoc est, cum aliquo loqui, & aliquem alloqui.*

Augustinus lib. de Cura pro mortuis capite 16. ait, *defunctos, per naturam propriam, vivorum rebus interesse non posse, nec quid agamus, quidve patiamur, novisse.* Et cap. 13. fuse id probat exemplo piae suae matris, ex psal. 26. vel 27. 10. Esaiiae 63. 16. vel 64. 2. & 2. Reg. cap. 22. v. 20. *Proinde fatendum est, inquit cap. 15. nescire quidem mortuos, quid hic agatur, sed dum hic agitur; (ubi igitur est speculum S. Trinitatis, in quo sancti singulatim omnia nostra vident?) postea vero audire ab eis, qui hinc ad eos moriendo pergunt; non quidem omnia, sed quae sinuntur indicare, qui sinuntur etiam ista meminisse; & quae illos, quibus haec indicant, oportet audire. Possunt & ab angelis, qui rebus, quae aguntur hic, praesto sunt, audire aliquid mortui, quod unumquemque illorum*
audi-

audire debere judicat, cui cuncta subiecta sunt.

Pag. 282.) . . . Possunt etiam spiritus mortuorum aliqua, quae hic aguntur, quae necessarium est eos nosse, non solum praeterita, vel praesentia, verum etiam futura revelante spiritu Dei cognoscere. Sicut non omnes homines, sed prophetae, dum hic viverent, cognoscebant, nec ipsi omnia, sed quae illis esse revelanda Dei providentia judicabat. Quam modeste & prudenter haec Augustini dicta! Et cap. 16. dubitare se significat, num martyres generaliter orent pro indigentia supplicantium: Sicut nos, inquit, oramus pro mortuis, quibus utique non praesentamur, nec ubi sint, nec quid agant, scimus, an vero speciatim pro singulis. Nec explicat, inquit Estius in 4. Sent. dist. 45. §. 20. utrum singulorum preces sigillatim percipiant. Idem Augustinus lib. de Vera religione cap. 55. Quisquis angelorum vel hominum in Deo manet, & potest humanas preces sentire, in illo me exaudit. Ad quem locum sic quidem respondet Bellarm. l. c. de Sanct. beat. c. 20. sect. Ad alterum locum B. Augustini, eum rectissime id dicere, quia multi manent in Deo, qui non possunt humanas preces audire, videlicet illi omnes qui sunt in caritate, & tamen nondum sunt beati: sed haec responsio merum est *χρησφύγετον*.

Bernardus (quem ultimum Patrum recte vocabat V. Cl. Nicolaus Faber) in obitum Humberti monachi: *Quamdiu viveret in ejus laude, non aperui os meum, ne forte possemus, vel ego adulationis notam, vel ille culpam incurrere vanitatis. Ex hoc sane neutrum jam timetur, nec ego eum video, & ille*

ille forsitan me non audit. Sed etsi audiat, non movetur hominum verbis. Hugo de S. Victore, aequalis S. Bernhardi, ut constat, quaest. 228. in epist. ad Roman. *Quaeritur, inquit, an sancti, quorum patrocinia postulamus, pro nobis interpellent, & quomodo?* Resp. Sanctos pro nobis interpellare, non est aliud, quam Deum pro meritis eorum bonos affectus, quos habemus in eos propter Deum, remunerare. Et ideo nihil inter est, siue nos audiant, siue non. Et de sacramentis l. 2. parte 16. cap. 11. *Multi, inquit, in quaestionem adducunt, an sancti preces supplicantium audiant, & cum ad intercedendum invocantur, utrum vota, postulantium usque ad ipsorum cognitionem perveniant? Difficile est, de huiusmodi judicare. Quomodo enim scientia nostra certa esse potest de ipsis, qui eam, quam de nobis habent scientiam, nec capere possumus, nec investigare?* Pag. 283.) *Hoc unum certum est, animas sanctorum in secreto divinae contemplationis constitutas, eorum, quae foris aguntur, tantum scire, quantum vel illis ad gaudium, vel nobis ad auxilium prodesse constat. Nos intercessores quaerimus apud Deum. Quid amplius vis? Times, ne forte non orent, qui semper orant? Quomodo non orabunt pro te, quando tu oras, qui &, quando tu non oras, orare tamen non cessant? Si non audiant, inquis, & ego in ventum verba fundo, non audientibus & non intelligentibus loquens Ecce dicamus: non audiunt sancti verba postulantium; neque ad beatitudinem illorum attinet ista nosse, quae*
foris

foris aguntur. Ecce dicamus: (1) Non audiunt. Numquid Deus non audit? Quid ergo laboras investigare, quid audiant & quantum audiant sancti; quos oras; cum ipse Deus audiat, propter quem oras? Ipse videt humilitatem tuam, qui remuneraturus est devotionem tuam. Tamen si audiunt, & quantum audiunt, quid est audire, nisi scire? Vnum enim est lumen, in quo & audiunt ad percipiendum, & vident ad cognoscendum: in quo si quid forte foris agitur, quod modo interim non audiunt, aut non vident, mysterium est dispensationis, non detrimentum felicitatis. Inveniuntur tamen quidam sanctorum Patrum (Gregorium M. intelligit in Jobum, &c.) quaedam ita dixisse, quasi nihil sit in creaturis, quod non videant, qui videntem omnia vident. Ego amplius judicare non praesumo, nisi hoc solum, quoniam tantum vident, quantum illi placitum est, quem vident, & in quo vident.

Magister Sentent. lib. 4. dist. 45. Non est incredibile, (minime igitur certum, & de fide) animas sanctorum, quod in abscondito faciei Dei veri luminis illustratione laetantur, in ipsius contemplatione ea, quae foris aguntur, intelligere, quantum vel illi ad gaudium, vel nobis ad auxilium pertinet. Gabr. Biel in Canonem missae lect. 31. citato illo, quem (2) ante adduximus ex Hugone de S. Victore de Sacramentis loco, inquit: Vnde probabiliter dicitur, quod, licet non necessario sequitur

(1) Non audiunt] Vide pag. 341.

(2) Ante] Pag. 282.

tur ad sanctorum beatitudinem, ut orationes nostras audiant, de congruo tamen Deus eis revelatio-
 mnia, quae ipsis ab hominibus offeruntur, sive i-
 psos magnificando & laudando, sive eos orando & au-
 xilia implorando. Cajetanus in 2. 2. qv. 88. art.
 5. *Certa ratione nescimus, an sancti nostra vota co-*
cognoscant, quamvis pie hoc credamus. (Pag. 284.)

Guil. Estius in 4. Sent. dist. 45. §. 18. circa finem:
Si recte invocantur sancti, ut habet totius Ecclesiae
fides: ergo valde probabile est, immo plus quam pro-
babile, quod preces invocantium se cognoscant. Quam-
vis autem tridentini Concilii patres istud tanquam
rem fidei definire noluerint, docent tamen sess. 25.
p. 507. eos impie sentire, qui asserunt, stultum es-
se, in cœlo regnantibus voce vel mente sup-
plicare; quique sanctorum, ut pro nobis etiam
singulis orent, invocationem esse dicunt idolo-
latriam. Et rursus ibid. sect. 20. circa finem:
Non est necesse affirmare, quod semper omnes sancti
cum Christo regnantes cognoscant particulariter o-
mnium & singulorum preces, quomodocunque genera-
liter ad se directas. Et forte, ob hujusmodi dubita-
tiunculas non fuit visum Patribus trid. concilii quae-
stionem hanc, an sancti preces viventium cognoscant,
absolute definire.

G. Cassander in epist. 19. ad Jo. Molinaeum.
 p. 1108. & 1109. *De interpellatione sanctorum jam*
olim in litanis publicis usitata, scripsi, non videri
mihi, cur minus liceat beatos illos spiritus ex
qvadam pii desiderii redundantia compellare,
atque exhortari, ut id faciant, quod eos ultro
 facere

facere credimus; ut perinde valeat, Omnes sanctiorate pro me, atq., utinam omnes sancti orent pro me. *Huc me primum induxit, quod de hac quaestione, an, quatenus & quomodo sancti cognoscant & exaudiant singulorum eos interpellantium preces, nihil apud veteres neque recentiores definitum, sed probabiliter tantum disputatum videam. Notum est, quid Augustinus de Cura pro mortuis ea de re disputet. Et Scotus manifeste asserit, non esse ex ratione beatitudinis, quod beati audiant orationes nostras, probabile tamen esse, quod Deus ipsis revelet. in 4. dist. 45. qu. 4. &c. Movit quoque me potissimum, quod apud Hugonem de S. Victore legeram, non ideo inanes fore nostras preces, quibus sanctos ad orandum pro nobis invocamus, etiamsi concedamus, eos vocēs postulantium non audire: Ecce, inquit, dicamus, non audiunt, nunquid Deus non audit? Quid ergo laboras investigare, quid audiant, & quantum audiant sancti, quos oras, cum ipse Deus audiat propter quem oras? Pag. 285.) Quare cum viderem, non esse necessarium, ut statuamus, sanctos intelligere nostras preces, credebam, ad calumnias nonnullorum repellendas satis esse, si dicamus, per modum desiderii eas interpellationes explicari posse; quod minus habet absurditatis, & divinarum literarum exemplis congruit. Si quis autem hujusmodi compellationes pro intimatione quoque desiderii, & directa (ut ita loquamur) allocutione haberi velit, non repugno. Crediderim tamen, hujusmodi intimationi tacitam conditionem subesse,*

Ec
debe.

debere, *qualem* (1) Gregorius nazianz. in oratione funebri sororis Gorgoniae exprimit, cum ait, Proinde si nostri sermones vel parumper tibi curae sunt, honorque talis sanctis a Deo donatur animabus; ut talia resciscant, suscipe & tu sermonem nostrum. Georg. Wicelius in Methodo concord. ecclesiast. p. 47. *Quid consilii dabitur, ut non proxiis sublata intercessione (sanctorum,) amicitia inter nos sancta fiat?* Ecclesiastici ponant modum dogmati suo, & non faciant articulum symboli ex pia persuasione.

Jo. Baptista Folengius, monachus benedictinus, Jac. Aug. Thuano Hist. lib. 23. multum laudatus, in 1. Joan. 2. 1. *Absurdum minime est*, ait, opinari, ut inter quos una est charitas, una etiam sit voluntatis, atque ad ferendas his, qui in acie adhuc laborant, suppetias, desiderium & affectus, quem convenientissima voce precationem appellarunt sancti Dei interpretes. *Quid, oro, Ecclesiae puritati officit istiusmodi persuasio?* Nihil certe video detrahi posse fidei candori, si milites jam in tutopositos pro his, qui in agone etiam num contendunt, sollicitos esse credamus. Nihil hic de singulari cognitione & intercessione dicitur. Jo. Barnes, in suo Cathol. rom. pacifico (2) manuscr. sect. 10. de Invocatione sanctorum: *Ex praxi interpellantium sanctos,*

non

(1) Gregorius nazianz.] Vide p. 286. 287.

(2) Manuscripto] At jam impressus habetur in Edwardi Brownii Fasciculo rerum expetend. & fugiend. De quo vide celeberrimos collectores Actor, crudit, lips. A. 1691. p. 141.

non est necesse inferre, eos nos certo audire : Pag. 286.)
 satis est, compellatores eorum pie id credere, sese ab
 illis audiri. Et in Paralipomenis ad sect. hanc
 affirmat, sanctos Patres, quando mente praesentes
 sanctos alloquuntur & orant, * tacitam conditio-
 nem subaudire. Adducit deinde locum Naza-
 nzeni de laudibus Gorgoniae supra p. 278. cita-
 tum, & illud orat. 1. contra Julianum, ἐν τῇ
 αἰσῶνι, & de Basilio, ὡς ὁμῶς, item illud Hie-
 ronymi in Epitaphio Nepotiani, *Non audit, quic-
 quid dixero, nec non August. de Cura pro mor-
 tuis cap. 13. & de Spir. & litera cap. 29. (sed fal-
 so videtur scriptum) & Orig lib. 2. in ep. ad Rom.
 concluditque: Si non sit certum, sanctos clare vi-
 dere Deum, certum esse nequit, quod res nostras clare
 aut certo sciant; pie tamen credimus, sanctos nostra-
 rum rerum curam gerere, & credulitatis hujus
 suspensiones non desunt probabiles, nempe (1) Eph.
 2. 19. dicitur: Sumus concives & domestici &
 commembra sanctorum. Pronum ergo est suspi-
 cari, eos conversantes cum Christo familiariter, mul-
 ta ab eo de nobis petere & discere. (2) Angeli ad nos
 misi sciunt distincte res nostras. Tob. 12. 12. 15. Zach.
 1. 12. Dan. 10. 12. Matth. 18. 10. Cur non referant
 aliis? Haec ille.*

Jeremias, patriarcha constantinopol. in Cen-
 sura, cap. 21. *Neque aut Petrus aut Paulus ipse
 exaudit eorum quemquam, qui illum invocant, sed
 gratia & donum, quod habent, juxta illud promif-
 sum: Ego vobiscum sum usque ad consummatio-*

E e 2

nem

* Tacitam conditionem] Vide supra pag. 285,

nem seculi. Nunquid mirum est, ita sentire Ecclesiam orientalem, quum sanctos ante diem iudicii Deum clare videre neget. Archiep. spalat. de Rep. eccles. lib. 7. cap. 12. n. 11. *Sanctorum animas beatitudine sua inchoata cum Christo frui in caelis, licet nondum ante resurrectionem perfecta, posui.* In atris eas esse, non in regibus cubiculis, dixerunt aliqui viri sancti orthodoxi scriptores; ac proinde, meo quidem iudicio, nondum aptae sunt ad perfecte nostra curanda; quantum tamen earum status fert, & inchoata illa requirit beatitudo, (ac multo plus, si jam perfecta fruuntur gloria intra regia cubicula, quod multi censent, & ego id eis ut probabile relinquo) illas apud Deum pro nobis mortalibus, etiam in particulari intercedere, videtur Ecclesiae catholicae id perpetuo fuisse certissimum. Audaacter sane hoc dictum, ut ex ante dictis liquidissime patet, nisi dextre accipiatur. Et n. 27. affirmat, *sanctorum animas cognoscere nostras preces, atque hoc dogma certum esse, licet quomodo & angeli & sanctorum animae cognoscant nostra, & nostras audiant preces, praesertim corde solo fusas, nobis ignotum sit.* Ibidem tamen ex Cassandri epist. 19. ad marginem citata subiungit: *Optime sane Hugo de S. Victore putat, non ideo inanes fore nostras preces, quibus sanctos ad orandum pro nobis invocamus, etiam si concedamus, eas voces postulantium non audire. Nam neque hoc dubium, audiant, nec ne, impedire potuit Gregorium nazianzenum, ne invocaret sororem suam Gorgoniam defunctam. Proinde inquit: Si quid, &c. Videtur itaque*

*itaque in his sanctorum invocationibus saltem tacita
adesse conditio talis, qualem expressit Gregorius, &
invocatio haec magis est voti & desiderii, quam
allocutionis. Haec ille ; sed quae male cohae-
rere videntur. Ita saepe illi, licet alias viro do-
ctissimo, & controversiarum hodiernarum in-
telligentissimo, in suis libris accidit, ut, dum in di-
versa animus raperetur, & utrique parti gratifi-
cari impensissime studeret, haud pauca non satis
attente & considerate scriberet. In opere tam
longo, laborioso ac invidioso, nihil mirum, bo-
num quandoque dormitasse Homerum.*

De modo autem, quo sancti preces nostras omnes intelligunt, quantum dubitent Romanenses ipsi, an scilicet a principio beatitudinis suae videant omnia, quae a nobis geruntur, in speculo divinitatis, ut inepte appellant, sive in intuitu divinae essentiae; an ab ipso Deo revelentur orationes nostrae illis, quos invocamus, eo ipso momento, quo oramus; an per angelos, qui nunc ascendant in caelos, nunc inde ad nos descendunt, cognoscant; an per animas sanctorum de corporibus in caelum migrantes; an denique aliqua alia ratione nobis incomperta, neminem latet, qui ipso scripta legit. Videantur * Bellarminus & caeteri ejus gregales atque etiam Protestantes. (Pag. 288.) Aliquid probabile certe afferri potest, quomodo quaedam quae hic geruntur, ea scilicet, quae Deus illis nota vult, intelligere

Ec 3 pollint,

* Bellarminus.] Lib. I. de Sanct. beatitud. c. 20. lect.

De modo autem. p. 299.

possint, sed nihil certi. Det Dominus pro immensa sua gratia, ut ad sobrietatem sapiant omnes christianae pietatis cultores, praesertim in iis, quae non sunt clare in scripturis revelata, nec curiosas & inutiles consueverunt aut scrutentur quaestiones. Atque haec de angelorum & sanctorum intercessione sufficiant.



Pag. 289.

Pars altera

in qua

De Angelorum & Sanctorum

Invocatione

agitur.

CAP. I.

In quo angelorum & sanctorum invocationem, variis ipsorum Romanensium testimoniis, non esse simpliciter necessariam, ostenditur.

Videri

Videri possent Patres concilii tridentini necessitatem invocandi sanctos astruere, quando sess. 25. * c. 2. decernunt, *impie illos sentire, qui negant, sanctos invocandos esse*: verba enim haec postrema, ambiguum, ut constat, habent sensum. Sed quum ibidem statuunt tantum, *bonum & utile esse suppliciter illos invocare*, nos iudicium charitatis secuti, hanc invocationem illis non simpliciter necessariam visam esse existimamus.

Bellarminus etiam, cum titulum hunc praefixisset cap. 19. lib. 1. de Sanctorum beatit. *Sanctos esse invocandos*, & quamvis aperte etiam necessitatem istiusmodi invocationis asserere videri possit cap. 25. ejusdem libri, cum ad commune Protestantium argumentum, (Pag. 290.) quod invocatio sanctorum nullum habeat scripturae mandatum, respondet, *nullum certe mandatum requiri, quando ipsa nos impellit necessitas*, hanc tamen solum thesin subjungere contentus fuit cap. 19. *Sancti sive angeli, sive homines, pie atque utiliter a viventibus invocantur*. Et cap. 10. respondens ad locum Ambrosii, sive alicujus alterius potius in 1. ad Rom. sic inquit: *Quod in fine addit, ad Deum promerendum non esse opus suffragatore, intelligitur ex parte Dei: tamen ex parte nostri opus esse suffragatoribus, vel saltem id esse utilissimum, idem Ambrosius cla-*

Ee 4

risfi-

* Cap. 2.] Vel potius decreto de Invocatione & venerat. & reliquiis Sanctorum, pag. 507. edit. colon. A, 1672.

risime docet. Jo. Faber, episc. viennensis, contra Oecolampad. de Intercessione Sanctorum, pag. 169. scribit: *Contendit Oecolampadius, in meis scriptis me praecepisse, ut sancti invocentur. Quod ego in me confictum assero, & qui legent accuratius, ita esse comperient: non enim praecepi, sed nos hoc posse facere affirmavi: nec enim me latet, quot Moysis tabula praecepta complectatur.* Suarez in Defensione fidei catholicae adversus anglicanae sectae errores, lib. 2. cap. 9. *In hoc puncto (de invocatione sanctorum loquitur) necessarium est, opus a fide, & usum a judicio discernere. Nam licet alicui satis fortasse possit esse ad salutem, Deum per J. Christum invocare, etiamsi sanctos non invocet; non tamen sola per Christum invocatio satis erit ad salutem, si de sanctorum invocatione male sentiat vel judicet, quia per hoc judicium pertinax haereticus constituitur. Deinde, quamvis homini de fide invocationis sanctorum recte sentienti, usus talis invocationis possit non esse impositus sub praecepti necessitate, & ideo satis illi esse possit, Deum per Christum invocare: multis vero, quibus necessitas invocandi sanctos ex officio & debito ac praecepto incumbit, non satis est, Deum per Christum invocare, nisi sanctos invocando obligationi suae ac praecepto sibi imposito satisfaciant, &c.* Nicol. Serarius de Litaniiis lib. 2. qvaest. 25. *An catholico cuilibet necessarium sit, sanctos invocare? Audire, inquit, licet tam catholicos quam haereticos, qui hoc interdum sciscitentur, & iis breviter & clare, isto fere modo respondendum. I. Catholico*
neces-

necessarium est credere, rectam & christianae pietati consentaneam esse sanctorum invocationem ; partim quia tota illa docet catholica Ecclesia , partim quia & facit. Pag.291.) 2. Cum publicis interest catholicus quispiam precibus, sive in liturgia, sive in litania, sive in similibus aliis, & cum publicae precari preces debet, verbi causa, si ordini sacro initiatus sit, beneficium habeat ecclesiasticum, vel alia quacunque de causa, tenetur is sanctos invocare, quia vel suam precibus publicis, si quidem earum velit esse particeps, mentem ac voluntatem conjungere, vel eas etiam totas ac integras probare ac orare debet. 3. Cum privatim orat quis, sive domi hoc agat, sive in templo, ut publicanus ille Luc.18.13. aut alibi, nulli ulla catholico lex aut necessitas, ut sanctos invocet; sed solum, nullo sanctorum adhibito precatore, affari & invocare Deum potest. 4. Si quis omnibus necessario invocandos sanctos pertinaciter doceret, non aliter haereseos damnarentur, quam qui res aliqui bonas, sed adiaphoras, omnibus ad salutem necessarias contenderet.

Cardin. Perronius in ep. ad seren. M. Brit. Regem, Jacobum VI. distinguit in hac re atque id genus aliis, inter necessitatem actionis & necessitatem approbationis. Vide resp. Casaub. pag. 30. & Liturgiam ecclesiae anglicanae improbat, quia invocationem sanctorum, qui in caelis sunt, damnat, p. 46. Immo episcopus wintoniensis, vir gravissimus, in sua Responsione ad cap. 10. lib. 5. Replicationis cardinalis Perronii, inter opuscula posthuma pag. 57. refert, saepe si-

bi a Cl. If. Casaubono narratum, quod sibi cum cardinale de invocatione sanctorum dissertanti, cardinalis libere fassus fuerit, *nunquam tota sua vita se quengvam sanctorum orasse, nisi cum forte procesionem sequi contingeret; tunc quidem cum clericis cantasse, ora pro nobis, sed non alias.* Georg. Cassander in Consult. art. 21. pag. 986. *Hæc, quæ de interpellatione sanctorum dicuntur, non eo pertinent, ut simpliciter horum interpellatio ad salutem necessaria putetur; (notum est enim illud Chrysostomi Homil. de Profectu evangel. Caeterum non opus tibi patronis apud Deum, sed, licet solus sis, patronoque careas, omnino tamen voti compos eris) sed ut ne temere universam Christi Ecclesiam damnemus, quia hujusmodi interpellatione tam regnantium, quam peregrinantium sanctorum utilem esse Ecclesia judicavit: item, ut nec superbe hujusmodi sanctorum preces rejiciamus & aspernemur.* Pag. 292.) Pontificius ille anglus anonymus F. T. qui contra responsionem episcopi eliensis, ad cardin. Bellarmini Apologiam anglice scripsit, c. 7. n. 29. fatetur, *sanctorum invocationem ad salutem non esse necessariam.* Videatur episcopi Defensio per Collinum pag. 276.

Bonum est, quandoque rogare sanctos, inquit Jo. Barnesius in suo Catholico-romano pacifico, sect. 10. de Intercessione Sanctorum, ut Deum orent pro nobis ex affectu humanitatis, quo ipsi in nos feruntur. Non igitur simpliciter necessarium est. Archiep. spatat. in Ostensione errorum Fr. Suarezii cap. 2. n. 20. *Invocationem Sanctorum*

etorum non esse ad salutem necessariam (quod lubens lego & amplector) concedit Suarez, & sufficere, si fideles ad Christum solum mediatorem confugiant. An vero articulus fidei sit, licite & utiliter posse sanctos invocari, ita ut haeresis sit id negare, disputo lib. 7. suo loco, & ostendo, hunc nullo modo posse esse articulum fidei: sed si sermo sit de invocatione religiosa, esse ethnicismum, Dei proprium honorem in creaturam transferentem. Si vero invocatio sit pure humana, eam esse tolerabilem, sed periculofam. Haec ille.

CAPUT II.

In quo eorum invocationem religiosam, aut orationem ad eos proprie loquendo, illicitam esse demonstratur.

INvocationem angelorum & sanctorum pluri-
mi Romanenses actum esse religionis, seu
religiosi cultus, vel duliae religiosae, & ora-
tionem ad eos religiosam esse, affirmare haud
verentur. Bellarm. lib. 1. de Sanct. beatit c. 12.
eximium adorationis genus appellat. (Pag. 293.)
Sanctos non solum honoramus eo cultu, (inquit Jo.
Azor. Inst. moral. lib. 9. cap. 10.) quo viros
virtute, sapientia, potentia aut qualibet alia dignita-
te praestantes, sed etiam divino cultu & honore,
qui est religionis actus. Nam ille cultus, qui viris
primariis deferitur, non est religionis, sed alterius
longe

longe inferioris virtutis, quae observantia vocatur, actus & officium. Sed divinos cultus & honores Sanctis non damus propter ipsos; sed propter Deum, qui eos sanctos efficit. Nicol. Serarius de Litaniis lib. 2. quae est. 27. hac ipsa de re verba faciens: *Quid, inquit, si & una religionis virtus sit, quae patriam duliāque contineat? Certe plurimis atque sapientissimis ea est opinio.*

Ad orationem tamen religiosam, quocunque insigniatur nomine, sive patriae, sive duliae, soli Deo deberi, pariter & omnes illius actus atque officia, clarissime docent tam scripturae quam Patres, quemadmodum Protestantes copiose demonstrarunt. Et scripturae quidem cum alibi, tum Psal. 50. 15. & Psal. 65. 3. Rom. 10. 14. Ad locum hunc Rom. 10. Bellarminus lib. saepe citato cap. 20. card. Perron. Replicat. lib. 5, cap. 20. pag. 149. aliique etiam Romanenses absurdissime respondent, non posse quengquam sanctos invocare, ut sanctos & amicos Dei, qui suo modo in eos non credit, id est, non credit esse sanctos, nec in eis sperat, ut in patronis, nec eos, ut tales, diligit: allato ad hoc probandum illo ad Philem. vers. 5. *Audiens tuam charitatem & fidem, quam habes in dominum Jesum, & in omnes sanctos.* Nova certe est haec theologia, & veteribus plane incognita, qui credendum in Deum semper dixere, nec in quengquam praeterea, * hoc sensu. Gregorius nazianz. orat. 37. Ruffinus in Symbolum inter ope-

* *Hoc sensu.*] Vide Bellarmini expositionem lib. 1. de Beatitud. sanct. c. 20. & auctoris nostri pag. 189.

opera Cypriani, August. sive quis est alius tom. 10. operum Augustini, term. 131. *Sciendum est, quod ecclesiam credere, non tamen in ecclesiam credere debeamus: quia ecclesia non est Deus, sed domus Dei est.* Pag. 294.) *Credere in aliquem, inquit Estius in locum ad Philem. citatum, ecclesiastica phrasi e scripturis desumpta, professio divinitatis est. Unde & Christus, quando dixit Joh. 14. 1. Creditis in Deum: & in me credite, Deum se esse significavit. Quamquam Hieronymus super locum sine scrupulo concedit, adeoque affirmat, etiam in sanctos credendum esse: sed hoc sensu, quia qui credit in Deum, consequenter omnia credit, quae de sanctis Deo autore tradita sunt in scripturis. Quin & apud veteres hic sermo legitur, credere in sanctam ecclesiam. Sed nota, lector, haud alio sensu, quam quo dicunt alii fere omnes, credo sanctam ecclesiam. Sed nobis, inquit porro Estius, admodum probatur Theodoreti distinctio, qua singula reddantur singulis, ita quidem, ut fides ad dominum Christum referatur, charitas ad omnes sanctos. Sicut Coloss. 1. 4. legitur: Audientes fidem vestram in C. J. & dilectionem, quam habetis in sanctos omnes. i. e. christianos egenos & afflictos. Alias ineptas, quae a Romanensibus adhibentur ad hunc & consimiles locos responsiones silentio praetereo. Legantur Protestantium hac de re disputationes.*

Patres orationem semper definiunt per relationem directam & expressam ad Deum, & ad nullum alium. Videantur quinque illae orationis defi-

definitiones, quas Bellarm. lib. 1. de Bonis operibus in particulari, qui est de oratione, cap. 1. ex patribus, Basilio, Gregorio nysseno, Chrysostomo, & Johanne damasc. collegit. Innumerus Patrum testimoniis probari posset, Deum solum oratione sive invocatione religiosa colendum & adorandum esse. Sed quia luculentissime id ab aliis demonstratum est, nos hoc labore superfedebimus. Videantur tamen hi Patres: Tertull. de oratione cap. 1. & cap. 9. & Apologet. cap. 30. Irenaeus lib. 1. cap. 23. & cap. 35. lib. 2. 17. Orig. contra Celsum lib. 5. & 8. Athanas. orat. 4. contra Arrianos: *Nunquam quispiam precaretur aliquid accipere a Patre & angelis, aut ullis rebus creatis.* Ambros. de obitu Theodosii: *Sed tamen, tu solus, Domine, invocandus es, tu rogandus, ut eum in filiis repraesentes.* de Interpellatione lib. 3. cap. 12. Chrysost. hom. 6. & 9. in ep. ad Coloss. & hom. in 1. Cor. 1. 2. Basil. in psal. 5. 3. *Oratio siquidem non ad hominem, sed ad Deum solum dirigitur.* S. Ephrem tom. 1. qui germanus est illius foetus, Deum sic affatur: *Elécha, vvesavvecha lam etlab,* (ut habent verba in libello Moronitarum Romae impr. 1584. lingua quidem arabica, sed characteribus syriacis) id est, *Ad te, & non nisi ad te, facio orationem.* Augustin. tract. 23. in evang. Joannis: *Haec est religio christiana, ut non colatur, nisi unus Deus, quia non facit animam beatam, nisi unus Deus.* & lib. 22. contra Faustum: *Pag. 295.) Colimus martyres cultu dilectionis & societatis, quo & in hac*

hac vita coluntur homines sancti. & de Vera relig. cap. 55. Honorandi sunt propter imitationem, non adorandi propter religionem; charitate, non servitute honoramus eos. Hieron. epist. ad Riparium advers. Vigilant. Chrysost. libris 2. de orando Deo. Concil. Laodic. can. 35. Non oportet christianos ecclesiam Dei relinquere, & abire, & ἁγέλῃς ὀνομάζειν atque angelos nominare, (pro angelis admodum inepte & absurde quidam Romanenses vel in textu legunt, vel ad marginem annotant, angelos forte legendum, aut legi posse, ut Caranza, Joverius, Crabbe, Surius, Binius, Henricus Canisius, & alii) & congregationes facere, quae omnia interdicta sunt. Si quis igitur inventus fuerit ταύτῃ τῇ κερυμμένῃ εἰδωλολατρεία ἁολάζων huic occultae idololatriae serviens, sit anathema, quia dereliquit D. N. J. C. filium Dei, & se idololatriae tradidit. Theodoret. in Coloss. 2. Qui legem defendebant, eos etiam ad angelos colendos inducebant, dicentes, fuisse legem per eos datam. Mansit autem diu hoc vitium in Phrygia & Pisidia. Quocirca Synodus quoque, quae convenit Laodiceae, quae est Phrygiae metropolis, lege prohibuit, ne precarentur angelos. Et in hodiernum usque diem licet videre apud illos, & eorum finitimos, oratoria sancti Michaelis. Illi ergo hoc consulebant utique humilitate utentes, & dicentes, universorum Deum nec cerni nec comprehendi, nec ad eum posse perveniri, & oportere se per angelos divinam sibi benevolentiam conciliare. Hoc autem

autem dixit in humilitate & cultu angelorum. Et in cap. 3. Coloss. Quoniam enim illi angelos jubebant adorare, ipse contrarium praecipit, ut & dicta & facta exornent recordatione Christi Domini. (Pag. 296.) Et Deo, inquit, & patri gratiarum actionem emittite per ipsum, non per angelos. Hanc etiam legem sequens laodicensa Synodus, & volens veteri illi morbo mederi, lege cavit, ne precarentur angelos, & ne relinquerent D. N. J. C. Ad haec loca Concilii laod. & Theodoretii Bellarminus, Perronius aliique Romanenses multa respondere solent, quae ab aliis abunde confutata sunt. Sed hoc inprimis, quod haeretici illi, de quibus Paulus ad Coloss. Synodus laodicensa, & Theodoretus loquuntur, docuerint, neminem posse per Christum ad Deum accedere, sed per angelos, illosque idcirco excluso Christo religiose colendos esse. Et citant Chrysost. hom. 7. in Coloss. sed nec Synodus, nec Theodoretus illis haeticis tribuit, quod disertis & expressis verbis Christum mediatorem excluderint aut rejecerint, sed cultum illum religiosum, quo precum sacrificiis (quando enim angelis, ut diis, proprie sacrificandum esse, docuisse illos, Bellarminus & Perronius affirmant, ineptiunt) angelos colendos esse docuerunt, pro Christi exclusione sive derelictione habent, immo, ut occultum quoddam idololatriae genus, damnant. Chrysost. autem eo loco, quem citant, affirmat, ideo dixisse haeticos illos, Non oportere per Christum accedere, sed per angelos, ἐκείνο γὰρ μὲν ζοῖ ἐστίν, ἢ καὶ ἡμᾶς,

ἡμᾶς, prae humilitate id dixisse, fortasse non vera, sed in speciem tamen apparente: *majus enim id esse, quam ut nobis conveniat*, recta scilicet adire Christum, & sine angelorum interventu; *indignum id esse majestate & amplitudine unigeniti*, quod per ipsum adduceremur ad Patrem; *humanae tenuitati commodius esse*, ut angeli nostrae adductioni inserviant. Inde autem factum, ut per totum caput illud, sursum apostolus & deorsum, quae de Christo, versaret, sanguinem crucis, passionem, dilectionem, quo vitiosam illam humilitatem excuteret, & ad Christum ἀμείωτος vel sine angelis perveniri posse, indicaret: ut recte respondet episc. eliensis in resp. ad card. Bellarmini Apologiam cap. 8. p. 180. 181.

Immo quidam etiam ex Romanensibus ipsis, qui de invocatione sanctorum, praesentis Ecclesiae romanae doctrinam & praxin acerrime defendunt, adorationem & cultum, qui sanctis exhibetur, cujus illorum invocationem partem praecipuam constituunt, vi veritatis coacti concedunt, *non esse opus religionis*, ut quae circa cultum solius Dei versetur, sed peculiaris virtutis a religione distinctae, nempe *singularis observantiae*. (Pag. 297.) D. Thomas 2. 2. qv. 81. art. 1.

aît: *Religio importat ordinem ad Deum.* & art. 2. *Religio est virtus, exhibens Deo famulatum in iis, quae specialiter pertinent ad Deum.* Valq in 3. D. Thomae tom. 1. disp. 98. cap. 1 *Cum religio circa cultum Dei solum versetur, cultus & honor, qui*

*proxime sanctis deferatur, ad ipsum non poterit referri; alioquin, si esset actus religionis, latria quoque diceretur. Latria enim & religio idem sunt. Suarez. de Orat. lib. 2. cap. 10. n. 8. docet, orationem, quam ad sanctos fundimus, non esse actum a virtute religionis elicitum, per se loquendo, sed a virtute duliae, quam esse distinctam a religione, supra ostensum est. Greg. de Valentia lib. 3. de Idololatria cap. 7. Cultus sanctorum, sicut neque aliorum hominum, proprie non est cultus religionis erga Deum, sed alterius definitae virtutis, re ipsa a religione distinctae, nempe singularis observantiae. Unde & Aquinas expresse 2. 2. qv. 83. art. 4. ad 1. Illi soli impendimus orando religionis cultum, a quo quaerimus obtinere, quod oramus, quia in hoc protestamur, eum bonorum nostrorum autorem; non autem eis, quos requirimus quasi interpellatores nostros apud Deum. Vide etiam hic Adamum Conzen in Matth. 6. 9. qv. 2. Nulla creatura, inquit, invocanda est oratione religiosa, sed alia rogari potest, si-
ve vivat in hoc seculo, si-ve cum Deo in caelis conjuncta, per eum nostras necessitates agnoscat.*

Sed hisce missis, veniamus ad theologos moderatiores. Georg. Cassander in Defensione libri de officio pii viri p. 849. Veteres, adducti scripturae testimoniis & exemplis, quibus manifestum est, preces justorum hominum pro aliis susceptas plurimum apud Deum valere, ad haec certo persuasi, homines non extingui morte, sed Christo conjunctos beatam vitam agere, eorum quoque precibus in caelo regnantium, se in hac vita peregrinantes juvari ma-

gno-

gnopere optarunt ac postularunt, ut precibus illorum, quos plurimum apud Deum valere credebant, nostris quoque precibus adjunctis, facilius a Deo patre, per unicum mediatorem & propitiatorem Christum, quod vellent, impetrarent. Neque per hoc puram & legitimam Dei invocationem illo modo corrumpi censebant; non sane magis, quam cum in hac vita fratres obsecramus, ut nos precibus suis apud Deum laborantes adjuvent. Pag. 298.) Hoc autem vel ipsi Scholastici viderunt, in quibus Alexander Halensis qv. 92. membro 1. art. 4. disputans de eo, quis sit orandus, solum Deum simpliciter adorandum & invocandum asserit; ut a quo solo sit omne bonum; sanctos vero magis se habere, ex parte orantium, quasi coadjuvantes, quam illius, qui oratur. Haec, inquit, nemo sanus, impietatis damnare poterit. Vide & ejusdem Consult. art. 21. ubi p. 965. eadem legere est.

Jo. Barnesius * loco supra citato ait: *Invocatio sanctorum non est actus religionis, aut oratio*, theologice loquendo, (quod in Paralipom. adductis variis Patrum & quibusdam Romanensium ipsorum testimoniis probat) *magis, quam cum oramus viros justos hic viventes, quos sanctos reputamus, ut sint nobiscum & pro nobis apud Deum comprecatores*. Atque hic sententiam Cassandri modo allegatam laudat. Et rursus: *Proprie ergo loquendo non oramus aut invocamus sanctos religioso cultu, (qui soli Deo debetur) sed quadam*

Ff 2

huma-

* Loco supra citato] Pag. 285.

humanitate eos monemus & rogamus, ut Deum pro nobis vellent religioso cultu interpellare.

Jeremias, patriarcha constantinop. in Censura de praecipuis, &c. cap. 21. *Nos dicimus, ait, invocationem quidem vere & proprie soli Deo convenire, illique primo & propriissime deberi, eam autem, quae sanctorum est, invocationem non proprie dici, sed ex accidenti, ut ita dicam, quodammodo, & ex gratia & privilegio quodam. Neque enim aut Petrus aut Paulus ipse exaudit eorum quenquam, qui illum invocant, sed gratia & donum, quod habent, juxta illud promissum: Ego vobiscum sum, usque ad consummationem seculi. Hanc orientalis Ecclesiae sententiam approbat anonymus ille theologus A. J. C. gallus, in suo erudito ad concordiam inter christianos conciliandam tractatu, de Catholicis traditionibus, qv. 40. 205. 206. versionis anglicanae.*

Archiepisc. spalat. * in Ostensione errorum. Fr. Suarez cap. 2. n. 20. *Si sermo sit de invocatione sanctorum religiosa, est ethnicismus, Dei proprium honorem in creaturam transferens. Si vero invocatio sit pure humana, ea est tolerabilis, sed periculosa. Et de Rep. eccles. l. 7. c. 12. n. 27. Si sanctorum invocatio fiat cum religioso cultu, omnino sequitur, injuriam fieri Deo; (Pag. 299.) qui tamen sciunt, & non negant, fideli patere aditum etiam immediatum ad Deum orandum, & sanctorum solum postulant patrocinium, eosque secum conantur habere comprecatores, idque ab eis postulant solo*

* In Ostensione] Postlibrum VI. de Rep. eccles.

solo humano , non religioso cultu , neque se interim suaeque religioso cultu sanctis subiciunt , ii profecto injuriam Deo nullam faciunt.

Ex dictis liquido apparet , quam inanes & frivolae sint distinctiones illae a card. Perronio in sua Replic. de sanctorum invocatione differente nuper excogitatae , ut clarissimae luci tenebras offunderet : Deo soli convenire *orationem directam , absolutam , summam sive supremam ac finalem & sacrificalem* ; angelis autem & sanctis *orationem tantum* * *obliquam sive indirectam , relativam , subalternam , transitivam , extra sacrificalem* , ut ita cum illo loquamur. Honor enim & cultus religiosae invocationis , sive orationis *proprio sic dictae* , nulla ratione vili convenit creaturae , sed soli Deo , nam ille solus scit omnes cogitationes humanas , semperque gemitus veros a simulatis potest discernere , omnipotens est , & omnipraesens , &c. in quem denique fiducia cordis collocari possit.

Humanam autem Christi naturam , secundum quam duntaxat proprie mediator noster est , hic semper exceptam volumus , tum quia λόγος , secundae personae deitatis , unita est , tum quia ad supremum gloriae gradum , supra omnes scilicet alias creaturas , a Deo Patre est elevata. Facebat hinc *Ubiquitariorum* , uti appellantur , deliramentum ; sed , quod scripturae apertissime docent , non est idcirco negandum.

* Obliquam sive indirectam.] Vide p. 300. 318.

CAP. III.

In quo solam invocationem sive compellationem angelorum & sanctorum, ut una nobiscum, & pro nobis Deum orent, nec ut illicitam, neque etiam ut inutilem, damnandam esse probatur.

NUdam angelorum & sanctorum compellationem, qua moneantur & invitentur, ut nobiscum, & pro nobis Deum orent, (Pag. 300.) quomodo a piis hic viventibus petimus, ut pro nobis apud Deum intercedant, suas preces nostris conjungant, iisdemq; nostram salutem sedulo commendent, cum Protestantibus iis, qui paulo cautius & distinctius aliis, in hoc argumento loqui amant, *advocationem* potius, quam invocationem (*a calling unto, rather than a calling upon*) appellamus. Invocationis enim vocabulum, ut de sanctis usurpetur, Protestantium aures communiter vix terre possunt; quia *invocare Deum* proprie est religioso cordis affectu eum in se in auxilium, immo in cor suum vocare, ut Hieron. vel potius Beda in Proverb. lib. 1 cap. 2. & Augustinus lib. 1. Confess. cap. 2. testantur. Id quod de sanctis dici nequit; quia verbum *invocandi* nusquam in scripturis pro viventium compellatione accipitur, nisi forte quis huc referat illud Esaiæ 34. 12. *Regem potius invocabant, juxta versionem*

nem vulgatam; & illud Ose. 7. 11. *Aegyptum invocabant.*, Advocationem appellare malunt R. Montacutius in suo tractat. de Invocatione sanctorum passim, J. Vsserius, archiep. armach. contra jesuit. hibern. de hac controversia plurimis in locis, R. Crakanth. in Defens. eccles. anglic. cap. 58. p. 370. ut alios omittam. Alioquin in significatione vocis lata nihil vetat *invocationem* appellare.

Nullum extare scripturae mandatum, vel etiam idoneum & formale exemplum hujusce vel ullius omnino angelorum & sanctorum, atque horum imprimis, advocationis seu compellationis, plurimi Romanensium ingenue fatentur. Eccius in Enchiridio cap. 15. sub fin. *Explicitate non est praecepta sanctorum invocatio in sacris literis. Non in V. T. ubi populus alioquin erat propensus in idololatriam, & Patres erant in limbo nondum beati (clara scilicet Dei visione)* * Esa. 63. Abraham nescivit nos. Sub evangelio etiam non fuit praecepta, ne gentiles conversi crederent, se iterum induci ad cultum terrigenarum, ac pro veteri more sanctos, non ut patronos, sed ut deos adorarent, sicut Lycaonienses Paulo & Barnabae sacrificare volebant. Porro si apostoli & evangelistae docuissent, sanctos venerandos, arrogantiae datum eis fuisset, ac si ipsi post mortem gloriam illam quaererent. Noluit ergo Spiritus S. expressis scripturis docere venerationem sanctorum, sed ejusmodi firmatos in fide docuit per miracula & sanctorum auxilia, fusis ad eos precibus, illos vene-

F f 4

ran.

* Esa 63. 16.] Vel cap. 64. 2.

randos. Similiter Alanus Copus Dial. 3. Nec desunt causae, (Pag. 301.) cur scripturae discretam mentionem hujus invocationis non faciant. Canisius in Cathech. fol. 230. sanctorum invocationem non constare ex scripturis latetur.

Tannerus jesuita in *Compend. relat. colloq. ratisb.* p. 37. *Fateantur ipsi (Lutherani,) quae si lubet, multa fide infallibili & divina esse credenda, quae in scriptura sola non contineantur, nec ex ea sola evidenter deducantur, & tunc nihil cum illis amplius magnopere contendemus: fateantur, inquam, purgatorium, fateantur invocationem sanctorum, cultum imaginum, transubstantiationem in eucharistia, & similia multa, quae Catholici credunt, aut observant. Censura Colon. p. 230. concedit, scripturam nunquam aperte docere sanctorum invocationem, seu implorare ab illis auxilium, nihilominus tamen esse credendam & recipiendam contendit. Salmero in 1. Tim. 2. disp. 8. Dicendum est, idcirco non fuisse morem in V. T. adeundi sanctos intercessores, quia nondum erant beati & glorificati, ut modo sunt; ideo non debebatur illis tantus honor, quantus est iste. Erat olim periculum idololatriae, unde etiam sublatus fuit imaginum usus. Ad alterum vero, quod non sit in N. T. expressum, dicendum est, quod abunde id expressum fuerit, si non scripto, saltem traditione viva & consuetudine, quae vim legis habet, & durum esset, id judaeis praecepere, & occasio daretur gentibus putandi, sibi exhibitos multos deos pro multitudine deorum, quos relinquebant. Et hoc, quantum ad scripturas. Nam quantum ad ver-*
bo &

bo & ore traditam doctrinam, non est dubium, quin ecclesiis apostoli eam tradiderint. Videatur etiam Peresius de Traditionibus. Tertia parte de Cultu sanctorum fol. 140. Et quod ante Cornelium martyrem, inquit, nulla extet mentio (quod ego viderim) invocationis & intercessionis sanctorum, in causa forte fuit modestia & humilitas apostolica. Quid enim dicerent, qui eos haec docentes audirent, nisi quod de se magna praesumerent, & se quasi deos facerent? Cum ergo toti intenti essent praedicationi & divulgationi evangelii, & aliarum rerum, quae magis ad substantiam salutis attinebant, & captum etiam hominum excedebant, expectabant circa haec apertam Dei voluntatem, frequentia miraculorum non multo post declarata. (Pag. 302.) Card. Perron. in Replic. contra M. Brit. Regem l. 5. p. 981. ingenue fatetur, de invocatione sanctorum nullum neque praeceptum, neque etiam exemplum illius formale in S. scripturis inveniri. Vide Molinaei Resp. lib. 7. c. 6. Bellarm. ipse de Sanct. beatit. lib. 1. cap. 19. sect. Item Exod. 32. Notandum est, inquit, quia ante Christi adventum sancti, qui moriebantur, non intrabant in caelum, nec Deum videbant, nec cognoscere poterant ordinarie preces supplicantium, ideo non fuisse consuetum in T. V. ut diceretur, Sancte Abraham, ora pro me. Idem etiam legere est c. 20. sect. Sed dices. & apud Suarezium in 3. part. Thomae tom. 2. disp. 42. sect. 1. Quia conscientia igitur Bellarmius cum aliis Romanensibus & V. T. libris invocationem sanctorum probare nititur, immo exempla illius plurima in utroque

testamento extare, cap. 20. haud veretur affirmare? Certe nullus omnino scripturarum vel V. vel N. T. locus a Romanensibus pro invocatione sanctorum adduci solet, quem non veteres plerique omnes, & ex Romanensibus ipsis aliqui doctissimorum rectius interpretentur. De singulis locis vide Vossium, Mornaeum, Chemnitium, Chamierum, aliosque Protestantes.

Duo autem sunt scripturae loca, quae angelorum advocatiōni sive compellationi haud parum favere videri possint, de quibus propterea nonnihil nobis dicendum. Gen. 48. 16. *Angelus*, inquit Jacobus, *qui eruit me de cunctis malis, benedicat pueris istis.* Hic aperte, ait Bellarm. cap. 19. lect. *Sequitur quinta*, sanctus Jacob angelum invocavit. Respondent Protestantes, intelligendum hunc locum non de angelo finito & creato, sed de Christo, *angelo magni consilii*, quem LXX. interpretes legunt Esa. 9. 6. sive angelo foederis, ut appellatur Mal. 3. 1. atque ita intellexisse Novatianum de Trinitate cap. 15. Athanas. contra Arianos orat. 4. Cyrill. alex. Thesauri lib. 3. cap. 1. Chrysost. in Gen. cap. 48. hom. 66. Procopium gazaeum in Gen. 48. aliosque nonnullos Patres. Sed quia alii cum veteres tum recentiores Protestantes, *angelum creatum* huius loci intelligunt, ut Chrysost. sermone de Ascensione, Basil. lib. 3. contra Eumonium, qui citant hunc locum, ut probent, angelis homines esse curae; Calvinus similiter Instit. lib. 1. cap. 14. §. 6. et si

6. etsi in comment. in Genes. dicat, *neceſſe eſſe eo loco Chriſtum intelligi*; item Muſculus & Mercerus in Genesin, aliiqve, pag. 303.) & quidem recte; patet, nullam hic eſſe directam & formalem angeli invocationem ſeu compellationem, *angele Dei, benedic pueris iſtis*, ſed duntaxat *vehemens deſiderium*, quo Jacob ita fieri cupiebat, *ſive votum* & ſeriam praefidii angelici exoptationem: quomodo Auguſt. lib. 7. de Baptiſmo cap. 1. *Adiuvet*, inquit, *nos orationibus ſuis Cyprianu, &c, donante Domino, quantum poſſumus, bona eius imitemur*. Et in Concil. Chalcedon. art. 11. acclamatum eſt a Patribus: *Flavianus* (qui in ephesine ſecunda Synodo, *λητεια* dicta, caeſus fuerat, cum Dioſcoro ſe opponeret) *poſt mortem vivit, martyr pro nobis orat*. Quilocus a Bellarm. & ab omnibus ſere Romanenſibus pro invocatione ſanctorum tanquam maxime illuſtris adfertur, cum tamen votum duntaxat ſit, non formalis invocatio ſive compellatio, quae ſere fit vocandi caſu: *Ora, martyr, pro nobis*. Vide epiſc. elienſis Reſp. ad Bellarmini Apol. cap. 1. pag. 38. 39. Quam inſolenter autem hic inſultet Romanenſibus aliisq; etiam Crakanthorpius in Deſenſ. eccleſ. anglic. cap. 59. pag. 383. dum haec verba, *martyr pro nobis oret*, longe aliter, quam vel Romanenſes, vel Proteſtantes caeteri omnes, (quod quidem ſciam) intellexerunt, explicanda eſſe contendit, apud ipſummet videatur. *Expediam*, inquit, *paucis, quatenam verborum iſtorum mens ſit, eoqve libentius, ut non fraudes ſolum tuorum hominum videas* affa-

(affatur archiep. spalatinum) *sed & ineptias, & quam vere infantuli sint in conciliorum & Patrum lectione, in quibus ultra extremum corticem nil sapiunt.* Haec ille, non sine singulari jaectantia & vanitate.

Immo G. Cassander, cum dubitaret, an sancti cognoscant & exaudiant singulorum eos interpellantium preces, ut supra ostendimus, illud in litanis, *omnes sancti orate Deum pro me*, sic intelligendum esse censuit: *Vtinam omnes sancti Deum orent pro me! quam velim, ut omnes sancti Deum orent pro me!* Quis autem, inquit porro, cum Deum orat, non cupiat, omnes, quotquot in caelo & terra sunt, pios preces suas una cum suis precibus conjungere? In * schol. ad Hymnos eccles. pag. 242. Pag. 304.) Et archiepiscopus spat. lib. 7. de Rep. eccl. cap. 12. n. 27. ait, *invocationem hanc magis esse voti & desiderii, quam allocutionis.*

Alter locus est Apoc. i. 4. *Gratia vobis & pax ab eo, qui est, &c. & a septem spiritibus, qui in conspectu throni ejus sunt.* Hunc locum pro invocatione angelorum vehementer urget Mart. Becanus disp. de Invocatione sanctorum, cum aliis nonnullis Romanensibus. Respondent Protestantes: *Septem spiritus* multos hic interpretari Spiritum sanctum septiformem, cujus septem dona numerantur, ut Primasium, Bedam, Anbertum, Rupertum, Haymonem, Thomam, &c. alios, (quod idem est) septem dona Spiritus sancti

* In schol. ad hymn. eccles.] Item in Epistolis, p. 1108.

sancti, ut Victorinum martyrem, & Joachimum abbatem: utroque modo Anselmum. Consentit & Alcasar jesuita in locum: *Bona*, inqviens, *theologia non fert, ut gratia & pax evangelica ab angelis postuletur.* Sed dicunt alii, probabilius esse, hos septem spiritus esse angelos, qui sunt in conspectu Dei, non ut aequales, sed ut ei ministrantes. Ita Aretas, Ribera, Basilus Vega, multiqve alii Romanenses. Inter Protestantes Beza in locum: *Dei majestati*, inquit, *adjungit suos stipatores*, (hos septem spiritus) *non quasi illos ulla in parte vel Deo exaequet, vel cum Christo conferat.* *Sicut etiam Paulus testes unicat Deum, Christum & angelos.* 1 Tim. 5. 21. *Nam quod septem hos spiritus nonnulli pro spiritu sancto acceperunt, cujus septiformis sit (ut loquuntur) gratia, manifeste refelli potest vel ex eo, quod scribitur infra, c. 5. 6.* Ac ne quis hoc loco offendatur, quasi ad istos spiritus aliquid transferatur, quod ad deitatem tantum pertineat, septem isti spiritus, ut ministri ante thronum collocantur: ergo etiam coram Christo, ut qui Deo Patri assidet. Denique ut nemo possit de hoc ambigere, iidem isti septem spiritus infra cap. 5. 6. agni cornua & oculi (*i. e. ministri*) dicuntur. Haec ille.

Drusius praeteritorum lib. 10. ad illud Apoc. 1. 4. *Spiritus*, ait, vocari angelos, juxta illud, *Qui facit angelos suos spiritus.* Septem autem angelos esse, qui ministrant in conspectu throni ejus, docere nos historiam Tobiae, Hos aliis *archangelos*

los appellari. Pag. 305.) Vnde rursus (ut hoc obiter dicamus) patet, quam infirmo argumento pugnent rigidiores Protestantes contra veritatem libri Tobiae propter septem angelos coram Domino astantes, quorum ille meminit cap. 12. vers. 15. Vide Serar. in locum Tobiae pag. 107. &c. Juxta horum igitur sententiam, quamvis Joannes iisdem verbis obliquis, & a Deo, & a Christo, & a septem illis spiritibus gratiam & pacem postulet, quod tamen ad Deum & Christum attinet, *invocatione religiosa* usus est; quod vero ad septem spiritus, *votum & serium animi sui desiderium*, quo ab illis, tanquam spiritibus administratoriis, & in ejusmodi negotio curam nostri habentibus, gratiam & pacem optat, expressit. Votum igitur hic rursus cernere est; non formalem & directam invocationem seu compellationem angelorum.

Neque tamen propterea haec angelorum & sanctorum compellatio, ut una nobiscum, & pro nobis Deum orent, *ut illicita* rejicienda est, licet nullum istius rei mandatum, nullum exemplum formale in scripturis inveniatur; ut Protestantes hodie communiter contendunt.

* Episcopus eliensis, vir alioqvi doctissimus, in Responsione ad cardin. Bellarmini Apologiam cap. 1. pag. 37. eo usque provehitur, ut affirmet,
licet

* Episcopus eliensis.] *Lancelotus Andreas*, qui primum fuit episcopus cicestricensis, dein eliensis, & tandem wintoniensis.

* licet sanctos, quos compellamus, nos audire liqueret vel maxime; a nobis tamen eos invocandos vel compellandos non esse, cum praeceptum ea de re nullum acceperimus; praeceptum autem acceperimus in lege disertis verbis: Quod tibi praecepero, hoc tantum facias. Deuteronom. 12. 32. Inde, inquit, id tantum audemus facere, de quo praeceptum habemus. Et pag. 38. Atque ut praeceptum haud nullum, ita nec exemplum. Vide etiam pag. 45. Audiatur R. Montacutius, praesul nunc anglicanus, contra J. C. Bulengerum Antidiatriba 1. p. 23. sic scribens: Tu mihi proba, & demonstra, Bulengere, posse me certum esse de scientia sanctorum particulari, quocunque tandem modo acquisita, (id enim tibi largior, neque enim de matutina aut vespertina scientia litigabo vel sollicitus ero) ego certe, quod ad me ipsum attinet, sanctos defunctos, beatam virginem Θεοτόκον, sanctissimos apostolos, caeterosque gloriosissimos martyres, Stephanum, & alios, de quorum constat aeterna felicitate,

Pag. 306. non verebor adire, interpellare, alloqui, supplicibus precibus deprecari, habeant me commendatum & adjutum suis intercessionibus apud Deum patrem, per J. Christum, generis humani μεσίτην & ἀπολυτρωτήν. Nimirum non ad alium modum, quam quo & possum & debeo e vinculo illo charitatis in communione sanctorum, viros virtute & sanctitate conspicuos, nec non ecclesiae praesules, & ad sacra altaria Deo inservientes obsecrare, velint

pro

* Licet sanctos, quos compellamus, nos audire liqueret maxime] Vide pag. 323. 326. 330.

pro me apud Deum intercedere. Ita unum hoc demonstra & doce, in hac causa, sanctorum scientiam *μεγαλειων*. De caeteris convenit inter nos facillime: de sanctorum intercessione & interpellatione non laborabimus. Vide eundem in eandem sententiam in tract. anglic. de Invocat. sanct. pag. 119. Rob. Burhillus, anglus, contra M. Becani Controversiam anglicanam, & pro episcopi eliensis Resp. ad Apolog. Bellarm. cap. 5. qv. 21. *Episcopus, inquit, non vult nihil in quocumque rerum genere fieri, quod praeceptum non est.* Sed de iis tantum rebus loquitur, in quibus substantialis pars aliqua divini cultus ponatur. Et rursus Deut. 4. 2. de tota lege dicitur: *Neque addite ad id, quod praecipio vobis, neque detrahite*; puta, quoad substantiam cultus divini. Et Deut. 12. 32. *In cultu Dei* (puta, quoad rerum substantiam) *nihil faciendum, nisi quod ipse expresse praeceperit.* Similiter & Collinus in sua episcopi defensione supra citata respondet pag. 303.

At in sanctorum invocatione sive interpellatione, ne ipsi quidem Romanenses, saltem doctiores & modestiores, substantialem aliquam partem cultus divini ponunt, cum non simpliciter eam necessariam esse existiment, ut pag. 289. demonstravimus, sed ritum tantum sua natura adiaphorum, licitum, immo pium etiam, & utilem. Audiatur, quaeso, episcopus ipse pag. 36. *De iis, quae ad salutem necessaria, verba Regis sunt; quae vero cardinalis adduxit, privatae devotionis obsequio a quibusdam facta, publica ecclesiae doctri-*

doctrina vel necessitate ulla facienda ab omnibus non proponuntur. Multum interest, animine ardore abreptus quis rem faciat, cui indulgeri potest, (at non, inquam ego, si rem illicitam & praecepto divino repugnantem faciat, ut hodie putatur a plerisque Protestantibus, si quis sanctos interpellat) an quasi id ei, si saluus esse velit, necessario sit faciendum. Pag. 307.) Nec enim de vestris, credo, quispiam ita frontem perfricabit, ut affirmet, tam haec necessaria esse, ut, qui quotidie sedulo Deum per Christum invocet, (uti christianum decet) etsi sanctos non interpellat penitus; aut qui reliquias haud unquam viderit, vel si viderit, dubius animi sit, an verae reliquiae sint, nec proin adoret, *salutem consequi non possit, aut anima ei inde valde periclitetur.*

Multos ritus, tanquam licitos & pios a Patribus acceptos, de quibus nullum praeceptum, nullum etiam exemplum in S. scripturis invenias, retinet & usurpat hodieque Ecclesia anglicana ipsa, ut consignationem frontis baptizati per signum crucis, geniculationem in percipienda eucharistia, jejunium quadragesimale, & alia jejunii statuta tempora, & id genus multa alia, Puritanis frustra reclamantibus, & continuo obiectantibus: *Ne addite ad id, quod praecipio vobis.* Satis est, quum res tantum adiaphora sit, si sacris literis non repugnet, sed cum iisdem congruat. Patres certe adducti scripturae testimoniis & exemplis, (ut inquit Cassander loco supra citato) quibus manifestum est, preces iusto-

rum hominum pro aliis susceptas plurimum apud Deum valere; ad haec certo persuasi, justos non extinguere morte, sed Christo conjunctos, beatam vitam agere, & multo nunc ardentius, quam unquam antea, pro nobis orare, cum sint majori charitate praediti, quam antea, &, ut loquitur Cyprianus sermone de Mortalitate, *de sua immortalitate securi, & de nostra incolumitate solliciti*, eorum quoque precibus in cœlo regnantium, se in hac vita peregrinantes juvari magnopere optarunt, (quod nemo non licere dixerit) ac postularunt, quatenus scilicet illis rerum nostrarum sensus esset: etsi enim ἰδὶοντ' αἰσῶμεν, ut Protestantes quidam loquuntur, ac particularem necessitatum & calamitatumstrarum sensum illos obtinere maxime incertum sit, συμπαροῦμεν tamen seu *compassionem & communem sensum*, quem habent ex Dei verbo & propria experientia, quis sanæ mentis illis ademerit? atque votum illud suum ac desiderium vel omnes in universum, (pag. 308.) vel nominatim quoque aliquos ex iis, tanquam spiritu & animo praesentes, appellando, tum in publicis tum in privatis precibus declararunt: non quo illos mediatores summos & propitiatores apud Deum constituerent, sed ut precibus illorum, quas plurimum apud Deum valere credebant, nostris quoque precibus adjunctis, facilius a Deo Patre per unicum mediatorem & propitiatorem Christum, quod vellent, impetrarent.

In Patribus etiam, qui nicaenum concilium pri-

primum praecessere, id est, tribus primis vixerunt seculis, nihil legere est, unde certo ac perspicue invocatio, sive directa compellatio in precibus aut angelorum aut sanctorum, probari possit.

Frustra sententiae contrariae probandae citat Bellarminus Dionysium areopagitam cap. 7. Eccles. hierarch. *Impossibilem superflua spe ille suspensus est, qui sanctorum flagitat preces, & naturae ipsorum consentaneas sacras operationes abigit*; cum autor ille, quisquis fuit, posterior fuerit nicaena synodo, ut supra diximus, cum de Purgatorio ageremus. Neque etiam clare loquitur locus de directa petitione per modum formalis compellationis precum sanctorum defunctorum pro aliis, sed de precibus sanctorum, sive ἐν τῷδε τῷ βίῳ, sive defunctorum, ad Deum quatenus pro aliis valeant. Irenaeus etiam lib. 5. contra haereses, ultra medium: *Et sicut illa (Eva) seducta est, ut effugerit Deum, sic haec (Maria) suasa est obedire Deo, ut virginis Evae virgo Maria fieret advocata.* (ubi Bellarminus exultans exclamat: *Quid clarius?*) nihil probat. Cui enim verisimile fiat, ut recte respondet Vossius disp. historica prima de Invoc. sanctorum thes. 1. hoc Irenaeum unquam scripsisse, ea saltem mente, qua vult Bellarm. quippe seu Eva statim post obitum, sive, ut Patres censent, demum cum Christo in coelum translata fuit, sane multo ante Mariam in coelum fuerit translata. *Sed sine dubio*, inquit, παρεκλήτων scripserat Irenaeus:

(scripsit enim graece) quae vox cum consolatri-
cem hic significaret, (solatium enim Evae, post pec-
catum, promissumque salvatorem in Maria vir-
gine fuisse dici potest, non quidem καθ' αὐτὴν,
pag. 309.) sed metonymice vel synecdochice, qua sa-
lutaris incarnationis organum futura erat) vetus
interpres advocatam vertit, quomodo & Tertull. ac
Novatianus aliquoties Christum dicunt, apud Jo-
hannem discipulis promittere alium advocatum;
cum advocati appellatio magis conveniat Christo,
consolatoris autem Spiritui sancto. Vide hic
Chemnitium, Chamierum aliosque etiam Pro-
testantes. Sermo de Sanctissima deipara falso
Athanasio tribuitur, ut confiteretur Petrus Nan-
nius, professor Iovaniensis, in praefat. Athan.
immo ipse Bellarm. lib. de Script. eccles. in A-
thanasio, & Baronius in Annalibus anno 48.
num. 19. & seq. Locus, qui ex Eusebio lib. 13.
Praeparat evang. cap. 7. citatur a Bellarmino
aliisque Romanensibus, in latina versione Tra-
pezuntii corruptus est, ut saepe responderunt
Protestantes, quos consule. Confer tantum ex-
emplar graecum cum trapezuntina translatio-
ne, & luce clarius apparebit. De aliis, qui con-
cil. nicaenum praecesserunt, vel potius prae-
cessisse a quibusdam Romanensibus finguntur,
lege eos, qui hanc controversiam fusius pertra-
ctant. Peresius de Traditionibus parte tertia
de Cultu sanctorum pag. 140. fatetur, * a tem-
pore Cornelii martyris tantum, scriptis sancto-
rum

* A tempore Cornelii martyris.] Vide pag. 301.

rum, intercessionem sanctorum, (particulares scil.) commendatas, & a tempore Basilii invocationes sanctorum in scriptis Patrum memoratas fuisse. *Licet*, inquit, *cum non appareat illos ista dogmata primos docuisse, sed quasi jam vetustate quadam firmata ipsa recensuisse, & exemplis commendasse, nulli dubium sit, quin de divino magisterio descenderit, quod universalis Ecclesia martyrum & sanctorum doctorum circa haec docebat.* Censura colonienſis pag. 209. affirmat, sanctorum invocationem etiam apud priscos Patres ante seculum III. vulgarem ac usitatam fuisse; sed nullum profert ex Patribus testimonium ante Basilium & Gregorium nazianzenum. Card. Perron, Repl. suae pag. 104. diserte ait, *in Patribus, Apostolorum seculo vicinioribus, nullum penitus istius consuetudinis invocandi sanctos vestigium reperiri.* Vide Molinaei Resp. lib 7 cap. 7. p. 24. Neque ii, quorum scripta adhuc supersunt, Justinus martyr scilicet, Ignatius, Irenaeus, Clemens alexand. Origenes, Tertullianus, Cyprianus, Arnobius, Lactantius, Athanasius, Eusebius, aliiqve numero tam pauci sunt, ut, quae fuerit veteris illorum seculorum ecclesiae fides & praxis, (pag. 310.) nos abunde edocere nequeant. Hinc frustra card. Perronius cum aliis quibusdam Romanensibus excipit, *maximam partem vetustissimorum illorum scriptorum periisse.* Sed, Deus bone, quam irreverenter, injuriose & contumeliose de Patribus primorum illorum seculorum loquitur C. Perron. pag. 1044. 1045!

quod scil. in scriptis suis contragentes saepe dixerint, non quae crederent ipsimet, sed ea dissimularint & dixerint, quae causae suae inservirent, ad objectiones gentium refellendas; quod multa celaverint, dissimularint, (& degulient) & alienam quasi personam interdum induentes occultaverint; quod, quantum potuerunt, fugerint & declinarint occasiones omnes verba faciendi de precibus ecclesiae ad sanctos, ne gentiles existimarent superficialem quandam esse convenientiae seu conformitatis speciem (licet falsam & equivocam) inter illud, quod ab ecclesia sanctis praestabatur, & illud, quod gentes falsis suis diis deferrebant, atque inde ansam arriperent, licet immerito, propriam ecclesiae praxin in ipsos Patres retorquendi. Haec omnia verbatim ille. Vide episc. winton. contra Perron. p. 51. 52. Atque haec illius est, quam mirifice jactare solebat, erga Patres veteres reverentia, scil. illos insignis hypocriseos insimulare. Multum ille, Romae cum esset Anno 1605. gloriatus est coram Fr. Suario aliisque permultis, de responsionibus novis ad Patrum, quae a Protest. opponuntur, testimonia a se excogitatis, & quarum, ut ipsemet inquit in epist. ad card. Bellarminum, *auctor ante me nullus*. Vide Vitam card. Bellarm. lib. 2. cap. 7. R. 3. Certe ut de multis aliis illius responsionibus nunc sileam, indigna est haec proxime allata tantae eruditionis tantaeque famae viro, eoque cardinali.

Neque tamen hoc nomine compellatio angelorum vel sanctorum in precibus, de qua dictum,

dictum, rejicienda seu damnanda est. Multi enim, ut constat, ritus liciti & utiles, a Patribus & conciliis subsequenterum seculorum, in primis quarti & quinti, in ecclesiam injecti sunt, de quibus in praecedentium seculorum scriptoribus nihil legere est. Par enim & aequale fuit jus ecclesiae quarti seculi, atque trium praecedentium, ritus licitos & utiles instituendi. Nemo, nō fallor, sani cerebri hoc negaverit. Quare pergamus.

Pag. 311.) Circa annum Christi trecentessimum septuagesimum, ad sanctorum invocationem publice praeire populo coeperunt illi, quibus cura ejus instituendi commissa erat; ut ingenue fatetur Vossius disp. histor. secunda de hoc argumento, thesi 1. *Ac in Graecia quidem primi, vel e primis, funem hunc duxerunt Basilus, Nyssenus, Nazianzenus*, ut inquit ille. Basil. M. in orat. in 40. mart. *Qui aliqua, ait, premitur angustia, ad hos confugit κατὰ φεύγει: qui laetatur, ad hos recurrit, ἐπ' αὐτῶς ὑποτρέχει.* Male interpretres latinus, quem Bellarm. multiqve alii Romanenses sequuntur: *Qui aliqua premitur angustia, ad hos confugiat; qui rursus laetatur, hos oret.* Vide episcopi elienl. Resp. ad card. Bellarm. Apol. cap. 1. p. 40. Chamierum, aliosqve. *Ad hos*, dicit Basilus, i. e. ad horum martyrum memorias, scilicet ubi Deum oret, & martyrum preces cum suis conjungi postulet. Vnde paulo post, μετὰ μαρτύρων τε γειῶδα & αἰτήμα-

τα ὑμῶν, cum illis martyribus fiant preces vestrae. i. e. cum illorum precibus vestras jungite preces. Et licet haec, *ad hos confugit, ad hos accurrit*, indicantis modo dicuntur, non imperantis; nihilo tamen minus intercessioni seu interpellationi sanctorum favet hic locus Basilii, ut recte notat Fronto Ducaeus in Notis in hunc locum, cum constet, nunquam haec sanctum hunc patrem, ut exemplum imitandum, prolaturum fuisse, quae non probaret, aut quae in crimen idolatriae vocari possent; praesertim cum addat, eos, qui sic orant, exaudiri: at peccatores non exaudit Deus. Joan. 9. 31. Denique πρεσβυτέρους διακόνους, *legatos* h. e. oratores intercessoresque potentissimos eos appellat. Vnde & Vossius ipse loco supra citato, *Ingenue*, inquit, *interea fatemur, zelum hunc populi non improbari Basilio. Hoc enim satis docet ἐκφώνησις ad martyres, quam subdit.*

Illustris est locus apud Gregorium nyssenum, fratris Basilii admiratorem & sectatorem studiosissimum, orat. in B. Theodorum martyrem, circa finem: *Intercede*, inquit, *ac deprecare pro patria apud communem regem & dominum*. Suspicatur Chamierus de Vno mediatore lib. 8. cap. 7. n. 27. orationem eam non esse Gregorii nysseni. (Pag. 312.) Similiter & * episc. wintonensis in Resp. ad cap. 20. lib. 5. Replic. contra Perron. p. 56. 57. Sed non sic diligentissimus Vossius loco cit. cui locus hic valde illustris videtur;

* Episc. Winton.] Vide annotat. ad p. 305.

detur; (*Nyssenum vero sic sensisse, inquit, minus mirandum, cum admirator & sectator fuerit fratris Basilii*) neque etiam Cocus aut Rivetus critici.

Gregorius nazianz. orat. in S. Cyprianum, (ubi obiter observa, propter autoris errorem de Cypriani illius, quam laudat, persona, orationem tamen non esse rejiciendam, satis liquidae enim fidei alioqui esse, & vere Gregorii naz. multis viris doctissimis videri) *Virgo Justina*, ait, *virginem Mariam* rogat, ut sibi periclitanti opem ferat. Durior est, inquit Chamier. de Cultu creatur. lib. 20. cap. 5. hic locus. Vossius similiter clare sententiam Gregorii nazianz. explicare affirmat, Male autem, *illud puellae factum non quidem a Gregorio nazianz. reprehensum; sed cum idem ejusdem sexus multae facerent, acriter reprehendisse Epiphanium eodem seculo in Collyridianis*, respondet doctissimus episc. eliensis contra Bellarm. p. 42. & contra Perron. p. 34. Adorationem tantum religiosam B. virginis per orationem proprie sic dictam & per oblationes in Collyridianis reprehendit acriter, & quidem merito, Epiphanius; non autem nudam illius compellationem, ut nos orationibus suis apud Dominum adjuvet, vel ille, vel quisquam alius ex Patribus, Videatur & finis orat. illius, & orat. 20. in Basil. & 21. in Athanas.

Citatur a Bellarmino aliisque Romanensibus, a Vossio etiam, locus, ut videtur, insignis

ex Chrysoft. * homil. 66. ad pop. antioch. five potius (nam ex 80. illis homiliis ad pop. antioch. primae tantum viginti & una Chrysoftomi sunt. Videatur Possevini Apparatus in Chrysoft. & Bellarm. ipse lib. de Scriptorib. eccles. in Chrysoft.) hom. 66. in 2. Cor. de imperatore ad sepulchra martyrum *δεόμενοι τῶν ἁγίων, sanctos orante*, ut pro se apud Deum intercedant. Versiones tamen sunt ab ipsis Romanensibus editae, in quibus nihil tale reperias, nec vel paginas integras, quae clausulam illam vel antecedunt vel sequuntur. Vide episc. eliensem contra Bellarminum p. 14. & contra Perron. p. 30. 31. Jo. Garetius de Sanctorum invocatio. p. 96. citat sub nomine Theodori cujusdam Daphnopathi, qui seculis aliquot post Chrysoftomum vixit. Sed extant haec verba in graecis, quos habemus, codicibus, etiam in illa laudatissima H. Savillii editione Chrysoftomi. pag. 313.) Chamierus haec versionem accusat, *male enim redditum*: Fastu deposito stat sanctis supplicaturus, ut pro se apud Deum intercedant, & tentoriorum opificem ac piscatorem patronos etiam defunctos orat, qui diadema gestat. *Graece enim*, inquit, *habes δεόμενοι τῶν ἁγίων*: & postea *δύται*, &c. *Assid id verbum norunt omnes, non tantum esse orare, sed etiam indigere. Longe melius reddideris*: Fastu deposito stat *indigens sanctis*, ut sibi ad Deum praeceant; & *tentoriorum opifice*, &c. *patronis etiam defunctis indiget is*, &c. Sed inane & ineptum est

* Homil. 66, ad pop. antioch.] Tom. 4, edit. Erasmi. p. 603.

est hoc subterfugium. Locus enim Chrysostomi recte perpenſus expoſcit, cum aliis omnibus interpretibus tam rom. quam proteſtantibus ſic reddamus: *Factu abjecto ſupplex ſtat*, ſanctos obſecrans vel orans, *ut ipſi apud Deum ſibi praefidio ſint*, ὡς αὐτῶν παρεῖναι παρὰ τῷ θεῷ, vel *intercedant pro ipſo apud Deum*. Episc. elienſis contra Bellarm. p. 41. *Si detur denique, quod iſtuc ſic narret Chryſoſtomus; factum hic narratur modo, ſtatutum nullum recitatur. Factum autem voluntarium, ut liberae devotionis; non vero ut rei, ad ſalutem aetern. neceſſariae.* Sed neq; hoc quaeritur, an imperatoris factum officium fuerit pietatis ſim- pliciter neceſſarium, ſed an licite & pie & conſen- taneae eccleſiae tunc tunc temporis doctrinae & praxi iſtud fecerit, & an Chryſoſtomo pro- batum vel improbatum fuerit. Vt adhuc cer- tius Chryſoſtomi mentem ſuper hac re intelli- gas, audi illum tom. 5. ſermōne in ſanctas mar- tyres, Berenicen, Proſdocen & Domninaſm * p. 481. edit.: Savil. μὴ μόνον ἐν τῇ ἡμέρᾳ τῆς ἐορ- τῆς ταύτης, ἀλλὰ καὶ ἐν ἑτέροις ἡμέραις παρε- δρέωμεν αὐταῖς, παρακαλῶμεν αὐτάς, ἀξιώμεν γενέσθαι παρὰ τῷ θεῷ ἡμῶν. *rogemus, obſecremus eas, petamus, poſtulemus ab illis, ut praefidio nobis ſint, vel nobis patrocinentur, πολλὴν γὰρ ἔχουσι παρρησίαν, ἔχουσι ζῶσαι μῆλον, ἀλλὰ καὶ τελευτή- σασαι, καὶ πολλῶ μᾶλλον τελευτήσασαι.* *Nunc enim*

* Tom. 5. pag. 481. edit. Savil.] Tom. I. pag. 568. edit. Morell. & francofurt, A, 1698.

enim stigmata gestant Domini. Alia loca, ut quæ minus clara sunt, silentio prætereo. Ridiculas R. Montacutii responsiones ad locum proxime ex Chrysostomo citatum, vide in ejusdem tractatu de Invocatione sanct. p. 106. & aliquot seq. Pag. 314.)

Eodem tempore in occidente consuetudinem eandem probavit & secutus fuit Ambrosius, qui plurimum Graecos imitari, saepe etiam exscribere solet. *Atque imprimis illustris est,* inquit Vossius, *ejusdem loci lib. de Viduis, ultra medium:* Obsecrandi sunt angeli, qui nobis ad praesidium dati sunt, martyres obsecrandi, quorum videmur nobis quoddam corporis pignore patrociniū vendicare. Possunt pro peccatis nostris rogare, qui proprio sanguine etiam, si quæ habuerunt, peccata laverunt. *Durior est,* inquit Chamierus, *hic locus,* quia scilicet per figuram prosopopoeiae vel apostrophes eludi non posse cernebat. Loca enim Patrum, Basilii, Nazianzeni, & quorundam aliorum, qui inter concionandum sanctos compellaverunt, eorum pro se ipsis & aliis preces serio expetentes, eludere solent multi Protestantes per figuram prosopopoeiae vel apostrophes, qualis est illa, oratoris ad mortuum, *O Marce Druse te appello,* & illa poëtae ad alium, *Audisne haec Amphiarace sub terram abdite?* non attendentes interim, vel plane rejicientes illorum testimonia, qui vel sanctorum interpellationem nobis commendant, vel narrant, a quibus interpellati sunt.

Doctis.

Doctissimus * elienſis contra Bellarm. p. 45. & contra Perron. p. 38. 39. reſpondet, ab Ambroſio adhuc neophyto ſcriptum fuiſſe librum illum de Viduis, idque ex eo facile deprehendi poſſe, quod ibidem dicat Ambroſius, *laviffe martyres ſua peccata proprio ſanguine*; ſuperfluum enim certe ſic eſſe ſanguinem Chriſti: & quod addat, *ſi qua habuerunt peccata*, dubitans quaſi, an martyres ulla habuerint peccata, nec ne. Sed an fuerit Ambroſius neophytus, nec ne, cum librum illum ſcriberet, (ſcripſit certe primo ſui epiſcopatus anno, ipſo Elienſi conſistente) non laboramus; certe ex iis, quae ille carpit, minime apparet, eum tunc adeo in theologia hoſpitem fuiſſe, ut ipſa pene illius principia ignoraret. Illud, *Si qua habuerunt peccata*, ſimile eſt dicto Jacobi cap. 5. 15. *Si peccata commiſit, remittentur ei*. Quod ait, *laviffe martyres ſua peccata proprio ſanguine*, idem affirmat Tertull. in theologia, credo, non infans, in fine Apologetici. *Quis non, ubi requiſivit, accedit? ubi acceſſit, pati exoptat? ut Dei gratiam redimat, ut omnem veniam ab eo compensatione ſanguinis ſui expediat? omnia enim huic operi delicta donantur.* Pag. 315.) Chryſoſt. etiam ſerm. de S. Luciano: *Quemadmodum ii, qui baptizantur aquis: ita qui martyrium ſubeunt, proprio ſanguine abluuntur*. Multi Patrum quemadmodum baptiſmate aquae peccata omnia tolli exiſtimabant & elui, ita & martyrio, quod baptiſma ſanguinis appellabant, ut omni-

* Elienſis] Vide pag. 305.

omnibus doctis constat; nullum tamen in eo Christi sanguini, qui solus est causa meritoria & principalis ablutionis nostrae a peccatis, injuriam inferentes. Baptisma enim aquae, & illud sanguinis, *pro mediis tantum subordinatis, vel causis secundariis & instrumentalibus* habebant, per quae virtus sanguinis Christi nobis applicatur. Sic *martyres & angelos observandos* dixerunt, ante illum, ut jam vidimus, Graeci Patres, quorum ille sedulus fuit lector & imitator. Quod citat Eliensis ex Ambr. magis provecto & melius edocto, ut ait, in cap. 1. ad Rom. *Ad Deum (quem nihil latet, omnium enim merita novit) promerendum, suffragatore non est opus, (certe nec obsecratore, inquit Eliensis) sed mente devota.* Primo non nesciebat vir doctissimus, commentarios in epist. paulinas, qui Ambrosio vulgo ascribuntur, illius non esse, sed alicujus alias antiqui scriptoris. Vide contra card. Perron. p. 41. 42. Secundo, ut ineptas aliorum responsiones omittam, non aliud vult auctor ille, ut recte respondet Estius in 4. Sent. dist. 45. §. 17. quam, *non esse accedendum ad Deum per suffragatores, eo modo, quo itur ad hominem; quasi videlicet Rex ille coelestis egeat monitoribus, qui causas supplicantium ei explicent simul, & precibus suis commendent, sicut egent reges terreni; cum Deus non tantum preces singulorum audiat, sed etiam intima cordis perspiciat.* Vnde auctor addit, tantum opus esse mente devota, scilicet ad hoc necessaria, ut Deus nos exaudiat.

Quae

Quae tamen mens devota loco & tempore suo non omittit aliorum etiam pro se suffragia implorare. Quod adducit idem episcopus ex Ambrosio in obitum Theodosii: *Tu solus, Domine, invocandus es*, contra humanam & civilem (ut quidem doctissimi theologi, etiam romanenses, appellant) sanctorum invocationem nihil facit, sed omnem religiosam invocationem soli Deo exhibendam esse, clarissime ostendit. Quomodo etiam ipse Ambrosius fratrem Satyrum defunctum invocet, vide illius orationem in obitum Satyri, circa finem,

De mente Hieronymi, Gregorii naz. discipuli, quis dubitet? In Epitaphio Paulae circa finem: *Vale, inquit, o Paula, & cultoris tui ultimam senectutem orationibus juva.* Pag. 316.) *Fides & opera tua te Christo sociant; praesens facilius quod postulas, impetrabis.* Non est hic inanis protopoeia vel apostrophe rhetorica, ut Protestantes vulgo affirmant, sed compellatio seria, & petitio efficax orationum Paulae, ex qua vir sanctissimus sibi auxilium pollicebatur. Erat solita Constantia foemina cypria, (cujus generum ac filium Hilarionem de morte liberarat olei unctione) pervigiles in sepulcro ejus noctes ducere, & quasi cum praesente ad adjuvandas orationes suas sermocinari, ut Hieronymus scribit in extrema Hilarionis vita. Et contra Vigilantium, qui intercessionem sanctorum pro vivis, a qua eorundem interpellatio dependet, negabat: *De barathro pectoris tui cernosam spurcitiam evo-*

em. euomens, audes dicere: Ergo cineres suos amant animae martyrum, & circumvolitant eos, semperque praesentes sunt, ne forte, si quis precator advenerit, absentes audire non possint. Derisisse videtur Vigilantius eos, qui sanctos invocabant, ut ex illis duabus vocibus precatores & audire colligere licet. An enim precatores suos martyrum animae audire queant, nisi invocatae? Vnde, quo erat genio, Hieronymus, adeo acerbe hic eum excipit. Nihil falsius, nihil etiam B. Hieronymo magis injuriose affingi potest, quam quod a rigidioribus Protestantibus fingitur, eum dogmate quidem de intercessione beatarum animarum pro vivis a Vigilantio dissensisse, sed, quantum ad dogma de invocatione sanctorum spectat, ei plane assensum, &, ut inepte loquitur R. Crakanth. lib. saepe citato cap. 52. p. 330. totum vigilantianum hic esse.

CAP. IV.

Eadem sententia fusius adhuc comprobatur.

Priusquam, quae huic sententiae firmandae ex Augustino proferri possunt, loca adducam, operae pretium duco, ad locum quendam Augustini, in quo omnes ad unum hic dissentientes mirifice exultant, & tantum non triumphant, accurate respondere. (Pag. 317.) *Nam ex aliquo Augustini rivulo quicquid refertur, inquit doctissimus episcopus elienfis*
 contra

contra Bellarm. p. 46. *unica ejus sententia tanquam sole siccatur, quam habet in opere suo palmari de Civitate Dei lib. 22. cap. 10. Ad quod sacrificium martyres, sicut homines Dei, qui mundum in ejus confessione vicerunt, suo loco & ordine nominantur: non tamen a sacerdote, qui sacrificat, invocantur. Qui minus autem a sacerdote, inquit eliensis, quam a populo? aut extra sacrificium cur liceat, quod ad sacrificium non licet? Quod non ad missam, cur ad matutinas? Quod alioqui licitum est, ecquã in sacrificio vis, vel altari, ut reddat illicitum? Vide & contra Perron. p. 37. Respondere solent Romanenses; & quidem vere, loqui Augustinum loco citato de invocatione in liturgia, & ad altare, ubi, cum sacrificium Deo vere offeratur, (licet in illius sacrificii ratione explicanda multi Romanenses errent, ut alias, Deo volente, demonstrabimus) invocatio ad solum Deum dirigenda est. Sic enim Augustinus ibidem scribit: Illi (gentiles scil.) talibus diis suis & templa aedificaverunt, & statuerunt aras, & sacerdotes instituerunt, & sacrificia fecerunt. Nos autem martyribus nostris non templa, sicut diis, sed memorias, sicut hominibus mortuis, quorum apud Deum vivunt spiritus, fabricamus; nec ibi erigimus altaria, in quibus sacrificamus martyribus, sed uni Deo, & martyrum & nostro, sacrificium immolamus. Et statim post illa verba: Non tamen a sacerdote, qui sacrificat, invocantur. Deo quippe, inquit, non ipsis sacrificat, quamvis in memoria sacrificet eorum: quia Dei sacerdos est, non illorum. Ipsum vero sacri-*

ficium corpus est Christi, quod non offertur ipsis, quia hoc sunt & ipsi. Et de Civit. Dei, lib. 8. cap. 27. Quis audivit aliquando fidelium stantem sacerdotem ad altare, etiam super sanctum corpus martyris, ad Dei honorem cultumque constructum, dicere in precibus, Offero tibi sacrificium, Petre, vel Paule, vel Cypriane, cum apud eorum memorias offerat Deo, qui eos & homines & martyres fecit? Eadem legere est contra Faustum lib. 20. cap. 21. Unde in Canone missae post catalogum sanctorum subditur: Et omnium sanctorum tuorum: quorum meritis precibusque concedas, ut in omnibus protectionis tuae muniamur auxilio. Pag. 318.)

Vbi non sancti, sed solus Deus invocatur. In liturgia, inquit Wicelius in Methodo concordiae eccl. cap. 5. de Eucharistia p. 19. non oratur ad divos, sed ad Deum unum, ut is ob amorem, quo erga divos ardet, calamitatem nostram in hoc periculossimo vitae salo clemens respiciat. Et Augustinus ait serm. 17. de Verbis apostoli: Habet ecclesiastica disciplina, quod fideles noverunt, cum martyres eo loco recitant ad altare Dei, ut ibi non pro ipsis oretur, pro caeteris autem defunctis oretur: injuria enim est, orare pro martyre, cujus nos debemus orationibus commendari. Vide etiam tract. 84. in Joan. ubi dicit: Commendari martyrum orationibus, non est directe eos invocare, sed tantum rogare Deum, ut non nostris solum, sed ipsorum quoque pro nobis orationibus flectatur; ut, si non nostras, quae saepe frigent, illorum tamen ardentissimas pro nobis orationes audire dignetur.

In missa quidem catechumenorum, quae non est proprie sacrificium, in versiculis post lectionem obiter sancti directe compellantur; sed in missa fidelium, quae incipit ab oblatione, nunquam sancti directe invocantur. Vide Bellarm. lib. 2. de Missa cap. 8. Immo in Synodo carthagenensi 3. can. 23. cautum est, ut, *cum ad altare assistitur, semper ad Patrem dirigatur oratio*: licet istud non propter necessitatem, quasi videlicet personam Filii vel Spiritus sancti ad altare compellere nefas sit, sed propter convenientiam factum sit; ut, cum in sacro illo mysterio commemoratio sacrosanctae illius oblationis, quae semet ipse Christus obtulit immaculatum Deo & Patri, peragatur, ad ipsum quoque sacrificium precum nostrarum, & gratiarum actionis dirigatur: ut recte Cassander observat in fine Hymnorum eccles. p. 298. Nam alioqui in Canone missae Ecclesiae romanae in fine dicit sacerdos: *Placeat tibi, sancta Trinitas, obsequium servitutis meae, & praesta, ut hoc sacrificium, quod oculis tuae majestatis indignus obtuli, sit tibi acceptabile*. Et 3. collectae ad Christum ipsum diriguntur, 1. *Domine Jesu Christe, qui dixisti*. 2. *Domine Jesu Christe, fili Dei vivi*. 3. *Perceptio corporis & sanguinis tui, domine Jesu Christe*.

Ex quibus omnibus liquet, cur in oblatione & invocatione sacerdotis ad altare sacrificali, nulla sanctorum interpellatio adhibeatur, ut ait Augustinus, extra sacrificium tamen ea uti liceat. Neque rejicienda est simpliciter distin-

Etio perroniana * orationis sacrificialis, & extra-
sacrificialis; sed interpellationem sanctorum
male ille orationem, si modo orationem pro-
prie sic dictam intelligat, appellat. (Pag. 319.)

Augustino autem martyrum invocationem non
improbari, quod loco citato, & rursus p. 51 episc.
eliensis affirmat, patet ex lib. de Cura pro mor-
tuis cap. 4. *Sed cum talia virorum solatia requi-
runtur, quibus eorum pius in suos animus appareat,
non video, quae sint adjumenta mortuorum, nisi ad
hoc, ut, dum recolunt, ubi sint posita eorum quos di-
ligunt corpora, eisdem sanctis illos, tanquam patro-
nis, susceptos apud Dominum adjuvandos orando
commendent.* Et paulo post: *Cum itaque recolit
animus, ubi sepultum sit charissimi corpus, & occur-
rit locus nomine martyris venerabilis, eidem marty-
ri animam dilectam commendat recordantis & pre-
eantis affectus.* Vide etiam cap. 15. & 16. *Mor-
tuos, inquit R. Montac. contra Biding. Antidi-
atrib. i. p. 21. vivorum rebus non interesse opinabatur
Augustinus, solertissimus omnium in fidei dogmatibus
discutiendis. Cum vero quaereretur, quomodo
tum martyres implorabantur? respondebat, aliter
dispensatum fuisse cum martyribus. Viam ergo
introducebat extraordinariam. Certum vult esse,
propter usum tum frequentiore, licet non de fide
definitum, martyres imploratos exaudire & ad-
juvare: sed quomodo adjuvent invocantes, definire,
ait, vires superare suae intelligentiae. Haec ille.
Quamquam, inquit Augustinus ista quaestio vi-*

res
[Orationis sacrificialis & extra-sacrificialis.] Vide p. 299.

res meae intelligentiae vincat, quemadmodum opitulentur martyres iis, quos per eos certum est adjuvari: *utrum per se ipsi assint uno tempore tam diversis locis, & tanta inter se longinquitate discretis, sive ubi sunt eorum memoriae, sive praeter suae memorias, ubicunque adesse sentiuntur: an ipsis, in loco suis meritis congruo, ab omni mortalium conversatione remotis, & tamen generaliter orantibus pro indigentia supplicantium, sicut nos oramus pro mortuis, quibus utique non praesentamur, nec ubi sint, nec quid agant, scimus.* Deus omnipotens, qui est ubique praesens, exaudiens martyrum preces, per angelica ministeria usque quaque diffusa, praebat hominibus ista solatia, quibus in hujus vitae miseria judicat esse praebenda, & suorum merita martyrum, ubi vult, quando vult, quomodo vult, maximeque per eorum memorias, quoniam hoc novit expedire nobis ad aedificandam fidem Christi, pro cuius illi confessione sunt passi, mirabili atque ineffabili potestate ac bonitate commendet. Res haec altior est, quam ut a me possit attingi, & abstrusior, quam ut valeat a me perscrutari. (Pag. 320.) Bucer candor hic placet, qui in Defens. Reform. christ. cap. 43. sic scribit: *Ea ratione & modo, quae caelesti eorum vitae consentanea est, orant sane pro nobis omnes sancti. Virum vero peculiariter id faciant pro iis, qui ipsos invocant, vel memorias eorum honoribus afficiunt, vel ipsorum cognati aut affines sunt, an vero generaliter pro omnibus, ut pro electis D. N. J. Christi, id D. Augustinus fatetur adhuc sibi esse ignotum, quoniam sacra scriptura nihil de eo*

commemorat. Non dubitabat ille, quin Augustini seculo sancti ipsi invocarentur, licet non in oratione liturgica; neque tamen hanc ecclesiae vel piorum tunc temporis praxin damnasse Augustinum vel affirmat, vel etiam, si maxime affirmasset, unquam probare potuisset. Augustinus lib. 20. contra Faustum cap. 21. *Populus christianus memorias martyrum religiosa solennitate concelebrat, & ad excitandam imitationem, & ut meritis eorum consocietur, atque orationibus adjuvetur: ita tamen, ut nulli martyrum, sed ipsi Deo martyrum sacrificemus.* R. Montacut. in suo tractatu de Invocatione sanctorum, licet nullam non quaerat rimam, qua elabatur, ut clarissima veterum testimonia eludat, pag. tamen 214. 215. 216. respondere cogitur, dicta Augustini, quae pro sanctorum invocatione allegantur, immo paene omnia, quae in hanc sententiam ex veteribus produci solent, ex opinione tunc communiter in ecclesia recepta, loqui de *martyrum tantum intercessione vel invocatione, & quidem ad memoriam eorum, vel in natali eorum die, i. e. in passionis die, quo martyres secundum vitam animalem ac temporariam orbi denascentes, vitam coelestem vivere coeperunt; inde autem colligi non posse, sanctos omnes in caelis viventes & angelos nobis interpellandos esse: speciali enim prae aliis omnibus saltem sanctis privilegio, ex probabili veteris ecclesiae sententia, in negotiis nostris procurandis gaudere martyres.* Laudo, quod ingenue martyrum
saltem

saltem invocationem admisisse Augustinum fateatur; sed angelorum atque aliorum etiam sanctorum compellationem piae vetustati probatam fuisse, perperam negat; ut ex praedictis clarissime constat. Doleo certe Joanni Barlaam in sua Paraenese lib. 2. c. 7. p. 339. causam tam justam cum doctissimo eliensis episc. hic expostulandi datam: *Serenissimi Britanniarum Regis elemosynarium hic, inquit, alloqui lubet. Illi Rex credit,* (Pag. 321.) *alii multi credunt: & toties in culpa est, quoties alios in culpa esse facit. Videat porro, quanto errore negaverit, Augustino placere, ut martyres invocentur. In Respons. ad Apologiam card. Bellarm. cap. 1. sic loquitur: Augustino autem assentimur. Nam Augustino martyres non invocantur. Immo, inquit, invocantur martyres Augustino, nisi ipsi Augustino non credimus. Vide locum Augustini lib. 22. de civit. D. cap. 8. Florentinus, inquit hipponensis noster, homo religiosus & pauper, qui sartoris se arte pascebat, casulam perdiderat, & unde sibi emeret non habebat: ad viginti martyres, quorum memoria apud nos est celeberrima, clara voce, ut vestiretur, oravit. Locum hi sunt ex libris, qui certo sunt Augustini: loci autem, qui a multis aliis adducuntur, sunt ex scriptis dubiis vel supposititiis petiti. Aliorum quarti & quinti seculorum Patrum testimonia brevitatis causa omitto.*

Quod autem Protestantes, privatas illas sanctorum compellationes, ut loquuntur, temporibus Basilii & Nazianzeni usurpari coeptas, tandem circa

*tempora Gregorii M. i. e. ante annos 1000. publicis litanis insertas fuisse, & non prius, affirmant, id exigui est momenti, cum primo non Gregorii magni demum, sed Patrum etiam anteriorum seculorum, graecorum & latinorum, doctissimorum juxta ac sanctissimorum, temporibus, publice cum in scriptis in concionibus usurpatae & probatae fuerint istiusmodi compellationes, ut demonstratum est. Secundo narrat Walafridus Strabo lib. de Rebus eccles. cap. 28. litaniam sanctorum, post eusebiani Martyrologii epitomen, a D. Hieron. latine factam, credi in usum assumptam; vel potius, ut alii Strabonis mentem explicant, ante conversum ab Hieronymo Eusebii Martyrologium, tanto numero quidem sanctos in litania recensitos non fuisse: tunc enim praecipui tantum aliquot, ut B. virgo & alii, & qui in unoquoque loco celebriores erant, nominabantur, caeteri universe compellabantur. Editio vero Martyrologio plurimum nomina, quod in Gregorio, cordubensi episcopo, in concilio episcoporum a Theodosio imperatore laudatum idem Strabo refert, memorari coeperunt. Vide Serar. de Litanis lib. 1. cap. 4. aliosque. Denique multis jam seculis in universa ecclesia, in oriente non minus quam in occidente, etiam in aquilone apud Muscovitas, (Pag. 322.) litania est decantata; ut puta, *S. Petre, ora pro nobis.* Totius autem ecclesiae universalem consensum spernere aut damnare, res est longe periculosissima.*

Certe

Certe *melius & modestius de hac sanctorum compellatione, in reformationis principio, praecipui quidam Protestantium senserunt & scripserunt.* Si in ea sententia, quam initio cum veteri ecclesia communem habebant, permansissent, atque intra abusu tantum reprehensionem constitissent, melius fortasse auctoritati & paci ecclesiae consulissent; ut sapienter admonet G. Cassander in Consult. art. 21. M. Lutherus in epist. ad Georgium Spalatium anno 1518. scripta, quae adhuc extat: *Mi Spalatine, non fuit mens mea unquam, venerationem sanctorum esse superstitiosam, neque invocationes eorum pro causis vel corporalisimis. Hoc enim sapiunt haeretici illi vicini nostri Picardi in Bohemia, &c.* Et in epist. ad Erfurdenses anno 22. *Sinite, ut divorum implorent nomina, quando ita volunt, ea tamen lege, ut sciant, sibi cavendum, ne quam fiduciam & praesumptionem, persuasionem falsa inducti, in ullum sanctorum ponant, sed in solum Christum.* Et in Purgatione quorundam articulorum: *De intercessionem sanctorum cum tota ecclesia Christi sentio, & iudico, sanctos a nobis honorandos esse, atque invocandos.* Et de Praeparatione ad mortem: *In mortis articulo B. virginem, suum angelum, & delectum a se apostolum, & sanctos reliquos invocare non cesset, ut pro se intercedant ad Dominum.*

J. Oecolampad. in annotat. in serm. Chrysost. in Juventinum & Maximum martyres, Basileae excusis anno 1623. p. 163. *Sunt, qui de sanctis volunt nihil audire aliud, quam quod dormi-*

ant & quiescant in Christo, expectantes revelationem & diem D. N. J. Christi, recepturi tunc utramque stolam simul: nunc neque intercedant, neque si intercedant, quod aegre admittunt, invocandi sint. Interpellandi officium dicunt solius Christi esse, & nusquam scripturam nos adhortari, ut sanctos precibus nostris imploremus. Neque enim huc quadrat illud ultimi psalmi, Laudate Dominum in sanctis: illud ex Job, Convertere ad aliquem sanctorum. Habet opinio haec aliquid haud contemnendum, cui refragari fas non fuerit. Attamen ei per omnia nequaquam accesserim. Neque enim intercessionem sanctorum inficias ierim: pag. 323) neque impiorum & idololatrarum esse asseveraverim, cum illis implorare patrocinia sanctorum. Casterum precor votis omnibus, ut praetercursis sanctorum atque angelorum omnium, quae in medio sunt, cunctis agminibus, summa fide & alacritate, ad ipsum angelorum regem & caelorum conditorem contendamus. Quamvis a nullo exigere ausim: fidem enim ad mensuram cuique Deus ipse suppeditat; optarim tamen. Et p. 166. 167. Sancti quoque in caelis sua charitate flagrant, non desinunt pro nobis intercedere. Quid igitur mali, si hoc petamus fieri, quod credimus Deum velle, etiamsi nihil tale praeceperit? Quid mali, si & commendemus patrocinia sanctorum, modo id circumspicte, opportune & modice fiat, pro auditorum qualitate? Id quod hic agit Chrysostomus, & Nazianz. quoque in laudibus Cypriani. Et observant hoc ferme omnes ecclesiae, tam orientis quam occidentis.

M. Bucerus in Defens. contra * episcop. abrin-
censem: *Si quis, inquit, perpensa infinita illa Dei
in sanctos indulgentia & facilitate, & simul illorum
in nos miseros adhuc conservos suos & commembra
charitate, animi ardore huc prorumpat, ut illos cen
praesentes praesens appellet, proque se intercedere ad
Deum roget, id, licet in nulla scriptura doceatur,
si sic tamen fiat, nulli damnamus. Et postea:
In animis, inquit, sic comparatis, uti videmus, nihil
tribui humanis meritis, sed omnia misericordiae
Dei, & redemptioni D. N. J. C. ita quod divos, ut
pro se orent, invocant, licet id faciant absque ul-
lo & sensu & exemplo scripturae, damnare ta-
men non possumus. Atque hunc solum in mo-
dum videmus orthodoxis Patribus sanctorum coelitum
invocationem usurpata & traditam. Et in com-
ment. in ep. ad Rom. cap. 8. p. 413. Intercessio,
quam pridem divi tribuunt ecclesiae, non potest ex
scripturis statui aliud esse, quam perpetua illorum
vota de nostra redemptione consummanda. Qui-
bus fidere ex se impium, quaerere ea, incertum est:
affectus tamen salutis, qui eo usque sese attollit, ut
divorum quoque intercessionem in Christo, non prae
Christo, quaerat, non excutiens, quam certum sit,
quo feratur, damnari non debet. Et hoc reveren-
tiae detulisse veterum observationi hac in re, quae
scilicet usu, nullo autem oraculo scripturae inolevit,
satis fuerit.*

Joachi-

* Episcop. abrinensem] Qui fuit Rob. Coenalis sive, ut alias
scribitur, Cenalis vel Senalis, primo episc. regiensis, dein
abrinensis seu arboricensis, Vide Koenigii Biblioth. V. &
N. p. 180. & 746. & Hydii Catal. impressor. libr. bibl.
bodl. part. I. p. 170.

pag. 324.) Joachimus Camerarius, vir doctissimus, in lib. de Piis catholicae ecclesiae precibus, cum de sanctis hominibus jam Christo fruentibus loquitur: *Pia, inquit, affectio erga illos, & votum communium precum, non potest, ut opinor, damnari: cum neque adversetur doctrinae veritatis caelestis, & exempla vetustatis extent.* Quem locum adducit Cassander in Defens. libri de Officio pii viri pag. 847. Orationem illam in canone missae, *Omnium sanctorum tuorum precibus concedas, ut in omnibus protectionis tuae muniamur auxilia,* Phil. Melanchthon in Consilio de moderandis controversiis religionis, scripto ad Gallos anno 1535. *intolerabilem non esse censuit: Docti, inquit, de hac forma deliberare possunt.* Vide etiam partem primam Consil. theol. p. 234. Rich. Fieldus in Appendice ad lib. 3. de Ecclesia pag. 223. edit. ult. asserit, *nihil continere, quod a Protestantibus improbetur.* Th. Mortonus Appellat. cathol. lib. 2. cap. 12. sect. 2. pag. 227. *nullum in eo idololatriae periculum inesse posse, cum non ad sanctos directe, sed ad Deum dirigatur.* Audiatur etiam super hac re auctor Enchiridii colon. in Decalogum pag. 253. *Si rem acutius perpendamus, tota contentio (modo absit superstitio) in verbis tantum sita est. Convenit enim, & absque controversia est, sanctos, qui in Domino obdormierunt, sedulo & continue orare pro nobis, veluti unius ejusdemque corporis membra, qui nostram salutem, sine quibus consummandi non sunt, expectant & desiderant. Alioqui articulus de sanctorum communione symbolo fidei eximendus erit,*

aut ecclesia triumphans a militante rescindenda; quod plane christianae aures abhorrent. Jam quid prohibet, ut, quos sedulo pro nobis Deum deprecari scimus, eorum etiam precibus concedi petamus, ut in omnibus divinae protectionis muniamur auxilio? Certe non poterit nobis fructus communionis sanctorum ecclesiae triumphantis applicari, quemadmodum nec alia, quae symbolo continentur, nisi per fidem, quae piis votis ac desideriis excitanda est. Ergo etsi nihil sanctis hinc accedat, quod eos interpellamus, ut Deum pro nobis deprecantur, tamen eo ipso fidem communionis sanctorum in nobis excitamus, ut, quod illi pro nobis assidue faciunt, nobis etiam applicetur, & salutare sit: (Pag. 325.) quemadmodum Aug. in lib. de Cura pro mortuis dicit, non contemnendum, esse affectum morientis, qui desiderarit, post obitum corpus suum in basilicam martyris poni, si quidem is crediderit, animam suam precibus martyris adjuvari. Hoc enim, quod (ut subdit) ita credidit, supplicatio quaedam fuit, & haec profuit, si quid profuit. Non respuit igitur ecclesia, quicquid citra injuriam Dei fit, quo fides in nobis excitatur, veluti cum sanctis nos, tanquam patronis, post Christum apud Deum adjuvandos orando commendamus: Deus enim cordis inspector est, & voti pietatem examinat, non structuram verborum. Nam quid refert apud Deum, si ve dicamus: Scimus o Deus, S. Petrum orare pro nobis; ejus itaque precibus concede, ut nos tuae protectionis auxilio muniamur: quam si di-

si dicamus : S. Petre ora pro nobis ; nisi quod, quantum ad nos attinet, cum sanctos nominatim appellamus, non solum fidem, sed etiam mutuae charitatis affectum exprimimus, persuasum habentes, apostolos & martyres, qui adhuc in corpore constituti, & voluerunt & potuerunt pro caeteris orare, nunc tanto magis pro nobis esse sollicitos, quanto post coronas, victorias & triumphos nos ardentiori charitate complectuntur ? Haec omnia ille.

II. Casaubonus in Resp. ad epist. card. Peronii pag. 929. Respondet Rex : *Primis nascentis ecclesiae temporibus, alium praeter unum Deum opt. max. fuisse orari solitum, demonstrari omnino haud posse. Postea morem esse introductum orandi ad memorias martyrum, ac paulatim coepisse apostrophas fieri ad sanctos, extra Dei cultum : optari etiam & vota fieri, non ad illos quidem primo, sed ut illi Deum orarent. Quod si hac fine exempla nova stetissent, ne rex quidem illorum temporum consuetudinem vehementer reprehenderet : certe non ita damnaret, ut quod postea receptum est moribus. Et pag. 930. Postremo seculi illius (quarti scilicet) morem inter utilia aut licita si admiserunt pii Patres : (sed cur dubitanter hac de re, de qua pii illi Patres nunquam dubitarunt, loquitur Casaubonus ?) at inter absolute necessaria ad salutem, nunquam profecto posuerunt. Sed nec doctiores Romanenses hoc asserunt,*

Jo. Gerhardus Loc. theol. tom. 8. de Morte
n. 377. *Sciendum est, inquit, non esse quaestionem,*

le nuda sanctorum compellatione, quæ sancti
 noneantur & invitentur, ut pro Ecclesia in ter-
 ris adhuc militante orent, Pag. 326.) *quomo-
 do a piis in his terris viventibus vel coram vel per
 iteras petimus, ut pro nobis apud Deum intercedant,
 suas preces nostris conjugant, iisdemque salutem no-
 stram fideliter commendent. Quamvis enim, inquit,
 nec hanc defunctorum sanctorum compellationem
 simpliciter probemus, (neque tamen simpliciter,
 tam damnare audebat; sed rationes ipsius, cur
 non simpliciter probet, audiamus) cum illi non
 amplius, ut sancti in terris adhuc viventes, rebus no-
 stris intersint, (esto: rogamus tamen non frustra,
 ut Deum pro nobis orent ex charitatis affectu,
 pro ipsi in nos feruntur, & ex eo rerum no-
 strarum sensu, quem habent. De generali nul-
 la est controversia. Qvod ad particularem sen-
 tum attinet, non rogamus nisi hypothetice,
 si res esset. Multa etiam scire possunt in parti-
 culari, de quibus nobis nihil certo constat)
 nec de tali compellatione praeceptum vel exemplum
 extet in scriptura, (atque res tantum adiaphora
 sit, ac proinde nullum de ea praeceptum vel
 exemplum in scriptura extans, necessario exi-
 endum est) cumque periculum subsit, ne ex tali
 compellatione absentium ad religiosam eorundem in-
 vocationem fiat progressus: (sed non continuo
 propter periculum abusus, aut abusum etiam,
 quem re ipsa cernimus, legitimus rei usus cum
 scandalo totius ecclesiae tollendus aut damnan-
 dus est) tamen ex praxi & confessione Pontificio-*

rum constat, eos non esse tali sanctorum compellatione contentos, sed religiose eosdem invocare. Sed de erroribus quorundam Romanensium hac in re, cum Deo, capite sequente dicemus.

Fr. Whiteus contra Fisherum jesuitam in ipso disputationis suae hac de quaestione vestibulo p. 288. timide sic scribit: *Et si daretur, modum quendam petendi aut compellendi sanctos & angelos, ut nobiscum sint comprecatores, & pro nobis apud Deum intercedant, licitum esse;* (citatur hic ad marginem verba Alex. hal. 4. qv. 26. m. 2. artic. 3. de quibus vide supra, & Bucer verba in Rom. 8. pag. 323. a nobis allegata, quibus discrete affirmatur, veterum observationem hac in re damnari non debere) *invocatio tamen eorundem, juxta Ecclesiae romanae praxin, approbanda non est.*

R. Montacut. unus tunc ex Canonicis vindesoriensibus, coram rege Jacobo VI. tractans verba illa psal. 50. 15. *Invoca me in die tribulationis, &c.* (Pag. 327.) & sanctorum atque angelorum absentium invocationem stultitiae saltem & fatuitatis damnans pro concione, ipso met confitente in tract. de Invocatione sanct. p. 96. & impotenter hic in archiepiscopum spalat. qui concioni tunc interfuit, debacchans, ac mirifice paratragedians, haec dixit: *De angelo custode fortassis ampliandum. Non quia, ut ait ipsius hyperaspistes R. Crakanth, contra archiepisc. spalat. c. 58. p. 375. prolixiorem tractatum res haec desiderabat, aut quia cum in angelo custo-*

lo custode major sit Pontificiis & suis & species in hac invocationis causa, ampliore quoque de eo orationem, quam temporis illius angustiae paterentur, habendam censuit: sed quia, ut ipse diserte mentem suam loco praedicto explicans dicit, cum opinione sit recepta, & quidem jam diu recepta fuerit, licet de fide non sit, unumquemque saltem justum angelum custodem habere, atque hunc praesentem semper adesse ex Dei mandato & deputatione, nihil absurdi esse existimabat in natura, neque analogiae fidei, aut scripturis ullo modo adversari, multo minus impium esse, dicere, *Sancte angele custos, ora pro me*, hoc scilicet supposito, quod dictum est, & quod Patres semper maxime probabile esse censuerunt. Vide pag. 97. & seq. *Sed salus reip.*, inquit, *non vertitur in istis.* Idem ibid. pag. 183. respondens ad factum Justinæ virginis a Nazianzeno orat. in Cyprianum memoratum, quæ primum ad Deum confugit, sponsum suum Christum defensorem assumpsit, denique virginem Mariam rogavit, ut periclitanti virgini opem ferret, &c. *Hanc*, inquit, *Romanenses compellans, libertatem nobis concede, & litem vobis jam non movemus. Si illi (Romanenses) hoc facerent ipsimet, & profelytos atque novitios suos in omnibus necessitatibus docerent facere, quod fecit virgo hæc, ad Deum scilicet, & Christum primo confugere, & deinceps ex abundanti, sive adjuvent sive non adjuvent, in auxilium advocare B. virg. Mariam, S. Petrum, S. Paulum, &c.* *ut loquitur nazianzenus, non con-*

tenderemus. In Ecclesiae romanae praxi res longe aliter se habet. Haec ille.

Sed his missis, audiamus iudicia theologorum moderatorum, & concordiae ecclesiasticae apprime studiosorum. (pag. 328.) Erasmus Ep. lib. 25. in ep. ad J. Sadoletum episc. carpentoract. pag. 984. *Constat, nullum esse in divinis voluminibus locum, qui permittit invocare divos, nisi fortassis huc detorquere placet, quod dives in evangelica parabola implorat opem Abrahae. Quamquam autem in re tanta novare quicquam praeter auctoritatem scripturae merito periculosum videri possit, tamen invocationem divorum nusquam improbo, nec improbandam sentio, modo ablit superstitio; quam aliquoties noto, nec id sine causa. Et de Amabili ecclesiae concordia: Religiosi affectus est, credere, sanctos nonnihil apud Deum precibus suis posse. Ac quibus diversa sedit opinio, pura mente, sinceraque fide invocent Patrem, Filium & Spiritum S. nec obturbent odiose iis, qui citra superstitionem implorant divorum suffragia. Superstitio, quam fateor in invocatione & cultu divorum esse plurimam, tollenda est. Pius ac simplex affectus interdum tolerandus est, etiamsi sit cum aliquo conjunctus errore: ut enim nostra vota non sentiant divi, sentit tamen Christus, qui & amat simplices animas, & si minus per sanctos, recte pro sanctis dabit nobis, quae petimus.*

Andr. Fricius, cujus aliquoties nobis mentio supra facta est, lib. 4. de Ecclesia cap. 11. citatis hisce ultimis Erasmi verbis sic loquitur: *Quamobrem*

obrem moderate mihi & scienter Erasmus hanc sententiam sic temperasse videtur: Religiosi affectus est, &c. Et in fine capituli: Cum igitur multi sint ita instituti, ut in causis religiosis acquiescere nulla in re possint, cujus demonstrationem habere non queant ex divinis eloquiis: par fuerit, ut sanctorum in vocatio aut autoritatibus bibliorum confirmanda sit claris & certis: (sed * nullam esse hujus rei necessitatem, saepe nobis dictum est) aut arbitrio cujusque permittenda, nec quisquam ad eam cogendus: sitque de earum quaestionum numero, in quibus cuique sensu suo abundare liceat.

Episcopi Ecclesiae anglicanae in Pia & catholica christiani hominis institutione tempore Henrici II. edita, in explicatione praecepti decalogi tertii: *Caeterum precari sanctos, ut nobiscum apud Deum ac pro nobis intercedant in his, quae a Deo petimus, quaeque a Deo solo nobis conferri expectamus, modo non eos, ut ipsorum donorum & gratiarum datores, sed intercessores tantum veneremur, vetustissimo simul & perpetuo catholicae Ecclesiae usu receptum & approbatum est.*

Pag. 329.)

In libro Caesari tradito a quibusdam viris doctis & bonis ad promovendam conciliationem, &c. Ratisb. an. 1541. (vide apud Goldastum Constitut. imperial. tom. 2.) artic. 19. qui & dogmata quaedam continet, quae Ecclesiae auctoritate declarata & firmata sunt: *Nec damnandum*

li 2

est,

* Nullam esse hujus rei necessitatem] Vide hic p. 300, 305. 323. 326.

est, inqviunt, si quis religiosa quadam pietate, & animi quodam errore, in commemorationem tam intimae nostrae cum sanctis in Christo unionis, eos etiam nominatim appellat: sed extra preces, quae ad altare offeruntur, in quibus ad solum Deum Patrem per Christum dirigenda est oratio, ut habet Concil. carthag. 3. sic tamen ut tota fiducia in solum Jesum Christum omnis boni auctorem reponatur, & nihil, quod Deo proprium est, sanctis tribuatur, tantum vero ut conservi, (qui iam meruerunt fieri supernorum civium consortes) non secus quam qui nobiscum adhuc in carne sunt sancti Dei homines, ad iuvandas nostras preces apud Deum implorentur. De Georgii Cassandri sententia, ex supradictis facile cuius constat. Vide Consultat. art. 21. Defens. libelli de officio pii viri p. 849. & epist. 19. quae est ad Joan. Molinaeum.

De sententia G. Wicelii lege Dissertationem ejusdem super hoc argumento Lipsiae impressam anno 1538. Et Method. concord. c. 14. Quid vero, inquit, consilii dabitur, ut non prorsus sublata intercessionem sanctorum, amicitia inter nos sancta fiat? Ecclesiastici ponant modum dogmati suo, & non faciant articulum symboli ex pia persuasione. Partes non vociferentur impium, quod est probabile, nec obturbent cupientibus suis precibus intercessionem coeli civium accedere. Aequa, ni fallor, haec conditio est, quam si utrique accipiant, atque eam non refugiant, pax est.

Arch.

Archiep. spatat. l. 7. de Rep. eccles. c. 12. n. 20. & aliquot seq. *invocationem humanam, & ut loquitur, civilem angelorum, B virg. Mariae, & sanctorum in caelis beatorum, antiquam Ecclesiam puram adhuc & incorruptam usurpasse, fuisse probat ex Patribus; licet quaedam, quae allegat, testimonia, ex scriptis tantum dubiis, vel supposititiis deprompta sint. Et n. 27. ad ea, quae Protestantes communiter objectant, quod scilicet absque aliqua aut Dei aut Christi injuria non fiat, quod sanctorum animae nostras invocationes non audiant, denique quod nullum sit scripturae mandatum, vel exemplum, aut promissio de invocatione sanctorum, respondet, & n. 28. docet, quo sensu Augustinus de Civ. Dei l. 22. c. 10. negaverit sanctos a nobis invocari.*

Pag. 330.) Et tandem partes ad mutuam tolerantiam sic hortatur: Ne ergo propter hunc invocationis sanctorum ritum schismata fiant. Qui sanctos invocant, caveant, & plebem instruant saepissime, ne adsit periculum indebiti & illiciti sanctorum cultus idololatrici, & bene has invocationes perpurgent, ac sanctorum invocandorum habeatur delectus, cum sola canonizatio papalis non sufficiat: qui vero invocationes hasce abjecerunt, ne illas absolute ut in se malas damnent, si caute fiant, sed ut periculosas omittant, & neutri alteros abjiciant, sed cum charitate tolerant. Sic ille.

J. Barnesius in libro & loco * supra memoratis: *Bonum est, quandoque rogare sanctos, ut Deum*

pro nobis orent ex affectu humanitatis, quo ipsi in nos feruntur. Et ex praxi interpellantium sanctos, non est necesse inferre, eos nos certo audire. Satis est, interpellatores eorum pie id credere, se ab illis audiri. Et theologi docent, ad actum virtutis moralis, qualis est religio, sufficere, pie credere, quod adsit objectum, circa quod versatur, ut ad exercitium eleemosynae, satis est credi, illum esse pauperem, qui stipem mendicatio petit: esto, pauper non sit. Ita ut conversemur cum sancto, sat est, pie credere, cum rerum nostrarum curam gerere. Credulitatis hujus suspensiones non desunt probabiles. Vide reliqua, quae subdit, supra p. 285. 298. & auctorem Examinis pacifici, cap. 1. p. 10. versionis anglicanae, item auctorem libri de Traditionibus catholicis, quae est. 40. ubi invocationem sanctorum nec scripturis repugnare, neque etiam inanem & inutilem esse, licet sancti omnes interpellationes nostras non cognoscant, ex mente orientalis Ecclesiae ostendit; immo ritum hunc ab antiquitate in universali ecclesia receptum esse, affirmat. Vide etiam finem tractatus pag. 233. 234. ubi controversiam hanc, inter orientalem Ecclesiam praesertim & Protestantes, in verbis tantum sitam esse judicat.

CAPUT V.

Variae corruptelae & fædi abusus in doctrina & praxi hodierna Ecclesiae romanae circa invocationem sanctorum monstrantur, & breviter refutantur.

AUdaacter, si non etiam falso, docent multi hodie Romanenses, certum esse, immo de fide, quod *sancti omnes orationes, quas ad illos fundimus, etiam quae solo cordis affectu proferuntur, cognoscant.* Bellarm. de Sanctor. beatit. lib. 1. cap. 20. *Etsi, inquit, dubitatio esse possit, quemadmodum cognoscant absentia, & quae solo cordis affectu interdum proferuntur, tamen certum est, eos cognoscere.* Alexand. Pefantius in prima thes. qvaest. 12. artic. 10. disput. 7. concl. 6. *Notandum, quod est de fide, beatos cognoscere orationes, quas ad illos fundimus: aliae frustra fierent.* Similiter docent & multialii. Vide, quae supra contra hanc sententiam differuimus.

Non solum *ab angelis*, sed etiam *a sanctis regi & gubernari omnes fideles viventes*, male a Bellarmino lib. praedicto cap 18. aliisque plurimis, ut dogma certum, statuitur. Neque loca, quae citantur ex Apoc. 2. & 3. & Matth. 24. necessario aut clare id evincunt. Videantur doctissimi interpretes etiam e Romanensibus in loco. Consulantur etiam Protestantes. Existimarunt

quidem veterum multi, *martyres*, utpotē speciali prae aliis privilegio donatos, *nostros esse praesules*, ut loquitur Ambros. lib. de Viduis, & *speculatores vitae actuumque nostrorum*, sed probabili tantum opinione; certum autem id esse, & de fide, nunquam statuerunt: neque etiam sine expressa revelatione statuere potuerunt.

Male tam solícite & anxie scriptores multi, sed concionatores longe plures in Ecclesia romana, invocationem sanctorum urgent; perinde ac si *hujusmodi invocationis necessitatem* populo maxime persuasam optarent: quam tamen aperte defendere non audent, doctiores saltem & modestiores ex iis. pag. 332.) *Etsi enim bonum sit, quandoque rogare sanctos*, inquit J. Barne-nesius, *ut Deum pro nobis orent ex affectu humanitatis, quo ipsi in nos feruntur*; tamen utilius est Deum religiose orare. *Et de hac re moneri deberet populus, ne plus religionis putent esse in rogandis sanctis quam in orando Deo.* Atque hic citat Chrysostomum, qui homil. de Profectu evang. expresse monet: *Per te ipsum Deum preceris. Neque tam facile Deus annuit, cum alii pro nobis orant, ut cum ipsimet oramus.* Et Theophyl. in cap. 15. Matth. *Licet*, inquit, *sancti orent pro nobis, tamen nos pro nobis ipsis petentes magis audimur.* Jac. Sadoletus, episc. carpentoract. Epist. l. 4. ep. 2. ad Erasmus: *Illud item censuerim, cum jam accepta vulgo quaedam sint, quae suapte natura ita redolent pietatem, ut solum in eis, quod nimium est, subaccusari posse videatur, (cujusmodi est, quorundam,*
san-

sanctorum veneratio, & picturarum crebritas) non esse popularibus studiis obsistendum : non quin multo sit rectius, figere in Christo cogitationum summam; sed neque ista a fide nostra aliena sunt, & non queunt omnes ad sublimiora illa facile ascendere. Haec ille, sanctorum interpellationem non quidem damnans, quam a fide nostra non alienam esse censet, agnoscens tamen ingenue, multo rectius esse, in Christo cogitationum summam figere. Sed nimis molliter alas superstitionis popularis tangit, & tangi vult, cum ait, *populi opinionibus & studiis non esse obsistendum.* Dominicus Sotus de Justitia & jure l. 10. q. 5. p. 993. *Supremus scopus orandi esse debet, cor & mentem, quam maxime fieri queat, deificare. Quocirca si possibile esset, in deitatem ipsam satius semper foret attendere. Quod si vel in alios sanctos, vel in sacram virginem attendatur, non sic debet illic mens gradum figere, ac si ultimus esset scopus: de quo indocta plebs saepissime errat, sed debet id tanquam medium accipi, per quod ad divinitatem, quantum Deus dederit, ascendatur. Quapropter oratio a sanctis sic describitur, quod sit ascensus mentis, non in divas neque in alias supremas substantias, sed in Deum ipsum.* Haec ille. Archiep. spalat. de Rep. eccl. lib 7. cap. 12. n. 28. *Cum necessaria non sit invocatio sanctorum, & tutior ac utilior pro nobis precator sit Christus, tutius & utilius erit, ad ipsum solum confugere.*

J. Hofmeisterus, post multa e Patribus de invoc. sanct. testimonia coacervata, tandem.

concludit illa sententia, (Pag. 333.) quæ extat, in libris de Visitatione infirmorum, qui Augustino adscribuntur, lib. 2. cap. 2. *Tutius & jucundius loquor ad meum Jesum, quam ad aliquem sanctorum spirituum Dei: plus debet mihi Christus, quam alicui cœlestium spirituum.*

Sancti orationis & intercessionis mediatores, nisi in significatione vocis *mediatoris* perquam lata, impropria, & scripturis inusitata, male a quibusdam, immo a plurimis Romanensibus appellantur. Sed multo pejus eorum suffragia & preces hoc animo expetuntur, quasi sint *exorabiliores Deo & Christo*. Sicut enim unus est Deus, ita quoque unus est mediator Dei & hominum, homo C. J. 1. Tim. 2. 5. *Homines omnes christiani*, inquit Augustinus lib. 2. contra Parmenian. cap. 8. *invicem se commendant orationibus suis: pro quo autem nullus interpellat, sed ipse pro omnibus, hic unus verusque mediator est.* Jo. Hesselius in 1. Tim. 2. *Ob eam causam*, inquit, *Christus dicitur mediator Dei & hominum, quia Deum hominibus reconciliat placando eum super peccatis commissis, & impetrando nobis spiritum obedientiae, quo deinceps placeamus Deo.* Itaque ex dictis manifestum est, sanctos homines & angelos non esse mediatores, ut scriptura loquitur, *quia non possunt per se ipsos Deo placere; immo ut impropria locutione mediatores dicantur, non tamen mediatores esse Dei & hominum, sed, sit ita loquendum est, mediatores ad mediatorem.* Quicquid enim aut angelus aut homo sanctus a Deo petit, id petit per Christum mediatorem.

diatorem, neque ipse ad Deum immediate accedit, ut Christus. Claud. Espencaeus in Digressione de Christo mediatore ad 1. Tim. 2. 1. cap. 120. *Non est*, inquit, *quod moderni hinc* (quia scil. sancti pro nobis orant) *tam vulgarem de mediatore existimationem habeant, ut alios mediatores, nisi forte valde late & improprie captos, interponant, cum mediatoris presse proprieque acceptatio non in hoc sita sit, quod pro caeteris oret; numquid enim omnes tibi mediatores, qui pro te orent? ergo universi, quantumlibet peccatores, invicem alii aliis omnes omnibus mediatores sunt: sed in hoc, quod reliquorum omnium preces & merita in eo, ejusque nomine, & per eum Deo placent & accepta sunt, Joh. 14. 16.* Pag. 334.) Jo. Barneſius: *Sancti non sunt mediatores nostri apud Deum, qui interveniunt inter Deum & nos: sed potius sunt praeclara Christi membra, quae dignantur esse nobiscum collaterales comprecatores, qui se nobiscum facto agmine prosternunt coram agno, mediatore Christo, ut Deus per ipsum velit nobis esse propitius. Quod mediatores eos interdum appellant Patrum aliqui, ut objicit Bellarm. l. cit. cap. 20. cum aliis multis Romanensibus, nominatim Bernardus, quem ultimum Patrum recte cum N. Fabro appellaveris, ut supra dictum, id non nisi improprie & catachrestice faciunt. Quomodo autem majore studio, & pleniore fiducia plerique virginis matris & aliorum sanctorum, quos sibi patronos & advocatos delegerunt, nonnunquam etiam obscurorum & incertorum, quam ipsius*

ipsius Christi patrocinio & intercessioni se commendarint, *ac proprios Christi*, tanquam jam advocati & intercessoris officio defuncti, *titulos ad matrem, tanquam potiore, vel certe leniorem & mitiorem*, transtulerint; neque id a vulgo tantum imperito factitatum, sed etiam doctorum theol. scriptis & concionibus comprobatum, vide Cassandr. in Defens. libelli de officio pii viri p. 849. 850. & in Consult. art. de Meritis & intercessione sanctorum, aliosque permultos. Inepte a Bellarm. de Bonis operibus in partic. lib. 1. cap. 15. singulae partes antiphonae illius, quae incipit, * *Salve Regina*, in B Mariam rectissime convenire asseruntur, & scripturae manifestissime eo detorquentur ab illo.

Quod Ecclesia romana in solennibus quoque precibus ad Deum Patrem, *non tantum sanctorum intercessione, sed etiam meritis per Christum* juvari postulat, & quidem more vetustissimo, (nisi sancti suis meritis, i. e. ex condignitate suorum operum, quae ex justo & aequali valore ac pretio, pondere ac mensura, praemio vitae aeternae respondet, ut quidam Romanensium, praesertim Jesuitae, hodie docent, quae postulamus, nobis obtinere intelligantur) errore & culpa omni vacare, ingenue confitentur doctissimi quidam Protestantes. M. Bucerus in disputatis Ratisbonae anno 1546. p. 596. *Cum in his precationibus* (intelligit publicas Ecclesiae preces, quas

* *Salve Regina*] Vide Wiccl. in Elencho abus. p. 24. edit. couringianae,

quas collectas vocant) quicquid divorum tribuitur intercessionibus, vel meritis, id totum non ab ipsis divis, sed a misericordia Dei, & per D. N. J. Christum petitur, eo ipso, qui sic orant, confitentur & testantur, se ea, (pag. 335.) quae a Deo per sanctorum intercessionem & merita orant, agnoscere esse gratuita Dei dona, ne ipsis quidem divis, per quorum merita illi orant, debita, & Deum divos suos glorificare, ut propter ipsos etiam hominibus beneficiat. Nam & nos istud libenter agnoscimus atque praedicamus, Deum sanctorum suorum bona opera remunerari, non tantum in ipsis, verum etiam in iis, qui ad illos pertinent, & pro quibus intercedunt ipsi: promisit enim se diligentibus, & in suis praeceptis ambulantibus benefacturum in mille generationes. Hinc domum Abimelechi regis, non nisi Abraham intercedente, sanare voluit, & Moisi donavit salutem totius populi, cum pro eo intercederet, ac D. Paulo animas omnium cum ipso navigantium. num. 176. Haec ille. Idem contra abrincentem, sanctis seu divis, ut ipse appellat, caelestibus tribuit nostri summam charitatem, nostraeque salutis voluntatem, Deo quoque illos tanti esse, ut propter eos nobis plurima largiatur. Ibidem: Sicut fidem ipsam, inquit, bonorum operum ac meritorum fontem, donum Dei gratuitum agnoscimus, sic & ipsa opera & merita, Dei gratuita munera confitemur, quae ex se nihil, ex dignitate autem Dei meritoque Christi, id sive nobis, sive aliis merentur, quod illis Deus ex ultronea sua benevolentia rependere statuit. Ibidem: Fatemur, eam esse communio-

munitionem Ecclesiae, ac mutuam Spiritus sancti totius divinae beneficentiae subministrationem, ut alii aliorum gratia, ingentia a Deo beneficia, tum interna tum externa, percipiant. Verbis illis Bucerī primo citatis R. Fieldus in Appendice libri tertii de Ecclesia pag. 224. neminem Protestantium contradicere asserit. Videatur quoque Cassander in Consult. artic. de Meritis & intercessionē sanctor. p. 971. & epist. 34. ad Renierum Solinandum pag. 1127. & 1128.

Perperam non tantum intercessionem, sed ipsa cœlestia, non terrena duntaxat, bona a sanctis petunt & expectant: & quum Ecclesia universa, ut inquit Bellarminus lib. 1. de Bonis operib. inarticul. c. 15. in hymno ad virginem dicit,

Pag. 336.)

*Maria, mater gratiae,
Mater misericordiae,
Tu nos ab hoste protege,
Et hora mortis suscipe.*

Et in hymno Apostolorum:

*Quorum praecepto subditur
Salus, & languor omnium,
Sanate aegros moribus,
Nos reddentes virtutibus.*

ægre Bellarminus haec & id genus alia excusans, inquit: *Notandum est, cum dicimus, non debere peti a sanctis, nisi ut orent pro nobis, nos non agere de verbis, sed de sensu verborum: nam quantum ad verba, licet dicere, S. Petre, miserere mei, salva me, aperi mihi aditum cœli, item, da mihi sa-*

hi sa-

hi sanitatem corporis, da patientiam, da mihi fortitudinem, &c. *dummodo intelligamus*, salva me, & miserere mei orando pro me, da mihi hoc & illud *tuis precibus & meritis*. lib. 1. de Sanct. be- at. c. 17. Affirmat quidem ille sic loqui Grego- rium nazianzenum orat. in Cyprianum, & in Ba- silium, & alios multos veterum. Sed *quis in dictis illis*, suscipe, dirige, pascere, ostende, abige, & si qua id *genus alia sunt*, durissimam ἀκροπο- λιν & catachresin non inesse videt, ut recte ait Georg. Wicelius commentariolo de Intercessi- one divorum, & quidem non in privatis, ne- dum in publicis ecclesiae orationibus ad imita- tionem trahendam?

Verissime & certissima ex scientia Archiep. spalat. * l. supra cit. n. 28. *Plebem rudiores*, inquit, religiose sanctos invocare, & magis plurimos interne religioso affectu erga B. virginem aut aliquem sanctum affici, quam erga Christum, non est dubium. Neque enim invocant sanctum, tanquam precatorem, sed tanquam principalem adiutorem. Neque dicunt, ora, sed, adjuva, occurre, salva. Neque aut expri- munt, aut mente intelligunt, ut haec fiant orando, sed ut ipsi sancti seipsis immediate haec faciant, eosque rogando plurimi virgini Mariae & sanctis se totos, totam animam, totum spiritum, & in spirituali- bus penitus subjiciunt; quae est idololatria quae- dam formata.

Wicelius, l. c. In periculis, inquit, invocare sanctos, (Pag. 337.) inventum est superstitiosorum,

aut

* L. supra cit.] Pag. 332

aut certe incantorum, quorum gratia *Meschichim* seu Christiani nos apud Judaeos male audiamus. Vereor, ne tale cedat in opprobrium neglecti Dei, qui adjutor est in tribulatione, ut dicitur: Invoca me in die tribulationis tuae, unus servator tam corporis quam animae existens, utpote qui unus utrumque concedit, quique unus utrumque sospitare potest. Vtinam vulgus fidelium errore liberaretur, quo hactenus praesidio sanctorum plus fisis est, quam Dei sui. Vide prolixam hujus sententiae defensionem in lib. 4. Ep. Wicelii, cujus summam Balthasar Lydius studiose in Notis in Disput. taborit. pag. 125. collegit. Lege etiam multa in hanc sententiam (*divos non invocandos, ut salvent, sed ut pro nobis intercedant, implorandos*) in Postill. Wicelii super evang. dom. 5. post natalem Christi, pag. 154. Non haec dicimus, inquit sub finem, quod litaniam eccles. velimus correctam aut abolitam. Aliud est, sanctos auxiliores invocare, & aliud, ad intercedendum pro nobis ad Deum implorare. Sacrosancta est litania, quae dicit, Salvator mundi, adjuva nos, salva nos; item, S. Maria, ora pro nobis; Sancta Dei genetrix, ora pro nobis. Nusquam audis Ecclesiae cantum alium. Quae unquam Eccl. cecinit, Salvator mundi, ora pro nobis? aut, S. Petre, adjuva nos? Quam velim, eos qui sese Ecclesiam esse volunt & contendunt, mentem Ecclesiae rite perspicere, & satis perspectam, tandem strenue etiam mordicus asserere! Quod nisi fecerint, & schismatum & superstitionum materiam dabunt, de utroque errore Domino aliquando poenas daturi. Haec ille, Th.

Thomas aquinas in 2. 2. qvaest. 83. artic. 4. diserte docet, *nos non porrigere sanctis preces nostras, quasi per ipsos implendas, (soli enim, inquit, Dei est, gratiam & gloriam dare. Psal. 83. vel 84. v. 12.) sed quasi per ipsos sua intercessione impetrandas.* Et Bellarm. ipse cap. illo 17. propositione prima idem docet & valide probat, licet male sibi conscius, & gnarus, plura a multis doctoribus rom. eccl. Sanctis adscribi, cautelam illam, *Notandum tamen est*, de qua dictum p. 336. praecedente, postea subjiciat. Similiter & card. Perronius in Replic. orationem ad sanctos, *tantum ut pro nobis orent*, (*pour prier pour nous*) adstruit. Vide etiam Resp. episc. winton. pag. 57. & seq. pag. 338.) Hosii Confess. cathol. fidei cap. 58. Enchirid. colon. p. 254. & Estium in Ephes. 3. 12.

Certe vix gravius a Collyridianis, Epiphani seculo, in provocatione & cultu B. virginis peccatum fuit, quam hodie non tantum a rudī plebe, sed etiam a plerisque rom. Ecclesiae doctoribus peccatur. Qua de re supra nonnihil a nobis dictum est. Audi nunc paucis alia nonnulla. In nonnullis eccl. canitur: *Ora matrem, & jube filio, &c.* item: *O felix puerpera, nostra piens scelera, jure matris impera redemptori.* Hoc negat Bellarm. lib. 1. cap. 16. negat & Hayus Disput. lib. 2. cap. 6. contrarium affirmante, Cassandro in Consult. loco supra citato; sed habet tamen Missale inviolatae reformationis Fontisebrandi, concordī omnium conventuum

consensu Parisiis tersum & emaculatum anno 1534. in prosa, cujus initium, *Mariae praeconio serviat*, fol. 41. In aliis etiam de B. Maria prosis multa impia legere est. Deinde defendit Bellarm. sed timide, inqviens: *Praeterea si Jos. 19. dicitur*, Obediente Deo voci hominis, *cur non posset aliquo modo dici*, filium Dei obedire matri aliquid petenti? Sed impudentius id facit P. Cotton. Vide Chamier. l. 20. de Cultu creaturarum, cap. 1. Erasmi. contra Bedam p. 500. & 515 Bedam p. 250. & Erasmi. rursus pag. 955. 956. B. Virginis Psalterium, Bonaventurae vulgo adscriptum, de quo Vide Cassand. l. c. & quod, inquit Wicel. in Via regia, *excogitavit & evulgavit in angeli figura ipse diabolus, altum domientibus Episcopis, & negligentibus Praeclatis*, cardin. Bellarminum haud ita pridem defendere non puduit in Apolog. contra M. Brit. Regem. Vide Resp. Is. Casaub. in epist. ad card. Perronium pag. 928. nec non P. Molinaei Resp. ad C. Perron. lib. 7. cap. 14. pag. 47. 48. Quae ex Gabr. Bielis in Can. missae lect. 80. ex Barradio jesuita in Concordiam evang. tom. 1. l. 6. c. 11. atque aliis etiam permultis citari possent, cum apertae non superstitionis tantum, sed etiam impietatis plena sint, prudens omitto. * Clarus Bonarscius i.e. per anagram. Carolus Scribanus, jesuita, auctor *Amphitheatri honoris*, vel horroris potius, ut jure appellandum esse censet Is. Casaub. in epist. ad Front. Ducaeum pag. 716. &c. quem
librum

* Clarus Bonarscius.] Vide Flacc. de Pseudon. p. 166,

librum socii , tanquam exquisitae eruditionis plenum laudant, lib. 3. p. 356. ad Divam hallensem & puerum Jesum hoc impium scribit carmen :

Haereo lac inter, meditans, interque cruorem,

Inter delicias uberis & lateris;

Et dico, si forte oculos supra ubera tendo:

Diva parens, mammae gaudia posco tuae.

Sed dico, si deinde oculos in vulnera verto:

O Jesu, lateris gaudia malotui.

Remscio. Prensabo, si fac erit, ubera dextra,

Laeva prensabo vulnera, si dabitur.

Lac matris miscere volo cum sanguine nati;

Non possum antidoto nobiliore frui.

Pag. 339.) Judicium D. Leidhresseri, viri doctissimi & moderatissimi, in dissertatione sua politica super doctrinae capitibus inter Academiam parisiensem & Soc. J. Patres controversis, excusa Francof. an. 1613. l. 2. c. 3. p. 95. de hoc Car. Scribani, qui inter alia multa a se edita, etiam de Cultu & invocatione sanctorum librum emisit, scripto, mihi non probari non potest : Certe, inquit, de Amphitheatro honoris quum loquuntur aut scribunt (Jesuitae,) tanquam de opere omni eloquentia & eruditione exculto, quam ipsi sint istarum rerum periti, satis ostendunt. Quid enim, quaeso, post literas natas visum est spurcius, turpius, ineptius? Et tamen illius operis autor, tanquam is in rep. literaria censuram, vel potius dictaturam obtineat, de praestantissimis & consummatissimis quibunque hominibus audet sententiam ferre. O stupendam perditissimam

mi nebulonis audaciam! O vesanam eorum vecordiam, qui se huic homini, a quo eorum societas tam erudito volumine. defensa est, plurimum se debere profitentur!

Ex pictura etiam in sylvaducensi templo (referente G. J. Vossio in disp. theolog. 3. de Invocatione sanct. thesi 21.) ab episcopo Masio constituta, apparet, quomodo se dubitare profiteantur, utrum ad ubera virginis Mariae, an ad sanguinem Christi sit recurrendum. Lipsii delirantis ineptias in Hallensi sua diva, ut & in altera Aspricoll. *ad quam, inquit, non solum viri magni & religionis nostrae antistites, sed ipse meus animus, vocarunt, haud moror.* Videtis G. Thomsonum lib. 2. adversus J. Lipsii Pseudoparthenon aspricoll. Card. Bellarminus hac solemni doxologia libros suos omnes de controversiis concludit: *Laus Deo, virginique matri Mariae. Et Laus Deo, virginique matri Mariae, Deo item F. C. aeterno filio laus & gloria, legitur in fine contr. de Cultu sanct. Lugduni editarum an. 1596. Pag. 340.) Ita & Gregor. de Valentia: Laus Deo, opt. max. & virgini matri sanctissimae: Deo item Jesu Christo Domino nostro sacerdoti, & sacrificio propitiatorio in aeternum honor & gloria. In fine libror. de Missae sacrif. tom. Controv. p. 839.*

Superstitione crassa & detestabili officia inter Sanctos & orationes sunt distributae. Frustra molitur hujus superstitionis ulcus tegere Bellarm. cap. 20. cum aliis multis Romanensibus. *Superstitionem interpretor, inquit Erasmus in epist. supra*

supra citata ad Jac. Sadoletum, quum omnia petuntur a divinis, quasi Christus sit mortuus; aut quum hoc anima divorum opem imploramus, quasi sint exorabiliore Deo; aut quum a singulis peculiaria quaedam petimus, quasi hoc possit praestare Catharina, quod non potest Barbara; aut quum illos inclamamus, non ut intercessores, sed ut autores eorum bonorum, quae nobis largitur Deus. Haec admonere, non arbitror tibi implum videri, ne supervacaneum quidem, sat scio, si prodigiosam nostratum hac in re superstitionem cognoscas. Irrepsit, fatemur, inquit autor Enchiridii colon. in explicat. decalogi pag. 254. pastorum dormitantium incuria, error in Ecclesiam, quo vulgus verae pietatis non satis intelligens, singulorum morborum curam singulis sanctis assignavit. Hic itaque vigilandum est parochis, ut plebem a superstitione contineant, & ad pietatem revocent. Quod fecerint, si populum docuerint, ut Deo, tanquam omnis boni ac salutis tam spiritualis quam corporalis auctori, suas preces offerat, sanctis vero non aliter, quam intercessoribus, conjecta interim omni cura in solum Deum. Multi Christiani, inquit Ludov. Vives in Notis in Augustin. de Civit. Dei lib. 8. cap. ult. in re bona plerumque peccant, quod divos divasque non aliter venerantur, quam Deum. Nec video in multis, quod sit inter illorum opinionem de sanctis, & id, quod Gentiles putabant de diis suis, discrimen. Haec verba, ex censura Facultatis theolog. Iovan. omissa sunt in editione Augustini de C. D. parisi. A. 1613.

Multi etiam Sancti obscuro, immo & quidam

dam incerti (quorum historias apocryphas & incertas esse ipsimet Romanenses, ut Bellarm. Serar. aliique non diffitentur, sed eos in rerum natura extitisse, aliquando rigidiores Protestantes, nimis forte audacter, inficiantur) in ecclesia romana invocari solent. (pag.341.) Ex horum numero sunt *Georgius*, *Christophorus*, *Catharina*. Assertionem historiae S. Georgii cappadocis contra objectamenta Jo. Rainoldi aliorumque edidit anno 1631. Petrus Heylinus, angulus, quem consule, si libet. Sed de S. Georgio, caeterisque, de quibus dubitatur, adis Serarium de Litan. aliosque nonnullos.

Alios abusus & superstitiones Romanensium in invocatione sanctorum tangere, non patitur brevitatis nobis proposita. Sed, ut diatribam hanc tandem concludamus; Deus solus religiose adoretur, solus oretur per Christum, mediatorem inter Deum atque homines vere & proprie loquendo unicum & solum. Vetusissima consuetudo, in universali Ecclesia tam graeca quam latina recepta, angelos & sanctos, adeum, quem diximus, modum interpellandi, *ne ut impia, neque etiam ut vana & stulta a rigidioribus Protestantibus damnetur aut rejiciatur: fœdi autem abusus & superstitiones, quae irreperunt, tollantur;* atque sic pax in posterum, quoad hanc controversiam, inter partes facile conciliari & sanciri poterit. Quam concedere dignetur

tur Deus pacis & omnis concordiae piae, propter filium suum unigenitum.

Soli Deo gloria.



Pag. 343.

Consideratio

hodiernae controversiae

de

Christo mediatore & ejus merito,
a cardinale Bellarmino lib. V. de Christo
pertractatae.

CAP. I.

*Qua differitur, secundum quam naturam
Christus sit mediator.*



*Christum, qua Deus erat, etiam ante-
quam incarnaretur, inter Patrem &
angelos, atque etiam homines, in
statu innocentiae constitutos, me-
diatoris officio functum, perperam
arbitrantur multi rigidorum Protestantium, ut
Calvinus in epistolis suis ad Polonos, quarum
alteram omnium Ministrorum Ecclesiae gene-*

venfis nomine contra Stancarum scripsit, epist. 352. Pag. 344.) & Ministri rhaeticar. ecclesiar. in disputatione tiranensi contra Pontificios, anno 1595. & 1596. super hac ipsa controversia habita, parte 1. p. 27. & parte 3. p. 159. & aliquot seq. (de hac disputatione, ut obiter te hoc moneam, lector benevole, vide Thuani Histor. lib. 114. p. 597.) aliique non pauci. *Propter Christi incarnationem* quidem, & *merita ejus praevisa*, non solum primo homini, sed etiam angelis omnem gratiam collatam, post Rupertum lib. 13. in Matth. & lib. 3. de Processione Spir. sancti cap. 20. senserunt aliquot antiquiores Scholastici, & quidam recentiores, plerisque tamen aliis theologis romanens. dissentientibus, (vide inter alios Vasquez. in 3. D. Thomae, tom. 1. disp. 10. cap. 4. & L. Lessium in disputat. de Praedestinatione Christi, Lege etiam inter Protestantes, Armin. in Collocatione cum Fr. Junio p. 143-144.) *sed mediatoris etiam officio functum*, quatenus Deum, non nisi periculosissime dici potest, ut mox dicemus.

Christum etiam sub vet. testamento, quando nondum carnem assumpserat, sed Deus solum erat, in quibusdam jam actu mediatoris munus obivisse, falso dicitur. Labet hic apponere verba nuper scriptoris Andr. Riveti, qui in comment. in cap. 12. Hoseae, hanc quaestionem pertractans p. 37. sic scribit: *Et sane de quibusdam actionibus, immo de omnibus, quae proprie ad redemptionem pertinent, & munus sacerdotale, non contendimus; quia certum est, talem obedientiam non potuisse actu*

actu praestari, * nisi in humana natura actu existente, & per eandem. *Quod si reconciliator dictus fuerit Christus, filius Dei, & pro redemptore & propitiatore habitus a fidelibus, ante adventum suum, quod certe necessarium fuit, id intelligi non potuit, nisi respectu humanitatis suo tempore assumendae, per Deum ante omnem aeternitatem (dicendum fuit, ab omni aeternitate) destinatae ad id, &c. Sed praeter illam rationem, qua filius Dei mediator dici potuit & redemptor, non quod tunc aliquem hujus officii actum exercuerit extra carnem, dicimus etiam, eum ante incarnationem potuisse aliquos mediatoris actus exercere, quibus caro assumpta non fuit actu necessaria; & si quae tunc fecit mediatorio nomine, ea non fuisse sine aliqua relatione ad futuram incarnationem, cujus communicatio illa cum hominibus per oeconomiam in persona sua, fuit velut praevium quid, & indicium certum, &c. Et paulo post: Filius Dei fuit semper mediator omnis doctrinae caelestis, quatenus per ipsum Deus se hominibus patefecit. Pag. 345.) Praeterea si aliqua ratione Christus fuit mediator ante assumptam carnem, sequitur, esse etiam mediatorem secundum divinam naturam; ergo etiam, quia Deus, fuit & est mediator. Sic ille. Sed falsae huc sententiae libet opponere verba, Johannis Piscatoris, scriptoris alioqui rigidissimi, sed in hac causa multo multis aliis Protestantibus sanioris. In Responsione ad Amicam du-*

K k 5

plica.

* Nisi in humana natura.] Idem affirmat idemmet Rivetus in Pl. 110, p. 157.

plicationem Vorstii parte 3. p. 19. haec ille contra Vorstium scribit : *Quod ad officia Christi attinet, certum est, nullum officium, quatenus officii rationem habet, ad naturam ejus divinam pertinere. Quia officium est opus, alicui a superiore mandatum atque praescriptum, ad efficiendum. At naturae divinae seu Deo, quatenus est Deus, nihil mandari a quoquam potest : quippe quum non habeat aliquem superiorem. Est igitur a maiestate Dei alienum, ut officium ei aliquod adscribatur. Interim certum est hoc est, Christum officiiis quibusdam suis (puta sacerdotali & regio) fungi non potuisse, neque adhuc posse, nisi non tantum homo, sed etiam Deus esset. Ad propheticum vero ejus officium quod attinet, potuisset illo fungi, etiam si nudus homo fuisset, quales fuerunt reliqui prophetae. Itaque tu hic erras, quum dicis, munus propheticum ad Christum totum, h. e. secundum utramque naturam, pertinere. Item, quum dicis, omnia mediatoris officia sic comparata esse, ut ad legitimam ipsorum executionem nullum aliud suppositum, seu principium agens, quam tota Christi persona, quantum quantum est, vel aptum, vel sufficiens, vel dignum sit. Hoc enim de sacerdotali tantum & regio Christi officio verum est, de prophetico non item. Et p. 20. Etsi Christus, quum loqueretur, ut minister circumcisionis, non nudus homo, sed Deus simul & homo erat; tamen tum loquebatur ut nudus homo, non autem ut Deus, quia loquebatur ut propheta; prophetico autem munere fungi, a Deo, qua De-*
us,

us, alienum est. Et p. 81. *Christus tum* (in vet. test. scilicet) *non est functus officio ullo mediatoris: quippe ad quae peragenda requirebatur, ut non solum Deus, sed etiam homo esset. Esi autem officia illa in novo demum test. peregit; tamen ut Deus etiam electos vet. test. & illuminavit & servavit.* Et ad locum 1. Pet. 3. 19. a Vorstio objectum sic respondet ibidem: Pag. 346.) *Quod 1. Pet. 3. 19. Christus dicitur praedicasse spiritibus, id non est intelligendum tanquam proprie dictum, de officio scilicet ejus prophetico: ad quod requirebatur, ut praedicaret in assumpta natura humana, & per illam, ore scilicet suo evangelium annuntians; sed intelligendum illud est per metonymiam subjecti, de praedicatione per Noachum facta, quippe quem potentia sua divina ad haec excitavit.* Et p. 89. *Dicis, regenerationem esse proprie officium mediatoris. At Deus electos regeneravit in vet. test. antequam Christus in mundum per incarnationem venisset, & officio mediatoris fungeretur.*

Verum quidem est, Gal. 3. 19. ubi dicit Paulus, *legem ordinatam per angelos in manu mediatoris, per mediatorem* plerosque tam Grecos quam Latinos, (ut recte annotat Eslus in locum) intelligere Christum, ut sensus sit: legem israelitico populo traditam fuisse per manum, i.e. virtutem, potestatem, & directionem mediatoris Christi, populum illum in suum adventum hoc modo praeparantis. Sed loquuntur Patres illi (ut respondet Bellarm. de Christo mediatore lib. 5. cap. 8.) de mediatore materialiter, non forma-

formaliter: non enim dicunt, Christum fuisse mediatorem, aut meditatoris proprie loquendo munus in lege Hebraeis danda obiisse, sed dicunt, Christum mediatorem, i. e. illam personam, quæ postea futura erat mediatrix, atque etiam erat, licet non actu, tamen in decreto & destinatione Dei, esse verum Deum, & auctorem legis. Diserte enim Chrysostomus & Theophylactus hic dicunt, *legem tulisse Christum*, ut ita in arbitrio ejus sit, eam rursus tollere, quippe qui dominus ejus sit. Vnde clarissime sequitur, eum non ut mediatorem, sed ut auctorem primum id fecisse. Nec enim mediator est auctor, nec legem abrogare potest, qui non est auctor, ut recte affirmat Bellarminus.

Veterum tamen nonnulli alii (ut ingenue confitetur Chamierus de Vno mediatore lib. 8. cap. 6. n. 5.) per *mediatorem* hoc loco Moysen intelligunt, non Christum; ut Epiphanius contra Manichæos, Theodoretus, Gennadius, apud Oecumenium, &c. Inter Romanenses, ut alios mittam, Cornel. a Lapide & Gul. Estius in comment. loci. Verba Estii, quia efficaciora sunt, hic tibi exhibeo: *Alii, inquit, mediatorem hoc loco Moysen intelligunt. Qui sane intellectus multis modis fit probabilis:* Pag. 347.) *primum, quia Christus non vet. test. sed novi mediator est; quomodo eum aperte nuncupat apostolus Heb. 8. & 12. Quo præterea faciunt, quæ ibidem, nec non ejusdem epist. cap. 2. & 9. de differentia Christi & Moysis quo-*
ad

ad utriusque ministerium, differuntur. Quam & Joannes brevi sententia aperuit, cap. 1. 17. dicens: Lex per Moysen data est, gratia & veritas per Jesum Christum facta est. Adde, quod Moyses ipse lequestrum & medium, quoad legislationem, inter Dominum & filios Israël se vocat, ac multis deinde verbis declarat Dent. 5. Ad quem locum, hic Paulum respexisse, valde verisimile est. Quamvis autem per manum in scripturis metaphorice potentia significari soleat; quoties tamen aliquid a Deo factum dicitur in manu cujuspiam, non potentia, sed ministerium aut instrumentum intelligitur, ut cum factum dicitur verbum Domini in manu Aggaei aut Malachiae prophetae. Atqui legem ministerio Moysis latam a Deo fuisse, planum est; idque hac ipsa phrasi, in manu Moysis, multis locis scriptura significat, ut Levit. 10. 11. & 26. 46. Jos. 21. 2. 8. & 22. 9. vel 12. 2. Paral. 33. 9. At ministerio Christi datam aut latam fuisse eam legem, nec dicitur usquam, nec sine errore dici potest. Haec omnia ille, E. Protestantibus Th. Beza prolixa annotatione hanc sententiam defendit contra Joh. Calvinum, qui alterum intellectum sequutus est, interpretationem. Bezae judicium Piscator etiam approbat. Alios commemorare nihil necesse est.

Nulla igitur mediatoris officio Christus ante incarnationem functus est. Quamvis enim concederetur, Deum patrem nihil, nisi per Verbum, ecclesiae suae patefecisse; Christum tamen, quia Deus est, idcirco propheticum munus
(quo

(qvo non summa aliqua & ἀντοκρατορικὴ potestas significatur, sed opera tantum ac ministerium) obiisse, non sine errore dici potest. *Christus autem ante suam incarnationem sacerdos esse non potuit*, quia, ut alia omittam, sacerdotii functio est hominum propria: ideo Christus, ut esset sacerdos, ex hominibus fuit assumptus, ut recte differit ex apostolo A. Rivetus in psal. 110. p. 457. Ecclesiam etiam pari, immo eadem cum Patre & Spiritu sancto potestate rexit & gubernavit, summa scilicet, non subordinata; qualis est mediatoria. Pag. 348.) Ad quaestionem autem illam, de qua hodie inter partes tantopere contenditur, *An scil. Christus post incarnationem suam mediator fuerit, ut Deus, an vero ut homo, vel certe conjunctim, ut Deus & homo?* piis omnibus, & pacis ecclesiae amantibus sufficiat responsio illa Gregorii de Valentia tom. 4. comment. in Summam D. Thomae p. 381. *Si quaestio sit, per quid Christus proxime & immediate tanquam per formam & principium operandi, obierit officium mediatoris? dicendum est, illum mediatorem fuisse tantum, ut hominem. Quod etiam asseruit D. Thom. 3p. q. 26. artic. 2. Si vero communius quaeritur, per quid omnino mediator fuerit, sive tanquam per id, qvo proxime exercuerit id officium, sive tanquam per id certe, a qvo, tanquam a supposito, valorem acceperit ejus muneris functio? ex communi & orthodoxa sententia Patrum responderi debet, mediatorem Christum fuisse, non tantum ut hominem, neque tantum ut Deum, sed conjunctim ut Deum & hominem.* Et paulo post: *Nam primo,*

primo, secundum utramque naturam, licet alia & alia ratione, omnino est operatus reconciliationem nostram cum Deo. Deinde secundum utramque naturam conjunctim, ab utroque etiam extremo per se considerato differt. Ita nihil ad rationem mediatoris eo modo deest. Haec ille.

Nec alia est Bellarmini sententia, quando ait lib. cit. c. i. ipsum quidem mediatorem, sive (ut theologi loquuntur) principium, quod operabatur opera mediatoris, non fuisse Deum solum, vel hominem solum, sed utrumque simul, h. e. Verbum incarnatum, sive Deum humanatum. Et cap. 2. non potuisse Christum esse efficacem mediatorem, nisi esset divina persona, quae officium mediatoris exerceret, ac proinde opera Christi mediatoris infinitae fuisse dignitatis, quia non fuerunt opera suppositi humani, sed divini. Principium tamen, quo illa opera a mediatore fiebant, fuisse naturam humanam, non divinam. Fallitur igitur A. Rivetus, quando in comment. cap. 12. Hof. p. 378. affirmat, Gregorium de Valentia paucis illis praeallegatis totam Bellarmini disputationem de mediatore refellere. Et Summae controvers. tract. 2. qv. 50. p. 675. contra doctissimum Chamierum, qui sententiam Gregorii de Valentia cum ea, quae est Bellarmini & Vasquesii confundit, discrepare tamen ab ea contendit. Cornel. a Lapide in cap. 3. ad Gal. 5. 19. Christus quia Deus tantum, (Pag. 349.) sicut & quia homo tantum, pars est, & alterum extremorum; ergo, ut sic, mediator non est, sed ut est Deus homo. Ut enim est Deus homo, sic utramque partem & ex-

& extremum, scilicet tam Deum, quam hominem, in se quasi medio junxit & univit, atque quæ Deus, mediatoris auctoritatem & dignitatem: quæ homo, mediatoris opera, passiones, & merita exercuit.

Estque hæc communis Romanensium sententia. Et sufficere visa est ad pacem & concordiam conciliandam Hier. Zanchio. Nam Epist. lib. 10. epist. ad Fratres per Poloniam: *De mediatore*, inquit, *quæ nobis videatur posse illis* (ministris scilicet Ecclesiarum polonicarum, inter quos per Fr. Stancatum gravis tum temporis super hac re excitata fuit contentio) *forma proponi, quæ & ad pacificationem faciat, & veritatem integram puramque retineat atque conservet, paucis accipite. Cum fateantur, eum, qui debebat esse mediator, oportuisse Deum esse & hominem; fateantur ergo, ad officium mediatoris perficiendum, utramque naturam, divinam simul & humanam, fuisse necessariam: humanam, ut haberet mediator, quod offerret; divinam, ut ejus virtute efficax ad redemptionem fieret sacrificium, ac proinde Christum secundum utramque naturam fuisse mediatorem; & sacrificium quidem fuisse ab humanitate, vim vero sacrificii a deitate. Et certe optima & necessaria est hæc illatio. Non potuit perfectus esse mediator inter Deum & homines, nisi qui verus Deus esset, & homo. Ergo ad perficiendum verum mediatoris officium, non minus divina quam humana natura fuit ei pernecessaria; & ea re, neutra fuit aut esse potest in eo otiosa & vacua a mediatoris officio. Quare si Christus officium*
mediat-

mediatoris perfecit, non hoc perfecit, quatenus homo tantum, sed etiam quatenus Deus est. Admittant igitur hanc consequentiam, quae necessario consequitur ex assumpto. Et facta fuerit christiana pax atque concordia. Videtur nobis haec componendi ratio non posse merito nec debere ab illis fratribus rejici, quod & certissima sit & plana, & ad concordiam faciat, & illorum etiam existimationem conservet. Sic enim poterunt semper suam explicare sententiam, nimirum se, cum dixerunt, Christum esse mediatorem secundum humanam naturam tantum, ipsum etiam tantum externum mediatoris spectasse officium, quod quidem officium est cumprimis pati & mori: Pag. 350) id quod certe Christo minime convenit, nisi quatenus homo est: est enim passus carne, ut ait Petrus; caeterum se nunquam inficiatos fuisse, vim & efficaciam sacrificii Christi ab ipsius deitate & spiritu in carnem derivatam fuisse. Haec omnia vir doctissimus suo & collegarum nomine scripsit. Quin immo A. Rivetus in Summa controvers. p. 673. Cum hoc tempore, inquit, qui inter Pontificios causam illam agunt, admittant, unionem hypostaticam fuisse ad mediatorem necessariam, & ex ea pendere totam dignitatem & efficaciam eorum, quae Christus in humana natura pro nostra salute peregit, minor erit difficultas, & fortasse potius de verbis, quam de re ipsa controversia. Neuter tamen alias sibi hac in re satis constat, ut mox demonstrabimus. Vide Zanchium in epist. ad Wilh.*

LI

Stucki-

* Petrus] 1. ep. 3. 18.

Stuckium, & Rivetum, in locis infra citandis. In generali etiam Synodo sendomiriensi anno 1570. consensus Ecclesiarum reformatarum majoris & minoris Poloniae cum quibusdam fratribus ministris, qui sequebantur dogma de mediatore controversum, in hunc modum factus est, ut legere est in Harmon. confess. *Quidam pii fratres, qui inter nos controversam de mediatore sententiam modeste & pietatis regula observata componi cupiebant, & Ecclesiae communionem desiderabant, hanc proposuerant Ecclesiae formulam sapiendae hujus controversiae gratia: Credimus, mediatorem Dei & hominum esse Christum Jesum, ita ut mediationis in humana natura peractae vim totam ac efficiaciam, a divinitate ejusdem Filii incarnati, Patris non incarnati, Spiritus sancti non incarnati processisse non negemus, sed constanter asseveremus. Quam quidem confessionem illorum, Synodus generalis orthodoxe intellexit, recepit, & approbavit, hosque Fratres in numerum membrorum Ecclesiae suae suscepit.* Vide etiam hic J.A.Thuanum Hist. lib.47. p.636. qui rem eodem refert modo.

Sed plerique rigidiorum Protestantium hac explicatione non contenti, contendunt, *Christum ut mediatorem, non tantum fecisse humanas operationes, quibus vis & effacia a Christi divinitate processit, sed etiam operationes divinas; divinas, inquam, non tantum ratione principii quod, seu suppositi: sic enim omnes Christi operationes, etiam illae, per quas munus mediatoris exercuit, fuerunt*

runt divinae, Pag. 351.) quia illius, qui verus erat Deus; *sed etiam ratione principii quo*, i. e. a divina natura, tanquam principio, quo eliciuntur & efficiuntur opera mediatoria, non minus quam natura humana procedentes.

Sed contra hanc sententiam illud primum maxime facit, quod ex ea necessario sequitur, Christum secundum divinam naturam Patre minorem, ei que subiectum & obedientem fuisse; quod sine errore dici non potest. Responsio autem vulgo hic usurpari solita a Protestantibus, Christum sic Patre minorem ei que subiectum & obedientem statui secundum divinam naturam, non simpliciter & in se consideratam, quae haeresis sit ariana, sed *pro ratione gratiosae illius oeconomicae seu dispensationis*, ad quam se nostri causa voluntarie demisit homo factus, non est solida. Simpliciter enim impossibile est, (ceu recte respondet Gretserus, Bellarmini hyperaspistes) ut Christus etiam voluntarie, secundum naturam divinam, Patri se subiciat, proprie loquendo de subiectione; quia non potest velle id, quod per nullam potentiam effici potest. Impossibile autem est, ut, ubi est eadem numero res & naturae identitas, ibi sit subiectio, ut & ibi, ubi prorsus est eadem auctoritas, maiestas, potestas summa & suprema, quae in realiter distinctis personis S. Trinitatis inest. Nec valet similitudo ex rebus humanis petita, ubi non solum aequalis aequali, sed etiam maior se subdere potest sponte minori, quia natura humana sal-

tem moralis, quoad dignitatem, majoritatis & minoritatis, ut sic loquar, per vices capax est, minime autem natura divina Christi, quaecum sit omnium suprema, nullius potestati sese sub-
 jicere potest: implicat enim contradictionem haec subiectio. Omnis quippe subiectio vera & proprie dicta, sive sit libera seu voluntaria, sive necessaria & naturalis, imparem sortem & conditionem essentialiter includit. Hoc ultro & ingenue confitetur ex Protest. Jo. Piscator in Notis ad C. Vorstii Amicam collationem sect. 95. Nam ad verba Vorstii: *Nihil vetat, Christum respectu naturae divinae, simpliciter & per se consideratae, Patri suo esse aequalem; & tamen quoad ordinem subsistendi, sed maxime quoad aeconomicam officii mediatorii susceptionem, Deo Patri subiectum*, in margine notat: *Nequaquam: nam aequalitas naturae divinae subjectionem omnem respuit.* ad verba: *Nosti illas veterum regulas: Aequalitas naturae non tollit ordinem, aut subordinationem divinarum personarum.*) Confundis diversa. Ordo quidem est inter tres personas; at non est inter eas subordinatio, quia haec pendet a voluntate subordinantis: at ille ab ipsa natura. (Pag. 352.) ad verba: *Et sane si Christus etiam in vet. testamento, quum nondum homo natus esset, subinde legatum Patris egit, sive ut angelum Dei sese gesit.) Istud nomen tribuitur filio Dei improprie.* & ad sequentia: *Sique ex imperio & ordinatione Patris tandem in carnem venit, ut in ea opus redemptionis perficeret.)* Hoc (ex imperio scilicet) nusquam docet

docet scriptura, & pugnat istud cum majestate naturae divinae, cui imperari nihil potest, cum Deus sit supremus dominus. Illa ordinatio fuit Patri cum Filio & Spiritu sancto communis; quia est de opere ad extra. Verbo ut dicam, tota illa sectione contendit contra Vorstium, totum Christum, sive secundum utramque naturam, non fuisse in potestate Patris, quod dixerat ille, quia non secundum divinam. Atqui Christus, ut mediator Patris potestati proculdubio subditus est. Quae quidem Protestantes ex Cyrillo lib. 10. Thesauri c. 8. citant de subjectione Filii secundum divinam naturam, nihil ad hanc rem faciunt, ut cuivis locum legenti clare apparere potest; & subjectionis vocabulum ibi valde improprie usurpat Cyrillus. Perperam etiam ad hanc oeconomicam subjectionem filii, ut Dei, rapiunt exinanitionem illam, de qua Paulus Philipp. 2. 7. Exinanitio enim haec non consistit in aliqua submissione & dejectione divinae naturae intrinseca, (nullo quippe modo possibile est, ut Christus, vel ulla persona divina in natura divina, etiam voluntarie & oeconomicè sese exinaniat, vel alteri subjiciat) sed in hoc, quod Deus manens id, quod erat, h. e. Deus, humanam naturam assumere, & sibi hypostatice unire voluit, quodque etiam secundum humanam naturam, vitam adeo inopem, variisque aerumnis & molestiis obnoxiam elegit, ut explicant theologi. Juxta hanc sententiam, Christus, ut Deus, mediator est inter nos & se ipsum

etiam, ut Deum, (tota enim Trinitas, non Pater solus, nobis propter offensas irata fuit placanda) & οἰκονομικῶς, se ipso φυσικῶς consideratō, minor est Christus, etiam quia Deus : quod plane intelligibile est. Videantur aliae rationes, quae contra hanc sententiam adduci solent apud alios, qui latius hanc controversiam pertractant : ad quas nihil solidi a diversum sentientibus responderetur.

pag. 353.) Locus apostoli 1. Tim. 2. 5. *Unus Deus, unus & mediator Dei & hominum, homo Christus Jesus*, clare demonstrat, secundum quam naturam persona Christi, seu Christus Deus & homo operationes mediatorias exercuerit, secundum humanam scilicet : unde expresse ait Apostolus, *homo Christus Jesus*. Locum hunc certe sic intellexit, & sententiam, supra traditam clarissime confirmat Augustinus lib. 2. de Peccato originali cap. 28. *Non per hoc, inquit, mediator est, quod aequalis Patri : per hoc enim, quantum Pater, tantum & ipse a nobis distat. Et quomodo erit medietas, ubi eadem ipsa distantia est ? Ideo apostolus non ait, unus mediator Dei & hominum Christus Jesus, sed, homo Christus Jesus. Per hoc ergo mediator, per quod homo inferior Patri. Et in ps. 103. concione 4. de tertia parte ejusdem psalmi : Christus mediator inter hominem & Deum, non quia Deus, sed quia homo : non quia Deus aequalis Patri, sed si aequalis Patri, non mediator. Ut autem sit mediator, descendat a superiore ad inferiorem, ab aequalitate Patris,*

Patris faciat, quod ait Apostolus: Semet ipsum exinanivit formam servi accipiens. Et lib. 10. Confess. c. 43. In quantum homo, inquit, in tantum mediator, in quantum autem verbum, non medius, quia aequalis Deo, & Deus apud Deum, & cum Patre & Spiritu sancto unus Deus. Et tract. 82. in Joann. Mediator Dei & hominum, non in quantum Deus, sed in quantum homo est Jesus Christus. Vide etiam l. 1. de Trinit. c. 7. ubi Christus, inquit, in forma Dei aequalis Patri, in forma servi, mediator Dei & hominum. l. 10. de Civitate Dei c. 20. & locos alios non paucos. Similiter Fulgent. de Incarnat. & gratia Christi c. 13. Hic in humana natura, in qua mediator Dei & hominum factus est, justitiam habuit ex Patre, mortem ex matre, ut per ipsam liberaremur ab omni peccato. Ad etiam, si lubet, Vigili l. 5. contra Eutychen, Theodoretum in locum ex 1. Tim. 2. 5. citatum, aliosque.

Quod ad haec testimonia, maxime autem Augustini, respondent dissidentes Protestantes aliique nonnulli, verborum horum hunc esse sensum, quod Christus, non quia Deus nudus, sed quia Deus homo factus, nec sine homine sit mediator, (quo ipso obiter nota, lector, manifeste destrui sententiam illorum, qui etiam ante incarnationem Christum munus mediatoris aliqua ex parte obuisse affirmant) sicut ipse Aug. l. 11. de Civit. Dei cap. 2. inquit: Ad Deum iter est homini per hominem Deum: per hoc enim Dei filius mediator, per quod & homo. Unde inferunt non

quod homo sine Deo, Pag. 354.) sed quod non solus Deus, verum per hominem sit mediator, &c. ver-
bis Augustini aperte adversatur: negat enim ille disertissime, Christum, in quantum Deum, esse mediatorem, quia, in quantum Deus, est aequalis Patri: mediator autem debet esse medius, distans a duobus extremis. Christus etiam Deus homo aequalis est Patri, non enim propter assumptam humanitatem factus est Patre inferior. Deinde si haec Augustini mens fuisset, dicendum illi fuisset: *Christus in quantum homo, in tantum non mediator, vel in quantum Deus non mediator; in quantum vero homo Deus, mediator, non autem simpliciter: in quantum homo, in tantum mediator, in quantum Deus, non mediator.* Denique licet non neget Augustinus, mediatorem, h. e. eum, qui officio mediatoris fungitur, esse Deum & hominem, negat tamen eum fungi officio mediatoris, ut Deum. Vtrumque illud Augustinus de Civit. Dei l. II. c. 2. exprimit. *Ad Deum est iter homini per hominem Deum,* tanquam principium quod: per hoc enim principium, quo mediatorialia opera exercentur & immediate eliciuntur, Dei Filius mediator, per quod & homo.

Quod frequenter in ore habent Protestantes rigidiores illud Leonis magni in epistola illa celeberrima ad Flavianum: *Agit utraque forma, i. e. utraque natura Christi, cum alterius communione, quod proprium est, verbo scilicet operante, quod verbi est, & carne exsequente, quod carnis est, impertinenter*

nenter huc trahitur ; quia B. Leo non dicit, utramque formam agere opera mediatoria, sed utramque formam cum alterius communione agere, quod proprium est ; de quo nemo sanæ mentis dubitat. Quæ a dissentientibus producuntur testimonia ex patribus, Irenæo l. 3. c. 20. Epiphani. in Anchorato, Chrysost. Ambros. Theodor. Theophil. in locum 1. Tim. 2. præallegatum, August. Enchirid. c. 180. & aliis quibusdam locis, nihil aliud probant, quam mediatorem Dei & hominum debuisse utramque naturam in se habere, ut Deum & homines in amicitiam redigeret ; ut ab aliis fuscè demonstratum est. Quæritur semper de principio quo operum Christi mediatoriorum, non de principio quod. Argutias & subtilitates Vasquesii hic disputantis in 3. D. Thomæ tom. 1. disp. 83. c. 3, contra aliorum suorum gregalium sententiam de principio quod operandi in Christo, utrum sit tantum suppositum, an natura ipsa etiam abstractè considerata, non moramur. Quod ad rei summam attinet, ille cum caeteris consentit.

Sed videamus, quas illi velint actiones mediatorias esse Christi, (pag. 355.) ut Deus est, proprias. 1. *Remittere peccata solius*, inquirunt, *Dei est*. Potestas tamen hæc ad mediatorem pertinet. Resp. Potestas suprema & prima remittendi peccata solius Dei est Patris, Filii, & Spiritus sancti. Satisfacere pro peccatis nostris, & remissionem peccatorum promereri, est proprium Christi mediatoris & hominis ; ut etiam.

peccata remittere potestate communicata & delegata, sed modo longe excellentiori & eminentiori, quam ministris ecclesiae concessa est. Quocirca illam recte vocant Scholastici distinctionis gratia, *potestatem excellentiae*, hanc autem, *potestatem ministerii*. 2. *Illuminare hominum mentes, renovare corda, & dare spiritum sanctum, &c.* Sed hae operationes, quum sint ad extra, Patri cum Filio & Spiritu sancto communes sunt. Christus, ut mediator & homo, ad has actiones non concurrit, nisi instrumentaliter & meritorie; sed ut instrumentum conjunctum & singulare, non separatum & commune: qualia instrumenta fuerunt Apostoli & Prophetae, ut recte Romanenses & Vasq. in 3. D. Thomae tom. 1. disput. 79. c. 1. *Quamvis dicere possemus, Christum meruisse, ut ad nos mitteretur Spiritus S. tamen dici nulla ratione potest, meruisse ad nos mittere Spiritum S. ipso enim solum potuit mittere Spiritum sanctum, quatenus erat Verbum, & Filius Dei; & hac ratione non potuit missio cadere sub meritum ipsius.* Calvinus ipse in Joh. 14. 16. *Spiritum hic vocat donum. Patris, sed quod ipse precibus suis impetravit: alibi a se ipso dari promittit. Virumque vere & apte dicitur, nam quatenus Christus mediator & patronus noster est, a Patre impetrat gratiam Spiritus; quatenus Deus est, eam a se ipso largitur.* Haec ille. 3. *Salvare & nos vita aeterna donare.* Respondeat Sibrandus, scriptor rigidissimus, l. 1. contra Socium de Christo servatore c. 6. p. 67. *Christus qua Deus, dat nobis vitam efficientia; qua homo, (ad*
de

de & mediator : haec enim duo fere semper ibi conjungit , ut viderelicet) *dat eam nobis merito & obedientia.* Sicut p. 202. l. 2. cap. 11. *Christus, ut Deus & ut mediator, remittit peccata, sed non eodem modo ; ut Deus efficienter, ut mediator, meritorie.* 4. *Incaruari seu assumere naturam humanam.* Sed Christus ut Deus , assumpsit formam servi, non quia in forma Dei mediator fuit aut unquam futurus erat, sed ut mediatoris officio secundum naturam humanam fungi posset. 5. *Sacrificare.* Christus enim ut Deus, obtulit Deo Patri humanam naturam in mortem, ut victimam. (Pag. 356.) Sic enim non solus Stanislaus Sarnicius, multum a Calvino laudatus, sensit, sed permulti etiam alii Protestantes, quorum nominibus parco. Videsis, aeqve lector, Chamierum de Officio mediatoris lib. 7. cap. 7. n. 17. At quid clarius illis Cyrilli verbis in Apologia pro 12. capitibus contra Orientales ? *Quando Christus factus est homo, vocatus est etiam pontifex, non quod tanquam majori Deo offerret sacrificium, sed quod sibi ipse & Patri.* Et infra: *Audiens, quod dictus est sacerdos, propter humanitatem, erubescisne? Deinde quomodo non admiratus es, quod non secundum sacerdotum morem, alteri detulerit sacrificii modum, sed sibi ipse potius, & Patri, ut dixi? Quando dicis, indignum esse Deo, ut sacrificet, adstupulor & ego. Sed si solum esset & absque carne Verbum, recte diceres : at vero, quia factum est caro, vide & sacrificantem propter humanitatem, & in dignitatibus ultra creaturam, sicut Deum: confidet enim cum*

cum Deo & Patre. Itaque vide ipsum sacrificantem secundum humanitatem, confidentem ut Deum. Vide Augustinum l. 1. de Trinit. c. 10. in psal. 109. & lib. 10. de Civit. Dei c. 20. ubi haec habet: *Vnde verus ille mediator, in quantum formam servi accipiens, mediator effectus est Dei & hominum; cum in forma Dei sacrificium cum Patre sumat, cum quo unus est Deus, tamen in forma servi sacrificium maluit esse.* & lib. 1. de Consens. evangel. c. 3. Theodoretus in ps. 109. & in c. 2. ad Hebr. in verba, *Vt misericors fieret, & fidelis pontifex apud Deum, Haec dicta sunt, inquit, quoad humanitatem. Neque enim noster pontifex est, ut Deus, sed ut homo.* Et in c. 7. de Christo verba faciens, *Est, inquit, hominis, fungi sacerdotio; Dei vero, ea quae offeruntur suscipere.* Adde Nazianz. orat. 4. de Theologia, Ambr. l. 3. de Fide c. 5. aliosque plurimos in eandem sententiam conspirantes. Vnde nonnulli etiam Protestantes multo hic sunt aliis modestiores. Negat A. Rivetus, ut supra diximus, Filium Dei potuisse sacerdotem esse, ante suam incarnationem; *Quia sacerdotii functio, inquit, est hominum propria, ideo Christus, ut esset sacerdos, ex hominibus fuit assumptus.* Vide comment. in ps. 110. p. 457. Et in Summa controuv. tractat. 2. qv. 50. p. 675. *Non tantum sacerdotalis dignitas, inquit, (eam plane a Christi divinitate removens) partem muneris mediatorii illius facit, sed etiam prophetica & regia.* Piscator in verba Heb. 9. 14. *Christus obtulit se ipsum per spiritum aeternum Patri, scribit; Ex hisce*
com-

communiter probant, Pag. 357.) Christum secundum divinitatem sacrificasse vel obtulisse seipsum Patri per spiritum aeternum, id est, per animam immortalem. Quo minus autem per haec verba videatur intelligenda deitas, vel Spiritus sanctus, ratio est, quia deitatis non est offerre sacrificium, sed ipsa est, cui offertur sacrificium ab homine, quatenus homo. Sed falso per spiritum aeternum intelligit Piscator animam Christi immortalem. Verus verborum sensus est: Christus obtulit se per Spiritum sanctum, i. e. impellente & cooperante Spiritu sancto; obtulit se, inquam, sed secundum naturam humanam: ad hoc enim sacrificium offerendum a Spiritu sancto impulsus est. Vide praeter Romanenses, doctissimum A. Hyperum in locum, ut alios mittam. Rich. Fieldus l. 5. de Ecclesia c. 16. Neque arbitramur, Christum mortuum vel se ipsum in ara crucis obtulisse, vel denique orasse pro nobis secundum naturam divinam, sicut quidam calumniantur nos dicere. Sed revera multi rigidiorum Protestantium diserte affirmant, quicquid ille neget, Christum ut Deum non tantum sacrificasse, sed etiam Patrem pro nobis orasse, immo & obedivisse Patri; quae omnia a Dei maiestate alienissima sunt, quum hae actiones omnes sint subditorum & inferiorum: neque commentitia illa distinctio, de qua * supra, quicquam illos juvat, ut ibi ostensum. Videantur hic scripta Lutheranorum, aliorumque. August. in ps. 87. Oravit Dominus, non secundum formam Dei,

sed

* Supra] Pag. 353.

sed secundum formam servi, secundum hanc enim & passus est. Et in 85. Orat pro nobis, ut sacerdos noster; orat in nobis, ut caput nostrum; oratur a nobis, ut Deus noster. Vide eundem in praefat. enarrat. 2. pl. 29. Ex quo enim homo, ait de Christo, ex hoc & infirmus: ex quo infirmus, ex hoc & orans. Adde tract. 102. in Joan. Quia brevitati studemus, consulantur hic alii. Sed cum sit rex mediatorius, inquit A. Rivetus Summae contro. loco ante citato, quatenus Deus homo, & regni illius administratio solis humanae naturae actionibus terminari non possit, necessarium est, ut admittantur etiam actiones divinae naturae, in persona mediatoris, quibus suos regat per spiritum suum, eosque tueatur contra omnes adversarios, daturusque sit eis salutem & vitam aeternam. Sed longe aliter Augustinus lib. 1. de Consensu evangel. cap. 3. Secundum hominem, inquit, Christus rex & pontifex effectus est. Christus ut Deus, eadem potestate, suprema scilicet & cum Patre & Spiritu sancto, ecclesiam & omnia regit ac gubernat. Pag. 358.) Qua homo & mediator, ad regiam dignitatem & potestatem, quae supremae subdita est, propter obedientiam suam usque ad mortem exaltatus est a Patre, & eandem per modum instrumenti, sed hypostatice cum divinitate conjuncti & uniti, exercet, ut omnes saniores theologi docent.

Thom. Mortonus, * anglus, in sua non in-
eru-

* Anglus] Baravacensis; adeoque distinguendus a Thoma Mortonio, episcopo. De quo videatur annotatio nostra ad pag. 414.

erudita prioris epist. ad Corinth. Expositione, Londini excusa anno 1596. in verba c. 15. 24. Deinde finis, *quum tradiderit regnum Deo & Patri: Christus, inquit, ut duplicem naturam, ita duplex regnum, i. e. summam potestatem & auctoritatem, qualis est in regibus, habet. Nam, ut est Deus, potestate omni infinita praeditus est, primarie a se ipso, aequaliter & una cum Patre ab aeterno in aeternum regnans. Hoc regnum ut a nemine accepit, ita nemini unquam tradet. Deinde secundum humanam naturam non est privatus homo, sed potius rex, omnem potestatem in cælo & terra sibi datam habens; idque in hunc finem, ut illius virtute omnia ad officium mediatoris & salutem ecclesiae pertinentia efficere possit. Et paulo post: Hanc auctoritatem (ut & officium mediatoris & humanam naturam) a Deo Patre, (qui praedicta omnia non immediate per se ipsum, sed per Christum hominem operatur) delegatam habet, eamque suscepit quidem una cum humana natura & mediatoris officio, at non exercuit, & palam ostendit, usque dum satana, peccato, morte, & reprobis omnibus, qui ei adversantur, devictis, in cælum triumphans ascenderet. Et paulo post: Tum demum haec Christi autoritas cessabit, non quidem omnino; nam in aeternum & electis & reprobis dominabitur; sed quoad hanc gubernandi rationem: & mediatoris officium tradetur Deo, qui immediate sine mediatoris ope ecclesiam reget, & in aeternum incolumem servabit, & Patri, i. e. Deo Patri, qui omnium creaturarum actio.*

actionum, (pag. 359.) qui humanae Christi naturae, mediatoris officii, huius temporarii regni autor & primum principium est, tradet quidem, vel potius accipit Christus hanc autoritatem sibi ipsi, quatenus Deus est; sed scriptura, ad clariorem humanae naturae Christi & officii mediatoris explicationem, ubique humanam, raro autem divinam Christi naturam commemorat, sed uni Patri, ac si solus Deus esset, deitatem attribuit. Vide eundem ibid. ad vers. 28. Et ad verba 1. Cor. 11. vers. 3. Christus, inquit, quatenus est homo & mediator, Deo Patri eiusque voluntati & imperio per omnia subicitur, cum omnium suarum actionum autorem habet & agnoscit, ab eo omnem suam dignitatem, autoritatem & gloriam capit. Haec ille, multis aliis hac in re, ut in aliis quibusdam multo sanior. Vide etiam hic, si libet, Apologiam pro confessione Remonstr. ad censuram cap. 2. pag. 39. Joan. Davenantius in epist. ad Coloss. 3. 1. pag. 333. Illud inprimis tenendum, inquit, haec dici de Christo proprie & praecipue secundum naturam ejus humanam, qua resurrexit & ascendit & sedet ad dextram Patris, ut habetur in symbolo apostolico. Et paulo post: Hac sessione significatur, Christum quia homo est, peracto opere redemptionis nostrae, non modo immortalitate, & perfecta beatitudine donatum, sed in caelos evedum, supra omnes creaturas collocatum, totius mundi dominum, gubernatorem, & iudicem; ecclesiae autem inprimis regem & patronum gloriosissimum & potentissimum constitutum. Vide

auto-

autorem ipsum, qui tamen alibi sibi vix constare videtur.

Distinctio hic a plerisque usurpari solita, *non absolute Christum, secundum divinam naturam, toti Trinitati communem, esse mediatorem, sed secundum naturam divinam in hypostasi filii existentem*, inepta est, ne quid gravius dicam. Vna enim & eadem, immounica est divinitas, quae toti Trinitati est communis, & quae in Filii hypostasi existit, etiam prout in illa existit, (Pag. 360.) ut recte Gretserus scribit contra Frid. Balduinum, lutheranum: nam & hac ratione, a parte rei, communis est Patri & Spiritui sancto, licet concipi a nobis possit, ut in solo Filio existit. Christus Deus incarnatus est, & in care assumpta perfunctus est munere mediatoris, sed non ut Deus, h. e. secundum divinam naturam, est incarnatus vel mediator est; necessario enim, inde sequeretur, Patrem itidem & Spiritum sanctum incarnatos, & mediatores esse, cum, quicquid Filio secundum naturam divinam primo & per se competit, commune sit Patri & Spiritui sancto: alioqui Christum, ut Deum, h. e. ut hypostasim divinam, incarnatum esse, & fuisse, atque etiamnum esse mediatorem, at non secundum divinam, sed humanam naturam, verissimum est, & nemo fidelium dubitat, nedum inficias it, ut idem Gretserus verissime affirmat.

Cl. Espencaeus, vir alias doctissimus, in tractatu de Christo mediatore, qui extat in Di-

gressione in cap. 2. ep. 1. ad Tim. a sententia Protestantium rigidiorum videtur non omnino alienus fuisse, licet non raro admodum obscure & ambigue loquatur. *Et haec, inquit cap. 5. illa est Helena, propter quam mirati sumus, Polonos tam acriter dimicare, etiam aliunde accersitis ex Germania & Helvetia copiis auxiliaribus. Esse nimirum, qui mediatorem Dei & hominum, Christum Jesum, secundum humanam tantum naturam esse dicique, adeo praefracte & mordicus tueantur, ut secus sentientes, mediatoremque juxta utramque simul naturam divinam atque humanam defendentes, anismi & id genus in filium Dei Deum haereseon insimulent. Praestabat utique, Augustinum Augustino, ne dum caeteris, conciliare, quam committere vel collidere. Cum igitur de mediatione hic loquimur, non patiente tantum, aut ad mortem usque & mortem crucis obediente, sed victoriosa, h. e. tot victoriarum, nimirum contra diabolum, peccatum, carnem, mundum, mortem, & inferos reportatrice, &c. Sic mediatorem sentimus non magis hominem sine Deo, quam Deum sine homine esse, fore, vel fuisse. Sic, inquam, sentimus, vel potius cum omnibus totius retro ecclesiae Patribus consentimus. (Pag. 361.) Quibuscum nobis sunt de hoc sensu & consensu communes rationes. 1. Non minus de ratione mediatoris est, quod in aliquo utriusque extremi particeps sit, quam quod in aliquo ab utroque extremo distet. 2. Si mediator est Christus ut homo tantum, paralogismus est, & non syllogismus Patrum graecorum latinorumque, ex mediatoris*

vocabuli etymologia, ratione officii, divinam in Christo naturam inferentium. 3. *Quid? quod idem mediatorem non ideo tantum dictum interpretantur, quod homines Deo reconciliaret, sed & quod duo extrema in se uno conjunxerit, unus idem vere Deus, vere homo.* Respondet etiam ad illud 1. Tim. 2. 5. & locos Augustini in speciem pugnantes, ut ait, summopere conciliare laborat. Sed vir doctissimus rationibus suis nihil aliud probat, quam oportuisse mediatorem Dei & hominum, Deum simul & hominem esse, & dignitatem ac efficaciam operum, quae Christus ut mediator & homo praestitit, a dignitate personae procedere. *Nec tamen ob hoc, inquit, Aug. lib. 9. de Civit. Dei. cap. 15. mediator est, quia Verbum, maxime quippe immortale, & maxime beatum, verbum longe est a mortalibus miseris; sed mediator, per quod homo.* Responsio ad locum 1. Tim. 2. 5. & conciliationes locorum, Augustini, quas adducit, plane violentae sunt, nec de Augustini mente, quicquid ille contradicat. Ibidem tamen, cap. 6. affirmat, Christum orare, & offerre, quia hominem tantum. *Ac de mediatore, inquit, non tantum orante aut offerente agimus, sed etiam exorante, & propitiante, qualis homo simplex non erat futurus, & nisi Deo juxta hypostasim conjunctus.* Sed semper confundit actiones mediatorias proprie sic dictas, & illarum dignitatem & efficaciam; quae tamen duo, si exacte loqui velimus, distingui debent; varia alioquin & gravia incommoda ex confusione necessario sequuntur.

In eadem sententia videtur etiam fuisse Jac. Gorfcius, polonus romanensis, qvi Praelectionum plocensium l. 2. dicato serenissimo Poloniae Regi (liber editus est Coloniae 1608. Vide Riveti Summ. controuv. loco ante saepe allegato) *contra non paucos, ut inquit, Catholicorum, Pag. 362.) & hujus aetatis haeticum illum contentiosum Fr. Stancarum contendit, Christum secundum utramque naturam mediatorem esse, ita tamen, ut alia divinitatis ejus sint, alia humanitatis officia & operationes, quae tamen unum & idem mediationis opus conficiant. Sed in verbis illis, quae A. Rivetus ex eo producit, minus dextre & commodè subinde loquitur. Qualia enim sunt ista? Quia humiliavit se ipsum & exinanivit, & obediens Deo patri fuit, eo ipso Deum patrem placavit, quae divinitatis sunt: humiliatus enim Christus secundum divinitatem, non quod divinitas aliquid inde contumeliae caperet, pura semper & in eadem gloria manens, sed quod forma servi accepta, inferior Patri factus sit. Sed, quaeso, an forma servi accepta secundum divinitatem, cujus eadem semper mansit gloria, ipsomet confitente, se ipse exinanivit, & inferior & minor Patri factus est? Alia, quae ex eodem libro citat ibidem Rivetus ex Stanislai Orechovii, roxolani, Chimaera, contra Stancarum, descripta & laudata, ut refert Gorfcius, ab aliis quibusdam Romanensibus in Italia & Hispania, maxime Compluti a Gasparo Cardillo Villalpandeo, non moror. Neque omnium theologorum romanensium vel protestan*

testantium judicia aeqve exacta sunt; ut nec eorum, quae ab iis, qui secus, quam ipsi, sentiunt, dicuntur, intelligentia aeqve clara.

Sed ut diatribam hanc tandem concludamus; *in hoc conveniunt partes disidentes*, ad mediatoris personam constituendam, & munus mediatorium plene & efficaciter exercendum, necessariam fuisse utriusque naturae in Christo hypostaticam unionem: & actionum ac passionum omnium mediatoriarum in humana Christi natura, atque per eam peractarum efficaciam & pondus, a dignitate personae Christi esse & fluere. Atque hoc solum sufficiat viris moderatis & pacis ecclesiae amantibus. Certe non nisi admodum incommode, immo & periculose asseritur, *Christum etiam secundum divinam naturam munus aliquod mediatorium exercuisse aut exercere*, ut propheticum, ecclesiam etiam ante incarnationem, ministerialiter docendo; sacerdotale, offerendo se ipsum ut hominem in hostiam, & orando; regium, potestate dependenti & subordinata, atque a Patre libere & liberaliter Filio etiam ut Deo donata, ecclesiam regendo. (Pag. 363.) Neque tam libenter audio, *diversum hac in re sentientes, arianismi, euty- chianismi, & similibus haeresicon*, jam olim ab ecclesia damnatarum, quasque nulli magis, quam illi ipsi detestantur & damnant, licet propter humani iudicii imbecillitatem, quid ex quo hic necessario sequatur, clare non videant, in-


550 *An Christ. etiam sibi aliq. meruerit. p. 364.*

simulare & damnare: quod a multis contentio-
sis scriptoribus haecenus; sed perverso more,
factitatum est. *Vitentur extrema, & pax esto.*

Pag 364.

Pars altera,

*Qua Christum mediatorem sibi
etiam aliquid meruisse, paucis
ostenditur.*

 *Vaestionem hanc, An Christus medi-*
ator, obedientia vitae & mortis, non so-
lum nobis gratiam & gloriam, sed etiam
aliquid sibi meruerit seu acquisierit,
stultae curiositatis, & ejusdem de-
 finitionem temeritatis damnare non verentur
nonnulli e Protestantibus rigidioribus, immo
asserionem hanc scripturis manifeste repugnare
affirmant, ut constat.

Christum praecipue quidem incarnatum, & pas-
sum ad restitutionem generis humani, clarissime &
saepissime dicent scripturae & Patres; neque
difficentur Romanenses aliique, qui meritum
Christi proprium tuerentur. Vasq. in 3. D. Tho-
mae tom. 1. disp. 79. cap. 1. Ad testimonia, inquit
illa omnia, in quibus Christus dicitur pro nobis labo-
 rasse, & aliquid nobis meruisse, respondetur, in illis
exprimi id, quod fuit primariae intentionis Christi,
non tamen regari, aliquid sibi meruisse. Nostra re-
demptio, non autem ea, quam Christus sibi meruit,
gloria,

gloria, fuit praecipua causa adventus. & passionis ejus. Haec ille. Similiter Busaeus in Apologet. contra Gerlachium lutheranum cap. 4. thesi 41. pag. 96. & rursus pag. 109. caeterique omnes consentiunt. (pag. 365.) Non tamen idcirco negandum est, Christum sua obdientia & passione vere promeruisse etiam exaltationem suae humanitatis & glorificationem carnis; nam petiit a Patre, non nos tantum, sed se etiam glorificari, Joh. 17. 9. 17. 1. 5. *gloria corporis, & exaltatione nominis sui,* ut exponit ibi Augustinus.

Immo multa scripturae loca ostendunt, passionem Christi non solum antecessisse, ut respondere solent dissentientes, sed etiam *causam meritoriam consecutae exaltationis & glorificationis fuisse.* Psal. 110. 7. *De torrente in via bibit: propterea exaltabit caput.* Esa. 53. 11. & 12. Philip. 2. 8. 9. *qui locus imprimis illustris est: Humiliavit semet ipsum, factus obediens usque ad mortem, mortem autem crucis. Propter quod & Deus exaltavit illum.* Heb. 2. 9. *Cum autem, qui modo, quam angelis, minoratus est, videmus Jesum propter passionem mortis gloria & honore coronatum.* Sic enim Graeci, & multi alii hunc locum intelligunt, licet alii aliter explicant, contra structuram totius orationis, & contra verba, quae sequuntur, quibus apostolus quasi causam reddit, cur propter passionem mortis, gloria & honore fuerit coronatus: *Decebat enim, inquit, auctorem salutis, ipsorum perpesiones consummare.* Denique Apoc. 5.

552 *An Christus etiam sibi aliq. meruerit. p. 366.*

12. *Dignus est agnus, qui occisus est, accipere virtutem, &c.*

Patres omnes communi consensu docent, Christum non tantum nobis salutem, sed sibi etiam exaltationem promeruisse. Illorum testimonia apud alios legantur. Nos in re clara omniumq. oculis exposita, nolumus actum agere & soli lumen inferre. Videatur imprimis Augustinus lib. 2. contra Maximin. cap. 5. & l. 3. cap. 2. & tract. 104. in Joan. Vbi verba apostoli explicans, *Propter quod & Deus, &c. Humilitas Christi, inquit, claritatis est meritum, claritas humilitatis est praemium, sed hoc factum est: in forma servi, &c.* Consulantur & caeteri, locis ab aliis monstratis.

Multi etiam ex doctissimis Protestantibus contra alios rigidiores hanc sententiam defendunt. Hier. Zanchius in Confess. fidei Ibae praefat. ad lectorem. *Cum jam, inquit, absoluta esset totius libri editio, certior factus fui, non deesse, qui improbent, quod scripsi in Apoc. 11. 15. Christum non solum sibi, (pag. 366.) sed etiam nobis vitam aeternam promeruisse: quod si illud, Sibi, impie a me positum fuerit. Miratus sum initio, & non parum sum miratus, cum nihil hac doctrina sit clarior apud Patres, a quibus & Scholastici acceperunt. Sed simul ac in mentem mihi venit, diversa esse hominum palata, & aliis quidem, ut juvenibus, vina nova ac dulcia, magis sapere, aliis, ut senibus, vetera, tanquam salubriora, magis probari, statim desim mirari. Veterem illam esse doctrinam, liquet ex veteri.*

veteribus Patribus, qui locum illum ad Philip. 2. 9. Propter quod & Deus exaltavit illum, &c. sic interpretati sunt, ut dixerint, Christum sua humilitate, obedientia & morte, sibi illam exaltationem promeruisse. Quod probat ex Augustino in Joh. 17. tract. 104. Beda in cap. 2. ad Phil. Ambrosio & Hieronymo in eundem apostoli locum, Vigilio contra Eutychen, & tandem sic concludit: *Haec certe vetus est Ecclesiae doctrina. Rogo igitur convivis meos, ut si, vino & veteri & novo in mensa propositis, ego tanquam senex, relicto aliis novo, de veteri bibam, ne mihi succenseant.* Vide ejusdem epistolam ad Wilhelmum Stuckium Epist. libri. in qua idem tuetur dogma, & ad contraria objectamenta respondet. Idem Stuckius ibidem in Zanchii responsione se acquiescere ingenue confitetur. Legatur idem Zanchius in cap. 2. ad Philip. ut & Andr. Hyperius in eundem locum. Similiter Joan. Piscator scribit in 2. ad Philip. Andr. Rivetus in cap. 53. Isaiae. v. 11. *Quaeritur hic, inquit, num Christus passione sua gloriam corporis ad exaltationem illam, ad quam erectus est, meruerit?* Id contendunt multi non solum ex Pontificiis, sed ex orthodoxis inprimis cl. theologus, H. Zanchius in sua Confessione. Et paulo post, pag. 469. *Etsi existimemus, argumenta Calvinii esse alicujus momenti, nec in ea re valde insistendum, num ratione gloriae corporis & exaltationis Christi, obedientia ejus, habeat veram & propriam rationem meriti, id tamen, nollemus prae fracte negare; tamen quia loci sacrae*

scripturae adducti, etsi ad rationem antecedentium & consequentium referri possint, videntur tamen aliquam causam inferre: tum quia communis fuit veterum sententia, in qua nihil videtur esse, quod scripturae sacrae repugnet. Pag. 367.) Certe Augustinus diserte scribit tr. 104. in Job. Christum fuisse prius humiliatum in passione, quam in resurrectione glorificatum. Humilitatem claritatis esse meritum, claritatem humilitatis praemium. In hac sententia nihil mali esse existimamus, si recte intelligatur. Haec ille. Idem licet in Psal. 110. vers. 7. pag. 483. 484. super hac re differens, mirifice fluctuet, negat tamen, se velle huic opinioni nigrum praefigere theta. Adi autorem ipsum.

Vorstius in Antibellarmino, pag. 55, 56. Et si de hac quaestione non prorsus eadem est omnium Evangelicorum sententia, plerique tamen doctiores in eam partem inclinant, ut cum Pontificiis hac de re non magnopere contendendum esse putent, praesertim si verbum merendi generatim pro verbo comparandi, vel per industriam & labores acquirendi sive obtinendi atque adipiscendi accipitur. Quo quidem sensu veteres saepissime id usurpasset, constat. Itaque consensus utrinque facile constitui poterit, si modo logomachia & studium cavillandi abfuerit. Omnes enim ulro fatentur, Christum hominem, licet ex certa & gratiosa Dei ordinatione caelestem gloriam necessario adeptus sit, revera tamen non nisi per viam obedientiae, & passionis ad eam pervenire potuisse: immo sua obedientia &
humili-

An Christ. etiam sibi aliq. meruerit. p. 368. 559

humiliatione, utpote omnium dignissima & perfectissima, tanquam causa antecedente sive efficiente, praedictam gloriam vere sibi peperisse atque obtinuisse. Hanc eandem sententiam acriter idem defendit contra Sibrandum, errore 68. & in Scholiis alexiacis pag. 166. 95. & 114. Petrus Martyr in cap. 17. ad Roman. vers. 9. Thomas Bilsonus, episcopus winton. in Recognit. passionum Christi pag. 672 circa finem, & pag. 20. 21. Lancel. Andreas in concione anglica super Rom. 6. 9. 10. 11. pag. 389. & super Philip. 2. 8. 9. pag. 469. & 474. R. Hookerus lib. 5. de Eccles. polit. sect. 55. pag. 303. Alios silentio praetereo, praesertim cum res adeo manifesta sit.

Vnde Junius in Animadversionibus suis hoc saltem fateri cogitur, *sive hoc dogma probemus, sive improbemus, non propterea laboraturam Christianorum fidem.* Et Chamierus de Officio mediatoris lib. 7. cap. 8. n. 6. *Non esse de hoc articulo* Pag. 368. *sic contendendum, ut de summa religionis christianae, sive de fundamentalis quopiam articulo fidei, in quo definiendo non queat non gravissime errari, si erratur.* Sed quis, quaeso, pro fundamentalis articulo fidei christianae hoc habet? Dogma tantum scripturis & Patrum judicio maxime consentaneum esse existimant omnes, qui id tuentur, & non nisi temere, & sine errore aliquo id ab aliis negari aut in dubium vocari. Certe sic plus quam par est, controversiae augentur, & tristis schisma hodiernum, quod nullis lacrymis satis deplorari potest, fovetur, & alitur. Piarum
men-

556 *An Christ. etiam sibi aliq. meruerit,*

mentium est, litibus, quantum per veritatem licet, minuendis, non vero augendis, quod hodie, proh dolor, quam multi nimis cupide faciliant, studere.

Quod obiectant diversum sentientes, *gloriam corporis Christi, & exaltationem nominis non ex merito aliquo profluxisse, sed ex unione hypostatica, propter dignitatem personae,* manifeste adversatur verbis apostoli supra citatis, qui propterea *Ido xpi i. e. propter humilitatem, obedientiam & passionem* Deum exaltasse Christum, & dedisse illi nomen, quod est supra omne nomen, discrete, affirmat. Praeterea duo haec, non repugnant sibi absolute, ut recte monent Romanenses, *aliquid esse debitum ex unione hypostatica, & cadere sub meritum,* praesertim si posteriore demum tempore acquiratur, (quemadmodum gloriam corporis, & alia nonnulla, in ipso unionis hypostaticae puncto Christus non accepit, sed longo post tempore) quia bene fieri potest, ut idem pluribus nominibus sit debitum. Zanch, in epist. ante allegata ad Stuckium: *At jure, inquis, illi debebatur. Quo jure? Unionis humanae naturae cum divina xab, ὁμοῦ, τὸν.* Sed hoc non tollit, quin etiam propter obedientiam, &c. Non est absurdum, propter diversas causas aliquid alicui deberi.

Non fuerunt igitur Patres aut impii, aut imperiti scripturarum, quando dixerunt, Christum sua obedientia gloriam sibi apud Patrem promeruisse, & humilitatem fuisse glorificationis meritum,
glori-

glorificationem autem humilitatis fuisse praemium.
Pag. 369.) Et rursus : *Christus de se dicebat : Pa-*
ter meus diligit me, quia, quae placita sunt ei,
facio. Semper diligebat tamen eum aliam etiam
ob causam : nempe, quia filius erat ipsius. Alias ob-
jectiunculas abunde dissolverunt alii, quos con-
sulē, lector candide. Nos ad alia majora, Deo
valetudinem & vires benigne concedente, per-
tractanda properamus.

Soli Deo gloria.

Pag. 370.

Consideratio

controversiae hodiernae gravissimae
de
Sacramento eucharistiae.

Liber I.

In quo de reali Christi in S. eucharistia
praesentia & participatione, ac de modo
utriusque breviter tractatur.

CAP. I.

Ubi de rebus hisce generaliter differitur.

Nihil

Nihil in hoc tristi religionis diffidio magis dolendum, quam hoc S. eu-
charistiae sacramento, ideo peculi-
ariter a Christo domino instituto,
ut per id arctius ei incorporemur,
& ab eo vitam continuo tenore hauriamus,
mutuaque charitate inter nos sub uno capite
Christo eo tenacius conglutinemur; satanam
tamen, humani generis hostem atrocissimum,
sua improbitate ac audacia, & quam plurimos
ecclesiae doctores ac ministros, (Pag. 371.) ex
φιλονεικία & φιλαρχία, i. e. contendendi ac do-
minandi libidine, multis jam retro seculis, atque
hoc nostro quam maxime, ad contentiones &
factiones alendas abusos, & adhuc indies abuti
Exit misericors Deus in Christo cum Spiritui
sancto, ut omni contentione sublata, citra ve-
ritatis creditu necessariae jacturam, in hac ma-
teria, ut & in aliis omnibus, concordibus animis
iterum omnes Christiani coalescant! Sed de re
jam proposita dicamus.

Sententia Zuinglii, quam theologi tigurini
mordicus retinuerunt ac defenderunt, Christum
scilicet *contemplatione tantum fidei esse in eucharis-
tia praesentem; nullum hic miraculo locum dandum
esse, cum sciamus, qua ratione Christus carne sua ad-
sit, nimirum spiritu vivificante, spiritualiter. & effi-
caciter: unionem sacramentalem in significatione tota
tam consistere, &c.* (Vide Rodolph. Hospinia-
num, tigurinum, Historiae sacramentariae par-
te altera pag. 161, 162.) minime probanda est, quum

quum scripturæ & communi Patrū omnium sententiae apertissime adversetur, quemadmodum milles ab aliis demonstratum est. Hanc tamen sententiam Zuinglii, rejecta illā Calvinī, de qua jam dicemus, apud Lugdunenses in Gallia, Lodovicus Alamannus, italicus, acriter defendit. Vide inter Epist. Bezae epist. 5. ad eundem hac ipsa de re scriptam, & nuper, qui in Fœderato Belgio vocantur Remonstrantes, in Apologia pro confessione sua cap. 23. * (pag. 236.) aperte enim ibi profitentur, sed gravissime errantes, se Zuinglii, quem *optimum hujus ceremoniae doctorem* inepte, ne quid gravius dicam, appellant, sententiam sequi, ut simplicissimam, & ad idololatriam omnem evitandam in hac materia in primis necessariam. Et pag. ead. quae a Calvinō illiusque sequacibus dicuntur de communione in cœna cum physica corporis & sanguinis Christi substantia, non modo ironice *incomprehensibilia & ineffabilia illa mysteria* vocant, quae humana seu curiositas, seu superstitio in hoc tam simplice, tam plano, & a nullo non ingenio facile perceptibili ritu finxit potius quam reperit, sed etiam manifestam in se continere absurditatem, & ex isto fonte emanavisse, hodieque adhuc fluere ingentem illam idololatriam, qua major concipi vix potest, audacter asseverant. Sed qui sic abjecte de hoc augustissimo sacramento sentiunt, ut hi aliiqve hodierni novatores, eos non mirum, nihil in eo reperire, quod mirentur. (Pag. 373)

Longe aliter pii Patres senserunt & scripserunt,

* Pag. 236.] P. 2. Oper. Episcopii

qui

qvi φειχτόν hoc μυστήριον, *tremendum mysterium* appellare consueti, nunquam sine sacro & religioso horrore de re tanta cogitari voluerunt: quia firmissime crediderunt, qvi digne haec mysteria corporis & sanguinis Christi sumit, illum vere & realiter corpus & sanguinem Christi in se, sed modo quodam spirituali, miraculoso, & imperceptibili sumere, ut postea dicemus.

Sententia Joh. Calvini, ista zuingliana multo sanior & tolerabilior est. Archiep. spatat, de rep. eccl. l. 7. cap. ii. n. 7. *An ita, inquit, a magistro Calvino reformati sentirent, diu dubitavi, & volui, dum haec imprimenda parabam, plane sententiam Calvini agnoscere. Atque haec, quae sequuntur, dicta in ejus Opusculis reperi. In tract. de Cœna Dom. Blasphemia est negare, in cœna Domini offerri veram Christi communicationem. Pani & vino corporis & sanguinis nomen attribuitur, quod sint veluti instrumenta, quibus D. J. C. nobis ea distribuit. Panis non est figura nulla, & simplex, sed veritati suae & substantiae conjuncta. Panis merito dicitur corpus, cum id non modo repraesentet, verum etiam nobis offerat. Intelligimus, Christum nobis in cœna veram, propriamque corporis & sanguinis sui substantiam donare. Panis in hoc consecratus est, ut repraesentet & exhibeat nobis corpus Domini. Zuinglius & Oecolampadius debuerunt adjungere, ita signa esse, ut nihilominus veritas cum eis conjuncta sit, & testari debuissent, se non co-*
dere

dere, ut veram communionem obscurarent, quam nobis hoc sacramento Dominus in corpore & sanguine exhibet. *Lutherus propterea incensus est in eos, quia volebat sacramentum efficax.* Fatemur omnes, nos, cum juxta Domini institutum, fide sacramentum recipimus, substantiae corporis & sanguinis Domini vere fieri participes. Quomodo id fiat, alii aliis melius definire, & clarius explicare possunt. *Ne vis sacrosancti hujus mysterii imminuatur, cogitare debemus, id fieri occulta & mirabili Dei virtute.* Sic ille, inquit Spalatensis. Haec Calvini dicta idem Spalat. in loco citato n. 8. ad pacem & concordiam inter partes conciliandam sufficere existimat. Omnes, inquit, & Pontificii & Lutheri & Calvini discreti *Reclatores* (Pag. 373.) in eo convenimus, nobis in eo verum ac reale Christi corpus vere & realiter exhiberi. Cur ergo in hoc non sistimus omnes? Hanc tamen, ut appellat, ingenuam Calvini confessionem, Joh. Barnesius in suo Catholico romano pacifico §. 7. in paralipom. ad literam B. verbatim ex Spalatensi de scribens, sibi non probari profitetur, ut quae consubstantiationi maxime faveat, sicut infra dicemus. Interim, inquit, cum bona venia & Calvini & Spalatensis non est additio ad sensum apertum verborum Christi, (ut ibi docet locis citatis) dicere, corpus Christi esse in eucharistia, cum substantia panis permanentis, aut transientis. Sed de hac re inferius, pag. 418.

Quam religiose, reverenter, & Patrum stylo convenienter etiam alibi in scriptis suis de hoc

augustissimo mysterio loqui, videtur idem Calvinus! Instit. l. 4. c. 7. §. 7. *Nihil, inquit, restat, nisi ut in ejus mysterii admirationem prorumpam, cui nec mens plane cogitando, nec lingua explicando par esse potest.* §. 10. *Etsi autem incredibile videtur, in tanta locorum distantia penetrare ad nos Christi carnem, ut nobis sit in cibum; meminerimus, quantum supra sensus omnes nostros emineat arcana Spiritus S. virtus, & quam stultum sit, ejus immensitatem modulo nostro velle metiri. Quod ergo mens nostra non comprehendit, concipiat fides, Spiritum vere unire, quae locis disjuncta sunt.* Et 32. Porro, inquit, *de modo si quis me interrogat, fateri non pudebit, sublimius esse arcanum, quam ut vel meo ingenio comprehendere, vel enarrari verbis queat.* Similiter Beza de Re sacrament. qv. 4. *Sed nihilo minus fatemur, incomprehensibile esse mysterium Dei, quo fit, ut, quod est, & manet in cœlis, & non alibi nobis, qui nunc in terra sumus, & non alibi, vere communicetur.* Et infra: *Quo fit, ut tota haec actio valde proprie μυστήριον vocetur.* Improbatur etiam idem Calv. Instit. c. 17. §. 5. sententiam Zuinglii, qui manducationem corporis & bibitionem sanguinis Christi, nihil aliud esse dicit, quam in Christum credere: Sunt, inquit, qui manducare Christi carnem, & sanguinem ejus bibere uno verbo definiunt, nihil esse aliud, quam in ipsum Christum credere: Sed mihi expressius quiddam ac sublimius videtur voluisse docere Christus in praeclara illa concione, ubi carnis suae manducationem nobis commendat; nempe vera sui participatione nos vivificare: quam

quam manducandi etiam ac bibendi verbis ideo designavit, ne, quam ab ipso vitam percipimus, simplici cognitione percipi quispiam putaret. Plura in eandem sententiam ex eodem scriptore adferri possent. (Pag. 374.)

Sed quod cum bona venia Calvini & sectatorum illius dictum esto, Calvini sententia & doctrina super hac re, maxime incerta & dubia atque lubrica multis viris doctissimis semper, visa est: & abunde id a plurimis cum romanensibus tum lutheranis theologis est demonstratum; quos adi, si libet. Sola illa Consensio mutua in re sacramentaria Ministrorum tigurinae ecclesiae & Joh. Calvini diligenter perpensa, istud lucidissime ostendit. Vir fuit, atque etiamnum est, apud multos Protestantes magni quidem nominis, ut & meriti, sed nemo doctorum in verba illius jurare addictus est. *Tanti est, & esse debet, ut utar verbis doctissimi episc. eliensis in Tortura torti p. 309. quanti rationes, quas affert pro se, nec pluris.* Et ut idem rursus in Resp. ad card Bellarm. Apologiam cap. 7. p. 162. *Tam non Calvinum, quam neque Papam sequimur, ubi a Patrum vestigiis, hic vel ille discedit. Dum nunc his, nunc illis gratificari studuit, haud pauca male sibi cohaerentia scripsit.*

Tutissima & rectissima videtur illorum Protestantium aliorumque sententia, qui corpus & sanguinem Christi vere, realiter, & substantialiter in eucharistia adesse, & sumi existimant, immo firmissime credunt, sed modo humano

ingenio incomprehensibili, ac multo magis ineffabili, soli Deo noto, & in scripturis nobis non revelato, non quidem corporali, & per oralem sumptionem, sed neque etiam solo intellectu, ac pura puta fide, sed alia ratione, soli Deo, ut dictum est, cognita, illiusque omnipotentiae relinqvenda. Phil. Melanchthon postquam illi Lutheri sententia, quam diu defenderat, displicuisset, in epistola ad Vitum Theodorum, (vid. R. Hosp. in l. supra cit. p. 169) de negotio ecclæ sic scribit: *Ego, ne longius recederem a veteribus, posui in usu sacramentalem praesentiam, & dixi: Datis his rebus, Christum vere adesse, & efficacem esse. Id profecto satis est. Nec addidi inclusionem, aut conjunctionem talem, qua affigeretur τὸ ἄρτος τὸ σῶμα, aut ferruminaretur, aut misceretur.* Pag. 375.) *Ego vero, etsi, ut dixi, realem pono praesentiam, tamen non pono inclusionem seu ferruminationem, sed sacramentalem, h. e. ut signis positis adsit Christus vere efficax. Quid requires amplius? Et in Locis commun. anno 38. Wittemb. excusis: Quid de verbis cænae senserint ecclesiastici scriptores, ex dictis eorum apparet. Paulus inquit: Panis est communicatio corporis Christi. Itaque datis his rebus, pane & vino in cæna Domini, exhibentur nobis corpus & sanguis Christi, & Christus vere adest sacramento suo, & efficax est in nobis, sicut Hilarius inquit: Quae sumpta & hausta faciunt, ut Christus sit in nobis, & nos in Christo. Mirum profecto & ingens pignus est summi erga nos amoris, summae misericordiae*

cordiae, quod hac ipsa cœna testatum vult, quod se ipsum nobis impertiat, quod nos sibi adjungat tanquam membra, ut sciamus, nos ab eo diligi, respici, servari. Vide Hospin p. 274.

³⁰ Caspar Cruciger, theologus witebergensis, & Melanchthonis intimus, qui etiam tractatui concordiae witebergensis interfuit, in literis ad eundem Vitum Theodorum, ut legere est apud Hospin. p. 171. haec scripsit: Ego, quantum possum, disputationibus illis interim sepositis. sequor, quod existimo tutissimum; veram, adeoque *συναντικὴν παρουσίαν* esse in usu eucharistiae, quam verba cœnae, & Paulus omnino videntur ponere, & verba nicaeni Concilii plane testantur. Sed ut praesentiam omnino ponendam esse sentio, ita de modo *παρουσίας* non disputo. Puto hoc simplicitati fidei sufficere, credere, quod vere adsit Christus, & ejus corpus & sanguis vere exhibeantur utentibus.

Videantur & diligenter perpendantur Retractatio Mart. Bucerii de Cœna Domini, quam suis enarrationibus in quatuor evangelistas inseruit, pag. 483. edition. hervag. & ejusdem Scripta anglicana p. 642. Historia de concordia circa negotium eucharisticum inter Lutherum, & superioris Germaniae theologos anno 1536. Witebergae inita, in Scriptis anglic. p. 648. Censura de tribus propositionibus a P. Martyre, Oxonii ad disputandum propositis A. 1549. ubi secundam propositionem Martyris, *Corpus & sanguis Christi, non est carnaliter aut corporaliter in pane & vino; nec, ut alii dicunt, sub speciebus pa-*

nis & vini, sic expressam optabat : Pag. 376.) Corpus Christi non continetur localiter in pane & vino: nec iis rebus affixum aut adjunctum est ulla mundi ratione. *Corpus & sanguis Christi uniuntur pani & vino sacramentaliter.* Et tertiae subjici voluit: *ita ut credentibus Christus hic vere exhibeatur. Fide tamen, nullo vel sensu, vel ratione hujus seculi intuendus.* Legatur etiam epist. ejusdem ad P. Martyrem eidem censurae praefixa, Definitio plenior S. Eucharistiae cum explicatione sua, ad petitionem D. Petri Alexandri atrebatensis, script. anglic. p. 551. & Defensio doctr. christiani, contra Robertum, episc. abrin. p. 613. Idem contra Tigurinos defendit, *Christum in caena praesentem esse, praesentiae vere modum inexplicabilem, & proinde omnipotentiae divinae committendum.* Vide Hospin. pag. 162. l. c. Addatur Epistola Bucerii ad Joannem a Lasco de re sacramentaria, quam legere est in epistolis selectioribus illustrium & clarorum virorum, Lugduni Batav. excusis A. 1617. centur. 1. epist. 5. Sibi tamen non semper satis constare videtur Bucerus, ut neque etiam recte dubitare, quid, vel ubi coelum illud sit, in quod Christum ascendisse credimus. Vide Confess. Bucerii de S. eucharistia, Argentinae in schola publice dictatam, prout extat in Script. angl. p. 700. & confer p. 697. & seq.

Caspar Hedio theol. D. & concionator argentinen-
sis, Bucerii collega, in dissert. de Pace
eccl. catholicae apud Goldastum: *De eucharis-*
stiae

stinae dissidio, inquit, quod forte in spongiam cadet propediem optimum videretur consilium: quandoquidem Evangelistae & Paulus de eucharistia circumcise meminerunt, veriti nimirum, ne quid de tanto mysterio secus dicerent, quam oportet, ut fidelis & prudens verbi minister, videns plerosque sic tractare theologiam, ut incidant in inmatæologiam, ipse paucis & circumcise, & verbis Evangelistarum ac S. Patrum de pane & poculo illo mystico loquatur. In hoc mihi, qui dissidium hoc semper deflevi, & pejus angue odi, Photionis atheniensis sententia placuit, cui, dum alii solliciti essent, ut quam plurima dicerent, quo viderentur diserti, diversa cura erat, nimirum ut, quæ ad rem fauebant, verbis quam paucissimis completeretur. Errat, qui Paulo ac Evangelistis prudentior esse vult; deploratè errat, cui pudor est in consilio, qui errorem etiam intellectum vult defendere. Et in summa, de rebus divinis differere, periculosissimum est; taceo, definire velle. Confessio de cœna Domini est, (pag. 377.) quod Christus ut in ultima cœna, ita etiam hodie discipulis suis & credentibus, quando juxta verba Christi, Accipite, edite, hoc est corpus meum, cœnam servant, in hoc sacramento suum verum corpus & sanguinem vere ad manducandum & bibendum dat, in cibum animarum vitae aeternae, ut ipsi in Christo, & Christus in nobis manere possit. Haec ille.

Theologi witebergenſes, Melanchthonis studiosissimi tunc temporis ſectatores, in con-

ventu dresdensi (vide Hospin. de origine & progressu libri concordiae cap. 3. p. 20.) & consensu in eo facto ajunt : *Firmiter credimus praesentiam veri corporis & sanguinis Christi in cœna.* Et paulo post : *Vitamur etiam peregrina, & ad institutionem cœnae nihil pertinentia certamina, quae ipse quoque Lutherus tandem praecidit. De sacramento corporis & sanguinis Christi nunquam docuimus, neque adhuc docemus, quod Christus e cœlo, vel de dextra patris descendat vel ascendat, visibiliter aut invisibiliter; sed firmiter retinemus articulos fidei, Ascendit in cœlos, Sedet ad dextram patris, &c. & omnipotentiae Dei relinquimus, quomodo corpus & sanguis Christi exhibeantur nobis.* Vide hic etiam Hospin. Historiae sacram partem alteram pag. 292. *Qualis autem, inquirunt witeberg. & lipsenses theologi, sit exhibitionis & praesentiae modus, cum sit revera impervestigabilis, inquirere & pervestigare nolumus, sed affirmanti & vere exhibenti, veraci & omnipotenti Domino reverenter credimus.* Joachimus Camerarius, vir doctissimus & Melanchthonis amantissimus, in Notis suis in N. T. in cap 26. Matth. * pag 96. τὸ τὸ ἅγιον αἶμα μου, nimirum τὸ ἐν τῷ ποτηρίῳ. *Viscentibus ipsis, distribuit Jesus praesentibus panem corpus suum, & poculum, in quo esset sanguis ipsius, sive quemadmodum Chrysost. ἐκεῖνο τὸ ὑπὲρ τὴν πλεονασίαν ῥύσασθαι.* Sunt autem haec ejusmodi, quae non intelliguntur ab ulla humana sapientia extra Ecclesiam Christi, & soli religiosae fidelique pietati nota;

nec

* Pag. 96.] Edit. lipsiensis A. 1573.

nec profanis disputationibus ad captum humanum quasi enucleanda, ut religionis sanctitas conservetur, & rerum arcanarum, quae Greci *μυστήρια*, & Latini sacramenta appellaverunt. In 1. Cor. II. p. 49. (Pag. 378.) Cum autem haec institutionis sint & *ὁρατά*, non debet *ἀλλογεία* aut *τύωσις*, neque *τρόπος*, inque verborum significatione *διανοίας* *ἔνθα* quaeri, sed id intelligi simpliciter & religiosa fidei assensione comprehendere oportet, quod dicitur. Vbi non est intelligendus omnem simpliciter tropum excludere, nam neque Lutherani rigidiores tropum aliquem in verbis coenae inesse negant: sed huiusmodi tropum, quo vera & realis praesentia, atque exhibitio corporis & sanguinis Domini cum elementis sanctificatis excluditur & eluatur: fuit enim Camerarius tenacissimus doctrinae Melanchthonis, ut omnibus doctis constat.

Vt multos alios Germanos silentio praeteramus; Legati Wormatiam missi ab ecclesiis reformatis gallicis A. 1557. (vide Hospin. Hist. sacram. 2. part. p. 251.) hanc de coena confessionem Lutheranis exhibuerunt: *Fatemur, in coena Domini, non omnia modo Christi beneficia, sed ipsam etiam filii hominis substantiam, ipsam, inquam, veram carnem, & verum illum sanguinem, quem fudit pro nobis, non significari duntaxat, aut symbolice, typice, vel figurate, tanquam absentis memoriam proponi, sed vere ac certo repraesentari, exhiberi, & applicanda offerri, adjunctis symbolis*

minime nudis, sed quae, quod ad Deum ipsam attinet, promittentem & offerentem semper rem ipsam vere ac certo conjunctam habeant, sive fidelibus sive infidelibus proponantur. Jam vero modum istum, quo res ipsa i. e. verum corpus & verus sanguis Domini cum symbolis copulatur, dicimus esse symbolum sive sacramentalem. (1) Sacramentalem autem modum vocamus, non qui sit figurativus duntaxat, sed qui vere & certo sub specie rerum visibilibus repraesentet, quod Deus cum symbolis exhibet & offert, nempe, quod paulo ante diximus, verum corpus & sanguinem Christi, ut appareat, nos ipsius corporis & sanguinis Christi praesentiam in cœna retinere & defendere. Et si quid nobis cum vere pijs & doctis fratribus controversiae est, non de re ipsa, sed praesentiae modo duntaxat, qui soli Deo recognitus est & a nobis creditur, disceptari. Et paulo post: Modum, quo res ipsa vere ac certo nobis communicatur, non facimus naturalem, aut localem copulationem imaginamur, aut crassam illam ac diabolicam transubstantiationem, non denique crassam quandam commixtionem substantiae Christi cum nostra, (Pag. 379.) sed (2) spirituales modum esse dicimus, id est, qui incomprehensibili spiritali Dei virtute nitatur, quem nobis in hoc suo verbo patefecit: Hoc est corpus meum, &c. Hinc confessioni, inquit Hospin. loco cit. Farellus; Beza; Carmelus & Budaëus legati subscripserunt, idque eo titulo, quod in Gallia, Helvetia & Sabaudia ad

(1) Sacramentalem modum] Vide p. 384.

(2) Spirituales modum,] Vide p. 380. 384.

istum modum de cœna Dominica doceatur & credatur. Displicuit confessio haec Bezae & Tigurinis, quos diversum ab illa sentire lippis & tonsoribus notum erat, ut haud obscure fatetur ipse Beza. Nam cum ei illud objecisset Claudius de Sainctes in Examini Calvine & Bezae doctrinae de cœna, Beza in prima sua Apologia ad eundem Claudium respondet: *Quod si fidei nomen additum fuisset, rectius factum esset. Neque Farelli, neque mea fides unquam apud illos (Tigurinos sc.) in dubium venit. Optassent tantum, plenius illa fuisse à nobis perscripta. Hoc, sicuti par erat, mihi & communibus amicis (Calvinum intelligit) significarunt, quod vererentur, ne qui nostro illo scripto abuteretur.* Haec ille, quem profecto, nihil erat, quod puderet aut pœniteret confessionis istius; sed tamen non satis bona fide in Gallia, Helvetia & Sabaudia ad istum modum de cœna D. doceri & credi, affirmavit vir doctissimus.

Episcopus eliensis in Resp. ad card. Bellarmini Apolog. c. i. p. ii. *Dixit Christus: Hoc est corpus meum, non, Hoc modo hoc est corpus meum. Nobis autem vobiscum de objecto convenit; de modo lis omnis est. De Hoc est fide firma tenemus, quod sit: De Hoc modo est, (nempe transubstantiato in corpus pane) de modo, quo fiat ut sit, live Per, sive In, sive Cum, sive Sub, sive Trans, nullum inibi verbum est. Et quia verbum nullum, merito a fide ablegamus procul: inter scita scholae fortasse, inter fidei articulos non ponimus. Quod dixisse olim fertur Durandus, ne tiquam nobis*
displi-

difficet : Verbum audimus, motum sentimus, modum nescimus, praesentiam credimus; *praesentiam (inquam) credimus*, nec minus quam vos, veram. *De modo praesentiae nil temere definimus*; (addo, nec anxie inquirimus) *non magis quam in baptismo nostro, quomodo abluat nos sanguis Christi: non magis quam in Christi incarnatione, quomodo naturae divinae humana, in eandem hypostasin unia-*
tur. Inter mysteria ducimus (& quidem mysterium est eucharistia ipsa) Pag. 380.) *cujus quod reliquum est, debet igne absumi, id est, ut eleganter Patres loquuntur, fide adorari, non ratione discuti. Haec ille. Vide etiam ejusdem conciones* p. 9. 16. 22. 43. 52. 79. 118. 157 454.

II. Casaubonus in Respons. ad epist. card. Perronii, citato & descripto integro illo episcopi eliensis loco ex libro contra Bellarm. pag. 924. affirmat, hanc esse fidem Regis, & Ecclesiae anglicanae super illa re, & p. 923. *Legimus, inquit, in evangelis, Dominum nostrum, cum hoc sacramentum instituebat, panem sumpsisse & dixisse, Hoc est corpus meum: quomodo panis corpus suum esset, ne verbulo quidem uno explicuisse legimus. Quod legit Ecclesia anglicana, hoc pie credit; quod non legit, pari pietate non inquit: mysterium istud magnum esse, humano ingenio incomprehensibile, ac multo magis inenarrabile, fatetur & docet.*

* J. ep. roffensis, de Potestate Papae in rebus
tem-

* J. ep. roffensis] Is est Joh. Fisher,

temporalibus, contra card. Bellarm. in praef. ad lectorem : *Bernardi*, inquit, *sententia haec est, quod usque hodie eadem caro nobis, sed spiritualiter, utique non carnaliter, exhibeatur. Huic consona est per omnia doctrina Ecclesiae anglicanae, quæ (in Catechismo nuper aucto) corpus & sanguinem Christi in cæna Domini, vere & realiter exhiberi, & fide recipi asserit; modum autem spiritualem, & proinde ineffabilem & incognitum tradit, & a quaestione περί τῆς τροπῆς de modo praesentiae abstinendum esse docet. Ibidem. ex Cyrillo in Joan. l. 4. cap. 13. & Theophylacto in Joan. 6. verba Durandi speculatoris, supra citata, & versus illos satis notos probat :*

Corpore de Christi lis est, de sanguine lis est;

Deque modo lis est, non habitura modum.

Citat etiam verba Hardingi in Responsione ad art. episc. Juelli (hac in re sententiae Tigurinorum & P. Martyris addictissimi) de reali praesentia art. 5. sect. ult. *modum praesentiae juxta omnes Catholicos verum & realem, sed longe sublimiorem, & excellentiorem, supernaturalem, supersubstantialem, invisibilem, inenarrabilem, hujus sacramenti proprium, non tantum spiritualem, & tamen spiritualem esse, immo talem esse, qualem Deus unus novit. Pontificios autem reprehendit, qui modum hunc definiunt, per viam transubstantiationis, quam ignorent antiqui. Pag. 381.)* Consentit R. Montacutius in Antidiatrib. contra Bulengeri Diatribam 13, p. 143. & contra

contra anonymum contro. abbreviat. art. 35. & in Appello ad Caesarem, contra Purit. parte 2. c. 30. Videantur quoque doctissimus Hookerus de Politia ecclesiast. l. 5. sect. 67. & hyperaspistes ipsius, Wilielmus Covellus art. 17. de Transubstantiatione contra Puritanos; Theophilus Fieldus, episcopus landavensis, in libello, quem Parasceven paschae inscripsit, ubi Hookeri sententiam magnopere laudat, pag. 113. Bilsonus, episc. Winton. ad Apol. Jesuit. parte 4. & Christoph. Suttenuus in lib. de hoc sacramento conscripto penetoto, maxime cap. 70. edit. londin. A. 1622. quod caput tum latine, tum anglice scriptum exstat de hac controversia lectu apprimè dignum. Georg. Singus in defensione Jac. Vsserii, archiep. armachani, parte 1. anno 1632. excus. pag. 12. diserte affirmat, *neminem latere, quod multi in Ecclesia anglicana praesentiam Christi in sacramento consiteantur, licet modum non assignent.*

Archiepiscopus spalat. ut constat, hanc sententiam prolixè tuetur lib. 5. de Rep. Eccl. cap. 6. & lib. 7. cap. 11. n. 7. & n. 8. *Hic, inquit, est tam atrocis & periculosae dissensionis facillimus modus sopiendae, ut omnes veritatem corporis Christi in sumenda eucharistia exhiberi uno ore fateamur, & circa modum, quo fiat haec exhibitio, quippe ineffabilem & inexplicabilem, nobis omnibus silentium perpetuum indicamus, & ex hac dissensione schismata coalita extinguamus.* Vide eundem contra errores Fr. Suarez, cap. 2. Legatur quoque Petri Piche-

Picherelli, viri longe doctissimi & moderatissimi, Expositio verborum coenae, & dissertatio de Missa. Auctor etiam Diallactici de Veritate corporis Christi in eucharistia, pluribus contendit, & ex scripturis ac Patribus ostendit, *eucharistiam non solum figuram esse corporis dominici, sed etiam veritatem ejusdem, naturam atque substantiam in se comprehendere*: licet, quae de discrimine inter illud corpus Christi, quod in sacramento distribuitur, & id, quod de virgine Maria assumptum, in caelos ascendit, Bertramus sequutus, differit, facile aliquos offendant, (ut Cassandri verbis utar, epist. 3. p. 1084.) quibus, ex verbis Christi persuasum est, *Pag. 382.) & quidem vere, non aliud corpus in sacramento fidelibus dari, quam quod a Christo pro fidelium salute in mortem traditum fuit. Quamvis autem, inquit porro Cassander, hic distinctione aliqua opus sit, malim tamen illam ad modum praesentiae & exhibitionis, quam ad ipsam rem subjectam h. e. corpus Christi adhiberi.* Diallacticon hoc exstat in fine volum. secundi Tractationum theologicarum Bezae. Autor hujus libri fuit J. * Ponetus, episc. wintoniensis, anglus, & non alio consilio scriptus & editus est, quam ut dissidentes Lutheranos & Zuinglianos in gratiam reduceret. Vide Hospin. loco cit. pag. 245. 246. Sed quia sententia haec non sat recte intelligitur, neque explicatur a multis, qui eandem sequi videntur, ac proinde concordia inter dissidentes impeditur, paulo distinctius hac de re, quam

* Ponetus] Vide Hydei Catal. B. B. part. I. 234.

quam multi alii consueverunt, dicamus. Multi hanc veram & realem praesentiam corporis & sanguinis Christi in eucharistia, & utriusque communicationem, ne oralem & corporalem, aliquam admittere & asserere videantur, *spiritualiter tantum & per fidem* effici & perfici affirmant. Ecclesiae anglicanae fidem sic exprimit Casaub. in Resp. ad epist. card. Perronii: *Ecclesia anglicana, ut rem omnem brevi compendio complectar, in cæna Domini realiter participationem se fieri credit corporis & sanguinis Christi, atque, ut Patres graeci dicunt, & quod Bellarm. ipse fateatur, spiritualiter. Per fidem enim Christum apprehendunt & manducant. Eadem Ecclesia in exhibitione panis mystici, haec verba ministro praescribit dicenda: Corpus Domini, &c. accipe, & ede hoc in recordationem mortis Christi pro te, & temet illo ale in corde tuo per fidem cum gratiarti actione.*

Spiritualiter profecto corpus Christi in eucharistia exhiberi & accipi, nonnulli veterum diserte dixerunt. * Athanas. in illud evangelii, *Quicumque dixerit*, Matth. 12. 32. *Quot hominibus corpus ejus suffecisset ad cibum, ut universi mundi alimonia fieret? Sed propterea ascensionis suae in cælum mentionem fecit, ut eos a corporali intellectu abstraheret,* Pag. 383.) *ac deinde carnem suam, de qua locutus erat, cibum e supernis cœlestem, & spirituales alimoniae (ἡ πνευματικὴ τροφή) ab ipso donandam intelligerent. Quae enim locutus sum vobis, inquit, spiritus & vita sunt. Quod perinde*

* Athanas.] Tomo I, edit. nannianae. p. 771.

perinde est, ac si diceret, corpus meum, quod ostenditur, & datur pro mundo, in cibum dabitur, ut spiritualiter (πνευματικῶς) unicuique tribuatur, & fiat singulis tutamen praeservatioque ad resurrectionem vitae aeternae. Haec sive ille, sive aliquis alius scriptor vetus. Macarius homil. 27. Illo tempore magnates, iusti, reges & prophetae noverant, venturum esse redemptorem: at passurum esse, crucifigendum, &c. non norant, neque ascendit in eorum cor baptisma futurum ignis ac spiritus sancti, item in ecclesia offerendum esse panem & vinum, antitypon carnis ejus & sanguinis, sumentesque de pane visibili, spiritualiter (πνευματικῶς) carnem Domini esuros. Bernhard. in serm. de S. Martino affirmat, in sacramento exhiberi nobis veram carnis substantiam, sed spiritualiter, non carnaliter, ut ipse Bellarm. fateri cogitur, de Eucharistia lib. I. c. 2. sect. Tertia regula: Licet, inquit, non videatur haec vox spiritualiter multum frequentanda, quia periculum esset, ne traheretur ab adversariis, non tam ad modum, quam ad ipsam naturam significandam. Sed illud, Spiritualiter, neque Romanenses ipsi recte explicant, dicentes, adesse Christum in eucharistia, non carnaliter, non corporaliter, id est, eo modo, quo suapte natura existunt corpora, nec sensibilibiter, mobiliter, &c. sed spiritualiter, id est, modo existendi spirituum, cum Christus totus sit in qualibet parte, adesse tamen per transubstantionem, ita ut motis speciebus vere moveatur corpus Christi, quamvis per accidens: quomodo anima nostra vere mutat locum, cum corpus mutat locum, & ut vere & proprie

O o

dica-

*dicamus, Chriſti corpus in euchariftia attolli, depōni, deferri, collocari in altari, vel in pixide, transferri a manu ad os, & ab ore ad ſtomachum, ut loquitur Bellarm. loc. cit. ſect. Ideo ſit regula ſexta. ut adeo recte in Concilio romano ſub Nicolao II. compulſus ſit Berengarius confiteri, Chriſti corpus, ratione ſpecierum ſive accidentium, quibus conjunctum eſt, (Pag 384.) ſenſualiter ſacerdotum manibus tangi & frangi, ut aſſerit Bellarm. ibid. Quintaregula. Haec omnia atque id genus alia plurima, nec ſcripturae nec Patres unquam nobis tradiderunt. Neque etiam Proteſtantes illi, qui illud ſpiritualiter, ſic intelligunt, nos ſolo intellectu, ac pura fide recipere in nos corpus Chriſti, mentem Spiritus S. in ſcripturis, & Patrum aſſecuti ſunt. Sic enim (ut verbis utar Archiepiſcopi ſpalat. de Rep. eccl. l. 5. cap. 6. in Appendice ad Cyrill. alex. * n. 8.) nihil differret ſacramentalis receptio, a fide incarnationis; (adde etiam mortis & paſſionis) differt tamen plurimum, non in effectu, quia, ut vidimus in Hilario, per fidem incarnationis aſſequimur & animae ſalutem, & corporis immortalitatem, & in euchariftia idem; ſed in modo operandi: in euchariftia enim, praeter fidem, quae eſt neceſſaria, & qua per ſolum intellectum unimur carni Chriſti, quae eſt obiectum noſtrae fidei, ponimus conjunctionem quandam ſenſualem verae & realis carnis Chriſti cum anima & corpore etiam noſtro, quam melius vocare non poſſumus, quam ſacramentalem, h. e. quae per viam*
come-

* N. 8.] Pag. 162. & n. 25. p. 167.

comestionis fiat; ut, dum panem sacrum comedimus, simul cum pane, non via corporali, sed alia soli Deo nota, quam spirituales vocamus, quia certum est, non posse esse corporalem: eam vero fatemur cum Patribus esse ineffabilem, inexplicabilem, inexqvilitam, (ut Cyrillus vocat) h. e. non inquirendam, nec indagandam, sed sola fide credendam, nobis exhibeatur ipsum verum corpus Christi. Et paulo post: Et haec unio realis sacramentalis, in modo longe diversa a sola unione fidei, omnes machinas, omnia argumenta omnia commenta Perronii demolitur, & vera Patrum sensa a reali praesentia, hoc est, corporali remota, reddit compertissima. Alterum vero, corporaliter, omnino est* in Cyrillo admittendum, quia & objective, & etiam subjective illud intelligit; ita ut corpus Christi sit receptionis objectum, & corpus nostrum sit ejusdem receptionis subiectum, & non solus spiritus aut intellectus, sed modus hujus receptionis sit penitus, etiam fidei nostrae, ut dixi, occultus, ut Christi corpus sit in nobis non solum objective, sed etiam subjective, modo tamen quodam divino, spirituali & ineffabili. Haec ille, apud quem multa alia in eandem sententiam ibi atque alibi legere est.

Ac proinde male docetur a multis Protestantibus, hanc praesentiam & communicationem per fidem effici, quia, ut inquiunt illi, fides verbo Dei nitens, res facit praesentes, quae promittuntur. Fides, ut constat, magis proprie dicitur accipere, & apprehendere, quam vel polliceri vel praestare. Verbum Dei, & promissio,

O o 2

cui

* In Cyrillo] In Joh, lib. 10, c. 13.

cui fides nostra nititur, Pag. 385.) praesentia reddit, quæ promittit, non fides nostra. Vide Cl. Espenacæum Oper. p. 923. & seq. de collatione habita Sangermani inter Protestantes & Romanenses aliquot A. 1561. & J. Aug. Thuanum Hist. l. 28. p. 47. vel 568. Promissio hujus praesentiae & communicationis effectum quidem, maxime salutarem, non operatur neque obtinet, nisi in fide viva credentibus, & digne communicantibus, utriusque tamen causa & fundamentum, est verbum promissionis Christi, non fides nostra.

Falso etiam asseritur, *haud aliter nos corpus Christi in eucharistia comedere, quam Patres V. T. qui crediderunt in Christum.* Haud dubie prisci fideles, ante Christi incarnationem, carnem Christi spiritualiter edebant in manna & rebus aliis figuratam, & sufficienter pro statu œconomiae illius, ad salutem. 1. Cor. 10. 3. 4. Sed nihilominus per communicationem carnis Christi in eucharistia, multo altius & solidius nos Christianos incorporari Christo, quam priscos fideles, qui Christi incarnationem praeceperunt, & spiritualiter tantum, sive per solam fidem carnem Christi manducarunt, credidit semper Ecclesia catholica. *Quod in re sumebatur a Judæis in esu agni paschalis,* (ut recte affirmat Arch. spatat. de Rep. eccl. lib. 5. cap. 6. n. 44. p. 95.) *nihil aliud erat nisi agnus, cibus de se consumptibilis.* Christi enim corpus, etsi spiritualiter sumeretur per fidem, non tamen in re ipsa sumebatur, sed in spe. At vero panis noster

noſter exhibet ipſum Chriſti corpus reale in re ipſa, & non in ſpe tantum. Illi igitur manducabant cum agno Chriſtum fide rei futuræ & ſperatæ, nos vero comedimus eundem Chriſtum fide quidem, ut illi, ſed fide rei præſentis, quæ actu ipſo, & non ſola ſpe, nobis cum pane exhibetur, modo tamen ineffabili, certe non corporali; quod illis non contingebat, & ſic illi re ipſa non comedebant corpus Chriſti. Vide etiam eundem ibid. n. 51. & 77. pag. 167. vel 119. & n. 97. pag. 191. vel 135. Admiſſa igitur illa, ut ſupra innui, Auguſtini expoſitione loci 1. Cor. 10. 3. verborum, *Patres noſtri eandem eſcam ſpiritualem manducaverunt*, id eſt, (ut ait ille in Pf. 7. & tract. 26. in Jean.) Hebræi fideles eandem eſcam ſpiritualem comederunt, quam nos, (licet Chryſoſtomus, Theophylaſtus, & alii multo rectius verba illa intelligant, *de eſca eadem inter omnes Hebræos tum bonos tum malos, non autem nobiſcum*) nihil aliud inde conficitur, (pag. 386.) quam eandem Judæorum & Chriſtianorum eſcam fuiſſe quoad ſignificationem, non autem quoad rei ſignificatæ & figuratæ præſentiam & exhibitionem. Aliud eſt paſcha, inquit Auguſtinus l. 2. contra literas Petiliani, c. 37. *quod Judæi de ore celebrant, aliud, quod nos in corpore & ſanguine Domini accipimus.* Et in psal. 75. *Idem*, inquit, *in myſterio cibus, & potus illorum, & noſter; ſed ſignificatione idem, non ſpecies, quia idem ipſe Chriſtus illis in petra figuratus, nobis in carne manifeſtatus.* Haud abſurde igitur dicitur, agnū paſchalem, manna, petram, &c.

fuisse sacramenti eucharistiae typos & figuras, quia, quod illa typice significabant & figurabant, hoc non tantum significat & figurat, sed re ipsa etiam exhibet, sed bonis & fidelibus tantum, ut infra dicemus; licet panis mysticus nec substantialiter sit ipsummet Christi corpus, neque etiam corporaliter idem in se contineat.

Perperam etiam asseritur, *non aliter in sacramento esse Christi corpus, quam in verbi praedicatione & auditu, atque res easdem esse, Christum in baptismo induere, & ipsius carnem ac sanguinem in cœna sumere.* Christum illiusque cœlestia beneficia per verbum, baptismum & alia sacramenta, (de quibus alias Deo propitio dicemus) atque per fidem maxime ex parte nostra, modo viva sit ea, nobis a Deo exhiberi & a nobis accipi, certissimum est: Sed non minus certum est, per manducationem mysticam corporis Domini, & potum ejus sanguinis in eucharistia, nos multo efficacius & plenius, sublimius & augustius, strictius & arctius corpori & sanguini Christi uniri & incorporari, quam per illa. Quam ob causam hoc sacramentum dicitur per excellentiam *communio*, ut recte annotat If. Casaub. Exerc. 16. n. 30. pag. 508. vel 444. quia sc. hunc modum per manducationem mysticam, Christus instituit longe efficacissimum perficiendae unionis & conjunctionis quam arctissimae inter sese & membra sua, itemque membrorum ipsorum inter se. In cœna enim per admirabilem virtutem Spiritus sancti, invisibiliter substan-

substantiae corporis Christi communicamus, cujus participes efficimur, haud secus, ac si visibiliter carnem & sanguinem ejus ederemus & biberemus. In baptismo lavacrum est, sed hic alimentum. Baptismus ingressus est in ecclesiam: Coena, nutrimentum in ecclesia & conservatio. Baptismus est *salus*: Sacramentum corporis Christi, *vita*, ut ait Augustinus de Peccatorum merit. & remiss. lib. I. c. 24. Vide P. Picherellum de Missa pag. 208. & 210. & ad mysticam manducationem Pag. 387.) verum Christi corpus, non tantum animae, sed *etiam corpori nostri*, spiritualiter tamen, hoc est, non corporaliter, exhibetur, & sane alio ac diverso, nobisque propinquiori modo, licet occulto, quam per solam fidem: ut recte Archiep. spat. l. c. pag. 2; 7. vel 166. n. 25. *Et licet Johan. cap. 6. de esu sacramenti non agat*, inquit P. Picher. pag. 193. *tamen de eadem carnis Christi manducatione spirituali, mysticaque cum Christo conjunctione: illic certe per fidem de conjunctionis initio; in sacramento autem, conjunctionis majore propinquitate, augmento, confirmatione, & strictiore arctioreque vinculo, loquitur.* Et fides, qua proprie Christi caro in eucharistia spiritualiter, h. e. incorporaliter, manducatur, non est ea sola, ut quidam dicunt, qua Christus pro peccatis nostris crucifixus & mortuus creditur: ea enim fides praesupponitur quidem & praerequiritur sacramentali manducationi, sed non est ejus propria; verum ea fides est, qua creditur verbo Chri-

sti dicentis, *Hoc est corpus meum*, &c. Cre-
dere enim, Christum ibi esse praesentem, eti-
am carne vivificatrice, & desiderare eam sume-
re, nimirum hoc est spiritualiter, & recte eam
manducare in eucharistia: unde Augustinus su-
per Joan. tract. 25. *Quid paras dentem & ven-
trem? crede, & manducaſti*; ut doctiores norunt &
notant.

Denique gravissime erratur, quando *Chri-
stum non esse realiter in eucharistia*, hisce ratiun-
culis urgetur: *Christus est in cœlo, loco circum-
scriptus*, &c. Igitur non est re ipsa vel realiter in
eucharistia. Nemo enim sanæ mentis, Chri-
stum e cœlo, vel de dextra partis descendere,
visibiliter aut invisibiliter, ut in cœna vel signis
localiter adsit, existimat. Fideles omnes una-
nimi consensu & uno ore profitentur, se firmi-
ter retinere articulos fidei, *Ascendit in cœlos, Se-
det ad dextram Patris*, & modum hujus praesen-
tiae credere se non esse naturalem, corporalem,
carnalem, localem per se, sed supernaturalem,
& absque ulla cœlorum desertione. Vide scri-
pta Bucerî anglicana pag. 548. Nimis tamen
audacter quam plurimi, multis retro seculis, at-
que imprimis hoc nostro rixosissimo, nimis, in-
quam, audacter, immo plus satis crasse & mate-
rialiter de *praesentiae modo* locuti sunt, hodie-
que loquuntur, quem nos infinitae Dei sapien-
tiae & potentiae omnino reliquendum cense-
mus. De caeteris, quae de orali, etiam indigno-
rum manducatione, corporis dominici dicenda,
restant,

De transubstantiationis possibilitate. p.388. 585
restant, Pag.388.) supersedemus scribere,
donec de transubstantiatione & consubstanti-
atione differendi erit locus.

CAP. II.

In quo de transubstantiationis possibilitate agitur.

QVod ad transubstantiationem attinet, admodum periculose & nimis audacter negant multi Protestantes, *Deum posse panem substantialiter in corpus Domini convertere.* Multa enim potest Deus omnipotens facere supra caput omnium hominum, immo & angelorum. Id quidem, quod implicat contradictionem, non posse fieri, concedunt omnes. Sed quia in particulari nemini evidenter constat, quae sit uniuscujusque rei essentia, ac proinde quid implicet, & quid non implicet contradictionem, magnae profecto temeritatis est, propter coecae mentis nostrae imbecillitatem, Deo limites praescribere, & prae fracte negare, omnipotentia sua illum hoc vel illud facere posse. Placet nobis iudicium theologorum wirttembergicorum in Confessione sua anno 1552. Concilio tridentino proposita cap. de eucharistia: *Credimus, omnipotentiam Dei tantam esse, ut possit in eucharistia substantiam panis & vini vel annihilare, vel in corpus & sanguinem Christi mutare.* Sed quod Deus hanc suam absolu-

tam omnipotentiam in eucharistia exerceat, non videtur esse certo verbo Dei traditum, & apparet veteri ecclesiae fuisse ignotum. Haec illi modeste satis. Consentit Andr. Fricius lib. 4. de Ecclesia cap. 16. pag. 295.

Zuinglius & Oecolamp. aliquoties, ut constat, concesserunt Luthero, & illius sequacibus, ac proinde & Romanensibus, ut qui idem non minore contentione urgent in transubstantiatione sua defendenda, quam illi in consubstantiatione sua, * Deum quidem hoc posse efficere, ut unum corpus sit in diversis locis, sed quod idem in eucharistia fieret, & quod Deus id fieri vellet, id vero sibi probari postularunt. *Pag. 389.* Utinam hic pedem fixissent, nec ulterius progressi fuissent discipuli! In colloquio maulbrunensi actione 8. Jacobo Andreae lutherano objicienti, Calvinistas negare, Christi corpus caelesti modo pluribus in locis esse posse, ita respondet Zach. Ursinus, theol. heidelbergensis: *Non negamus, eum ex Dei omnipotentia pluribus in locis esse posse; hoc in controversiam non venit, sed, an hoc velle Christum, ex verbo ejus probari possit. Itaque hoc te velle existimavimus, Christi corpus non tantum posse, sed etiam re ipsa oportere in S. Cæna praesens esse. p. 155. Idem Ursinus actione ead. p. 153. Conaberis etiam ostendere, (alloquitur Jacobum Andreae) elevari & imminui a nobis omnipotentiam Dei, eum dicimus, Deum non posse facere, ut corpus in pluribus sit locis, aut ut Christi corpus*
per

* Deum quidem hoc posse efficere.] Vide pag. 391.

per lapidem penetret. De quo responsum est non semel, nunquam quaesitum esse aut disputatum, an possit Deus hoc aut illud efficere; sed hoc tantum, an ita velit. Quam vere haec ultima dicta sint, judicet lector aequus. Saepe enim Matth. Martinus contra Mentzerum asserit, posse quidem Deum, sed non velle. ●

P. Martyr in disput. de Eucharistia cum Romanensibus habita Oxonii A. 1549. illis concessit, per miraculum Christi corpus, per aliud corpus solidum forte penetrare potuisse, atque sic duo corpora simul in eodem loco fuisse, licet negaret, propterea unum corpus in pluribus locis simul esse posse. Vtrumque tamen istud plurimis philosophis & theologis doctissimis in natura aequè absurdum & impossibile, & Deo tamen possibile esse videtur. Verba P. Martyris hic adscribam: *Quum Morganus, theologus romanae partis, locum objecisset Chrysostomi in cap. 20. Joan. hom. 86. de penetratione corporis Christi ad discipulos januis clausis, respondit P. Martyr pag. 139. Chrysostomus adscribit corpori Christi levitatem & tenuitatem tantam, ut januis clausis ingredipotuerit, & crassitudinem tantam aufert, quanta potuit impedire illum ingressum, non tamen omnem. Subjecit continuo Morganus: Corpus Christi intravit clausis foribus, crassitudine non impediante, ut dicis, ergo tunc erant duo corpora in in uno loco. Martyr ad haec inquit: Duo respondeo, primum, quod S. literae nobis narrant hoc miraculum: ideo facile illis creditur. Verum quod corpus*

corpus Christi substantialiter praesens sit in multis locis, nunquam docent. Pag. 390.) Alterum, quod assero, est: In illa penetratione corporis Christi ad discipulos, vi divinitatis potuisse quantitatem parietis ita cedere, ut duo corpora non fuerint simul eodem loco. Et memini, Tertullianum (quia soletis etiam adducere corpus Christi egressum ex utero virginis clauso) in lib. de Carnis resurrectione scribere, Christum nascendo vulvam matris aperuisse. Quod etiam Cypr. in Expos. symboli affirmat. Et Hieron. ad Eustochium scribit, Christum de utero virginis cruentum egressum esse. Sunt, qui existimant, Christum egressum per uterum virginis integrum omnino & clausum. Ut ergo non omnes idem sentiunt quoad hoc, ita ego duplicem tibi dedi responsionem; unam, qua penetrationem istam concedo per miraculum, non tamen ita, ut corpus Christi omnem quantitatem penetrando amiserit; a simili autem non concedo, corpus Christi esse in multis locis, quia hoc non tradit scriptura, sed secus ostendit. Altera responsio est, vi divinitatis cecidisse fores, ut aliqui dicunt, apertum virginis uterum. Et p. 198. Deinde Patres, qui hanc penetrationem sic affirmant, non habuerunt forte pro tam absurdo, in natura duo corpora esse simul in eodem loco, quam unum corpus esse simul in multis locis. Haec ille. Idem contra Gardinerum p. 37. Mihi, inquit, dubium non est, vi divina partes ostii (per quod Christus ad discipulos ingressus est) & lapidis (monumenti) cedere potuisse, donec transiret Domini corpus, atque post illud obsequium rursus fuisse conjunctas. Sed

vos fingitis, mansisse lapidis & ligni soliditatem, atque ea salva, neque cedente, corpus Christi transiisse. Cur suam potius non relinquitis corpori Christi soliditatem, cui lapis & lignum ad momentum pesserit? Profecto, quod a me dicitur, & facilius est, & longe verisimilius. Si cui tamen videretur vestrae imaginationi assentiri, quod mihi non videtur, posset adhuc rixam movere, an tantundem absurdi habeant: Duo corpora simul in eodem loco esse, & unum idemque corpus, praesertim humanum, per multa loca defundi. Vos, scio, dicetis, paria haec esse. Quid si ille negarit, dixeritque, hic tolli atque aboleri naturam humani corporis, ibi vero servari? Quibus, obsecro, rationibus illum a sua sententia dimovebitis?

338 Rod. Hospinianus in lib. de Formula concordiae p. 33. facie altera: *Subito disparere, super aquis ambulare, caeteraque ejusmodi, veritatem corporeae substantiae non tollunt: Pag. 391.) neque etiam per corpus solidum penetrare, quia sunt dumtaxat πᾶσι ποῖνα & ὅπου ποῖνα, sed plurimis simul locis esse totum, &c. omnia haec sunt, vere ἀντιποῖνα, uniusque deitati quadrant. Vide autorem, P. Martyri addictissimum.*

Bened. Aretius, theologus bernensis, in Joan. 20. 19. *An vero clausis relictis foribus sit ingressus Christus, incertum est. Fieri potest, ut apertae sint sponte ad Christi praesentiam; tamen Theophyl. Chrysost. & Cyrillus sic accipiunt, quasi divinitatis hinc argumentum eluceat. Vide Cyril. lib. 12. in Joan. cap. 53. & Theophyl. in hunc locum. Quae senten-*

sententia nihil habet absurdi, si ad maiestatem solius Christi referatur. Nam qua potentia supra aquas ambulavit, eadem fores vel aperire vel transire potuit, ut Deo nihil illi invium sit. Joach. Camerarius, vir praestantissimus, in c. 20. Joh. Jam sub noctem advenit Jesus, nihil obstantibus aut impedientibus clausis foribus aedium, & mirabilem accessionem illam fuisse indicatur.

Th. Bilsonus, angulus, episc. winton. de Christiana subjectione, parte 4. p. 373. edit. in 8. de perpetua B. Mariae virginitate differens, sententiam Augustini in Enchiridio ad Laurent. cap. 34. (*Quod si vel per nascentem corrumpetur ejus integritas, jam non ille de virgine nascetur, &c.*) probare videtur, quod B. virgo non minus post partum, quam conceptionem, intemerata virgo permanferit, i. e. non solum (ut multi alii Protestantes explicant) sine cognitione viri, sed absque omni omnino corporis laesione; & huic sententiae Augustini firmandae multa alia ex ejusdem operibus ibidem adducit. Similiter scribit Lancel. Andreas, episc. nuper winton. in concione super Isaiae verba cap. 8. v. 14. *Ecce virgo concipiet*, p. 74. circa finem, & pag. 574. affirmat, ante revolutum per angelum monumenti lapidem, Christum redivivum exiisse, licet de lapidis penetratione nihil diserte dicat. Audia- tur hic etiam, si libet, lector benevole, Joan. Casus, angulus philosophus, & in medicina doctor oxoniensis, in Comment. in 8. l. Physic. Arist. l. 4. c. 3. p. 523. *Non tamen hic nego, quin divina*

*vina potentia hoc fieri possit, ut unum numero corpus in pluribus simul existat locis, cum constet, divina virtute corporum penetrationem fieri posse: quae manifesto probat, duo corpora esse posse in uno loco. (Pag.392.) Quare pari modo non minus possibile est, per eandem virtutem unum corpus in locis pluribus contineri. De priori parte nemo christianorum philosophorum dubitat, qui credit, Christum illaeso virginis utero natum, clauso sepulcro resurrexisse, iterum ad discipulos obsecratis foribus fuisse ingressum, & denique ad Patrem ascendentem caelum penetrasse. De altera vero parte quis litigare debet, si placeat divinae majestati potentem virtutis manum Petro porrigere, ut super aquam inambulet, & D. Ambrosio, ut in eodem instanti divinis rebus Mediolani assistere, & Turone exequiis D. Martini praesens interesse dicatur? * si Antonino, viro fide non indigno, sic narranti credamus. Vid. Anton. 2. p. Summae l. 10. cap. 114. Neque est quod hinc concludat contradictionem in Deo. Quae enim potest esse in infinito contradictio, quantumvis hominem in belluam, aut statuam salis vertat? At dices, esse contradictionem naturae, quam ut ancillam sub umbra alarum fovet. Non est, tum quoniam illam ut servam suae voluntati & potentiae subjectam fecit, tum quoniam illius naturam non immobilem, sed flexibilem, mutabilemque fecit. Adde etiam, quod hoc concesso, non tamen sequatur contradictio, quia natura unius*

Antonino] Patria florentino, ordinis Praedicatorum, ac postea Florentiae archiepiscopo, qui vixit sec. 15.

unius vel alterius contra legem naturae concussa aut mutata, universalis natura eodem motu labefactata non concidit. *Hoc ergo imperium in multis sibi reservat Deus, ut mortales videntes mirabilia Dei, & Deum esse, & mirabilem in suis operibus existere semper agnoscerent.* Et paulo post: *Interim moneo curiosos sophistas istius aetatis, in qua (heu!) nimis multi athei esse contendunt, ne in rebus sacris, divinae potentiae mirisque & occultis miraculis naturae nimium increduli persistant.* *Incredulitas enim in mysteriis Dei, infidelitatis filia est, spuriosque infinitos nomine Christianos gignit.* *Si rationem ergo non videas, ne statim exclames, ut soles: Hoc fabula est; fieri non potest, ut unum idemque numero, corpus in duobus simul subsistat locis, aut duo in uno.* *Qui enim omnia ex nihilo finxit, efficere potest, ut corpus clauso sepulcro, (non per angelos, ut ais, remoto lapide) surgat: ut clauso ostio, non cedente, (ut somnias) ad discipulos intret.* *Quo concessor, cur spasmo, & paralipsi illius jam dextram laborare dicis, ut haec non possit? Nam quamvis tecum consentiam, quod raro haec faciat; dissentio tamen, si doceas, quod omnino non possit.* pag. 393.) *Haec omnia ille, quem cum opere mirifice laudant plurimi tum theologi, tum etiam medici & philosophi oxonienses, ut videre est in operis initio. Viri moderationem commendo. Saepe tamen est olitor valde opportuna locutus.*

Ad Luc. 2. 23. notat Maldonatus, a quibusdam Patribus dici, *Christum solum nascendo matris*

utrum

uterum aperuisse, sed quam recte, nos, quibus brevitatis hic maxime placet, nihil dicemus in praesentia. Certe complures ex Patribus haec duo, ut miracula, Christi scil. nativitatem, seu ingressum in mundum per clausum matris uterum, & ingressum ad discipulos januis clausis, saepe conjungere solent, *in utroque totam rationem facti esse potentiam facientis*, ut loquitur Aug. in ep. 3. ad Volusium, affirmantes. Videantur hic alii hisce de rebus fuse differentes. Sed, ut dicamus quod res est, *nihil hic certi, & tanquam de fide, statui potest.* Ignorantiam nostram humiliter agnoscamus omnes in plurimis, quae a Deo facta leguntur, quaeque etiam non raro hodie fieri cernuntur: potentiam divinam admirari discamus, & caveamus, ne propter nostri pectoris angustias quicquam absolutae Dei potentiae, qui operatur supra quam petimus aut intelligimus, Ephes. 3. 20. detrahamus aut derogemus.

De modo, quo Christus in caelum assumptus est, placet modestia Gulielmi Estii, qui in Annotat. ad Mar. 16. 19. sic scribit: Curiosius nonnulli scrutantur, an Christo-ascendente divisi fuerint caeli, an vero sine divisione eos penetraverit, quemodo clausis januis ingressus fuerat ad discipulos. Arbitror dicendum, Christum pertransivisse caelos aethereos eo modo, quo nunc est in summo caelo, & quemodo omnes beati cum gloriosis suis corporibus illic versaturi sunt: sed quo id modo fiat, nihil certi. Crediderim tamen, caelestia corpora

cessura sanctorum corporibus, eo modo, quo nostris his corporibus aër cedit. Nam perpetuam illic dimensionum penetrationem ponere, minus habet rationis. Haec ille, qui etiam de B. virginis partu differens Annotat. in Luc. 2. 23. sic loquitur: Vel dici potest, secundum multos catholicos doctores, uterum virginis nullo modo fuisse apertum, sed miraculo quodam supernaturali, sic Christum prodixisse utero clauso, sicut prodixit clauso sepulcro, & sicut ingressus est ad discipulos januis clausis: Pag. 394.) vel secundum Hieronymum, & alios quosdam dici potest, per naturalem meatum exiisse foetum, sine ulla materni corporis violatione, qualis fit in alijs matribus, quae proinde magno cum dolore pariunt, maxime in primo partu. Itaque sicut in primo statu fuisset partus naturalis, per meatus naturales, sine detrimento maternae integritatis; ita dici potest, & in illa matre id accidisse, cui soli contigit sine corruptione concipere. Nam & in primo statu conceptus & partus sine virginitatis detrimento fuisset, quia corruptio est ex peccato.

Accidentia etiam, per divinam omnipotentiam extra omne subiectum posse existere, putavit David Gorlaeus, ultrajectinus, in suis Exercitationibus philosoph. exercit. 5. sect. 2. p. 93. Quin & extitisse, ipsi videtur deduci ex historia creationis. Dicitur namque, lucem esse conditam. Haec erat accidens, non aliqua substantia lucida. Appellavit enim lucem Deus diem, tenebras noctem. At dies non est substantia aliqua lucida, sed lumen productum, quod

quod est accidens. Lux haec in nullo erat subje-
cto. Quodnam, quaeſo, fuiſſet illud? An aër? Sed
ille die ſecundo demum producebatur. An terra?
Sed haec eſt corpus opacum. An aqua? Sed haec
erat terrae permixta. Taceo, quod aqua illumina-
ta dies vocari nequeat. An cælum primo die con-
ditum? Sed illud eſt empyreum. In eo vero non fuit
haec lux, quia in eo non fuit dies, non fuit nox. Lux
vero dies vocabatur. Fuit ergo accidens extra ſub-
jectum. Sic ille, qui tamen, ut ab aliis rigidio-
rum quorundam Proteſtantium placitis non
penitus abhorruiffe illum videas, exercit. 10. de
Loco ſect. 1. p. 212. contendit, non poſſe unum cor-
pus eſſe in duobus locis, ut nec duo corpora in uno
loco. Ratio haec de prima luce ab omnibus fe-
re Romanenſibus huic ſententiae probandae
aſſertur, in eandem ſententiam citato etiam
Basil. hom. 2. de Opere ſex dierum, & rurfus
hom. 6. & Joanne damaſc. lib. 2. de Fide
orthod. cap. 7. Vide Bellarm. de Euch. lib. 3.
cap. ult. Sed ſupra hac re placet magis judici-
um Bened. Pererii in Gen. 1. 3. Si Baſilius, in-
quit, ut prae ſe fert, ſenſit, lucem, quae eſt accidens,
ab omni materia ſeparatam, eſſe a Deo primo die
creatam, maximum proſecto inducit miraculum, &
nunquam alias factum, praeterquam in unico eucha-
riſtiae ſacramento. (Pag. 395.) In prima vero re-
rum effectione ad miracula non eſt confugiendum.
Quod ſi Baſilius exiſtimavit, primam illam lucem
fuiſſe factam in aliqua materia, quae poſtea ſoli ſit
adjecta, vel ex qua formatus fuerit, idem ſentit Be-

da & Gregor. nazianz. in oratione de Novo die dominico. Audianus etiam Estium in Annot. in Gen. 1. 3. *Probabilissimum*, inquit, *videtur, per illam lucem intelligi, vel corpus aliquod lucidum, vel potius ipsam qualitatem lucis, magna cœli parte diffusam. Quæ quidam lucida cœli pars, deinde fuerit instar materiae, ex qua postea in partes distributa, ac veluti in igneos globos condensata, sol, luna, caeteraeque stellae factae fuerunt.* Christoph. Scheiblerus, lutheranus, Introd. log. c. 6, p. 302. 303. *Pontificii quidem, inquit, dicunt, divina virtute posse accidens a substantia separari, sicut aiunt factum esse in eucharistia; in qua post consecrationem dicunt esse quantitatem, & figuram, & saporem, & colorem panis, ablata substantia panis. Sed hæc sententia efficaciter refutatur ex scriptura, quæ post consecrationem etiam nominat panem; neque ulla est necessitas hic a litera recedendi. Nunc autem non definimus, an alioquin divina virtute possint accidentia extra subiectum subsistere.* Jo. Juellus, episc. sarisburiensis, vir quidem doctissimus, sed Tigurinis & P. Martyri in controversia sacramentaria nimium addictus, ut supra monui, in Replicatione ad Hardingi responsionem, art. 10. de Accidentibus sine subiecto, in fine: *Novimus, inquit, Deum omnipotentem esse, & posse non solum accidentia sustinere (sine subiecto sc.) sed & mortuos, postquam computruerint, ad vitam revocare. Sed, ut Tertull. contra Praxeam ait, non, quia omnia potest facere, ideo credendum*

dendum est, illum fecisse: sed, an fecerit, requirendum. Similiter Arthurus, bathomens. & wellens. episc. in concione super Marc. 14. 35. 36. p. 147. affirmat, *Romanenses in argumento transubstantiationis multum de possibili divinae potentiae differere, quum Protestantes solum de possibili secundum voluntatem divinam loquantur.*

Certe haud pauca firmiter credimus omnes, quae, si ratio humana consulatur, non minus impossibilia esse, & contradictionem manifestam implicare videntur, quam ipsa transubstantiatio. (Pag. 396.)

Dogma de resurrectione eorundem numero corporum, ut alia mittamus, post Origenistas & hujus seculi Anabaptistas, hodie etiam Remonstrantes, tot non minus difficilibus, quam curiosis, ineptisque quaestionibus, quae aptae natae sunt fidem & veritatem totius articuli de resurrectione mortuorum plane suspectam reddere ac dubiam, obnoxium esse videtur, ut affirmare non vereantur, de eo se nihil certi definire posse, sed unicuique suum judicium derelinquere liberum, donec summus arbiter quaestionem decidat. Vide Resp. ad Specimen calumniarum, pag. 121. & Apolog. cap. 19. Nimiam horum hominum hac in re, ut & in aliis multis, audaciam in dubium vocandi ea, quae ab omnibus orthodoxis semper credita sunt, & quidem scripturis clarissime suffragantibus, probare non possumus. Discant tamen hinc omnes, si paganam infidelitatem, vel etiam scepticam ἐποχὴν. pyrrhonicam haesitationem, & theologiam problemati-

cam, ut appellant, devitare velint, mature capistrum lasciviae rationis nostrae injicere, & sub fidei obsequium, in iis, quae clare sunt in scripturis tradita, humiliter captivare; in aliis etiam, quae non adeo clare nobis patefacta sunt, infinitam tamen Dei potentiam non nimis coarctare & restringere ad communem naturae cursum & rationis nostrae captum. Interest enim & nostrae pietatis, & Dei immensitatis, *ea sentire, quae sentire non possumus*: sentire quidem in ipso per ipsum, quae per nos sentire nequeamus. Nunquam satis fuerit homini felicitis ingenii, cogitare omnia magnifica, ingentia, immensa de ineffabili omnipotentia Dei. *Nam quotusquisque nostrum ignorat inscitiam suam? Quantum demum cum vera sapientia commutabit, ubi non invitus, ac vere lubens fatebitur, se nihil scire, ut praeclare inquit Scaliger Exercit. 365, sect. 9.*

Pag. 397.

CAP. III.

Transubstantiationem de fide non esse, immo cum scripturis & Patribus vetustioribus pugnare.

NON extare locum ullum scripturae tam expressum, ut sine Ecclesiae declaratione in Concilio lateranensi, scilicet sub Innocentio tertio, congregatae, evidenter cogat transubstantiationem admittere,

re, dixit Scotus, ut fatetur card. Bellarm. de Eucharistia lib. 3. cap. 21. *Atque id, inquit Bellarminus, non est omnino improbabile. Nam etiamsi scriptura, quam nos supra adduximus, (nempe, Hoc est corpus meum) videatur nobis tam clara, ut possit cogere hominem non protervum; tamen, an ita sit, merito dubitare potest, cum homines doctissimi & acutissimi, qualis in primis Scotus fuit, contrarium sentiant.* Gabr. Biel in Canonem missae lect. 40. *Quamvis expresse tradatur in scriptura, quod corpus Christi veraciter sub speciebus panis continetur, & a fidelibus sumitur: tamen, quomodo ibi sit Christi corpus, an per conversionem alicujus in ipsum, an sine conversione incipiat esse corpus Christi cum pane, manentibus substantia & accidentibus panis, non invenitur expressum in canone Bibliae.* Cajetan. in 3. qv. 75. a. 1. *Dico autem, ab ecclesia; quoniam non apparet ex evangelio coactivum aliquod, ad intelligendum haec verba proprie, nempe, Hoc est corpus meum.* Vnde Alanus lib. 1. de Eucharistia cap. 34. p. 419. *Cajetanus, inquit, & aliqui verustiores audiendi non sunt, qui dicunt, panem desinere esse, non tam ex evangelio, quam ex ecclesiae autoritate constare.* Episc. roffensis contra Captiv. babyl. c. 9. p. 99. *Corpus Christi fieri per consecrationem, non probatur nudis evangelii verbis, sine pia interpretatione Ecclesiae.* Et cap. 1. *Neque ullum hic (de loco Matthaei loquitur, videlicet c. 26. v. 26.) verbum propositum est, quo probetur, in nostra missa veram fieri carnis & sanguinis Christi praesentiam (qualem sc. romana Ecclesia do-*

cet.) Pag. 398.) Gul. * Chedzeus, angulus, theologus romanae partis, in Disput. oxon. cum P. Martyre de Eucharistia p. 75. *Quantum, inquit, ad praesentiam corporis tui in sacratissimo eucharistiae sacramento, firmiter credo, Domine, ex ore tuo, &c. p. 76. De modo autem, quo, aut qua ratione ibi sit, an cum pane transselementato, & (ut dicunt) transsubstantiato pane, apertis verbis scriptura non docet. Sed quid dicemus? Apertis verbis non docuit, ergo non docuit. Absit. Docuit; sed obscurius, quando dixit, Hoc est corpus meum. &c. Docuit postea per Spiritum sanctum clarius, docuit Ecclesiam, docuit Concilia, docuit Patres omnem veritatem.*

Praeter multos ex doctissimis Protestantibus, qui dogma transsubstantiationis cum scripturis, tum Patribus adversari luculentissime demonstrarunt, adi, obsecro, lector, eruditam P. Picherelli Expositionem verborum institutionis coenae Domini, & ejusdem dissertationem de Missa lege, & diligentissime considera. Vide etiam Archiep. spatat. l. 5. de Rep. eccles. can. 6. fusissime hoc dogma impugnantem & refellentem.

Inter locos quam plurimos, qui ex Patribus contra hoc dogma produci solent, hi maxime illustres sunt. Joannes chrysostr. in epist. ad Caesarium monachum contra haeres. Apollinariū: *Sicut, inquit, antequam sanctificetur panis, panem*

* Chedzeus,] Melch. Adam, in vita P. Martyris vocat *Chedreum. p. 43*

nominamus : divina autem illum sanctificante gratia, mediante sacerdote, liberatus est quidem ab appellatione panis, dignus autem habitus est Domini corporis appellatione, etsi natura panis in ipso permansit, & non duo corpora, sed unum Filii corpus, corpus praedicatur, sic & hic divina mundante natura, (vel potius divina natura in corpore insidente, Graece enim ἐνσπουσίως legitur) unum Filium, unam personam, utraque haec fecerunt. Negant quidem Romanenses, (vide Bellarm. de Euch. lib. 2. cap. 22. aliosque) hanc epistolam Chrysostomi esse, cum inter Chrysostomi opera nusquam reperiatur : extitisse tamen illius MS. in bibliotheca florentina exemplar, unde ista transcripsit, testatur P. Martyr, ut ex eo pag. 399.) affirmat Steph. Gardinerus, episc. winton. lib. 2. de Eucharistia, qui etiam ibidem ait, extitisse ejus exemplar in Bibliotheca, vel archiepiscopi, vel archidiaconi cantuariensis. Vide Crakanthorp. contra Archiepisc. spat. cap. 73. p. 354. Hanc epistolam etiam citatam invenies in Collectaneis contra Severianos, quae ex Fr. Turriani jesuitae versione habentur in 4. tomo Antiq. lect. Henr. Canisii, & Biblioth. Patrum tom. 4. part. 2. p. 4. & in fine libri Jo. damasc. contra Acephalos, apud eundem H. Canis. loc. cit. Alia Romanensium effugia vana omitto.

Nihil clarius verbis Theodoreti Dial. I. cap. 8. pag. 54. edit. beumler. *Symbola & signa, quae videntur, appellatione corporis & sanguinis hono-*

ravit, ὃ τὴν φύσιν μεταβαλὼν, ἀλλὰ τὴν χά-
 ριν τῇ φύσει προσθετικῶς, non naturam quidem
 mutans, sed naturae gratiam adjiciens. Et Dial.
 2. cap. 24. p. 113. ὅδε γὰρ μετὰ τῆς ἀναστροφῆς
 μυστικὰ σύμβολα τῆς οὐκείας ἐξίσταται φύσεως μένει
 γὰρ ὅτι τῆς ὑπερτέρας ὁσίας, καὶ τῆς ἁγίας,
 καὶ τῆς εὐδαιμονίας καὶ ὁρατῆς ὅτι, καὶ ἀπείρου, δια καὶ
 ὑπερτέρου ἢν. Neque enim symbola mystica post
 sanctificationem recedunt a sua natura: manent
 enim in priore substantia, & figura & forma, & vi-
 deri & tangi possunt, sicut & prius. Sic illud cor-
 pus Christi priorem habet formam, figuram,
 circumscriptionem, &, ut summam dicam,
 τὴν τῆς σαρκὸς ὁσίαν, corporis essentiam. eti-
 amsi post resurrectionem immortale factum sit, & im-
 mune ab omni corruptione, &c. Inepte Bellarmi-
 nus l. 2. de Sacram. eucharist. cap. 27. & alii Ro-
 manenses respondere solent, per naturam &
 substantiam symbolorum, quam Theodoretus
 dicit remanere & non mutari, intelligere illum
 naturam, & essentiam seu substantiam (ut Bellar-
 mino absurde loqui placet) accidentium; parum
 etiam christianae charitatis & modestiae illis
 inest, qui tanti nominis & meriti patris aucto-
 ritatem elevare conantur (vide Greg. de Va-
 lentia lib. 2. de Transubstantiatione cap. 7. alios-
 que plurimos) ex eo, quod de quibusdam errori-
 bus in Concilio ephesino notatus fuerit; postea enim,
 ut ipsimet fateri coguntur, resipuit. Nempe hac
 rima elabi conantur, dum negare non possunt,
 Theo-

Transubst. contra script. & Patres. p. 400. 603

Theodoretum asseruisse, *elementa in priora substantia manere.* Quod tamen scripsit in dialogis illis, contra Eutychianos, magna cum laude & Ecclesiae approbatione, Nestorii haeresin detestatus, scripsit. Pag. 400.)

Gelasius, sive is fuerit episcopus romanus, ut quidam etiam Romanenses arbitrantur, sive alius quidam ejusdem nominis, (videantur hic * critici) testis certe antiquus satis, & incorruptus,

- Critici] *Baronius* ad A. C. 496. n. 1. & seqq. *Bellarmin.* de Scriptor. eccles. ad Gelas. papam & Gelas. cyzicenum, p. 125. 126. *Rivet* Crit. S. lib. 4. c. 26. *Raymundus* de Lib. mal. & bon. p. 140. *Gerhard.* in Patrol. p. 455. 457. *Olearius.* Abac. patrol. p. 173. *Placcius* de Scriptor. pseudon. p. 199. *Spondanus* in Epit. Annal. Baronii ad A. 496. *Labbaeus* dissert. de Scriptor. eccles. tom. 1. p. 342. *Du Pin* tom. 4. de la Nouv. Biblioth. des aut. eccles. p. p. 269. *Cave* Histor. lit. p. 260. 265. Quorum priores scriptum hoc asserunt Gelasio cyziceno; quatuor vero ultimi Gelasio papae. Atque hujus esse librum, probatur exinde, quoniam 1. reperitur in manuscriptis, cum epistolis Gelasii papae. 2. Fulgentius eum citat sub nomine Gelasii papae, & Joannes II. utitur inde testimonio, ut antecessoris sui. 3. Gennadius refert, Gelasium hunc scripsisse grande & praeclarum volumen adversus Eutychetem & Nestorium. Id quod convenit libro de 2. Naturis in Christo, qui quamvis non mole, ipsa tamen re & sensu magnus est, & sic praedicabatur a Gennadio. 4. Stylus est Gelasii papae. Nec obstat, quod non citet Patres latinos, sed Graecos: quia ipsi agendum erat cum Graecis, apud quos non inconyenienter allegare potuit Eusebium caesariensem,

ptus, libro de Duabus naturis in Christo contra Eutych. & Nestor. Biblioth. Patr. tom. 4. scribit: *Certe sacramenta, quae sumimus, corporis & sanguinis Christi, divina res est: propter quod, & per eadem divinae efficiamur consortes naturae; & tamen esse non desinit substantia, vel natura panis & vini. Et certe imago & similitudo corporis & sanguinis Christi in actione mysteriorum celebrantur. Satis ergo nobis evidenter ostenditur, hoc nobis in ipso Christo domino sentiendum, quod in ejus imagine profitemur, celebramus, & sumimus: ut, sicut in hanc, scilicet divinam, transcunt, Spiritu sancto perficiente, substantiam, permanent tamen in suae proprietate naturae, sic illud ipsum mysterium principale, cuius nobis efficientiam virtutemque veraciter repraesentat, ex his, quibus constat, permanentibus, unum Christum, quia integrum, verumque permanere demonstrat.*

Similiter Ephremus, patriarcha antiochenus, contra Eutychianos (vide Photii Bibliothecam num. 229.) probare intendens, per hypostaticam unionem, nullam fieri naturarum in Christi persona confusionem, sed unamquamque suam substantiam & proprietates retinere, ad id similitudine utitur sacramentalis unionis, negans, in sacramentis mutationem unius substantiae in aliam fieri: *Si enim, inquit, & unius personae, & utrumque, nempe manibus tractabile, & int. actabile, nemo tamen, qui mentem habeat, poterit dicere, eandem esse naturam tractabilis & intractabilis, sub aspectum cadentis, & invisibilis. Sic*
etiam

etiam corpus Christi, quod a fidelibus accipitur, & τῆς αἰοδιτῆς ὁσίας ἐκ ἐξίσταται, & a sensibili substantia non recedit, (mala fide Andr. Schottus, jesuita, sive quis alius interpolator, reddidit, & sensibilis essentia non cognoscitur.) & manet inseparatum a gratia intelligibili, & baptismus spiritualis totum & unum quid factus & existens, proprium sensibilis essentiae, aquae dico, servat, τὸ ἰδίον τῆς αἰοδιτῆς ὁσίας, τὸ ὕδα-
 70 λέγω, διασώζει (ubi rursus male Schottus interpres, hocque substantiae sensibilis proprium est, per aquam, inquam, servat) nec amittit, quod factum est. Pag. 401.)

Observet heic lector verba, quae habentur in praetatione, editioni Dialogorum Theodoretī Romae excusae per Stephanum Nicolinum A. 1547. praefixa: *Quod de sacrosanctae eucharistiae mysterio dicit Theodoretus, dictum esse videtur ex eorum sententia, qui falso asseruerunt, esse in eo pane corpus Christi, remanente tamen panis substantia, quod quidem falsum est. Quamquam Theodoretus hoc fortasse nomine aliqua venia dignus videatur, quod de ea re ejus tempore ab Ecclesia nondum fuisset aliquid promulgatum. Greg. de Valentia loco supra cit. Quod si, inquit, auctores illos (Theodoretum, Gelasium, &c.) nolint Panistae nobiscum ita interpretari, ut certe possent, dabimus aliud breve & simplex & sine ullo incommodo responsum. Enimvero antequam quaestio ista de transsubstantiatione in ecclesia palam ageretur, minime mirum est, si unus aut alter, aut etiam aliqui ex veteribus minus considera-*

te & recte hac de re senserint & scripserint, maxime cum non tractarent ex instituto ipsam quaestionem. Sic ille. Ruard. Tapperus art. 14. contra Transubst. p. 211. ad testimonium Gelasii respondens: *Quamvis*, inquit, ante definitionem Ecclesiae catholicae veniale fortassis fuerit de hoc articulo disputare & errare, nunc tamen, sententia per Ecclesiam pronunciata, grandis est impietas, hanc transubstantiationem impugnare. Vide etiam Hardingum contra Apolog. Eccles. anglic. apud Juellum p. 248. & Fisherum contra Joan. Whiteum p. 514. c. 56. Martin. Eisingrenius de Ecclesia cap. 8. p. 64. De illo, inquit, primario dogmate, nempe de Christi existentia in eucharistia apud catholicos patres nunquam fuit dubitatum, quandoquidem per illa verba, Hoc est corpus meum, catholica Ecclesia semper realem Christi corporis existentiam intellexit, & primariorum dogmatum ignoratio, nedum error, sinceritati repugnat. Vt pote illa religionis sunt primaria dogmata. Illud vero dogma, eucharistia est adoranda, & caetera huiusmodi dogmata (ut dogma transubstantiationis, unde maxime eucharistiae adoratio dependet) ex primariis collecta, ante illorum definitionem, aut ignorare, aut dubitare, aut circa illa aliter, quam res se habet, citra pertinaciam asserere, fidei sinceritati non repugnat. (Pag. 402.) Siquidem huiusmodi dogmata nec primo, nec explicite proposita fuerunt ad credendum, sed ex primariis tantum dogmatibus colliguntur. Ante huiusmodi enim dogmatum authenticam propo-

propositionem & expositionem atque definitionem, illorum ignoratio aut error, modo sit citra pertinaciam, non pugnat cum fide. Nam licet aliqui pastores & doctores aliquando hujusmodi dogmata ignorassent, aut de illis discordassent, aut circa illa errassent, nihilominus tamen in catholicae Ecclesiae communione & fide perseverarunt. Haec ille. Qvaedam recte dicta sunt, qvaedam perperam, ut paulo inferius dicemus. Vide etiam alios in hanc sententiam conspirantes. Non audent igitur Romanenses ipsi, paulo verecundiores saltem, negare, dogma transubstantiationis communi Patrum omnium consensu minime niti.

De sententia Bertrami satis constat ex lib. de Corp. & sangu. Domini ad Carolum calvum imperatorem scripto: *Panis*, inquit ille, *vinumque figurate Christi corpus & sanguis existit. Nam secundum creaturarum substantiam, quod prius fuerunt ante consecrationem, hoc & postea consistunt, &c.* Adis is autorem ipsum, multum a Trithe-mio in Catalogo ecclesiast. illustr. scriptorum laudatum; utut nunc Bellarminus aliique recentiores Romanenses ipsum, ut haereticum scriptorem, damnent. Neminem fere latet, quae fuerit sententia theologorum belgarum, aliorumque quorundam de hoc Bertrami libello. In suo Indice expurgatorio: *Quamquam*, inquit, *librum istum (Bertrami) magni non existimamus momenti, itaque non magnopere laboraturi sumus, si vel nusquam sit, vel intercidat; at tamen, cum jam saepe recursus sit, & lectus a pluri-*

plurimis, & per interdictum nomen omnibus innotuerit haeticis, & constet de ejus prohibitione per varios Catalogos, fueritq; catholicus presbyter ac monachus corbeiensis Cœnobia; Carolo non tam magno, quam calvo charuo ac venerabilis, & juvet historiam ejus actatis; atq; in Catholicis veteribus aliis plurimos feramus errores, & extenuemus, excogitatoq; commento persaepe negemus, & commodum iis sensum affingamus, dum opponuntur in disputationibus, aut in conflictionibus cum adversariis; non videmus, cur non eandem aequitatem & diligentem recognitionem inereatur Bertramus, ne haetici ogganniant, nos antiquitatem pro ipsis facientem exure & prohibere: Pag. 403.) itaque mirum non esse, pauca pro ipsis videri facere, nobis Catholicis tam irreverenter antiquitatem vel in speciem a nobis dissentientem exhibitantibus ac perdentibus. Quin & illud metuiamus, ne liber iste non solum ab haeticis, verum immorigeris quoque Catholicis, ob interdictum, avidius legatur, odiosius allegetur, & plus vetitus, quam permissus, noceat. Haec censes illi. In fine censurae verba ista notatu digna sunt: *Tametsi non diffiteamur, Bertramus tunc temporis nescivisse exacte, accidentia ista absque substantia omni subsistere, & caetera, quae subtilissime & verissime posterior aetas per Spiritum S. addiderit. Et fol. 1137. versu 2. legendum invisibiliter pro visibiliter. Et infra, v. 36. Secundum creaturarum substantiam, quod prius fuerunt ante consecrationem, hoc & postea consistunt, explicandum est: secundum externas species sacramenti, &c. An hoc sit cum veteribus scri-*

scriptoribus catholicis candide, & bona fide agere, judicet aequus lector. Audiatur hic Henricus Boxhornius, theologiae licentiatuſ Iovaniensis, qv̄i relicta externa ecclesiae romanae communionē, lib. 3. de Eucharist. harmonia, non procul ab initio sic exclamat: *Sed o incredibilis in me Dei opt. max. beneficentia!* postquam repurgatorii Indicis, qvem, tyrannizante Albano, Benedictus Arias Montanus, in piorum virorum lucubrationes injurius conceperat, executor inter primos factus, sexcentas contra falsa doctrinae pontificiae capita observationes virgula censoria annotaveram, (*quam optarem lacrymis & sanguine meo eluere!*) Deo misericorditer animum meum concutiente, & aperiente oculos meos, in papatu abominationem animadverti. Haec ille. Vixit & scripsit Bertramus sub Carolo calvo, qv̄od fuit, ut ipse index belgicus explicat, sub annum Domini 870. (vel potius 875. aut amplius.)

*. Aelfricus, vir doctrina praeſtans, circa annum Domini 990. in Serm. saxonico, Legend. in festo paschat. in Ecclesia anglicana: *In baptismo duo videmus: Juxta veram naturam, aqua est corruptibilis; per mysticam benedictionem vim habet sanctificandi.* Itidem in sacra eucharistia, qv̄od videtur, panis est, & corruptibile corpus; qv̄od spiritualiter intelligimus, vita est, & immortalitatem

* Aelfricus] Sive Alfricus, primum cœnobioli alicujus, deinde abendonienſis, porro S. Albani, & deniqv̄e malmsburiensis abbas; post haec cridiatunensis, & inde wiltonienſis episcopus, ac tandem archiepiscopus cantuariensis. Vide Cayci Hist. lit. p. 412.

litem donat. *Multum differunt invisibilis rei virtus, & visibilis propriae naturae forma. Natura, est panis corruptibilis, & vinum corruptibile. Potentia Dei, est vere corpus Christi & sanguinis: non sic tamen corporaliter, sed spiritualiter.* Pag. 404.)

Walafridi Strabonis verba de Rebus eccles. cap. 16. in quibus panis & vini substantiam in eucharistia agnoscit, brevitatis studio omitto: ut & sententiam Ruperti, abbatis tuitiensis, quae licet nova & peregrina fuerit in Ecclesia, dogmati tamen transubstantiationis omnino contrariam fuisse, omnibus notum est: docuit enim, *panem eucharistiae hypostatice assumi a Verbo, eo prorsus modo, quo natura humana ab eodem Verbo assumpta est.* Vide Bellarm. de Euchar. lib. 3. cap. II. nec non Rabanum maurum, qui vixit sec. 9. de Institut. Cleric. l. I. c. 31. Testimonia aliorum veterum, immo vetustissimorum scriptorum, Irenaei lib. 4. cap. 34. Tertulliani, Origenis in cap. 15. Matth. Cypriani, Ambrosii, Augustini, &c. consulto praeterimus, ne millies ab aliis actum agamus.

Inter theologos scholasticos Scotus in 4. dist. 11. q. 3. uti dicit, *non extare ullum scripturae locum tam expressum, ut sine Ecclesiae declaratione evidenter cogat transubstantionem admittere: quod non esse omnino improbabile, fatetur Bellarm. ipse, ut * supra dictum est; ita etiam nullam Ecclesiae in concilio generali declarationem, aut definitionem eam deside esse, ante lateranense concili-*
um

* Supra] Pag. 397.

um agnoscit. Adducit quidem duas autoritates Ambrosii, remittitque se ad alias multas, quae habentur de Consecr. d. 2. & apud magistrum dist. 10. & 11. sed nullum nominat concilium ante lateranense. Hoc in illo minime probat Bellarm. l. 3. de Euchar. cap. 23. sect. *Vnum tamen addit Scotus: Id enim, inquit, ille dixit, quia non legerat Concilium romanum sub Gregorio VII. Sed, ut recte respondet autor Apologiae pro Scoto, Paris. excus. anno 1623. p. 252. Illa autoritas Concilii rom. habetur de Consecr. d. 2. cap. Ego Berengarius, quam vidit & legit Scotus. Vbi tamen non agitur ex professo de transubstantiatione, seu de panis & vini desitione, sed de vera & reali Christi sub speciebus panis & vini praesentia, quam Berengarius negabat. Haec ille. Hugo Cavellus in scholio ad locum illum Scoti ait: Dicendum, quod Ecclesia declaravit, istum intellectum esse de veritate fidei in illo symbolo edito sub Innocentio III. in Concil. lateran. Firmiter credimus, &c. & ad marginem notat: Antea si ita credebatur, non ita expresse. Pag. 405.) Tartaret. in 4. d. 10. q. 1. Non est necesse, ad salvandum hoc, (videlicet praesentiam corporis Christi in sacramento) fugere ad conversionem panis in corpus Christi, quia a principio institutionis hujus sacramenti, fuit necessarium credere, corpus Christi esse sub illis speciebus, quia in hoc consistit veritas, & tamen non fuit in principio ita manifeste dictum, quod panis convertatur in corpus Christi, Joh. Vnbarn. in 4. d. n. 4. 3. disp. 42. sect.*

Qq 2

sect. 1. *In primitiva Ecclesia, de substantia fidei erat, corpus Christi sub speciebus contineri: tamen non erat de fide, substantiam panis in corpus Christi converti, & facta consecratione illinc recedere.* * Faber, faventinus, in 4. sent. d. 11. disp. 45. cap. 4. *Istae rationes D. Thomae, (quibus probat, deduci evidenter ex S. scriptura, non manere substantiam panis in eucharistia) licet multi laborent, earum efficaciam ostendere, procul dubio, seclusa autoritate Ecclesiae, minime cogunt; habent tamen multam probabilitatem. Unde Scotus non dicit absolute, illas non concludere, sed, non cogere; qui enim oppositam partem sustineret, illis non convinceretur evidenter & necessario. Ratio ergo efficax sumitur ex autoritatibus SS. Patrum, quae a magistro adducuntur dist. 10. & 11. Sed quod maxime urget, est autoritas Ecclesiae: habetur enim Extra, de Haereticis. Haec ille. Eadem est reliquorum Scotistarum sententia.*

Petrus de Alliaco in 4. Sent. q. 6. *Quarta opinio & communior est, quod substantia panis non remanet, sed simpliciter desinit esse. Cujus possibilitas patet, quia non est Deo impossibile, quod illa substantia subito desinat esse, quamvis non esset possibile creatae virtuti. Et licet ita esse, non sequatur evidenter ex scriptura, nec etiam id videam ex determinatione ecclesiae, quia tamen magis favet ei communis opinio Sanctorum & Doctorum, ideo teneo eam. Et rursus: Ille modus, qui ponit, substantiam.*

* Faber, faventinus,] Fuit ei praenomen *Philippi*.

stantiam panis remanere, nec repugnat rationi, nec auctoritati bibliae, immo est facilior ad intelligendum, & rationabilior, & non ponit accidentia sine subiecto; quod est unum de difficilibus, quae hic ponuntur.

Sententia Durandi, qui panis saltem materiam permanere existimavit, cui erudito ignota est? Erasmus inter scriptores recentiores in Annot. in 1. Cor. 7. 39. p. 37. In synaxi transubstantiationem sero definiuit Ecclesia: (pag. 406.) diu satis erat credere, siue sub pano consecrato, siue quocunque modo adesse verum corpus Christi. Subdit quidem: *Vbi rem propius contemplata est, ubi exactius expendit, certius praescribit.* Sed quam certo, iudicet orbis christianus. Et in Detectione praestigiarum libelli cuiusdam: *Si recipimus, inquit, recentium opinionem, nonne species panis & vini symbola sunt corporis & sanguinis Domini? Sin minus, nonne panis & vinum consecratum symbola sunt corporis & sanguinis dominici sub his latentium?* Vide to-mum 9. 1281. Alphonsus de Castro adversus hae-res. l. 8. tit. Indulg. De transubstantiatione panis in corpus Christi, rara est in antiquis scriptoribus mentio. Idem Erasmus, p. 780. tom. 9. *Olim satis erat credere, corpus Domini adesse per consecrationem sacerdotis: post inventa est transubstantiatio.* Tostallus, dunelmensis episcopus, vir doctissimus, de Veritate corp. & sangu. Domini in eucharistia p. 46. *Ab exordio nascentis Ecclesiae, nusquam quisquam catholicus ad baptismum admissus, dubitavit de praesentia Christi in eu-*

stia, sed omnes ante, quam ad lavacri fontem admitterentur, ita edocti, se id credere profitebantur, uti Justinus martyr. in secunda apologia sua contra gentes testatur. Caeterum quomodo panis, qui ante consecrationem erat communis, ineffabili Spiritus sanctificatione transfret in corpus ejus, veterum doctissimi quique inscrutabile existimaverunt, ne cum Capernaïtis non credentes verbis Christi, sed quomodo id fieret quaerentes, tentarent supra sobrietatem sapere plus quam oportet: illis vero satis superque visum est, omnipotentiae ac verbis Christi firmiter credere, qui fidelis est in omnibus verbis suis, quique mirabilium suorum operandi modum, solus cum Patre & Spiritu sancto novit. Porro ante Innocentium tertium, rom. episc. qui in lateranensi Concilio praesedit, tribus modis id posse fieri, curiosius scrutantibus visum est, aliis existimantibus, una cum pane, vel in pane Christi corpus adesse, veluti ignem in ferri massa; quem modum Lutherus secutus videtur: aliis, panem in nihilum redigi, vel corrumpi: aliis, substantiam panis transmutari in substantiam corporis Christi; quem modum secutus Innocentius, reliquos in eo Concilio rejecit: (Pag. 407.) quamvis miracula non pauciora, immo plura, quam in reliquis rejectis ab eo modis, oriri curiosius investigantibus videantur. Sed Dei omnipotentiae, cui nihil est impossibile, miracula cuncta cedere, his, qui cum Innocentio in eo concilio interfuerunt, visum est, atque ita etiam is modus maxime cum verbis hisce Christi, Hoc est corpus meum, congruere illis visus est. Nam I. Duns scotus, in 4. Sent. d. 11, q. 3. vocitando Innocentium

entium, ait, tres fuisse opiniones: Vna, quod panis manet, & tamen cum ipso vere est corpus Christi: Alia, quod panis non manet, & tamen non convertitur, sed definit esse, vel per annihilationem, vel per resolutionem in materiam, vel per corruptionem in aliud: Tertia, quod panis transsubstantiatur in corpus, & vinum in sanguinem. Quaelibet autem istarum voluit istud commune salvare, quod ibi vere est corpus Christi, quia istud negare, est plane contra fidem. Expresse enim a principio institutionis Eucharistiae, fuit de veritate fidei, quod vere ibi & realiter corpus Christi continetur. *Hactenus Scotus.* An satius autem fuisset, curiosis omnibus imposuisse silentium, ne scrutarentur modum, quo id fieret, cum viae Domini sint investigabiles, sicut fecerunt prisca illi, qui inscrutabilia quaerere non tentabant, & facile Deum aliquid efficere posse putabant, cuius nos rationem investigare non possumus? scribit namque Augustinus ad Volus. epist. 3. dicens: Demus, Deum aliquid posse, quod nos fateamur investigare non posse; in talibus rebus tota ratio facti, est potentia facientis: an vero potius de modo, quo id fieret, curiosum quemque suae relinquere conjecturae, sicut liberum fuit ante illud Concilium, modo veritatem corporis & sanguinis Domini in eucharistia esse fateretur, quae fuit ab initio ipsa Ecclesiae fides: an fortasse melius, de tribus illis modis supra memoratis, illum unum eligere, qui cum verbis Christi maxime quadraret, & caeteros modos abjicere, ne alia-

quin inter nimis curiosos illius aetatis homines, finis contentionum non fuisset, quando contentioso illo seculo linguis curiosis silentium imponi alio modo non potuit, justum existimo (hoc tempori cedens loquitur) ut de ejusmodi, quia Ecclesia columna est veritatis, firmum ejus omnino observetur judicium. Haec omnia ille.

Pag. 408.)

Refert Bernardus Gilpinus, Tonstalli cognatus, (vide illius vitam a Georgio Carletono, episcopo cicestrensi, nuper descriptam, pag. 33. 42. & 48.) Tonstallum saepe dixisse, *Innocentium tertium in definienda transubstantiatione, ut fidei articulo, temere & inconsiderate egisse, quum antea liberum esset, opinionem illam amplecti, vel respuere; seque ipsum, si concilio illi interfuisset, Pontifici persuadere voluisse, ut ab illa definitione abstineret.* Bened. Arias Montanus in Luc. 22. 19. verba ista, *Hoc est corpus meum*, sic exponit: *Verum corpus meum in hoc sacramento panis continetur sacramentaliter.* Et subdit: *Cujus arcanam & mysteriis refertissimam rationem ut explicatiorem habeant Christiani, dabit aliquando Deus.* Hic procul dubio aqua illi haerebat. Cardinalis Lothar. in Colloquio posliaceno, Bezae sermonem interrumpens, *Equidem existimo, inquit, me posse tueri transubstantiationem; sed non magnopere fuisse necesse, illam a theologis excogitari, arbitror: nec puto hac de causa divisiones debere fieri in Ecclesiis.* Vide Hospin. Hist. sacrament. part. alter. pag. 300. Calvinus Epist. pag. 518. Cl. de Sainctes Resp. ad Apolog. Bezae pag. 64. J. Ferus:

Transubst. contra script. & Patres. p. 409. 617

rus: *Cum certum sit, ibi esse corpus Christi, quid opus est disputare, num panis substantia maneat, vel non?* in Matth. 26. ut citatur a D. Humfredo, Jesuitismi parte 2. rat. 3. & a Joh. Barnesio in suo Catholico-romano pacifico. Sed in posterioribus Feri editionibus locus fœde corruptus est, & quibus autoribus, quis nescit? videlicet hoc modo: *Cum certum sit, ibi esse verum Christi corpus, certum est, panis substantiam non remanere.* Videatur etiam autor Exam. pacifici c. 1. p. 15. vers. anglic. Joh. Lasicius, polonus, de Religione Armeniorum, pag. 59. *In sacramento eucharistiae elementa naturas suas amittere negant, sacramentum religiosius Russis venerantur, persuasi, Christum esse in illo, qualem Maria peperit: Christum plus quiddam in liturgia pati, quam in cruce perpassus sit, ex Chrysostomo hauserunt. Id autem corporis ejus sacramentalem fractionem dicunt. Quaerente vero me ex illis, quo id fieret modo, si quidem naturae panis & vini, etiam facta consecratione, immutatae permanerent? Vidivina, respondebant, cui fides habenda sit.*

Pag. 409.) Cardin. Perronius, tunc temporis episcopus tantum ebroicensis, in colloq. fontisbellaq. cum * D. de Pless. pag. 16. interprete Jacobo Conthono, burgundo: *Addit (Plessaeus) pro eodem proposito, a card. Bellarmino reprehendi Scotum, quod putaverit, transubstan-*

Q 9 5

tia-

* D. de Pless.] Hic est *Phil. Mornaens*, Monsieur du Plessis, seu Dominus Plessiaci, vel Plessiacus, Vide Blountii Censur. celebr. autor, p. 872.

tionem non fuisse articulum fidei ante Concilium lateranense. *Id verum est*; non erat articulus fidei formaliter, id est, non erat articulus fidei quoad formalitatem publicae professionis, & quoad prohibitionem, ne quis hoc ignorans excusaretur: non plus, quam professionem Spiritus sancti esse etiam ex filio, aliaque similia, ante idem concilium Lateranense pro articulis fidei publice profitendis habebantur. Vide hic Resp. D. du Pless. p. 9. de Colloq. fontisbell. Idem en Harangue pag. 33. (vide Widdringtoni Discussionem Discuss. Concil. lateran. part. 1. sect. 1. pag. 12.) Si nihil plane ad doctrinam & disciplinam ecclesiasticam spectans, in eo Concilio (lateranensi) ex communi Patrum assensu decretum esset, sequeretur, posse ut falsum impugnari articulum de transubstantiatione. If. Casaub. in Resp. ad card. Perro-
nium: *Miratur vero Seren. Rex, cum fateatur tua illustris dignitas, non ~~de~~ ^{de} ~~quæ~~ ^{quæ} ~~re~~ ^{re} ~~vos~~ ^{vos}, ut credatur transubstantiatio, sed ut de præsentiæ veritate ne dubitetur.* Jesuitæ angli, cum in ipso tunc carcere essent ad minimum confessores: *Rem, inquit, transubstantiationis, antiqui Patres ne attigerunt quidem.* Vide Discursum modestum de Jesuitis anglis pag. 13. apud Ep. eliensē contra Apolog. card. Bellarm. cap. 1. pag. 7. & Watsonum, Quodlib. 2. art. pag. 31. Locus Eliensis episcopi lectu dignissimus est. Joh. Barnesius in Catholico-romano pacifico de Eucharistia: *Assertio transubstantiationis, seu mutationis substantialis panis, licet sit opinio communior,*
non

non tamen est fides Ecclesiae ; & scripturae ac Patres docentes μετασίαν, sufficienter exponi possunt de admiranda & supernaturali mutatione panis, per praesentiam corporis Christi ei accedentem, sine substantiali panis desitione. Μετασίαν illam in augustissimo sacramento factam plerique graves & antiqui scriptores ita explicant, (Pag. 410.) ut non fiat per desitionem substantiae panis, sed per receptionem supernaturalem substantiae corporis Christi in substantiam panis. Haec ille, qui plurimorum scriptorum, quae veterum, quae recentiorum, testimoniis eandem sententiam comprobabat.

Cardin. Cusanus similiter Exercitationum. lib. 6. p. 522. Tamen si quis intelligeret, inquit, panem non transsubstantiari, sed supervestiri nobiliori substantia, quemadmodum nos expectamus lumine gloriae supervestiri, nostra substantia salva, prout quidam veteres theologi intellexisse reperiuntur, qui dicebant, non solum panem, sed & corpus Christi esse in sacramento, ille habet ad vim vocabuli attendere. Suarez tom 1. disp. 5. S. 1. Scholastici quidem hanc doctrinam de transsubstantiatione non valde antiquam esse dixerunt, inter quos Scotus, & Gabr. Biel. Bellarm. Recognit. p. 8. §. 8. ait: Dixi, conversionem panis in corpus Christi non esse productivam, sed adductivam. Quod dictum video a nonnullis perperam acceptum, qui inde colligunt, non esse hanc veram conversionem, sed translocationem. Valquez in 3. D. Thomae disp. 18. cap. 1. Cum hoc mysterium conversionis (panis

nis & vini in corpus & sanguinem Christi) ita posset explicari , ut rudibus etiam & ignavis ad intelligendum facile redderetur, sicut antiqui Scholastici illud explicarunt; audito nomine transubstantiationis, tanta inter recentiores aliquos Scholasticos de natura illius exorta fuit controversia, ut, quo magis se ab ea extricare conati fuerunt, eo majoribus difficultatibus se ipsi implicaverint. Ex quo etiam effectum est, ut mysterium fidei nostrae, non modo difficile ad explicandum & intelligendum ab eis redditum fuerit, sed etiam adversariorum nostrorum argutiis & cavellationibus illud magis exposuerint; cum alias, si sincere & plane explicaretur, sagittae parvulorum, plagae haereticorum effectae fuissent. Ipsa vero vox conversionis & transubstantiationis, dissensionis & controversiae occasionem dedit, quod physicam, alieniusque rei productionem primarie significare videretur. Quare tota eorum disputatio, in inquirenda natura huius actionis, & termino per eam producto, posita est, hoc est, solícite inquirunt, qualis actio sit haec controversio, (Pag. 411.) & ad quem terminum per ipsam productum terminetur. Quo sane principio supposito, necesse fuit, plures inter Scholasticos opiniones oriri, cum nihil, quod plane hac via difficultatem explanet, inveniri queat.

Et quia saepe ante dictum a Romanensibus & aliis, in Concilio lateranensi primum fuisse transubstantiationis dogma definitum, quantum fidei illius Concilii decretistribuendum sit, videat lector, praeter Protestantes, eruditam disputa-

puta-

putationem apud Widdringtonum in Discussionis decreti Concil. lateran. contra Lessium, sub nomine *Guil. Singletoni* personatum, parte prima sect. 1.

CAP. IV.

In quo nec transubstantiationem, neque consubstantiationem haereses esse ostenditur, & simul de orali, atque etiam indignorum manducatione corporis Christi agitur.

A Seculis aliquammultis creditam fuisse transubstantiationem. quibusdam fidelium, ut scriptores antiquiores silentio praeteream, clare testatur Bertramus presbyter in praefatione lib. de Corpore & sanguine Domini: *Dum enim, inquit, quidam fidelium in sacramento corporis sanguinisque Christi, quod in Ecclesia quotidie celebratur, dicunt, quod nulla sub figura, nulla sub obvelatione fiat, sed ipsius veritatis nuda manifestatione peragatur: quidam vero testantur, quod haec sub mysterii figura contineantur, & aliud sit, quod corporeis sensibus appareat, aliud autem, quod fides aspiciat, non parva diversitas inter eos esse dignoscitur. Et cum apostolus fidelibus scribat, ut idem sapiant & idem dicant omnes, & schisma nullum inter eos appareat, non parvo schismate dividuntur, qui de mysterio corporis sanguinisque Christi non eadem sentientes eloquuntur.* Haec ille.

Ea.

Pag.412.) Eadem sententia licet non ab omnibus, a quamp plurimis tamen jamdiu recepta fuit, atque etiamnum defenditur, in Ecclesia non solum romana, * sed in graeca; quod patet ex Graecis recentioribus, (ut alios paulo antiquiores omittam) Niceta in Thesaur. orthod. Gr. MS. in bibl. bodleiana, Euthymio in Panoplia tit. 21. Nicolao methonensi, Samona gizensi, Nicolao Cabasila, Marco ephesio, & Bessarione, qui omnes in suis opusculis apertissime transsubstantiationem confitentur. Et in concilio florentino non fuit quaestio inter Graecos & Latinos, (ut Chemnitius E. C. T. p.278. aliique multi Protestantes affirmant) An panis substantialiter in corpus Christi mutaretur; sed, quibusnam verbis illa ineffabilis mutatio fieret, an solis verbis Domini, an vero etiam sacerdotis & ecclesiae oratione? Videantur Acta Concilii florentini. Jeremias, patriarcha constantinop. in Censura ad Augustanam confessionem cap. 10. in quo de Coena Domini agitur, *Multa, inquit, in hac parte de vobis referuntur, quae nobis nullo pacto probari possunt. Ecclesiae igitur sanctae illud iudicium est, in sacra coena post consecrationem, & benedictionem, panem in illud ipsum corpus J. C. vinum autem in illum sanguinem, virtute Spiritus sancti transire ac immutari. Et paulo post: Neque vero aut tunc, cum illis porrigebatur, ea caro, quam ipse Dominus gerebat, in cibum dabatur Apostolis, aut sanguis in potum, aut nunc in divina mysteriorum administratione,*

* Sed & in graeca.] Walenb. tom. 2, p. 29.

tione, tanquam corpus illud sursum translatum, de
 caelo iterum descendat, (blasphemum enim hoc est)
 sed & tunc, & nunc, transformatis & transmuta-
 tis (μεταποιεμένοις & μετασπαλλομένοις) gratia
 Spiritus S. & ejusdem invocatione, qui omne
 hoc perficit & consummat sacramentum, specie-
 bus, per divinas & sacras preces, dominicaque
 verba, ipso quidem pane in verum corpus Domini,
 vino autem in verum sanguinem transeunte & im-
 mutato. Et rursus: Illud ipsum verum corpus Chri-
 sti, sub speciebus fermentati panis continetur. Grae-
 ci, qui Venetiis vivunt, in Resp. sua ad 12. Quaes-
 tiones a Claudio card. Guisio propositas, (scri-
 ptum ex interpretatione J. * Levenklaii pro-
 diit, A. 1571. Basileae) quarum prima fuit: Cre-
 dunt Graeci, panis ac vini substantiam in Christi
 corpus mutari, manentibus tantum panis accidenti-
 bus sine subjecta substantia? ita respondent: Cre-
 dimus & confitemur, panem in Christi corpus, ac si-
 mili ratione vinum in Christi sanguinem ita muta-
 ri, (Pag. 413.) ut neque panis, neque substantiae
 ipsius accidentia maneant, (en, quo provehun-
 tur!) sed in divinam substantiam transelemententur.
 De quo magni patris illius Chrysostomi testimonium
 in 26. Matth. audito: Quum Christus ait, H. E. C.
 M. & c. Citant & verba Theophylacti in 14.
 Marci, ad verba H. E. C. M. & verba Damasc.
 Orthod. fid. lib. 3. cap. 14. Cabaſilae, & aliorum
 quorundam. Ante paucos annos, cum hac de
 re ego cum Episcopo dypac. viro certe non indo-
 cto,

* Levenklaii] Qui alias *Leuenclavius* appellatur.

cto, conferrem, transubstantiationem clarissime confitebatur, & ex Chrysostomo tueri conabatur. Caspar Peucerus, historicus & medicus clarissimus, in Historia carcerum, pag. 527. Transubstantiationem, ait, Pontificii sibi fecerunt propriam, & pro ea sola pugnant. Vocabulum cum re ipsa primae & puriori Ecclesiae ignotissimum, natum est in Ecclesia romana, & ab autoribus sententiaris & scholasticis introductum atque usurpatum. Recentiores Graeci cum hujus opinionis ex romana Ecclesia profectae meminerunt, μεταβολήν, ut ostendunt canon graecae missae & Damascenus, & μεταστοιχείωσιν, i. e. mutationem & transelementationem vocant. An μετεστιάς seu transubstantiationis vocabulo utantur, dubito. Μεταβολήs appellatio eadem est; quia primi autores hujus sententiae, finxerunt conversionem physicam simplicem panis & vini in corpus & sanguinem Christi, quam posteriores Romani & Scholastici, manentibus accidentibus panis & vini, defendere ut possent, commenti sunt μετεστίαν, seu transubstantiationem. Haec ille.

Sandius anglus, eqves auratus, in Speculo Europae p. 233. Graeci cum Romanis consentiunt in dogmate transubstantiationis, & in univ. de sacrificio, totoque corpore missae. Videatur etiam Christ. Potterus * in lib. nuper edito contra tractatum scriptoris pontificii, cui titulus *Charity mistaken*, pag. 86. sect. 7. Petrus Arcudius, corcyraeus presbyter, lib. 3. de concordia Ecclesiae

* In lib.] Want of charity.

occidentalis & orientalis in septem sacramentorum administratione, cap. 2. *In sacramento eucharistiae imprimis Graeci agnoscunt & amplectuntur, quin & firmissime credunt veram μετασώσιν, transubstantiationem, ut satis constat ex antiquis, & omnium aetatum* Pag. 414.) *Patribus graecis; (Sed hoc falso dicitur, ut supra ostensum est.) novissime autem ex ipsomet Hieremia, patriarcha constantinop. cap. 10. suae Censurae contra Lutheranos: & quamvis eo nomine non utantur, sunt tamen auctores aliorum nominum, quibus eam, quantum fieri potest, appellant, & exprimunt: Dicunt enim μεταβάλλειν, & μεταβολήν, μεταποιείειν, & μεταποίησιν, μεταβαίνειν & μεταβασιν, μεταρρυθμίζειν, μετασυνεύζειν, μεταποιχείειν, & τελείειν, & τελειήν μέθεξιν, aliaque id genus.*

Non possum igitur non mirari, quomodo Thomas Mortonius, * episcopus, in libro tertio de Sacramento eucharistiae, cap. 4. sect. 7. pag. 144. negarit, Hieremiae patriarchae transubstantiationem creditam fuisse; & ut hujus rei fidem faciat, haec citat verba ex Actis theologorum wirttemberg. & Hieremiae P. C. *Non hic nominis tantum communicatio est, sed rei identitas: etenim vere corpus & sanguis Christi mysteria sunt: non quod haec in corpus humanum transmutentur, sed nos in illa, melioribus praevalentibus.* Non enim hic negat transmutationem panis in corpus Christi, sed transmutationem corporis & sanguinis

R r - - - - - nis

* Episcopus,] Primum coventus, dein duvelmensis.

nis Christi in corpus humanum, sicut August. ait: *Non tu te mutabis in me, sed ego mutabor in te.* Certe Cyrillus, patriarcha constantinop. in sua Confessione fidei nuper scripta Constantinopoli, & Sedani excusa anno 1629. haec habet verba: *In eucharistiae administratione praesentiam veram & realem Christi confitemur & profitemur, at illam, quam fides nobis offert, non autem, quam excogitata docet transubstantiatio, &c.* per omnia fere ad mentem Calvini. Vnde P. Arcudius praenominatus, in praef. sui operis ad Sigismundum III. Poloniae R. sic in illum impotenter debacchatur: *Non destiterunt unquam illi ipsi haeretici vexare infelices Graecos Ruthenosque, ac viro probo nec a rom. Pontifice dissentiente, patriarcha Timotheo Constantinop. vi veneni nuper extincto, alium quendam Cyrillum pseudopatriarcham alexandrinum, (qui nunc patriarcha CP. est, si fato non est functus) calvinianae furiae alumnum, soluta Turcarum Imperatori pecunia, Graecis constantinopolitanis, quasi alterum antipapam obtruserunt. Is quamvis genere, nomine, habituque sit graecus, alterius tamen gentis nefaria dogmata toto pectore hausit* (Pag. 415.) *quae deinde Graecis in ipsorum provinciis, simplicioribus autem Ruthenis in tua editione, abjecta simulatione palam propinavit.* Haec ille. Sed quicquid hac de re senserit Cyrillus, certum est, recentiores Graecos a transubstantiationis opinione non fuisse, neque etiamnum esse, omnino alienos. Hosce autem omnes christianae pietatis cultores, haereseos aut erroris exitialis dam-

damnare, magnae profecto est audaciae & temeritatis.

Lutherus ipse in Captiv. babylonica anno 20. scripta : *Thomistica doctrina est, transubstantiari panem & vinum. Liberum est, citra salutis periculum, imaginari, opinari, & credere, remanere aut non remanere substantiam panis & vini ; permitto, qui volet utramque opinionem tenere : Hoc solum nunc ago, ut scrupulos conscientiarum de medio tollam, ne quis se reum haerescos autumat, si in altari verum panem verumque vinum esse crediderit, sed liberum esse sibi sciat citra periculum salutis, alterutrum imaginari, opinari, & credere, cum sit hic nulla necessitas fidei. Et rursus: In sacramento, ut verum corpus, verumque sanguis sit non est necesse, panem & vinum transubstantiari. Permitto tamen aliis, opinionem alteram sequi, quae in Decretali Firmiter statuitur, modo non urgeant suas opiniones pro articulis fidei acceptari. Et in libro ad Waldenses fratres A. 1523. errorem quidem esse dicit, affirmare, panem in sacramento non manere, sed tamen in isto errore non multum esse situm, modo corpus & sanguis Christi cum verbo ibi relinquatur. Et ann. 1528. in Confessione majore rursus scribit, se hactenus docuisse & adhuc docere, parum referre, nec magni momenti quaestionem esse, siue quis panem in eucharistia manere, siue non manere, sed transubstantiari credat. Haec ille, cum paulo pacatior esset. Vide Hospiniani Historiae sacram. partem 2. p. 7. 8. Lutheri inconstantiam in aliis scriptis non exculo.*

Chemnitius in Exam. decreti Concil. trid. de Transubstantiatione : *Sed dicat quis : Quare ita contendamus , an substantia panis in eucharistia vel remaneat, vel non remaneat : cum thesaurus eucharistiae sit non panis materialis & vinum vulgare, sed vera & substantialis praesentia, exhibitio & sumptio corporis & sanguinis Christi ? Respondeo, inquit, nullo modo pari momento censemus panem & corpus Christi.* Pag. 416.) *Et Lutherus semper dixit, se in tota hac disputatione, magis spectare praesentiam corporis & sanguinis Christi in coeua, quam praesentiam panis & vini : Sed quia transubstantiatio pro articulo fidei, sub poena anathematis proponitur, necessario contradicendum est.*

- *Longius Consubstantiatorum, quam Transubstantiatorum sententiam a Christi verbis recedere, sive litera spectetur sive sensus, affirmat Hospin. Hist. sacr. parte 2. pag. 7. & cæteri Calviniani communiter. Beza tamen parte altera Responsionis ad Acta colloqvii montisbelgard. pag. 253. Verum est, inquit, fuisse per nos obnixè flagitatam fraternitatis dextram, non quasi per omnia consentiremus, sed ut omni offensione animorum sublata, placidae disquisitioni deinceps aditus patefieret. Consensus sendomiriensis evangelicorum fratrum, quantum ad controversiam de S. Coena Domini, sic se habet : Quantum ad infelix illud dissidium de coena Domini attinet, convenimus in sententia verborum Domini nostri Jesu Christi, ut illa ortho-*

orthodoxe intellecta sunt a Patribus, & imprimis Irenaeo, qui duabus rebus, scilicet terrena & coelesti, hoc mysterium constare dixit. Neque elementa signave nuda & vacua illa esse asserimus, sed simul reipsa credentibus exhibere & praestare fide, quod significant. Hujus autem sancti mutuique consensus vinculum fore arbitrati sumus, convenimusque, ut, quemadmodum illi nos, nostrasque ecclesias, & confessionem nostram, in hac synodo publicatam, & fratrum orthodoxas esse testantur, sic etiam nos illorum ecclesias eodem christiano amore prosequamur, & orthodoxas fateamur, extremumque vale dicamus & altum silentium imponamus omnibus rixis, distractionibus, dissidiis. Ad haec recipimus mutuo consensu, omni studio nostris fratribus omnibus persuasuros, atque eos invitatuos ad hunc christianum & unanimum consensum amplectendum, colendum & observandum, illumque alendum & obsequandum, praecipue auditione verbi (frequentando tam hujus, quam alterius cujusque confessionis coetus) & sacramentorum usu. Formula haec Consensus sancita fuit anno 1570. Vide Parei Irenicum cap. 22. Atque idem Pareus sic commentatur ad 1. ad Cor. 3. 12. Per stipulas & ligna intelligit apostolus dogmata non plane haeretica, impia, blasphema, cum fundamento pugnantis, (Pag. 417.) sed erronea, vana, curiosa, non necessaria, doctrinae fundamentali admixta. Et post stipularum acervum, eumque paene magnum congestum, subdit: Credere, quod

caro Christi ubique sit, quod in pane sit, & oraliter manducetur, idque etiam ab impiis, stipula & palea est. Haec ille. Non sunt igitur dogmata haeretica & cum fundamento doctrinae salutis pugnantia. Idem in Irenico capite 13. pag. 68. 69. Porro qui in uno tantum doctrinae capite, eoque fundamentum directe non concernente, dissentiunt, eos charitatem nequaquam abrumpere, sed pacem colere omni modo convenit. Et paulo post: Verissime jam inde a schismatis huius exortu non fuit controversia Evangelicis, nisi de corporali praesentia in pane eucharistico, & orali manducatione corporis Christi, quam fidelibus & infidelibus communem esse volunt Lutherani. Et pag. 71. Virumvis sit, dicimus, esse errorem non de fundamento, sed esse stipulam fundamento superstructam, cuiuscunque illa sit, & esse paleam. Fatetur enim pars altera, oralem manducationem sine spiritali, nemini ad salutem prodesse, sed noxiam esse: infidelibus item cum fidelibus communem esse. Quid igitur de ea litigabimus? Et rursus: Ponamus, veram esse oralem & impiorum manducationem, cum nondum sit de fide salutis, an quisquam eam non credens erit haereticus? ab ecclesia excludendus? Certe neutra opinio est de fide salutis. Hier. Zanchius in lib. de Dissidio in cœna Domini tollendo ait: Istud de Cœna Domini inter Ecclesiarum dissidium non est tale ac tantum, ut propter illud debeant turbæ in mundo excitari, aut alterutrae Ecclesiae damnari. Rich. Hookerus, licet transubstantiationem & contubstanti-

atio-

ationem improbet, pro opinionibus tantum superfluis, & quae ut necessariae minime urgendae sint, habet. Vide lib. 5. De Politia eccles. sect. 67. & Covellum, ipsius hyperaspisten, artic. 17. de Transubstantiatione, qui eandem sententiam defendit.

Archiep. spat. de Rep. eccles. lib. 7. cap. 11. n. 6. *Fateor, neque transubstantiationem, neque ubi-quitatem haeresin ullam directe continere: ac propterea, qui eas tenent & asserunt, Pag. 418.) non sunt tanquam haeretici a Catholicis separandi. Errores enim & manifestas falsitates eos tueri non dubito; non tamen errores hi & falsitates sunt in fide, quia nulli fidei vero articulo sunt contrariae. Errantes vero, & non in fide, non sunt haeretici a catholica communione separandi. Credat, qui vult, panem transubstantiari in corpus Christi, & vinum in sanguinem. Credat, qui vult, corpus Christi sua ubi-quitate conjungi pani eucharistico; ego neutrum credo: illi, qui credunt, suae credulitatis suo tempore accipient confusionem. Cum his ego, ut reliquis Catholicis, communicare & volo, & debeo: non enim sine causa schisma est faciendum. Sed in eorum erroribus nolo communicare. Vide quoque n. 8. Idemque etiam Romae, post reditum, transubstantiationem de fide esse negavit. Vide Hist. mortis ipsius.*

Joh. Barnesius, ut * supra dictum est, satis habet dicere, *assertionem transubstantiationis, licet*

Rr 4

se

fit opinio communior, non tamen esse fidem Ecclesiae, & scripturas ac Patres docentes *μετστοια*, communionem, sufficienter exponi posse de admiranda & supernaturali mutatione panis, per praesentiam corporis Christi ei accedentem, sine substantiali panis desitione; quam sententiam ipsemet tueretur, ut maxime probabilem. Sic enim scribit: Interim cum bona venia & Calvinii & Spalatensis, non est additio ad sensum apertum verborum Christi, (ut illi docent locis cit.) dicere, corpus Christi esse in eucharistia, cum substantia panis permanentis, aut transeuntis. Panis est instar indumenti, quo corpus Christi vestitur in eucharistia. Sicut ergo demonstrando vestes, sub quibus est Petrus, licet dicere, Hic vel hoc est Petrus: & sensus hujus dictionis, sic determinatae per designationem, est, Petrum esse ibi cum vestibus; ita ostendendo manibus panem, & dicendo, H. E. C. M. sensus dicti est, corpus Christi est ibi cum pane vel permanente vel transeunte, uno vel altero modo. Ac per consequens non est idololatria, adorare Christum ibi in eucharistia realiter existentem. Quare accipio confessionem Spalatensis, noloque, pacis ergo, quicquam addi ad verba Christi, non contentum in iis aperte. (Pag. 419.) Non continetur autem in verbis Christi, substantiam panis desinere adveniente corpore Christi ad panem: ac propterea litigandum non est ea dere cum iis, qui admittunt realem corporis Christi praesentiam in sacramento; ita ut corpus Christi in pane intret in os, & manducetur non solum spiritualiter fide cordis, sed etiam sacra-

cramentaliter fide oris, juxta illud Augustini contra Avers. legis & Proph. lib. 2. cap. 9. qui ait, nos in eucharistia Jesum fidei corde & ore suscipere.

Petro Pich'erello nec transubstantiatio, neq; etiam consubstantiatio probata fuit, sed mystica praesentia, & participatio corporis Christi, spiritali modo intallibili de iis tamen, qui transubstantiationem defendebant, quam modestissime sensit & locutus est. & in communione Ecclesiae romanae suaviter & placide obdormivit, ut patet ex ipsius dissertatione de Missa cap. 3. circa finem: *Finem autem, inquit, hic faciam de pane & vino in cœna remanentibus, si ante lectorem admonuero, in quadam oratione* (intelligit orationem Cardinalis Iotharingi in Colloquio possiaceno, unde facile colligi potest, quo tempore fuerit hic tractatus ab autore scriptus) *celeberrimo conventu ante aliquot dies habita, & magna immensae multitudinis attentione audita, magnôq; applausu accepta, quod ex fructibus terrae acceptum, & prece mystica consecratum consumitur, fuisse pronunciatum corpus & sanguinem J. C. esse. Verum id nec habent, nec ferre possunt pulchra Augustini duo loca, lib. 3. de Trinit. cap. 4. unum, alterum cap. 10. e regione ad marginem orationis adnotata, & ab oratore permixta, confusa & depravata. Idque pace, bonaque venia tanti viri, tanta valentis auctoritate, tot dotibus, tot beneficiis, tot gratiis a Deo cumulati, veritatis ergo tantum dictum velim. Immo ex adverso uterque locus ex prioribus ac poste-*

rioribus diligenter animadversus & consideratus, multum ab iis stat, qui panem volunt esse superstitem. Vide etiam conclusionem contra transubstantiationem & consubstantiationem in fine differt, ejusdem p. 212 & seq.

Contra *oralem seu corporalem corporis Christi manducationem*, vel potius *receptionem*, *sumptionem*, *participationem*, ut loqui amant, (pag. 420.) qui magis sobrie sapiunt & loquuntur cum Romanenses tum Lutherani, (carnem enim Christi, dum in hoc sacramento recipitur & sumitur a nobis, non dentibus atteri seu frangi, existimant modestiores omnes contra alios, qui crassissime hac de re loquuntur, quia Christi caro in hoc sacramento tangi nequit, estque immortalis & impartibilis. Manducatio autem realis requirit contactum rei edendae, ut possit dividi & transmutari; quod hic de corpore Christi fieri nequit: quae verba sunt Salmeronis jesuitae tom. 9. tract. 20. pag. 136. aliorumque multorum eadem mens est) multa praeclare a multis Protestantibus aliisque viris moderatis scripta sunt, ut & contra *indignorum seu impiorum manducationem*. Haec nos ad suos autores, unde peti & possunt & debent, rejicimus.

Autor *Diallactici de Eucharistia** supra citatus, scribit pag. 63. *Quod autem negatur*, malos edere posse corpus Christi, *quod necessario fieret, si virtus & gratia spiritualis cum pane conjuncta sit, responderi potest, distinctione utendum esse.* Nam si
specto.

* Supra] Pag. 383.

ſpectemus ipſam ſacramenti naturam, divina virtus abeſſe a ſigno non poteſt, qua ſacramentum eſt, & huic uſui ſervit: ſin mores & ingenium accipientis, illi vita & gratia non eſt, quod alioqui natura ſua utrumque eſt. Videatur Cyprian de Coena Dom. & Auguſt. contra literas Petiliani lib. 2. cap. 47. lib. 5. de Baptiſmo contra Donatiſt. cap. 8. & contra Creſcent. lib. 1. cap. 25. quos autor hic citat. Subdit autem: Ex his & aliis multis locis patet, quod euchariſtia, quantum ad ſacramenti naturam attinet, vere corpus & ſanguis eſt Chriſti, vere divina & ſancta res eſt, etiam quum ab indignis ſumitur: quum tamen illi minime participes ſiant gratiae illius & ſanctimoniae, ſed mortem inde hauriant & condemnationem. Vide autorem.

Chriſtum autem in euchariſtia comburi, a beſtia rodi & devorari poſſe, chriſtianis auribus indigna ſunt, & multi etiam Romanenſes vix ferre poſſunt. Craſſus eſt hic, poſt alios multos, Bellarmini de Euchariſtia lib. 3. cap. 10. error. Neque eum quicquam hic juvat, quod Chriſtum, non in propria, ſed in aliena ſpecie haec pati poſſe dicat: (Pag 421.) quomodocunque enim, hae dicantur Chriſti corpori accidere poſſe, dictu abſurdiſſima, & auditu indigniſſima ſunt. Videantur alii modeſtiores, qui ab hiſce portentosis aſſertionibus abhorrent, & Hardingus apud Juellum art 23.

Ob hanc tamen ſententiam, de orali, etiam indignorum, manducatione corporis Chriſti,
ſobrie

sobrie & modeste defensam, quod a plerisque cum Romanensibus tum Lutheranis fit, *nolim illos infamari & damnari, ut Capernaitas, carnivoros, christicidas, ἀσφατοπότας*: haec enim convicia, ut nihil in se veri habent, ita ab omni christiana charitate aliena sunt; ac proinde ab illis abstinendum est, si Deum, si veritatem, & unitatem ecclesiae amamus.

De controversia inter ipsos Romanenses agitata, *An per eucharistiam consequamur solam unionem spiritualem cum Christo per charitatem*, ut nonnulli in complutensi & salmanticensi academia defenderunt, *an vero etiam realem & substantialem carnis nostrae cum carne ejus*, quemadmodum cardin. Mendoza contra eos defendit, vide prolixam disputationem apud Vasquez in 3. D. Thomae tom. 3. disp. 204. Vide etiam Thom. a Jesu de Oratione lib. 4. cap 27. aliosque permultos.

Rationes, quibus Protestantes rigidiores sibi videntur clarissime demonstrasse, *utrumque dogma, & Romanensium, & Lutheranorum, cum fidei articulis pugnare*, ac proinde *haeretica, impia & blasphema esse*, abunde cum ab harum sententiarum defensoribus, tum etiam ab aliis Ecclesiae unitatis cupidis dissolutae sunt. Quos consule.

Ac proinde, ut hunc librum concludam, non levis subit animum meum admiratio, quando apud Th. Mortonum, episcopum Ecclesiae anglicanae, in opere de Eucharistia nuper edito

anno

De orali & indign. manduc. p. 422. & 423. 637
anno 1631. lib. 4. cap. 1. sect. 1. lego : *Nemini Protestantium*, saniorum scilicet, ut ille intelligit, *eam moderationem placere posse*, de discrepantibus super modo praesentiae corporis Christi in sacramento sententiis, ut sectam romanam vel tolerabilem, vel reconciliabilem esse existimet ; praesertim, cum quaestio duntaxat (Pag. 422.) sit de modo, ac proinde tota controversia hac de re inutilis & inanis sit. Haec ille. Faxit Deus, ut extremis vitatis, piam veritatem, quae saepicule in medio posita est, in charitate omnes sectemur.

Soli Deo gloria.



Pag. 423.

Liber II.

In quo de communione sub una, vel utraque specie, de veneratione eucharistiae, atque aliis nonnullis dogmatibus controversis agitur.

CAP. I.

De Communione sub una vel utraque specie.

Res

RES non est adiaphora, vel libera fidelibus, ex calice eucharistico bibere, aut non bibere, sed necessaria, (extra casum necessitatis scilicet, quæ de re inferius) & imperata a Christo domino. Quos in institutione cœnæ suæ jusserat manducare, eos similiter bibere omnes jussit: *Bibite ex hoc omnes*. Ac proinde alterius speciei interdictio plane illicita est; quicquid Romanenses contra contendunt. Res, inquam, necessaria est; nam si aliqua est necessitas in his verbis, *Accipite, manducate*, perinde & in his erit, *Accipite, bibite*. Si nulla, possunt igitur laici non manducare, (Pag. 424) quemadmodum bibere illos non est necesse. Nam res non necessarias, citra omnem culpam omittere, cuique fas est, ut recte argumentatur Andr. Fricius in Defens. cœnæ Domini, integre a populo sumendæ pag. 599. aliique viri doctissimi.

Frustra sunt, quando aiunt, in illo *Bibite omnes*, τὸ omnes, restringi debere ad Apostolos, quos alloquatur solos. Apostoli enim istic Ecclesiam totam repræsentabant; quocirca τὸ omnes universe ad omnes fideles pertinet. Sic Patres omnes verba Christi intellexerunt. Etiam Paschasius Radbertus, qui claruit A. 820. lib. de Corp. & sangu. Dom. cap. 15. *Bibite ex hoc omnes*, id est, tam ministri, quam reliqui credentes. *Hic est calix sanguinis mei, novi & æterni testamenti. Et sane mens fuit Christi, quamvis soli adessent*

Apo-

Apostoli, praescribere Ecclesiae universae rationem administrandi hoc sacramentum, quam observari vellet, usque ad consummationem seculi. Quod nisi nobiscum fateri Romanenses velint, unde quaeso comprobabunt, manducationem panis, ad laicos pertinere; praesertim cum de ea non diserte *omnes* dicatur, quod in calicis praecepto fit? ut recte Vossius disput. 5. de Coena. Inanis etiam est illa commentitia *distinctio de sacrificantibus & non sacrificantibus*; illis scilicet necessitatem impositam esse, utramque speciem sumendi, istis alteram tantum, nempe panem. Omnino enim si sacrificantes necessario utraque specie utuntur, ut ostendant, in summo illo Christi sacrificio sanguinem ex corpore effusum fuisse, & coenantes utraque utantur necesse est, quod Christus convivis suis in memoriam ejusdem sacrificii utrumque dederit, & cibum & potum, & quidem separatim utrumque. Fricius l. c. ait, *Concilium constantinense, in quo primum alterius speciei interdictio sancita fuit, sess. 13. clarissime Christi verba sic eludere conatur, ut pronunciet, licet Christus instituerit, & dederit sacramentum post cenam discipulis, hoc non obstante observandam esse Ecclesiae consuetudinem, ut non sumatur nisi a jejunis; Ecclesiam pariter, etsi Christus sub utraque specie sacramentum instituerit & dederit discipulis, jura habere praecipiendi, ut laicis sub altera tantum specie praebeatur.* Sed dispar valde horum ratio est, ut inquit Vossius post alios innumeros viros doctos: *Nam Christus, ut calix bibatur, mandavit,*

davit, pag. 425.) cum dixit, *Bibite ex hoc omnes, Matth. 26 & Hoc facite, quotiescunque biberitis, ad mei commemorationem. 1. Cor. 11. At non dixit si militer, Hoc facite post cœnam* Nam si, ut inquit Aug. epist. 118. ad Januar. hoc ille monuisset, ut post cibos alios semper sumeretur, credo, quod eum morem nemo variasset. Frivola tandem est distinctio ista ab illis usurpari solita *inter Christi institutum & mandatum.* Quis enim Christi institutum pro mandato non habeat, praesertim cum ita expresse dicatur? *Bibite ex hoc omnes.* Legatur heic apostolus Paulus, quo nemo Christi mentem rectius nos docere potest. 1. Cor. 10. & clarius cap. 11. Quae contra ex scripturis objiciuntur, nihil in se veri vel solidi habent. Videantur Protestantes.

Quod ad Ecclesiae primitivae praxin attinet, ipsum constantinense Concilium loquatur. Sess. 13. *Licet Christus, inquit, suis discipulis administra- verit sub utraque specie panis & vini, tamen hoc non obstante, &c.* Et mox: *Haec consuetudo ad evitandum aliqua pericula & scandala est rationabili- ter introducta; quod licet in primitiva Ecclesia hu- jusmodi sacramentum reciperetur a fidelibus sub utraque specie, postea a conficientibus sub utra- que, & a laicis tantummodo sub specie panis susci- piatur.*

Quae respondet Bellarm. cum aliis lib. 4. de Eucharistia ad objectiones ex Patribus, mera & inania subterfugia sunt, ut intelligenti lectori ob- scurum esse non potest. Notatu digna sunt illa verba, quae in principio cap. habet: *Revera Pa-*

tres bene intellecti (audax est haec assertio) *nihil eorum habent, quae ipsi illis tribuunt. Nec tamen mirandum esset, si aliquis eorum obscurius loqueretur, cum tempore ipsorum non fuerit ista quaestio introducta, sitne utraque species necessario sumenda.* Haec ille. Post plurimos alios, qui hanc Ecclesiae romanae mutilationem eucharistiae cum scripturis, tum Patribus adversari clarissime ostenderunt, videantur inter Protestantes Juelus & Mortonus in opere eucharistico nuper edito, & Featleyus de Grandi sacrilegio Ecclesiae romanae, ut alios innumeros taceam: brevitati enim studeo, praesertim cum res tam clara sit.

Cassander in Consultatione de S. Communionem christiani populi in utraque specie, licet eam non jure divino (Pag. 426.) simpliciter necessariam esse existimet, fatetur tamen, *veteres omnes tum Graecos tum Latinos, in ea sententia fuisse videri, ut existimaverint, in legitima & solemni celebratione corporis & sanguinis D. & administratione ac dispensatione, quae in ecclesia fidei populo e sacra mensa fit, duplicem speciem, panis & vini, esse exhibendam: atque hunc morem, per universas orientis & occidentis Ecclesias antiquitus observatum fuisse, tum ex priscorum Patrum monumentis, tum ex vetustis divinarum mysteriorum formulis apparere; inductos autem fuisse primo exemplo & mandato Christi, qui instituendo hujus sacramenti usum, Apostolis, fidelium sacramenta participantium personam repraesentantibus,*

S s

bus,

bus, quibus dixerat, Accipite & edite, iisdem ipse mox dicebat, Bibite ex hoc omnes. *Quod ex veterum sententia interpretatur Paschasius Radbertus*, tam ministri, quam reliqui credentes. Vide autorem ipsum, qui multos hic citat Patres, inprimis illud Gelasii memorabile decretum (de Consecr. dist. 2. cap. *Comperimus*) quo jubet eos, qui superstitione aliqua impediti, a calice sacrati cruoris abstinebant, aut integra sacramenta percipere, aut ab integris arceri, quod *diviso unius ejusdemque mysterii sine grandi sacrilegio nequeat provenire.* Et p. 1025. edit. oper. parif. *Hic, inquit, & hisce similibus rationibus inducta Christi Ecclesia, orientalis quidem in hunc usque diem, occidentalis vero, siue romana, mille amplius annis continuis, non aliter quam sub duplici specie in conventu Ecclesiae sacramentum hoc administrasse legitur, idque in pane & vino, atque adeo separatim. Etate autem Leonis & Gelasii pontificum, Manichaei hunc universalem & perpetuum Ecclesiae ritum violarunt.* Et p. 1027. *Non potest demonstrari posse, totis mille amplius annis in ulla catholicae Ecclesiae parte hoc eucharistiae sacramentum aliter in sacra synaxi e mensa dominica fidei populo, quam sub utroque panis vinique symbolo, administratum fuisse. Nisi quod apud Latinos, pasceves die, solo pane pridie sanctificato & reservato communio fieri videatur. Sed graviores auctores, &c.* Et p. 1028. *Non satis igitur considerate scribere videntur, qui apud veteres, etiam in publicis conventibus, & ordinaria ad-*
mini-

ministratione, indifferentem usum hujus sacramenti in una vel duplici specie probare nituntur. Nam ut aliquando in altera specie vel panis vel vini eucharistia data & praecepta sit; (Pag. 427.) id tamen privatim & extra ordinem, & non nisi quodammodo necessitate impellente factum apparet. Legatur integer ille tractatus: lectu enim dignissimus est, & omnia fere, quae de hoc argumento dici possunt, istuc reperiās. Videatur idem in Consultatione sua artic. 21. ubi eadem, supra tradita breviter repetit, & in epist. 19. item in epist. 102. 106. & 73. ubi ait, optimos quosque desiderio talitē teneri, sed plerosque expetendo non rectam rationem sequi, quod illam ita simpliciter a Christo praeceptum, atque adeo necessarium putent, ut nullo tempore in altera specie verum sacramentum corporis Domini praeberi possit: quae persuasio illis facile & damnandae tot seculis Ecclesiae romanae observationis, & ab ea deficiendi occasionem praebet. Vide etiam epist. 115. quae est ad Georg. Wicelium. Rectissime affirmat Caspander in epist. 19. supra citata, antiquioribus seculis ad plenam, legitimam & solennem communionem, utriusque sacramenti corporis & sanguinis Domini participationem necessariam habitam fuisse: de extraordinaria, inquit, infirmorum, abstemiorum, infantum, peregrinorum, domestica item & privata (de quibus Tertull. & Hieron.) hic nil loquor. Vide etiam ejusdem Liturgica c. 31.

G. Wicelius in Via regia: De communione sub una specie est in confesso, sumptionem sacramentalē

talem de altari aequè omnibus Christianis communem ex:itisse ad salutem, per omnia novi testamenti tempora ; obli:eratam quidem paulisper apud nos occidentales, & ab usu promiscuo semotam suas ob causas, at non deletam omnino atque extinctam. Sed male Ecclesia romana in publica synaxi usum calicis intermisit, neque ullae justae causae, cur hoc faceret, nedum ut illo laicis interdiceret, subsue- runt. Subdit autem : Ejus rei cum nube qua- dam certissimorum testium septi simus, πληροφο- εἶν ampleximur, omni excluso dubio, alteram qui- dem in hoc sacramento speciem, cui assuevimus La- tini, non impugnantes, nec ullis modis condem- nantes, aut improbe iridentes, sed aequi boni- que consulentes, & quidem, uti tulerunt tempora novissima, partem in meliorem interpretantes, pro aliorumque infirmitate, ignorantia ac meticulo:itate aliqua sifferentes. Multa etenim sunt, (Pag. 428.) cuj:umodi in reformatis etiam Ecclesiis ac utcumque restitutis toleremus necesse erit, ut sciamus, ad per- fectionem viam esse difficillimam. Vide eundem in Methodo concordiae cap. 5. p. 20. De par- ticipatione communionis facilis erit consensus, si ne- cessitatem legis (absolutam necessitatem intelli- git) de utraque specie laxârint Sectarii, sique (1) Ecclesiastici, (2) utraque vescentes (3) Erebi duci non miserint, sed medium utrique tenuerint. E- nimvero laudandum, si generali Synodo consen- tiatur

(1) Ecclesiastici] Id est, Romano-catholici.

(2) Utraque vescentes] Seu eos, qui Protestantes dicuntur.

(3) Erebi duci] i. e. tatanac, vel diabolo.

tiatur καὶ ὅλῃ in utramque ; siquidem olim ita communicatum in Ecclesia.

Gerardus Loricus lib. de Missa publice proroganda in 7. part. Canonis : Sunt pseudocatholici, qui reformationem Ecclesiae quoquo modo re-
morari non verentur. Hi ne laicis altera species restituatur, nullis parcunt blasphemis. Idem lib. de S. Euchar. fol. 73. Non possum non culpare nostrates, qui non animadvertunt, sacramentum eucharistiae hinc in simoniae labi crimen, illinc in haereseos, & homicidiorum causam rapi, propter alterius speciei subtractionem. Nec hujusmodi malis obviam eunt, sed magis dissimulant & adnivent. Vnde omnium hujusmodi malorum Dominus ab illis rationem in illo die poscet. Vide ejusd. Epitomen textus & glossemat. in c. 6. Joannis, & Petrum Picherellum fuse in dissert. de Missa c. 4. de concomitantia & communione sub utraque specie differentem. Legatur etiam Ferdinandi Imper. Rescriptum de usu calicis. Rem ita narrat Andr. Dudithius, episcopus quinqueecclesiensis, caesar. Majestatis legatus, in orat. habita in Concilio tridentino pro permissione calicis in sacra coena A. 1562. Esi antea satis perspicere potuistis, quae Caesaris mens fuerit, cum a sancta Synodo calicis permissionem pro regnis & provinciis sibi subiectis petendam curavit, intellexistisque tam ex eo libello, qui caesareae Majest. suae nomine vobis oblatum est, quam ex accurata illustrisimi domini Mantuani, primi legati, oratione, justis & necessariis causis Majestatem suam adductam esse,

esse, ut hoc peteret, &c. Vide (1) Goldastum *Constit. Imperial.* tom. 2. p. 399. Caesar. *Majestatis Articulus* (in quibus hic unus est) de reformatione Ecclesiae, pag. 429.) per oratores in *Conc. trid.* propositos, p. 376. & oratorum scriptum de Communionis corporis & sanguinis Christi sub utraque specie, p. 377. & 378. & Imperatoris ipsius Rescriptum, p. 379. ubi *id se tum suorum Ducis Bavariae generi sui nomine petere ait, persuasum, rem dignam pietate ipsius Pontificis, & sibi gratissimam, facturum.* (2) Vide etiam Literas Ducis Bavariae, aut earum summam, in *Hist. Conc. trid.* lib. 8. p. 1415. & apud Goldast, loc. cit. p. 399. Idem quoque petiit Rex Galliae per suos oratores. Vide Goldastum ibidem, Jac. Aug. Thuanum *Histor.* lib. 35. Anno 1564. *Histor. Conc. trid.* lib. 6. p. 960. & seq. & auctoris anonymi galli *Recognit. Concil. trid.* lib. 2. cap. 1. Nihil tamen hic praestitum est.

In *Conc. trid.* cardin. Madrucius absque omni exceptione calicem permittendum censuit; similiter Episc. mutinensis, & Caspar. de Casal, episcopus leiriensis, natione lusitanus, vir & vitae exemplaris, & praestantis doctrinae, atque Dudithius, episc. quinqvecclesiensis, tanquam praeful, non tanquam caesar. Maj. legatus tantum, quanquam plurimis aliis contradicentibus,

Vide

(1) Goldastum.] Item Wicelii *Viam regiam*, edit. conring. p. 230.

(2) *Literas Ducis Bavariae.*] Quae integrae exstant apud Conringium post *Viam regiam* Wicelii p. 354.

Vide Hist. Concil. trid. lib. 6. p. 966. Joan. Barnesius in Catholico-romano pacif. sect. 7. *Communio sub utraque specie scripturis, Patribus & universalis Ecclesiae consuetudini est conformior*, ac per se jure divino praescribitur; per accidens tamen potest fieri, ut plebs sub una tantum specie communicet: & idem late probat ex Cassandro, & autoribus ab illo citatis in Consult. art. 22. & in tractatu de sacra Communione in utraque. Alia plurima, quae ex Romanensibus ipsis citari possent, ad ostendendum, hanc fuisse antiquissimam, & quidem universalis Ecclesiae consuetudinem ante secula pauca posteriora, brevitatis causa omittimus, & lectorem sedulum ad autores alios, ex quibus haec peti possunt & debent, remittimus.

De inconstancia (1) *Lutheri de communione sub una vel utraque specie*, tum a Romanensibus, tum etiam ab iis, qui vulgo Sacramentarii dicuntur, saepe exprobrata, nihil nunc dicam. Vide Hospin. Hist. sacram. parte altera p. 12. 13. aliisque. Historia August. Confess. Dav. Chytraci p. 254. edit. francof. A. 1578. de concessione, quae super hac re Romanensibus (pag. 430.) facta dicitur Augustae a Protestantibus, (2) rem ita re-

ss 4

fert:

(1) Lutheri.] Vide König. Cas. cons. p. 650.

(2) *Rem ita refert.*] In ipsa illa Chytraci editione, quam auctor citat, atque ego etiam possideo, haec leguntur verba: *Postea, de utraque specie, non recitatur, quomodo excusaverimus una specie uti.*

fert: Dehinc de utraque specie sacramenti non indicatur, quo modo aut qua ratione excusemus illos, qui una specie utuntur: & ex odio adjicitur, quasi nolumus docere, quod, qui sacramentum sub una specie percipiunt, non peccent. Qui hoc ita obiter legit, possit opinari, nos consentire in unius speciei communionem, atque nihilominus vel ex odio, vel aliis iniquis de causis, in publicis concionibus nolle hoc profiteri. Nos autem e contra verbis & scriptis multoties exposuimus, quo pacto eos, qui unam speciem per necessitatem, quae multiplex & varia esse potest, excusatos habeamus. Hac autem concessione prohibitionem alterius speciei non approbavimus. Vide Joh. Dietericum, lutheranum, contra Joh. Lampadii tertiam Mellificii historici partem pag. 37.

Bucerus in Defens. christ. reform. Hermannii, archiep. coloniensis, cap. 73. *Necesse igitur est,*
ut

utentes. Et in tanta brevitate odiose ponitur, quod nolumus docere, quod non peccent unam speciem sumentes. Haec qui sic legit nude posita, cogitat nos probare ordinationem de utraque specie, & tamen odio alterius partis, aut propter alias cupiditates, nolle hoc in concionibus publicis fateri. Nos vero multis verbis, ad haec scripto quoque ostendimus, quomodo excusemus sumentes unam speciem propter necessitatem, quae multiplex & varia est. Interim non probavimus prohibitionem alterius speciei. Vnde patet, verba citata, cum iis, quae liber Chytraei exhibet, non plane esse eadem.

ut totalem hanc calicis Domini, ac dispensationis ejus sublationem sinamus esse gravissimum sacrilegium, & abominandam cperis ac mandati I. C. perversionem: nemoque ullo fuco ordinationem seu dispensationem ecclesiasticam ex ea faciat, etiamsi multa millia filiorum Dei, ac verorum membrorum Christi sacrilegium istud ex ignorantia, sicut etiam alios abusus, longo jam tempore tolerarunt, ac simul exercuerunt. Haec ille pag. 238. Et rursus pag. 241. Si quis esset, * qui vinum bibere non posset; & tali solus panis Domini porrigeretur, haec sane esset Ecclesiae in hoc sacramento dispensatio, quae illi, juxta exemplum & verba Domini de sabbatho, licita esset & concessa. At integrum sacramentum, cujusmodi est dispensatio calicis Christi, universae Ecclesiae penitus subtrahere, id ei nullo modo licet.

Episc. elienfis contra card. Bellarm. Apol. cap. 8. p. 192. Si qui in extremis viaticum petant, ab hac autem vel illa specie abhorreant, quaeri potest porro, an eo casu dispensari possit, ut altera tantum specie communicent: & an (necessitate id urgente) immutari possit quid in eucharistia; (ut olim in baptismo clinicorum) gratia divina humanum defectum supplente, cum sacramentum propter hominem factum sit, non homo propter sacramentum. Verum Pag. 431.) casus ille in legem trahendus non esset, (ut jam apud vos lex est) sed cessante ferrea necessitate, de reliquo redeundum mox ad Christi institutum. If.

* Qui vinum bibere non posset.] Vide G. Königii Catech. p. 648.

Id. Casaub. in epist. Exercitationibus praefixa: Quid? audebuntne dicere, doctrinam de a-
dempto populi calice extra casum necessitatis, esse
illam fudae apostoli semel traditam fidem? Vorstius in Antipistorio de Communionibus sub utraque
specie, part. 2. pag. 350. Status quaestionis verus
est, An ordinarie in coetum fidelium, ubi nullum
est necessarium impedimentum, utraque sacra-
menti species omnibus communicantibus, & quidem
necessario, puta ex ipsius Christi institutione & prae-
cepto, administranda ac percipienda sit: an vero lai-
cos, item clericos non consecrantes, sola panis specie
contentos esse oporteat. Nos priorem sententiam te-
nemus, nimirum freti ipsa Christi institutione &
praxi ecclesiae apostolicae, immo etiam continua ob-
servatione sequentis ecclesiae per mille amplius annos,
&c. Speciales tamen casus hic semper exci-
pimus, in quibus alteram speciem fortasse sufficere
posse, non admodum contentiose negamus.

Archiep. spal. De Rep eccl. lib 5. cap. 6. n.
 278. Dico 1. perfectum ac verum sacramen-
 tum consistere in utriusque speciei sumptione:
 ea enim fuit prima Christi institutio. Et n. 279. Di-
 co 2. non esse adeo sub praecepto, ut eucharistia &
 in cibo & in potu semper a fidelibus sumatur, quin
 ex gravi, sed privata privatorum causa, possit
 cum fructu, & licite etiam, sub solo pane sumi,
 licet in tali casu sacramentum vere & proprie, ut
 dixi, integrum non sit. Casus vero potest esse, vel
 ubi vinum non adsit, vel in abstemio, vel com-
 moditatis privatae gratia, puta, quia quis malit
 domi

dimi communicare, quam in ecclesia, ex legitima causa; is enim ferre secum panem potest, vinum non solet, ut exempla antiqua docent, apud Bellarm. de Eucharistia lib. 4. (1) cap. 24. Sed lege universali prohibere laicis omnibus, & auferre etiam, invitis usum calicis, ubi nulla necessitas cogit, Ecclesia nullo modo potuit, aut potest: quod enim Christus concessit omnibus, perperam ab Ecclesia negatur: & ubi commode exhiberi potest & debet integrum sacramentum, cum maxima iniquitate (Pag. 432.) mutilatur & dimidiatur: & hoc merito expresse sub anathemate vetatur a Gelasia canone ecclesiastico de Consecr. dist. 2. cap. Comperimus. Haec ille. Vide alia apud autorem ibid. & (2) in Ostensione errorum Suarezii cap. 2. n. 14. & 15. Plura de re adeo certa & clara scribere non libet. Legantur alii, qui fusius hanc quaestionem tractarunt; inprimis, praeter hactenus citatos, tres Dialogi Andr. Fricii modrevii, de Utraque specie coenae dom. & Defensio eorundem per eundem autorem, ac Disputat. theologica s. Ger. lo. Vossii, de Sacris coenae dominicae symbolis, accurata & nervosa; alios innumeros ut omittam.

CAP. II.

De consecratione eucharistiae, & ejusdem reservatione, ac veneratione.

Verba,

(1) Cap. 24.] Apud M. Antonium de Dominis mendose legitur, cap. 34.

(2) In Ostensione.] Quae subjuncta est libro VI.

Verba, quibus eucharistia conficitur, *debere esse consecratoria*, non concionalia tantum, i. e. non tantum dici debere ad populum instruendum, sed etiam, immo potius ad eucharistiam consecrandam, fatentur omnes saniores Protestantes. Sed consecrationem non aliis verbis fieri, quam istis, H. E. C. M. & H. E. S. M. quemadmodum contendunt Romanenses contra Graecos, id plane inficiantur plerique. Non enim solis illis Christi verbis consecrationem fieri existimant, sed *etiam mystica prece*, qua Spiritus sancti adventus imploratur, qui elementa sanctificet, atque adeo actione tota, quatenus ea cum a ministro, tum a communicantibus fit secundum institutionem Christi.

Scriptura certe sententiae Protestantium, magis favet, & plurimi Patrum passim dicunt, prece atque invocatione elementa consecrari. Vide hic Archiep. spal. lib. 5. de Rep. eccles. cap. 6. n. 5. 6. & seq. fuse hoc probantem. Cas. sander in epist. 72. quae est ad Ducis Cliviae cancellarium, *De discrimine* pag. 433.) *Graecorum & Latinorum*, ait, *videtur tua excellentia non satis scripti mei sententiam observasse: nam diserte & expresse ibi scribitur, veteres Latinos cum veteribus Graecis, non solum in sententia de consecratione, quae mystica prece fit, sed etiam, in precandi forma, qua Spiritus S. adventus imploratur, qui proposita munera sanctificet, convenisse, idque probatur testimoniis Hieronymi, Fulgentii,*

gentii, Gelasii, Isidori. Veterum autem Latinorum, qui precis & invocationis meminerunt, passim obvia sunt, & commemorantur in Antididagmate coloniensi, vi fallor, ut est illud Hieronymi ad Evagrium, & Augustini de Trinit. lib. 3. cap. 4. De posterioribus vero Latinis, qui a quingentis annis fuerunt, praesertim Scholasticis, manifestum est, quod formam consecrationis constituerint in solis istis verbis dominicis H. E. C. M. reliquas autem preces ad formam non pertinere. Et paulo post: Multo tutiorem existimo veterum Latinorum & Graecorum consensum, ut ex Ecclesiarum omnium consuetudine invocatio quoque adhibeatur. Gul. Lindanus Panopl. lib. 4. cap. 41. eandem sententiam mordicus defendit ex Justino martyre Apol. 2. & Basil. de Spir. S. cap. 27. Sic & autores Antididagm. colon. ut patet ex ipsorum libro, & Buceri Defensio christ. reform. cap. 102. ubi male hoc novum dogma appellat, & non solum scripturae, & omnibus Patribus, sed etiam ipsis doctoribus scholasticis repugnare contendit. Christoph. de Capite fontium, archiep. caesariensis, Tract. var. ad Sixtum V. pontif. Paris. 1586. cap. 1. prolixè defendit, non in sola verborum illorum H. E. C. M. prolatione consecrationem fieri, sed etiam sacerdotis benedictione, seu precatione. Huic sententiae firmandae adducit multos Patres post scripturam, & inter Scholasticos Scotum, & Scholasticorum turbam, qui Scotum sequuntur, Alphonsum etiam a Castro, & Lindanum; ad Missales quoque libros antiquos sive liturgicos fiden-

fidenter provocat omnes lectores. Vide episc. Mortonum de Euchar. lib. 1. cap. 2. p. 8. & Gerard. Jo. Vossium disp. theol. 2. de Sacris cœnae domin. symbolis, thesi 2. Alios, brevitatis ergo, silentio praetereo.

Haec controversiola diu jam, & magno animorum fervore agitata est inter Graecos & Latinos, & multi Latini, cum Romanenses, tum etiam Protestantes, defendunt, nonnulli Graecorum, alii Latinorum sententiam. (Pag. 434.)

Neutra tamen gravis aut impii erroris damnanda est. *Multo tutiorem*, inquit Cassander loco supra citato, *existimo veterum Latinorum & Graecorum consensum, ut ex Ecclesiarum omnium consuetudine invocatio quoque adhibeatur.* Archiep. spalat. loco cit. n. 5. *Major difficultas est, quibus verbis sit facienda haec consecratio? siquidem neque scriptura, neque traditio, ea praecise explicat.* Omnes enim supra citati Patres eam precibus fieri contendunt, certas preces non explicantes; nonnulli etiam verba Christi H. E. C. M. &c. consecratoria & Christo fuisse, & nobis esse volunt: adeo ut Scholastici jam ferme omnes, in his verbis Domini constanter asseverent consistere vim, eucharistiam consecrandi; Roma vero hodie pro haeretico puniat, si quis negaret. Ego autem (ut ingenue dicam, quod sentio) ita probabilem puto hanc sententiam, propter alicujus patris, qui eam tenuisse videatur, assertionem, ut tamen longe probabiliorem existimem aliam, nimirum precibus Ecclesiae fieri eucharistiae consecrationem: nam & scriptura huic sententiae magis favet, & plura

plures Patres eam docuerunt, & paucioribus implicata est difficultatibus. Et lib. 7. cap. 12. n. 1046. Aliae vero a Calvino reformatae Ecclesiae, si sola concione, & ministri adhortatione conficiunt eucharistiam, nullis specialibus adhibitis precibus sacramenti consecratoris, ego plurimum suspicor, eos veram eucharistiam non habere: neque video, quam excusationem possint afferre, cur antiquas aut non accipiant, aut non imitentur, in partibus essentialibus saltem, liturgias, & praesertim latinae Ecclesiae antiquissimae. Erasmus super illud I. Cor. 11. 24. H. E. C. M. In omnibus, inquit, accedendum est iudicio Ecclesiae, licet hic sermo videatur jam panem consecratum porrigentis. Mihi in totum videtur consultius, de rebus huiusmodi, quae certis scripturae testimoniis doceri non possunt, sed ab humanis pendent conjecturis, non adeo fortiter asseverare, ut nostram opinionem oraculi vice haberi postulemus, ac fortasse tutius sit, ecclesiasticos proceres non temere pronunciare de quibuslibet, quae doceri non possunt, quum & ipsi sint homines & labi queant. Idem in Apologia adversus monachos hispanos, tom. 9. p. 868. Christum his verbis consecrasset, H. E. C. M. & H. E. S. M. (Pag. 435.) nondum mihi constat expresse pronunciatum ab Ecclesia, etiamsi constaret, a Christo nobis traditam hanc consecrandi formam: & juxta speciem probabilius videtur quibusdam, quod benedictione consecraverit. Nec ipse Thomae, nec hoc recentior Gabriel dissimulant, varias theologorum hac de re fuisse sententias, etiam orthodoxo-

ihodoxorum, quorum nullus pronunciat, haeretici-
cum esse de hoc dubitare, nec ullum inducunt
autorem, qui hoc affirmarit, praeter Eusebium emi-
senum, autorem parum secundae famae, si modo illius
sunt verba, quae referuntur in Decr. de Consecr.
dist. 2. Quia corpus. Vide alia ibidem in ean-
dem sententiam. Atque haec hac de lite suf-
ficient, in qua nihil temere, & tanquam de fide de-
finiendum est.

Verus & legitimus hujus sacramenti usus in
manducatione & potu consistit. Hoc ex parte
etiam vidit inter recentiores Scholasticos Ga-
briel (1) Biel, in Can. lect. 36. (2) *Remissio pec-*
catorum, inquit, plus fit per usum hujus sacra-
menti, quam per ipsum in se. Non enim tan-
tum prodest in pixide conservatum, sicut obla-
tum & sumptum in vera fide & devotione. Cau-
sam deinde subdit; quia manducatio & potio, hu-
jus sacramenti est usus. Hinc, inquit, & volens di-
scipulos suos Christus fructus hujus sacramenti par-
ticipes fieri, postquam corpus suum consecravit, non si-
stebat in consecratione. Neque dedit discipulis, ut
ipsum honorifice conservarent, sed dedit in sui usum,
dicens: Accipite & manducate. Et paulo post:
Ex his satis patet, quod consecratio ad usum, qui
est ejus manducatio, tanquam ad finem quo-
dammodo proximum ordinetur. Quia Christus,
postquam

(1) Biel in Can. lect. 36.] Apud Cassandrum in Liturgicis
p. 68. citatur lect. 26.

(2) Remissio peccatorum] Verba haec sunt B. Augustini
lib. 2. de Trinit. ut ea citat Cassander in Liturg. p. 68.

postquam accepit panem, benedixit, dedit discipulis suis, ut manducarent. Et lect. 38. Ipsa enim consecratio non est simpliciter finis consecrantis, sed potius usus fidelium. Ad hoc enim consecratur corpus & sanguis, ut fideles eo utantur manducando, & manducantes capiti & membris fortius uniantur. Haec ille. Videatur etiam Humbertus * episc. contra libellum Nicetae monachi, apud Cassandrum in Liturgicis cap. 30. circa finem, p. 69.

Negari tamen non potest, in veteri etiam Ecclesia obtinuisse reservationem eucharistiae, prius privatam domi ab ipsis fidelibus, (Pag. 436.) quod multa Patrum loca clare evincunt, (vide Bellarm. de Euchar. lib. 4. cap. 4. Gerard. Jo. Vossium disp. 41. de Sacram. euchar. thes. 8. aliosque) quoniam locus ille Origenis, seu Cyrilli in cap. 7. Levit. hom. 5. Dominus panem, quem discipulis dabat, cum dicebat, Accipite & manducate, non distulit, nec servari iussit in crastinum, morem illum non omnibus placuisse, innuere videatur. Sed clarissime idem ostendit Concil. caesaraugustanum in Hispaniis, aetate Damasi, habitum, anno scil. 381. quod morem istum esse abrogatum, istic saltem, demonstrat, can. 3. atque idem confirmatur Concilio toletano I. A. 400. can. 14. unde Bellarminus libro supra citato c. 5. Concilium, inquit, tolet. & caesaraugust. non prohibent asservari in Ecclesia eucharistiam, sed jubent fidelibus communicantibus, ut in Ecclesia communicent, & non secum asportent venerabile

T t

* Episcopus] Sylvae candidae,

rabile sacramentum. Deinde morem veterem fuisse, (licet de pari antiquitate non satis clare constet) ut sacramentum publice a sacerdote in pastophorio, vel pixide *asservaretur*, uti & *delationem* ad absentes, atque infirmos, patet ex historia de Serapione apud Euseb. lib. 6. Hist. eccl. cap. 36. Quo autem tempore sacramentum publice administrabatur, ad aegrotos, atque alios, qui adesse non possunt, per diaconum mitti solere, etiam Justinii martyris seculo, clarissime constat ex ipsius Apolog. 2. pro Christianis; posterioribus vero seculis, cum quotidie fideles communicare non solerent, reliquias eucharistiae vel igni tradi, vel a pueris absumi solere docet * Concil. matifconense 2. habitum anno 583. can. 6. Hefychius lib. 2. in Levit. c. 8. Evagrius scholasticus lib. 4. cap. 35. Niceph. lib. 17. Hist. cap. 25. Concil. aurelianense, testibus Ivone & Burchardo, Guilmundus lib. 2. & Algerus lib. 2. cap. 2. Videatur hic Bellarm. loco praecitato cap. 5. & plurimi Protestantes, inprimis Vossius loco citato. Sed publica illa asservatio & delatio, ut nec ubique, nec semper recepta fuit, ita etiam, ubi obrinuit, pro more libero habebatur, non necessario. Sed Synodus trid. sess. 13. cap. 6. *retinendum omnino salutare hunc & necessarium morem statuit. Denique in Ecclesia veteri* *reser-*

* Concil. matifcon. 2.] Citatur etiam a Chemnitio in E. C. T. part 2. ad Concilii trid. sess. 13. cap. 6. & can. 7. Sed ille canon concilii matifcon. loquitur de missis jejunae celebrandis,

reservabatur quidem eucharistia, & ad aegrotos atque alios absentes deferabatur: sed utrumque fiebat, ut sumeretur & manducaretur; atque hic pius mos nequitiam damnari debet. Sed in romana Ecclesia circumgestatur eucharistia asservata ad ostentationem & pompam, aut ad incendia, tempestates, aliaque mala averruncanda: atque etiam

(Pag. 437.) in adoratione ejus peculiaris cultus est institutus, ut post alios innumeros inquit Vossius. Haec autem commenta, utut quibusdam fidelibus placuerint, universae tamen Ecclesiae probata fuisse primis & optimis seculis, nunquam demonstrari poterit.

Vorstius in Antibellarm. in 3. tomum p. 406.

Quaestio hic non est de extraordinaria aliqua S. signorum ad absentes delatione, aut qualicunque asservatione, in usum aegrotorum, aut advenarum, &c. sed de ordinaria illa repositione, ad cultum, aut circumgestionem hostiae, quam vocant, consecratae, qualis in papatu haecenus usitata est. Nostri igitur generatim omnes affirmant, S. symbola tantum in usu communionis, qualem Christus instituit, pro sacramento corporis & sanguinis Domini habenda esse: contraque diserte negant, extra hunc legitimum usum revera ullum esse sacramentum. Nec tamen usum illum ad actum manducationis, ac bibitionis, aut ad certum aliquod temporis momentum, praecise restringunt, sed totam Eucharistiae actionem, sive integrum illum actum ceremonialem intelligunt: & sic regulam illam recte accipi volunt, qua dicitur, Nihil habere rationem sacramenti

extra legitimum usum. Haec ille. Tollatur abusus hodiernae Ecclesiae romanae, semel consecratam hostiam, in ciboriis, ad circumgestationem, & theatricam pompam asservandi; ut quae non minus extra communionem, quam in ipsa communionem, vel relatione ad eandem, verum & substantiale Christi corpus sit, & maneat, quamdiu scilicet ipsae species durant: quibus forte corruptis etiam corpus & sanguis Domini evanescant; & haec controversia tolli potest, non damnata veteris Ecclesiae praxi in asseruatione, quae tunc obtinuit.

Alias quæstiunculas, de *azymō pane*, ac fermentato, de *vino temperando aqua* in sacro calice, ut & de *fractione panis* omitto: parum enim momenti in his situm est; neque ob hujusmodi minoris momenti lites, Ecclesiarum pax turbanda est, aut Ecclesia schismate dividenda.

Quod ad *adorationem hujus sacramenti* attinget, quum, qui digne sumit S. symbola, vere & realiter corpus & sanguinem Christi in se, corporaliter, modo tamen quodam spirituali, miraculoso, & inperceptibili sumat; Pag. 438.) omnis digne communicans adorare potest, & debet corpus Christi, quod recipit; non quod lateat corporaliter in pane, aut sub pane, aut sub speciebus & accidentibus panis, sed quod, *quando digne sumitur panis sacramentalis, tunc etiam sumitur cum pane Christi corpus reale, illi communioni realiter praesens*, ut inquit
 Archi-

Archiep. spatat. lib. 7 de Rep. eccl. cap. 11. n. 7. *Carnem Christi in mysteriis adoramus*, inquit Ambros. lib. 3. de Spir. S. cap. 12. Greg. nazianz. in oratione de S. Gorgonia, tom. 1. p. 185. *Eum, qui super altare colitur, obiectans.* Aug in Ps. 98. *Nemo illam carnem (Christi scilicet) manducat, nisi prius adoraverit.* Videatur Chrysost, in compluribus scriptorum suorum locis. Consentiant & reliqui veteres. Immanis est rigidiorum Protestantium error, qui negant, Christum in eucharistia esse adorandum, nisi adoratione interna & mentali, non autem externo aliquo ritu adorativo, ut ingeniculatione, aut aliquo alio consimili corporis situ. Hi fere omnes male de praesentia Christi Domini in sacramento, miro, sed vero modo praesentis, sentiunt. *Stantes, an sedentes, proni, an supini, erecti, an geniculati, manibus passis, an junctis, Christum in eucharistia praesentissimum adoremus, adorationis quidem per se non refert, sed temporum magis & locorum, & id genus circumstantiarum*, ut recte ait Claudius Espencaeus de Eucharistiae adoratione lib. 2. cap. 16. Sed damnare, ut illicitum, ad rationis gestum exteriorem, quem plerique fere omnes Christiani ab Apostolorum usque temporibus, *vel stantes, vel genibus incumbentes*, in suscipienda eucharistia observarunt, atque etiamnum observant, magnae profecto temeritatis & audaciae est. De adorationis gestu exteriori multiplici lege Espencaeum l. c. Multa ille refert de veteri standi more die dominico, & a die paschatis in

pentecosten; meminit praesertim decreti Concilii niceni I. quod genua in paschali tempore ac gaudio flectentium difformitatem, ad non flectentium conformitatem reduxit. Narrat etiam ibidem, fuisse in Galliis e contrario A. 1555. qui subortam in Ecclesia lugdunensi eandem in hoc sacrorum mysteriorum momento non geniculantium disparitatem, intolerabilem (nequid gravius dicam) rati, ad geniculantium paritatem censerent reducendam, non obstante quamvis ejus Ecclesiae consuetudine contraria: Pag. 439.) *cujus ejusdem controversiae* (inquit) *quis exitus fuerit, haud certo scio, nisi quod audio a christianiss. Rege nostro Henrico II. ex consilio cardinalium Lotharingi & Turnonii, ad eum, in quo ante litem motam, statum reductam, & in eodem manere jussam.* Haec ille. Ruardus Tapperus art. 14, p. 212. *Nec articulus, inquit, habet, quod prostrati eucharistiam suscipere debeamus; sed quod recte a nobis adoratur signo externo, pro conditione loci, temporis, & qualitatis personarum, & hominum, cum quibus conversamur, consuetudine.* Nam cum defertur ad infirmos, genua flectimus, si nullum sit impedimentum: in plateis autem immundis detegimus caput cum aliquo alio reverentiae signo. Si infirmi per plateas portamur, si curru vehimur, signum ostendimus reverentiae, quod patitur conditio temporis, loci, & personae: Item decumbentibus aut sedentibus infirmis istud sacramentum ministramus, praestita reverentia, quam possunt. Et sacerdotes in missa consecrant & sumunt stantes.

De

De antiquissimo ritu standi in eucharistia recipienda, vide etiam doctissimum Gabriel Albalpinaeum, aurelianensem episcopum, de Veteribus ecclesiae ritibus, qvi Observationum lib. 1 observ. 12. pag. 82. *Eadem, inquit, religione atque ob eandem causam, cum eucharistia reficiendi essent fideles, non genibus nixi, non humi jacentes, sed erecti, & in cœlum intuentes, preces concipiebant.* Vide etiam eundem pag. 121. & multos Protestantes, praesertim Anglos, qvi de exteriori adoratione Christi in eucharistia, adversus Puritanos, quos appellant, scripserunt.

Perperam ἀπολατρεία Romanensibus a plerisque Protestantibus objicitur, & illi idololatriae crassissime & gravissime ab his insimulantur & damnantur; quum plerique Romanenses, ut & alii fideles, credant, panem consecratum non esse amplius panem, sed corpus Christi, unde illi non panem adorant, sed tantum ex suppositione, licet falsa, non tamen haeretica aut impia, vel cum fide directe pugnante, ut superiore libro ostensum est, Christi corpus, quod vere adorandum est, adorant. In eucharistia enim mente discernendum esse Christum a visibili signo, docent ipsi; (Pag. 440.) & Christum quidem adorandum esse, non tamen sacramentum, quia species illae sunt res creatae & inanimatae, & consequenter incapaces adorationis: neque enim satis est, ut Christus sub illis sit, quia etiam Deus est in anima, tanquam in templo suo, & tamen adoretur Deus, & non anima, ut ait Suarez tom.

3. qv. 79, artic. 8. disp. 65. sect. 1. Bellarminus lib. 4. de Euchar. cap. 29. *Nullus, inquit, catholicus est, qui doceat, ipsa symbola externa, per se & proprie esse adoranda cultu latriae, sed solum veneranda cultu quodam minori, qui omnibus sacramentis convenit; cultu autem latriae dicimus per se & proprie Christum esse adorandum, & eam adorationem, ad symbola etiam panis & vini pertinere, quatenus apprehenduntur, ut quid unum cum ipso Christo, quem continent. Quemadmodum, qui Christum in terris vestitum adorabant, non ipsum solum, sed etiam vestes quodammodo adorabant.* Quod ad primam Bellarmini assertionem attinet de symbolis venerandis cultu quodam minore, admittimus: sed quod ait, adorationem latriae, licet Christo per se & propriae debeatur & exhibeatur, *ad symbola etiam pertinere, quatenus apprehenduntur ut quid unum cum ipso Christo, quem continent, & quibus quasi vestibus tegitur & absconditur, falsum est, & repugnans plurimorum aliorum sententiae.* Species enim illae ad suppositum Christi non spectant, neque unum faciunt cum illo. Vnde ipsemet fluctuans ait paulo post: *Quicquid sit de modo loquendi, status quaestionis non est, nisi, an Christus in eucharistia sit adorandus cultu latriae.* Sed de hoc Protestantes saniores non dubitant: in sumptione enim eucharistiae, ut utar verbis Archiep. spalatenis, adorandus est Christus vera latria, siquidem corpus ejus vivum & gloriosum, miraculo quodam inexplicabili digne fument pra-

praesens adest ; & haec adoratio non pani, non vino, non sumptioni, non comestioni , non signis, sed ipsi Christi corpori immediate per summptionem eucharistiae exhibito debetur, & perficitur.

Dan. Tilenus in Paraenesi ad Scotos, cap. 12. *Scilicet, inquit, ignorant Angli discrimen, quod est inter Christum & Christi sacramentum, quod ne Pontificii quidem ignorare videri volunt. Tametsi hi panem adorant, (ex sententia Protestantium scilicet) non tamen panem adorandum esse distant : ideoque nondum consecratum panem populo ostendi vetant, (Pag. 441.) ne ab imperita plebecula temere adoretur ; sed neque post consecrationem, in transubstantiationis tragelapho, accidentia sine subiecto, sed solum Christum adorari dicunt. Adorationem elementorum seu specierum negare Romanenses, fatetur etiam episc. roffensis in tractatu suo de hoc argumento scripto anglie p. 37. aliique complures. Vide Ursinum in Confid. Commonef. Chytr. & contra Theses Rungii, thes. 7.*

Cassander in Consultat. *De Adoratione sacrosancti sacramenti eucharistiae ita ex veterum mente statuendum puto. Cum in hoc sacramento Christus Deus & homo, & corpore & sanguine suo praesentem se exhibeat, consequens est, ut in hoc quoque mysterio adoratur, quae adoratio non ad ipsum signum, quod exterius videtur, sed ad ipsam rem & veritatem, quae interius creditur, referenda sit ; quamvis & ipsi signo, cujus jam virtus intelli-*
gitur,

gitur, tanquam religioso & sacro, sua veneratio debeat. pag 98+. Hanc verissimam suam sententiam confirmat testimoniis Patrum, Ambrosii lib. 3. de Spiritu sancto, Augustini hunc imitati in ps. 98. & epist. 120. Chrysost. in 1. ad Corinth. 10. hom. 24. & Theodoret in Dialogo 2. *Intelligunt, inquit Theodoretus, mystica symbola ea esse, quae facta sunt, & creduntur, & adorantur, tanquam ea existentia, quae creduntur.* Archiep. spalat. de Rep. eccl. lib. 7. cap. 11. num. 7. *Respondet, inquit, me nullum idololatricum crimen in adoratione eucharistiae, si recte dirigitur intentio, agnoscere. Qui enim docent, panem non esse amplius panem, sed corpus Christi, illi profecto panem non adorant, sed solum, ex suppositione, licet faba; Christi corpus vere adorabile, adorant. Nam neque nostri dicunt, species panis & vini, hoc est, accidentia illa esse adoranda, sed dicunt, corpus Christi verum & reale, quod sub illis speciebus latet, debere adorari. Et in hoc nulla est idololatria: docti enim nihil aliud, nisi Christi corpus, ex suppositione, ut dixi, adorant. Quod si scirent, sub speciebus illis panis & vini, aut sub pane & vino non latere verum Christi corpus, certe nullam illis exhiberent adorationem. Tota e go mens adorantium ad solum Christi corpus vivum, immediate, & non ad aliquid aliud dirigitur. Haec ille, qui tamen in ejusd. libri cap. 12. n. 44. parum sibi constans affirmat, doctos etiam plurimos, (pag. 442) nedum rudem plebem, * adorare id, quod vident, id est*

* Adorare id, quod vident] Vide haec pag. 443.

est, panem, seu, si vis, species panis : quibus nostri dicunt Christum ipsum, quasi vestibus, tegi & abscondi. Sententia enim ista plurimis doctoribus romanensibus displicet ; neque audet Bellarminus ipse, quem ibi impugnat, eam aperte defendere, sed conatur elabi subtili, immo futili distinctione, quam ipsemet, cum paucis aliis, quantumvis doctis, nedum populus imperitus, non intelligunt. Joh. Barnesius : *Corpus Christi, ait, est ibi cum pane, vel permanente vel transiente, uno vel alio modo.* Ac per consequens non est idololatria, adorare Christum ibi in eucharistia realiter praesentem. Erasmus de Amabili ecclesiae concordia : *Si in eucharistia totus est Christus, cur non est adorandus?* Nullus est tam stolidus, ut humanam Christi naturam adoret pro divina, aut ut panem & vinum adoret pro Christo. *Nullum est sacramentum tam humile, cui non assistamus nudis capitibus, cum administratur ; velut in baptismo, in confirmatione puerorum.* Quid sentiunt igitur, qui putant, idololatriam esse, si huic sacramento caput aperiant, etiamsi Christi corpus & sanguis tantum ibi sint in sacro signo? Graeci Venetiis viventes, in Respons. ad Quaest. 6. cardin. Guisani : *Huic actioni quum adsunt laici, ad terram usque coram eucharistia, religiosa cum reverentia procidunt.* Reliqui etiam Graeci omnes adorant Christum in eucharistia. Et quis ausit omnes hos Christianos idololatriae arcessere & damnare? Autor Diallactici eucharistiae : *Veteres, quum de sacramentis loquebantur,*
variis

variis vocibus usi sunt, honorandi, venerandi, adorandi; quibus tamen haud alium quendam honorem & reverentiam sacris rebus convenientem significare voluerunt, quam illam adorationem, quae praecipitur a Deo, quum ait: Dominum Deum tuum adorabis, & illum solum coles. Ut duplex adoratio esse definiatur; altera, qua Deum ipsum prosequimur; altera, qua praescripta signa & mysteria divina, juxta illud: Adorate scabellum pedum ejus. Quod plerique de arca foederis intelligunt, alii de humanitate Christi interpretantur; aut si eandem utrobique adorationem esse censent, poterimus dicere, adorandam carnem Christi, quamvis creatura sit, propter conjunctam divinitatem, adorandam arcam foederis propter divinae majestatis praesentiam, (Pag. 443.) quam Deus ipse pollicitus est, affuturam. Ad quem modum etiam eucharistiam possumus adorare, propter ineffabilem & invisibilem, ut ait Augustinus Christi gratiam conjunctam, non venerantes id, quod videtur & transit, sed id, quod creditur & intelligitur. Haec ille. Atque haec de adoratione dicta sint.

Consuetudinem vero, qua panis eucharistiae in publica pompa conspicuus circumferatur, ac passim omnium hominum oculis ingeritur, recte affirmat Cassander l. c. praeter veterum morem & mentem, haud ita longo tempore inductam & receptam esse. Veteres enim, inquit, hoc mysterium in tanta religione & veneratione habuerunt, ut non modo ad ejus perceptionem, sed

ne inspectionem quidem admitterent, nisi fideles. Et paulo post : *Quare videtur hic circumgestionis usus, citra grave Ecclesiae damnum, immo cum ipsius lucro (si modo id prudenter fiat) omitti posse, cum & recens sit, & sine ea circumgestionē, sacramento suus honos constiterit, & hodie constare possit. Deinde cum hodie plerumque non devotioni populi, sed pompae magis & ostensioni serviat, &c. Vide auctorem ipsum. Erasmus loco citato : Christus in eo sacramento est, sub ratione cibi ac potus, ut summa cum animi puritate sumatur, non ut ostentetur, aut in ludis publicisque pompis circumferatur, aut in equo circum arva vehatur. Id nequaquam est veteris exempli, sed in hoc multitudinis affectui plus satis indulium est.* * Regina Galliae anno 1561. referente Thuano Histor. lib. 28. pag. 39. &c. ex Joannis Monlucii, valentini episcopi, viri longedoctissimi, ut creditur, consilio, prolixas ad Pontificem dedit literas, quibus inter alia *sacrae communionis usum integrum, hoc est, sub utraque specie, sine personarum distinctione, restitui debere ostendit ; nec constantiensis Concilii, quod Dei mandato praeponderare minime debeat, auctoritatem, quo minus id fiat, obesse posse : recens etiam & nuper inventum dominici corporis festum, quod multarum offensionum causam praebeat, & minime necessarium sit, abolendum esse, nam mysterium illud ad orationem & spiritualem cultum, non ad pompam & spectacula institutum esse.*

Vr.

Regina Galliae.] Vide pag. 429.

Vrbanum IV. instituisse primum festum corporis Domini, & solennem illam processionem, Bellarminus ipse negare non potest; sed quod contendit, *eam institutionem nullo modo* Pag. 444.) *reprehendi posse, quin immo optimas fuisse rationes ejus festi introducendi, quam id verum sit, ex praedictis judicet lector aequus. Certe circumgestare hoc vestrum, (ut ait Episcop. eliensis in Resp. ad cardin. Bellarm. Apolog. cap. 8.) praecepto Christi contrarium est, nec ei usquam scriptura favet: contrarium & instituto. Institutum enim tum sacrificii, ut absumi; tum sacramenti, ut accipi, manducari, non recondi & circumferri, &c. Sed de his haec sufficiant. Reliqua controversa de eucharistia, in librum sequentem rejicimus, ne hic ultra modum excreseat.*



Pag. 445.

Liber III.

de

Sacrificio missae

& annexis.

CAP. I.

An in missa verum sacrificium Deo offeratur. Quod



Quod ad nomen *Missae* attinet, *hebraicum vel chaldaicum esse, primum commentum est*, inquit, postea os plurimos doctissimos viros, in primis autem Picherellum presbyterum in locum Matthaei de S. coenae institutio cap. 26. 26. dissertat. de Missa cap. 1. If. Casaubonus, Exercit. 16. * pag. 582. Hanc sententiam Bellarminus etiam, & alii docti Romanenses, exploserunt dudum, ut, qui diversum sentiunt, plane ridiculi sint, & neque hebraicas neque chaldaicas literas se intelligere, manifeste ostendant. Vocabulum certe latinum est, & inventum circa finem, ut videtur, tertii seculi, vel paulo ante. Nam si vere est epistola Cornelii papae ad Lupicinum viennensem, circa annum Domini 250. notum jam erat istud vocabulum; ut recte ait Casaub. l. c. Neque a *missae* nomine abhorrent Protest. aequiores, ut ex Confessione augustana, & Rituali anglicanae Ecclesiae, (Pag. 446.) in quo legere est nomina illa, *Christimas & Michaëlmis*, id est, Missa Christi, & Missa Michaelis, evidenter patet.

Neque etiam a nomine *oblationis*, *sacrificii* & *immolationis* abhorrent. Oecolampad. in epistola ad Hedionem, Epist. lib. 1. *Quid mali est, cum majoribus nostris, tam orientalibus quam occidentalibus, recordationem tanti sacrificii, immolationem vocare? modo absint perniciosae opiniones aliae. Natus est semel Christus, mortuus est semel,*
resur-

resurrexit semel; & egregii concionatores declamare solent in genethliis: Christus nascitur, glorificatus: Christus e cœlis, occurrite: Christus super terram, exaltemini. Et pietas pie dictum, pie intelligit, &c. Episc. eliensis contra cardin. Belarm. Apolog. cap. 8. pag. 184. - Vos tollite de missa transubstantiationem vestram; nec diu nobiscum lis erit de sacrificio. Memoriam ibi fieri sacrificii, damus non inviti: sacrificari ibi Christum de pane factum, nunquam daturi sacrificii vocem. Et paulo post: Nec a voce vel sacrificii, vel oblationis abhorremus. Legantur etiam, quae habet in concione anglicana de Imaginationibus pag. 35. ubi Patres affirmat usos non minus verbo sacrificii, quam sacramenti; altaris, quam mensae; offerendi, quam manducandi, sed utrisque promiscue, ut ostenderent, utrumque ibi peragi. Videatur etiam Casaub. in Resp. ad Epist. cardin. Perronii pag. 52. de sacrificio in Ecclesia christiana, & episc. Eliensis jam nominatus concione 77. de Resurrectione pag. 453. aliique complures.*

Panem & vinum aliquo modo in missa Deo offerri, sacra scriptura clare & diserte non docet. Ex loco famoso Gen. 14. 18. *Melchisedecus rex Salem* מלכִּי־צֶדֶק protulit, vel, ut alii vertunt, obtulit panem & vinum: & erat (alii, erat enim) sacerdos Dei altissimi, & benedixit ei, evinci necessario non posse, ingenue fatetur cardin. Cajetanus ipse: non posse, inquam, necessario evinci, quod Melchisedec obtulerit panem & vinum Deo; ac proinde argumentum, quod petitur a sacerdotio

*Pag. 52.] Scu pag. 925.

Melchisedeci, utur figura fuerit Christi, illiusque sacerdotium, ad probandum, quod Christus in ultima cœna panem & vinum Deo obtulerit, non satis habere roboris: *Nihil, inquit, hic scribitur de sacrificio seu oblatione,* Pag. 447.) *sed de prolatione seu extractione, quam Josephus dicit factam ad reficiendum victores.* Consentiunt Pagninus & Vatablus, & omnium fusissime P. Picherell. dissert. de Missa cap. 2. p. 116. & seq. & in appendice de Missa contra Maldonatum p. 333. & seq. Sed Patres magno consensu, qui non est spernendus, affirmant, Melchisedecum panem & vinum non tantum protulisse & exhibuisse Abrahamo ad alendum exercitum, sed *Deo primum*, quem praeclarissimae victoriae auctorem agnoscebat, usitato modo, *obtulisse & libasse*: ac proinde & *Christum*, cujus ille figura fuit, in institutione eucharistiae, *ut sacerdotem idem egisse.* Testimonia Patrum, cum graecorum, tum latinorum, magno studio collegit post alios Romanenses Bellarm. de Missa lib. 1. cap. 6. Idcirco illis recensendis nos supersedebimus. Unde inter Protestantes Andr. Chastovius, polonus, de Opificio missae lib. 1. contra Bellarm. cap. 4. de sacrificio melchisedechiano differens, thesi 65. inquit: *Etsi autem utraque pars non nititur expresso scripturae testimonio, dum haec ait, panem oblatum fuisse ad sacrificandum, illa vero, non ad sacrificandum, sed militibus ad reficiendas corporis vires; tamen propior est illorum sententia veritati, qui unum convivii putant fuisse duas*

actiones. Hic enim regale sacerdotium ostenditur, non ex militum sustentatione vitae, sed ex sufficienti hostiarum oblatione & Abrahæ benedictione. Et thel. 66. Consensum porro & interpretationis harmoniam, christianis pastoribus abjicere non licet: idque cum propter apostolici seculi vicinitatem, tum propter singularem omnium concordiam, quæ in omnibus locis habetur. Cujusmodi consensum neque sanctorum invocatio, neque purgatorii ignea lotio habere possunt, quia in his & aliis controversiis apud Patres diversa invenitur locorum scripturae interpretatio, hic autem omnium veluti conspiratione, oblatio Melchisedeci sacra proponitur; ut non tantum Abrahæ militibusque, sed etiam Deo incruentum sacrificium symbolice oblatum videatur. Quod si nonnulli doctores Melchisedecum panem & vinum Abrahæ dedisse asserunt, primariam tamen illam oblationem, quæ fit Deo, non negant, sed in consequenti antecedens ponunt. Quod confirmat testimonio Chrysostomi homil. 33. & 66. in Genesin, & Augustini lib. 1. contra adversarium legis & prophet. cap. 20. & thesi 68. adducit testimonia Patrum, (Pag. 448.) qui loquuntur de oblatione Melchisedeci, & impletionem ejusdem figurae in eucharistia per Christum. Et thesi 72. ad praecipuam Protestantium objectionem respondens, ait: Apostolus minima quaecunque excutiens, omiserat factam a Melchisedecho panis & vini oblationem, non propter auditorum tarditatem & indignitatem, sed propter historicae notitiam, & rei propositae excellentiam: non, inquam

inquam, propter indignitatem, quia erant fideles; nec propter tarditatem, quia illis altissima de Filii Dei generatione, & humani generis redemptione mysteria sunt ab eo exposita. Et quamvis apostolus dicat cap. 5. De quo grandis est nobis sermo & interpretabilis ad dicendum, quoniam imbecilles facti estis ad audiendum; tamen haec redargutio dispositionem magis, quam perfectum habitum sonat. Ait enim, se de iis meliora sperare. Notitiae igitur causa omisit prolationem panis & vini, quae piis atque bonis ultro involat, quoties de sacrificio crucis ex collatione melchisedechiana loquitur. Dum ergo vocat apostolus sermonem ininterpretabilem, de toto, non de parte istius dogmatis accipiendum est; neque tantum de omissa oblatione panis a Melchisedeco facta, sed etiam de explicato & scriptis commemorato Dei mysterio intelligi debet, quandoquidem hoc textus ipse requirit. Porro thesi 74 contra Bellarminum differens, inquit: Benedicere, decimas accipere, oleo insensibiliungi, nullique succedere, & esse sine geneologia, possunt esse in scripturis, multis communia. Nam & Adam & Abel nemini successerant, & Heliae geneologia non describitur, & Levitae populo benedicebant. En tibi concedo, Bellarmine, panis & vini oblationem sic pertinere ad sacerdotium Melchisedeci, cum sit proprius ejus actus, ut ne aaronico quidem competat. Nam ibi sacrificium panis & vini erat, ut pars quaedam, & quasi condimentum alterius sacrificii, nec simul panem solum cum

vino Deo offerebant. *Quid hinc statuis? Realem Christi oblationem? At haec illatio non ad sacramentalem, sed ad personalem veritatem pertinet.* Et thesi 75. *Poterit autem quispiam dicere: nos invicem pugnare, aliorumque rationes alios expugnare. Sed quicumque principalem controversiae statum intuebitur, optime videbit, nos mutuo nobismet ipsis inservire. Quas enim affert vel Calvinus, vel Chemnitius rationes, non panis & vini, benedictionem,* Pag. 449.) *sed realem corporis & sanguinis Christi, sub speciebus panis & vini oblationem expugnant. Nam & judaicarum figurarum explicatio, & methodus illa scribendi ad Hebraeos, commemorationem Christi symbolicam non extinguunt, sed oblationem corporis incorporei ac invisibilis papisticam: quandoquidem ibi apostolus confert legales umbras cum sacrificio principali, non cum sacrificio minus principali. Denique thesi 81. Ex vi igitur historiae praefigurantis hoc mysterium, atque etiam consensu Patrum orthodoxo adhibito, neque refutationem nostrae partis, neque argumentorum jesuiticae familiae constitutionem pertimescimus, sed in Domino Deo confidenter dicimus, Melchisedeci oblationem typicam non admittere invisibilis Christi immolationem. Haec omnia ille, quae ideo adscripsi, quia nemo Protestantium hanc rem fusius pertractat. Quare totum istud caput diligenter legatur.*

Franc. Masonus, angulus, de Ministerio anglicano, l. 5. c. 3. p. 573. *Sacrificasse Melchisedecum, multae rationes Patribus suadere poterant. 1. Melchisedechi*

*sedechi, addo etiam & Abrahami, pietas & religio. 2. Munus sacerdotale. 3. Mos antiquorum, quibus, post partam victoriam, sacrificare erat in usu positum. Denique ne convivium quidem egregia sine sacrificio iniri solebant. Quare si haec opinio proponatur tantum, ut conjectura humana, hunc honorem Patribus delatum esse volumus, ut eandem, tanquam non improbabilem, amplectamur: verum si obtrudatur, ut dogma theologicum necessario credendum, penitus repudiamus, quia fundatur in humanis duntaxat conjecturis, non in divinis scripturis. Thom. Mortonus, anglus, & * episcopus, de Eucharistia lib. 6. cap. 3. sect. 1. Quia quaestio de prolatione panis & vini Abrahamo, &c. a Melchisedecho facta, quo scilicet, fine, an ut Deo sacrificare, an (ut multi existimârunt) tantum ad reficiendos Abrahae milites id egerit, Patrum iudicio, illorum scilicet, qui sacrificium id appellarunt, exploranda venit. Hoc supponimus cum Bellarmino lib. 1. de Missa c. 6. quod panis & vinum prolata, Deo fuerint per Melchisedechum oblata, & non tantum Abrahamo exhibita. Cautè sane: neque enim illum latere potuit, nisi volentem & ultro, quae esset Patrum super hac re sententia.*

Pag. 450.)

Item de aeternitate sacerdotii Christi secundum ordinem Melchisedec, rectè ait Chraſtovius theſ. 80. legem subalternorum tollere posse. Si enim ea, quae subalterna sunt, non pugnant, neque aeternitas chemnitiana, neque aeternitas bellarminiana

Vv 3

inter

* Episcopus] Vide pag. 414.

inter se pugnabunt. Chemnitius enim aeternitatem considerat ratione causae, & effectus sacrificii crucis: Bellarminus autem ratione dispensationis mysteriorum Dei, & applicationis. *Quare frustra expugnare nititur Bellarminus rationes Chemnitii, cum sint fundatae in petra verbi Dei.* Chemnitius non est adeo demens, ut nesciat, quid sit, quod Paulus ait: Mortem Domini annuntiabitis, donec veniat. *Aeternitatem infinitam optime Chemnitius in sacrificio crucis ostendit; finitam Bellarminus in sacramentali oblatione non inuenuste inquit, si modo recte intelligit: Nam & antiqui scripturae interpretes oraculum hoc Ps. 110. Juravit Dominus &c. tu es sacerdos in aeternum, secundum ordinem Melchisedec, ad formam exterioris sacrificii applicant.* Quod probat testimonio Augustini lib. 1. contra adversarium legis & prophetarum, cap. 20. & Anselmi in 5. cap. ad Hebr. *Tu es sacerdos, id est, sacra dans per te & per tuos; In aeternum, id est, quamdiu durabit hoc seculum: quia non transibit sacerdotium Christi, ut aliud succedat, sicut transiit leviticum.* *Quin ipse Paulus dicens, Mortem Domini annuntiabitis, donec veniat, an non aperte indicat, finitam aeternitatem dispensationis mysteriorum Dei?* Haec ille. Disputat quidem Gabr. Vasquez contra sententiam Bellarmini aliorumque in 3. Thomae, Disp. 85. cap. 3. ubi dicit, *se non posse satis mirari theologos sui temporis doctissimos, qui censent, ex vita aeterna & perpetua ipsius Christi sub anione hypostatica, non recte colligi perpetuitatem sacerdotii*

dotii ejus. Sed quam solida sit illius refutatio, judicet lector aequus & harum rerum intelligens.

Sed ut dimisso sacrificio melchisedechiano ad propositum redeamus, dicimus, licet ex scriptura clare & dilucide evinci non possit, *panem & vinum in missa offerri*, Patres tamen passim hoc docere, ut constat ex Irenaeo lib. 4. cap. 32. ex variis Cypriani locis, ex Fulgent. lib. de Fide ad Petrum diaconum cap. 10. aliisque fere innumeris. In liturgia etiam latinae Ecclesiae, cum ante consecrationem dicunt, *Suscipe, sancte Pater, hanc immaculatam hostiam*, certe pronomen *hanc* (pag. 451.) demonstrat ad sensum id, quod tunc manibus tenent; id autem panis est, ut fatentur ipsimet Romanenses. Et similes sunt in liturgia non paucae sententiae, quae panem offerri clarissime demonstrant. Eodem modo intelligunt pleraque canonis verba etiam doctissimi Protestantes. Sed in re clara & certa non est necesse diutius immorari. *Panis eucharisticus Deo consecratur*, quia de profano seu non sacro sacer fit: Deo etiam specialiter dedicatur, ut constat ex rebus factis, & verbis dictis circa ipsum. Ideo negari non potest, quin Deo specialiter offeratur: illi etiam oblato advenit benedictio, advenit comestio. Immo ad hoc offertur ac benedicitur, ut comedatur. Fit igitur ibi quodammodo sacrificium panis, qui offertur Deo, & circa quem, ex Christi instituto, tot mystica verba dicuntur, & ritus sacri per-

aguntur, ut recte * Casalius de Sacrificio missae lib. I. cap. 20.

Dicunt etiam S. Patres, *in eucharistia offerri, & sacrificari ipsum Christi corpus*, ut ex innumeris pene locis constat, sed non proprie & realiter omnibus sacrificii proprietatibus servatis; sed *per commemorationem & repraesentationem ejus*, quod semel in unico illo sacrificio crucis, quo alia omnia sacrificia consummavit Christus, summus sacerdos noster, est peractum, & *per piam supplicationem*, qua ecclesiae ministri propter unici illius sacrificii perpetuam victimam, in coelis ad dextram Patris assistentem, & in sacra mensa modo ineffabili praesentem, Deum patrem humilime rogant, ut virtutem, & gratiam hujus perennis victimae, ecclesiae suae, ad omnes corporis & animae necessitates, efficacem esse & salutarem esse velit. Disertissime enim affirmat apostolus Hebr. 10. 14. esse tantum *unicam oblationem Christi, qua consummavit in sempiternum sanctificantes*; adeo ut *non sit amplius oblatio pro peccato*. v. 18. Similiter Patres docent: ut Chrysostomus, quo crebrius nemo hujus sacrificii meminit, in cap. 10. epist. ad Hebr. (ubi quum, quod in ecclesia peragitur, *sacrificium θυσίας* nominasset, continuo subjungit, sive explicationis, sive etiam correctionis loco, *μάλλον δὲ ἀναμνησκὲν θυσίας*) Ambrosius in eundem locum, Euseb.

* Casalius.] Qui pronomen habet *Caspari*, distinguendus a *Joh. Baptista*, autore Splendoris urbis Romae & rom. Imperii, ac Veterum christ. rituum,

Euseb. de Demonstrat. evangel. lib. 1 cap 10. Cyprian. (1) lib. 2. epist. 3. *Passio est enim Domini*, Pag. 452.) *sacrificium, quod offerimus*. Theodor. in Hebr. 8. Theophylact. in Hebr. 10. Augustinus (2) epist. 23. quae est ad Bonifacium, episcopum, & lib. 20. contra Faustum cap. 21. auctor (3) libri ad Petrum diaconum de Fide, cap. 19. aliiqve quamplurimi, quorum testimonia summa diligentia collegerunt alii viri doctissimi, quos consulens, praesertim Patres ipsos.

Quotquot autem Romanenses defendunt, in missa *vere & proprie corpus Christi sacrificari*, mirum, quam ipsis aqua haereat, & inter se pugnantibus sententiis concertent. Novem opiniones super eare affert episc. antuerpiensis Malderus tract. 10. de Justitia & Jure cap. 3. quas omnes refellerenitur, ne Bellarmini quidem sententia excepta, quam sexto ponit loco. Ipsius etiam Malderi sententia nihilo aliorum sententiis melior est. In omni certe vero & proprie sic dicto sacrificio, necesse est, ut victima destructiva quadam mutatione consumatur, ut ipsi commu-

V v 5

niter

- (1) Lib. 2. epist. 3.] Seu epist. 63. quae est ad Cœcilium. Et allegatum testimonium quidem exstat in num. 12.
- (2) Epist. 23.] Pag. 91. edit. reinhartinae.
- (3) Libri ad Petrum diac. de Fide] Qui exstat in tomo 3. operum S. Augustini; sed non est ejus, verum *Fulgentii*, testibus, praeter Erasimum, Lovanienses & Molanum, Bellarmino de Script. eccles. p. 98. Du Pin tom. 3. de la Biblioth. eccles. p. 230. Riveto Crit. S. lib. 4. c. 12. p. 419. Cave Hist. lit. p. 173. Gerardo in Patrol. p. 362, & Placcio de Scrip. tor. pteudon. p. 155.

niter fatentur. At in missa corpus Christi neque destruitur, neque mutatur, ut constat. Nam quod ait Bellarminus de Missa lib. 1. cap. 27. cum aliis multis, *corpus Christi nullam in se laesionem pati, neque esse suum naturale amittere, cum manducatur in eucharistia, amittere tamen esse sacramentale, & proinde desinere realiter esse in altari, desinere esse cibum sensibilem*, ridiculum est & ineptum subterfugium: nam si corpus Christi vere destruitur destructione sacramentali, (licet non naturali, quia jam est impatibile) quia per destructionem specierum cessat esse, ubi fuerat, pariter etiam Deus ipse immutari & destrui dicendus esset, cum desinit esse, ubi fuerat, per destructionem rei, in qua erat, aut ejusdem annihilationem. Responsio a Vasquez recens excogitata, sacrificium aliquod esse *absolutum*, aliquod autem esse *relativum* seu commemorativum, in quo quamvis non fiat immutatio rei, quae hoc modo offertur, reperiatur tamen vera significatio, & nota divinae omnipotentiae, sicut in sacrificio absoluto; videtur ad veritatem propius accedere, non tamen satis solida est. Nam posito, de quo tamen maxime quaeritur, Christum contineri sub speciebus, nunquam vel suis persuadebit, rem illam, quae nullo modo in se immutatur, etsi praesens sit, (pag. 453.) vere & proprie in sacrificium offerri obrepraesentationem aliquam mortis praeteritae ejusdem illius rei. Neque etiam per Christivivi & gloriosi praesentiam in eucharistia video, quomodo

modo significetur, Deum esse autorem vitae & mortis, qva in re essentiam sacrificii constituit aliis omnibus antea incognitam, ut recte Andr. Rivetus in Psalm. 40. pag. 283. commentatur. Vide Vasquezium in 3. part. Thomae tom. 3. disp. 222. cap. 8.

Longe modestius & verius veteres Romanenses super hac re, quam recentiores multi, senserunt. Lombardus lib. 4. dist. 12. *Quaeritur*, inquit, *si, quod gerit sacerdos, proprie dicatur sacrificium, vel immolatio? & si quotidie Christus immoletur, vel semel tantum immolatus sit?* Ad hoc breviter dici potest, illud, quod offertur, & consecratur a sacerdote, vocari *sacrificium & oblationem*, qvia memoria est & repraesentatio veri sacrificii, & sanctae immolationis factae in ara crucis. *Et semel Christus mortuus in cruce est, ibique immolatus est in semet ipso: quotidie autem immolatur in sacramento, qvia in sacramento recordatio fit illius, quod factum est semel.* Bellarminus inepte respondet lib. 1. de Missa cap. 15. *Lombardum hoc loco accipere nomen sacrificii & immolationis pro occisione, &c.* An autem sit, quod sacerdos gerit, sacrificium proprie dictum, Lombardum non quaerere, sed praesupponere, ut omnibus notum sit. Nam duas Lombardi quaestiones & solutiones pro unica ponit. Neque enim ille quaerit, An, quod gerit sacerdos, sit dicenda Christi occisio? nefas enim est, hoc asserere; sed primo interrogat, An, quod gerit sacerdos, proprie dicatur, sacrificium, vel immolatio? hoc est, an Christus realiter

realiter in cœna Deo in sacrificium offeratur? Et ad hanc quaestionem respondet, *Christum non vere, nec proprie, sed commemorative ac repraesentative in cœna Deo offerri*. Secunda autem quaestio est, An semel tantum Christus immolatus sit, an vero quotidie in eucharistia immoletur? Et ad hanc quaestionem Lombardus respondet: *Semel in cruce, quotidie in sacramento*. In Sacramento autem, quia ibi recordatio fit illius, quod factum est semel, ut recte Andr. Chraстов. l. cit. cap. 10. thesi 86.

Neque aliter sensit Thomas in Summae part. 3. q. 83. art. 1. *Duplici ratione*, Pag. 454.) inquit, *celebratio hujus sacramenti dicitur immolatio Christi: primo quidem, quia, sicut dicit Augustinus ad Simplicium, solent imagines earum rerum nominibus appellari, quarum imagines sunt. Celebratio autem hujus sacramenti, imago quaedam est repraesentativa passionis Christi, quae est vera ejus immolatio. Et ideo celebratio hujus sacramenti dicitur Christi immolatio. Vnde Ambrosius super epist. ad Hebr. cap. 10. dicit: In Christo semel oblata est hostia ad salutem sempiternam potens. Quid ergo nos? nonne per singulos dies offerimus? Sed ad recordationem mortis ejus. Alio modo, quantum ad effectum passionis Christi: quia scilicet per hoc sacramentum participes effici-mur fructus dominicae passionis. Vnde in quadam dominicali oratione sacrata dicitur: Quoties hujus hostiae commemoratio celebratur, opus nostrae redemptionis exercetur. Frustra hic Bel-larm.*

larm. l. c. respondet, S. Thomam, ut & alios Scholasticos non fuisse sollicitos de eo, quod nunc est in controversia, sed solum, qua ratione sacrificium missae possit dici Christi immolatio, ist est, occisio; & ideo fere respondere solere, dici immolationem, quia est repraesentatio immolationis, vel quia habet effectum similem cum ipsa vera & reali Christi occisione. Sed si hoc effugium obtineat, certe doctrinam Thomae de re maximi momenti, quantumvis doctus & subtilis fuerit, ut & aliorum multorum Scholasticorum, valde mancā & diminutam, fuisse, necesse est fateatur. Atat nunc vident noctuae, quod antea aquilaenon viderunt.

Lyranus in Hebr. 10. *Illud, quod emundat peccatum, oportet, quod sit caeleste & spirituale: & istud, quod est tale, habet efficaciam perpetuam, & per consequens non est reiterabile. Sic autem est dicendum de oblatione Christi in cruce, ratione deitatis adjunctae: & ideo non reiteratur, quia semel facta, sufficit ad delendum omnia peccata commissa & committenda. Sed ad hoc dices: Sacramentum altaris quotidie offertur in ecclesia, &c. Dicendum, quod * non est ibi sacrificii reiteratio, sed unius sacrificii in cruce oblatis quotidiana commemoratio. Propter hoc dicitur Luc. 22. 19. Hoc facite in mei commemorationem: quia idem offertur, quod ipse obtulit.* Pag. 455.)

Erasmus in Apologia adversus monachos hispan. tom. 9. operum pag. 867. *Fateor, missam esse sacrificium, licet non eodem modo, quo Christus verum sacrificium*

* Non est ibi sacrificii reiteratio,] Vide pag. 457. 458.

cium peregit in cruce: totoque pectore dissentio ab his, qui contendunt, missam esse abrogandam. Et paulo post: De rationibus, quibus eucharistia dicatur sacrificium, adhuc disputatur inter theologos; quemadmodum multa disputantur de primatu Pontificis; quod genus, an sit supra Concilium universale, nec ne.

Concil. provinc. colon. celebratum anno 1536. de Administratione sacramentorum cap. 27. *Docendus item est populus, quale sit missae sacrificium, nempe repraesentativum. Semel quidem Christus mortuus est, justus pro injustis, semel in manifestatione sui corporis, in distinctione suorum membrorum omnium, &c. & tamen quotidie immolatur in sacramento, non quod toties Christus occidatur, sed quod illud unicum sacrificium mysticis ritibus quotidie renovetur, quotidianaque recordatione mortis Domini (qua liberati sumus) in edendo & potando carnem & sanguinem, quae pro nobis oblata sunt, hoc ipsum repraesentetur, quod olim factum est; facit quo oblatio ista sacramentalis moneri nos, tanquam videamus praesentem Dominum in cruce, elicientes subinde nobis ex illo fonte inexhausto gratiam salutarem, immolamusque hostiam pro vivis & defunctis, dum pro illis Patrem per Filii mortem deprecamur.* Enchirid. colon. de Eucharistia (cujus auctor fuit * I. Gropperus) pag. 65. *Patres non dubitarunt, hoc Christi corpus in altari, sacrificium & salutarem victimam appellare, ratio-*

* I. Gropperus,] Vide pag. 99.

ne sacrificii, quod in cruce oblatum est semel. Et pag. 66. Quatenus Ecclesia verum corpus & verum sanguinem Christi Deo patri offert, sacrificium, mere repraesentativum est ejus, quod in cruce semel est peractum. Et pag. 67. Dum non habemus, quod Deo dignum offerre valeamus pro omnibus, quae retribuit nobis, calicem salutaris accipimus, id est, passionem ejus, repraesentantes Deo Patri opus nostrae redemptionis, ut illius sacrificii semel in cruce pro nobis oblato, & nostra commemoratione refricati, participes facti, maneamus & vivamus in ipso, per ipsum. Passio Pag. 456.) enim Domini, est (ut inquit Cypr. ad Caecil.) sacrificium, quod offerimus, id est, quod offerendo repraesentamus, memores illius unici & summi sacrificii, & sanctae immolationis in cruce factae. Immolatur ergo Christus in altari, sed sacramentaliter & mystice, quia in sacramento recordatio illius fit, quod factum est semel. Et paulo inferius: Quibus verbis quid aliud inculcat B. ille pater, (Chrysost. homil. 17. ad Hebr.) quam quod in hoc sacrificio ex parte rei oblatae sit verum corpus Christi, quum dicat, unum ubique esse Christum, & hic plenum & illic plenum, & utrobique unum corpus. Sed quod ad oblationem nostram attinet, eam esse exemplar illius in cruce factae, hoc est, sacrificium repraesentativum. Citatur in eandem sententiam Antididagma colon. & liber a Caesare propositus ad rationem concordiae in eundam in controversiis religionis art. 19. apud Goldastum Imperial. constit. tom. 2. pag. 197. cum aliis
qvi

quibusdam a Richardo Fieldo in Appendice lib. 3. ultimae edit. pag. 211. & seq. Illum adi, quia nos brevitati studemus.

Wicelius Examine catechistico *missam* definit, quod sit sacrificium rememorativum, item laudis & gratiarum actionis. Et in Examine ordinandorum inquit: *Missu est recordatio passionis Christi, in publico Christianorum conventu, ubi a multis aguntur gratiae ob pretium redemptionis.* Cassander (1) in Consult. de Sacrificio corporis & sanguinis Christi: *Manifestum est, veterem illam Ecclesiam ita semper sensitse: Corpus & sanguinem Christi semel in cruce oblata, ad salutem totius mundi, victimam esse perpetuam, quae semel oblata consumi non potest, sed efficax manet ad remissionem quotidianorum delictorum. Quare & Christus in caelis perpetuum habens sacerdotium, quotidie hanc perennem victimam pro nobis quodammodo offert, quando apud Patrem interpellat pro nobis. Itaque Ecclesiae ministri, idem illud corpus Christi ex ipsius mandato, quotidie offerunt, per mysticam repraesentationem, & commemorationem sacrificii semel peracti, cujus sacrificii perpetuam victimam, in caelis ad dexteram Patris assistentem, in sacramensa praesentem habent; per quam Deo Patri supplicant,* Pag. 457.) *ut virtutem & gratiam huius perennis victimae Ecclesiae suae, ad omnes corporis & animae necessitates, efficacem & salutarem esse velit.* Concil. trid. Sess. 22. c. 2. (2). *Non igitur*

(1) In Consult.] Pag. 998.

(2) Non igitur] Pag. 999. apud eund. Cassandrum.

igitur hic novum est sacrificium, nam & eadem hic est hostia, quae in cruce oblata fuit, & sacrificii illius in cruce peracti in mysterio commemoratio, & continuati in cælis sacerdotii, & sacrificii Christi in imagine repraesentatio. Vide eundem (1) paulo post de iteratione oblationis Christi semel factae in cruce, quam negat, & ex loco Lyrani in Hebr. 10. (2) supra adducto refellit, utpote a quo, ut inquit, pulcherrime hujus sacrificii ratio exposita sit. Et rursum (3) ibidem: Deinde est sacrificium corporis Christi; in quo primum consideratur res oblata, hoc est, ipsum corpus Christi, quod unicum est perpetuum & propitiatorium sacrificium; non quidem quatenus hic a terreno sacerdote in altari quotidie offertur in mortis commemorationem, sed quatenus a summo & aeterno sacerdote in ara crucis semel est oblatum. Deinde sacrificii, & oblationis voce intelligitur ipsa actio, seu modus offerendi, qui longe alius est ab eo, qui factus est in ara crucis; quamvis hostia, quae offertur, eadem sit: ibi enim oblatum est hoc corporis sacrificium per passionem & mortem, hinc per passionis & mortis mysticam recordationem & repraesentationem. Et rursum: Cum Christus sacerdos in aeternum sit, perpetuum quoque habet sacrificium: nam hostia illa semel in cruce oblata perpetuam habet vim & efficaciam, ad omnia corporis & animi bona conferenda. Itaque a Christo sempiterno sacerdote, pro salute membrorum suorum

Xx

in

(1) Paulo post.] Pag. 1000.

(2) Supra adducto.] Pag. 454.

(3) Ibidem] Pag. 1004.

in rei veritate offertur, dum pro nobis apud Patrem
intervenit; hic autem offertur in imagine & my-
sterio, cum externis precibus & interna fide & de-
votione, hostiam illam unicam, nomine totius Eccle-
siae, sacerdos Deo Patri sistit, & per eam sacrifici-
um hoc laudis & fidei ac devotionis, gratum
& acceptum esse postulat.

1. Barnesius in Catholico romano pacifico §.
7. Cum unicum sit sacrificium crucis, proprie dictum
efficax & sempiternum, in missa non fit nova itera-
tio sacrificii alterius proprie dicti. Recte tamen
in missa dicitur a S. Patribus offerri, & sacrificium
corpus Christi, i. eo sensu, quo asserunt, Ecclesiam, quae
est corpus Christi mysticum, offerre in missa servat
ipsam & precari. August. de Civit. Dei lib. 10. cap. 20.
& cap. 6. (Pag. 458.) 2. quia in missa repraesentatur
& commemoratur sacrificium crucis & passionis
Christi, nuncupatur sacrificium commemoratio-
num. 3. capiendo id sacrificium passive, pro sa-
crificato, noviter applicato nobis, recte asseritur
sacrificium missae, quia in ea continetur corpus Chri-
sti, quod fuit vere sacrificatum in unico illo sacrificio
crucis, quo alia omnia sacrificia consummavit. Et
in Paralipom. Paulus Hebr. 10. docet, esse tantum
unicam oblationem Christi, qua suos perfectos reddit.
v. 14. adeo ut, v. 18. non sit amplius oblatio pro pec-
cato. Ex eo constat, non esse iterationem seu no-
vitatem secundi sacrificii in missa. Quare Pa-
tres, qui docent, in missa peragi sacrificium de
novo, debent exponi uno ex modis relatis in §. 7.
Quod pulchre docet Cassand. in Consult. de Sacrifi-
cio

ciat. 23. ubi ait, manifestum esse, veterem illam Ecclesiam ita semper sensisse, &c. Dicta omnia Cassandri supra citata sunt. Concludit tandem Barnesius: Et in hoc sensu admittitur hic incoherentum sacrificium, & per hoc satisfit, & omnibus Patribus adductis a Bellarmi lib. 1. de Missa cap. 15. pro iteratione sacrificii veri, & dñus in Genes. cap. 14. Justissime sacrificium hoc sacramentum nominatur, tum quia verus sacrificijus sacramenti est, ut in sumptione ejus Deo laudes & gratias offeramus, tum quod in ipso representatur, & quasi ob oculos ponitur uni-
 versis illud sacrificium, quod Christus in cruce perfecit, ac Deo sistitur crucifixus ille filius ejus, admoneturque, ut propter ipsius passionem & mortem nobis propitiari dignetur. Denique etiam per sacramentum hoc admonemur, ut nos ipsos Deo offeramus. Congruum igitur sacrificium dicitur etiam ab aliis. Cætera, & multa alia in eandem sententiam, lege apud autorem ipsum ibidem, & alibi. De Petri Picherelli sententia super hac re satis constat ex ejusdem dissertatione de Missa Legatur etiam archiep. spat. lib. 5. de Republ. eccl. cap. 6. fuse hac de re differens, & auctor Examinis pacifici, cap. 1. vers. anglic. p. 15. 16.

De contentione inter Romanenses ipsos in Concil. trid. agitata, An Christus scilicet in cæna se ipse obtulerit, an vero præceperit tantum, ut post mortem suam perpetua in Ecclesia oblatio

Xx a

fieri

fieret? Pag. 459.) quod natura sacrificii verum & proprium sacrificium in cœna offerri non permetteret, vide Histor. Concil. trid. lib. 6. (1) p. 613. edit. francof. *Haec controversia non ut solet, multos a paucis, sed tam theologos, quam Patres in partes prope aequales dissecuit, atque a conventionem prope absuit. Priori enim, quippe praesidentiores, alteram opinionem inculcabant uti erroneam, anathema requirentes, quo silentium eis imperaretur, haereseos damnatis omnibus, qui dicerent, Christum non obtulisse semetipsum in cœna sub speciebus sacramentalibus. Alteri contra affirmabant, non esse eam temporum conditionem, ut dogmatis fidei firmamenta quaerenda sint a rebus incertis novisque opinionibus, ab Ecclesia veteri nec auditis unquam, nec cogitatis, sed id tenendum, quod ex S. scriptura & Patribus liquidum certumque, Christum videlicet oblationem praecepisse. (2) Ibidem etiam ut legere est, Georgius Ataide, theologus lusitanus, licet missam esse sacrificium agnosceret, ex apostolica traditione & Patrum communi consensu, argumenta tamen ad id evincendum ex scripturis ab aliis adduci solita, ut de Melchisedeco, de agno paschali, de loco Malachiae, de muliere samaritana, de verbis institutionis, Hoc est corpus meum, quod pro vobis datur, & sanguis, qui pro vobis effunditur, de participando sacrificio Judaeorum, & de mensa daemoniorum,*

(1) Pag. 613. edit. francof.] Seu pag. 942. edit. lipf. A. 1699,

(2) Ibidem etiam] Pag. 943.

An missa, sacrific. propitiat. & impet. p. 460. 693
 rum, 1. Corinth. 10. de verbis Christi, *Hoc facite, &c. aëria & invalida esse* contendit; & quidem recte, si verum & proprie dictum sacrificium corporis Christi urgeatur. Sententiam archiepiscopi granatensis & cardinalis Seripandilege (1) p. 617. Episcopi clonienfis & veglienfis contra Salmeronem jesuitam (2) pag. 624. Atque haec de hac quaestione sufficiant. Reliqua, quae desiderantur, ex aliis petantur, qui fusius controversias pertractant.

Pag. 460.

CAP. II.

In quo disquiritur, An missa sit propitiatorium, atque etiam impetratorium sacrificium, & quibus pro sit?

Missa superiori quaestione de veritate & proprietate sacrificii corporis domini, (de qua licet mirifice inter se dissentiant Romanenses, ut vidimus; sententia tamen, quam multi hodie Romanenses tuentur, *utut falsa sit, minime haereseos aut erroris impii, cum fide pugnantis damnanda est*) paucis de iis, quae in hujus capituli titulo praefixa sunt, differamus. Missam non tantum esse sa-

Xx 3

eri.

(1) Pag. 617.] Seu pag. 949.

(2) Pag. 624.] Vel pag. 958.

sacrificium eucharisticum & latrioticum seu honorarium, sed etiam *hilasticum* seu propitiatorium sano sensu dici posse, recte affirmant Romanenses moderatores; non quidem ut efficiens propitiationem, & remissionem peccatorum, quod sacrificio crucis proprium est, *sed ut eam jam factam impetrans*, quomodo oratio, cuius hoc sacrificium species est, propitiatoria dici potest, ut inquit Cassander (1) loco supra citato. Enchirid. colcn. de Sacramento eucharistiae. p. 680. Nemo vel primis rudimentis christianismi imbutus, ignorat, non esse aliam satisfactionem pro peccatis, quam quae facta est in cruce, eandemque non tantum pro nostris, sed & totius mundi peccatis sufficientissimam esse, nullaque supplementatione egere, neque requiri ullam aliam hostiam, aut ullum aliud meritum, per quae ex impiis efficiamur iusti, & reconciliemur Deo Patri, &c. Interim tamen omnes scire debent, neminem huius hostiae participem fieri, nisi tantum credentem & obtemperantem evangelio Christi. Quum ergo in missa propemodum totius evangelii summa recenseatur, qui non videt, Deum per talem fidentem (quae in huius repraesentationis sacrificii celebratione, atque adeo eiusdem corporis pro nobis passi manducatione vel maxime exercetur) 1 beneficium Christi filii sui, suis fidelibus applicare? (Pag. 461.) Joan. Barnesius (2) loc. supra citato: Capiendo rō sacrificium passive, pro

sacri-

(1) Loco supra citato] pag. 457.

(2) Loco supra citato] pag. 457.

sacrificato, noviter applicato nobis, recte asseri-
 tur sacrificium missae, quia in ea continetur corpus
 Christi, quod fuit vere sacrificatum in unico illo sa-
 crificio crucis, quo alia omnia sacrificia consumma-
 vit. Immo plurimi Romanenses dicunt, sacri-
 ficiu hoc non tantum repraesentativum &
 commemorativum esse, sed etiam applicatoriu,
 propitiationis scilicet, quae semel in cruce suffi-
 cienter facta est, & eatenus propitiatorium sacri-
 ficiu recte dici posse. Videatur Antidota-
 gma coloniese, Wicelius, * Sidonius, & au-
 ctiores libri *Interim* dicti. Gul. Estius in cap. 9.
 ad Hebr. vers. 25. Quod autem negat aposto-
 lus, Christum saepius offerre se ipsum, de ea di-
 citur oblatione, quae per se valeat ad propitian-
 dum Deum; qualis sola est illa, qua se ipse ob-
 tulit in cruce; ab hac enim, sicuti sacramenta,
 sic & missae sacrificium vim suam omnem re-
 cipit. Vide eundem in capite 10. ejusdem
 epistolae. Et omnes saniores Romanenses,
 quaecumque teneantur sententiam de modo ve-
 rae & realis praesentiae corporis Christi in eu-
 charistia, agnoscunt oblationem sacrificii missae
 incruentam, ab illa una cruenta, quae facta est
 in cruce, omnem suam vim & efficaciam hau-
 riri, perinde ut sacramenta novi testamenti.
 Loca Patrum hujc sententiae confirmandae ad-
 duci solita, videantur apud alios plurimos, qui
 prolixius hisce de rebus scribunt.

Xx 4

Quod

* Sidonius,] Michaël Heldingus, primo sidonius, deinde
 merseburgensis episcopus.

Quod ad Protestantes attinet, audiat *Jo. Barclaius* in sua *Paraenesi*, lib. 2. cap. 2. pag. 251. 252. *Dicimus*, Romanenses scilicet, *eucharistiae celebrationem esse sacrificium vere & proprie propitiatorium*. Vos (Protestantes) negatis, aut potius quidam ex vestris : nobis enim, saltem tacite, eruditiores consentiunt. *Is. Casaubonus* paucis ante obitum mensibus, inserenis. *Britan. Regis triclinio erat*, ego illi colloquebar, & alius praeterea non catholicus homo, aulicus adhuc hodie in regis familia, & quem, si opus, facillime indicem. Tunc igitur, ut sermo inciderat, contigit de *eucharistia* inter nos agi; quam ego dum propugno, Nihil, inquit *Casaubonus*, opus est, ut labores, sponte profiteor, & ex *Ecclēsiaē antiquae ritibus* constare contendo, (Pag. 462.) *eucharistiam esse sacrificium* : nec sacrificium modo laudis, ut plurimi nostrum, volunt, sed sacrificium propitiatorium, sacrificium ἱλαρικόν. Haec ipsius verba fuere : ita gemina lingua, cujus generis hoc sacrificium censeret, exposuit. Gaudio ego perfundi, ille alter, qui tertius colloquio aderat, ita sentientem vehementer mirari; & vero plus hac voce se percussum asserere, quam centum Papistarum argumentis. Potest ille veritati testimonium perhibere; vivit enim, & est cum Rege assiduus. Catholicus autem adeo nunquam fuit, ut timeri nunquam possit, ne ex composito illa fraude nos juvet. Ad locum hunc *Barclaii* nihil aliud respondet *M. Casaubonus*, filius, * in Pietate

* In Pietate contra] Contra maledicos patris nominis & religionis hostes, quae prodit Londini 1621.

tate contra &c. pag. 78. quam : *Ad locum Barclaii quod attinet, ubi dicit, Casaubonum in aula Regis seren. asseruisse, eucharistiam esse sacrificium propitiatorium, sacrificium ἱλαστικὸν, multa possent responderi (ne de Barclaii fide dubitem) ex Patrum sententia, quae non sunt hujus loci.*

Amandus Polanus, scriptor aliqui rigidissimus, Symphoniae cathol. cap. 17. (1) thes. 3. scribit in declaratione thesios : *Itaque cœna Domini est sacrificium tum eucharisticum tum propitiatorium : eucharisticum quidem proprium, quatenus in ejus usu gratias Deo agimus, quod nos a servitute & pœna peccati in libertatem asserere dignatus est, per filium unigenitum ; (2) propitiatorium vero aliquo modo, quatenus unici illius sacrificii vere propitiarii memoriam in eo serio frequentare jubemur, quod Filius Dei a Patre missus, ipse in propria persona semel pro nobis obtulit. Bucerus in Defens. reform. cap. 84. pag. 273. Cyprianus in ante positis verbis inquit, nostrum sacrificium esse Christum : item, passionem ejus esse nostrum sacrificium, quod in sacra cœna offerimus. Et quoniam alio modo non possunt sacerdotes passionem Christi, & Dominum ipsum offerre, quam passionem illius, ac fructum, qui ex ea enatus est, annunciando & praedicando, Deumque Patrem per ipsum pro nobis ipsis acceptis beneficiis digna gratiarum actione laudando & celebrando, denique orando, ut passionem & resurrectionem dilecti*

Xx 5

filio

(1) Thesi 3.] Pag. 396.

(2) Propitiatorium aliquo modo] Vide pag. 463.

filiis sui in nobis efficacem reddat, ne quotidie peccatum mortificemus, novam vero ac divinam vitam in nobis provehamus ac confirmemus, &c. (pag. 463.)

Hoc est memoriam ejus, sicut praecepit, celebrare, mortemque ipsius annunciare. Graeci, ad quæst.

4. cardinalis Guisani, Qvale sacrificium hoc esse statuunt? actionisne gratiarum, an pro peccatis expiatorium? sic respondent: *Divinum hoc sacrum* (1) *proprie & expiatorium & gratiarum actionis dicitur.* Citant Cabaſilam & 52.

& (2) Basil. in Liturg. *Da, Domine, ut pro peccatis nostris & hujusce populi ignorantibus factum hoc nostrum sit acceptum, tibi que gratum.* Et rurſus: *Fac nos idoneos, ut citra condemnationem hæc immaculata vivificaque mysteria participemus ad remissionem delictorum, & Spiritus sancti communionem.* Simili precatione utitur (3) Chryſoſt. in ſua Hierurgia.

Sacrificium autem hoc coenæ non ſolum propitiatorium eſſe, ac pro peccatorum, quæ a nobis quotidie committuntur, remiſſione, offerri poſſe modo prædicto corpus dominicum, ſed etiam eſſe *impetratorium*, omnis generis beneficiorum, ac pro iis etiam rite offerri,

(1) *Proprie expiatorium* } Vide pag. 462.

(2) Basil. in Liturg. } Quæ, ut hodie exſtat, plurimum eſt interpolata. Cave in Hiſt. lit. p. 137. Simon de Ceremon. & conſuetud. Jud. p. 104. Du Pin tom. 2. f. 83.

(3) Chryſoſt. in ſua Hierurgia, } Quæ & ipſa vaſte eſt interpolata. Cave p. 179. Simon c. 18. p. 104. Schenit. E. C. T. part. 3. p. 649. Du Pin tom. 3. f. 38.

licet scripturae diserte & expresse non dicant;
Patres tamen, unanimi consensu scripturas sic
intellegerunt, quemadmodum ab aliis fuisse de-
monstratum est; & Liturgias omnes veteres,
non semel inter offerendum, orandum praeci-
piunt pro pace, pro copia fructuum, & pro ali-
is id genus temporalibus beneficiis; ut nemini
ignotum est. Francisc. Whiteus, episc. nunc
elienſis, in Orthod. fidei explanatione, p. 338.
339. *Quod ad nomen sacrificii attinet, Ecclesia
anglicana idem attribuit S. eucharistiae, neque solum
ratione quarundam piarum actionum illi annexa-
rum, ut precum, gratiarum actionis, elemosyna-
rum, sed & ratione eucharistiae ipsius; in qua 1.
externa elementa panis & vini, percipientia vocatio-
nem Dei, (ut loquitur Iren. l. 4. c. 34.) consecran-
tur & ad Domini cultum deputantur, & instrumen-
ta gratiae hominibus exhibendae efficiuntur. 2. Cor-
pus & sanguis Christi, praesentia animae (nimis je-
june hoc dictum) fide & pietate pastoris & populi,
qui haec mysteria percipiunt, Deo offeruntur & sistun-
tur, cum pia supplicatione, ut propter illorum meri-
tum, gratiam, & remissionem peccatorum, atque alia
beneficia illis largiri dignari velit. Hieron. Zanghius in cap. 5. ad Ephes. de sacerdotio Christi
differens, Pag. 464.) *Quod si quis, inquit, sa-
crificium hoc, de quo dictum est, hilasticum, a tota
Ecclesia, aut etiam per ipsum (ut vocant) sacer-
dotem, totius Ecclesiae nomine, in publico caetu, hoc
sensu Deo offerri dicat, nimirum quod quisque
hoc solo Christi sacrificio, semel pro peccatis
nostris**

nostris Patri oblato contentus, in eo totus acquiescat, atque ita Patrem precetur, ut hoc unicum sacrificium, cujus publica commemoratio tum verbis, tum ritibus in coena Domini celebratur, loco omnium oblationum, satisfactionum, operum, & omnium denique earum rerum, quae ad peccatorum nostrorum expiationem, aeternamque salutem necessariae excogitari ab homine possunt, acceptum habeat: *cum hoc nos minime altercabimur. Nam ad rem ipsam quod attinet, quis haec improbare queat? In hujusmodi etenim sacrificii oblatione, summa christianae pietatis consistit. Sed longe aliter vulgo in pontificatu doceri consuevit. (Sed non nisi ab indoctrinatis) Faxit ergo Deus, ut idem sentiamus omnes, & consentaneae cum S. literis loquamur. Videatur etiam Rich. Fieldus lib. 3. de Ecclesia, in Appendice pag. 200. & seq.*

Cum autem haec victima (ut Cassandri verbis (1) in Consultat. utar) semel oblata sit pro communi totius orbis salute, tam vivorum quam mortuorum, & ad eam salutem quotidie efficiendam perpetuam virtutem obtineat, nihil est absurdi, si in sacra hac actione, (2) pro vivis & mortuis & communi omnium salute offerri dicatur: quando non solum pro iis oblata commemoratur, verum etiam solenni prece, pro iis omnibus efficax & salutaris esse postulatur. Itaque hoc modo sacrificare, est preces & gratiarum actiones, ad impetrandam

(1) In Consultatione.] pag. 1000. Et confer pag. 998.

(2) Pro vivis & mortuis.] Infra, pag. 466.

dam virtutem propositae illius perennis victimae Deo Patri offerre. Hoc comprobari posset plurimis Patrum testimoniis. Sed videantur hic alii, qui hisce de rebus prolixius scribunt. Nos in re certa & clara diutius immorari nolumus. Quod vero, *ad extrahendas defunctorum animas e flammis purgatorii*, sacrificia missarum exiguntur, & quidem saepe repetita, otiosorum hominum, & simplicitate populorum ad quæstum suum, male abutentium, commentum est. Longe alios ob fines oratum & oblatum pro mortuis in veteri Ecclesia, ut contra Romanenses fuisse ostendimus, quum de purgatorio & oratione pro defunctis ageremus. Adis tractatum ipsum. Non leviter hic peccatur a multis tum Romanensibus tum Protestantibus. (Pag. 465.) Extrema vitanda sunt; veritas, quæ in medio sita, amplectenda.

Perperam scholasticis doctoribus aliisque multis Romanensibus affingitur, quasi docuerint & adhuc doceant, *opus sacerdotis in missa valere coram Deo ex opere operato, sine bono motu intentis, sineque opere operantis*, hoc est, etiamsi nec sacerdos, nec populus suum opus, hoc est, veram fidem adjungat. Ut ut enim crassus iste error in nimis magna indoctorum sacerdotum & vulgi parte altas radices egerit; docent tamen doctiores omnes, *S. cœnam, juxta institutionem Christi administratam, per se bonum ac saluiferum opus esse omnibus, qui eo rite utuntur*, etiamsi sacerdos omni fide destitutus sit, propter Christi institum.

*institutionem, unde hujus & omnium sacramen-
torum efficacia potissimum deprehendit; nihilomi-
ninus sumentem judicium sibi sumere, & quanti-
do sine proprio opere operantis, hoc est, ope-
re verae fidei suae, opus operatum, & quamvis
juxta mandatum & institutionem Domini pera-
tum, usurpat, vel ejus se participem reddit, uti
recte M. Bucerus in Defens. christ. reformato
cap. 101. tradit. Vide etiam Cassandri Consult. art. 24.
Uno ore, inquit, omnes hodie ecclesiastici scilicet
proterbi clamant, falso Ecclesiam (romanam) asseri
sunt, quod doceat, missae actionem ex opere, operantis
hoc est, ex opere externo, quatenus id a sacerdote fi-
sit, mereri, aliis remissionem peccatorum, pro quibus
haec applicatur, sed hoc tantummodo docent, corpus
& sanguinem Christi, quae in hac sacra actione
religiosa commemoratione offeruntur, & fide-
libus dispensantur, ex panis & vini substantiis
consecrari, & virtutem sanctificandi obtinere,
non ex opere operantis, id est, dignitate & merito
celebrantis ministri; sed ex opere operato, hoc est,
ordinatione & pacto ipsius Christi, hanc sacram
actionem instituentis. Itaque sacerdotis actio-
nem, tanquam ministri, quae in sola sacramentorum
celebratione & humili supplicatione, & gratiarum
actione consistit, ea tantum valere, ut virtus & gra-
tia, quae corpori & sanguini Christi pro nobis semel
immolati perpetuo inest, iis, qui ad eam suscipien-
dam apti & dispositi sunt, applicetur & tribuatur.
Plurima alia in eandem sententiam ibidem lege-*

re

re est citata ex Enchiridio christianae institutio-
nis illiusque, ad depellendam calumniam falsae
illius fiduciae id opere operato, quae tam odio-
se universae Ecclesiae romanae doctoribus obji-
citur. Lege autorem.

Quod toties hoc capite sacrificium, quod
in coena peragitur, (Pag. 466.) non tantum
eucharisticum esse, sed etiam sano sensu propi-
tatorium, & plurimis non solum viventibus,
sed (1) etiam defunctis prodesse dicitur, quomodo
scilicet oratio, cuius hoc sacrificium species est, pro-
per interfectos dici potest, (ut loquitur (2) Cassander)
ita confirmat Bellarminus ipse (3) de Missa l. 2.
c. 5. Sacrificium, inquit, simile est orationi, quod
atque ad efficientiam: oratio enim non solum prod-
est oranti, sed etiam illi, pro quibus oratur. Vnde
inductio eucharistiae, quae fit a sacerdote,
ut est sacramenti susceptio, soli sumenti prodest:
ut autem est sacrificii consummatio, prodest illis
omnibus, pro quibus oblatum est sacrificium.

Soli Deo gloria.

FINIS.

(1) Etiam defunctis.] Vide pag. 464.

(2) Cassander.] It. Consultat. p. 1100.

(3) De Missa l. 2. c. 5.] Scit. Respondeo; Multum in-
terest.



I.
INDEX CAPITVM.

Vbi notandum, in omnibus indicibus citari paginas prioris editionis.

D e communi <i>fidei</i> distinctione in 4. species. pag.	I
De natura <i>fidei</i> <i>justificantis</i> .	3
An fides sola <i>justificet</i> .	9
De causa formali <i>justificationis</i> .	38
De imputatione <i>justitiae</i> Christi.	40
De <i>justitia</i> Dei nobis infusa.	58
De certitudine gratiae & <i>justitiae</i> .	93
De certitudine praedestinationis & finalis perseverantiae, nec non de amissione <i>fidei</i> & <i>justitiae</i> .	112
De inaequalitate <i>justitiae</i> fidelium.	123
De <i>bonorum operum</i> necessitate.	125
De Christo legislatore.	131
De possibilitate observandi legem.	139
An omnia <i>justorum</i> opera, quantumvis bona, sint peccati labe aliqua maculata.	156
De <i>justificatione</i> secunda, & loco Jacobi cap. 2, 24.	168
De	De

INDEX CAPITVM.

De <i>merito</i> bonorum operum.	179
De fiducia in meritis, & intuitu mercedis aeternae in bene operando.	188
De conditionibus meriti vitae aeternae.	196
De merito bonorum operum ex condigno.	199
De <i>purgatorii</i> probatione ex S. scriptura.	209
De <i>purgatorii</i> probatione ex Patribus.	222
De orationibus pro mortuis.	245
De <i>angelorum & sanctorum</i> <i>intercessione</i> .	268
De angelis custodibus.	272
De sanctorum intercessione.	275
De angelorum & sanctorum invocatione.	289
De religiosa invocatione sanctorum	292
De compellatione sanctorum.	299
De abusibus invocationis sanctorum.	331
De <i>Christo mediatore</i> .	343
An Christus etiã sibi aliquid meruerit.	364
De reali Christi praesentia in S. <i>cæna</i> .	370
De <i>transubstantiationis</i> possibilitate.	388
Transubstantiationem de fide non esse, immo cum scripturis & Pa- tribus vetustioribus pugnare.	397

Yy

Nec

INDEX AUCTORVM.

Nec transubstantiationem, nec consubstantiationem haerese esse.	411
De orali manducatione, etiam indignorum.	419
De comunione sub una vel utraqve.	423
De consecratione eucharistiae.	432
De reservatione eucharistiae.	435
De adoratione eucharistiae.	437
De circumgestatione panis eucharistici, & festo Corp. Domini.	443
De sacrificio missae.	445
An missa sit propitiatorium & impe- tratorium sacrificium, & quibus profit.	460

II.

INDEX AUCTORVM

sive laudatorum, sive notatorum.

A bbotus. 116. 118	Andreas (<i>Lancelot-</i>
Abrincensis. 323	<i>tus</i>) 135. 210. 305
Abulensis. 2	Antoninus, Flor. ar-
Aelfricus. 403	chiep. 392
Aepinus. 75	Aretius. 33.
Alberius. 80	Arminiani, vid. <i>Re-</i>
Ambrosius. 241. 314	<i>monstrantes.</i>
Amesius. 130	Arminius. 234. 452
Amphitheatri ho-	Baconus. 98. 101
noris auctor. 338	Baius

INDEX AUCTORVM.

707

- Baius. 198
 Barclaius (Joh.) 320
 Barnesium. 102. 236.
 264. 285. 373
 Baro. 29. 117
 Basilius. 463
 Battus. 43. 117
 Bellarminus. 15. 17.
 39. 41. 57. 69. 84.
 90. 92. 103. 123. 125.
 131. 146. 181. 184.
 188. 194. 203. 205.
 210. 211. 225. 231.
 279. 292. 331. 440.
 452. 453. 454
 Bernhardus. 55. 89.
 282. 334
 Bertramus. 402. 411
 Beza. 71. 73. 133. 167
 Bilsonus. 53. 54. 291.
 305. 312
 Bonarscius. 338
 Borrhaus. 78. 80
 Bovius. 81
 A Brania. 61. 69
 Brentius. 41. 74
 Bucerus. 127. 376
 Calvinus. 41. 57. 138
 Camerarius (Joach.)
 324. 377. 391
 Camero. 138
 Carthusianus. vide
Dionysius.
 De Casal. 429
 Casalius (Casp. & J.
 Bapt.) 451
 Casaubonus (Isaac.)
 120. Mericus. 462
 Cassander. 35. 84. 99.
 180. 297. 427
 Castellio. 81. 154
 De Castro. 105
 Casus. 391
 Cellarius. vid. *Bor-*
rhaus.
 Chamier. 5. 57. 66.
 67. 68. 72. 85. 90.
 136. 144. 221. 227
 Cheadreus }
 Chedzeus } 398
 Chemnitius (Mart.)
 72. 73
 Chrysostomus. 698
 Cœnalis. 323
 Contarenus. 51
 Y y 2 Cor-

INDEX AUCTORVM.

- Cornelius papa. 445
 Covellus. 153
 Crackanthorp. 327
 Cruciger. 375
 Cunaeus. 138.
 Cyprianus. 241
 Davenantius. 141
 156 163. 182. 186
 De Dominis. 14. 34.
 58. 83. 111. 121. 158.
 168. 183. 431. 441
 Desbois. 146
 Diallaëctici de Verit.
 corp. Christi in
 eucharistia au-
 ctor. Vide *Ponet*⁹.
 Dionysius areopa-
 gita. 240. carthu-
 sianus. 96
 Eifengren. 93. 98
 Eliensis. vid. *An-
 dreas*.
 Enchiridii colon.
 auctor. 455
 Ephrem. 294. 400
 Espencaeus. 15. 360.
 438
 Estius. 15. 18. 393
 Eusebius emesenus.
 231. 435.
 Examinis pacifici
 doctrinae Hugo-
 nottorum auctor.
 264.
 Faber faventinus.
 405
 Featleyus. 425
 Ferus. 100.
 Fieldus. 82. 152.
 Fischer (Joh. 2. 222
 Folengius. 100. 285
 Fricius. 27.
 Fulgentius. 450. 452
 Gardinerus. 15
 Gelasius. 400
 Gentiletus. 30.
 Gerhardus (Joh.) 22.
 43. 85. 128. b.
 Gilbertus. 55
 Gorscius. 361
 Gregorius M. 237.
 239. 263. nyssen
 311
 Gretserus. 360
 Grocinus. 241
 Grop-

INDEX AUCTORVM.

- Gropperus. 455
 Grotius (Hugo) 44.
 117. 133
 Guillaudus. 100
 Hellingus. 461
 Hieronymus. 316.
 Himmeliuſ. 14. 82.
 128. b.
 Hoockerus. 381
 Humbertus 435
 A Jeſu. 97
 Juellus. 395. 425
 Juſtinus martyr. 55.
 241
 Kargiuſ. 42.
 Keſlerus. 144
 Leidhreſſerus. 339
 Leſcaleuſ. 164
 Leunclaviuſ. 412
 Lubbertuſ. 23. 175
 Lutheruſ. 41. 74.
 415. 429
 Malderuſ. 452
 Maldonatuſ. 15. 132
 Martyr. (Petruſ)
 vid. *Vermiliuſ.*
 Mayer (Joh.) 5
 Melanchthon. 27. 74.
 117. 127. a. 138
 Merula. 81
 Monluciuſ. 443
 Montacutiuſ. 83. 326
 Montanuſ (Ariuſ)
 105. 403
 Mornaeuſ. 409.
 Mortonuſ (Tho-
 maſ , epiſcopuſ)
 153. 414. 421.
 425. Baravacen-
 ſiſ. 358
 Oſiander (Andr.) 41
 Overalluſ. 118.
 Panigarola. 210
 Pareuſ. 11. 56. 66. 67.
 72. 73. 85. 88. 90.
 120. 126. 128. 137.
 142. 200.
 Pemble. 6.
 Pereriuſ. 15. 97. 106
 Perroniuſ. 299
 Peuceruſ. 413
 Picherelluſ. 216. 264.
 381. 398.
 Pighiuſ. 49.
 Yy 3 Piſca-

INDEX AUCTORVM.

- Piscator. 42. 88. 128. 172. 345
 Pleffaëus. vid. *Mor-naeus*.
 Polanus. 13. 44. 462
 Ponetus. 382. 442
 Prestonus. 409. 411
 Prideaux. 48
 Reihingius. 9
 Remonstrantes. 22. 23. 32. 95. 187.
 Ribera. 88
 Rittershufius (Conrad.) 134. 256
 Rivetus. 7
 Rivius. 272
 Roffensis. vid. Joh. *Fischer*.
 Sarnicius. 356
 Scharpius. 136
 Schegkiius. 41
 Schottus. 400
 Senalis. vid. *Cænalis*.
 Scribanus 338.
 Sibrandus. vid. *Lubbertus*.
 Sidonius. vid. *Hel-dingus*.
 Spalatenfis. vid. *De Dominis*.
 Stapletonus. 11. 92. 190
 Suarez. 85. 92
 Tapperus. 51. 97
 Thomas waldensis. 199
 Thomson. 115. 116. 118. 119.
 Thuanus. 27. 35. 127. a.
 Thyfius. 118
 Toletus. 18
 Vafquez. 92. 189.
 Vega. 18. 19. 62. 96. 145. 157.
 Vermilius. 66. 127
 Vives. 91
 Vorftius (Conr.) 70. 85. 110. 138.
 Voffius (Gerh. Joh.) 45. 114. 115. 117 149. 198. 232. 280 312.

Vrfti-

711

INDEX LOC. SCRIPT.

Vrfinus. (Zachar.)	Widdrington. vid.
42	<i>Prestonus.</i>
Wesselus. 258	Wintoniensis. vid.
Whiteus. 110.	<i>Bilfon.</i>
Wicelius. 35. 40	

III.

INDEX LOCORVM
SCRIPTVRAE.

GENES.

JOS.

Cap.	Verf.	Pag.	Cap.	Verf.	Pag.
I	3	394	29	8	17
14	18	446			
15	1	184			
	6	41.64.			
		172	4	46	140
48	16	272.302	8	39	227

I. REGUM.

LEVIT.

II. REG.

16	29	214	22	20	277. 281
23	27	214			

DEUT.

JOB.

18	19	131	9	28	191
			33	23	270. 271
			Yy 4		PSALM.

INDEX LOCORVM SCRIPTVRAE.

PSALM.

Cap.	Verf.	Pag.
1	1	89
2	6	131
18	13	III
19		
26		
27	10	281
32		
50	2	61
61	15	293. 326
106	3	293
110	3	89
	7	365
	1.4	450
119	1	89
122	1	96
126	2	221
127		
143	2	140

PROV.

8	15	131
20	9	140
17	15	68

ECCLESIAST.

7	20	140
9	1. 3.	105

JES.

Cap.	Verf.	Pag.
1	16.17.18	17
9	6	43
27	9. 11	89
33	22	131
34	12	300
38	3	191
53	5	53
	11	68.365
56	4.5	17
63	2	277.281
	16	277.281
64	6	166
	6.10	160

JEREM.

15	1	277
18	8	17
23	6	52
31	31	134.138
	33	148.

EZECH.

18	9	17
	21.22.27	12
33	11	17
		36

713

INDEX LOCORVM SCRIPTVRAE.

Cap. Verf. Pag. Cap. Verf. Pag.

36 26.27 148

2. MACCAB.

DAN.

			2	29	216
9	18	166	12	46	211.216.
	23	271			253

10 12 271. 286

13 273

11 1 273

12 1 273

3 67

18 23 67

SIRACID.

5 5 105

16 17 179

HOS.

7 11 300

JOEL.

2 12.13.14 17

ZACH.

1 12 270.286

TOB.

12 12.15 270.286

MATTH.

1 21 89

2 1 132

3 11 214

15 43

5 2 131

12 185

13 132

21 132

21-44 134

22 212

26 212

Cap.

INDEX LOCOR. SCRIPTURAE.

Cap.	Verf.	Pag.	Cap.	Verf.	Pag.
6	14	17	2	11	43
11	30	147		23	393
12	32	211. 216	6	37	17
18	10	272.286	7	47	11
	35	17	8	13	3
19	3	132		50	15
	29	15.184	11	10	15
20	28	46	12	13. 14	134
22	18	134		49	259
24	36	277		50	214
25	34.35	127. b.		59	212
		128. a.	13	3	12. 136
		184	15	10	275
28	19	17	20	36	276
	20	131	22	19	454

MARC.

5	36	15
10	38. 39	214
16	16	137
	19	393

LUC.

1	6	148
	33	131

JOH.

1	12	186
	17	148
	29	46
3	5. 36	136
4	5. 15	218
6		387
	29	24
8	24	137
14	21	131

Cap.

715

INDEX LOCORVM SCRIPTVRAE.

Cap. Vers. Pag.

15 10 131
17 1.5.9.17 365

ACTOR.

2 38 12.17
3 19 12
22 131
7 37 131
10 3.4 270
12 15 272
13 38.39 8
15 9 8
22 16 17
26 18 4

Ad ROM.

2 6.7 184
3 20.24.28 19.20
22.22 8.39
24.25.26 57.131
28 15
30 5
4 4 41
5 9.19

Cap. Vers. Cap.

6.11 46
7 62.88
8 61
13&c. 138
20 8
24.25 57. 64.
65. 90
5 1 5
14 66
17.19 65
19 43.45.46
25&c. 57
6 19.20 87
22 86
23 186
8 1 218
13.17 128.a
16 101.106.
III.
24 II
30 63
33.34 62
38 63
9 30.31.32 20
10 3 20
9 128.a
Cap.

INDEX LOCORVM SCRIPTVRAE.

Cap. Verf. Pag.

10 8

14 293

II 6 19

16 7.II. 218

Cap. Verf. Pag.

19.2I 57

2I 46. 52.

53.89

7 10 128. a

8 9 43

I. adCORINTH.

1 30 46.52.57.

86.87

3 8 15

II 2II

13 212.216

6 11 63.64.76.

86.87

7 10 132.134

9 21 131

24 15

12 9 2

13 2 2

15 18 218

29 212. 214

Ad GAL.

1 22 218

2 16 16. 19

3 13.14 46

19 346

14-17 138

4 1.2.3

4. 5. 43

5 6 16

17 163

6 2 131

7.8 184

8 128. a

II. adCORINTH.

4 17 128. a

5 19 61

Ad EPHES.

2 9 19

10 127. b

14 53

Cap.

INDEX LOCORVM SCRIPTVRAE. 217

Cap. Vers. Pag.

19 286

3 12 4

4 7 147

5 26 17

Ad PHILIP.

1 9.10.11 76

23 96

2 5.&c. 43

10 212

12 III.128.a

8.9 365.368

3 7.8.9 20

9 19

12 15

Ad COLOSS.

3 17 195

24 184

I. ad THESSAL.

4 14 218

II. THESSAL.

1 5 180

Cap. Vers. Cap.

I. ad TIMOTH.

1 13 180

2 5 353.361

15 128.a

4 8 195

6 12.19 15

II. ad TIMOTH.

1 9 19

4 7.8 191

Ad TITVM.

2 14 46

3 5 19

5.6.7 17

7 63

Ad PHILEM.

5 293

Ad HEBR.

2 1.3.6.7 131

9.10 46.365

3 5.6.7 131

7 26 42

8 6 138

Cap.

INDEX LOCORVM SCRIPTVRAE.

Cap.	Verf.	Pag.	Cap.	Verf.	Pag.
------	-------	------	------	-------	------

9	14	356
---	----	-----

	25	461
--	----	-----

10	14.18	451
----	-------	-----

	36	128. a
--	----	--------

13	16	179
----	----	-----

JAC.

1	12	184
---	----	-----

	25	128.a
--	----	-------

2	14	128. a
---	----	--------

	15.16	170
--	-------	-----

	19	2
--	----	---

	20	16
--	----	----

	21	21.169
--	----	--------

	22	16. 20
--	----	--------

	24. &c.	17. 53.
--	---------	---------

		168.170.174
--	--	-------------

3	2	140. 158.
---	---	-----------

		167
--	--	-----

5	19. 20	17
---	--------	----

I. PETRI.

3	18	46
---	----	----

	19	346
--	----	-----

II. PETRI.

1	10	93. 112
---	----	---------

	14.15	277
--	-------	-----

I. JOH.

1	7.9	12
---	-----	----

	8	140
--	---	-----

	4	146
--	---	-----

	9	115
--	---	-----

	23	24
--	----	----

5	3	147
---	---	-----

APOCAL.

1	4	304
---	---	-----

	5	131
--	---	-----

2	26.27	277
---	-------	-----

3	2	115
---	---	-----

	4	158.180
--	---	---------

	12.21	277
--	-------	-----

5	8	277
---	---	-----

	12	365
--	----	-----

6	10	277
---	----	-----

7	14.15	128. a
---	-------	--------

8	3.4	270.277
---	-----	---------

12	7	273
----	---	-----

14	13	217
----	----	-----

19	16	131
----	----	-----

22	11	64. 67
----	----	--------

		68. 86.
--	--	---------

		88. 169
--	--	---------

ERRA.

ERRATA.

715

Numeri paginarum rursus sunt prioris, non autem hujus secundae editionis.

Pag.	lin.		
10	4	<i>Respondebunt,</i>	
11	ult.	paene	
13	45	Conradus	
17	25	collectum	
	30	quibus	
	42	Lipsienses	
18	11	efficaciam	
26	27	manserunt	
28	38	rigidiores	
30	25	justificatione	
32	25	fideliter	
	29	judicio	
35	25	amice omittunt	
42	14	decebat	
52	44	intelligendum	
57	31	interea	
	36	nobis	
59	34	peccatorum	
91	44	notionalem	
64	27	utra	
66	1	καταχειματι	
76	1	vita	

3 solus

ERRATA.

Pag.	lin.	
	3	folus
	5	ivduxi
81	ult. in	
	Annot.	Casaubon.
83	2	coram Deo
99	45	peccata
	48	experimento
102	13	decisionem
103	13	<i>opinione</i>
105	13	hebraeo
112	ult.	106.
162	17	hic
189	1	Pag. 189
197		in tit. col. 198
198		in tit. col. 199



COMPENDIVM REGVLAE FIDEI CATHOLICAE VERONIANAE .

Ad ostendendum

*Quae sūt, quaeque non sūt de fide
catholica*

Ex D. FRANCISCI VERONII Regula
/ fidei catholicae concinnatum

NICOLAO A ZIZWIZ
Abbate Huysburgensi & Mindensi, & S.
Reg. Majest. Consiliario provinciali in Prin-
cipatu Halberstadiensi.

Secundum exemplar anni 1699.
cui titulus erat,

*Secretio eorum, quae sūt de fide cathol.
ab iis, quae non sūt de fide.*

Cujus etiam numeri paginarum sūt
retenti.

S. P A V L V S

1. ad Corinth. 1. 10.

OBsecro autem vos, fratres, per nomen domini nostri Jesu Christi, ut id ipsum dicatis omnes, & non sint in vobis schismata; fitis autem perfecti in eodem sensu, & in eadem sententia.

Venerabilis atque illustris

PRAESVLIS

Compendii hujus Veroniani auctoris

**Eruditioni, Pietati, Vigilantiae, Amori
pacis, caeterisque eximiis & nobili Abbate
dignis virtutibus**

novam hanc editionem,

**ipso quidem incio, non tamen uti spes est
invito, susceptam &
curatam,**

debito cum honore dedicat

&

quod ipsius erat reddit

Editor,

Zizwizianorum splendorum

ac talentorum

admirator & venerator

sincerissimus.

Pag. 3.

PRAEFATIO
AD LECTOREM.

Amice Lector.



Experientia constat,
quod, sicut nimia legum multi-
tudo transgressiones, ita & con-
troversiarum copiales & dis-
ensiones inter Christi fideles operetur &
augeat: dum plerique, etiam bonæ volun-
tatis homines, extra ecclesiam catholicam
constituti, theologorum quorumcunque ca-
tholicorum privata dogmata & sententias,
vel probabiles opiniones, 4 quasi ar-
ticulos, aut dogmata fidei ab illis tradita,
indiscrete & erronee assumentes, verbo &
scriptis impugnant, neque discrimen, quod
inter dogmata fidei, & alias quascunque
conclusiones theologicas, ac sententias pro-
babiles versatur, advertunt: unde fit,
ut tanto magis ad unitatem & gremi-
um sanctae matris Ecclesiae redire tergi-
versentur. Quapropter abs re non alie-
num duxi, Synopsin hanc Regulae fidei,
utraque accurate distinguentis, ab eximio
D. Francisco Veronio olim compilatae, &
primo-

primo ab omnibus in universitate sorbonensi SS.theologiae Doctoribus approbatae, & deinde in conventu generali, anno 1645. ab universo Clero 5 gallicano receptae, atque a doctissimis DD. Walenburchiis plurimum laudatae, prelo subicere: proindeque Secretio ista non est opus manuum mearum, sed (exceptis paucis illis, quae ex DD. de Walenburch, P. Wittfeltii Theolog. catech. & P. Dionysii Werlensis Philanthone adduximus) celeberrimi doctoris supra memorati, quod tibi, B.L. exhibeo ex sincerissima intentione: dum mihi, omnium Catholicorum minimo, nil magis est in desideriis, quam ut, sublata quodantenus controversiarum, quae ad fidem non pertinent, multitudine, tanto facilius omnes occurrant in unitatem fidei, solliciti servare unitatem Spiritus in vinculo pacis. Ephes. 4, 3. & 13. 6 Sane praefati DD. Walenburchii, quorum iudicium maximi facio, aestimarunt Veronianam hanc fidei Regulam, adeo excellentem, (quae sunt illorum, in Admonitione ad lectorem huic Veronii tractatui praemissa, propria verba) ut merito plurimum fiat apud illos, qui operam salutarem impendunt reducendis errantibus ad unitatem, verita-

temque ecclesiae catholicae : quorum pia vota clementissimus Deus efficaciter prosperet , per Christum dominum nostrum ! Ego interim benevolum lectorem catholicum serio monitum volo , ut hanc fidei Regulam cum discretionem legat. Hæc enim *Regula Veroniana* 7 licet fidei dogmata a reliquis doctrinis , quæ inter ipsos Catholicos , salva fidei unitate , controvertuntur , secernat ac separet , nullas tamen earum falsitatis arguit , aut quasi fidei nostræ catholicae contrarias reprehendit. Sciunt utique viri docti , sententias inter autores catholicos probatos & ab ecclesia toleratos controversas , non esse de fide : proindeque non esse necessarium , ejusmodi sententias , ut præclarissimi viri consulunt , contra alios , qui non sunt de gremio ecclesiae nostræ , defendendas suscipere ; sed adversariis , quid in hoc puncto credere vel non credere possint , & velint , liberum relinquere. 8 Sicut etiam ex adverso , si forte libellus iste ad manus dominorum Protestantium devenerit , sincere exopto , ne in posterum in ejusmodi dogmatibus , quæ apud Catholicos de fide non sunt , oppugnandis , inutiliter desudent : Possunt enim in his & similibus ,
quæ

quae inter ipsos Catholicos controvertuntur, eligere, quod volunt, neque obligati sunt, illis, quæ non sunt expresse de fide catholica, assentiri; sed sufficiet, ad hoc, ut sint catholici, & si velint, ad gremium sanctæ matris ecclesiæ revertantur, si ea credant, quae sunt de fide, relictis illis, de quibus in theologia scholastica hinc inde, pro & contra, disputatur. 9

O utinam & domini Protestantes ex sua parte diminuendo potius, quam multiplicando controversiarum numero cogitarent! Mirum sane est, quomodo viri inter illos eruditissimi, aliquando sibimet ipsi umbras & monstra efforment, quibuscum decertent, quando sententias hujus vel illius privati doctoris catholici, quas ipsemet probabiliter tantum veras affirmat, tanquam articulos fidei impugnant, totique ecclesiæ catholicae, quasi ejusmodi doctrinas de fide statueret, tribuere non verentur. Objicient forte domini Protestantes: Quandoquidem apud Catholicos nullus liber, sive scriptum in materia theologica 10 edatur, vel in publicum prodire audeat, quin a Superioribus & ordinariis librorum censoribus, & quidem in scripto, approbetur, nullum dubium superesse, quin ejusmodi appro-

batio insinuet, sententiam seu mentem talis approbati auctoris, sensui totius Ecclesiae catholicae esse conformem. Sed valde balucinantur: sufficit enim catholicis librorum censoribus, si tales libri nihil habeant, vel tradant contra fidem, etsi non omnia, quae continent, sint de fide. Ut res exemplo clarior fiat, noverint utique DD. Protestantes famosam illam inter gravissimos ex utraque parte doctores catholicos * de immaculata

II

beatissimae Mariae virginis conceptione controversiam, quibusdam eandem negantibus, aliis vero asserentibus: qua controversia tamen non obstante, plurimi precum libelli, tractatus & officia, ut vocant, de immaculata conceptione, censoribus (etsi ipsimet forte, quod illis licet, aliter sentiant) approbantibus, prelo subjiciuntur. Unde tamen inferri nequit, doctrinam istam de immaculata conceptione esse de fide, etiamsi tales libelli hinc inde a Superioribus & censoribus ordinariis, etiam in scripto, approbentur. Satis est, quod sententia immaculatam sanctae Dei

geni-

De immaculata B. Mariae conceptione] Vide
p. 174. 192. Walenb. T. 2. p. 654. Colon. & Herbipol.
apud F. V. Calixtum de Immacul. concept. B. V.
p. 148, 155.

genitricis conceptionem adstruens, 12 in Ecclesia probabiliter defendatur, & non sit contra fidem, prout neque altera huic contraria, est de fide catholica. Sequantur ergo DD. Protestantes, in his & similibus, partem, quam voluerint, & quam veriorum ac probabiliorem judicaverint, quia utraque sententia Catholicorum est, etsi neutra sit de fide catholica; licetque hic sentire, quod sacrae scripturae ac Christi honori magis convenire quisque putaverit: maxime, cum & ipsi, qui B. virginem immaculate conceptam ajunt, eam singulare illud immaculae conceptionis privilegium non nisi per merita Jesu Christi obtinuisse affirmant. Credit 13 enim & credidit, docet & docuit semper Ecclesia catholica, neminem unquam ab origine hujus mundi salvatum esse aut salvandum, quam per unum illum mediatorem Dei & hominum, hominem Christum Jesum, nec esse aliud nomen sub caelo datum hominibus, in quo oporteat nos salvari. Actor. 4, 12. canitque de eo Ecclesia universa in nativitate Domini:

PRAEFATIO,

Testatur hoc praesens dies,
Currens per anni circulum,
Quod *solus* e sinu Patris
Mundi salus advenerit.

Qui solus, *inquit Tridentinum** *sess.25. de*
Invocat. Sanct. noster redemptor & salva-
tor est. *Vide Philanthon. P. Dionysii Wer-*
lens. pag.88. & pag.108.

Sess.25.] *Pag.507.*



Ado
ice, (i
jere co
Ex hac
ne, five ex
sacris legi
as uni
up.

REGVLA FIDEI GENERALIS.

Illud omne & solum est * de fide catholica, quod est revelatum in verbo Dei, & propositum omnibus ab Ecclesia catholica, fide divina credendum: siue hæc propositio Ecclesiæ emanet ex concilii alicujus universalis, sub directione summi Pontificis legitime congregati decreto & definitione, siue ex sensu fidelium omnium.

Ex hac regula deducitur, duo conjunctim debere concurrere, *ut doctrina aliqua sit fidei catholica*, (1.) ut sit revelata a Deo per Prophetas vel Apostolos, seu autores 15 canonicos. (2.) ut sit * proposita ab Ecclesia: Nam scriptura ipsa pronuntiat: *Fides ex auditu, auditus autem per verbum Christi. Rom. 10, 17.* Sed quo proponente illud verbum, & ejus sensum docente, præsertim ut sit catholica, id est, fideles omnes adstringat? Quo? nisi *Concilio catholico*, hoc est, *universali*, sub directione Pontificis expresse aliquid definiente aut enuntiante, aut sane *ex sensu*

De fide catholica] *Theologorum consensu, quædam a nonnullis fide catholica teneri possunt, ad quæ tamen alii non adstringuntur. Richer. Hist. general. concil. l. 3. c. 5. p. 566.*

Proposita ab Ecclesia] *Vide pag. 170. & J. Lud. Fabricii Opera posthuma, pag. 304.*

sa omnium tum Pastorum, tum fidelium, velut practice eloquente. Si utrumque adsit alicui doctrinae, illa fide divina catholica est credenda; si alterutrum, siue revelatio per autores canonicos, siue propositio ecclesiae desit, non est fide divina catholica credenda. Et quidem ipsum fidei catholica nomen utrumque hoc sonat. Quid enim aliud est fides divina, (nec enim de humana loquimur) quam credere propter auctoritatem Dei et concilii. Hæc enim est ultima fidei analysis, in quam tota fides resolvitur: oportet ergo, quæ creditur, ut sit revelata a Deo per Prophetas seu Apostolos, siue autores canonicos: quod fuit primum requisitum. Cum vero fides sit ex auditu, ut supra dictum est, nemoque audiat sine prædicante aut proponente vel docente, Rom. 10. 14. requiritur ulterius, ut hoc, quod creditur proponatur, non ab hoc vel illo particulari erroribus obnoxio, sed ab universa Ecclesia, quæ errare non potest, proponatur credendum. Per illam autem intelligimus Concilium generale legitime congregatum, cui summus Pontifex vel per se vel per legatos suos præsidet.

Pag. 17.

*Ex adverso, secundum illationem
D. Veronii,*

1. Non sunt de fide, quæ novimus ex revelationibus factis, post tempora Apostolorum, quibusvis etiam Sanctis.
2. Non sunt de fide ulla miracula, facta post tempora Apostolorum, in confirmationem cujusvis do-

doctrinae, etiamsi talia miracula referantur ab Augustino, Gregorio, & aliis, etiam ut visa ab ipsis, aut etsi contineantur in bullis summorum Pontificum, imo etiamsi referantur in conciliis universalibus, prout aliqua relata fuere in 2. nicæna synodo. Ratio hujus & superioris illationis est, quia neque ista miracula facta sunt a Prophetis & Apostolis, neque revelationes istae factae sunt Prophetis & Apostolis, proindeque desituuntur fundamento, de quo loquimur,

18 & solum obtinent *fidem historicam*, quam ejusmodi revelationibus & miraculis denegare omnino temerarium foret.

19. Non est de fide *ulla doctrina, fundata in verbo Dei scripto, quod diversimode a sanctis Patribus aut doctoribus nostris exponitur.* Idque ex duplici defectu (1) quia non constat, expositionem hujusmodi esse revelatam; omnis autem actus fidei debet esse certus. (2) nec proponitur talis expositio, seu sensus ille scripturae ab ecclesia universali, hoc ipso, quod varie a variis exponitur.

4. Nulla * *consequentia*, certo licet & evidenter deducta ex propositione aliqua fidei, & alia evidenti lumine naturae, per formam logicæ evidentem, sufficiens est fundando articulo fidei catholicae. Ratio est, quia talis consequentia non est revelata, nihil autem 19 credimus fide catholica, nisi quod est revelatum.

5. Ni-

Nulla consequentia] *Vide p. 156. G. Calixti Digress. de Arte nova, 137. 142. & Tissii Ostens. summar. pag. 4.*

5. Nihil eorum est de fide, *quae continentur in Decreto Gratiani*, quatenus scilicet in illo Decreto continentur, id est, nisi aliunde, vel ex verbo Dei scripto, vel tradito, vel definitione ecclesiae universalis constet, contenta ejusdem esse de fide.

6. Nullae *Decretales romanorum Pontificum*, contentae in Corpore juris canonici, sive in sex libris Decretalium, sive in Clementinis, sive in Extravagantibus : nec ullae *posterorum Pontificum Bullae*, qui in sede Petri sederunt, sufficientes sunt fundando articulo fidei catholicae. Probat Veronius, quia Papa non est universalis Ecclesia: ergo, quod ab eo proponitur, non proponitur ab Ecclesia universali, adeoque non est doctrina fidei catholicae. Addit idem Veronius, 20 conclusionem hanc tam certam esse inter doctores omnes, ut, si quis contrarium doceret, novator ipse foret, censura percellendus, quippe novi dogmatis inventor; aitque, ex ipsomet Bellarmino constare, *non esse definitum ab Ecclesia, Pontificem esse infallibilem extra Concilium universale*, & quae proponeret credenda, fore fidei catholicae, cujus contrarium sit haereticum, & removens a gremio ecclesiae. Omnes nihilominus concedunt, *gravis esse auctoritatis*, quod a Pontifice tantae sedis, etiam cum solo concilio privato, docetur, aut rescribitur, essetque temerarium, a sic pronuntiatis recedere.

7. Non est de fide catholica, *quod definitum fuerit in illo concilio provinciali*, etiam Papa ei praesiden-

fidente per se, vel per legatos. Ratio est, quia tale concilium non ²¹ est ecclesia universalis; quare, quod ab eo proponitur, non proponitur ab ecclesia universali; non est ergo de fide catholica, nisi aliunde constaret de sensu totius ecclesiae, sicuti constat de multis pronuntiatis contra Pelagium & alios in conciliis regionariis, ut vocat Augustinus, v. g. in concilio milevitano Numidia^e sub Innocentio papa. Tom. I. Conc. pag. 630. 753. Docet tamen Veronius, *magna veneratione suscipienda esse, quae a tantae auctoritatis decretis, seu romani Pontificis, seu talium Conciliorum, emanant: item earum quae miraculis, aut fidei revelationibus nituntur seu confirmantur.*

8. Non omnes *praxes ecclesiae, etiam universales*, sunt sufficientes fundando articulo fidei catholicae. Probatur ex defectu secundae conditionis: quia praxes hae non sunt propositiones factae ab ecclesia, ²² veritatis aliqujus credendae, sed rei faciendae: regula autem bonae praxeos potest esse opinio probabilis & non indubitata: unde fit etiam, ut praxes has possit mutare, & de facto aliquando mutaverit ecclesia, quippe quae regulari possunt ex opinione probabili; quam sequi, vel contrariam etiam probabilem, licitum est.

9. Sicuti Decreta conciliorum universalium de fide, immutabilia sunt, nec possunt, posteaquam semel statuta sunt, ullo modo abrogari; sic ex adverso *Decreta de moribus*, si non recipiantur, & Pontifex conniveat, tandem consuetudine

dine abrogantur, quia decreta morum mutabilia sunt: & cum Pontifex videt, longo tempore ea non servari, & tacet, censetur ipse abrogare. Citat hoc loco Veronius Bellarm. lib. 2. de Concil. cap. 17.

23

10. *Vt aliquid sit de fide*, oportet, ut Pontifex cum Concilio universali id ipsum definiverit proprie, ut decretum fide catholica tenendum, illudque, tanquam rem omnibus credendam, toti ecclesiae proposuerit, & quidem *conciliariter*.

11. Non est de fide, Pontificem, etiam ut Pontificem, & cum suo cœtu Consiliariorum, vel cum generali Concilio, *non posse errare in controversiis facti particularibus*, quae ex informatione & testimoniis hominum praecipue pendent. Pro quo Veronius allegat Bellarm. lib. 2. de Concil. cap. 2.

Huc usque Regulas generales secretionis doctrinae fidei catholicae a theologia scholastica & quavis alia doctrina exacte faciendae, tradidit Veronius: pergit jam ad secretionem eorum, quae non sunt de fide in singulis materiis.

De Meritis gratiae & gloriae.

1. Docet Concilium tridentinum : bona opera seu merita hominis justificati esse *donum Dei*.

2. Est de fide : hæc bona hominis justificati opera fieri ab eo per *Dei gratiam*, & per *meritum Christi*, cujus homo justificatus vivum est membrum.

3. Est de fide : bona opera hominis justificati *virtutem merendi habere per merita Jesu Christi*. Tantum ergo abest, ut merita hominum justorum derogent meritis Christi, ut etiam totam suam efficaciam, qua mereantur, ex meritis Christi habeant. 25

4. Est de fide : hominem justificatum bonis ejusmodi operibus in Deo & propter Deum factis, per *ejus misericordiam & Jesu Christi meritum* (ut supra dictum est) vere mereri augmentum gratiæ, vitam æternam, & ipsius vitæ æternæ, si tamen in gratia decesserit, consecutionem, atque etiam gloriæ augmentum. Vid. Concil. trident. sess. 6. * c. 16. item can. 26. & 32.

Cap. 16] *Et cap. 6. ac 7.*

Ex adverso.

1. Non est de fide : Meritum illud hominis justificati esse *vel de congruo tantum*, vel etiam *de condigno*, licet sit verum meritum.

B

2. Non

2. Non est de fide: hujusmodi merita esse ex *justitia* potius, quam ex fidelitate promissionis Dei.

3. Multo minus est de fide: merita nostra ex gratia Dei procedentia, talia esse, ut *illis* ex *justitiae* rigore debeatur merces.

4. Nec est de fide: omnia 26 bona opera *justorum* esse meritoria vitae aeternae, praeter charitatem, & ex ea procedentem contritionem perfectam, seu quatenus in specie opera gloriam mereantur? an opera temperantiae, spei, fidei, & alia, si a charitate non imperentur: an vero sola opera a charitate imperata? Ratio est, 1. quia Tridentinum nihil in his definit. 2. quia doctores in hoc variant.

5. Non est de fide: *justum* posse mereri pro alio, quocunque merito, saltem de congruo, sive conversionem peccatoris, sive aliam gratiam. Probatur, 1. quia Tridentinum *meriti* pro alio non meminit, nec proinde proponit credendum. 2. quia variant in hac re doctorum catholicorum opiniones. Notat tamen hic Veronius, non esse dubium, quin *oratio hominis* 27 *justi* (etsi, in rigore loquendo, sibi solitantum & non aliis mereatur) impetrare a Deo pro se & aliis multa bona, & multa avertere mala possit, sed hoc solum per modum impetrationis. Alias Suarez tom. 4. Disp. 48. sect. 2. docet, *Meritum gratiae aut gloriae* ita esse personale, ut nemo possit alteri suum meritum praestare, ut illi valeat ad gloriam obtinendam.

§. 2.

De Justificatione.

1. De fide est: *hominem suis operibus, quae vel per humanae naturae vires, vel per legis doctrinam fiunt, abque divina per Jesum Christum gratia non posse justificari coram Deo.*

Pag. 28.

2. Est de fide: *hominem nec sola imputatione justitiae Christi, nec sola peccatorum remissione, exclusa gratia & charitate, quae in cordibus fidelium per Spiritum sanctum diffunditur, atque illis inhaeret, justificari.*

3. Est de fide: *gratiam, qua justificamur, non esse solum favorem Dei, sed aliquid, quod nobis inhaereat.*

4. Est de fide: *hominem sine Christi justitia (per quam nobis meruit) non justificari, quamvis homo per solam hanc nobis extrinsecam Christi justitiam formaliter justus non sit, sed per gratiam & charitatem ei inhaerentem.*

5. Est de fide: *hominem sine praevemente Spiritus sancti inspiratione atque ejus adjutorio, credere, sperare, diligere, aut poenitere non posse, sicut oportet, ut ei justificationis gratia conferatur.*

29

6. Est de fide: *cum Apostolus ad Rom. 3, 28. dicit, hominem justificari per fidem & gratis, ea verba in eo sensu intelligenda esse, quem perpetuus ecclesiae catholicae consensus tenet, & expresse: ut scilicet per fidem ideo justificari dicamur, quia fides est humanae salutis initium, fundamen-*

tum & radix omnis justificationis: nam *sine illa impossibile est placere Deo*, ad Hebr. 11, 6. & ad filiorum ejus conlortium pervenire; *gratis* autem justificari ideo dicamur, quia nihil eorum, quæ justificationem præcedunt, sive fides, sive opera, ipsam justificationis gratiam promeretur. *Si enim gratia est, jam non ex operibus*, ad Rom. 11, 6. item ad Ephes. 2, 8. alioquin, ut idem apostolus l.c. ad Roman. 11, 6. ait: *Gratia jam non est gratia.* Vide Concil. trident. sess. 6. cap. 8. item can. 1. 3. 10. & 11.

Ex adverso

1. Non est de fide: *justitiam illam, qua impii justificantur, esse qualitatem & habitum permanentem in anima.*

2. Non est de fide: an non aequè bene fieri possit justificatio (saltem si de adultis loquamur) *per affectum dilectionis erga Deum, & contritionis de peccato*, ita, ut omnia, quæ de justitia nostra in scriptura & conciliis atque a patribus dicuntur, rectè constare possent, si aliquis diceret, *justitiam inherentem in adultis esse affectum dilectionis erga Deum, & contritionis de peccato.*

Pag. 31.

Probatur 1. quia de hac re nihil habet tridentinum, vel aliud concilium universale. 2. quia id inter doctores catholicos controversatur, testante Vasquez Disput. 203. cap. 2. Quamvis ipsemet Vasquez (quod tamen & ipsum non est de fide) l.c. cap 6. dicat, *parvulos & adultos, qui virtute sacramenti remissionem peccatorum consequuntur.*

sequuntur, solo habitu & qualitate permanente justificari.

§. 3.

De Satisfactione.

1. De fide est : falsum omnino esse & a verbo Dei alienum, *culpam a Deo nunquam remitti, quin universa etiam pœna, tam æterna quam temporalis, condonetur.* 32

2. Est de fide : *Deo per Christi merita pro peccatis, quoad pœnam temporalem, satisfieri, pœnis ab eo inflictis, & patienter toleratis, vel a sacerdote injunctis, vel etiam sponte susceptis : ut jejunii, orationibus, eleemosynis, vel aliis etiam pietatis operibus.*

3. Est de fide : *satisfactiones ejusmodi, quas pro peccatis nostris exsolvimus, non esse tales, ut non sint per Christum Jesum.* Omnis enim gloriatio nostra in Christo est, in quo vivimus, in quo movemur, in quo satisfacimus, facientes fructus dignos pœnitentiae, qui ex illo vim habent, (sicut & merita) ab illo offeruntur Patri, & per illum acceptantur a Patre. Vide Concil. tridentin. sess. 14. cap. 8. & 9. item can. 12. 13. & 14.

Pag. 33.

Ex adverso

1. Non est de fide : satisfactiones has esse vel *de congruo, vel de condigno.*

2. Non est de fide : an satisfactiones istae valeant ex sola dignitate operis, an ex promissione,

an ex utroque? an vero ex justitiae rigore, an ex sola fidelitate Dei?

3. Non est de fide: satisfactiones ejusmodi non valere, nisi per opera charitatis, aut jejuniis, orationibus, eleemosynis, dummodo a charitate sint imperata.

4. Non est de fide: justum posse satisfacere* pro alio, nisi eo modo, quo fideles possunt se mutuo juvare orando & impetrando.

5. Longius adhuc abest a doctrina & certitudine fidei: viventem posse satisfacere pro mortuis, nisi orando, & per modum suffragii. 34

6. Non est de fide: in ecclesia thesaurum esse satisfactionis Sanctorum, sive in quantum constat ex satisfactionibus Sanctorum.

7. Non est de fide: indulgentias, quae dantur, vivis seu defunctis dari per distributionem hujus thesauri, in quantum constat ex satisfactionibus Sanctorum.

Ratio horum omnium est, i. quia Tridentinum eorum non meminit. 2. quia variant hac in re opiniones doctorum catholicorum,

Pro alio] Vide pag. 26.

§. 4.

De Indulgentiis.

1. Est de fide: potestatem esse in ecclesia conferendi indulgentias, divinitus ei traditam. 35

3. Est de fide: indulgentiarum usum christiano populo maxime salutarem, & sacrorum Conciliorum
rum

rum auctoritate probatum, in ecclesia retinendum esse. Vid. Concil. trid. * sess. 25.

Sess. 25.] *Decreto de Indulgentiis*, pag. 626, edit. colon. A, 1672.

Ex adverso

Non est de fide : Ecclesiam velle aut posse indulgentias concedere *defunctis*, * *nisi per modum suffragii aut orationis*.

Nisi per modum suffragii] *Vide p. 40.*

Indulgentiae, prout hodie conceduntur, & ab Ecclesia catholica semper concessae sunt, *versantur circa remissionem poenae temporalis*, quam post remissam peccati culpam & poenam aeternam, vel Deo, vel ecclesiae, secundum antiquos canones poenitentiales, debemus. Cum igitur conveniat inter Catholicos & 36 Protestantés, esse in ecclesia potestatem remittendi peccata, non tantum quoad culpam & poenam aeternam, sed etiam quoad poenam temporalem, idque fundetur in ipsis sacrae scripturae textibus, Matth. 16, 19. Joh. 20, 23. mirum est, eos in Catholicis improbare, & evertere velle, quod ipsi faciunt ; maxime cum *abusus*, qui circa indulgentias irrepsit, Patres concilii tridentini sess. 25. p. 626 aboleverint. Et ipsi etiam Protestantes affirmant, pastores suos omnes & singulos, remittere peccata quoad omnem poenam, etiam temporalem. Atque hoc ipsum est illud, quod Catholici *indulgentias plenarias & plenissimas* vocant. Hinc non facile intelligitur, quare DD. Protestantes 37 super hac materia tantopere laborent ; neque apparet, quo.

quomodo potestas ejusmodi, quam ipsi cuilibet minimo pastorculo ruri degenti concedunt, summo Pontifici denegari possit.

§. 5.

De Purgatorio & suffragiis pro defunctis.

Est de fide : *dari purgatorium*, animasque ibi detentas fidelium suffragiis, potissimum vero acceptabili altaris sacrificio, *juvari*. Concil. trident. * sess. 25.

E contrario

1. Non est de fide : *verum & proprium esse ignem purgatorii, & ejusdem speciei cum nostro elementari*; quia nusquam ab ecclesia 38 definitum est : immo in concilio florentino Graeci aperte professi fuerunt, se non ponere ignem in purgatorio : & tamen in sessione ultima, una cum Latinis definierunt, purgatorium esse, nulla mentione ignis habita.

2. Nec de fide est *locus*, ubi sit purgatorium?

3. Nec de fide est certa *gravitas pœnarum* ibi sustinendarum.

4. Nec est de fide, *quanto tempore* duret purgatorium.

5. Non est de fide : *sacrificium missae certa lege & promissione infallibiliter & semper operari remissionem pœnae circa defunctos existentes in purgatorio*, sed illis solum ad hunc effectum valere
per

Sess. 25.] *Decret. de Purgator.* pag. 506.

per modum suffragii : quamvis indubitatum sit, divinum hoc sacrificium propter infinitam primarii offerentis & oblatis dignitatem, longe certius & copiosius animabus fidelium in purgatorio prodesse, quam quævis alia suffragia. 39.

6. Non est de fide: sacrificium missæ ex opere operato hoc operari. Ratio est, quia Concilium nihil horum determinat, & variae sunt theologorum opiniones.

7. Non est de fide: suffragia, quæ fidelibus vivis pro defunctis fiunt, certa lege illis prodesse. Tacet enim de his Concilium, & variant doctores.

8. Non est de fide: remissionem hanc, quæ fit, fieri per applicationem satisfactionum nostrarum animabus purgatorii. Si enim non est de fide, prout superius §.3. ostensum est, vivum pro vivo fidei satisfacere posse, nisi per modum orationis & impetrationis, multo minus de fide erit, fidelem vivum pro defuncto satisfacere posse. 40

9. Longius abest a fide catholica: indulgentias animabus in purgatorio existentibus aliter prodesse, quam * per modum suffragii.

Per modum suffragii] Vide pag. 35.

§. 6.

De Legum ecclesiasticarum obligatione in conscientia.

Est de fide: hominem justificatum teneri ad observantiam mandatorum ecclesiae, quoad delectum ciborum, jejunia, dies festos, &c. adeoque obe-

dendum esse Præpositis ecclesiae: quos qui audiunt Deum remuneratorem, qui vero contemnunt Deum ultorem sensuros. Vide Concil. trident. sess. 6. can. 20. & sess. 7. can. 8. de Bapt. p. 87. item sess. 22. de Delectu ciborum, p. 627. 41

Ex adverso

Non est de fide: legem ecclesiasticam, *quatenus humana est, & a sola potestate humana profecta, obligare posse, aut de facto obligare conscientiam sub peccato mortali, seu, ut utamur terminis augustanae Confessionis art. 7. de Abusibus, ita, ut imponant jugum conscientis: 1. quia lex humana ex se non attingit cognitione sua finem supernaturalem; ergo nec attingit aeternam poenam, vel præmium, quæ ad finem supernaturalem, & plus quam humanum spectant. 2. quia nullus legislator potest lege sua ad eam poenam obligare, quam ipse in suo tribunali non potest infligere, vel executioni mandare. 42. 3. quia homo lege humana non potest obligari ad actus omnino internos eo, quod humanus legislator, sive ecclesiasticus, sive civilis, non potest de illis in suo tribunali ullo modo judicare.*

Quandoquidem tamen hic supervenit lex divina, jubens obedire superioribus ecclesiasticis & politicis, parentibus & dominis, Luc. 10, 16. ad Hebr. 13, 17. Rom. 13, 1. usque ad 7. ad Ephes. 6, 5 & 6. utique hæc lex divina superveniens obligare potest & obligat ad peccatum, etiam mortale, & ad poenam æternam, ita, ut ejus trans.

transgressio reos nos faciat poenae æternæ. Hoc igitur modo lex ecclesiastica & civilis, sicut & praecepta parentum & dominorum, *mediate* obligare possunt ad peccatum grave, & sub poena inferni, non ex se ipsae, 43 ut diximus, sed propter assistentiam legis divinæ supervenientis.

Sane sic explicatam potestatem humanam, siue ecclesiasticam siue civilem, *Protestantes* nec negant, nec negare possunt. Nam primo admittunt, *Ecclesiam & Principes potestatem habere leges condendi & varia præcipiendi*, subditosque debere illis obedire. *Secundo* ostendunt hoc ab illis editae *Disciplina seu Constitutiones ecclesiasticae*, germanice *Consistorial und Kirchen-Ordnungen*, quibus varia præcipiuntur ac ordinantur. Nec etiam negant, lege divina præceptum, *obediendum esse præpositis ecclesiasticis*: nec inficiantur, *transgressionem legis hujus divinæ, si ex contemptu fiat, esse peccatum, & sæpe mortale*. In quo ergo potest esse in hoc puncto dissensio *Protestantes inter & Catholicos*? & quare, quod ipsis licitum est, 44 apud Catholicos non liceret? Si ipsi necessitate exigente possunt condere ordinationes & leges ecclesiasticas, ut suos in officio contineant; si ipsi, ad Deum placandum & deprecandum, licite & laudabiliter indicunt suis jejunia, & dies, ut vocant, poenitenciales, *Buß und Bet Tage*, adeoque subditis injungunt, ut illis diebus, etiam extra & præter diem dominicum, ferientur, & ab omni opere servili abstineant, quare, id improbant in Catholicis?

Memi-

Meminit in hoc eodem paragrapho sexto p. 22. de humanarum legum obligatione Veronius, Protestantes identidem ingerere, *Concilium tridentinum prohibere Catholicis lectionem Bibliorum vulgari idiomate*, dicitque, id meram calumniam esse: hæc enim, nec aliud, hanc rem concernens, habet Tridentinum sess. 18. * Decreto de librorum delectu: 45

Cum itaque Synodus omnium primum animadverterit, hoc tempore suspectorum ac perniciosorum librorum, quibus doctrina impura continetur, & longe lateque diffunditur, numerum nimis excrevisse, censuit, ut delecti ad hanc disquisitionem Patres, de censuris librisque, quid facto opus esset, diligenter considerarent, atque etiam ad eandem sanctam Synodum suo tempore referrent, quo facilius ipsa possit varias & peregrinas doctrinas, tanquam Xizania, a christianae veritatis tritico separare, deque his commodius deliberare & statuere. Num ibi 1. ulla vel levis mentio prohibitionis Bibliorum vulgari idiomate? Nec 2. *Regula quarta Indicis vulgati librorum prohibitorum,* 46 quam Molinæus & alii Tridentino falso adscribunt, est ullo modo tridentini concilii. Nec 3. unquam etiam *recepta fuit* vel in Gallia, vel in Germania: constat enim, *Biblia germanica* iteratis vicibus in Germania prodiisse; & est verissimum, tunc legem non obligare, quando legislatore connivente, & consentiente, a populo non recipitur. Neque 4. ibi in cit. *Regula 4. lectio Bibliorum vernaculorum absolute* prohibetur;

Decreto de libr. del.] Pag. 197.

betur, sed vult, ut stetur iudicio Episcopi, quo, ex consilio parochi, vel confessorii, lectionem Bibliorum eis concedere possit, quos intellexerit, inde non damnum, sed fidei & pietatis augmentum capere posse. Quidquid sit, nihil ad nos, cum *Regula illa nec sit Concilii, nec recepta, ac proinde non obliget*, nisi in locis, ubi promulgata est ac recepta.

Pag. 47.

§. 7.

De * Invocatione Sanctorum.

Docet Concil. tridentin. * sess. 25. Sanctos una cum Christo regnantes, orationes suas pro hominibus Deo offerre; proindeque *bonum atque utile esse*, pro impetrandis a Deo *per filium ejus Jesum Christum* (qui solus noster redemptor & salvator est) beneficiis ad Sanctorum orationes, opem & auxilia confugere.

De Invocat. Sanctor.] Placet huc referre verba Erasmi, quæ exstant l. 25. ep. 23. *Primum constat, nullum esse in divinis voluminibus locum, qui permittit invocare divos, nisi fortassis huc detorquere placet, quod dives in evangelica parabola implorat opem Abraha. Quanquam autem in re tanta novare quicquam præter auctoritatem scripturæ, merito periculosum videri possit, tamen invocationem divorum nusquam improbo, neo improbandam sentio, modo absit superstitio, quam aliquoties noto, nec id sine causa. Superstitio.*

stitutionem autem interpretor, quum omnia petuntur a divinis, quasi Christus sit mortuus: aut quum hoc animo divorum opem imploramus, quasi sint exorabiliore Deo: aut quum a singulis peculiaria quaedam petimus, quasi hoc præstaret Catharina, quod non potest Barbara: aut quum illos inclamamus, non ut intercessores, sed ut autores eorum bonorum, quae nobis largitur Deus. Vide etiam Guil. Forbes. pag. 289. & seqq. item hujus libelli pag. 188.

Sess. 25.] Pag. 507.

Ex adverso

1. Non est de fide, imo falsum est, ullum extare *praeceptum sive mandatum*, quo obligentur fideles, invocare Sanctos, cum Christo regnantes.

48

Testantur hoc ipsum illustres DD. de Walenburch tom. 2. Controvers. fidei libr. 12. tract. 4. cap. 40. pag. 267. §. 2. ubi: *Sicut fatemur*, inquit, non extare praeceptum divinum colendi aut invocandi Sanctos, eorumque reliquias, aut imagines honorandi, *ita asseveramus, nullum in totis scripturis reperiri horum omnium interdictum. Vbi vero lex non est, ibi nec pravaricatio, quam adstruere sine lege prohibente, summae temeritatis est. Et §. 7. Sicut diximus, fidelibus esse liberum invocare, vel non invocare sanctos, venerari & non venerari reliquias & imagines Sanctorum, eosdemque fideles posse salvari, sive id ipsum faci-*
ant,

ant, sive non faciant; *ita pariter asseveramus, iudem fidelibus nullatenus esse liberum, credere, vel non credere, an omnia prædicta sint licita, bona, & honesta.* 49

Iidem DD. de Walenburch tom. 2. tract. 1. cap. 17. de Invocat. Sanct. dicunt, * Episcopum bellacensem & alios recte observare, *invocationem Sanctorum * non esse ad salutem necessariam: neque etiam extat præceptum ecclesiasticum de invocandis Sanctis; quamvis nulli catholico liceat, Sanctorum invocationi, tanquam rei malæ, vel divinitus prohibetæ, contradicere.*

2. Non est de fide, imò falsum est, ad praxin invocationis Sanctorum *absolute necessarium esse, ut Sancti, quos invocamus, * infallibiliter & immediate audiant preces nostras.* 50

Apte ad hanc rem P. Dionysius Werlensis in suo Philanthone cap. 23. p. 127. *Licet Sancti preces ad se directas immediate non cognoscerent, possent nihilominus utiliter invocari, cum angeli eorum in cælis, qui semper vident faciem aeterni Patris, sint administratorii spiritus, in obsequium missi propter eos, qui hæreditatem capiunt salutis, custodien-*

106

Episcopum bellacensem] *Sic legitur apud Walenburchios; sed videtur subesse mendum typographicum, & ejus loco ponendum, bellovacensem. Quis autem ille sit, exprimere in præsens non possum.*

Non esse ad sal. necessar.] *Vide p. 70. ac Prof. fid. rom. & Kunckelii Lil. inter spin. p. 357. 360.*

Infalibiliter & immediate audiant preces nostras] *Vide p. 188.*

tes etiam eos in omnibus viis suis, quin & in manibus eisdem portantes, & consequenter, quas fundunt preces, dicto & momento citius & possint, (cum earum sint conscii, celerrimique) & procul dubio etiam (cum sint obsequiosissimi) velint ad Sanctos deferre. Et paulo post eod. cap. 23. pag. 130. Ipse nefandus daemon a maledictis cultoribus suis, maleficis, & necromanticis evocatus audit, 51 ac promptissimus adest. Qua ergo ratione soli Sancti cum Christo regnantes dicantur ab omni hominum communione sic abscessi, ut tanquam insensata cadavera in quodam scheol reposita, nil eorum, quae apud nos aguntur, queant percipere?

Neque vero ideo Sanctis tribuimus scientiam infinitam. Solus Deus omniscius est, & scientiam infinitam habet ille, qui omnia & singula, praeterita, praesentia, futura, possibilia & intelligibilia, simul & semel, per essentiam & per naturam suam, necessario cognoscit. Quid si dicamus, Sanctos in coelo, ipso Deo revelante, cognoscere preces nostras? Samuel propheta in sacra scriptura vocatur videns. Vnde? nisi quia vix quidquam tam erat occultum, 52 quod non sciret. Omnia quae sunt in corde tuo, dicebat Sauli, indicabo tibi. 1. Reg. 9, 19. & 20. Elifans dicebat Giezi suo cum donis Naaman syrii reverso: Nonne cor meum in praesenti erat, quando reversus est homo de curru suo in occursum tui? Nunc igitur accepisti argentum, & accepisti vestes &c. 4. Reg. 5, 26. Quin & scientia Elifai tanta erat, ut diceretur Regi Syriac; Elifans propheta, qui est in Israël, indi.

De Invocat. sanctorum.

*indicat Regi Israël omnia verba, quaecunque locutus fueris in conclavi tuo. 4. Reg. 6, 12. Legitur Elias propheta * aliquot annis post translationem suam in paradysum, per epistolam corripuisse Regem Judæ. Nam ad Joram allatas sunt literae ab Elia propheta, 2. Paralip. 21, 12. Elias ergo noverat statum Regis, quem per epistolam suam corripiebat.*

Aliquot annis post translationem suam in paradysum] Consentit Grotius: dissentiunt autem alii, & Cajetanus quidem ac Brenius, quanquam sine fundamento, epistolam seu scriptum illud non ab Elia thesbite, sed alio quodam ejusdem nominis venisse autumant; at Lyra, Torniellus, Tremellius & Junius, Piscator, Lutherus, Helvicus, Menzerus, Baldvinus, Hackspanius & J. Olearius, in Annotat. & Sebast. Schmidius in disput. de hac Eliae epistola §. II. (a qua sententia nec Brenius alienus est) statuunt, eam ab Elia, antequam discederet, scriptam spiritu prophetico, & vel Elisaei discipuli, vel alius cujuscumque fidei commissam fuisse cum mandato, ut suo tempore regi Joramo exhiberetur. Vide Gerhardi Conf. cathol. pag. 1015. Sanctius de tempore, quo scripta sit isthaec epistola, dubitanter loquitur, dum his utitur verbis: Sed de tempore nihil hic definitio: tantum dico, id (nempe Eliam in paradiso scripsisse literas, easque angelorum ministerio ad regias manus esse allatas) mihi videri non improbabile.

Pag. 53

Quin & Salomon de domino Deo sic ait: *Ipse dedit mihi horum, quæ sunt, scientiam veram, ut sciam dispositionem orbis terrarum, & virtutes elementorum, anni cursus, & stellarum dispositiones, naturas animalium, & iras bestiarum, vim ventorum, & cogitationes hominum, differentias virgultorum, & virtutes radicum & quæcunque sunt abscondita & improvisa, didici: omnium enim artifex docuit me sapientia.* Sap. 7, 17. & sequentibus. Mirum sane ac stupendum est, mortalem hominem tantam rerum occultissimarum scientiam habuisse: sed mirabilius est, quod dederit eam Deus illi, quem tot ac tanta flagitia prænoverat commissurum: omnium vero maxime mirandum foret, si suis æternum amicis scientiam non communicaret sine comparatione majorem ac perfectiorem ea, quam in Salomone miramur & prophetis etiam quandoque discipulis. Vide Philanthon. c. 22. §. 5. p. 140.

54

Oni-

am & Jeremiam defunctos legimus pro populo orare, Machab. 15, 12. & 14. Orabantne pro afflictionibus Judæorum, quas ignorabant? Christus ipse promittit Petro & aliis discipulis, quod ipsi, qui se secuti essent, in regeneratione, cum sederit Filius hominis in sede majestatis suæ, sessuri sint super sedes duodecim, judicantes duodecim tribus Israël. Matth. 19, 30. Quomodo vero judicabunt Apostoli facta Judæorum, quorum non habeant notitiam? Idem Salvator noster, cum de Abrahamo incidisset sermo, sic de eodem testatur: *Abraham,*

pater

pater uester, exultavit, ut videret diem meum: & vidit, & gavisus est. Joh. 8, 56. 55 Petrus apostolus non ignorabat occultam fraudem Ananiæ & Sapphiræ. Actor. 5, 1. & seqq. Stephanus adhuc in terra mortalis existens, vidit cœlos apertos & filium hominis stantem a dextris Dei. Actor. 7, 55. Johannes apostolus in terra existens, vidit subtus altare animas interfectorum propter verbum Dei, & propter testimonium, quod habebant, & clamabant voce magna, dicentes: *Usque quo, Domine, sancte & vere, non judicas, & non vindicas sanguinem nostrum de iis, qui habitant in terra?* Apoc. cap. 7, 9. & 10. Num petent vindictam, & nescient, an existant rei? Quod si hi, sancti Stephanus & Johannes, potuerunt de terra in cœlorum interiora prospicere adhuc corpore mortis aggravati, quare non possent, ab eodem liberati, de cœlo in terram prospicere, & quæ in ea aguntur, intueri? cum distantia cœli a terra, & terræ a cœlo, sit eadem. 56

Docet magnum vas electionis, apostolus Paulus: *Cum venerit, quod perfectum est, evacuabitur, quod ex parte est.* 1. ad Corinth. 13, 10. Ex hoc loco DD. de Walenburch ex S. Augustino tale formant argumentum: *Quidquid perfectionis sacra scriptura promittit Sanctis in futura vita, id Deus illis confert in futura vita. Sed sacra scriptura plus perfectionis promittit Sanctis in futura vita, quam habuerunt in praesenti vita. E.* Major est evidens. Minor fundatur in dicto apostoli loc. cit.

Jam indubitatum est, cognitionem rerum absentium, esse perfectionem. Vnde ergo haberemus causam scrupulose dubitandi, *an Sancti habeant cognitionem & notitiam precum & miseriarum nostrarum*, 57 etsi id de fide non sit? Sane S. Augustinus statuit, posse spiritus mortuorum aliqua, quæ hic aguntur, quæ necessarium est, eos nosse, & quæ necessarium non est, eos non nosse, non solum præterita, vel præsentia, verum etiam futura, *Spiritu Dei revelante*, cognoscere: sicut non omnes homines, sed Prophetæ, dum hic viverent, cognoscebant, nec ipsi omnia, sed quæ illis esse revelanda, Dei providentia judicabat. *libr. de Cura pro mort. cap. 15. tom. 4. p. 392.* Dicit Christus dominus, *majus gaudium futurum in cælo super uno peccatore pœnitentiam agente, quam super nonaginta novem justis, qui non indigent pœnitentia.* *Luc. 15, 7.* Gaudebuntne in cælo de resipiscentia peccatoris, de qua nihil sciunt? Et hæc sufficere credo ad persuadendum homini bonæ voluntatis, 58

(etsi de fide non sit certum, *Sanctos in cælo, quos invocamus, infallibiliter preces nostras audire*) nos tamen aliunde & moraliter ad hoc, ut eos utiliter & licite invocemus, satis superq; certos esse.

3. Non est de fide, immo falsum est, ad praxin invocationis hujus vel illius sancti, nisi talis in sacra scriptura nobis exhibeatur, *necessariam esse certitudinem fidei, hunc vel illum sanctum, cujus intercessionem peto, & cujus l. scriptura non meminit, revera sanctum esse.* Sufficit enim

ad

ad hoc, de hujusmodi sancti beatitudine certitudo moralis. Pulchre ad hanc rem P. Dionysius Werlensis in suo Philanth. cap. 22. §. 6. p. 124. scribit: *Nunquid honorant, venerantur, & colunt te proles tua, tanquam patrem, a quo sint progentia?* 59 *Colunt, utique & religiose quidem, si augustanam Confessionem & Lutherum sequamur. Peccabuntne, te non honorando? Dices: Peccabunt, quia praeceptum Domini est: Honora patrem tuum &c. Ast creduntne fide divina, te esse verum eorundem patrem? Non utique, cum id nullibi in S. bibliis suis legerint unquam, sed credant tantum matri suae, uxori tuae: Nam interposita matris auctoritate, inquit S. Augustinus lib. de Utilitate credendi, contra Manich. c. 12. tom. 6. de patre creditur, de ipsa vero matre, plerumque nec matri ipsi, sed obstetricibus, nutricibus, famulis: nam cui furari filius potest, aliusq; supponi, nonne potest decapta decipere?* 60 *Si ergo testimonium tuae uxoris, opinionemque probabilem, & ad summum moraliter tantum certam putas sufficere, ut te proles, quae putantur tua, possint colere, ut patrem suum, & peccent etiam non colendo; cur ergo non vides, quam ridiculum sit argumentum eorum, qui invocationem eorum Sanctorum, de quorum individuali sanctitate fidei certitudinem non habent, peccaminosam esse, ostendere volunt, eo scilicet, quod omne ex fide non proveniens, sit peccatum? Rom. 14, 23. Si enim id de fide intelligas, cui formalis illatio sit revelatio Dei indubitata, quomodo non peccabunt omnes filii, suos, quos putant tantum, & non credunt, patres religiose colentes, omnesque parentes, qui ita se permittunt*

coli?

61

Si ergo in hoc casu sufficiat *certitudo moralis*, quare non etiam in superiori?

Plurima & innumerabilia, v. g. hodiernum Pontificem romanum esse Innocentium XII, Leopoldum I. esse Germanorum Imperatorem, &c. *fide humana* verissima sunt & certissima, quæ tamen non sunt certa *certitudine fidei divine*. Ratio est, quia *fide divina nihil creditur, nisi quod Deus revelavit*. Inde tamen non sequitur, omnia alia, quæ non sunt a Deo revelata, & quæ *fide humana* creduntur, falsa esse. Ergo licet Deus de Sanctis, qui post tempora Apostolorum extiterunt, non revelaverit, v. g. *S. Nicolaum, S. Franciscum, S. Ignatium* cœlesti beatitudine gaudere, adeoque 62 non habeamus desuper *certitudinem fidei*, habemus tamen *indubitatam certitudinem moralem*, quæ ad praxin invocationis talis sancti omnino, prout diximus, sufficit.

Si DD. Protestantes considerent, nos Sanctos nostros invocando, nihil amplius facere, quam quod ipsi faciunt, quando vel infirmi, vel peregrinaturi, vel matrimonium inituri, &c. homines suos, ut pro se orent, in ipsis ecclesiis suis solenniter interpellant, mediante prædicantium suorum suffragio: si etiam 2. considerent *antiquissimam hujus invocationis in ecclesia praxin*: si deniq; 3. considerent, quod supra ex DD. de Walenburch adduximus, *fidelibus esse liberum, invocare vel non invocare Sanctos*, eosdemque fideles posse salvari, si id ipsum faciant, 63 si non faciant, dummodo credant, invocationem sanctorum licitam & utilem esse, prout tridentinum

Con-

Concilium definivit ; non video , quare hic punctus eos retardare possit , quo minus ad amabilem ac divinam ecclesiae unitatem revertantur : Si enim credant , utile ac licitum esse , homines hic mortales & peccatis obnoxios , ut pro nobis orent , implorare , quare , quaeso , non multo magis liceret , ac utile esset , id a Sanctis cum Christo regnantibus ardentissime expetere ? maxime cum Catholici bene instructi , a Sanctis (quomodocunque etiam verba sonent) nihil amplius intendant petere , nec desiderarent , nisi , ut pro se intercedendo , una secum , misericordiam Dei implorare , ac beneficia desiderata , per Dominum nostrum Jesum Christum , sibi impetrare dignentur.

Pag.64.

§. 8.

De Imaginibus.

1. Est de fide : imagines Christi , deiparæ virginis & aliorum sanctorum , licite , in templis præsertim , haberi & retineri.

2. Est de fide : eis debitum honorem , & venerationem impertiendam : non quod credatur aliquis inesse divinitas , vel virtus , propter quam sint colenda : vel quod ab eis aliquid petendum , vel quod fiducia in imaginibus sit figenda , velut olim fiebat a gentibus , quæ in idolis spem suam collocabant ; sed quoniam honos , qui imaginibus exhibetur , refertur ad prototypa , quæ illæ repræsentant , ut per imagines ,

65

C 4

coram

coram quibus caput aperimus, & procumbimus, *Christum adoremus*, & *sanctos*, quorum illæ similitudinem gerunt, *veneremur*. Hæc Concilium * sess. 25.

Sess. 25.] Pag. 507.

Ex adverso

1. Non est de fide: an *imagines Dei*, aut *sanctissimæ Trinitatis* facere & habere liceat, an non liceat, 1. quia concilium nihil de his decernit. 2. variae super hoc inter doctores catholicos sunt sententiae.

2. Non est de fide: immo, si adorationem pro cultu latriæ sumamus, falsissimum est, *adorandas esse imagines*, ne quidem Christi, multo minus Sanctorum. Valet utique apud omnes Catholicos antiquum illud:

*Effigiem Christi, dum transis, semper honora;
Ast non effigiem, sed quem designat, adora.*

Pag. 66.

Certe populus, *adorationis* nomine intelligit *cultum latriæ*; istum autem, cum sine dubio non reddatur, nisi soli Deo, blasphemum esset reddere ulli imagini: cumque dicimus, *nos adorare crucem*, sensus patet ex tridentino, scilicet per crucem, quam osculamur, & coram qua procumbimus, nos Christum adorare.

3. Neque est de fide: *cultum imaginibus delatum esse religiosum*; cum ne quidem de fide sit, *cultum ipsis sanctis delatum*, (ut infra §. 10. dicetur). *esse religiosum*: quia concilium hoc non determinat,

nat, sed tantum dicit, eis debitum honorem & venerationem impertiendam esse.

4. Longe longius abest a fide catholica: *adorandas latria imagines Dei, & eadem, qua adoratur Deus ipse*, 1. quia id non habetur, neque in concilio tridentino, 67 neque ullo alio universalis. 2. quia varia sunt circa hanc quaestionem seu modum cultus theologorum placita problematica, relata a Vasquez disp. 108. cap. 1.

5. Neque est de fide: *imagines eadem veneratione cum exemplari honorandas esse*: quia tridentinum, ut patet, ab istis omnibus abstrahit & fileat, dum prudenter hoc, nec aliud, docet: *Imaginibus debitum honorem esse impertiendum*. Alia contineantur intra septa scholastica. Nulli horum subscribere teneris, quo catholicus sis. Subscribe tridentino, & sufficit.

§. 9.

De Reliquiis Sanctorum & earum Veneratione.

1. Docet Tridentinum * Sess. 25. 68
sanctorum martyrum & aliorum cum Christo viventium sancta corpora, quæ viva fuerunt membra Christi, & templum Spiritus sancti, 1. Corinth. 3, 17. ab ipso ad æternam vitam suscitanda, & glorificanda, *a fidelibus veneranda esse*. Sess. 25.] Pag. 507.

Ex adverso

1. Non est de fide: reliquias sanctorum vener.

nerandas esse cultu, qui sit & dicatur religiosus potius, quam *dulia*, *observantia*, aut alio speciali nomine.

2. Longe abest a fide : reliquias *eadem veneratione cum exemplari*, non autem alia, honorandas esse.

3. Longissime abest a fide : has vel illas reliquias, quæ in hoc vel illo templo 69 ostenduntur, & coluntur, esse *hujus vel illius sancti, cujus reliquia esse dicuntur*. Probatur 1. quia nihil horum habetur in tridentino. 2. quia sunt quæstiones facti, ex informatione pendentes. In rebus autem facti particularibus, quæ ex informatione testimonii hominum præcipue pendent, etiam Papam & Concilium generale posse errare, conveniunt omnes Catholici, ut * supra ostensum est. Multo magis Ecclesiæ particulares falli in his possunt.

Supra] *Pag. 25.*

Addit tamen Veronius ex Vasquez disput. 112. cap. 8. quod, etsi quandoque incertæ apud aliquos reliquiæ sint, non tamen obesse, quo minus eas, quas humanis conjecturis & rationibus certas habemus, reverenter colere debeamus.

Pag. 70.

§. 10.

De Cultu & honore Sanctorum.

Est de fide : Christum adorandum, & Sanctos veneran-

vetandos esse. Vide Concil. tridentin. * Sess. 25.

Sanctos venerandos esse] *Vid. pag. 47. Kunckel p. 313. P. Dionys. Werl. Philanth. p. 351. & Guil. Forbes. p. 289.*

Sess. 25.] *Pag. 507. & Sess. 24. p. 412.*

Ex adverso

Non est de fide : honorem illum sanctis debitum *religiosum*, seu quovis alio specifico nomine vocandum esse. Probatur 1. quia nihil horum habetur in Concilio. 2. quia variae sunt doctorum sententiae.

Ex hac secretionem patet, *Protestantes non dissentire, nec posse dissentire a doctrina catholica*; nec enim venerationem omnem negant Sanctis in coelis, cum hominibus pie viventibus agnoscant reddendam, & reddant in terris. 71 Sed dicet aliquis: quandoquidem Concilium tridentinum tantum in genere statuit, Sanctis eorumque reliquiis & imaginibus *debitum honorem* exhibendum esse, non autem determinaverit, *qualis sit ille honor, sive cultus, qui iis debeatur*, non inepte quaeritur, quo nomine honor iste debeat nuncupari? Respondent Walenburchii: *Protestantes non agnoscere alium honorem, quam divinum seu religiosum*, (quem Catholici *latrariam* vocant) & *civilem seu politicum*. Horum prior soli Deo convenit, & sanctae Jesu Christi humanitati, tanquam personaliter unitae Verbo divino: posterior hominibus propter aliquam eminentiam: adeoque non relinquunt 72 Sanctis honorem distinctum ab honore civili: quam-

quamvis interim eorum locutiones in particulari hoc ipsum ponant, quod Catholici communiter docent. Catholici dicunt, duplicem esse actum religionis, alterum *elicatum & immediatum*, alterum *imperatum, & mediatum*. De actibus elicitis & immediatis non est ulla contentio, quin soli Deo debeantur; de actibus autem imperatis & mediatis legitur: *Religio apud Deum, visitare pupillos & viduas in tribulatione eorum*, Jacob. 1, 27. Et sic dicit S. Augustinus lib. 20. contra Faust. cap. 21, tom. 6. pag. 156. *Populus christianus memorias martyrum religiosa solemnitate concelebrat.* Pag. 73.

Ab hoc loquendi modo Protestantes non sunt alieni. Sic enim dicit Amesius in Bellarm. enerv. lib. 6, cap. 5. §. 33. pag. 233. *Honoranda sunt creaturae Dei ex religione erga Deum, non ex religione erga ipsas: Religio (ut Scholastici loquuntur) imperat, non elicit istum honorem.* Item: *Præcipitur, ut dies illa septimus, quem Deus ipse suo verbo designat, religiose observetur.* Et Confessio Helvetica posterior: *Si Ecclesiae pro christiana libertate memoriam dominicae nativitatis, circumcisionis &c. religiose celebrent, maximopere approbamus.* Confessio argentinensis vocat religiosa *jejunia*, art. 24. cap. 7. Confessio augustana de Potestate ecclesiastica & potestate 74 gladii dicit, *utramque propter mandatum Dei religiose venerandam, & honore afficiendam esse.* Cum igitur de voce *religiosi* nulla possit moveri difficultas, distinguimus honorem sanctorum ab honore divino, a quo infinite distat, & ab honore civili, qui

qui hominibus tribuitur, ob ſola dona naturalia, vel dignitates civiles; quia honor Sanctorum tribuitur propter gratiam ſupernaturalem & gloriam, & conſequenter obiectum habet longe excellentius, quam honor civilis. Hanc differentiam agnoſcit Confefſio helvetica poſterior artic. 18. *Speſtandi ſunt miniſtri, non ut miniſtri duntaxat, ſed ſicut miniſtri Dei: neque alii adverſantur.* Verum, quia de nomine 75 non litigamus, vocemus eum *honorem obſervantiae chriſtianae, honorem propter dona ſupernaturalia, honorem religioſum late ſumptum, vel imperatum & mediatum*, vel alio commodiori nomine, ſi quod inveniri poteſt. Vide DD. Walenburch, tom.2. Tract.1. c.15. p.9.

Ex quibus patet, quam facile etiam in hac materia, niſi velint DD Proteſtantes data opera contentionem paci & concordiae praepoſcere, fieri poſſit unio ipſos inter & Catholicos.

§. II.

De Chriſti praefentia in euchariftia.

1. Eſt de fide: in ſanctiſſimo 76 euchariftiae ſacramento contineri *vere & realiter & ſubſtantialiter* corpus & ſanguinem una cum anima & divinitate domini noſtri Jeſu Chriſti, ac proinde totum Chriſtum.

2. Eſt de fide: haec inter ſe non pugnare; ut ipſe Salvator noſter ſemper ad dextram Patris in coelis aſideat *juxta modum exiſtendi naturalis*

ralem, & ut multis nihilominus aliis in locis sacramentaliter praesens sua substantia nobis adsit.

3. Est de fide : eam sacramentaliter existendi rationem, licet verbis exprimi vix possit, possibilem tamen esse Deo, & cogitatione per fidem illustrata intelligi posse, & constantissime credendam esse. Vide Concilium trident. sess. 13. cap. 1. can. 1. 2. 3. & 4.

77

Infert hinc D. Veronius,

1. Non esse contra fidem : si corpus Christi sub symbolis eucharistiae praesens, sano sensu, dicatur *corpus spirituale*, & non *corpus animale*, 1. cum Paulus, loquens de corporibus gloriosis dicat 1. Corinth. 15, 44. *Seminatur corpus animale, surget corpus spirituale. Si est corpus animale, est & spirituale, sicut scriptum est: (Genes. 2, 7.) Factus est primus homo, Adam, in animam viventem, novissimus Adam in spiritum vivificantem*, 2. quia corpus Christi ibi est totum in toto, & totum in quavis parte, ac si esset spiritus.

2. Non esse contra fidem, immo debere dici, quod corpus Christi sub symbolis vere & substantialiter praesens, *spiritualiter, seu modo spirituali, & non animali* 78 *vel corporali modo, seu corporaliter vel carnaliter* ibi contineatur. Probat 1. quia est ibi ad modum spiritus, multipliciter : scilicet sicut angelus est hic vel ibi invisibilis, impatibilis, & totus in toto, & totus in qualibet parte, est enim indivisibilis & non frangibilis; ita corpus Christi seu Christus ipse sub symbolis est *invisibilis, impatibilis, & totus in toto, & totus sub qualibet parte* : quia ibi est *invisi-*

visibilis, & non frangibilis; modus vero existendi corporalis seu corporaliter & carnaliter existere, est existere visibiliter, patibiliter, secundum extensionem ad locum, seu totum in toto, & partem in parte, & frangibiliter. Ergo corpus Christi, seu Christus, est sub symbolis spirituali modo seu spiritualiter, & non corporali, seu carnali, nec corporaliter seu carnaliter, in dicto 79 sensu. 2. Horret animus dicere, Christum esse natum de virgine matre carnali modo seu carnaliter, licet vere ex ea natus sit: cur non & negabimus, Christum esse sub speciebus carnaliter, licet vere sub illis sit? 3. Cum Tridentinum, ut supra dictum est, profiteatur: Christum semper ad dextram Patris in caelis aspidere juxta modum existendi naturalem, & multis nihilominus aliis in locis sacramentaliter praesentem sua substantia nobis adesse, sess. 13. cap. 1. cur non & profitebimur: Christum semper ad dextram Patris aspidere, juxta modum existendi corporalem, carnalem, corporaliter, carnaliter, (haec enim naturalem illum modum existendi sequuntur) & multis nihilominus aliis in locis spiritualiter praesentem sua substantia nobis adesse, ea existendi ratione, quam, etsi verbis exprimere 80 vix possumus, possibilem tamen esse Deo, non dubitamus?

3. Totum, quod hoc loco dixit de corpore spirituali, & ratione sacramentaliter existendi sub speciebus, posse etiam ob id dici de manducatione: scilicet *Christum manducari, uti sacramentaliter & realiter, (ex Concilio) ita spiritualiter & spirituali modo, & non carnaliter seu carnali modo;*

modo, ore tamen corporis. Manducare enim corporali modo & carnali, seu corporaliter & carnaliter, est manducare ad modum, quo manducamus carnes alias, scilicet masticando & dividendo carnem in ore, gustando per palatum ejus saporem &c. Non sic manducamus Christum: ergo nec corporaliter aut carnaliter, adeoque nec corporali & carnali, sed spirituali modo & spiritualiter. 81. Adde etiam,

effectum manducationis corporalis, seu quae corporaliter fit, esse nutritionem corporis; at vero *effectum manducationis Christi* esse gratiam per modum refectionis animae, id est, vegetantem & roborantem animam in operationibus vitae spiritualis, & sic esse refectionem & nutritionem animae nostrae, quae est spiritus. Ergo etiam inde, scilicet ex effectu, potest dici *manducatio spiritualis*, & non corporalis, seu non carnalis, in dicto sensu.

4. Non esse de fide, immo falsum esse, corpus Christi contentum sub symbolis, esse, aut dicendum esse sedens, jacens, velatum, aequale, aut inaequale alteri corpori vel loco, aut sibi ipsi sedenti in caelo, aut ita grande, crassum, longum, latum, sicut in cruce, aut esse in symbolis, seu contineri in illis, tanquam in loco. Immo 82.

5. Ne quidem est de fide: Christum esse quantum sub symbolis, aut habere suam quantitatem, Probat hoc ipsum Veronius, 1. quia nihil horum habetur in tridentino. 2. quia theologum in his variant, referente Vasquez 3. part. disp. 187. cap. 1. ubi dicit, quosdam theologos docere, corpus Christi

Christi in eucharistia non esse quantum, licet suam habeat quantitatem; & alios etiam docuisse, esse ibi sine quantitate sua.

6. Non est de fide, immo falsissimum est, si comburatur hostia, aut pedibus conculcetur, aut a mure vel cane devoretur, *quidquam poenae vel dolorum inferri corpori Christi.* Inde D. Veronius infert,

7. Longe longius a fide, immo falsum esse: *Christi corpus produci de novo, aut conservari in eucharistia* 83 *per consecrationem*, quippe quod jamdiu productum fuit in utero virginis, & conservatur aeternum in coelis: falsum etiam, *quod eo adducatur, quasi descendens e caelo ad altare, vel relinquens coelum, & transiens per medium aërem.* Commenta haec sunt, deludendo populo excogitata, *in damnum maximum animarum & pacis ecclesiae.* Solum dicimus, corpus Christi esse praesens sub symbolis virtute divina, quia ipsa veritas dixit: *Hoc est corpus meum.* Impossibile vero est, mentiri Deum. Hebr. 6, 18.

Qua secretionem facta, vix ulla difficultas remanet, qua moti DD. Protestantes hac in parte a Catholicis dissideant. Inprimis enim *Lutherani*, qui verba institutionis coenae dominicae secundum literam intelligenda statuunt, ut spero, non contradicent; 84 *Reformati* autem, si Dallæum suum sequantur Apolog. cap. 7. pag. 35. dicentem: *Lutheranorum opinionem, qua statuunt, corpus Domini esse realiter praesens in pane eucharistiae, nullum habere venenum, nec praesudicare pietati, vel ipsorum, aut etiam Reformatorum*
D *salu.*

*saluti: non video, quare sine ulla causa bonum concordiae praepedirent? Cur non potius cum Catholicis & Lutheranis crederent, quod creditum ab ipsis, ex propriis suis principiis, non praejudicaret. saluti, non creditum autem, ex Catholicorum & Lutheranoꝝ principiis, denuo veret * eos ad tartara? Quare non, quod securius est, amplecterentur?*

Eos] Cathol. & Lutheranos, Reformati tamen hoc non credentes, non protinus ideo sunt dampnandi. Vide clausulam Colloquii Marburgensis Praefat. Form. Conc. §. Ad condemnationes G. Galix. de Toler. Reform. § 89. Consider. doctrin. Reform. pag. 77. & Theolog. Rinselens. epist. apologet. p. 23. 97. 121. 171.

§ 12.

De Transubstantiatione.

Est de fide: in sanctissimo eucharistiae sacramento 85. fieri conversionem totius substantiae vini in sanguinem Christi, manentibus dumtaxat speciebus panis & vini: quam quidem conversionem catholica Ecclesia aptissime transubstantiationem appellat. Vide Concil. tridentin. sess. 13. can. 2. & cap. 4. quod inscribitur de Transubstantiatione.

Ex adverso.

1. Non est de fide, immo blasphemum est, in hoc mysterio transubstantiari panem in corpus Christi, sicut panis, quem comedimus, transubstantiatur in corpus nostrum: aut per transubstantia-

tionem fieri, ut materia panis incipiat esse sub forma corporis Christi, sicut, cum panem comedimus, materia panis per nutritionem 86 incipit esse sub forma corporis nostri. Si enim id fieret, non fieret conversio totius substantiae panis in corpus Christi, sed materia illius tantum transmutaretur, sicut nutritione nostra ordinaria fit. 2. Si ita esset, Christus esset corruptibilis, augetetur, minueretur, ut fit, cum panem comedimus, & mutatur in corpus nostrum. 3. Nec est de fide: transsubstantiationem fieri ex eo, quod de novo producatür corpus Christi, aut conservetur: jam enim supra dictum est §. praecedente, corpus Christi in eucharistia nec produci de novo, nec conservari de novo.

4. Non est de fide: panem & vinum per consecrationem 87 annihilari; sicuti neque de fide est, panem & vinum per consecrationem non annihilari. Probatur 1. quia neutrum habetur in Tridentino. 2. quia doctores in hoc variant, prout Vasquez refert disput. 183. cap. 1. & 2.

4. Non est de fide: an corpus Christi huic sacramento praesens fieri potuerit, vel non potuerit absque conversione panis in ipsum? Manent haec & plura alia inutilia litigia, intra septa scholasticorum.

Pro meliori supra dictorum intelligentia nota: Etsi transsubstantiatio panis & vini, vera & proprie dicta sit conversio, idque sit de fide, non est tamen conversio formalis, qua subiectum, destructa una forma, acquirit aliam: qualis fuit ux-

ris Lothi in statuam salis, Genes. 19, 26. virgæ in serpentem, Exod. 7, 10. aquae in vinum, Joh. 2, 9. 88. manifestum enim ibi idem subiectum, & solum mutatio facta est in formis; sed est conversio totius substantiae panis in corpus, & totius substantiae vini in sanguinem Christi, iteoque stupenda, cui nulli alia similis reperitur, transsubstantiatio, ut eam vocat Ecclesia: *nova quidem, quoad vocem*, quia haec forte non est antiquior quatuor seculis, non tamen quoad rem, quod significat, quia ** semper credidit Ecclesia*, totam substantiam panis & vini desinere, & sub iisdem accidentibus succedere corpus & sanguinem Domini. Plura similia vocabula sunt in una ecclesiae, ut *Trinitas, Homousios*, &c. quae, tamen non reperiuntur in scripturis, nec semper fuerunt nota, sunt tamen in honore, quia dogmata fidei expressa in scripturis apte explodant. Vide Theolog. catechet. P. Petri Wittfeldi, libr. 4. disq. 3. instruct. 6. quaest. 3. pag. 77. 89.

Quaeres: *Quid ergo sit, & in quo consistat haec transsubstantiatio?* Respondet Veronius: non discedendum esse a verbis Concilii sess. 13. can. 2. &c. & ibi haerendum, nec sapendum plus, quam oportet sapere, sed sapere ad sobrietatem: addit tamen, quae conformiter huic materiae tradit Vasquez; non quod statuatur Veronius; ea, quae ille infert, esse de fide, sed quod sufficiat, quo quis sit catholicus, transsubstantiationi hoc modo

Semper credidit Ecclesia] Vide Guil. Forbes.

Confid. Controv. p. 397. & seq. & Fehlavii Annot.

ad Christoph. Angeli cap. 23. p. 434.

modo, aliis, si forte capta sint difficiliore, relictis, acquiescere: prout in rei veritate transubstantiationi taliter expositae, cuius facillimum erit subscribere. Explosis, inquit ille Disputat. 181. cap. II. aliorum opinionibus, superest, ut nostram sententiam, quam antiquorum Scholasticorum sine controuersia esse censemus, in medium proferamus.

90. Ea vero est: Rationem formalem transubstantiationis, neque esse mutationem, neque productionem alicuius rei, sed relationem quandam ordinis inter substantiam, quae desinit, & eam, in quam desinere dicitur. Ex quo fit, ut haec conversio, seu transubstantiatio, nulli alii mutationi, aut actioni omnino assimilatur. Et cap. 12. dicit, paleam esse significationem verborum consecrationis, ut vi significationis ipsorum, non solum fiat corpus & sanguis Christi praesens, re ipsa sub speciebus, sed etiam desinat substantia panis & vini: quia, cum sint a Christo instituta, & nomine illius proficiantur, vera esse debent, vera autem esse non possint, nisi efficiant corpus & sanguinem Christi praesentia sub speciebus, & destruant panem & vinum. Et haec adhuc clarius patent, si adducantur ea, quae praecedent disputat. 180. cap. 4. docuit: Accidentia primaria saltem indicant propriam substantiam, quamdiu ibi est, non autem alienam, & ita ostendens quodlibet corpus, in quo Deus re ipsa est, nemo vere enuntiare potest, hoc est Deus. Et si angelus esset in aliquo corpore, nemo ostendens corpus illud, vere & proprie dicere posset, hoc est angelus; sed ut vere enuntiet, dicere debet: Hic, id est in hoc loco aut corpore, est Deus, & hic, id est in hoc loco aut corpore, est

angelus. Cum enim propamen hoc demonstratiqum,
directum ad accidentia, 92. quae sentiuntur,
non demonstret illa, sed substantiam sub illis, &
propria haec substantia primario, immo solum demon-
stretur, efficitur, ut praesente propria substantia, ali-
ena nequeat demonstrari: & contra vero, si propria
substantia sub accidentibus suis non sit, sed aliena,
recte etiam, imo necessario aliena demonstratur. Cum
igitur Christus, postquam accepit panem, vere enun-
tiaverit, illud, quod sub specie illa offerebat, esse
corpus suum, & accepto calice cum vino, illud, quod
sub specie vini offerebat, esse sanguinem suum,
neque vere haec verba enuntiare potuerit de ipsa sub-
stantia panis & vini, ut patet, neque de suo corpore
& sanguine naturali, 93. si cum substan-
tia panis & vini, sub propriis accidentibus illis, simul
manerent, necessario fieri debuit, ut substantia
panis & vini desineret, & sola substantia cor-
poris & sanguinis Christi sub illis accidentibus
maneret. Quae ratio, quod attinet ad destru-
ctionem substantiae panis & vini, est efficacissima.
Uno verbo: (concludit * Veronius) transubstantia-
tio nihil addit praesentiae corporis Christi. nisi dest-
ruktionem panis, virtute significationis verborum, seu quo
verba Christi sint vera: & nomine transubstantia-
tionis nihil aliud est intelligendum, ut ex dictis patet.
Vide super hoc Pet. Wittfeldi Theolog. Cat-
ech. libr. 4. disq. 3. Instruct. 6. quae. 2. pag. 73.

Cum igitur certum sit, tenere sic transubstan-
tiationem, sufficere, 94. quo sis
catholicus, (quidquid sit de variis Scholastico-
rum

rum opinionibus) rogo te, quae difficultas, posito, quod credatur, corpus & sanguinem Domini esse realiter praesentia sub symbolis eucharistiae, de quo §. praeced. egimus, transubstantiationem hanc credendi? maxime, si, juxta Dalmatum Apolog. cap. 7. pag. 35. credere, corpus Domini esse praesens in pane eucharistiae, nullum habeas venenum, nec praejudicet pietati, nec saluti. Vnde manifeste sequitur, transubstantiationem nullum consistere venenum, nec praejudicare pietati, seu saluti illam credentis; cum ista nihil addat re ipsa praesentiae corporis Christi, nisi desitionem panis, quo verba Christi, aeternae veritatis, sint & maneant vera: quae desitio, posito, quod credere praesentiam illam non praejudicet, non potest, nisi ab emotae mentis homine censi praejudicare pietati seu saluti.

Pag. 95.

§. 13.

De Adoratione eucharistiae.

1. Est de fide: in sancto eucharistiae sacramento Christum esse cultu laetiae etiam externo adorandum, atque ideo * festiva peculiari celebritate venerandum, adeoque in processionibus, secundum laudabilem & universalem Ecclesiae sanctae ritum & consuetudinem, * solenniter circumgestandum. Vide Concil. trident. sess. 13. cap. 3. & 4. & can. 6.

D 4

2. Est

Festiva pecul. celebritate venerandum — solenniter circumgestandum] Vide Guil. Forbes. p. 435. 443.

2. Est de fide: Christum in hoc sacramento non ideo minus esse adorandum, quod fuerit a Christo domino, sic sumatur *institutam* cum, illum eundem Deum praesentem in eo adesse, 96 credamus, quem Pater aeternus introducens in orbem terrarum, dicit: *Et adorent eum omnes angeli ejus.* Psalm. 96, 8. Hebr. 1, 6. quem magi praedicantes adoraverunt, Matth. 2, 11. quem denique in Galitaea ab Apostolis adoratum fuisse, scriptura testatur, Matth. 28, 17.

Ex adverso

1. Non est de fide, imo falsum est: duas adorationes poni a Tridentino, sess. 13. cap. 5. alteram nempe Christi, alteram sacramenti; quia tridentinum non habet, esse duas adorationes; quando autem dicit Concilium l. c. *sacramentum laetitia adorandum esse*, Christus ipse sub symbolis contentus intelligitur.

2. Falsissimum est, Catholicos adorare, vel cultu patriae, & eodem, quo ipse Christus 97 colitur, colere, species sacramentales, seu symbola eucharistiae. Norunt Catholici, symbola sive species sacramentales, utpote res inanimae, secundum se capaces non esse ullius cultus & honoris, nisi quatenus conjunctae cum Christo, quem continent, adeoque *venerationem*, quae illis imponditur, mere relativam esse: quamvis Concilium tridentinum ne quidem de relativa symbolorum adoratione quicquam habeat. Schola-

stici

Nisi quatenus conjunctae cum Christo] *Vide*
Guil. Forbes. p. 440.

istei de ea disputant, vario, qui tamen opiniones suas pro articulis fidei, non venditant. Caeterum sicut honoramus * Regem vestitum, ita Christum symbolis velut opertum; & sicut impossibile est, Regem honorare, & in vestes ejus exspuere, sic quicumque Christum ibi adorat, symbola satis veneratur, quocunque nomine vocandus sit hic honor. Neque ullus catholicus, 107. 698. intendit adorare albedinem & rotunditatem, quam oculis cernit, sed solum Christum, quem non videt quidem, credit tamen ibi praesentem, licet symbola, prout dictum est, tanquam vestem Regis veneretur. Pulchre in hanc rem Veronius in Regula fidei §. 13. de Adoratione eucharistiae: *Vt eodem honore regio, non duplici, aut diverso, honoratur Rex sine pallio, & cum pallio, aut rheda tectus, ridendumque se aulicis & prudentibus exhiberet, qui Regi absque pallio honorem redderet regium, palliato autem vel rheda tectum denegaret, & stultus omnino judicaretur, si ex tali causa a regia rebellis fugeret, ne palliatum, aut rheda tectum Regem colere teneretur: 99. ita ridendos se exhibent illi, qui Christum extra eucharistiam quidem adorare, sub symbolis vero contentum, veluti palliatum & tectum, eodem adorationis cultu venerari detrectant, & propterea scissionem ab Ecclesia faciunt.*

Sane, si credere, Christum esse praesentem in eucharistia, non habet venenum, neque praedjudicat saluti, ut Dallaeus in favorem Lutheranorum statuit, non video, quomodo, si Christum in eucharistia praesentem adoramus, pos-

D 5

sit

Regem vestitum] Titius Ostsens, summar. p. 82.

fit habere venenum, & salutem adorantis praejudicium inferre. Vt quid ergo tergiversatur ad amabilem Ecclesiae unitatem redire? maxime cum referentibus DD. Walenburchiis, tom. 2. Tract. 1. cap. 41. & Lutherani doceant, Christum in pane existentem licite adorari, ut Deum, Scheibler. in Fid. antiqu. cath. de Euchar. cap. 7. art. 7. §. 3. n. 67. pag. 438. & 69. pag. 439. 106 Wittenb. Refut. Consens. orthod. pag. 316. & Christi corpus in Eucharistia Graeci elevent, & adorent, Florimond. 17. Raemund. lib. 5. cap. 12. pag. 587.

Raemund.] *De Haeret. hujus temporis.*

§. 14.

De Sacrificio missae.

1. Est de fide: In missa offerri Deo *verum & proprium sacrificium.*

2. Est de fide: eundem illum Christum, qui in ara crucis pro redemptione nostra semel se ipsum cruento obtulit, in hoc sacrificio *incruente* immolari, adeoque vero *propitiatorum* esse.

3. Est de fide: Christum in oena illis verbis: *Hoc facite in mei commemorationem*, 1. Corinth. 11, 24. & 25. & Luc. 22, 19. Apostolos instituisse sacerdotes, 101 & ordinasse, ut ipsi, utique sacerdotes offerrent corpus & sanguinem suum.

4. Est de fide: sacrificium hoc non tantum soli prodesse sumenti, sed & *pro vivis atque defunctis*, pro peccatis, poenis, satisfactionibus, offerri

ferri debere, maxime, cum una eademque sacrificij cruenti sit hostia, idemque nunc offerens sacerdotum ministerio, qui se ipse in cruce olim obtulit, sola offerendi ratione diversa.

5. Est de fide: sacrificij cruenti fructus per hoc incruentum sacrificium uberrime nobis applicari. Tantum abest, ut sacrificio cruento per hoc sacrificium incruentum ullo modo derogetur.

6. Est de fide: divinissimum hoc sacrificium nulli sanctorum, sed soli Deo, qui illos coronavit, offerri debere. Vide Concil. trident. sess. 22. cap. 1. 2. 3. item can. 1. 2. 3. & 4. — 102 —

Ut autem ea, quae superius ex Concilio dicta sunt, missam esse vere & proprio sacrificium, Protestantes facilius intelligant, & liquidius perspiciant, non eam esse difficultatem, quam sibi persuadent, operae pretium duxerunt non tantum Veronius, sed & ipsi DD. Walenburchii, id ipsum ex Vasquio disp. 220. cap. 3. & 222. cap. 7. & 8. (quamvis nec haec ipsius asserta sine de fide) explicare, ubi sic habet: 1. *Sacrificium est nota existens in re, qua profiteamur Deum, auctorem vitae & mortis.* 2. *Duplex est genus sacrificij: quoddam enim est absolutum, nempe quod non est alterius sacrificij commemoratio, veluti mactatio pecudis, vel alterius rei consumptio;* 103 *aliud vero dici potest commemorativum. Tale est sacrificium altaris.* 3. *Ratio sacrificij formalis posita est in significatione omnipotentiae Dei, auctoris vitae & mortis*

Ex Vasquio] Vide Guil. Forbes. p. 452.

mortis: ac proinde, si sit oblatio aliqua, per quam aliqua rei oblatæ immutatio, vera & reali. Deus, auctor vitæ & mortis, denotari & tali possit, vera & proprie sacrificium dici debet. Hujusmodi autem est consecratio corporis, & sanguinis Christi, absque reali immutatione ipsius Christi, ab sola representatione mortis ejus: illa igitur, vere & proprie est sacrificium. Porro autem per solam representationem mortis Christi, in consecratione, ita significari Deum, auctorem vitæ & mortis, sicut per ipsam 104. crucem, mortem Christi, manifestum est. Nam commemoratio mortis Christi in cena, eo ipso, quod mortem Christi repræsentat, & quasi præsentem eam facit, denotat Deum, auctorem vitæ & mortis, ac sit tunc Christus in honorem Dei re ipsa offerretur: atque adeo ad essentiam sacrificii in universum, immutatio rei oblatæ, non requiritur, quia commemorativum sacrificium sine illa esse patet, (tamen si rei oblatæ immutatio ad essentiam sacrificii absolute necessaria sit). Et, quod ratio formalis sacrificii, qua denotatur Deus, auctor vitæ & mortis, sine tali immutatione, in sacrificio commemorativo reperitur. Est, tamen, quoddam observandum, ad sacrificium commemorativum: 105. quod vere & proprie sacrificium dicitur, non satis esse, ut solum sit signum nudum mortis aliquæ rei, nullo modo in se continens rem ipsam, cuius morte repræsentatur: sic enim non recte diceretur, res illa, cujus mors repræsentatur, in sacrificium esse ferri, neque vere commemorativum sacrificium, quod potius signum tantum, et larva sacrificii esset: sed necessaria requiri, ut res ipsa, cujus mors repræsentatur

est, sit signum mortis sui ipsius, v. g. Si vera esset sententia eorum, qui negant sub speciebus panis & vini corpus & sanguinem Christi, & substantia panis & vini ibi adesse, repraesentari quidem posset mors Christi, ut ipsi Protestantes etiam concedunt; 106 ac Christum in sacrificium non vere & re ipsa, sed tantum in figura offerretur; nam quo pacto vere, & re ipsa in sacrificium offerri dici potest id, circa quod actio sacerdotis offerentis non re ipsa, sed tantum similitudine quadam & in figura versatur? Caeterum, cum ipsemet Christus sit sub speciebus panis & vini, & circa illam actionem sacerdotis offerentis ea ita versetur, ut ipsemet per species panis & vini, ex modo peculiari, quod a sacerdote consecratur, repraesentet crucientiam & realem mortem sui ipsius, & in repraesentatione denotet Deum, auctorem vitae & mortis, quamvis non dicatur re ipsa & vere, sed in sola figura & similitudine deesse & mori, dicitur tamen vere & re ipsa immolari; 107 & in sacrificium offerri. Hucusque Vasquez l.c. Quid autem facilius creditur, quam tale sacrificium commemorativum, inquitur Valenburchii, postquam creditur realis Christi praesentia sub speciebus panis & vini?

Ex adverso

1. Non est de fide: sacrificium missae esse sacrificium absolutum, & non tantummodo commemorativum, licet sit verum & proprium sacrificium.

2. Non est de fide: ad essentiam hujus sacrificii pertinere plures actiones, quam solam consecrationem.

3. Quem

3. Quemadmodum supra proposui, & diximus, esse de fidei sacrificium missae. Vere propitiatorium esse, sic ex adverso infert D. Veronius, non esse de fide, immo longe abesse a fide, ut sacrificium missae *eo modo sit propitiatorium, sicut sacrificium crucis*; hoc enim meritum fuit redemptionis, seu remissionis peccatorum, & gratiarum omnium, quae nobis conferuntur; & omne meritum Christi in eo fuit consummatum; & hoc sensu fuit propitiatorium; illud vero Christus voluit esse, *velut instrumentum*, ut inquit Vasquez disput. 229. cap. 2. quo meritum suae passionis nobis applicaretur, ut & applicatur per sacramenta, per fidem, & per bona opera: estque hoc sensu propitiatorium (saltem secundum sententiam probabilem) quomodo etiam fides, & pleraque sunt propitiatoria. Non potest tamen negari, quin sanctissimum hoc sacrificium sit *modo longe excellentiori propitiatorium, quam alia virtutum opera*, eo, quod offeratur ibi, immo se ipsum offerat, 1. cor. 10. 9. sacerdotum ministerio, suo aeterno patri ille, qui est propitiatio pro peccatis nostris, non pro nostris autem tantum, sed etiam pro totius mundi. 1. Joh. 2, 2. Quae sane propitiatio creditu non est difficilis, nec per eam taliter explicatam ullo modo derogatur propitiatori dignitati, aut efficaciae sacrificii crucis. Vide Concil. trident. sess. 14. cap. 1. 2.

4. Nec est de fide: *an effectus hujus sacrificii aliter conferantur, quam per impetrationem*, adeoque non nisi per impetrationem & mediantibus precibus.

pitatorium, prout docet Vasquez Disp. 228. cap. 2. & 3. ubi probat, hoc sacrificium non habere vim, instar sacramenti poenitentiae, immediate remittendi peccata cum mortalia, tum venialia, vel conferendi gratiae, aut justificationis augmentum, sed *tantum mediate*, seu vim impetrandi gratiae auxilium, quo & a mortalibus, & a venialibus justificari, & in justificatione sua homo crescere possit. Hoc modo, scilicet per impetrationem, sunt propitiatoriae, fides, oratio &c. Sed istae *ex pietate & honestate operantis*, illud *virtute rei oblatæ, seu institutionis Christi*. Eodem modo, scilicet per impetrationem, bona etiam temporalia, sicut corporis, liberatio ab aegritudine, fructus terrae, & id genus alia, effectus sunt hujus sacrificii, quae etiam oratio impetrat. Quae ergo difficultas credendi talem propitiationem, & obtentionem talium effectuum?

5. Non est de fide: *vixente hujus sacrificii sumptu certa lege obtineri, aut impetrari* auxilium gratiae ad justificationem, & bona temporalia, aut remissionem poenae temporalis in viventibus. Pendent ista magnam partem ex cuiusq; dispositione, prout experimento compertum est.

6. Nec est de fide: *sacrificium missae oblatum pro defunctis, infallibiliter operari remissionem poenae circa defunctos*, sed illis solum ad hunc effectum valere per modum suffragii.

Haec secreta facta, homini bonae voluntatis omnino facile erit, credens *sacrificium missae* sitq.

*sac esse verum, proprium, & propitiatorium sacrifici-
um pro vivis ac defunctis.*

Recte quidam ex religiosorum S. Bernardi fa-
milia ad Lutherum, post disputationem cum
daemone de sacrificio missae habitam, scripsit:
*Si missa abominatio esset, an pater, diabolus contra
eam disputaturum, & ad eam abolendam argumen-
ta subministraturum, ac non potius modis omnibus
eam stabiliturum, 112 magisque confirmaturum
esse? Vide Historiam hujus disput. ab ipso Lu-
thero prolixius narratam tom. 7. Wieteb. f. 218.*

Ab ipso Luthero] *Vide Dissert. C. Sagittarii pra-
doctr. Lutheri de Missa.*

§. 15.

*De Communionē sub una vel utra-
que specie.*

ADMONITIO AD LECTOREM.

Quandoquidem D. Veronius materiam de
communionē sub una vel utraque specie hoc
seculo maxime controversam omisit, putavi
me non male facturum, si de ea hoc loco ali-
qua superadderem.

1. Docet Concilium tridentinum sess. 13. c. 2.
Christum salvatorem nostrum, discessurum ex
hoc mundo ad Patrem, sacramentum eucharistiae
instituisse, & sumi voluisse, (1) *tanquam spiritalē
alimētum, quo alantur, 113 &
confortentur viventes, ut illis qui dixit: Qui
manducat me, & ipse vivat propter me. Johann. 6.
(2) tanquam antidotum, quo liberemur a culpis
quo.*

quotidianis, & a peccatis mortalibus præserve-
mur, (3) tanquam pignus futuræ nostræ gloriæ, &
perpetuæ felicitatis; adeoque (4) tanquam sym-
bolum unitæ illius corporis, cuius ipse caput existit,
cuique nos, tanquam membra, arctissima fidei,
spci. & charitatis connexionē adstricti, id ipsum
omnes diceremus, nec essent in nobis schisma-
ta.

112. Est de fide: Christum, quando sanctissi-
mum eucharistiæ sacramentum instituit, illis
verbis: *Hec facite in mei commemorationem*,
Luc. 22. & 1. Cor. 11. fuisse instituisse novæ legis sa-
cerdotium & sacrificium. Vide Concil. tridentin.
Sess. 22. can. 2.

3. Est de fide: Christum In ultima cœna apo-
stolis suis sanctissimum eucharistiæ sacramen-
tum porrexisse sub utraque specie. 114

4. Est de fide: Christum dominum, etsi vene-
rabilē hoc sacramentum in panis & vini specie-
bus instituerit, & Apostolis tradiderit, non tamen
illam institutionem & traditionem extendere, ut omnes
Christi fideles, Laici, & Clerici non conficientes,
ad utramq; speciem accipiendam divino manda-
to adstringerentur. Sess. 21. cap. 1. *Rationem ad-*
dixit Concilium c. l. quia, qui dixit: Nisi mandu-
caveritis carnem Filii hominis, & biberitis ejus
sanguinem, non habebitis vitam in vobis: dixit
quod dicit: Si quis manducaverit ex hoc pane, vi-
vet in æternum. Et qui dixit: Qui manducat
meam carnem, & bibit meum sanguinem, habet
vitam æternam: 115 dixit etiam: Pa-
nis, quem ego dabo, caro mea est pro mundi

vita: & denique qui dixit: Qui manducat meam carnem, & bibit meum sanguinem, in me manet, & ego in illo: dixit nihilominus: Qui manducat hunc panem, vivet in aeternum.

5. Est de fide: in sacramento eucharistiae sub unaquaque specie, & sub singulis cuiusque speciei partibus, separatione facta, totum Christum contineri. sess. 13. can. 3.

6. Est de fide: peracta consecratione in hoc admirabili eucharistiae sacramento, esse corpus & sanguinem domini nostri Jesu Christi, etiam extra usum, dum non sumitur. sess. 13. can. 4.

7. Est de fide: in hostiis seu particulis consecratis, quae post communionem reservantur, vel supersunt, remanere verum corpus Domini. Id. l. c.

8. Docet Concilium tridentinum, tres rationes dari, hoc sanctum sacramentum accipiendi: quosdam enim sacramentaliter tantum id sumere, ut peccatores; alios tantum spiritualiter, illos nimirum, qui voto propositum illum coelestem panem edentes, fide viva fructum ejus & utilitatem sentiunt; & alios porro sacramentaliter simul & spiritualiter, qui nempe ita se prius probant, & instruunt, ut veste nuptiali induti, ad divinam hanc mensam accedant. Sess. 13. cap. 8.

6. Est de fide: Christum in eucharistia exhibitum, non tantum spiritualiter; sed & sacramentaliter ac realiter manducari. Concil. trident. sess. 13. can. 8.

Pag. 117.

10. Est de fide : *sacerdoti celebranti licere se ipsum communicare.* sess. 13. can. 10.

11. Est de fide : *ampotestatem perpetuo in ecclesia fuisse, ut in sacramentorum dispensatione (salva illorum substantia) ea statueret, vel mutaret, quae suscipientium utilitati, seu ipsorum sacramentorum venerationi, pro rerum, temporum, & locorum varietate magis expedire judicaret.* Id quod in causa fuit, quod, licet ab initio christianae religionis non infrequens utriusque speciei usus fuisset, tamen progressu temporis, mutata illa consuetudine, gravibus & iustis causis adducta, hanc consuetudinem sub altera specie communicandi approbaverit, & pro lege habendam, decreverit; quam reprobare, aut sine ipsius ecclesiae voluntate pro lubitu mutare non licet. Sess. 21. cap. 2. 118

12. Est de fide : *ecclesiam ex honestis & christianae charitati consentaneis rationibus, etiam non conficientibus sacramentum, usum calicis denuo concedere posse.*

Ex adverso

Non est de fide : *eucharistiam sub una tantum specie minorem, sub utraque autem maiorem gratiam conferre.* Tenent quidem DD. Protestantes, extare* *mandatum divinum, populo communi*

E 2

canti

Mandatum divinum] Vide Gerh. Conf. cathol. 1165. G. Königii Cas. consc. p. 643. & G. Calixti disp. de Commun. sub una, Cassandri de eadem re Dialogo subjuncta, p. 146.

canti porrigendam esse utramque speciem, sed hucusque non probarunt, nec probabunt in aeternum. Qui etiam ex illis docent, ~~quod abstemium~~ *licitam esse solam speciem panis*, quomodo convincent, extare praeceptum ~~non ab omni~~ *divinum* de communionem sub utraque specie? ~~et si quique~~ *docent, ecclesiam non habere potestatem dispensandi in praecepto divino*, volentne ipsi in eo dispensare, ut abstemiis suis permittant communionem sub una specie? nunquid potius dicent, non esse praeceptum divinum communicandi sub utraque specie? Quod si aliqui dicant, *necessitatem* excusare ab observatione praecepti, non autem dare licentiam transgrediendi praeceptum, hi utique nolent permittere suis abstemiis licentiam transgrediendi, adeoque magis volent a communionem prorsus abstinere abstemios. Qui vero docent ex Protestantibus, *in necessitate** pro vino licitum esse usum aquae vel mulsi in communionem, hi utique nullam fingent necessitatem communicandi *sub specie panis & vini*, 120 quando loco vini aquam, vel mulsum indulgent: ideoque necessario dicent, non esse ejusmodi praeceptum divinum communicandi sub specie panis & vini.

Considerent etiam DD. Protestantes, quomodo ipsi teneant, sub una specie totum accipi Christum. Reformati dicunt in Confess. Gallic.

Abstemii] *Vide G. Königii Cas. consc. pag. 522, p. 524. & G. Calixti Resp. ad Moguntin. n. 27.*

Pro vino licitum esse usum aquae vel mulsi] *Vide Königii Cas. consc. p. 508, 519.*

lic. art. 36. *Credimus, Christum nos nutrire & vivificare sui corporis & sanguinis substantia.* At substantia corporis & sanguinis Christi semper est unita: *Christus enim jam non moritur.* ad Rom. 6, 9. ac proinde non nisi utroque nutrimur. Hoc ipsum statuunt Reformati, quando volunt nos elevare corda in cœlum ad habendam veritatem sacramenti, ubi est Jesus Christus in gloria sui Patris; ibi autem integre est Christus, qui nos integer nutriat: foretque blasphema cordis elevatio, si ad corpus 121 Christi tanquam mortuum dirigeretur. Pariter & Lutherani docent * in Apolog. Confess. august. ad art. 10. & apertius * in Confess. Wûrtemberg. de Eucharistia, *sub una specie totum Christum accipit cum corpore & sanguine.* Manet igitur de sola vini gutta omnium Protestantium querela, quae, indulgente Ecclesia, juxta praecedentem propositionem duodecimam, si in reliquis accederent, facile sopiri posset. Ipsi * Graeci frequenter communicant sub una specie. Vide Florimund. Raemund. lib. 4. cap. 5. pag. 422.

In Apologia Confess. august. ad art. 10.] *Fortē istis verbis? An fortasse putat, ignotam nobis mysticae benedictionis virtutem esse? quae cum in nobis fit, nonne corporaliter quoque facit, communicatione carnis Christi, Christum in nobis habitare? Sed synecdochica haec est locutio, qua caro Christi ponitur pro corpore & sanguine Christi: nam articulus 22. Aug. Conf. sumtionem sub utraque specie defendit, ibique dicitur: Constat autem* E. 3 *tem,*

De Communionē sub una.

tem, quod consuetudo, (*communicandi sub una tantum specie*) contra mandata Dei introducta, non sit probanda: ut testantur canones *Dist. VIII. cap. Veritate*, cum sequentibus. Haec vero consuetudo non solum contra scripturam, sed etiam contra veteres canones, & exemplum Ecclesiae recepta est.

In Confess, Württemberg.] *Cujus integra verba haec sunt: Etsi non negamus, quod totus Christus tam pane quam vino eucharistiae dispensetur, tamen docemus, usum utriusque partis debere universae Ecclesiae communem esse. Manifestum enim est, quod Christus ipse nihil periculis, quae postea humana superstitione excogitata sunt, aut aliis commentis deterritus, tradiderit Ecclesiae utramque partem utendam. Manifestum etiam est, quod vetus Ecclesia usa sit utraque parte multis annis. Et testantur aliquot scriptores perspicue, eos, qui solum panem accipiunt, non accipere plenum sacramentum sacramentaliter, (sic enim loquuntur) & divisionem unius denique mysterii sine grandi sacrilegio fieri non posse. Quare sentimus, usum utriusque partis esse vere catholicum & apostolicum, nec licere ulli homini hanc Christi institutionem, & tam diuturnum veteris ac verae Ecclesiae ritum, pro sua libidine mutare, & laicis, ut vocant, alteram partem eucharistiae auferre.*

Graeci frequenter communicant sub una specie] *Immo nunquam in publico coetu: sicut fatetur*

retur Cassander operum pag. 981. 1019. 1025.
 & pluribus in locis, ac testantur, praeter experientiam, (quam & ipse habeo, qui Graecorum
 sacris frequenter interfui) Orthodoxae confessionis ecclesiae orientalis auctor (qui doctissimo interpreti Laur. Norrmanno Petrus Mogilas esse perhibetur) pag. 166. 168. Metrophanes Critopulus in Confess. orient. eccles. c. 9. p. 90. 98. edit. Joh. Horneii, Christoph. Angelus de Satu hod. Graecor. c. 23. Fehlav. in Annotat. pag. 364. 438. & Zialowski in Delineat. eccles. orient. graecae p. 89. ubi Gundlingius annotat, Haberkornium in Vindic. Antiferor. p. 467. ex Jeremia, patriarcha constantinopolitano, Leone Allatio, Nihusio, Goare, Ecchellenfi, Gabriele sionita & aliis probatum id dedisse. Quae sane testimonia, Raemundi assertioni merito praeferuntur. Vide etiam Guil. Forbes. 426. 431. & Thoma Smith Epistolam de Gracae eccl. hod. statu, III. & Defens. hujus scripti 13. Patres Concilii tridentini sess. 13. cap. 2. docent, venerabile eucharistiae sacramentum esse spirituales animarum cibum, quo alantur & confortentur viventes vita illius, qui dixit: Qui manducat me, & ipse vivet propter me. Johann. 6, 51. Cum vero spiritualis ista nutritio, 122
 quam ex hujus sacramenti sumptione fideles participant, * non minus sub una, quam sub utraque specie percipitur, ac perinde sit, Christum

E 4

stum

Non minus sub una] Vide Cassandr. p. 248. & in Consult. de Commun. sub utraque p. 1032. & G. Calixti disp. de Commun. sub una p. 175.

stum sumere vel sub specie panis tantum, vel sub specie vini tantum, vel denique sub utraque simul, quia ubique cum carne & sanguine totus est, & consequenter ubique potus & cibationem habet, adeoque totum spirituales fructus ex hujus sacramenti sumptione in animam redundans, non ab ipsis speciebus, sed a Christo, tanquam omnium gratiarum fonte, desumatur, & is, uti dictum, aequè sub una, ac sub utraque, vere & realiter praesens sit, non potest non plenam refectionem animae praestare per modum cibi & potus spiritualis, sive sub una sive sub utraque sumatur: sicut enim sitis & esuries spiritualis potest esse ejusdem rei, ut patet ex illo, Matth. 5, 6. *Beati, qui esurunt & sitiunt justitiam*; si ceteram una eademque res potest esse potus & cibus spiritualis.

Ex his ulterius sequitur, hoc interesse discrimen inter corporalem & spirituales nutritionem, quod illa fiat cibo & potu, tanquam duabus rebus distinctis, e quibus alia sit cibus, alia vero potus: haec autem spiritualis fiat una re, quae simul cibus & potus est. Itaque Christus, qui continetur totus sub specie panis, sub illa eadem specie est cibus & potus: idemque Christus, qui etiam totus continetur sub specie vini, sub eadem quoque specie simul cibus & potus est: unde in tali materia, quae animae refectionem concernit, manducare & bibere, esurire & sitire, indifferenter pro eodem in scriptura accipiuntur. Hallucinatio vero multorum, qui non possunt capere, quomodo per unius speciei sum-

sumtionem 124 possit manducari corpus
 & bibi sanguis Christi, juxta ipsius praeceptum,
 Joh. 6, 53. *Nisi manducaveritis carnem Filii homi-*
nis & biberitis ejus sanguinem, non habebitis vitam
in vobis &c. nisi sumatur sub utraque specie, ori-
 tur ex mala hominum non bene instructorum
 apprehensione: imaginantur enim sibi, sub spe-
 cie panis, tanquam solida, puram aliquam car-
 nem, quæ itidem solida est, adeoque non nisi
 ad manducandum ordinata: & sub specie vini,
 utpote liquida, ad bibendum apta, purum ali-
 quem sanguinem. Haec autem imaginatio
 praecipue fundatur in hoc, quod verba conse-
 crationis panis non significant, nisi praesenti-
 am corporis tantum, & verba consecrationis
 calicis, solius sanguinis praesentiam significant:
 ex quo 125 simplices firmissime sibi
 persuasum habent, illud solum sub unaquaque
 specie contineri & accipi, quod exprimunt ver-
 ba consecrationis, id est, seorsum corpus a san-
 guine: et sicut ex uno inconvenienti commu-
 niter sequuntur plura, ita illi quoque simplices
 ex defectu debitae instructionis, *manducationem*
corporis, & bibitionem sanguinis Christi crude ac-
 ciunt, pro eo manducandi modo, quo man-
 ducantur carnes ex macello, ad pellendam fa-
 mem, & postmodum seorsum bibitur vinum
 ad sedandam sitim, ut putabant Capernaïtae,
 Joh. 6, 52.

Corrigenda ergo in praesenti est haec ima-
 ginatio, fideles debite instruendo circa hoc
 magnum sacramentum, in quo sensus decipi-
 untur,

untur, & per intellectum (qui solus hic locum habet) dirigendi sunt. Et quidem, ut primus
 126 eradicetur error, bene notandum est, aliud esse, dicere, *quid in hoc sacramento praesens sit sub unaquaque specie, vi verborum praecise, & quid ibi sit praesens absolute & realiter, & per concomitantiam.*

Fatemur omnes, *vi verborum* sub specie panis non contineri, nisi *corpus Domini praecise, & vice versa, sub specie vini, vi verborum* non esse, nisi *sanguinem Christi*. Hoc tamen non obstante, realiter & absolute loquendo, sub utraque specie etiam seorsum sumpta, totus Christus continetur, propter necessariam connexionem omnium, sine quibus vivum Christi corpus reperiri non potest. Haec *absoluta & realis praesentia sufficit ad praestandam animae plenam refectiorem, sub unica solum specie, eo, quod efficacia illa nec explicita verborum significatione, nec ex ipsis speciebus, aut symbolis, sed ab ipso Christo sub speciebus contento desumatur.*

127

Ex hoc etiam corrigenda est altera deceptio, qua *nonnulli manducationem & bibitionem corporis & sanguinis plus aeque carnaliter intelligunt; quamvis enim, juxta promissum Christi, caro ipsius vere sit cibus, & sanguis ejus vere sit potus, Joh. 6. non tamen est cibus & potus eo crasso modo, quo cibus & potus corporalis: adeoque nec manducatio, aut bibitio pure corporalis, & capernaïce, nec etiam pure spiritualiter, & Reformatorum more intelligenda est, sed pro vera*
 &

& reali sumptione tam corporis, quam sanguinis Domini, & cum utrumque realiter & substantialiter sub alterutra specie, sive unica, contineatur ac sumatur, *unam speciem sumens, recte dicitur manducare corpus, & bibere sanguinem Christi,* 128 *licet non modo bibendi carnali,* qui nihil facit ad rem. Profecto si verum est, prout secundum superius dicta, tam Catholici, quam Reformati & Lutherani fatentur, quod Christus non amplius moriatur, sed, ubicunque sit, totus & integer cum carne & sanguine adsit: insuper caro ejus vere sit cibus, & sanguis ejus vere sit potus; ille autem, qui vere carnem & vere potum sumit, non inepte manducare & bibere dici possit, idque fiat sub una tantum sive panis sive vini specie, *non video, tantam in hoc negotio difficultatem superesse,* quo minus etiam in hoc puncto, adspirante Dei gratia, conciliatio fieri possit.

Pag. 129.

§. 16.

De Papa, ejusque primatu & auctoritate.

Est de fide: (1) sanctam apostolicam Sedem & romanum Pontificem *in universum orbem tenere primatum.* (2) Esse *successorem beati Petri, principis Apostolorum,* & (3) *verum Christi vicarium,* (4) *totiusque Ecclesiae caput,* & (5) *omnium Christianorum patrem ac doctorem,* & (6) ipsi in beato Petro *pascendi, regendi, ac gubernandi*

nandi universalem Ecclesiam a Christo plenam potestatem traditam esse. Vide Concil. trident. sess. 25. & explicatius Concilium florentinum, in quo Graeci & Latini considerunt, & potestas haec, praesertim a Graecis exactissima discussa fuit, anno Christi 1439.

Ex adverso,

Ut infert Veronius,

1. Non est de fide: Pontificem romanum docentem aliquid, in concilio particulari, aut synodo provinciali, dum extra universale concilium docet, esse judicem supremum controversarum fidei, aut esse infallibilem, aut, quod sic definiunt, ferret, esse de fide catholica, nisi aliunde constaret de sensu totius Ecclesiae. Probat 1. quia id non habetur neque in Tridentino, neque in Florentino, neque in ullo concilio universali, quin immo in Professione fidei & in Tridentino sess. 4. Decreto de editione & usu sacrorum librorum, de sola Ecclesia dicitur: *Cujus est judicare de vero sensu & interpretatione scripturarum sanctarum.* 2. quia nullus Doctorum hucusque, nec ipse Bellarminus, id esse de fide catholica censuit. 3. quia inter doctores catholicos varii varia sentiunt, etiam referente Bellarmino T. 1. de Rom. Pontif. l. 4. cap. 2.

2. Non est de fide: Papam, etsi convocet concilia generalia, eisque vel per se vel per legatos suos praesideat, * esse supra Concilium universale.

3. Nec
Esse supra Concil. universale] *Vide Wagenses disp. de Elect. R. Pontif. p. 7.*

3. Nec a contrario de fide est: *Concilium universale esse supra Papam*, nisi in his casibus a doctoribus quibusdam expressis, (1) si Papa fiat haereticus, (2) si Papa sit dubius, quia in schismate electus, (3) si Papa invalide sit electus & intrusus. Vide P. Plettenbergii S.l. Introd. ad Jus canon. cap. 15. §. 14. pag. 298.

4. Longe abest a fide: Pontificem, etiam ut Pontificem, *habere indirectam in regna temporalia potestatem* ita, ut in ordine ad bonum spirituale ea uni auferre, & alteri conferre possit. Optime hic Veronius: *Meo quidem, inquit, iudicio, criminari deberet esse particularibus, de his statuendo quidquam* 132 *pronuntiare: cum id sit semen discordiarum, dasset Papam & Reges bene consentientes spargere.* 133

Placet hic apponere, quae DD. de Walenburch tom. 2. Tractat. 1. cap. 11. pag. 7. de Primatu S. Petri, ejusque successoris tradunt: *Solent Protestantes vehementer impugnare primatum S. Petri & successoris ejus, episcopi romani. Sed cum inter utramque partem conveniat, Christum Jesum esse caput Ecclesiae, qui solus per internum gratiae influxum eam regat; & in quo vicarium habere non potest: non est litigandum de titulo capitis, quem aliis tribui posse, non negabunt Protestantes, quibus notum est, nos eo titulo nihil aliud intelligere, quam pastorem & rectorem a Christo constitutum.* 133

Ipsi Protestantes in suis synodis eligunt praesides & moderatores, & quod apud ipsos electivum est & temporaneum, apud Catholicos in episcopatu Romano creditur perpetuum:

cujus Episcopi in octodecim generalibus conciliis praesederunt. Multi protestantes non negant, S. Petrum habuisse inter Apostolos aliquam praeminentiam: sed nolunt, eum habuisse majorem jurisdictionem, quam singulos Apostolos seorsum consideratos. Et tamen soli Petro apertissime dixit Christus: Quodcunque ligaveris super terram, erit ligatum & in caelis, & quodcunque solveris super terram, erit solutum & in caelis, Matth. 16, 19. & c. 18, 18. Eadem suprema potestas, 134 quae est concessa soli S. Petro, est etiam concessa collegio apostolico: & sic docemus, eandem supremam potestatem etiamnum perseverare in successore S. Petri & conciliis generalibus. Ita rursus Christus dicit, soli Petro: Pasce oves meas, Joh. 21, 17. ubi omnes omnino oves intelligi, non difficulter concedent Protestantes. Singularis autem illa datio potestatis, non debet carere proprio effectu. Hoc autem agnovit Johannes Huls tract. de Eccles. cap. 9. fol. 211. Cumque fateantur Protestantes, ea, quae sunt ordinariae potestatis, esse in Ecclesia perpetua, & agnoscant usum clavium, uti & rationem pascendi pertinere ad officium ordinarium; facile perspiciunt, potestatem 135 S. Petro concessam debere continuari in ejus successore. Hoc iterum agnoscit Joh. Huls tract. de Eccl. c. 13. fol. 129. & quae est. de Credere fol. 170. Neque est, quod de successione Episcopi romani litigent, quousque alium non designant S. Petri successorem; quod hucusque non fecerunt. Simili modo concludendum videtur S. Justinus martyr Dialog. cum Tryphone

§. 17.

De Iudice controversiarum.

Decernit Tridentinum sess. 4. p. 9. *Vt nemo suae prudentiae innixus, in rebus fidei & morum, ad aedificationem doctrinae christianae pertinentium, sacram scripturam ad suos* 136 *sensus contorquens, contra eum sensum, quem tenuit, & tenet sancta mater Ecclesia, cuius est judicare de vero sensu & interpretatione scripturarum sacrarum interpretari audeat. Haec, nec plura Concilium. Quare, ut doctrina* *his contenta est de fide, quia proposita a concilio universali; ita a contrario in hac materia nihil aliud est de fide. Notum est unicuique, aliud esse regulam, aliud operarium vel artificem: aliud esse legem, aliud esse iudicem. Qui dicunt, scripturam solam esse iudicem controversiarum, confundunt legem cum iudice, nisi per iudicem intelligant normam & regulam; & sic bono sensu admittitur apud Catholicos ea propositio: non enim negant, sacram scripturam, si pro norma & regula,* 137 *secundum quam judicari debeat, sumatur, esse iudicem controversiarum.*

Quando etiam Protestantes dicunt, a Spiritu sancto, sanctarum scripturarum auctore, petendum esse verum sensum verbi divini, hoc ipsum afferunt, quod docet Ecclesia catholica. Dicunt enim Concilia, ad exemplum primi concilii apostolici: *Visum est Spiritui sancto & nobis. Act.*

15. 28. Neque enim homines dant sensum scripturæ; sed Spiritus Christi, permanens cum Ecclesiæ doctoribus & pastoribus, & qui utitur verbi divini ministris, tanquam suis organis, docens eos omnem veritatem. Matth. 10, 20. c. 18, 20. Luc. 10, 16. Joh. 16, 13.

Non igitur *principaliter* judicat Ecclesia de sensu S. scripturæ, sed *Spiritus sanctus* in conciliis præsidens, 138 in ecclesia residens, sensumque verborum suorum universis ab initio declarans. Quis enim novit spiritum & sensum Domini, nisi ipse Dominus literarum, spiritus & sensus? Constat etiam ex ipsa Catholicorum & Protestantium in synodis suis praxi, *controversias religionis terminari per synodos & concilia*. Testatur hoc ipsum *Synodus dordrechtana*, ubi Arminiani, nolentes acquiescere iudicio synodi, a functionibus suis sunt remoti, & declarati schismatici. Vide DD. de Walenburch tom. 2. Tract. 1. cap. 7. pag. 3.

Licet vero tanta sit *auctoritas* legitimorum Conciliorum universalium in ecclesia, ut per totum hunc libellum vidimus, *longe tamen major est sacrae scripturæ*. 1. quia *sacra scriptura est verbum Dei immediate revelatum*, & , dictante Spiritu sancto, literis consignatum. 2. Pet. 1, 19. 20, 21. 2. Tim. 3, 15. 16. 17. 139 *Concilia vero declarant, quomodo intelligendum sit*, atque ex eo per discursum conclusiones deducendo, *conciliariter*, adeoque *infallibiliter* definiunt, ac proponunt dogmata toti Ecclesiæ tenenda. 2. Scriptura etiam in particularibus & unum tantum homi-

hominem spectantibus errare nequit: at *Concilia in iudiciis particularibus, quae sunt puri facti, obnoxia sunt errori.* 3. In scriptura non tantum sententiae, sed etiam singula verba ad fidem per-
tinent, at non in *Conciliis.* 4. Scriptura non eget approbatione Papae, ut sit authentica; *Concilia vero, ut rata sint & obligare possint, egent Pontificis approbatione.* Vide P. Plettenberg, S.I. Introduct. ad Jus can. cap. 16. pag. 305. In summa: *Concilia non faciunt verbum Dei, sed de eo testantur, & verum ejus sensum fidelibus, Spiritu sancto dirigente, infallibiliter exponunt.* 140.

Atque haec sufficiant ex Regula fidei Veroniana, & ad factam inde *Secretionem eorum, quae sunt de fide catholica, ab iis, quae non sunt de fide.* Te autem, B.L. ut memor sis eorum, quae in Praefatione praemonui, denuo obtestor. Vale, & ei, qui se, non auctorem, sed descriptorem eorum, quae in hoc libello continentur, libere profitetur, benigne fave.

**SOLI DEO
HONOR ET GLORIA.**



APPENDIX

Ad

Regulam fidei Veronianam.

BENEVOLE LECTOR. *Quandoquidem ea, quae saepius laudati DD. de Walenburch in Tractatibus suis de Controversiis fidei, tom. 1. Tract. 1. pag. 163. & seqq. in Examine principum fidei, Exam. 3. de principio catholico docuerunt, ad illorum, quae in hoc libello continentur, declarationem & confirmationem multum conferre videntur, 142 placuit aliqua ex iis excerpere, & hic inserendo attexere: ubi imprimis notendum, excellentissimos hos viros ingenue fateri, quod magnum in hoc negotio subsidium sibi attulerit eximius D. Veronius, docens, quae nam apud nos fidei catholicae, & quae nam inter DD. Catholicos, salva unitate fidei, & salva compage charitatis, controversa, aut minus certa sint. Cujus scientiam e doctissima Societate Jesu prodeuntem, ajunt, se venerari, sententiam longo usu fundatam libenter sequi, & labores optimo successu a Deo dotatos honorare. Vide l.c. §. 1. n. III.*

EXA-

Pag. 143.

EXAMEN TERTIUM,
DE
PRINCIPIO CATHO-
LICO,

Quod est

Verbum Dei ab Ecclesia
propositum.

§. I.

De Verbo Dei.

*V*erbum Dei catholicum, seu toti Ecclesiae commune, est nota, sensum divinae mentis, hominibus per auctores canonicos manifestans.

1. *Illud omne & solum est verbum Dei, toti Ecclesiae commune, quod Deus revelavit per Prophetas, Apostolos, & autores canonicos. Sumus enim superaedificati super fundamentum Apostolorum & Prophetarum. ad Ephes. 2, 20.* 144

2. Catholica ecclesia nihil recipit, ut verbum Dei, quod Deus revelavit post tempora Apostolorum. Ratio est, quia, licet ejusmodi revelationes, supposita earum veritate, sint proprie verbum Dei, non tamen sunt factae, ut cre-

derentur ab universali Ecclesia. Constat, revelationes esse factas S. Ambrosio, aliisque sanctis, ad utilitatem Ecclesiae; sed etiam constat, eas non contigisse, ut, tanquam verbum Dei, ab Ecclesia catholica reciperentur.

3. Catholica Ecclesia non credit fide divina & catholica *ulla miracula, quae evenerunt post tempora Apostolorum*. Ratio hic eadem est, quae in praecedenti propositione. Sunt quidem *vera miracula*, quoddam *verbum seu testimonium Dei*, circa ea tamen non versatur fides catholica:

145. cum non fiant, ut ab Ecclesia catholica fide divina credantur. Temerarium profecto esset, *certis miraculis, etiam post tempora Apostolorum factis, obstrepere*: Si enim assentimur historicis fide dignis, cur a S. Augustino, miracula sibi visa referente, dissentiremus? Aliud tamen est, fide divina catholica haec aut illa credere, & aliud, fide humana. Vbi bene notant DD. Walenburchii, licet *in particulari non credamus fide catholica*, haec aut illa, quae nunc contingunt, esse vera miracula, *nos tamen credere fide catholica, vi praedictionum Christi, etiam his temporibus contingere miracula*.

§ 2.

De Verbo Dei scripto.

Verbum Dei scriptum vocamus, quod a Deo revelatum est, & ab auctore canonico literis consignatum.

146

1. *Illud omne est verbum Dei scriptum, quod in*
S. scri-

S. scriptura expresse legitur. Hoc nullus negat. Verum quia verba posita sunt propter sensum, solet non raro *lis oriri de sensu verborum*. Et adversarii quidem nostri, docentes, unum tantum esse * sensum literalem scripturae, quomodo invenient eum, qui est vere revelatus a Spiritu sancto? Dicit v.g. Christus, *ferendas esse quaslibet injurias*. Matth. 5, 39, & 40. Cur instituunt actiones injuriarum, & litibus agunt, contra monitum Apostoli, 1. Cor. 6, 7? Deinde est expressum mandatum Christi: *Cum jejunas, unge caput tuum*. Matth. 6, 17. Cur hoc non faciunt? Tertio Christus dicit: *Nolite possidere aurum, neque argentum, neque pecuniam in zonis vestris, non peram in via, neque duas tunicas, neque calceamenta, neque virgam: dignus est enim operarius cibo suo*. Matth. 10, 9. & 10. 147 Cur hoc non servant? Quarto, cur non omnes laborant, ut, ad mandatum Dei, *in sudore vultus sui vescantur pane suo*? Gen. 3, 19. Quinto, cur *excusso pedum pulvere non abeunt e locis, in quibus non recipiuntur*? Matth. 10, 14. Sexto, cur non *fugiunt e civitatibus, in quibus persecutionem patiuntur, & fugiunt in alias*? Matth. 10, 23. Septimo, cur non habent *lucernas ardentes in manibus suis, & lumbos praecinctos*? Luc. 12, 35. Haec & alia quomodo docebunt sufficienter, non esse observanda, ut sonant? Et similis ratio est in multis scripturae locis, ad controversias fidei spectantibus, in quibus cum aliquando videntur afferre rationem sibi probabilem, nunquam afferunt sufficientem. Catho-

F 3

ad

Sensum literal,] *Vide Glass. Philol. S. 259.*

lici autem, scientes, scripturam cum vero sensu ad Ecclesiam pervenisse, 148 in illis explicandis non laborant; habent enim *praxin universalis Ecclesiae*, ab Apostolis ad haec usque tempora descendantem; habent *concilia generalia*, ex quibus sensum verbi Dei cognoscunt.

2. *Revelata propositione universali, etiam revelatae sunt formaliter omnes particulares sub universali contentae.*

3. *Revelata quacunque re, simul revelantur modi intrinseci ejusdem rei.* v.g. *revelata sapientia divina, formaliter revelatur realitas & infinitas sapientiae divinae: quia nec realitas nec infinitas sapientiae divinae affert quidditatem sive essentiam novam, distinctam formaliter a sapientia divina.*

4. *Revelato definito, revelatur formaliter definitio.* v.g. *quia revelatum est, Christum esse hominem, etiam formaliter revelatum est, Christum esse animal rationale:* 149 *licet enim explicitate non dicat animal rationale, qui dicit homo, dicit tamen formaliter animal rationale, qui dicit homo. Neque illa propositio, Christus est animal rationale, est ideo fidei, quod sequatur ex hoc syllogismo: Omnis homo est animal rationale. Christus est homo. Ergo Christus est animal rationale: Non enim habemus* fidem philosophicam dependentem a formis syllogismorum; sed ideo est fidei haec propositio, Christus est animal rationale, quia formaliter huic, Christus est homo, aequivalet. Et quis neget, definitionem formaliter*

Fidem philosophicam] Confer p. 154.

ter æquivalere definito ? Ergo qui revelavit, *Christum esse hominem*, simul formaliter revelavit significatum formale hominis, *scil. animal rationale*.

5. *Revelata definitione, formaliter revelatur definitum.*

6. *Revelato toto physico, revelantur partes physicae.* 150 v.g. dum revelatur, quod *Christus sit homo*, revelatur etiam, quod *Christus habeat corpus & animam.*

7. *Revelata propositione indefinita, quae enuntiat praedicatum essentialis, vel proprietatem logicam de subiecto, revelatur aequivalens universalis,* v.g. *Homo est animal*, est æquivalens huic, *Omnis homo est animal*; & haec rursus formaliter continet omnes particulares inferiores. Similiter, *Homo est risibilis*, æquivalet huic: *Omnis homo est risibilis*. Et haec formaliter continet omnes particulares inferiores.

8. *Revelato uno correlatorum, etiam formaliter revelatum est alterum correlatum.* Ratio est, quia ordo relati ad suum correlatum est essentialis, adeoque terminus formaliter includitur. Ita in divinis revelata hac propositione, *Christus est Dei Filius*, quia *Filius*, 151 *ut talis*, dicit essentialem ordinem ad Patrem, etiam formaliter revelatum est, quod *Christus, ut Filius Dei, habeat Patrem.*

9. *Quidquid in scripturis praedicatur de natura singulari rationali, potest etiam formaliter praedicari de supposito singulari,* v.g. *Dominum Deum tuum adorabis*: ubi mandatur adoratio Dei, &

haec revelatio formaliter identificatur supposito divino. Vnde licet scriptura non dicat expresse, *Spiritum sanctum esse adorandum*; quia tamen dicit, Spiritum sanctum esse Deum, quidquid praedicatur in scriptura de natura divina, formaliter identificatur Spiritui sancto, & de eo praedicari potest. Atque hinc illud efficitur, *Christum dominum in S. eucharistia esse adorandum*: quia, licet sacra scriptura id expresse non dicat, est tamen formaliter revelatum, Deum esse adorandum; 152 cumque illud praedicatum conveniat naturae divinae, etiam convenit Christo in eucharistia existenti, quem verum esse Deum, nobiscum fatentur Lutherani. Qui si ulterius dubitent, videant, an detur in scriptura expressum mandatum, adorandi Spiritum sanctum. Hoc si non detur, & tamen credunt, adorandum esse Spiritum sanctum, quia Deus est, & Deus adorandus est; agnoscant, & Christum in S. eucharistia esse adorandum, quia Deus est, licet in scriptura non sit expressum mandatum pro adoratione Christi in SS. eucharistia.

10. *Revelata in scriptura sacra* affirmatione unius contradictoriorum, contrariorum, vel disparatorum, *revelatur formaliter negatio contradictoriorum, contrariorum vel disparatorum*. Et hoc valet in contradictoriis, quoad necessitatem 153 absolutam: in reliquis, quoad necessitatem physicam. Ratio est, quia quodlibet est, vel non est. Quae est maxima necessaria, in qua fundantur omnes locutiones affirmativae &

& negativae. Qui affirmat esse, formaliter negat non existentiam, vel non esse. Qui affirmat, parietem esse album, simul formaliter negat, esse rubrum: quod est disparatum. Neque enim potest fieri, ut contraria vel disparata eidem subiecto convenient. Hinc illud efficitur, quando Christus dixit, *Hoc est corpus meum*: si vox *corpus* accipiatur in propria significatione, uti nobiscum credunt Lutherani, non tantum affirmari corpus de subiecto, sed etiam formaliter negari de subiecto non corpus: quod est contradictorium:

154 & quia corpus & panis sunt disparata, etiam formaliter negari panem de subiecto, atque ita, quando aliqui Lutherani exponentes verba, *Hoc est corpus meum*, dicunt, * esse sensum, *Hic panis est corpus meum*, tunc expresse ponunt in subiecto, quod Christus formaliter negavit de subiecto. Est igitur falsa propositio, *Hic panis est corpus meum*; quia copula significat veram identitatem praedicati cum subiecto, quæ non potest reperiri inter disparata: sicut non invenitur identitas & veritas ista, *Hoc corpus meum est panis*: quæ tamen, secundum regulas conversionis, deberet esse vera, si prior esset vera. Alii Lutherani aliter exponunt verba Christi: sed illae expositiones pertinent ad materiam de S. eucharistia.

II. Omnis exceptio formaliter supponit regulam, v.g. scriptura dicit, 155 esse aliquod peccatum, quod non remittitur in futuro secu-

F 5 lo:

Esse sensum, *Hic panis est corpus meum*.] Vide J. Musaci disp. de Transsubstantiat. §. 3.

10: * ubi supponitur formaliter, aliqua peccata remitti in futuro seculo. Quod S. Gregorius notavit.

12. *Revelato effectu, etiam formaliter revelata est causa.* Effectus enim sine causa perfecte cognosci nequit: & conceptus formalis effectus involvit notitiam causae, propter quam res est. Hoc observavit Tertullianus: *Marcion, ut carnem Christi negaret, negavit etiam nativitatem; aut ut nativitatem negaret, negavit & carnem: scilicet ne invicem testimonium redderent & responderent nativitas & caro.* Lib. 4. de Carne Christi, cap. 1.

13. *Revelata actione causae efficientis, etiam formaliter revelatus est terminus seu effectus proprius ejus actionis.* Nam sicut effectus formaliter supponit causam, v. g. caro Christi supponit nativitatem; 156 ita actio causae efficientis importat effectum: v. g. nativitas Christi importat carnem Christi, & ea invicem sibi testimonium reddunt, uti observatum est paullo ante ex Tertulliano.

§. 3.

De * Consequentibus ex Scriptura deductis.

Nulla conclusio, quae tantum deducitur ex una praemissarum, quae est scripturae, & ex altera ratio.

Vbi supponitur formaliter] Vide G. Calixti seu Gesenii disput. de Purgatorio, §. 48. & Lightfoos Hor. hebr. & talmud. in Matth. 12, 32.

De Consequentibus] Vide p. 18.

tionis evidentis, ac necessariae, est fidei catholicae sive illa conclusio consideretur, ut deducta ex praemissis in forma dispositis, sive consideretur independenter a forma, sed tantum ut virtualiter contenta in praemissa revelata. Haec propositio nullum habet dubium apud Catholicos: sunt enim doctores, qui affirmant, tales conclusiones esse fidei; sunt, qui negant. Vnde apud hos & illos certum est, 157 eas non esse fidei catholicae: sive non est necesse, ut omnes eas agnoscant pro revelatis.

Pro instructione catholici notant DD. de Walenburch in Meth. sua august. part.2. cap.4. *Quando altera praemissarum est scripturae, altera evidens, & forma argumenti bona, tunc sequi conclusionem theologicam, certam quidem & veram, non vero absolute divinam: quia tota causa, utraque nimirum praemissarum, non est divina. Si vero altera praemissarum sit probabilis tantum, ipsa conclusio erit probabilis tantum; si altera praemissarum sit falsa, ipsa conclusio erit falsa, ut, quae sequitur debiliorem partem antecedentis. Ipse Calixtus, vir apud Lutheranos celeberrimus, docet Resp. contr. Mogunt. n. 20. ob contradictorium talis conclusionis, hominem non damnari. Ergo, ex sententia Calixti, tales conclusiones non sunt fidei catholicae, utpote quarum contradictorium non damnat.*

De Verbo Dei non scripto.

Verbum Dei non scriptum vocamus, quod a Deo revelatum est, sed a nullo auctore canonico literis mandatum. Talis erat doctrina Christi & Apostolorum, antequam scriberetur novum testamentum: & tales dicit Ecclesia catholica esse varios articulos tam fidei, quam morum, qui per Apostolos quidem Ecclesiis insinuati, non tamen ab auctoribus canonicis conscripti sunt.

*Docet Concilium tridentinum * sess. 4. Veritatem & disciplinam doctrinae christianae contineri in libris scriptis, & sine scripto traditionibus, quae ipsius Christi ore ab Apostolis acceptae, aut ab ipsis Apostolis, Spiritu sancto dictante, quasi per manus traditae ad nos usque pervenerunt.* 159

Sequitur in hoc Ecclesia monentem apostolum 2. Thess. 2, 15. Itaque, Fratres, state, & tenete traditiones, quas didicistis, sive per sermonem, sive per epistolam nostram. item 1. Cor. 11, 2. Laudo vos, quod per omnia mei memores, sicut tradi di vobis, praecepta mea tenetis. & v. 34. Caetera, cum venero, disponam. item 1. ad Tim. 6, 20. O Timothee, depositum custodi, devitans profanas vocum novitates, & oppositiones falsi nominis scientiae. item 2. ad Tim. 1, 13. & 14. Formam habe sanorum verborum, quae a me audisti in fide & indilectione, in Christo Jesu. Bonum depositum custodi per Spiritum sanctum. item 2. ad Tim. 2, 2. Quae audisti

Sess. 4.] Decreto de Canon. scripturis, p. 7.

audisti a me per multos testes, 160 haec commen-
da fidelibus hominibus, qui idonei erunt & alios do-
cere.

Sequitur etiam * SS. Patres, Basilium * lib. de
Spir. S. Dogmata, quae in Ecclesia praedicantur, qua-
dam habemus e doctrina scripto tradita, quaedam
rursus ex Apostolorum Augustinum traditione. * lib.
2. de Bapt. cap. 7. Multa non inveniuntur in literis
Apostolorum, neque in Conciliis posterorum; & tamen,
quia custodiuntur per universam Ecclesiam, non nisi
ab ipsis tradita & commendata creduntur. Epiphan.
* haeres. 53. Non omnia a divina scriptura possunt
accipi: aliqua in scripturis, aliqua in traditione S.
Apostoli tradiderunt. 161

Quin & ipsi DD. Protestantes credunt no-
biscum, 1. quod tot sint sacramenta. 2. quod tot
sint libri canonici. 3. quod christiano non liceat
habere plures uxores. 4. quod infantes sint bapti-
zandi. 5. quod ab haereticis baptizati, non sint
rebaptizandi. 6. quod ad essentiam baptismi re-
quirantur certa verba. 7. quod B. V. post par-
tum manserit virgo. 8. quod loco sabbati, dies do-
minica sit celebranda. 9. quod liceat comedere san-
guinem & suffocatum, quamvis ea prohibeantur
Act. 15, 29. 10. quod tota scriptura veteris ac novi
testamenti simul sumpta, sit verbum Dei. 11. quod
tota illa Scriptura, saltem quoad articulos ne-
cessari.

SS. Patres] Vide Gerhardi Conf. cathol. p. 141.

Lib. de Spir. S.] Cap. 27.

Lib. 2. de Bapt. cap. 7.] Tom. 7. pag. 84, edit. parif.
A. 1555.

Haeres. 53.] Vel 61. p. 511. tom. 1, edit. colon. A. 1682.

cessarios, maneat nobis *salva & incorrupta*. 12. quod habeamus hujus vel illius loci obscurioris verum ac legitimum sensum. 13. quod Spiritus sanctus a Patre, *Filioque* procedat. 14. quod hic articulus verus sit: *Filius a Patre solo est, non factus, nec creatus, sed genitus: Spiritus sanctus a Patre & Filio, non factus, nec creatus, nec genitus, sed procedens*. 162 15. quod in Christo *una tantum sit persona*. 16. quod in Deo sint *tres distinctae, divinaeque personae, una vero natura*. Quae omnia argumentis evidentibus & necessariis ex sola scriptura probari * non possunt, & tamen aequè ab illis, atque a nobis creduntur, & respectivè practlicantur.

Ariani * disputantes de divinitate Christi, nihil volebant admittere, nisi scripturam. Vnde Maximinus, Arianorum episcopus, disputaturus cum Augustino, dicebat: *Si quid de divinis scripturis protuleris, quod commune est cum omnibus, necesse est, ut audiamus. Hae vero voces, quae extra scripturam sunt, nullo casu a nobis suscipiuntur*. Refert S. Augustin. libr. 1. contra Maximinum in principio. Sic *Macedoniani & Eunnomiani* volebant admittere hanc locutionem: 163 *Gloria Patri & Filio & Spiritui sancto*, eo, quod non haberetur in scriptura. Basil. in lib. de Spirit. S. c. 25. Sic *Eutyches*, negans in Christo duas naturas, dicebat: *Ego a sacris scripturis non didici de duabus naturis*. Pariter & *Pelagiani* dicebant: *Credamus, quod legimus, & quod non legimus, nefas credamus asstrue-*

re:

Non possunt] *Vide Zeidler. Luth. def. 414.*
Ariani] Vide Gerhardi Conf. cathol. p. 138.

re: ut refert Augustin. in lib. de Natur. & Grat. cap. 39. Videantur super his Becanus in Manuali Controversi. lib. 1. cap. 2. & DD. Walenburchii tom. 1. Tract. 6. p. 779. de Traditionibus non scriptis. *Nunquid tutius est*, sequi S. apostolum, doctorem gentium, & S. primitivae ecclesiae Patres, quam antiquos ab eadem ecclesia proscriptos haereticos?

Neque vero Catholici dicunt: Scripturam sine traditionibus *humana* insufficientem esse ac imperfectam. 164 Non docent hoc Catholici de traditionibus humanis. Distinguunt enim cum Augustino Epist. 118. inter *apostolicas*, quae parem cum scriptura auctoritatem habent, & *ecclesiasticas* traditiones, quae tantam auctoritatem non habent. Docent autem Catholici, scripturam per se solam non sufficere, *nisi accedant traditiones apostolicae*, quae non humanae, sed divinae censentur. Ratio duplex est: prior, quia scriptura non sufficit, nisi constet de legitimo illius sensu; at saepe non constat, nisi ex apostolica traditione: posterior, quia multa creduntur a Christianis, prout superius ostensum est, quae non habentur ex scriptura sola, nisi accedat apostolica traditio.

Quaeris, *quomodo traditio apostolica possit habere parem vim & auctoritatem cum scriptura?* 165 Respondet Becanus Manual. Controversi. lib. 1. cap. 2. Sicut doctrina Apostolorum, quae in illorum scriptis continetur, propterea est & vocatur *verbum Dei*, quia a Deo inspirata est: sic etiam

etiam doctrina Apostolorum, quae viva tantum voce tradita est & sine scripto, est *verbum Dei*, quia Deus eam inspiravit. Sicut enim doctrina Matthaei, Marci, Lucae, Johannis, Pauli, Petri, Jacobi & Judae, quae in evangelis & epistolis scripta est, vocatur *verbum Dei*, quia Deus eam inspiravit: sic etiam doctrina Andreae, Philippi, Bartholomaei, Matthiae & Barnabae, quam ipsi viva voce praedicarunt, debet aequè vocari *verbum Dei*, quia Deus similiter eam inspiravit.

§. 5.

De Ecclesia, quae proponit verbum Dei.

Pag. 166.

1. Per *Ecclesiam catholicam* intelligimus omnes Catholicos toto orbe diffusos, vel Concilium generale, cui praesidet, vel quod approbat summus Pontifex.

2. *Omnes fideles* toto orbe diffusos recte dici *Ecclesiam*, nemo negat. *Concilium generale* recte dici *Ecclesiam*, dissidentes negare non possunt: & si malint, vocent Concilium generale omnes Ecclesiae doctores simul sumtos: iis enim promisit Christus, futurum, ut non errent.

3. Esse necessarium, ut sit *Ecclesia proponens verbum Dei*, agnoscunt adversarii. * Melancht. in Loc. comm. de Eccl. p. 548. * Calvin. Lib. 4. Institut. cap. 1. §. 4. * Confess. Helvet. poster. artic. 27. 18.

Melanchth. in Loc. Commun. de Eccl. p. 548.]

Sive pag. 479. Corp. doctr. christ. Argentorati editi A. 1580. Verba autem ejus, quo collimare videtur citatio, haec sunt: Ipsum verbum Dei est iudex, (quando de scripturae sententia dissensio oritur) & accedit confessio verae Ecclesiae. Semper enim sequuntur verbum, tanquam iudicem, aliqui pii, & confessione firmiorum adjuvantur infirmi. — Ita veteres damnaverunt famosatenum, & deinde Arrium. Iudex erat verbum Dei, id est, testimonia ex evangelio bona fide & sine sophistica prolata, quae convincunt non calumniose iudicantem: sed multum adjuvantur tunc quoque infirmi in pronuntiando confessione firmiorum, scilicet eorum, qui Apostolos, aut eorum discipulos audierant, & quos constabat fuisse fideles custodes doctrinae, ut Polycarpi, Irenaei, Gregorii neocaesariensis. — Ita iudex est verbum Dei, & accedit purae antiquitatis confessio: vult enim Deus in ecclesia esse ministerium vocis. Quare audienda est Ecclesia, ut doctrix, sed fides & invocatio nitantur verbo Dei, non humana autoritate. ... Docentem Ecclesiam amare, vereri & venerari discamus. pag. 480.

Calvinus lib. 4. Instit. cap. 1. §. 4.] *Sen cap. 8. §. 3. edit. genevens. A. 1550. ubi dicitur: Quam autem necessaria sit ecclesiae fides, (sen ut credatur, esse ecclesiam) hinc constat, quod, ut in vitam immortalem renascamur, illi-*

us gremio foveri oportet. Est enim nostra omnium mater, penus quam gratiae suae thesauros depositos esse voluit Dominus, quo & ejus fide conserventur, & per ejus ministerium dispensentur. p.216.

Confess. helvet. poster.] *Anni 1566. ubi cap. 17. p.31. dicitur: Quando autem Deus ab initio salvos voluit fieri homines, & ad agnitionem veritatis venire, oportet omnino semper fuisse, nunc esse, & ad finem usque seculi futuram esse Ecclesiam. Et c.18. Deus ad colligendam vel constituendam sibi Ecclesiam, eandemque gubernandam & conservandam, semper usus est ministris, iisque utitur adhuc, & utetur porro, quoad Ecclesia fuerit in terris. Proinde spectandi sunt ministri, non ut ministri duntaxat, sed sicut ministri Dei, per quos Deus salutem hominum operatur. Rom. 10. 14. Job. 13. 20. Act. 16. 9. 1. Cor. 3. 9.*

4. Itaque necesse est credere verbo Dei per Ecclesiam proposito, modo nobis constet, hanc Ecclesiam nec decipi, nec decipere. 167

Nota. *Propositio Ecclesiae non est ratio formalis vel effectiva fidei nostrae: ratio enim formalis est sola veritas Dei revelantis; ratio autem effectiva est Spiritus sanctus, mentem illuminans, fidemque generans. Sed quia verbum Dei, per ministerium ecclesiae nobis innotescit, tanquam per medium a Deo ordinatum: quomodo enim credent ei, quem non audierunt? quomodo autem audient sine praedicante? Rom. 10, 14. talis pro-*

propositio Ecclesiae est *dispositiva*, non domi-
nans fidei, sed *cooperans* nostrae infirmitati.
Quocirca credimus Deo loquenti per ecclesi-
am, quae ejus instrumentum est & ministra.
Quo major est auctoritas Dei, ecclesiam audi-
endam esse jubentis, eo major est auctoritas &
dignitas ministerii: quid enim majus, quam
Deum per ecclesiam nos docere? Huic non
acquiescere, Deo reluctari est, ejusque ordina-
tioni. 168 *Dei ergo ministra* est Ecclesia,
& *fidelium magistra*, legatione sibi a Deo com-
missa fungens, dum nos incredendis instruit,
fidemque sufficienter proponit. *Credimus verba*
Dei per scripturam*, ut per instrumentum, quod
verba Dei continet, nobisque insinuat: *Credi-*
mus verbo Dei per ecclesiam, ut fidam ministram.
Sed per scripturam non crederemus, nisi eccle-
sia nobis diceret ac testaretur, esse verba Dei,
quae in scriptura continentur. Qui audierunt
verbum Dei ab Apostolis, nonne illud accepe-
runt ab hominibus? Habuerunt illi *immediatam*
revelationem, quae ecclesiae post tempora A-
postolorum non contingit; sed, quoad nos, per
inde est, siue ecclesia nos doceat ex immediata,
vel mediata revelatione: cum certum sit, assi-
stentiam Spiritus sancti, ejus ministerio esse
promissam. 169

§. *Auctoritas Ecclesiae verbum Dei proponentis*,
non est illud, in quod ultimate resolvitur fides
nostra, sed auctoritas & veritas Dei reve-

G 2

lan-

Credimus verbo Dei per scripturam] *Vide*

pag. 206.

lantis: licet enim objecta fidei (quae in scholis vocantur *materialia*) sint varia, seu res creditae multiplices, una tamen est ratio formalis fidei, qua credimus ob auctoritatem Dei revelantis.

6. Nulla est *fidei sufficiens probatio*, sine verbo Dei: & de nullo verbo Dei nobis sufficienter constat, *sine propositione ecclesiae non errantis*. Per notitiam hujus ecclesiae *verbum Dei fit evidenter credibile*. Haec requiruntur ad probationem fidei, haec sufficiunt: licet enim gratia Spiritus sancti interius moventis necessaria sit, ut fidem amplectamur, non tamen ex ista gratia mihi concessa, *alteri* probatur, fidem esse suscipiendam.

Pag. 170.

§. 6.

Fideles ante & post Concilium tridentinum habuisse eandem fidem.

1. In Conciliis generalibus frequenter factae sunt *novae definitiones seu propositiones articulorum fidei*, v. gr. *Baptismum extra Ecclesiam collatum, esse validum, nec iterandum*: de quo S. Augustinus libr. 1. contra Crescon. cap. 32. tom 7. p. 168. *Cum inter Episcopos anterioris aetatis, quam esse inciperet pars Donati, ista questio fluctuaret, & varias haberet inter se collegarum, salva unitate, sententias, hoc per universam catholicam (Concil. nicen. can. 8) quae toto orbe diffunditur, observare placuit, quod tenemus.*

a. Saue

2. Sane Ecclesiae propositio non facit, ut aliquid incipiat esse revelatum, quod antea non erat revelatum a Deo, sed facit, ut omnibus & singulis 171 possit constare, articulum v. g. de validitate baptismi extra ecclesiam collati, esse a Deo revelatum: cumque post eam definitionem omnes episcopi & doctores crederent, eum articulum esse a Deo revelatum, non habuerunt diversam fidem ab iis, qui ante definitionem ecclesiae, contrariam sententiam, salva unitate defendebant: quia ratio formalis fidei, auctoritas Dei revelantis, ab utrisque tenebatur, ut una & indivisibilis, eamque statuebant amplectendam juxta propositionem ecclesiae, diversitate sententiarum manente circa solum materiale revelati, quia formale revelati tali materiali convenire, necdum constabat. Si post definitionem ecclesiae esset diversitas sententiarum circa articulum ab ecclesia propositum, ea diversitas non esset tantum circa materiale fidei, sed etiam circa formale, 172 quia constaret de formali revelatione, & negaretur verbum Dei ab ecclesia propositum, essetque diversa fides.

2. Quocirca tam illi, qui ante definitionem concilii niceni tenebant, baptismum apud haereticos collatum esse validum, quam illi, qui salva unitate contra veram sententiam disputabant, semper illud tenuerunt: *A verbo Dei, ab ecclesia proposito, non esse recedendum.* Quo posito, licet aliqui veritatem non tuerentur, non tamen credebant invaliditatem baptismi, ut ar-

G 3

ticu-

Ecclesiae propositio] Vide p. 14.

ticulum fidei catholicae; credebant autem veritati in isto generali fidei principio, & animus erat praeparatione catholicus.

4. Eodem modo se res habet cum illis, qui ante definitionem Concilii tridentini, de nonnullis quaestionibus, salva unitate disputabant. Licet enim circa materiale 173 alicujus revelati, non una esset omnium sententia, erat tamen una circa formale omnium revelatorum, unaque fides. Nam in ipsa catholica ecclesia magnopere curandum est, ut id teneamus, quod ubique, quod semper, quod ab omnibus creditum est: hoc est enim vere proprieque catholicum, ut ait Vincent. lirin. cap. 3. Horum autem haec basis est: *Verbo Dei ab Ecclesia proposita esse credendum.* Propositione Ecclesiae nondum facta, aut facta quidem, sed oblivione multorum oblitterata, etiam diversa sentientium eadem fides est: quia nec verum tenentes, nec a veritate aberrantes, defendunt suam sententiam, ut catholicam, & ab omnibus necessario amplectendam; & errantium animus est correctionis praemeditatione catholicus. Atque ita, ecce, unus est populus, & unum est labium omnibus. Gen. II, 6. 174

5. Idem pariformiter dicendum de iis, quae hodiernum post Tridentinum inter Catholicos, salva fidei unitate, v.gr.* de immaculata conceptione B. virginis, de infallibilitate summi Pontificis extra concilium universale, item an Papa sit supra concilium &c. *controvertuntur*: Sunt enim & manent tam negantes, quam affirmantes, (esto,

De immacul. concept. B. virg.] Vide p. II.

sto, quod a parte rei alterutrum debeat esse determinate verum) boni Catholici, quamdiu iudicium suum, cum praeparatione animi, Ecclesiae definitioni & propositioni submittunt. Vnde infertur, si aliquis ex his articulis ab Ecclesia foret definiendus, ex hoc capite illos, qui antecederent ad hanc decisionem contrarium senserunt, non effici haereticos: *licet enim circa materiale revelati non idem senserint, ratio tamen formalis fidei, scilicet auctoritas Dei revelantis, ab utrisque tenetur, ut una & indivisibilis, eamque statuunt amplectendam secundum propositionem Ecclesiae, diversitate sententiarum manente circa solum materiale, quia formale revelati tali materiali convenire, necdum constat.*

Pag. 175.

§. 7.

De Propositione Ecclesiae.

1. Ecclesia proponit verbum Dei per Concilia generalia, confirmata a summo Pontifice, totius Ecclesiae pastore, vel per summum Pastorem cum Concilio generali. Itaque in genere asserimus, verbum Dei proponi per Ecclesiam, id est, per Pontificem cum Concilio, vel per Concilium cum Pontifice. In quo omnes Catholici conveniunt.

2. *Necessitatem propositionis docet Christus: Si non venissem, & locutus fuisset eis, peccatum non haberent. Joh. 20, 22.* Requiritur enim, vel ut Christus

immediate 176 per se loquatur, vel ut
mediate per ecclesiam loquatur. Item aposto-
lus Rom. 10, 14. & 17. *Quomodo credent ei, quem
non audierunt? quomodo autem audient sine praedi-
cante? quomodo vero praedicabunt, nisi mittantur?*
*Ergo fides est ex auditu, auditus autem per verbum
Christi.*

3. Ad hoc pertinet textus Matth. 10, 40.
*Qui recipit vos, me recipit: & qui me recipit, recipit
eum, qui me misit.* item Luc. 10, 16. *Qui vos au-
dit, me audit, & qui vos spernit, me spernit. Qui
autem me spernit, spernit eum, qui misit me.* nec
non 2. Cor. 13, 3. *An experimentum quaeritis ejus,
qui in me loquitur Christus?* Vbi observandum,
Apostolos fuisse locutos ex immediata revelatio-
ne; ecclesiam vero loqui citra novam revelatio-
nem.

4. Nullus articulus est fide catholica credendus,
nisi proponatur universae ecclesiae. Ratio est, quia
hoc solum est vere catholicum, quod ab omni-
bus est credendum. 177

5. Articulus fidei catholicae innotescit per pra-
xin universalis ecclesiae. Ratio est, quia uni-
versalis Ecclesia habet promissionem non er-
randi.

6. Nulla praxis universalis Ecclesiae est definiti-
va, nisi sufficienter constet de illa praxi. Ratio est,
quia alioqui non habetur ut sufficienter propo-
nens. Vbi ergo non plane constat de ea praxi,
pacis studium observandum est, expectanda-
que Ecclesiae definitio.

§. 8.

*De Articulis morum ab Ecclesia
Catholica propositis.*

1. *Dantur articuli morum*, qui ab Ecclesia catholica proponuntur, sive in generali concilio, sive per praxin universalis ecclesiae, ut a Deo revelati. 178 Tales dari, nullus dubitat, qui ecclesiam novit, vel sacram scripturam legit.

Dicunt dissidentes, *nihil esse faciendum in materia religionis, cujus in scriptura non habeatur mandatum, vel exemplum*: & hoc ubique ingeminant, * nullibi probant.

2. *Omnes articuli morum ab Ecclesia catholica propositi, sunt liciti.* Probatur 1. Quidlibet censetur licitum, donec probetur illicitum. Hoc natura docet, & * habet textus in *l. Pergit §. C. de Sepulchr. violat.* 2. ex Confess. basil. anni 1532. articulo 10. dicente, quod *nemo prohibere possit, quae ipse (Christus) non prohibuit.* Et similia habet * Conf. argent. Vedelius probat, ut licere consequentiis, quia non est in scriptura prohibitum; & addit: *In scriptura prohibentur omnia, quae saluti hominum noxia, aut verae fidei contraria sunt.* 179

3. Credendum est, *omnes articulos morum ab*

G §.

Eccle-

Nullibi probant] Probant in loco de Perfectione scripturae.

Habet textus] Non explicite, sed implicite, ut doctoribus videtur, & ita, ut id inde deducatur.

Conf. argent.] Forte cap. 1. 8. & 14. sed certius reperies in Wirtemb. Refut. Conf. orthod. §. 16.

*Ecclesia catholica propofitos, effe licitos. Probatur: Vbi non est lex, nec praevaricatio, Rom. 4. 13. Hoc generaliter revelatum, est positive credendum. Sub hac univerfali continentur omnes particulares. Hinc fi non est lex prohibens invocationem sanctorum, venerationem reliquiarum. &c. credendum est, invocationem sanctorum, venerationemque reliquiarum effe licitam: atque idem est de caeteris. Contra articulos morum, quos Ecclesia catholica proponit, non affertur lex naturalis, non lex divina, non lex Ecclesiae. Deficiente ergo lege prohibente, deficit praevaricatio: & hoc credendum est. Eodem facit: *Qui non est contra vos, pro vobis est.* Luc. 9, 50.*

180

4. Vidimus ergo institutionem divinam: videamus jam exempla. 1. *Abraham* dedit decimas *Melchisedeco* sacerdoti ex omnibus, Gen. 14, 20. Qua praeunte institutione divina? quo exemplo? 2. *Iobus* obtulit holocausta pro singulis filiis suis, Job. 1, 5. Vbi mandatum vel exemplum? 3. *Rechabites* non biberunt vinum, nec vineam plantaverunt, idque ex solo praecepto patris sui *Jonadab*, Jerem. 35, 6. & 7. Vbi institutio divina vel exemplum? & tamen in scriptura laudantur ibidem v. 14. & seqq. 4. *Primi Christiani* habebant omnia communia inter se, & non cum aliis: ut intelligamus, communionem initam intuitu religionis, Act. 4. 32. Vbi institutio divina vel exemplum? 5. *S. Paulus* virginibus continentiam suadet; & tamen fatetur, se non habere praeceptum Domini, 1. Cor. 7,

25. Vbi exemplum? 6. *Diva virgo* servavit virginitatem. Vbi mandatum vel exemplum? 181 Haec & similia, quae in sacris scripturis sunt obvia, ostendunt, *esse licitas actiones morum, in materia religionis, licet nulla institutio divina, vel mandatum praecesserit*: atque his aliisque exemplis scripturarum edocti, auctoritatem divinam sequimur.

5. Credendum est, *omnes articulos morum ab Ecclesia catholica propositos, esse utiles*: quia diligentibus Deum, omnia cooperantur in bonum. Rom. 8. 28. Et sub ista universalitate omnes passionibus continentur, earumque utilitas designatur. *Sive manducatis, sive bibitis, sive aliud quid facitis, omnia ad gloriam Dei facite.* 1. Cor. 10. 31. item: *In omnibus honorificetur Deus per Jesum Christum.* 1. Pet. 4. 11. De justo legitur: *Omnia, quaecunque faciet, prosperabuntur.* Ps. 1. 3. Vbi utilitas ostenditur in omnibus actionibus a justo procedentibus. 182

Sed & ecce mandatum: *Omnia vestra in charitate fiant*, 1. Cor. 16. 14. Quae est utilitas charitatis? *Ego diligentes me diligo*, inquit divina sapientia, *ut ditem diligentes me, & thesauros eorum repleam.* Prov. 8. 17. & 21.

6. Itaque ex institutione divina actiones morum licitae, sunt fidelibus utiles. Videamus exempla. 1. Centurio mittit Judacos ad Christum, & beneficium postulat. Luc. 7. 3. Vbi speciale mandatum, institutio divina vel exemplum? & tamen beneficium sanitatis impetravit servo suo. ibid. v. 10. Haec utilitas est. 2. *Mulier, quae sanguinis fluxum patiebatur*, quaerens sanitatem, tetigit finem.

183.184 *De Articulis mor, ab Eccles. propof.*

fimbriam vestimenti Christi. Matth. 9, 20. & 22;
Vbi speciale mandatum, institutio divina vel
exemplum? & tamen beneficium sanitatis im-
petravit. 183 Haec utilitas est. 3. Sudaria
& semicinctia S. Pauli deferrebantur ad aegrotos,
ut sanitatem obtinerent. Act. 19, 12. Vbi specia-
le mandatum, institutio divina vel exemplum?
& tamen beneficium sanitatis impetrabant.
Haec utilitas est. 4. *Infirmi* quaerebant obumbrari
saltem umbra Petri, ut sanarentur. Act. 5, 15.
Vbi speciale mandatum, institutio divina vel
exemplum? & tamen sanati sunt. Haec utilitas
est. 5. *Omnes male habentes in terra Genesareth*, ro-
gabant Christum, ut vel fimbriam vestimenti
ejus tangerent. Matth. 14, 36. Vbi speciale man-
datum, institutio divina, vel exemplum, quod
habebant in scriptura? & tamen, quicumque
tetigerunt, salvi facti sunt. Haec utilitas est. Si-
milia, quae in scripturis sunt obvia, ostendunt u-
tilitatem in actionibus morum licitis, quae fiunt
intuitu religionis; licet nec speciale mandatum,
nec institutio divina, nec exemplum praeces-
serit.

184

7. Credendum est, *ordinationes morum ab Ec-
clesia catholica constitutas, esse etiam praeceptas ex in-
stitutione divina.* Nam 1. jubetur: *Omnia honeste
& secundum ordinem fiant in vobis.* 1. Cor. 14, 40.
Quod cum generaliter praeceptum sit, (sunt
enim verba imperativa & directa) etiam con-
cernit omnes particulares ordinationes morum
vel pro honestate, vel pro debito ordine servi-
tij divini. 2. *Omnia ad aedificationem fiant.* 1. Cor.

14.

14. 26. Vbi comprehendi particulares morum ordinationes, per se patet. 3. *Bucannus* docet de Constitutionibus ecclesiasticis Loc. 43. §. 19. coenam Domini a jejunis percipi; in genibus nudoque capite orare; sacramenta non sordide, sed cum aliqua dignitate administrare; in sepeliendis mortuis, 185 nuptiisque benedicendis, servare honestatem; dies, horas, loca certa, ad hymnos, preces, conciones, & alia adhibere, esse constitutiones quoad genus, id est, decorum illud nobis praeceptum, divinas, & illud probat ex textu scripturae, quem priore loco adduximus; *Meisnerus* autem idem probat ex textu scripturae, quem posteriore loco allegavimus, *Philos. sobr. Part. 2. pag. 15. Calvinus* priore textu utitur, & idem probat * lib. 4. Instit. cap. 10. §. 27. & 30. & in 1. Cor. 14, 40. Addantur *Zanchius* tom. 4. de Lege Dei tit. de Tradit. th. 3. col. 202. *G. Calixtus* Epit. theol. in proleg. * pag. 42. & Conf. helvet. poster. art. 18. 41. Hinc dicimus, divinam esse honestatem, quam Ecclesia catholica servat, in sacramentorum administratione, in officio divino, in S. missae sacrificio, aliisque ad honestatem facientibus, & ordinem Ecclesiae esse divinum de annua confessione & communione, de festis, de jejniis &c. 186

8. *Vt operatio moralis dicatur ex fide catholica licita*, non est necesse, ut judicium speculativum, talem operationem praecedens, sit absolute

Lib. 4. Instit.] Vel cap. 8. §. 34.

Pag. 42] Pag. 27, edit. A. 1661.

lute vel ex fide catholica certum & indubitatum, sed sufficit certitudo moralis & probabilis. Nam omnem actum voluntatis honestum praecedere debet duplex iudicium; unum *speculativum*, quo res iudicatur vera, v.g. si agitur de contractu ineundo, debeo iudicare, eum contractum esse iustum; & hoc iudicium remote solum dirigit operationem: alterum *immediate practicum*, quo iudico, me in his circumstantiis posse honeste inire talem contractum. Sufficit, prius iudicium esse probabile, etsi adsit probabilitas in contrarium. Secundum autem debet esse moraliter 187 certum seu evidens: si enim dubito, pecco. Sed dubitatio nulla est, quin liceat inire contractum probabiliter certum: nec enim, an sit iustus a parte rei, semper sciri potest.

Secus est in rebus fidei, in quibus non sufficit motivum vel iudicium praecedens probabile tantum, ut voluntas subiciat intellectum in obsequium fidei; quia nihil est fide divina credendum, de quo non absolute constet, esse revelatum a Deo; de actionibus moralibus autem per totam ecclesiam approbatis, recte S. Augustinus epist. 118. *Si quid tota per orbem frequentes Ecclesia, hoc, quin ita faciendum sit, disputare, insolentissimae insaniae est.* Et quare tam acriter perstringit eos, qui actiones morales, per totam ecclesiam approbatas, in dubium vocant? Nonne quia sufficit ad licitam operationem moralem iudicium speculativum 188 praecedens esse probabile? Profecto turpissimae insaniae

niae est, actiones totius ecclesiae in dubium vocare, quae motivo probabili defendi possunt. An vero omnes Catholicos tam stultos habent, ut aliquid ubique observent, quod non nitatur motivo probabili?

9. Ex dictis sequitur, quod *praxis moralis Ecclesiae catholicae de fide licita & utilis, non definiat, iudicium speculativum* (quod ea praxis supponit) esse ex fide catholica certum. v. g. Pro invocatione Sanctorum affert S. Augustinus hoc iudicium speculativum, *martyres opitulari invocantibus*. Et post alia dicit, posse fieri, *ut ii generaliter orant pro indigentia supplicantium, sicut nos oramus pro mortuis: quibus utique non praesentamur, nec ubi sint, vel quid agant, scimus*. lib de Cura pro mort. c. 16. tom. 4. 189 2. Alii volunt, *sufficere, quod Deus sciat, nos implorare intercessionem Sanctorum*, quia finalis intentio supplicantium est, opem a Deo obtinere. 3. Alii dicunt, *Sanctos cognoscere preces supplicantium ex divina revelatione*; nec fundamento carent: quia perfectiora dona largitur Deus Sanctis in caelo, quam in terra. Quod & ponderat S. Augustinus lib. 22. de Civit. Dei cap. 29. scribens: *Scimus autem, Sanctis, in terra existentibus, multa absentia esse revelata*. Alii putant, *Deum sibi non reservasse omnem cognitionem cordium*: patet enim, quod per verba, uti per scripturam, possimus cogitationes nostras aliis aperire; angelos etiam posse aperire suas cogitationes aliis angelis, non est dubium. Et cur angeli, sanctique illis aequales, etiam remoti ab invicem, non possent 190 sibi mutuo aperire

perire cogitationes suas? Oculus noster videt
 stellas altissimas: Et cur angeli, sanctique non
 cognoscerent preces nostras, quas ad ipsos diri-
 gimus? *Nec propterea erunt omniscii*: quia non
 cognoscunt cogitationes, quae ad ipsos non di-
 riguntur; Deus autem, ex natura sua & neces-
 sario omnes omnino cognoscit. *Hanc cogitatio-
 nem Deo propriam, angelis sanctisque tribuere, im-
 pium foret; illam non esse negandam*, valde pro-
 babile est: sunt enim operationes sanctorum &
 angelorum independentes a phantasia. Et, si
 nos habemus modum, per literas aperiendi co-
 gitationes nostras absentibus, longeque distan-
 tibus, quae ratio suadet, omnem communica-
 tionem a distantibus sanctis remove? Si ve-
 ro distantes, cogitationes nostras cognoscunt,
 nihil impedit, quo minus cognoscant preces ad
 se directas.

191

Quibus positis, nonne illi temerarii sunt,
 sibi que supra modum fidentes, qui in adductis
 judiciis speculativis, pro invocatione sancto-
 rum facientibus, nullam agnoscunt probabili-
 tatem, ut ipsam sanctorum invocationem con-
 demnent? Diximus, *sufficere iudicium speculati-
 vum probabile, ut actio moralis sit licita*: nunc au-
 tem addimus, *praxin non esse definitivam iudicii
 speculativi, tanquam absolute ac de fide certi*; atque
 ideo non licet arguere ex praxi universalis Ec-
 clesiae de invocatione sanctorum, esse articu-
 lum fidei catholicae, quod sancti sciant preces no-
 stras. De hac scientia sanctorum non constat no-
 bis ex decreto alicujus Concilii generalis: con-
 stat

stat tamen (licet non ita certo, ut sufficiat ad articulum fidei catholicae) ex sensu communi fidelium.

192

Longe gravius errant aliqui ex dissidentibus, volentes, praxin quorundam Catholicorum in recitando officio, & celebrando festo de immaculata conceptione B. virginis, esse * definitionem immaculatae conceptionis: nam inprimis illa praxis non est universalis Ecclesiae, multo minus est definitiva immaculatae conceptionis; licet supponat iudicium speculativum probabile de immaculata conceptione, ut praxis sit licita.

10. *Decreta morum, ab Ecclesia universali constituta*, mutatis circumstantiis, *mutari possunt*, uti etiam, iudicio speculativo probabili magis discussio. Mutatis circumstantiis mutari posse decreta morum, nullus dubitat; v.g. Ecclesia antiqua dedit *communione sub utraque specie*; nunc datur sub una: Ecclesia apostolica prohibuit *suffocatum*; postea fuit ab Ecclesia permissum. Motivum prohibitionis apostolicae dependebat a circumstantiis; 193 quibus mutatis, tolli potuit prohibitio. Nunc Ecclesia prohibet *communione sub utraque specie*, idque convenienter, ut ostendat, * *non esse praeceptum Christi, populo datum, de sumenda eucharistia sub utraque specie*. Cessante hac causa, aliisque ad prohibitionem impellentibus, potest tolli prohibitio, sicut o-

H

lim

Definitionem immaculatae conceptionis] *Vide pag. 11.*

Non esse praeceptum Christi, populo datum] *Vide pag. 112.*

lim nulla fuit prohibitio. Interim est fidei catholicae, talia decreta esse iusta & aequa: & haec veritas est immutabilis, licet ipsa decreta sint mutabilia.

Eodem modo, quando decretum Ecclesiae supponit iudicium speculativum probabile tantum, potest Ecclesia, re magis discussa, diversam a priore probabilitatem amplecti, & decretum mutare. Ita Vazquez, cum docuisset & probasset part. 3. disp. 227. cap. 3. sacrificium missae suapte natura & institutione divina seu Christi, pro non baptizatis offerri non posse, nec unquam potuisse, 194 sive illi catechumeni sint, sive omnino infideles, pagani, aut judaei, tametsi publicae orationes pro iis fieri possint, prout ecclesia permiserit, objecissetque sibi, aliquando id factum in ecclesia, seu sacrificium pro ipsis catechumenis offerri consuevisse, & probasset ex libro, qui dicitur Ordo Romanus, post primam ad objectionem responsionem, addit: Caeterum respondere quis potest, quod attinet ad essentiam & substantiam sacramentorum, ecclesiam semper eam doctrinam dictis & factis probasse, quae certa & indubitata est; at vero, quod attinet ad accidentalia, non omnino indubitata, sed probabilem opinionem aliquando in praxi secutam, aliquid fecisse, tametsi non tanquam certum dogma fidei declaraverit; & hac de causa 195 tunc, ex praescripto romani Pontificis, missam pro catechumenis obtulisse, nunc eam non offerre, cum neque publica oratio pro illis permanserit, nisi in die parasceves, quando nullum in ecclesia sacrificium offertur. Et paulo post: Quid igitur mirum, si antiquitus eccle-

ecclesia, secuta probabilem opinionem de oblatione huius sacrificii pro catechumenis, pro illis missam celebraverit, nunc autem nullam offerat? Quod dicit Vazquez, factum ex decreto Pontificis, fundato in opinione probabili, similiter fieri potest in decretis morum universalis ecclesiae, & praxi universalis ecclesiae. Sequitur Bellarminus lib.2. de Concil. cap.17. Decreta Conciliorum non indigent approbatione populi, cum ab eo non accipiant auctoritatem. Decreta vero de moribus, si non recipiantur, & Pontifex conniveat, 196 tandem consuetudine abrogantur, quia decreta morum mutabilia sunt; & cum Pontifex videt, ea longo tempore non servari, & tacet, censetur ipse abrogare. At decreta de fide immutabilia sunt, nec possunt ullo modo abrogari, postquam semel statuta sunt.

§.9.

*Quinam articuli credendorum omnibus
& singulis sint necessarii.*

1. *Ex sola * scriptura sufficienter haberi nequit, quinam sint articuli omnibus & singulis necessarii. Probatur: 1. quia adversarii nostri legerunt scripturam diligenter; & tamen haecenus non invenerunt catalogum articulorum necessario- rum, qui sufficienter ex sola scriptura, sub illa qualitate probentur. 2. quia in statuendis articulis necessariis nec Lutherani cum Luthera- nis, 197 nec Reformati cum Reforma- tis conveniunt. 3. quia nullum concilium, nullus*

H 2

do.

Ex sola scriptura] Vide Gerh. C.C. 14.

doctor catholicus unquam dixit, ex sola scriptura sufficienter probari, quinam sint articuli necessarii.

2. *Citra traditionem verbi Dei non scripti, & testimonium ecclesiae, sciri nequit, quinam sint articuli necessarii.* Probatur: 1. Sine traditione & testimonio ecclesiae, non potest sufficienter sciri, scripturam esse divinam: & tamen hoc ipsum, juxta dissidentes, ante omnia sciendum est, scripturam esse divinam. 2. Sine traditione & testimonio ecclesiae nullus probare potest, quinam articuli sint necessarii. Ergo nec sciri aliter possunt. 3. Sine traditione & testimonio ecclesiae, nullus cognoscere potest verum sensum articulorum necessariorum. Ergo non possunt sciri, sicut oportet. 198 4. Sine traditione & testimonio ecclesiae, etsi articuli necessarii essent satis perspicui in S. scriptura, nullus conservare potest verum sensum articulorum necessariorum, maxime si opponantur alia scripturae loca, quibus manifesta testimonia impugnantur. Dicit scriptura de Christo 1. Joh. 5, 20. *Hic est verus Deus.* Dicit Christus Matth. 26, 26. *Hoc est corpus meum:* utrumque perspicue satis; & tamen inveniuntur, qui perspicuitatem sensus ordinarii impugnant, & veritatem oppositionibus obscurant.

3. Ex fide catholica certum est, *omnibus & singulis fidelibus proponi in ecclesia catholica, quidquid est necessarium ad salutem.* * Mæratius Tract. de fide &c. disp. 26. sect. 1. n. 4. Patet ex praxi uni-

Mæratius] *In Dissp. in Summam D. Thomae.*

universalis ecclesiae : nec enim aliunde constare potest. *Ecclesia proponit simplicibus catechismos ordinarios, & semper tenuit,* 199 iis comprehendi omnem doctrinam ad salutem necessariam ; licet, pro varietate locorum, isti catechismi plus, minusve contineant.

Est quidem solius Dei, praecipere *actus internos* : sed cum Deus in genere praecipit actum fidei, non determinata tota materia, circa quam actus fidei ex praecepto debet versari, pendet ejus determinatio ab ecclesia. Ita, stante mandato Dei, de credenda explicite doctrina evangelica, determinata est ab Apostolis materia credendorum ad symbolum. Ita ecclesia catholica praeceptum de sumenda S. eucharistia determinavit ad sumtionem, semel in anno faciendam. Cum igitur DD. Protestantes doceant, ecclesiae unitatem non esse deferendam propter errorem in articulis, qui non sunt omnibus & singulis necessarii : necesse habent determinare, 200 *quinam sint articuli necessarii, propter quos desciverint a communione ecclesiae catholicae, & probare debent tum necessitatem dictorum articulorum, tum errorem Catholicorum.* Quandoquidem etiam docent, errorem in articulis non necessariis, non praedjudicare saluti : quomodo scient, *quinam errores non praedjudicent saluti*, nisi determinate cognoscant, quinam sint articuli necessarii?

4. Communis sententia Doctorum catholicorum est, *articulos omnibus & singulis necessarios ex praecepto divino, comprehendi * symbolo apo-*

stolico quoad fidem, & quoad mores, spe divina roborandos, praecepto orationis, & eisdem charitate divina illustrandos, praeceptis decalogi, de-
 mum fide eorum sacramentorum, quibus unusquisque juxta conditionem suam debet uti. Habet hæc sententia non exiguum fundamentum in ordinariis catechismis Ecclesiae catholicae, in quibus nihil praedictorum omitti solet. In reliquis omnibus ignorantia non praejudicat saluti.

201

Symbolo apostolico] *Vide G. Calixti Resp. ad Moguntinos num. 35. Digr. de Arte nova 324. (id quod repetitur in Symbolis & Confess. veter. ecclesiae, subjunctis Refutationi Welleri) Resp. ad ser. Ernestum, L.H. item in Verantwort. Pp. 3. & in Append. A.*

5. Protestantes non conveniunt cum Catholicis * in fide symboli apostolici. Probatur: 1. Catholici credentes Ecclesiam, intelligunt unam illam ecclesiam, quae communissime dicitur catholica, quamque A catholici dicunt pontificiam. An idem credunt adversarii? 2. Catholici credentes sanctam ecclesiam, intelligunt, eam regi Spiritu sancto, & eam duci in omnem veritatem, & nunquam errare in doctrina fidei. Quid simile credunt adversarii? 3. Catholici credentes eccle-

In fide symboli apostolici] *Vide annot. ad pag. 200. Rechenbergii Append. ad Lib. symbol. eccl. luther. pag. 48. 56. ipsum Symbolum hoc, cum allegatione dictorum scripturae, quod subjungitur Bibliis german. glossatis, & Noribergae sapius editis, & G. Calixt. in locis antea allegatis.*

ecclesiam catholicam, intelligunt, eam juxta promissiones divinas in praedicatione evangelii, in administratione sacramentorum, in professione fidei semper perseveraturam. Nonne vacillant hic dissidentes? 202 4. Adversarii nostri in articulo de remissione peccatorum, credunt sub ratione articuli fidei, *sibi remissa esse peccata*: Catholici docent, citra specialem Dei revelationem id credi non posse. 5. Si idem articulus magis discutatur, credunt dissidentes, *proprie non remitti peccata*, sed tantum *non imputari & tegit*: Catholici contrarium tuentur. Ecce quanta diversitas in duobus articulis symboli apostolici? Quid futurum, si omnes reliqui examinarentur?

Quanta diversitas] Vide tamen Conf. & Inst. nostras.

§. 10.

Quot sint praecepta fidei.

1. Datur praeceptum interius credendi. Probat: *Hoc est mandatum ejus, ut credamus in nomine filii ejus, Jesu Christi.* 1. Joh. 3, 23.

2. Datur praeceptum interius non subtrahendi assensum veritati revelatae. 203 Probatur: *Iustus autem meus ex fide vivit: quod si subtraxerit se, non placebit animae meae.* Hebr. 10, 38. item: *Qui non crediderit, condemnabitur.* Marc. 16, 16. item: *Qui non credit, jam judicatus est; quia non credidit in nomine unigeniti Filii Dei.* Joh. 3, 18. item: *Qui incredulus est Filio, non videbit vitam, sed ira Dei manet super eum.* ibid, v. 36. Dicit

Christus, fore, ut Spiritus sanctus arguat mundum de peccato: *quia non credunt in me.* Joh. 16. 9. item: *Quomodo nos effugiemus, si tantam neglexerimus salutem?* Hebr. 2. 3.

3. Datur praeceptum non negandi exterius fidem. Probatur: *Qui negaverit me coram hominibus, negabo & ego eum coram Patre meo, qui in caelis est.* Matth. 10. 33. item: *Si negaverimus, & ipse negabit nos.* 2. Tim. 2. 12. Vide Marc. 8. 38. Luc. 9. 26. & 12. 8.

204

4. Datur praeceptum aliquando exterius confitendi fidem. Probatur: *Corde enim creditur ad justitiam, ore autem confessio fit ad salutem.* Rom. 10. 10. item: *Sicut scriptum est: credidi, propter quod locutus sum; & nos credimus, propter quod & loquimur.* 2. Cor. 4. 13.

Considerent haec ex DD. Protestantibus ii, qui observantiam mandatorum Dei, etiam reginitis* impossibilem esse docent. Si enim, ut jam ostensum fuit, datur mandatum divinum, ut credamus in nomine Filii Dei, sicut datur mandatum divinum orandi Deum: ergo impossibile est iis, qui observantiam mandatorum Dei esse impossibilem ajunt, vere & sine peccato credere, sine peccato Deum orare.

205

Neque dicant, tantum mandata decalogi esse fidelibus impossibilia; unde enim illa differentia? Si ex scriptura, quo loco? Sed & primum mandatum decalogi

Impossibilem esse.] Vide Carpzovii *Isag. in libb. symbol.* 273. 293. 1022. I. Fabricii *Syst. theol.* pag. 361. *Amoenit. nostr. theol.* pag. 513. & Guil. Forbes. p. 139.

calogi continet mandatum credendi Deum. Si hoc non impossibile, cur reliqua? vel si primum mandatum decalogi, quod comprehendit præceptum de credendo Deo, non est possibile cum reliquis, unde præcepta divina de orando & credendo dicuntur possibilia? Vertant se, in quamcunque voluerint partem, semper manebit, aut falsam esse doctrinam de impossibilitate servandi mandata Dei, aut eos, qui hoc statuunt, non esse vere fideles, quia mandato divino, ut credant in nomine unigeniti Filii Dei, non possunt obedire, adeoque nec obediunt.

Pag. 206.

§. II.

De assensu catholico & resolutione fidei.

Ut aliquis fide divina assentiatur verbo Dei, requiritur 1. ut sit aliquod verbum Dei, sive ut objectum; quod creditur, sit a Deo revelatum: Cum accipistis a nobis verbum auditus Dei, accepistis illud, non ut verbum hominum, sed, sicut vere est, verbum Dei, qui operatur in vobis, qui credidistis, 1. Thess. 2, 13.

Requiritur 2. ut illud subiectum sufficienter nobis proponatur: sicut legitur Exod. 14, 31. Timuitq, populus Dominum, & crediderunt Domino & Moyse, servo ejus. Crediderunt Domino revelanti, & Moyse, hoc est, per Moysen; ita enim legitur de Johanne baptista: Ut omnes crederent per

H s

illam

illum. Joh. 1, 7. Et Christus docet Joh. 17, 20. *Non pro eis autem rogo tantum, sed & pro eis, qui credituri sunt per verbum eorum in me.* 207 it. Luc. 1. 70. *Sicut locutus est per os sanctorum, qui a seculo sunt, Prophetarum ejus.* & Hebr. 1, 1. *Olim Deus loquens patribus in Prophetis, hoc est, per Prophetas.* Necessitatem externi ministerii designat apostolus Rom. 10, 14. *Quomodo credent ei, quem non audierunt? quomodo autem audient sine praedicante? Et quare?* 1. Cor. 1. 21. *Placuit Deo per stultitiam praedicationis salvos facere credentes.* Videtur enim stultitia, illa credere, quae humanam sapientiam excedunt, & sola auctoritate nituntur: sed hoc placuit Deo, 1. Corinth. 1. 29. *ut non gloriatur omnis caro in conspectu ejus.* Placuit Deo, ut per homines doceremur: *Labia enim sacerdotis custodient sapientiam; & legem requirent in ore ejus.* Malach. 2, 7. Ideo etiam in aliis remittebantur *Israëlitae* ad sacerdotes. Deut. 17, 9. 208 *Primi fideles*, exorta quaestione de legalibus, non habuerunt recursum ad spiritum internum, licet tunc primitiae Spiritus sancti, abundantiore cursu ad multos pervenirent; nec ad solam scripturam, sed ad ministerium ordinarium, ad illos, qui a Deo constituti erant rectores & pastores ecclesiae. Atque hinc Concilium apostolicum propositam quaestionem definivit: *Visum est Spiritui sancto, & nobis, Act. 15. 28.* hoc est, visum est Spiritui sancto per nos docenti. Neque dicendum putaverunt: *Visum est Spiritui sancto, & scripturae; aut visum est Spiritui sancto, huic, aut illi revelanti: sed visum*

sum est Spiritui sancto & nobis in ministerio publico constitutis.

Requiritur 3. *ut veritas, quae proponitur credenda, sit evidenter credibilis.* Nobis autem fit talis, 209 si consideremus notas verae ecclesiae, promissionesque ecclesiae divinitus factas, divinitus praestitas : *Praedicaverunt ubique, Domino cooperante, & sermonem confirmante sequentibus signis.* Marc. 16, 20. *Si opera non fecissem in eis, quae nemo alius fecit, peccatum non haberent.*

Requiritur 4. *gratia interna Spiritus sancti, sine qua nemo potest credere, sicut oportet.* Concil. trid. sess. 6, cap. 5. & 6. & can. 9. *Probat-
tur: Hoc est opus Dei, ut credatis in eum.* Joh. 6, 29. *Vobis donatum est pro Christo, non solum ut in eum credatis &c.* Philipp. 1, 29. *Sine me nihil potestis facere.* Joh. 15, 5. *Nemo potest venire ad me, nisi Pater, qui misit me, traxerit eum.* Joh. 6, 44. *Cujus Dominus aperuit cor intendere his, quae dicebantur a Paulo.* Act. 16, 14. *Neque, qui plantat, est aliquid, neq;
qui rigat: sed, qui incrementum dat, Deus.* 1. Cor. 3, 7. 210 *Da mihi intellectum, & scrutabor legem tuam.* Psal. 118. 34. *Beatus, quem tu erudieris, Domine, & de lege tua docueris eum.* Ps. 93. 12.

*His positis, difficile non est determinare, in quid ultimate resolvatur fides. Interrogatus, quomodo pervenerit ad fidem? respondebit: Per docentem Ecclesiam. Iterum interrogatus, quomodo sciverit, Ecclesiam catholicam esse audien-
dam? respondebit: Ex signis seu notis verae Ecclesiae. Postea interrogatus, quid crediderit? respondebit: Verbum Dei ab Ecclesia pro-
posi-*

positum. Tandem interrogatus: *cui crediderit?* respondebit: Deo revelanti. Itaque ex parte objecti, veritas Dei revelantis est ratio formalis, in quam ultimate resolvitur fides. Atque ita dicit Conf. helvet. poster. artic. 19* pag. 64. *Fides solo Dei verbo innititur.* Et mala fide tribuit Catholicis Petrus Martyr, 211 quod *velint inniti fidem Patribus & Conciliis.* Loc. comm. class. 1. c. 10. n. 2. Testimonium enim ecclesiae proponit, & manifesta credibilitate docet objectum formale fidei. *Ratiorei creditae*, est revelatio divina; *ratio cognitionis nostrae proxime movens*, propositio ecclesiae. Illa prior est natura, haec prior quoad nos: illa posterior quoad nos, haec posterior natura. Verum si quaeratur de *causa*, quae generat fidem in mentibus nostris, nullum est dubium, quin interna Spiritus sancti gratia sit effectiva fidei. Atque ita neque ecclesia, quae plantat, est aliquid, neque rationes moventes, quibus animus irrigatur, ut assensum praebeat ecclesiae, sunt aliquid; sed qui incrementum dat Deus, cujus opus & donum est, ut credamus. 212 Nonnulli ex adversariis nostris, non satis distinguentes *rationem formalem objectivam & effectivam fidei*, in graves errores sunt lapsi, ut mox patebit, & videre licet ex disputat. Calixti de Principio theologico in Epit. theol.* pag. 323. & iudicio Neufeldii cap. 6. n. 10.

Pag 64.] Pag. 43. *Syntagm. confess.*

Pag. 323.] Pag. 200. *editionis A. 1661.*

§. 12.

De iis, quae requiruntur ad probandam articulum fidei.

Hic sedulo distinguendum est inter ea, quae requiruntur *ad assensum fidei*, de quibus egimus §. 11. p. 206. & ea, quae requiruntur *ad probationem fidei*. Licet enim requiratur gratia Spiritus sancti, ut v. g. infidelis assentiatur fidei; non tamen *requiritur in fideli gratia Spiritus sancti, ut infideli sufficienter proponatur & probetur veritas fidei*. Immo, qui probaturus est fidem, nihil roboris addit suo argumento, si allegat, se habere Spiritum sanctum, nisi illud ipsum aliunde probaverit.

213

Ut probetur fides, requiritur 1. verbum Dei. *Quomodo credent ei, quem non audierunt? Rom. 10, 14.* Et hoc apud omnes in confesso est. 2. ut sit, qui proponat verbum Dei: *Quomodo autem audient sine predicante? ibid.* Et de hoc etiam, quod sciamus, nulla lis est, nisi forte cum Enthusiastis, contra quos hic non agimus. 3. ut de fidelitate proponentis verbum Dei sufficienter constet. *Si enim auctoritas proponentis vacillet, non poterit nobis sufficienter constare de verbo Dei, quod proponitur.* Hinc nos dicimus, illa tria requiri, eademque sufficere.

Itaque probaturi fidem catholicam, ante omnia docemus, esse *Ecclesiam proponentem verbum Dei, & ostendimus ejus fidelitatem auctoritatem-*
que

que in proponendo. 214 Hoc sufficienter praestito, nullum est dubium, quin illud sit verbum Dei, quod ab ecclesia proponitur: nec quicquam superest, quod possit requiri, ad probandam fidem.

Dissentientes probaturi fidem, quid adducunt? *Verbum Dei*, inquit, *sacris literis comprehensum*. At, si controversia oriatur v.g. de epistola ad Hebraeos, quomodo probabunt, eam epistolam esse verbum Dei? Si putent, *intrinsicam Spiritus sancti persuasionem* venire in probationem scripturae, quomodo Reformati persuadebunt Lutheranis, se, Spiritu sancto suggerente, epistolam ad Hebraeos habere canonicam? Vtcrius, quomodo probabunt DD. Protestantes, *infantes fidelium sine baptismo salvari*? Adducunt scripturam, eamque dicent ab Apostolis propositam. At contra: Testimonia scripturae, quae in hanc materia 215 producant, non sunt expressa. Respondebunt: Id evidenter sequi ex scriptura. Contra: 1. Vnde probatis, illud esse verbum Dei, quod evidenter sequitur ex scriptura? 2. Quae ecclesia proposuit hunc fundamentalem articulum: *illud esse verbum Dei, quod evidenter sequitur ex scriptura*? Si hoc scriptura non dicit, si nulla ecclesia proponit, cur id docent? Cur ubique ingeminant? 3. Tantum abest, ut sententiam suam de salvandis sine baptismo fidelium infantibus, per evidentem consequentiam ex scriptura probent, ut ne quidem habeant certam.

tam. Dicant enim: Quibus erit ea consequentia evidens? an forte regeneratis? Jam illud assumunt, quod probandum erat, se scilicet esse regenitos. Ex quibus patet, apud disidentes nullam esse certam probationem fidei, nisi cum Catholicis admittant propositionem ecclesiae nunquam errantis, & ex directione Spiritus sancti verbum Dei fideliter proponentis.

Pag. 216.

§. 13.

De Fide implicita.

1. *Explicitè credere*, est credere aliquid in se ipsum, ita ut illud sit proximum objectum, in quod cadit assensus fidei. * *Implicitè credere*, est credere in alio tantum: quia, quod sic creditur, revera non expresse cognoscitur, neque intellectus format proprium & distinctum conceptum propositionis, quae implicitè tantum credi dicitur, sed alterius, in qua ille continetur.

2. Fi-

Implicitè credere] Vide J. Gerhard. L. de Just. nom. 114. Hülfemann. Dial. pag. 86. G. Caut. Refutat. Welleri Ty 4. & Resp. contra Mongunt. n. 119. F. V. Calixt. contra Huld. Gottfr. Harmoniam 375. Balbh. Cellar. de Princip. & conclus. theol. §. 48. Dürrii Distinct. philos. theol. log. pag. 177.

2. *Fidem implicitam & virtualesse*, quando creditur principium aliquod, simul cum conclusione, quae inde deduci potest, adeo certum est, ut nullus possit contradicere. 217 *Explicite*

v. gr. credimus, Christum esse verum hominem: nonne simul *implicite & virtualiter* credimus, Christum esse risibilem? Qui credit, Christum esse verum hominem, immediate attingit essentiam hominis, & essentia hominis est proximum objectum ejus assensus: risibilitas autem immediate non attingitur; sed quia sub ratione proprietatis logicae immediate fluit ab essentia, dicitur implicite credi & attingi cum essentia explicite credita, tanquam conclusio in suo principio, unde & probari potest. Atque hac ratione *fides implicita est in intellectu*.

3. *Si quis credit uni articulo per ecclesiam proposito, ob veritatem Dei revelantis, necessario paratus est assentiri reliquis articulis, a Deo per ecclesiam propositis.* Si enim quis credit ob veritatem Dei revelantis, haec ratio formalis 218 assensus extenditur ad omnia, quae Deus revelavit, & in omnibus est eadem, licet objecta materialia sint diversa. Unde non potest aliquis fidelis judicare, dictam rationem formalem nunc sequendam esse, nunc repudiandam: sed si in uno articulo eam sequatur, necessario judicat, in omnibus sequendam esse; atque ita paratus est credere, quidquid Deus per ecclesiam docet esse revelatum. Nam si quis unum credat, & alterum neget, cum utrumque sit a Deo

Deo revelatum, talis est *proprio iudicio condemnatus*. Et quomodo? quia credens unum, eo ipso approbat rationem formalem credendi circa omnia objecta materialia fidei. Quocirca si negat unum materiale fidei, cum in eo ipso inveniatur ratio formalis credendi, condemnatur priore iudicio, quo uni veritati revelatae assensum praebens, rationem formalem credendi circa omnia revelata probavit, & eam probando, contradictorium dissensum condemnavit.

219

4. Tandem dicimus, *aliquem implicite credere per relationem ad alios explicite credentes, ecclesiam scilicet*. Ita qui credit, quod ecclesia credit, paratus est omnia amplecti, quae Deus per ecclesiam proposuit credenda. Et quia fide divina credit, ecclesiam regi a Spiritu sancto, necessario paratus esse debet in nullo dissentire ab ecclesia. Immo si exacte agendum est, *catholicus credens, ecclesiam omnes veritates fidei fideliter proponere, eo ipso formaliter credit & amplectitur omnes & singulas particulares veritates fidei, ab ecclesia propositas*. Neque est necesse, ut explicitam notitiam habeat omnium particularium veritatum fidei, ut vere & formaliter dicatur singulas credere. Sicut formaliter de omnibus & singulis hominibus dicit, *est animal*, qui dicit, *omnis homo est animal*: licet longe maximam hominum partem non noverit.

220

Dices: Si credere, quod ecclesia credit, satis est, *ignarus etiam, quid ecclesia credat, aliena fide salvari poterit*. At hoc absurdum est, & contra

I

scri-


scripturam, dicentem: *Iustus in fide sua vivet.* Habac. 2, 4. Respond. Nullus catholicus docet, satis esse, si quis credat, quod ecclesia credit, nihil ipse explicite credens. Docent enim omnes Catholici, *multorum articulorum explicitam fidem omnibus & singulis esse necessariam*, ideoque simplices, quoad ea, quae singulis necessaria non sunt, credere, quod ecclesia credit, hoc est, paratos esse, in omnibus & singulis ecclesiae acquiescere. Caeterum, cum nec ipsi dissidentes exigant a singulis explicitam fidem omnium & singulorum, quae Deus relevavit, credimus, eos hic non habere, quod Catholicis objiciant.

Conclusio DD. de Walen- burch.

*Proposuimus Principium catholicum, & ostendimus, planam esse veritatis viam, separantes nonnulla scholastica a catholicis, certa a minus certis, tum ut errantes facilius reducantur, tum ut contradicentes facilius convincantur. Si autem, dum examinavimus Principium catholicum, jejunos lector dimissus vidatur, meminere illius S. Ambrosii in cap. 9. Lucae *tom. 3. col. 118. Non in principiis perfecta quaeruntur, sed de principiis ad ea, quae perfecta sunt, pervenitur.*


Tom. 3.] Tom. 4. p. 680, edit. erasmiana.

F I N I S.



Veritatem & pacem diligite. Zach. 8, 19. Si quis autem videtur contentiosus esse, nos talem consuetudinem non habemus, neque ecclesia Dei. I. Cor. II, 16.





INDEX

MATERIARUM,

In hoc Libello & ejus Appendice
contentarum.

IN LIBELLO.

R egula fidei generalis.	14
De Meritis gratiae & gloriae.	24
De Justificatione.	27
De Satisfactione.	31
De Indulgentiis.	34
De Purgatorio & suffragiis pro defunctis.	37
De Legum ecclesiasticarum obliga- tione in conscientia.	40
De Invocatione sanctorum.	47
De Imaginibus.	64
De Reliquiis sanctorum, & earum veneratione.	67
De Cultu & honore sanctorum.	70
De Christi praesentia in eucharistia.	75
De Transubstantiatione.	84
De Adoratione eucharistiae.	95
De Sacrificio missae.	100
De Communionem sub una vel utraque specie.	112
De Papa ejusque primatu & auctorit.	128
De Judice controversiarum.	135

IN

IN APPENDICE.

De Verbo Dei.	143
De Verbo Dei scripto.	145
De Consequentiis ex scriptura deductis.	156
De Verbo Dei non scripto.	158
De Ecclesia, quae proponit ver- bum Dei.	165
Fideles ante & post concilium triden- tinum habuisse eandem fidem.	170
De Propositione ecclesiae.	175
De Articulis morum ab ecclesia catholica propositis.	177
Quinam articuli credendorum omni- bus & singulis sint necessarii.	196
Quot sint praecepta fidei.	202
De Assensu catholico, & resolutione fidei.	206
De iis, quae requiruntur ad pro- bandum articulum fidei.	212
De Fide implicita.	216
<hr/>	
De Immaculata conceptione B. Mariae.	II
De Libero arbitrio.	28
De Lctione bibliorum in vulgari idiomate.	44

Partim citatorum, partim laudatorum, partim notatorum.

Glassius. 146.

Index & auctor. & libror.

- Goar.** 121
 Grotius. 52
 Gundling. 121
 Haberkorn. 121
 Hackspanius. 52
 Helvicus. 52
 Herbipolens. theol. 11
 Hülsemann. 216
 Huf. 135
 Jeremias, patriarcha
 CP. *tanus* 121
 Junius *Franciscus*. 52
 Justinus martyr. 135.
 König *Georg*. 118. 119
 Kunckel. 49. 70
 Lutherus. 52. 102
 Lyra. 52
 Maeratus. 198
 Melanchthon. 166
 Meisnerus *Balthaf.* 185
 Menzerus *Balthaf.* 52
 Metrophanes. 121
 Mogilas. 121
 Mulaeus *Joh.* 154
 Neufeld. 211.
 Nihusius. 121
 Olearius *Joh.* 52
 Ordo romanus. 193
 Petrus Martyr. 210
 Piscator *Joh.* 52
 Plettenberg. 131. 139
 Raemundus. 100. 21
 Rechenberg. 20
 Richerius. 14.
 Rintelens theol. 84.
 Sagittarius *Casspar*. 112.
 Sanctius. 52.
 Scheibler. 100.
 Schmidius *Sebast.* 52.
 Smith *Thomas*. 121
 Suarez. 27
 Tertullianus. 156
 Titius *Gerhardus*. 18. 97
 Tornelius. 52
 Tremellius. 52
 Vazquez. 31. 67. 82. 87.
 89. 102. 108. 193.
 Vedelius. 178.
 Veronius *Franc.* 4. 142
 Vermilius. vid. *Petrus*
 Martyr.
 Vincentius lirinens. 173
 Wagenfeil. 131.
 Walenburchii fratres.
 5. 56. 71. 75. 100. 102.
 132. 138. 163.
 Wirtembergens. the-
 ologi. 100. 178
 Wittfeld. 5. 88. 93.
 Zanchius. 185
 Zeidler. 147. 162.
 Zialowski. 121.

AD DENDA.

Ad g. 108. Vazquez disp. 229. cap. 2.] Num. 14.
*1^a habetur in tom. 3. Comment. in 3. Partem
1^a. Thomae.*

Ibid. n. 18. Et pleraque] Fallor? an addendum:
virtutum opera.

Ad pag. 147. Haec & alia quomodo docebunt
sufficienter, non esse observanda, ut sonant?]
*Vide Zeidleri Lutherum defensum p. 433. Qui liber
contra alias etiam objectiones legi meretur, utpote
solide & modeste Protestantium partes defendens.
Idem, ut notum est, praestant etiam Mart. Chemnitii
Loci theol. & Examen concilii trid. nec non Joh.
Gerhardi Loci theol. cum Confess. catholica.*

ERRATA.


Pag. 134. lin. 12. perpetua

p. 160. lin. 7. ex Apostolorum traditione. Augustinum

p. 212. lin. 10. ad probandum

Et

In Elencho vitae Forbesii, col. b. 5, lin. 8. pro pro-
letandae, lege, protelandae.



003649965

16

Digitized by Google

